



6

37-d

50

6

27 B

33

6-37-d-50



























XXXI. 4. 16

AMC

1841. 1. 16

IACOBI SADOLE-  
TI, EPISCOPI CARPENTO-  
RACTI, S. R. E. CARDI-  
NALIS  
EPISTOLARVM LI-  
BRI SEXDECIM.



*Nunc multò quàm antehac vnquàm diligentius  
recogniti, atq; in lucem aditi.*

EIVSDEM AD PAVLVM SADO-  
letum Epistolarum liber vnus.

His insuper adiectus Commentarius Antonij Flo-  
rebelli vitam auctoris eleganter declarans.



COLONIAE AGRIPPINAE  
Excudebat Petrus Horst.

Anno 1575.

*Ex Libris Joannis Perici*

ALEXANDRO FAR-  
NESIO S. R. E. CARDINALI  
PAVLVS SADOLETVS EPI-  
SCOPVS CARPENTO-  
racti, S. P. D.



Vm Sadoleti patrum mei obitus,  
amplissime Farnesi, eum mihi lu-  
ctum ac moerorem attulisset,  
quem paterna eius in me benefi-  
cia, mea<sup>q</sup> perpetua erga eum  
pietas postulabat: nullum dolo-  
ris mei expertus sum melius aptius<sup>q</sup> solatium, quam  
quod extremo illius mādato, & meo vnā officio, conor  
Deo infirmitatem meam adiuuante, satisfacere. Nam  
cū is & saepe alias, & cū iam penē animā exhalaret,  
hanc mihi Carpentora<sup>cten</sup>sem ecclesiam, quā ipse prae-  
sen, quoad ei licitum fuit, summa cura & diligentia  
rexerat, pro sua paterna in eam charitate, diligentissi-  
mē commendasset, me<sup>q</sup> vt ab eius custodia nulla re vn-  
quam auellerer, vehementissimē hortatus esset: nullam  
moram post eius mortem interposui, quin ad parendū  
tam salutaribus praeceptis, & ad obeunda tā sancti &  
praeclari muneris officia, me conferrem: cuius mei consi-  
lij maiorem indies fructū capio. Sed cū officij mei ra-  
tio, & illa, quam sanctissima patrum memoria debeo,  
pietas, hoc praeterea à me postulare videretur, vt illius  
scripta, et lucubrationes, quae penes me essent, ederem:  
ad eas me legendas, & accuratē considerandas (socio  
hac

hac in re, & adiutore vsus Antonio Florebel. (dedi: cū  
 is vt summè gratus, officiosusq; est, vnam ob causam  
 hanc, quò homini de se optimè meritò, cuiq; iure & cha-  
 rissimus, et probatissimus fuit, mecum vna fidem suam  
 officiumq; præsaret, accersitu meo se ad me in Galliam  
 contulisset. Atq; eam quidem eius scriptorum partem,  
 quibus locos ad religionem & sacras literas pertinen-  
 tes tractat: quanquā multa ab eo in hoc genere egregiè  
 ac praeclarè instituta comperimus: tamen edenda mini-  
 mè putauimus. Non quin eadem in illis, quæ in reliquis  
 eius libris, qui eo viuo exierunt, & pietas extet, & sa-  
 crarum rerum scientia: quæ & nos magnopere delecta-  
 rent, & ceteris item iucunda ad legendum fore non du-  
 bitaremus. Sed cum ea quæ aliquot hisce annis insti-  
 tuerat, propter crebras (quod tute scis) summi Pontifi-  
 cis interpellationes, multasq; & magnas in vrbe occu-  
 pationes, absolueret atq; expolire minimè potuerit: sa-  
 tius esse duximus, non quæ nos de illius scriptis probare-  
 mus, sed quæ ipse probaturus fuisset attendere. Cū ve-  
 rò orationes quasdam, & magnum præterea epistola-  
 rum acervum inuenissemus, eas potius edendas esse iudi-  
 cauimus: non omnes quidem, sed eas tantū, quæ accura-  
 tius nobis scriptæ esse videbantur. Atq; orationes qui-  
 dem aliàs. Hoc aut tempore epistolas in decem et septem  
 volumina digestas, emisimus: quas vtinam etiā ipsas pa-  
 truus meus anteq; diē suum obisset corrigere ipse atq;  
 emendare potuisset. Sed etsi non dubito, quin illius cor-  
 rectio, et (vt ita dicā) expolitio multum illis additura  
 fuerit venustatis atq; elegantiæ: nō propterea tamē sum



ab edendo deterritus, cum sperare mihi videat, studio-  
 sis eloquentiæ hominibus earum lectionem, neq; inui-  
 cundam, neq; infructuosam fore. Eas autem idcirco ad  
 te Farnesi amplissime, mittendas putavi, quod mea sin-  
 gularis in te obseruantia, & grata animi voluntatis  
 pro tuis erga me et patrum meum meritis, quæ et mul-  
 ta sanè & insignia fuerunt, & abs te nuper præstanti  
 tua erga me & fratrem meum liberalitate cumulata  
 atq; aucta sunt, signum ac testimonium aliquod exta-  
 re volui: præsertim cum ad eas, quæ in te elucent virtu-  
 tes, hanc quoq; laudem accedere intelligerem: quod tu  
 etsi maximis & grauissimis occupationib. & curis, quas  
 tecum auus tuus Pontifex Maximus, idemq; princeps  
 sapientissimus partitur, nunquam ferè non distringe-  
 ris: quod tamen interdum otij tibi & vacui temporis  
 datur, id in optimarum artium studijs libentissimè con-  
 sumis. Quippe ex quibus præterquam quod maxima  
 cum animi voluptate recrearis, ad magnas res agendas  
 & tractandas vehementius instrueris. Te autem cogno-  
 uisse videor, huius generis scriptorum patrui mei dele-  
 ctari præcipuè esse solitum: quod etiam libentius feci, ut  
 non eas modò epistolas, quæ ad te scriptæ ab eo fuissent,  
 in tuo nomine aderem: sed vniuersas etiam, quæ ad ca-  
 teros, ad te mitterem. Equidem maiora tibi præstare  
 pro tuis in me meritis & cupio, & debeo. Sed tamen  
 quando maioribus officijs non possum, hoc saltem  
 munusculo meum summum erga amplitu-  
 dinem tuam studium declarandum esse  
 existimaui. Vale. Carpent. 1549.



# ANTONII FLOREBELLI DE VITA IACOBI SADOLE

TI S. R. E. PRESBYTERI  
CARDINALIS COM.  
mentarius.

BIBLIOTECA NAZIONALE  
ROMA  
1780. EMANUELE



## IACOBVS SADOLETVS

Mutinae natus est, loco honesto, & vrbe Cisalpinæ Galliaë imprimis nobili. Parens ei Ioannes Sadoletus fuit: homo ea vitæ ac morum integritate, eaq; iuris ciuilis ac Pontificij scientia, vt iudicari haud facile posset, vtrum melior esset, an prudentior. Is cum Ferrariæ, vbi apud Herculem, eius ciuitatis Ducem, autoritate & gratia multum valuit, ius ciuile magnis præmijs, maiore nominis sui celebritate & laude publicè doceret, filium suū ijs disciplinis ac literis, quibus puerilis imbui ætas solet, diligenter instituendum curauit. Erāt tum in ea vrbe omnium liberalium artium magistri ac doctores egregij. In his Nicolaus Leonicens, qui non scientia solū medicæ artis excelluit, sed philosophiam etiā magna cū laude professus est. Eum Iacobus penè etiam puer Aristotelis libros de moribus publicè interpretantem audiit. Tantum enim iam propter admirabilem ingenij vim profecerat, vt quæ tate cæteri laborare in linguis discendis solent, ea Græcas ipse & Latinas literas egregiè callens, nobilissimi omnium philosophi præcepta cognosceret. Hunc tali ingenio præditum, atq; ita institutum, pater amplecti iuris ciuilis studium voluisset (plerunq; enim hoc fit, vt parentes quibus ipsi artibus & studijs dediti fuerint, eisdem liberos suos operam dare cupiant) sed tamen naturæ eum, & studijs suis obsequi passus est. Etc.

nim egregius adolescens maiorum iam & grauiorū ar-  
 tium studio tenebatur: eloquētiæ enim & philosophiæ  
 amore exarserat. Itaq; Ciceronem sibi, & Aristotelem  
 penitus cognoscendos proposuerat: quorum ex altero  
 philosophorum omnium principe, rerum cognitionē,  
 ex altero Latinæ eloquentiæ parente, orationis elegan-  
 tiam & copiam hauriret. Nec verò non poetices etiam  
 studiosus fuit: in qua quidē quantū excellere potuerit,  
 si ei se studio penitus dedere voluisset, cōplura quæ ab  
 eo adolescēte facta sunt poemata declarant: Itaq; illud  
 in primis, quod CVRTIVS inscribitur: ex quo intelli-  
 gi licet, grauē eum, & grandiloquum (vt ita dicam) poe-  
 tam euaturum fuisse. Is cū ætate iam aliquantum pro-  
 cessisset, & ipsam ætatem virtute ac doctrina longē an-  
 teiret, patris voluntate Romam se contulit, Alexādro  
 sexto Pontifice maximo. Amplissimi tum Romanæ ec-  
 clesię ordinis virtute atq; existimatiōe princeps & erat,  
 & omnium iudicio habebatur, Oliuerius Carafa Nea-  
 politanus: ab eo cupidissimè statim in fidē & contuber-  
 nium receptus est: atq; hoc primum prudentiæ specimē  
 ea in vrbe dedit, quòd ad eum se potissimū contulit, nō  
 qui opibus & diuitijs maximè præstaret, (multi enim  
 Romæ tum ditiores opulentioresq; eius ordinis viri e-  
 rant, quorum illi omnium dom⁹ patuissent) sed quī in-  
 tēgritate, quī prudentia, quī religione cæteris antee-  
 leret. In eius castissima domo multos annos ita vixit, vt  
 & ad optimarum artium studia assiduē in cumberet, &  
 cū reliquis omnibus, tū illi grauissimo viro probatiss-  
 mus esset: à quo etiā honesto in vrbe Roma sacerdotio  
 ornatus est. Erat autem in eo iuvene præter excellens in-  
 genium, incredibilis quidam pudor, ac singularis mo-  
 destia: quæ nō modò in eius sermone extabat, sed in vul-  
 tu etiam ipso, & oculis eminebat. Cōmendabat eū præ-  
 terea omnibus ijs, qui illum nossent, grauitas quædam,  
 maior, q̃ quæ ab illa ætate postulanda esset, eximia hu-  
 manitate temperata. Referta tum ea Vrbs erat erudi-  
 tissi-

tissimis, & in omni doctrinæ ac literarum genere præstantissimis hominib. eos ille omnes celeriter amicitia & consuetudine cōprehenderat. ex quo celebre iā eius nomen, & principib. quoq; viris, ijs præsertim, qui eisdem studijs delectabantur, notū erat: quorum breui tēpore omnium gratiam sibi & benevolentiam conciliauit: in primis autē Federico Fregosio Salernitano Pontifici familiaris fuit, viro cū genere ac nobilitate, tū virtute doctrinaq; præstanti: cuius etiam contubernio aliquandiu post Olucrij Carafæ obitum, vnā cum Petro Bembo optimo & doctissimo viro vsus est. Horum inter se amicitia Romæ postea maximè illustis fuit. Etenim iam inde ab eorum adolescentia instituta, per omnes ætatis atque honorum gradus, vsq; ad summam senectutem sanctissimè conseruata est: erat enim virtute, & studiorum similitudine, firmissimis animorū vinculis, iuncta & constituta. Iam quantopere Sadoletus eo tempore virtutis & eloquentiæ gloria floreret, ex eo facile iudicari potest, quod Leo Decimus, acerrimo ingenio, & grauissimo iudicio princeps, simul ac creatus est Pontifex maximus, cum statim, & Petrum Bembo ex omni doctorū hominum copia delegit, quorum in conscribendis epistolis opera & ingenio vteretur: quod apud Romanos Pontifices munus longè honestissimum est. Is autem eo ita munere functus est, vt non ingenio modò, & scribendi facultate, qua nemo ætate nostra ad illam antiquorum scriptorum laudem propius accedere existimatus est: sed industria etiam, & fide principi illi maximè satisfaceret. Itaque apud eum auctoritate & gratia multum valuit: & ea re facillimè augere honestatem & facultates suas potuit. Verū vsque eo ab hac cupiditate remotus atque abhorrens fuit, vt (quod vix credibile visum iri puto, his præsertim temporibus & moribus) nullum sibi vnquam sacerdotium a liberalissimo, & sui amantissimo Pontifice petierit: cū tamen amicis suis probis idoneisq; hominibus, &

alienioribus etiam, per multa & peteret & impetraret. Tanta idem abſtinentia fuit, vt cum pro loci eius quem apud principem tenebat autoritate, munera ei multa & ampla mitti ſolerent, ea ſemper repudiari. Hac ille cōtinentia ita delectabatur, vt pleriq; pecunia, aut elegantiore veſte ac ſuppelleſtile delectari ſolent. Sua porrò comoda negligentem, aliorum vtilitati inferuire, cū autoritatis & gratiæ fructum eſſe putabat maximum. Cū profectus eſſet, voti & religionis cauſa, ad Laurentæ virginis templum, Carpentoraſtenſis eccleſiæ Pontificatus in Gallia vacauit: cum delatum vltro ſibi abſenti à Pontifice Maximo aliquandiu recuſauit: cū interea eundem Leo flagitantibus alijs denegaffet. Vt redijt, diutius illi cum recuſare non licuit. Itaq; vt illud magni animi fuerat, tam honeſtum ſacerdotium vltro à Pontifice Maximo delatum, à ſe reiſcere: ita hoc modo rati & Chriſtiani, vocanti ad cuiusmodi munus Deo obtemperare. Hoc ille ſacerdotium adeptus, primò quanta maxima potuit abſens diligentia, commiſſam ſibi eccleſiam per idoneos homines rexit. Poſt cum ex hac vita Leo exceſſiſſet, ſtatim rebus Romanis relictis, Carpentoraſte migravit eo cōſilio, vt populis fidei ſuæ creditis boni & diligentis Episcopi officiū præſtaret: neq; principibus amplius, ſed Deo vni, & rectiſſimis ſuis ſtudijs inferuiret. Exceptus eſt aduentus eius maxima lætitia & gratulatione illorum hominum: tantā illis iam abſens de ſe opinionem, expectationem commouerat: cui tamen expectationi poſtea egregiè ſatiſfecit. Nam & rebus diuinis procurandis, & vitæ innocentia, & admirabili in primis quadam in eos homines charitate, optimi & religioſiſſimi Episcopi munus obijt. Vixit in ea vitæ quiete ac tranquillitate quoad Hadrianus Pontifex Maximus, qui Leoni ſucceſſerat, vixit. Creato enim poſt Hadriani mortem Clemente Septimo Pontifice Max. ab ipſo ſtatim euocatus, accerſitusq; eſt: quem cū eximie diligeret, multisq; & magnis eius officijs

obstrictus esset: quin ei pareret, tam amanter & tam acriter euocanti, facere non potuit: neq; ad eò rectum, neq; fas esse existimauit, tam bene merito de se Pontifici, præsertim optimum in Christianam Rempublicam præferenti, operam suam denegare. Itaque etsi inuitus fecit, vt ab ecclesia sua discederet, tamen ad eum se contulit: verùm ea lege, vt ne plus triennium abesset: vtique eo exacto tempore, remigrare sibi Carpentora. Æte voluntate ipsius liceret. Romam igitur cùm venisset, versatus est in intima eius Pontificis amicitia & familiaritate. Nec verò ingenio hominis solum Clemēs, sed consilio etiam in administranda repub. v. s. est. Ad deliberationes eas, quas habebat de maximis & grauissimis rebus, cum vnā cum aliquot alijs amicis adhibebat: curas illi omnes & cogitationes suas impertiebat: tantum deniq; eius fidei, tantum prudentiæ tribuebat, vt multa quæ ad Christiani nominis quietem, & ad morum ac disciplinæ publicæ correctionem pertinebant, eius potissimùm admonitu & consilio sibi agenda constitueret. Atque vtinam is Pontifex ea quæ interdum præclaro quodam animi impeturo gerere meditabatur, ad exitum perduxisset: profectò cùm vn̄uersa Christiana Respublica meliore loco esset: tū ipsa Italia, atque vrbs Roma, eas quibus postea afflicta oppressaq; est calamitas effugisset. Non enim in eo Pontifice rectum in Republica sensum requiuiisset: constantiam potius, & perseuerantiā maiorem in bonis consilijs desiderasset. Itaque cùm salutaribus Sadoleti consilijs sæpe vsurus esse videretur, flectebatur postea aliorum quorundam, qui longè plurimùm apud eum poterāt, oratione. Intimus erat Pontifici illi Maximo Sadoletus: amplificandę fortunæ ac dignitatis suæ facillimam rationem in manib. habebat: colebatur præterea, & magno honore afficiebatur ab omnib. pro sua tamen in Rempublicam voluntate, nullam commodorum suorū rationem ducens, ex ea temporum ac rerum perturbatione, maximo animi

dolore assidue tangebatur : qui quidē extremum, cū rem in eum locum adductam intelligeret, vt nihil bene monendo & suadēdo proficere amplius posset: statuit, quando Reipub. prodesse iam nihil posset, suæ saltem ecclesiæ prospicere atq; consulere. Itaque cū operam suam triennium iam Clemēti summa cum fidē & integritate nauasset: etsi non nulla concordī & cōpositionis spes inter eum Pontificē, & Carolum Imperatorem allata erat, iamq; inter eos induciæ pactæ fuerant: tamen in sententia permāsit. Nec verò nō mouebatur animo, cū ab eo Pontifice esset discessurus, quem cū ob eximiam quādam eius humanitatem, tum ob perpetuam erga se beneuolentiam mirificē amabat. Sed cū cogitaret quanto ecclesiæ suæ officij ac necessitudinis vinculo obstrictus esset, cumq; Carpentoraften sis populi desiderium ferre diutius nō posset, longiorisq; in vrbe Roma commorationis causam ambitionem iā potius, quā officium visum iri suspicaretur, omnino sibi abundū esse statuebat: cuius iustæ voluntati, ac precibus, ad extremum Clemens cedere coactus est. Comprobauit eius consilium is profectō qui intimos hominum sensus perspicit, neq; vnquam non rectis bonorum voluntatibus fauet, Deus. Etenim tam opportuno tempore discessit, vt vix dies viginti ab eius discessu intercesserint, cū vrbs Roma, decepto à Caroli ducibus per inducias Clemente, absente ipso ignaroq; ( vt opinio fuit ) Carolo, capta atque direpta est: vt is singulari Dei erga se beneficio horribili illi cladi substractus fuisse videatur. Tum verò, quanquam serò, intellectum est, quā & prudenter sentire Sadoletus, & fideliter monere solitus fuisset. Ille enim & initio dissuasor belli aduersus Carolū, & postea deponendorum armorum assiduus hortator, pacisq; quibusuis conditionibus accipiendæ autor semper extiterat. qui quidem cū sæpe aliàs, tum eo tempore, quo Christianis Principibus intestino bello implicatis, bellum à Turcarum Rege Pannoniæ illatum est, cū

cum regnum illud, quod Christianæ Reip. firmissimū, ad eā diem propugnaculum fuerat, maximo in discrimine versaretur: honestissimè ab ipso Pōtifice maximo pacis mentionem fieri, & de deponendis ac potius abijciendis armis agi posse censuit: idq; eum admonere nō destitit. Sed nimirum Deus nobis ob peccata nostra iratus atque infensus, cum illa vrbi Romæ ac sacerdotum ordini infligēda plaga, nos vt resipisceremus, admonere statuisset: eam illi Pōtifici mentem minimè dedit: vt tam honestam constituendæ concordie occasionem arriperet. Clade hac cognita, Sadoletus cum quem par erat, dolorem cepit, cum vrbis longè omnium nobilissimæ direptione & vastitate vehementer doluit, tum varij & graues multorum clarorum virorum, ac sibi amicissimorum hominum casus, quos tempestas illa oppresserat, in primisq; ipsius Pōtificis Maximi calamitas magnum illi mœrorem attulit. Nō tamen angoribus sese dedidit: sed cum Pontifici Maximo, ac multis præterea amicis tali eorum tempore literas amicissimè & prudētissimè scriptas misisset: tum ipse doloris sui leuamentum a Deo, & ab ijs studijs, ijsq; actionibus, quæ cum Deo in primis gratis, tum etiam animis salutares sunt, petiuit: ad sacrarum enim literarum studia toto tum (vt aiunt) pectore incubuit: quæ post aliarum literarum & artium cognitionem à se vehementer culta temporibus quibusdam, propter occupationes remiserat. Nec verò legendo solum, sed commentando etiam & scribendo, tum sibi, tum alijs prodesse conatus est. Nam cum religionem videret seditiosorum quorundam hominū impietate magnopere vbiq; perturbatum: tuendæ eius studio incensus, Diuī Pauli ad Romanos epistolam maximæ religionis nostræ mysteria continentem, & obscurissimis quæstionibus refertam, tribus libris non minus pie, quàm ornatè & dilucidè explicauit. Commissis vero sibi populis ita præfuit, vt nullum in eos fortis & diligētis episcopi munus prætermiserit: quos quidē quāti  
face



faceret, nulla re potuit apertius declarare, quàm quòd  
 eorum causa, amplissimi & potentissimi viri simulatè,  
 (qui eo tempore legatus, Auenionem, & finitima illi  
 vrbi oppida, quæ in fide ecclesiæ Romanæ sunt, rege-  
 bat) homo in iniurijs perferendis quæ ipsi fierent, incre-  
 dibili lenitate, ac nimia propè patientia, suscipere veri-  
 tus non est. Multas enim ecclesiæ suæ iniurias inferri,  
 multa tum à legato, tū ab eius magistratib. ac ministris  
 iniquè decerni atq; agi, pro munere ac pro persona quā  
 sustinebat, minimè sibi ferendū existimauit. Ac primò  
 quidem illum ab eis institutis, hortando & amicè sæpi-  
 us monendo, deterrere conatus est: sed cū nihil hac rati-  
 one proficeret, cumq; eius, quanquam absentis, Romæ  
 magna apud Clementem Pontif. Max. esset autoritas,  
 breui tempore perfecit, vt legatus sese colligeret, &  
 eos quibus præerat populos, magna in posterum æquita-  
 te & diligentia regeret. Qua in re Sadoleti officium, ac  
 pietatem potius ad eò is aliquantò post amauit, vt non  
 modò cum eo in gratiam redierit, sed ex eo tempore il-  
 lum & vereri maximè, & patrem etiam appellare soli-  
 tus fuerit. Recreatis hac eius actione Carpentora censi-  
 bus & reliquis illis populis, altera ab eo actio non mi-  
 nus pia nec minus illis grata ac salutaris suscepta est. Ma-  
 xima iam diu Hebræorum multitudo apud eos conse-  
 derat: ij Christianos homines imperitos & incalidos  
 circumuenire, & quibus pecunias credidissent, eos  
 scœnoris grauitate, & renouandis multiplicandisq; vsu-  
 ris, ad extremum fortunis omnibus euertere solebant.  
 Eorum quoque auaritiam & fraudes, suscepta miserorū  
 populorum causa, eaq; diligenter apud Pont. Max. &  
 magistratus vrbanos per literas & procuratores acta, ma-  
 gna ex parte repressit tandem ac coercuit. Quinetiam  
 orationem in eos pro Christianis composuit, & eam  
 quidem omnium, quæ ab eo scriptæ sunt, disertissimā.  
 Alia præterea multa varijs temporibus in Carpentora  
 censes & rem eorum publicam officia contulit: qui-  
 bus



bus planè declarauit, nunquam vnum cuiquam charior  
rem fuisse, quàm ipsi fuerit vniuersa eius ecclesia. Vix  
sæpiissimè venit, vt illi aut Pontifici Maximo, aut Gal-  
lorum Regi, aut ijs qui plurimum apud eos poterant,  
commendandi fuerint: non dici potest: quo animi stu-  
dio, ac potius qua sollicitudine id egerit, prorsus vt mul-  
tò vehementius, quàm si ipsius ageretur res, laborare e-  
orum causa videretur. Eorum liberi parum idoneis an-  
tea doctõribus vsi fuerant: hoc quoq; ad officium suum  
pertinere existimans, vt illi optimis & moribus & dis-  
ciplinis imbuerentur: curauit, vt doctores semper egre-  
gij ad eos instituendos conducerentur, quibus ipse quò  
diligentius officio fungerentur, præter eam mercedem  
quæ eis publicè dabatur, non exiguam pecuniam contu-  
lit. In eo verò longè maximam curam ac diligentiam  
adhibuit: vt tam turbulentis temporibus, ecclesiam su-  
am in fide, & recta erga Deum religione contineret.  
Itaque si quos in errorem impulsos, à recto itinere decli-  
nasse cognouerat, paternis eos admonitionibus in vi-  
am reducere studebat. Si cuiuspiam concionatoris fides  
& disciplina illi suspecta erat, is ne quem aut publicis  
concionibus, aut priuatis disputationibus corrumpere  
posset, prouidebat: deniq; eiusmodi concionandi mu-  
nus illis mandabat, quorum pietas explorata ipsi esset  
& cognita: quos ipsos etiam attentè audiebat. Non con-  
tinebat tamen illos homines in officio tantopere hæc  
eius diligentia, quàm ipsius innocentia, liberalitas, cõ-  
tinentia. Non modò enim neminem vlla vnquam affe-  
cit iniuria: sed multorum ipse iniurias ita pertulit, vt e-  
os patientia & lenitate sua ad extremum sibi amicissi-  
mos reddiderit. Duriore annona magnum hominum  
egentium numerum alebat. Patebat eius domus semper  
honestis illius præfecturæ ac vicinitatis hominibus. In  
alios præterea honestos ac pios sumptus, vesticalia sua  
sic solebat impendere, vt vertente anno par ratio es-  
set accepti & impensi: neque enim quicquàm tanto-  
pere

pere detestari solitus erat, quàm in sacerdotibus studi-  
um cogendæ & coaceruandæ pecuniæ. Erant ei omni-  
no modica vel exigua potius vestigalia: sed frugalitate  
& temperantia in victu cultuq; domestico, assequen-  
tur, vt eius liberalitati sufficerent. Hoc eius vitæ gene-  
re, hisq; officijs fiebat, vt illi cum populi incredibili pi-  
etate & cultu prosequerentur, ac summam, vti paren-  
ti, fidem rerum suarum omnium haberent. Delecti qui-  
dem ( hoc communis eorum consilij nomen est ) ad e-  
um de rebus omnibus publicis referre, eius sententiam  
imprimis sciscitari, & exquirere solebant: eius denique  
vnius monitis & consilijs nitebantur. Nec verò illis  
modò populis tantopere charus & probatus erat, sed  
omni ferè Gallia magnum eius erat nomen, magna vir-  
tutis & integritatis opinio. Itaque Franciscus Rex  
cùm Lugdunum quodam tempore venisset: atq; ibi of-  
ficij causa à Sadolecto conuentus fuisset: eum & comiter  
admodum atq; honorificè excepit, & ex colloctioni-  
bus aliquot, grauitate hominis prudentiaq; perspecta,  
si manere apud se vellet, honestissimum illi in amicitia  
sua locum, & amplissima præmia detulit. At is cùm Re-  
gi gratias egisset, de tã propensa erga se voluntate, ex-  
posuit quo consilio res Romanas reliquisset, petijtq; ab  
eo, vt se ad officium & munus suum redire pateretur:  
cuius consilio animoq; collaudato, Rex eum amantissi-  
mè dimisit. Discessit autem illinc cū Regis iudicio pro-  
batissimus, tum collecta multorum ex amicis & purpu-  
ratis Regis gratia, quorum studia & beneuolentiam er-  
ga se, varijs postea ecclesiæ suæ temporibus expertus  
est: velut eo tempore, quo Franciscus Allobrogum re-  
gulo bellum intulit: ea autem res ita se habuit: Per Car-  
penteractensem agrum Regis exercitus iter faciebat:  
in eo exercitu Gulielmus quidam erat, qui magnā Ger-  
manorū manum ad regem adduxerat, homo iracundus  
& præceps. Accidit, vt cū aliquot eius milites Car-  
penteracte ingressi petulantius sese gererent, eorum

contumelijs & insolentia accensi commouerentur pri-  
mo nonnulli opifices, deinde tota ferè (ut fit) ciuitas cõ-  
citaretur: quo in tumultu vno alteròue ex Gulielmi mi-  
litibus occiso, reliqui ex oppido expulsi, se ad ducem su-  
um receperunt. Eam ille suorum cædem & iniuriam vi-  
turus, cum ira exarsisset, copias suas continuo vnà cum  
aliquot tormentis bellicis Carpentoraacte adducere pa-  
rabat. Hac re cognita Sadoletus, cum fortè tum extra  
oppidum esset, suorum periculo exanimat⁹, paratusq⁹  
eandem quam illi fortunam subire, properè accurrit.  
Ad eum statim concursus factus est, illum omnes intue-  
bantur, quid agerent, quò se verterent nesciebant: Ger-  
manorum enim cohortes iam iam affuturas esse nũtia-  
batur. Is nuntios statim & literas ad præfectum re-  
gium pro ea quæ inter eos erat notitia mittit, ciuita-  
tis periculum exponit, auxilium implorat. Præfectus  
autoritate hominis & precibus adductus, Gulielmum  
accerfit. cum egrè ac vix placatum, incepto cogit desi-  
stere. Ita Carpentoraactenses cum iam propè de salute  
& fortunis suis desperarent, episcopi sui beneficio ex  
ingenti periculo erepti sunt. Gesta autem ea res est  
mortuo iam Clemente Pontif. Maxi. cum Paulus ei ter-  
tius successisset. Huius quoque Pontificis accersitu Ro-  
mam Sadoletus redire coactus est. Etenim is sui Ponti-  
ficatus initio spem atq; expectationem omnium mira-  
biliter erexit: ostendit enim sibi in animo esse, nouis le-  
gibus solutam sacerdotum disciplinam astringere: &  
sublatis eis, quæ à superioribus Pontificibus Romanis  
instituta, minus probarentur, sanctiorem gerendi sum-  
mi Pontificatus rationem instituere. Eius rei perficien-  
dæ causa è longinquis locis accersuit, quos doctrinæ,  
integritatis, & prudentiæ maximam opinionem habe-  
re intelligebat: vt cum eis, cumq; alijs præterea quibus-  
dam, quos ex amplissimo ordine adhibiturus erat, tan-  
tarum rerum consilia cõmunicaret: eorumq; admoni-  
tu ea quæ aut abroganda essent, aut sancienda, cognos-  
ceret

seeret. Hi autem qui accersiti sunt omnino sex fuerunt, in quibus Iacobus Sadoletus fuit, qui tam grauem ob causam Pontificis maximi literis euocatus, paruit ei, ut debuit. Agitata ea res fuit complures dies, Sadoletus & reliquis grauiissimis viris nihil earum rerum obticentibus, quæ ad sedandam sacerdotum, imprimisq; summi illius sacerdotij inuidiam, pertinere videbantur: quo quidem tempore Sadoletus etiam eis de rebus aliquot orationes scripsit, quò Pontificis Maximi animum ad rem tam præclaram, tamq; Reipublicæ salutarem, perficiendam acrius accenderet. Verum cùm tota ea res postea ob multas & magnas difficultates, & impedimenta quæ obijci videbantur, vel refrixisset, vel dilata in aliud tempus fuisset. Sadoletus non amplius Romæ sibi terendum tempus existimans, de reditu cogitabat: cùm repentè vnà cum quibusdam optimis & præstantissimis viris in senatum Romanæ ecclesiæ à Pontifice Maximo cunctis illius ordinis suffragijs, magna bonorum omnium lætitia & gratulatione delectus est. Tū is Carpentora ætè spectans, & ad ecclesiam suam redire cupiens, cùm pristinam vitæ suæ rationem ea dignitatis amplificatione obturbatum iri intelligeret, cum honorem recusare in animo habuit: iamq; hac de re epistolam composuerat, quem ad Pontificē Maximum mittere cogitabat. Sed cùm in eo accipiendo honore amicorum consilio autoritatiq; cessisset, ita in Repub. versatus est, ut nihil præter ipsius Reipublicæ cōmodum, & sedis Apostolicæ dignitatem, propositum vnquam habuerit: ac sententiam suam ea qua decuit libertate & constantia semper dixerit. Huius adeo animi ac libertatis suæ magnum Reipubl. pignus dedit, quo primū die sentētiam in senatu dixit: planè enim declarauit, nihil sibi vnquam sancta illa maiorum nostrorū disciplina, mihi fide sua & officio futurum antiquius. Fortè eodice agebatur de amplissimi & nobilissimi cuiusdam hominis honore & commodo: erat autem Sadoletus non

collega eius recens solùm, sed vetus etiam amicus. Itaq;  
 non poterat nō inuitus homini, quem multis de causis  
 plurimi faciebat, refragari: tamen cū causa esset eius  
 modi, vt illum honestè, saluis sanctissimis legibus, sen-  
 tentia sua adiuuare non posset: illud quod boni & con-  
 stantis senatoris fuit, fecit, vt legibus ipsis potius, &  
 religioni suæ consulere. Nec verò non eadem liber-  
 tate & constantia vsus est, quotiescunque accidit, vt  
 de ipsius Pontific. Maximi commodis, aut etiam hono-  
 re ageretur. Libertate autē vti sic solebat, vt neminem  
 ea iure posset offendere: leniebat enim illam eiusmodi  
 orationis modestia, quæ cogebat eos ipsos, quib. aduer-  
 saretur, in optimā partem ea quæ is dixisset, accipere.  
 Sed vt amicitia & gratia nihil dabat, cū id fieri eius  
 fides minime patiebatur: ita cū è Republ. esse cense-  
 bat, quempiam in amplissimum ordinem ascisci, aut a-  
 lio quopiam ornamento atque honore affici, cupidissi-  
 mē ei ac studiosissimē fauebat. Itaque complures egre-  
 gios & virtute ingenioq; præstantes viros, quò in sena-  
 tum legerentur, aut alijs sacerdotijs ornarentur, Pon-  
 tifici Maximo partim coram, partim absens per literas  
 cōmendauit: idq; illis sæpe inscientibus: non enim hoc  
 ambitione adductus faciebat, sed studio Reipubl. Nec  
 verò silendum est de illis officijs, quæ in quosdam Ger-  
 manicæ Principes, ipsorum quidem etiam, sed multo ma-  
 gis Reipub. & communis religionis causa contulit: sem-  
 per enim illa tot Germaniæ populorum & principum  
 defectione, ecclesiæ luctuosa, ipsis pestifera, grauissimē  
 doluit: semper vt ij, qui & poterant & debebant, tanto  
 illi vulnere mederentur optauit. Sed cū sedulitate sua  
 ijs qui tum ab ecclesia & Pontifice Romano penitus a-  
 lienati erant, prodesse nihil posset, enixè id operam de-  
 dit, vt eos saltem qui sua sponte in recta religione per-  
 manserāt, & sedi Apostolicæ amici erant, officijsq; suis  
 aliquanto etiam amiciores & firmiores redderet. Itaq;  
 Georgium in primis, & Gulielmum, hunc Bauariæ, il-

lum Saxonie ducem, omni suo studio officioq; cōple-  
 xus est: quæcumq; ab eo proficisci potuerunt ad illos or-  
 nandos, & cohonestandos, profecta sunt: in eorū nego-  
 tijs de quibus cum Pontifice Maximo agendum esset, i-  
 psum procuratores, & legatos, opera, consilio, auto-  
 ritate sua semper adiunxit. Eius porro officia adeo gra-  
 ta illis fuerunt, ut & amicissimè ei scribere soliti fue-  
 rint, & gratias agere, & procuratoribus suis, ut eius  
 potissimum opera & consilio vterentur, præscribere. In-  
 grauissimum postea morbum incidit, ex quo nondum  
 planè sese confirmauerat, cū proficiscentem Paulum  
 Pontificem Maximum ad reconciliandos Carolum Ro-  
 manorum Imperatorem, & Franciscum Gallorum Re-  
 gem, graue inter se & diuturnum bellum gerentes, se-  
 cutus est: quo in itinere cū Placentiam venisset, de  
 integro ægrotauit. Ibi cū aliquot dies curandi sui cau-  
 sa substitisset, ut primū conualescere cœpit, festinans  
 properansq; optatissimæ illi de pace actioni interesse,  
 itineri se commisit: neq; destitit, quin Nicæam quod cō-  
 uenturi illi erant Principes, perueniret. Tum verò tem-  
 pus illud ratus esse, quo bonos omnes pacem virgere o-  
 porteret, uti ea fieret pro sua parte vehementer enixus  
 est. Deinde cum ea minimè conuenire potuisset, pactis  
 Pontificis Maximi opera decem annorum inducijs, cū  
 is Pontifex Romam reuerteretur, ipse cōcessu eius Car-  
 pentoracte, reficiendi & confirmandi sui, ac reuise-  
 dæ ecclesiæ causa se recepit. Commoratus ibi est, ut rem  
 familiarem planè constitueret, aliquanto diutius, quā  
 se facturum ostenderat: ne tamē operam suam interea  
 Reipublicæ nauare desineret, opus præclarum sanè, &  
 Reipublicæ temporibus aptum aggressus est, de extru-  
 ctione catholicæ ( ita enim inscribebat ) Ecclesiæ:  
 quod opus Ioanni Saluato collegæ suo desponderat,  
 cū propter veterem eorum inter se necessitudinem,  
 tum ob excellentem eius viri in sacris literis & cæteris  
 disciplinis, quæ magno viro dignæ sunt, scientiam.

Vcrum

Verum propter itinera & occupationes, quæ illum al-  
 lie ex alijs postea impeditum tenuerunt, nec tres, quos  
 iam confecerat eius operis libros, perpolire, nec quar-  
 tum, quem illi tanquam fastigium addere in animo ha-  
 bebat, instituire potuit. Reuocatus enim Romam, vix  
 dum ibi cõstiterat, cùm renouato quibusdam de causis  
 inter Carolum & Franciscum bello, & ob eorum discor-  
 dias Republica Christiana iterum in maximum discrimen  
 adducta, quippe cùm Turcicum bellum impende-  
 re videretur: Paulus Põtifex Maximus per legatos cum  
 vtroque eorum de pace agendum esse existimauit. Ita-  
 que delectus ipse est, qui legatus ad Galliæ regem iret:  
 qui quanquam affecta iam ætate esset, tamén nullum  
 pro Republica laborem aut periculum recusans, lega-  
 tionem eam suscepit: adhibitaq; diligētia, quantā ma-  
 ximam ferre senile corpus poterat, maturè in Galliam  
 peruenit. Talis viri autoritate regem permotū esse res  
 postea declarauit. Nam cùm ei Sadoletus Pontificis Ma-  
 ximi mandata ac monita exposuisset, post aliquot con-  
 gressus, animum eius, quanquam armati & viribus suis  
 fidentis, ad pacem flexit. Itaq; ex magna desperatione  
 concordie, subitò in spem compositionis ventum erat,  
 si modò alterius legati qui in Hispaniam ad Carolum  
 missus fuerat, felicior fuisset legatio. Non est autem o-  
 mittenda illa in legatione singularis eius abstinencia:  
 nam cùm legatorum qui à Romanis Põtificibus mitti  
 solent, quā diu extra urbem Romam sunt, varia & mul-  
 tiplex sit potestas, & eam ob causam facultatem ha-  
 beant magnæ conficiendæ pecuniæ, neque id propter  
 inueteratam aliorum consuetudinem turpe habeatur:  
 ea tamen potestate ipse ad questum abuti minimè susti-  
 nuit, neque nisi graui ex causa usus est: ac ne comites  
 quidem suos quicquam, præter mercedes pro scriptu-  
 ra, aut huiusmodi quapiam opera debitas, quas ipsas e-  
 tiam imminuit, accipere passus est. Vt à rege autem dis-  
 cessit, Carpentora æte venit, quò reliquam ibi hyemem



maneret, seq; ex assiduis laboribus reficeret: id enim cū Pont. Maximus, ætati hominis & valetudini parcens, permiserat. Hoc quoq; Sadoleti integritatis exēplum sit, quòd cū extrémolegationis tēpore integri mensis sumptum acceperat, atq; ante exactum mensem Carpentoraacte peruenisset: decem dierum sumptum (tot enim dies reliqui fuerant) referri vtique ad quæstorem Pontificis Maximi, quanquam dissuadentib. amicis, & nimiam eius religionem accusantibus, iussit. Eodem tēpore clientes domesticos, quorum opera strenua & fideli in legatione usus fuerat, alium alio prēmio, & quidem supra facultates suas remuneratus est. In sequenti ætate in Italiam non sine magno Carpentoraactensiū dolore discessit. Eò cū venisset, interfuit colloquio Pauli Pontificis Max. & Caroli Romani Imperatoris, qui in agro Parmensi congressi sunt. Iter tum ex Hispania Carolus in Germaniam habebat: oblata ea occasione, Sadoletus magnum laborum quos in legatione pestulerat fructum captum iri à se existimauit, si illum quoq; ad pacem hortatus esset. Redierat enim ex legatione Gallica, animūq; eius regis ad concordiam propensum cognouerat, vel ipse potius effecerat. Verum adeò Carolus dolore ira q; exarserat, quòd à Rege Galliæ bellum renouatum fuisset, vt neq; accurata Sadoleti oratio, neque ipsius Pontif. Max. autoritas quicquam profecerit. Istam enī postea, lenita videlicet ira, post victum & in deditionem acceptum Sicambrorum ducem, qui regis partes secutus fuerat, & expugnata nonnulla Galliæ oppida, pacem cum eo rege fecit: qua ex re Sadoletus tantum lætitiæ ac voluptatis cepit, vt Deo bonorum omnium auctori, ab ecclesia sua meritum continuò honorem haberi iusserit, & scriptam ipse orationem paulò post Carolum miserit, per quam illius sapientia & moderatione laudata, gratias ei egit suo & Christianorum omnium nōmine: & ad ea quæ pro religione, & cōcordia, ac libertate Christiani nominis agēda restabāt,

cum.



eum accendere atque incitare conatus est: cuius optatis  
 magna iam ex parte, optimi & fortissimi Imperatoris  
 virtus pietasq; respondit. Fuit enim hic vir incredibili  
 quodam in Rempublicam Christianam studio: vt ego  
 quidem, qui pro diuturno contubernio sensus eius sa-  
 tis cognitos & perspectos habui, hoc de eo affirmare nō  
 dubitem, plus illum doloris semper ex malis hausisse  
 communibus, contraq; ex publicis commodis gaudijs,  
 quàm rebus suis vel secundis latus sit, vel aduersis do-  
 luerit. Idem moribus fuit facillimis, animo aperto ac  
 simplici, natura omnino ad iracundiam procliuor,  
 sed eius comprimendæ assidua meditatione tantū pro-  
 fecerat, vt lentus potius esse videretur: ac si quando pau-  
 lō esset commotior, tum maximè sedata & voce & ora-  
 tione vteretur. Amicitias summa cum fide, & quibus-  
 cunq; potuit officijs coluit: familiam suam ea charitate  
 est prosecutus, vt cum de suis minimum, de illius com-  
 modis plurimum laboraret. Patrem, iuuenis: matrem,  
 senex ferè octogenariam amisit: ambos quoad vixerit  
 summa pietate dilexit & coluit. Fratribus, qui ei com-  
 plures fuerunt, partem suam primo paternā heredita-  
 tis donauit, post alijs quoque eos beneficijs affecit. Ad-  
 iutor ad regendam Carpentoraensem ecclesiam, cū  
 iam senex esset, vt sibi Paulus Sadoletus fratris patrie-  
 lis filius daretur, à Clemente impetrauit: idq; non tam  
 propinquitati à se datum dicere solitus est, quàm ado-  
 lescentis ingenio, atq; virtuti. In literarum studijs sum-  
 ma industria versatus est. Lucubrauit autumno incun-  
 benè mane incipiebat, hyeme verò multò etiam matu-  
 rius: id tempus grauioribus studijs aut scriptioni dabat:  
 quod supererat temporis, id totū literarum studijs red-  
 debat. Hactenus ea quæ de vita eius memoriæ prodenda  
 esse visa sunt, scripsimus: nunc de eius obitu pauca scri-  
 bemus: qui quidem vitæ eius integerrimè atq; innocen-  
 tissimè actæ, planè consentaneus fuit. Habitare trās Ty-  
 berim cœperat, in ædibus D. Mariæ templo adiunctis:

ibi autumnus initio in febrē incidit, quę leuis primò, ac  
 propè contemnenda esse videbatur: sed cū nunquā pla-  
 nè decederet, morbo ingrauescere cœpit. Tum is statim  
 accersiri sacerdotem iussit: eo adhibito, ritè & summa  
 cum religione, omnia quę diuinitus ad expiandos ani-  
 mos & placandum Deū instituta sunt, seruauit: re qui-  
 dem diuina coram eo facta, antequam sacrum illud &  
 salutare Domini nostri corpus acciperet, cū **CHRI-  
 STVM** Deum ac conseruatorem nostrum, subleuatus  
 à suis, venerari, & supplicii quadam oratione affari  
 cœpisset: tantam subito lacrymarum vim profudit, vt  
 eam preccationem præ fletu ac singultibus absolvere vix  
 potuerit: supremis propè vocibus ac mandatis Paulo Sa-  
 dolecto, qui ei summa pietate assidebat, ecclesiam suam  
 cōmendauit: ac paulo post magno suorū luctu, magno  
 bonorum omnium mœrore ac desiderio, animam Deo  
 reddidit. Doluit eius mortē Paulus Ponti. Max. doluit  
 senatus: à Ioanne quidem Petro Carapha Sabinorū epi-  
 scopo, quo primū die post eius obitum senatus habitus  
 est, ea de illo habita est, magno cū assensu cū reliquo-  
 rum patrum, tum ipsius Pont. Max. oratio: vt neq; vbe-  
 rius cuiusquā vita laudari, nec mors dolentius deplo-  
 rari potuisse videretur. Laudauit eum item luculenta  
 oratione, maxima honestissimorum cuiusq; ordinis ho-  
 minum frequentia, in æde D. Laurentij, Iacobus Gal-  
 lus, ciuis Romanus in primis honestus. Obijt an-  
 num agens Septuagesimum. Sepultus est sine  
 vlla funeris pompa (ita enim ipse præ-  
 scripserat) in æde quę curationis  
 eius fuerat, Diuo Petro in Ex-  
 quitijs sacra.

F I N I S.

INDEX

# INDEX COMMONSTRANS

QVIS CVI SCRIBAT, ET

quoties.

Chilli Bocchio	405	Augusti. Triultio S. R. E.
<b>A</b> Adamo ab Epistolis	Fer Card.	250. 252. 253
dinando Regi	657	Augustino Beatino 408
Alberto Pighio	Camp. 666	Bonifacio Amerbacchio Ba
Alberto Pio	174	Flieusi 44. 147
Alexandro Farnesio	S. R. E. Benedicto	Accolto Cardin.
Card.	352. 471. 474.	257. 258. 260. 261. 264.
	475. 477. 479. 485	267. 278. 280. 282
Alexander Farnesius	Card. Benedictus	Accoltus S. R.
Iac. Sadol.	252	E. Card. Iac. Sadol. Episc.
Alexander Cesarino	588.	Carpent. 258. 280
590	Blosio	Palladio 286
Ambrosio Catbarino	598.	Christophoro Mardrucio e-
600. 602	pisc. Trident.	651. 653
Andrea Alciato	Iureconsul	Claudio Rangono 399
to	76. 78. 80. 403	Cosmo Gerio 390
Andrea Gritto	398	Desiderio Eras. Rot. 40. 131
Angelo Colotio	204	134. 138. 141. 142. 145
Antonio Prato	Episc. Seno	Didaco Mendoza 658
nenfi, S. R. E. Card.	218.	Dionysio Cardinali 571.
	221. 222. 224. 226	573. 574. 577
Antonio Puccio	Card. 240	Donato Rullo 682. 685
Antonio Suriano	383	Egidio Cardinali 126
Antonio Pulleoni	385	Federico Fregosio Archie.
Antonio Florebello	705	Salerni 27. 30. 86. 89. 93.
Antonio Perenoto	637	95. 99. 110. 116. 536
Antonio Paleario	197	Federicus Fregos. Archiep.
Augustino Grassa	166	A 4 Saler-

# I N D D E X.

*Salernitan.* Iac. Sad. 118 *Gulielmo Poietrio Cancel-*  
*Florent.* Voluseno Sco. 693 *Iario* 559. 563. 564. 566  
*Francisco Guicciardi.* 178 *Henrico Lusitano* 661  
*Francisco Ripa* 182 *Herculi Gonzaga S. R. E.*  
*Frācisco Turnonio S. R. E. Card.* 32. 70. 614  
*Cardinali* 236. 238. 597 *Herculi II. Duci* 392  
*Francisco Bellencino* 420 *Herman. episc. Colon.* 604  
*Francisco Fregepani Vnga Hieronymo Nigro* 21. 320.  
*ro* 461. 463. 465 326. 328. 331  
*Francisco Quignenio* 569 *Hiero. Niger Sad.* 323. 332  
*Frācisco Mario Molsa* 697 *Hieronimo Vida* 410  
*Frācis. Molsa Iac. Sad.* 698 *Hippolit. Medici* 74. 293  
*Idem Paulo Sadol.* 701 *Hippol. Medices Sad.* 297  
*Frideri. Nausea* 416. 467 *Hippolyto Estensi* 532  
*Gabrieli Paleoto Bono.* 695 *Iacobo Symoneta* 319  
*Galeatio Florimont.* 202 *Eidem Card.* 592. 595  
*Gaspari Contare.* 359. 367 *Iacobo Sabello Card.* 635  
*541. 544. 546. 548* *Ioanni Matthæo Giberto*  
*Georgio Duci Saxon.* 424. 10. 120. 122. 124  
*430. 431. 438* *Ioanni Saluiato* 36. 38.  
*Georg. Calio Lusita.* 663 167. 170. 173. 420. 586  
*Germano Brixio* 148. 150. *Ioanni Francisco Pico* 128  
*157. 411* *Ioanni Bellaio* 211. 214  
*Georg. Cortesio abbati* 538 *Eidem Card.* 216. 418  
*Eidem Card.* 629 *Ioanni Nicolao Aptæ* 230  
*Georg. Cortesi. Sadol.* 633 *Ioanni Lothoringo Card.*  
*Guido Asca.* 517. 519. 524 242. 244. 245. 246.  
*Gulielmo Bellaio* 160. 162 *Ioan. Petrus Crassus Episc.*  
*Gulielmo Bauaria Duci* *Viterbij Iac. Sadol.* 354  
*452. 454. 456. 459* *Ioan-*

# INDEX.

Ioan. Petro Craſſo	356	N. Arch. Capua Card.	374
Iulio Peſlugo	443.446	Nicolao Rodolpho	583.585
Io. Coclaſo	444.448.450	Nic. Peitellio	692
Ioanni Gotto	469	Paulo III. Ponti. Maximo	
Ioanni Caraffa	568	337.341.346.488.491.	
Io. Huttardo Mēdoza	612	498.501.506.511.515.	
Io. Baptiſta Speciano	675	Paulo Iouio	180
Io. Bernardo Felic.	681	Paulo Sadol. 707. & ſeq.	
Ioanni Morono	627	Paulus Sado. P. Bēbo	727
Ioanni Toletano	639	Idem Rodulpho Pio	730
Iſidoro Clario	687.689	Petro Bēbo	14.17.49.52.
Laurentio Campegio	291	55. 61. 62. 65. 67. 393.	
Laurentio Grana Signia et	402		
Mario Aligero Rheatis E Eidem Card.			533
piſcopis	378.395	Pino Riuenſi epiſc.	164
Lazaro Bonamico	13.184	Proſpero Sāctacrucio	673
	186.193.195.668.406	Ranutio Farnēſio	644.646
Lazarus Bonamicus Iac. Reinaldo Polo			305.311
Sadol.	190.192	313.423.550.555	
Lilio Greg. Gyrardo	409	Reginaldus Polus Iac. Sa-	
Loduico Pariſeto	335	dol. Epiſ. Carp.	299
Marcello Ceruino	530	Rodulpho Pio	177.394
Eidem Card.	578	Romulo Amasao	404.607
Mario Maſſao Volaterra. Sebaſtiano Gryphio Typo-			
grapho	375.380.396		200
Mario Aligero Rheatis & Scipioni Blanchino			671
Laurentio Grana Signia Thoma Campegio			622
Epiſcopis	378.395	Thoma Catetano	82.84
N. Sena. Tholoſ. praſidi	46	Vb. Idino Bandinello	288
N. Acrimontio Card.	249	A S I A C.	

IACOBI SADOLE-  
TI, EPISCOPI CARPENTO-  
RACTI, S. R. E. CARDI-  
nalis Epistolarum liber I.AC. SADO. EPISC. CARP. IOAN.  
Matthæo Giberto Episc. Veronę, S.P.D.

**D**ostquam veni Carpentoraſte,  
has primas exaravi literas, easq;  
ad te, aliquāto ſerius, quod ſue-  
ram ſanè incommoda agridudi-  
ne impeditus: ſenſeram enim ex-  
itinere d'στδγία, quo morbo ta-  
men releuari iā videor. Sed ſive illam mihi maritima  
iactatio contraxit, ſive iter terroſtre aliquid poſtea ad-  
didit ad illius morbi moleſtiā: omnino intelligo, me hac  
corporis imbecillitate iam non ad aliā rē vllam, quā  
ad ocium & quietem idoneū eſſe. Quod ipſum videor  
nunc demum, tuo ſingulari beneficio, & ſummæ princi-  
pis benignitate conſecutus. Nos à portu Centū cellis Ni-  
caam vſq; nauibus peruecti fuimus, nihil ipſi illa, quod  
appareret, maris agitatione offenſi: cū ceteri omnes  
ſerè, qui erant mecum, graui nauſea conſtictati eſſent,  
Nicaa duos dies manſimus. Inde digreſſi à Valde mon-  
tiō: cuius mihi humanitas magna voluptati fuit, iumē-  
tis pretio coactis iter terra ſecimus: ſeptimo die Nicaa  
peruenimus Carpentoraſte, ad diem 5. Nonas Maij, le-  
ti, velut ex diuturnis fluctibus ſtabilem aliquādo et de-  
ſideratam terram aſpicientes, ſi lætitiā noſtrā rumo-

res de rebus urbanis non interpellassent: parum illi quidem constantes, sed tamē mihi molesti. Audieramus autem Labeone iā cōscendentes, Germanos milites, quōs nos, ab Vrbe cū proficisceremur, pro pacatis reliquimus, animis commutatis, spectare denuo ad arma: remq; iterum adductam esse in discrimen. Hic mihi metus, atque hac sollicitudo ita hasit in animo, ut postea euelli non potuerit: nec sum sedato animo futurus, quoad certum sciero, quid euenerit, & num salus nostra etiam nunc infesta, an improborum & perfidorum consilia, vel ipsa per sese consenuerint, vel metu compressa sint. Equidem interim illa consolatione suslentor, quod video dies iam complureis rumores illos conticuisse. non enim simile esset veri, si quid accidisset postea tumultuosius factum, tantas res tandiu silētio iacere oppressas. Sed quoquo modo sese habet res, me meus incredibilis erga summum Pontificem amor, neutiquam patitur cura et angoris expertem esse. Qui si aliquo est adhuc proprio in periculo (quod utinā ne ita sit, atq; in hoc Deus misericors nostras preces exaudiat) na ego perquam doleo grauiter, tum eius ipsius causa, cuius ego salutem semper anteposui meo: tum etiam mea. Viderer enim mihi ab officio quasi desciuisse si hoc tempore tali dominum deseruissē: atq; eum dominum, in quo ego amādo, ornando omni pietate atq; omnibus officijs colendo, neque virtuti ipsius vnquam, neq; meo studio satisfacere potuissē. Sed et tunc quid me angeret, quo esse vinculo Deo immortali obstrictus, quo denique animo, qua spe placationum rerum, ab eo digres-



digressus sim, ipse tu optimus es testis. Et nunc in his quoq<sup>3</sup> locis ac terris ea mēte sum, vt secundas res ipsius alijs fruendas libentissimē relinquam: aduersarum non recusē esse particeps. Deum autē quaeso, id quod acturus assiduē & precaturus eum sum, vt pacem & otium aliquando asserat & Pontifici Max. & Italia: quō liberius ac diutius illius eximia virtute & humanitate frui oēs possumus. Sed hac hactenus. De te ipso, mi Giber te, aueo plurimum, & ex te cognoscere: quem ego habeo autorem mea tranquillitatis: cui vni beneficio alterum par nunquā reperietur. Itaq<sup>3</sup> quantū tibi debeam & ipse sentio: et dabo profectō operam, vt ceteri oēs intelligant. Ego nunc quod maximē est necesse, recuperāda valetudini studeo, quam cœlum istud vrbānum valde mihi labefactarat: vt id quod agere festino, commodius deinde nauare possim. Rapior. n. cupiditate incredibili, ad verā immortalitatis spē, quā videor mihi habere in manib. maximis Dei beneficijs, & mea summa voluntate incitatus. Itaq<sup>3</sup> & ad gerendum piē ac sanctē sacerdotium hoc, animo sumus alacres, & ad artiū honestissimarū studia inflammāti. In altero, vt ne isthinc obturber, tuā et eximia autoritatis, et summi erga nos amoris precipua partes sunt: in altero mea fuerit culpa, si non & tua, & ceterorum de me opinioni respōdero: liceat modo per valetudinem. Efficiā enim profectō vt omnes fateātur, meam vel egregiam operā, vel praeclaram certē voluntatē extitisse. Quo in genere, quid tibi receperim, quid Pont. Max. fuerim pollicitus, optimē in memoria habeo. Tu vt me sicut consueuisti dili-



gas ac tueare, te maximopere mi Giberte iucundissime rogo. Vale Carpentio. XVI. Cal. Iunias, M. D. XXVII.

IAC. SADOL. EPISC. CARP. LA  
zaro Bonamico, S. P. D.

**S**I vales gaudeo. Post meum ab Vrbe discessū nihil ad huc omnino à quoquā literarū: ac ne à meis quidem. Itaq; in desiderio sum, & de illis, & de te, & de ceteris amicis aliquid audiendi: atq; vtinā omnia ex mea sententia. Nos venimus ad Carpentor. ad V. Non. Maias, summa horum hominū gratulatione, quorū auxit letitiā inopinatus noster aduentus. Itaq; q̄ semper optauimus, ex diuturnis fluctibus, videmur tandem portū esse consecuti: modò vos isthic salui, summiq; Pontificis res eū teneant statū, quā maximè cupimus, nihil mihi ad sp̄e beate vitæ nō abundè videtur affore. Nā & paruo sat contenti sumus & in hoc honore piè sancte q; administrādo quoad nobis datum diuinitus fuerit. Deo ipsi eadem deseruire contēdemus: & in libris ac literis toti volutabimur: veterēq; ac diuturnā sitim optimarū artium nostro tandem arbitrio, in ipsis fontib. explebimus. In hoc genere toto, q̄ pertinet ad artes honestas, & ad nostra illa tibi ignota studia, video te vnum maximo esse posse mihi adiuumento. Nā & de tua doctrinæ vbertate hauriendum nobis erit, & bonorum librorum ex te copia requirenda. Quorum alterū tute mihi recepisti cū adhuc essem Roma: alterum mihi semper patuisse intellico. Sed de libris peto à te magnopere, vt pmissa mihi perficias: ea in re impensā parci nolo. Gratiā aut eā tibi referā, quā maximè & tua virtute. & nostra amicitia  
erit

erit digna. Ego ei nunc prauerti volo cura, vt valetudini recuperanda studeā, quam vrbānum istud cœlum nō mediocriter labefactarat: & spero me optati fore cōpōtem. Te si rogem, vt priuslinū tuum amorē erga me conserues, faciā et tibi profectō, & amicitia nostra iniuriā q̄ videar quasi constantia tua diffidere. Itaq; nō cōmit tam vt de hac re iure me accusare possis. Tantū à te petā, vt Vbaldinum, Sangā, Lelium, Pyrrhinū, Colotiū, ceterosq; partim amicos, partim etiā discipulos tuos, saluere iubeas meis verbis: nec patiaris hebescere in eis igniculos beneuolentia, qua erga me videbantur esse affecti. Imprimis verò amplissimis viris Cāpegys patronis tuis, & patri & filio, quib. ego mirificē deditus sum, idq; eorum merito, salutē à me dicas plurimā. Vale mi Lazare suauissime, & tibi persuade, te à me valdē amari. Carpent. XVI. Calend. Iun. M. D. XXVII.

## IAC. SADO L. EPISC. CARP.

Petro Bembo S. P. D.

**D**iu est, quòd destitimus inter nos misitare literas: neq; enim inueterata amicitia tanta cōiunctio, talem operā vllam, aut oblectamentum requirebat. Alia porrò non fuerunt, de quibus esset opus alterū nostrum ab altero certiorē fieri. Sed cū tu in ocio atq; literis assiduus esses, ego maximis Roma curis et solitudinib. impedirer, in longe dispari conditione vitæ, pari tamen beneuolentia inter nos iuncti semper fuimus. Nunc autem, postq̄ Dei immortalis admirabili beneficio ex illis turbulentis fluctib. me euolutum, & ad portū ociumq; traductum, ea excepit vita quam maximē semper appeti-

petiueram: non existimaui nostra necessitudine, aut ipso tempore alienum esse, aliquid ad te literarum dare: praesertim cum tu mihi idonea ad scribendum occasio nam praeuisses. Cagnoui .n. ex Bini nostri literis, quas ille ad me Venetys misit, vigere apud te beneuolentiam mei absentis, & memoriā amicitiae nostrae cū fide conseruari: cū is se ad te visendum accessisse, aliquorq; horas consumpsisse tecum sermonib; suauissimis cōfirmet: eaq; de te praedicet, quae et tuis plurimis maximisq; virtutibus, & meo perpetuo de te iudicio cōsentanea sunt. Ac mihi quidem quod intelligo me amari abs te, non tam nouū nunc quidem, quā semper gratum atq; optatum accidit. Quod verò erga Binum ipsum egregia humanitate vsus es: eiq; & operam, & studium, et auctoritatem tuā detulisti, quodq; hoc etiā prolixius causa mea fecisti: de eo habeo tibi magnam gratiam. Certè enim is & diligitur à me, & per se dignus ipse est, quem tu quoq; diligas: est enim summa modestia, et summa probitate praeclitus: doctus praeterea, & elegans, & cum laude versatus in utroq; genere scribendi. Sed hoc tu facile pro tuo singulari ingenio perspicere per te potes. De me autem ipso si cupis nosse qui noster status sit: Ego Carpentoracti habito, quo veni ante diem V. Nonas Maias, id tandem assecutus, quod & meae quietis causa tantò antè optaueram, & Deo immortalī iam diu debuerā. Locus ipse ab omni terrore & tumultu liber: haeminum secunda in nos voluntas: ocij iam nō spes, neq; desiderium, sed certa, & haud dubia possessio, Deniq; omnia eiusmodi, vt planè me in limine positum beata

vita

vire fuerim arbitraturus, nisi ad mea priuata incommoda Reip. calamitas quoq, tanta accessisset. Nā quidd ego fortunis omnib. spoliatus, tanq̃ naufragio factō, nudus ad littus euaserim: non tam graue mihi quidem est, tã vsu & ratione edocto, ferenda esse foriiter vulnera fortune (etsi q̃ fuit grauissimū, libri quoq, mei eandē calamitatē subierunt) quā audire vrbē omnium nobilissimā, domiciliū Imperij ac dignitatis, sedem & patriā omniū nostrū, ita captam ac direptam: cludes, cædes, strages tot, tãq, inauditas, ab hoste immani & impio fuisse factas. In quibus & Pont. Max. quē ego incredibiliter amo, indigni casus: et multorū præterea charissimorum atq, amicissimorum hominū mortes & exilia, me vehementer perturbant. In quo angore animi etsi ea requiro ex studijs doctrinæ doloris solatia, quæ mihi adiumento et leuationi esse possint: tamē haud ita multum vsq, adhuc profectū est. Omnem. n. medicinā vincit dolor: nec sic possū studere constantiæ, vt obliuiscar humanitatis. Sed hæc Deus viderit: cui me totum addixi. Ego si ab his difficultatib. quæ me plurima præmūt, & ab omni parte circumsistunt, respirare aliquādo cœpero: efficiam profectō, vt aliquis studiorū meorum & ocij fructus appareat, in quo præclarā tuā volūtātē imitabor: ingenium & facultatē non asequar. De omnib. aut scito tuam iudicationem fore. Vale, & nos dilige. Nauagerio tuo, & M. Antonio Michaeli nostro, Nigro, duobus Teupulis, ceterisq, amicis (sunt. n. utriq, nostrū fermè communes) plurimam meis verbis salutem dic.

Carpentoract. III. Non. Nouemb. M. D. XXVII.

## IAC. SADOLETVS EPISC.

Carpent. Petro Bembo,

S. P. D.

**N**Oli admirari, si & mea, & tua expectatione seri-  
 rius, meas hasce dedi, ad tuas amicissimè atq; hu-  
 manissimè scriptas literas; morbo impeditus satisfacere  
 officio non potui: quo tamē leuari iam videor. Ita-  
 que vt primum facultatem nactus sum, non commisi,  
 vt desiderares à me hoc officium: vel ego potius vt de-  
 siderarē. Miro enim studio tenebar respondendi tibi:  
 cum vsq; eo accuratè, & suauiter mihi rescripsisses,  
 vt omnem amorem tuum erga me in illis planè literis  
 intueri liceret. Nam & iucundam memoriā vetusta  
 inter nos beneuolentiæ declarabant: & societate do-  
 loris eius, quem ex communis Reipub. calamitatibus  
 vterq; nostrum suscepisset: & quiddam maximè tua vir-  
 tute & prudentia dignum erat, leuationem à mole-  
 stijs, quam & tu adhiberes, & mihi ipsi censes esse  
 adhibendam. Quorū alterum mansueti animi & mi-  
 sericordis, cōmoueri aliorum miserijs: alterum etiā  
 sapientis, si quid ad te priuatim iactura perueniat, sci-  
 re adhibere ea solatia, quæ ad continendum animum  
 in officio, apta esse videantur. Itaq; ego, etsi mea spon-  
 te non admodum imbecillus, tuo tamen hortatu atq;  
 exemplo fortior factus sum: nam me quidem nō tam  
 priuata mea difficultates mouebant, (quæ, quanquā  
 multa, & magna, tamen non tam acerba, quia gra-  
 ues: quam tolerabiles, quia non nouæ videbantur)  
 quàm tot inuocentium atque amicissimorum homi-

num exitijs, tanta Latini penè nominis internicione,  
perturbabar. Præsertim cum & is Pontifex in crude-  
lissimorum hostium venisset potestatem, quem ego  
summè amarem: et ea vrbs oppressa esset ac direpta,  
à qua ego essem & fortuna mea subsidia, & artium  
optimarum ornamenta (si qua modò sunt in me) om-  
nia consecutus: quo etiam difficilior mihi erat ad con-  
solandum ratio, quàm fuerit tibi. Tu enim quibus au-  
xilijs summæ virtutis, & prudentiæ, ad confirman-  
dū animū vsus es: ea ipse domo, atq; abs te ipso attuli-  
sti. Ego quæ solatia meo dolori adhibere cogito, ea ab  
vrbe illa ipsa accepi, cuius causa mihi maximè dolen-  
dum est: ut idem mihi doloris monumentum sit, quod  
debeat esse leuatio. Itaq; illa ipsa litera, quas tu pro-  
ponis nobis, & quarum certè nos ope & auxilio plu-  
rimum vti cogitamus, planè harent in ancipiti &  
conturbata sunt. Si adsunt mihi, metuumt ne ingratae  
sint in illam urbem, vnde sunt profecta: si desunt, ne  
parum functa officio videantur. Sed, quomodo nunc  
se res habet, consoletur nos profecto tum ratio ipsa  
tum earum rerum, quæ postea secuta sunt vix ac natu-  
ra: Pontifice iam liberato ex impiorum manibus, vr-  
be Roma reuiuiscente, arbore ea, quæ excisa fuerat,  
tanquam ab radicibus, de integro fruticante: nisi gra-  
uiter pertimescerem, idq; videre iam viderer, ex tan-  
tis, & tam acerbis calamitatibus, quas per tot annos  
Italia passa est, gradum potius aliquem ad futura  
mala iactum esse, quàm præteritis cumulum adie-  
ctum. Quod si tu aliter sentis, habesq; in alteram par-  
tem

tem quod potius sequare : quaeso me hoc metu quàm  
 primum libera. Dices: Quid ergo? etiam si hac ita fu-  
 tura sint, idcircone angoribus dedere nos debemus?  
 Minimè hercule istud quidem: neq<sup>3</sup> enim est fortis vi-  
 ri pendere ex alienis euentibus. Sed tamen φιλω-  
 θωπια quadam est, quæ nos afficit: cogitq<sup>3</sup>, vt vul-  
 tum ex vultu, sic animū ex animis necessariorum no-  
 strorum immutare. Quantum autem mihi & tibi  
 cum Latio sit, quantum cum Italia, quàm arctum de-  
 niq<sup>3</sup> cum ipsa vrbe Roma vinculum intercedat, non  
 solum coniunctionis, sed sanctissimæ cuiusdam quasi  
 necessitatis, magis perspicuum est, quàm vt com-  
 memoratione egere videatur. Quapropter, vt hanc ora-  
 tionē totam iam concludam, & ita fero fortiter com-  
 munes miseras, vt non obliuiscar humanitatis: & sic  
 doleo aliorū vicē, vt putem mihi nequaquā propterea  
 ab animi constantia desciscendum esse. Confugio igitur,  
 te eodem hortante & suadente, ad literas, quarū  
 nimium iam diu commertio & assiduitate consuetu-  
 dinis carui. Quo quidē ipso fit, vt tibi nihil possim ex  
 eo genere in præsentia mittere q<sup>d</sup> lectione dignum sit:  
 dies fortasse aliquid adferet: & mea spes, cōmentatio  
 nesq<sup>3</sup> non semper abibunt irritæ. Sed abs te, quem li-  
 brum Vrbinatē te scribis confeciss<sup>3</sup>, eum ego a idē ex-  
 peto. Recordor. n. primo illo fœtu cū eum recens pe-  
 perisses, quantopere mihi is liber arriiserit: quā mihi  
 mirē placuerit & elegantia in eo sermonis, & copia,  
 & grauitas ipsa, ac prudētia. Quæ cū ego tu n. ple-  
 na iam & perfectā esse arbitrarer: tu tamē homo lyn-



ceus, & acutius cernens, quàm ceteri omnes, perspiciebas animo quiddam præstantius, quò nos ne cogitatione quidem aspirare possemus. Ita multorum annorum mora & limas, et vetustatem illi ac dignitatem, & nobis desiderium legendi auxit. Quòd si certos nactus fueris, qui deferant, (nam vt non tuto committas, minimè postulandum est) gratissimum mihi feceris, si eum mihi quam primum miseris. De Bino meo quòd ista in illum voluntate es, & lator, & habeo gratiam. Scripsi ego ad eū statim acceptis tuis literis: sed ita acciderat, vt cum ea mense Decēbri datæ essent, mihi Martio deniq<sub>3</sub> redderentur: quo tempore ille Venetijs iam excesserat, & ad Pontificē erat profectus. Vbiq<sub>3</sub> is erit, tamen magno illi honori & emolumento semper erit, tū domus tua ac familiaritas: tum apud ceteros autoritas & commendatio. Quòd quidem eo cupidius manere illi saluū apud te opto, quòd durior adhuc fortuna conflictatus exitū suorum consiliorum etiam nūc nullum videt. Nos hīc viuimus in fortuna tenui, de reliquo sat contenti. nā & amoenis in locis sumus, & in amore omnib. quodq<sub>3</sub> cunctorum maximum est, quæcunq<sub>3</sub> pacem & tranquillitatem animi turbare possunt, omnia penitus ex animo ipso eiecimus atq<sub>3</sub> expulimus. Itaq<sub>3</sub> nullam iā cogitamus, nisi cum philosophia habere rationem, quo in genere vt aliās scripsimus, te adiutore potissimū & duce vti meditamur. Egidium Cardinalem minùs commode valere mihi valde molestum est. Amo enim hominem maiorem in modum. Nam cum omni eximia virtute & hu-



& humanitate praeclatus est: tum & mihi, & tibi semper fuit amicissimus. In tanta autem penuria nostri temporis virorum talium, & amandus & colendus à nobis praecipue est. Ei ut plurimam dicas meis verbis salutem, itemque nuncies, ad eum me scripturum fuisse, nisi valetudini eius parcendum esse duxissem, vehementer te rogo. Vale mi charissime & suavissime Bembe, nosque, ut facis dilige, communibusque amicis salutem à nobis dic. Vale. Carpenteract. prid. Idus Maias. M. D. XXVIII.


## IAC. SADOLETUS EPISC.

Carpent. Hieronymo Nigro.

S. P. D.

EX eis literis, quas abs te IIII. Idus Iulij datas, V. Calen. Septembr. accepi, cognoui, quod per mihi gratum fuit, te ex illo acerbo & horribili casu, quo urbs Roma, & totius ferè Italiae reliqua dignitas, immanis barbariae fluctibus oppressa est, amisit velus ceteris saluum ipsum atque incolam: enim patriam reuertisse: quod & de te cognosce, & de alijs item nonnullis qui ob virtutem & amicitiam mihi sunt charissimi, non mediocriter mihi solatiū in meis maximis doloribus praeiuit. Quāquam enim, ut tute scribis, fortunis spoliari graue est, praesertim innocenti, cui nullo ipsius merito ista accidunt: grauius etiā amittere optimorum studiorum lucubrationes, multis vigilijs, & multo sudore diu collectas: tamen ea vis malorum, & tantus concursus omnium calamitatum fuit, ut non pessimè cum illis videatur esse actum, quibus libertatē in hoc

B 3 tempo-



tempore, & salutem tueri fuit licitum. Quod tibi & alijs plerisq; tui similibus, meis familiarissimis, dei in mortalis ope & auxilio contigisse lator. Nā quod ego sapientia quadā videar cōsecutus, vt abfuerim in tā acerbis rebus, atq; temporibus: nequaquam id mihi ar rogo, sed hoc eiusdem dei erga me beneficiū agnosco, gratiasq; ago illi, quantas equidem possum. Nā quas debeo vt agā et referam, non modò meae, sed ne vlliūs quidē humane facultatis est. Certē enim si quid ego vidi, aut praeuui: si quid in me aut boni sensus in tā to rerum motu, aut prouidentis in posterū consilij fuit, totum id fuit à deo: cui dum cupio dare eas operas, quae à mea fide et à pietate mea requiruntur: quid mirum, si ita accidit, vt bonum consilium euaserit sapientia? Nec verò ego aliud mediū fidius statuo esse sapientiam, quàm meminisse vnumquēq; quid sui officij et muneris sit: idq; cum fide & cum integritate praestare. Quod si hi fecissent, qui maximè debuerunt, ( de summo Pontifice non loquor, cuius mihi virtus clementia, integritas semper visa est non solū magna, verū etiam admirabilis ) q̄ nunc ad omniū iniurias et contumelias proiectum est, in pristina sua veneratione maneret sacerdotium. Sed recordaris profectò reliquorum ordinum, morumq; communiū labem et confusionem: quos ego accusando non insequar: nō quia causa fuerint vniuersae calamitatis: sed quia non possum commemorare sine dolore, quae & vrbi omnium nobilissima & hominibus multis mihi necessitudine iunctis, infāda & atrocia cōtigere. Illud dico, quod  
sen-

sentio, Deū hominesq; contestans, cupisse optimum Pontificem mederi moribus perditis. Sed cum res ferro egeret, nō malagmate: ipsius autem natura et lenitas à vehementioribus remedijs abhorreret: ut in corporum solet morbis, sic in corruptis moribus, quā intempestiuē adhibita est, auxit morbū potius medicina quā leuauit. Miki quidē saepe summi Pontificis virtutem ac probitatē, beneuolu etiam aduersus ipsum me animum, egregiamq; humanitatem, mecū reputāti, sic amore animus incenditur, non aliquo nouo videlicet, sed illo veteri & diu antè suscepto: ut interdum mihi peccare videar, quod non praesto sim, tantum illi miserationum & consolator, & comes. Quod si non his vinculis sanctioribus detinerer, nec tanti munere officij Deo essem astrictus: aut si arbitrarer, posse me vnā cum Dei, & Christianae Reipublicae honore ac cōmodo, illius salutē, dignitatēq; prodesse: crede mihi, quō minus me in omne demitterem discrimē, non periculo villo, non vlla proposita acerbitate deterrerer. Sed rem intelligo adductam in eum locum, ut lugendum tantummodo nobis sit, nec meam vicem mihi quidem, (quoquo enim modo se habet res, mea nauis est in portu) sed humanitate vincor, & mollicia animi quadam, ut aliorum incommoda ducā pro meis. Nam me, etsi eadem, quae tam multos pessū dedit, fortuna afflauit: quod meis & meorū familiarium non tam fortunis, quā reliquijs veterum fortunarum amissis, omnes ad me nudi atq; egentes conuolauerūt: tamen quoniam ferre hac modicē didici, vel natura,

vel consilio, vel etiam vsu planè doctus: viuo aut de-  
goq<sub>3</sub>, & in ea gente regioneq<sub>3</sub> terrarum, qua pace &  
concordia imprimis sedata est, & in eo obeundo mu-  
nere quod mihi maximè congruens & honestum est:  
non meā vicē doleo, sed aliorum. Nam mihi quod ip-  
se gratuler habeo potius, quàm quod lugeam. Eorum  
verò, quos amavi amoq<sub>3</sub>, incōmodis quin mouear, fie-  
ri nullo modo potest. Habeo tamen spem, et rationem  
quandam, qua mihi, vt in malis, non parum solatiij af-  
fert: illam videlicet, quā ad Deum ipsum refero: quē  
scio, & noui, ita irasci solere peccatis hominū, vt sibi  
solui eas pœnas velit, qua illis ipsis, qui deliquerunt,  
vtiles sint & salutare. Quā eandem rationem te re-  
putātem (petis enim à me per literas, vt tibi aliquid  
consulam, quod sit leuamētum doloris tui) volo bene  
sperare de reliquis rebus. Cui enim castigatio fuit, ei-  
dem erit deo salus nostra cura. Porro ea magis ex vir-  
tute & religione, & probatis morib. quàm ex opibus  
multis & lauta suppellectili spectanda est. Quod si  
multò minore in bono lesi fuimus, vt in eo quod ma-  
ximum bonum est, augeamur, quis lugeat iure? neq<sub>3</sub>  
hanc felicitatem quādam potius, quàm calamitatem  
fuisse ducat? Sed de his satis. Ego te tuos labores, &  
studiorū vigilias perdidisse, ualdè molestè fero: quod  
mihi idem accidit, casu propè mirabili, euentu tristio-  
re. Cum enim direptis rebus ceteris, libri soli supersti-  
tes ab hostiū iniuria intacti, in nauim coniecti, ad Gal-  
lia littus iā peruecti essent: incidit in vectores; & in  
ipsos familiares meos pestilentia. Quo metu ij per-  
moti,

moti, quorū ad litora navis appulsa fuerat, onera in  
terrā exponi non permisere. Ita asportati sunt in alie  
nas & ignotas terras: exceptisq; voluminibus paucis,  
quæ deportavi mecum huc proficiscens, mei reliqui il  
li tot labores quos impenderamus, Gracis præsertim  
tot codicibus conquirendis vndiq; & colligendis: mei  
tanti sumptus, mea cura, oēs iterum iam ad nihilum  
reciderunt. Ex quo sat perspectum est, præter commu  
nes cum genere Italo hoc tempora inimicitias, pro  
prium adversum me bellum gerere fortunam. Sed ni  
hil illa proficiet: maximum habeo in summo deo, non  
paruum in æquitate animi perfugiū. Non me tātum  
quotidiana illius iniuria contellunt, quantum assuefa  
ciunt ferre hac humana fortiter atq; constanter: atq;  
eo quidem fortius, quod Deum mihi patronū non de  
esse intelligo: nullo hoc merito, nullis virtutū officiis,  
fateor. Sed quid refert, si is adest tamen, meq; ipse &  
protegit, & tutatur? cuius, quod minus ego illis dignus  
sum, hoc sunt maiora erga me & præstantiora benefi  
cia. Pro quibus vtinam aliquando gratus in illum ef  
se possim. admitat quidem certe, maiusq; etiam donū  
eius agnosca. si gratus fuero: quā cetera cuncta pro  
quibus gratia debeatur? Quid ergo est? hoc vulnere  
quo nullum gravius studiosis hominib. infligi potest,  
amissarum scilicet vigiliarum & lucubrationum, tu  
levius multò percussus es, cui ingenium & ætas suppe  
ditat, quā ego: cui quātulum quæso est reliqui? Sed  
tamen ne sic quidem deficio animo: tibiq; autor sum,  
eadem illa studia acrius repetendi: vt nō plus detractū

fortune iniuria, quàm per diligentiam additum esse videatur. Illud fuit extremũ in tuis literis, velut approbatio amoris erga me tui: quodd scribis nihil tam optabile tibi esse, quàm esse apud me, & hoc ocio frui mecum. In quo, ne viuam mi Niger, si tibi concedo, vt tu me cupidius appetas, quàm ego te. Amaui semper plurimum ingenium, probitatem, sedatum animum, spectatos mores: sed imprimis tuum bene mihi perspectum erga me amorem. Quominus aut, quod summè cupiebam, aliquod illustre ad te commodum atq; ornamentum ex nostra amicitia proficisceretur: meministi profectò quæ res fuerit impedimento. Quod nunc quidem vertit in bonum: si quidem minus malum est carere, quàm amisisse. Quæ autem sunt in his locis, eiusmodi sunt: vt animus si sit æquus vacuusq; cupiditate, nihil fieri possit amœnius, & si his rebus contentus esse possit, hoc est paulominus quàm mediocribus: ocij quidem & honestissimarum ac iucundissimarum voluptatum assatim est: quodq; imprimis tibi esse gratum scio, summa nostra in te constat beneuolentia. Sed de re tota tuum consilium est, vtrum videlicet, & quando. Nos quidem tui sumus. Lazarum queror ita nostri oblitum, vt nihil adhuc ad me dederit literarum. Nec puto tamen ab eo me non amari, quem ego mirificè diligo. Eũ de hoc commone facias velim, multamq; et illi, & ceteris amicis salutem à me dicas. Vale mi Niger, & nos amare perseuera. Iterum vale. Carpentoraacti, V. Idus Septembris. Anno M. D. XXVII.

IAC. SADOLETVS EPISC.

Carpent Federico Fregosio Archie-  
piscopo Salerni.

S. P. D.

**P**aulus ad nos reuersus, simul vt in me incidit, ipso primo aspectu & colloquio, statim interrogatus à me nunquid Lugduni tecum esset congressus, & te, quod tantopere cupiebat, conuenire potuisset: Ego uerò & conueni hominem, et multum cum eo vt essem, ualde mihi ex sentētia contigit: neq; arbitror, inquit, alios dies mihi in vita illuxisse iucundiores, quā hos, quibus frui tanta virtute atq; humanitate fuit licitum. Tum multa de te, de moribus, de literis, de omni genere sermonum, consuetudinūq; tuarum est locutus. Quæ cum ego audirem, meo perpetuo de te iudicio consentanea, non mediocriter letabar, prædicationem veterem nostram huius quæq; adolescentis asseueratione et testimonio cōfirmari. Qui (quod mihi credas velim) non paulò est, quā usus seruat, & quā atas illa postulet prudentior. Sed cum neq; ille laudādi & prædicandi, neq; ego percontandi finem facerē, is dies in sermonib. de te nobis totus consumptus est. Nō enim satiari poteramus, cum quem ego amorem erga te diuturnum iam dudum & stabilem conseruarem, ille eo recente flagraret. Quod mihi quoq; accidisse recordabor primis illis temporibus amicitie nostra, ac familiaritatis: quibus ita eram studio tui, propter tuas eximias & maximas virtutes incēsus, vt tūdemum cōquiescerem animo, cum tecum essem: neq;  
aliud



aliud tempus vllum gratum mihi atq; optatū accide-  
 ret. Eisdem nunc vestigijs Paulus ingressus, ab eadem  
 virtute tua, qua me cepit, ipse quoq; arreptus est: ut  
 in amore tui & obseruantia habiturus sis posthac nō  
 hominem vnum ex nostra familia, sed familiā cun-  
 ctam. Sed q; tu alijs occupationibus impeditus, quē ad  
 modum cōstitueras, in hac loca uenire nequiueris: mi-  
 hi (ut vere fatear) ualde molestum est. Iā enim pra-  
 ceperam animo fructū eximia cuiusdam voluptatis,  
 quē in te videndo et amplectendo percepturus essem.  
 Tum autem erat multarum rerum, consiliorum etiā  
 multorum, inter nos communicatio faciēda: in quib.  
 & tu sententiam meam penitus cognouisses, & ego  
 tuam exquisissem. Ita parati vterq; nostrum (sicut e-  
 go opinor) ut uter consilium attulisset melius, id am-  
 bobus ratum esset. Accidit autem eiusdem fortunae ini-  
 quitate qua me semper eludere conata est, ut me hac  
 quoq; expectatio summae iucunditatis frustraretur.  
 Quod si me procuratio ecclesiae, & διοικησέος meae  
 non tenuisset, quā hoc tempore obire more maiorum  
 & explorare est necesse: nulla res mihi fuisset tantī,  
 vt non ad te subito conuolarem: quod tamen sum, die  
 quidem incerta etiā nunc, sed tamen aliqua facturum.  
 Nam & longo interuallo te reuisere perquā opto:  
 & quō propiores sumus, hoc te careo acrius: cui no-  
 stra aegritudini tuo aspectu & colloquio subueniendū  
 omnino est. Quibus autem de rebus ego cogitarem  
 sermones inter nos conferri oportere: ea res partim  
 ad Rempublicam & ad temporum horum naturam  
 conditio-



conditionemq<sub>3</sub> pertinent : quod genus cum non satis tuto literis committatur, praetermittere totum est satius: partim in ratione traducenda vitae, & in omni genere studiorum literarumq<sub>3</sub> uersantur. De quibus & communicare inter nos etiam absentes, & crebro epistolas mittere licebit. Quanquam in hoc genere quidem, et meorum consiliorum rationes Paulus ad te pertulit: & de tuis mecum vicissim est locutus. Atq<sub>3</sub>, ut perspicio, baud ferè dissentimus. Nam quidd tu Hebraeas, ego potius Gracas secutus sum literas: idem est spectatum ab utroq<sub>3</sub> nostrum. Quid enim interest qua quisq<sub>3</sub> semita dum eò tamen perueniat, quod ueniendum est? Sanè solum in eo paruula inest dissensio: quodd tu ita sacras literas videris esse amplexus, ut alias omnes reieceris, & seposueris: ego sic ad easdem propero, atq<sub>3</sub> contendo, ut tamen aliarum comitatu velim accedere instructior. Sic enim intelligo, (quod idem omnibus patere arbitror) ut in hisce militaribus & bellicis studiis, quod quis fortior est vir, et imperatori suo acceptior: hoc armis et equis, et omni militia instrumento magis curat ut sit instructus: sic nobis in hac caelesti militia summo omnium regi & imperatori deo nosmetipsos excercetibus, nullum externum ornamentum, quod huic studio non officiat, esse repudiandum. Sed de his, ut etiam dixi et scribam ad te accuratius, cum sensum tuum omnem ex literis tuis cognoro, & ut ad nos planius ipse omnia perscribas vehementer à te postulo. Illud constare debet utriq<sub>3</sub> nostrum, quod conuelli nullo modo potest: in omni genere scriptorum studiorumq<sub>3</sub> nostrum eriam, La

tinam linguam præcipuè à nobis excolendā esse, qua nec grauior vlla est, nec præclarior: præterquā quod nobis ab eis viris maiorib. nostris tradita est, quorum admirabilis incredibilisq. sapientia neminem potest omnino pœnitere. in qua quidem ego cum spero te atque opto unā cum cæteris artibus optimis, quibus miri ficè deditus es, assiduè versari, tum ego certè versor: hoc etiam cōmodius, quòd tuæ bibliotheca gratissimo mihi munere copiosior factus sum. Pro quo ago equidem tibi gratias: sed eas referre mallem quàm agere: cui rei occasionē aliquam aliquādo dies. allatura est. Tu vt valetudinem tuam diligenter conserues: nosq. quod facis, ames: & te à nobis plurimum amari scias, & si petere videtur esse superuacaneum, tamen abs te peto. Vale. Carpent. Idib. Maijs, M. D. XXVIII.

## IAC. SADO L. EPISC. CARP.

Federico Fregosio Archiepiscopo  
Salerni, S. P. D.

**Q**Uòd cognoui ex literis tuis te valere rectè, memoriamq. mei absentis et beneuolentiā cōseruare, eo valde latatus sum. Quòd verò in eisdem literis erat ascriptum, te proficiscentē Lugduno illas ad me dedisse, id mihi nonnullam afferebat molestiam. Non enim possum non cum aliquo morsu doloris ferre: te, cui ego vni omnium hominum cupio esse coniunctissimus: disiūgi etiā magis à me, & ad remotiores regredi terras: cum ego te abeuntē, quem corde & animo amantissimo prosequor, pedibus consequi non possim.

Nec

Nec videre mihi videor interdum, quid me retineat: cum multa tamen impediunt, quibus à spe propinqua videndi et conueniendi tui sum exclusus. Sed quod corpore non possum, id amore equidem et cogitatione facio, ut tecum sim: neq; hora vlla à contemplatione tui absentis mihi praterit vacua. Quod si liceret vnà esse, ut ego te ad præclara illa studia, quibus aliquando simul fuimus dediti, excitare? ut te nō paterer siue diffidentia quadam, siue aliarum potius occupationū concursu, à spe præstantissimarū rerum relanguescere? Etenim visus sum perspicere tuis ex literis sententiam quandam eiusmodi tuam, quasi tu mediocritate contentus sis. Quod sane nollē, ita enim natura factus es, ita institutus, ut summa ac prima magis spectare debeas. Atq; ego, qui te adhortor, non is sum tamen, qui autoritate multū valeā: aut qui sciam mihi id capere consiliū, cuius tibi sum auctor: quippe qui negligentia natura, vel imbecillitate quadā animi, quotidie multa constituens, nihil audeā aggredi. Verūm non qui ego sim, sed qui tu esse possis, tibi est cogitandum. Quod si tēpora impedimento sunt, rerumq; tuarum rationes ita te implicatum cum multis retinēt, ut conseruandi officij causa necesse sit & sæpè te, & à multis perturbari: sustineat hanc etiā fortuna, cum plurimis alijs peccatis, iniquitatis suæ culpam. Nos autem id demus operam, de quo est in tuis literis præclarissimè scriptū, ut quotidie efficiamur meliores. Et est hac vna tamē omnium maxima præstātissimaq; doctrina, quā non Platoni, neq; Aristoteli, sed omnium doctori

doctōri & creatori Deo acceptam ferimus . Nam de  
ratione scribendi , utrum Latine inter nos oporteat ,  
an secus , liberum sit utriq<sub>3</sub> nostrum . Ego tuis literis ,  
cuiuscemodi illa fuerint , contētum me fore confiteor :  
modò accipiam crebrius . In quo peto à te , vt non in-  
uideas hanc exoptatam voluptatē expectationi mea .  
Nihil enim mihi potest esse iucundius , quàm de te cre-  
bro , & ex te ipso cognoscere . Quo quidem in munere  
ego tibi praibo , vt tu me imiteris : sapius ad te scribā ,  
vt eliciam tuas . Paulus in studijs remissior nunc qui-  
dem est : quem ego languorem libenter ascribo tempo-  
ri . Nihil enim est quod nolim potius existimare in cau-  
sa esse , quàm naturam , aut voluntatem adolescentis :  
qui si quo incredibile ingenio est prae datus , totum in-  
tendere ad optimas artes amplectendas voluerit , ne  
ille nō solum nobis , qui propinquiōres sumus , sed alie-  
nioribus etiam magno futurus est ornamēto . Nos am-  
bo valemus , teq<sub>3</sub> valere plurimum optamus , & bene-  
uolentiam nostri conseruare , sicuti à nobis quidem  
summa ea cum fide & constantia erga te conserua-  
tur . Vale . Carpent . XV . Cal . August . M . D . XXV III .

IAC. SADO LETVS EPISC.

Carpentoraēt. Herculi Conza-

ge S. R. E. Cardinali,

S. P. D.

**I**oannes Franciscus Binus , qui tibi has literas reddi-  
dit , vir est eis virtutibus ornatus , quas cognoui sem-  
per & requiri à te , & amari . Nā cū in scribendo lite-  
rarum

rarum venustate ac manu omnibus, quos quidem ego  
 adhuc viderim, facile antecellit: tum verè in dictando,  
 & lucubrando tãta facundia est, vt idoneus fuerit ha-  
 bitus, qui mihi in eo munere succederet: quo, vt tu op-  
 me nosti, Roma nõ mediocri cum dignitateungebar.  
 Est enim mea disciplina alumnus: deditq<sub>3</sub> mihi ali-  
 quot annos non mediocri mea cū vtilitate operas: tan-  
 tumq<sub>3</sub> ingenio & labore profecit, vt in Pontificis epi-  
 stolis ac diplomatis, facile iã eius scripta pro meis pro-  
 barentur. Quodq<sub>3</sub> paucis admodum cõtigit, in vtraq<sub>3</sub>  
 lingua, & Latina, & vernacula, ea videlicet, quæ nunc  
 est Italia familiaris, pares progressus fecit. Adiunxit  
 porrò ad has artes, quæ ingenij & doctrinæ sunt, illas  
 quoq<sub>3</sub>, quæ sunt bonorum & virorum, & morum: iã  
 & fide, & probitate, & omni diligentia genere atque  
 assiduitatis, & mihi, et omnib. prorsus satisfecit. Is, vt  
 dicebam, cum locum honorificum apud summum Pon-  
 tificem esset nactus: cumq<sub>3</sub> & tẽtimonio meo, & sua  
 virtutis commendatione, Principis summam gratiam  
 ac benevolentiam obtineret: eiusdem fortuna iniuria,  
 cuius iniquitate cetera ceciderunt, è summa spe & ho-  
 nore pristino deturbatus est: re familiari sua, quod du-  
 rius etiam est, nec satis commodè antea constituta, &  
 nunc penitus direpta. Quod quidem fato quodã meo  
 illi accidit: qui cum se, & spes ac rationes omneis suas  
 in meam fidem contulisset, vehementerq<sub>3</sub> ego cupere  
 illius consulere fortunis, & id sæpius conatus essem:  
 non potui tamen asequi vt id ipsi efficerem. Quod au-  
 tem fuit proximũ, id effeci, vt eum in eo loco constitue-

rem, ubi & sperare vberiora, & adipisci posset. Nunc  
in his vrbis Roma & totius Italia ruinis, quæ me &  
communis patria, & plurimorum amicorum ac neces-  
sariorum incommodis, & imprimis summi Pontifi-  
cis, quem ego omnibus vnum antepono, causæ, vehe-  
mentissimè perturbant: cùm ad humanitatem nihilo-  
minus pertinere arbitrer, suscipere curam eorum quos  
& iudicio meo, & beneuolentia sum complexus: exi-  
stimauī, si res Romanæ ita cecidissent, & collapsæ es-  
sent, vt ex tanto, tamq̃ acerbo naufragio, ne tenues  
quidem superesset reliquie pristinae dignitatis: essetq̃  
ipsi Ioanni Francisco reditus ad suum obeundum mu-  
nus penitus interclusus: neminem esse digniorem qui  
potiretur hanc gloriam, tali viro opitulandi, quàm  
te, cuius ego & amplitudini semper faui, & virtutem  
et liberalitatem natura sum admiratus. Quæ quidem  
hoc in te illustriora omnibus videantur necesse est,  
quòd ceteris Italiae luminibus extinctis, sola penè tua  
virtus & nobilitas relictæ est. Itaque nequaquam  
quidem mirum est, si, qui suæ confidunt virtuti,  
fortuna verò durior vti sunt, hoc tempore te intueri  
vnum, & in te spes suas constituere coguntur: sicut  
& Binius ipse constituit, & ego vt ita faciet, illi quo-  
que autor sum. Sed quod ad commodum & utilita-  
tem tuam pertinet, si hunc hominem amplecti tua be-  
neuolentia, & in familiaribus tuis habere institueris,  
eiusque operam & industriam in tuis rebus adhibere:  
parcè mihi, & cautè de eo est dicendum: ne videar  
cùm beneficium à te petam, potius te afficere bene-  
ficio.

scio velle: cum praesertim quantum ex tali ministro  
 commoditatis, opportunitatis, dignitatis, princi-  
 pi viro accedere possit, tu pro tuo ingenio & pruden-  
 tia statuere optimè queas. Quod autè attinet ad me,  
 qui in summo dolore, quem ex rebus publicis capio,  
 hac quoque cura sollicitor, ut hominis mihi dediti, om-  
 niq̃ uirtute praditi, quem ego summe diligo, tranquil-  
 litati & commodo consulatur: peto à te mi optimè, et  
 praestantissime Hercules, atque omni animi studio te  
 maximo opere rogo, si quid mei amoris residet in te,  
 & si communium studiorum coniunctio, quæ in ami-  
 citia vim habere maximam ad benevolentiam solet,  
 me ex animo tuo effluere passa non est: mihi des hoc  
 absenti, quod ego maximè expeto, voloq̃, ut homi-  
 nem hunc, de manu mea, in manum istam tuam bene-  
 ficam & liberalem acceptum, in familiaritatem &  
 gratiam recipias, velisq̃ illi apud te esse locum, quò  
 suo labore, industria, fidelitate, amorem tuum & iu-  
 dicium emereri possit. Quod illum ita maturè uaque  
 officiosè facturum esse cor fido, ut tu si meo testimo-  
 nio fidem habere, & mihi morem gerere animum in-  
 duxeris, quod te equidem facturum non dubito, facile  
 & quàm primum sis intellecturus, ad tua multa ei fer-  
 tuna & familia ornamenta, ex huius hominis familia-  
 ritate magnum quoque decus accedere. Me quidem  
 tanto tuo beneficio deuinxeris, ut tibi perpetuam pro  
 eo gratiam sim debiturus. Quod ut facias vehemen-  
 ter etiam atque etiam rogo. Vale. Carpentoraëti,  
 XIII. Calend. Iulij, M. D. XXVII.



**N**ouem menses ferè sunt, cùm ego Carpètoractē,  
 vt meam ipse gererem & gubernarē Ecclesiam,  
 me recepi: cùm viginti ipsis diebus ante Roma essem  
 profectus, quā illa acerba horribilisq; clades vrbi illi  
 omniū clarissimæ & nobilissimæ incidisset. Qua mea  
 illinc profectiōe, cū res illas libenter relinquerem,  
 ab vno Pontifice Maximo & clementissimo agrè fui  
 diuulsus. Amo enim eum, & amaui semper: nec meo in  
 illum studio & voluntate quicquam adhuc in vita ex  
 pertus sum ardentius. Quo etiam maiorem ex illo gra  
 uissimo casu cepi animo dolorem: quem tamen scriben  
 do non persequar, ne & meā ipse molestiam augeam:  
 & te videar velle ad luctum illarum rerum mecū vnā  
 reuocare. Quod aut ad meum officium et obseruantiam  
 erga te pertinet, posteaquam huc veni, cogitavi iam  
 sapius ad te scribere. Non enim te fugit, dum Roma  
 fuimus ambo, te mihi semper propositum fuisse, quem  
 præcipuè colerem: non solum amplitudinis & dignita  
 tis tuæ causa (hoc enim tibi commune erat cum mul  
 tis) sed multo etiam magis, quod tu mihi videbaris, in  
 illo genere & ordine, vel solus, vel certè cum paucissi  
 mis, antiquæ illius virtutis exemplum retinere. Eram  
 igitur tibi ex animo deditus: neq; tu id nescis. Quam  
 meam opinionem & obseruantiam confirmabat, tum  
 insignis beneuolentia, qua fui semper coniunctus cum  
 patre tuo clarissimo viro: tum tua erga me perpetua  
 præ-



præstansq<sup>3</sup> humanitas, cuius nullo tempore obliuisci  
 possum. Cogitavi igitur scribere ad te. Sed cum nul-  
 lum suppeteret (his quidem temporibus miseris, perdi-  
 tisq<sup>3</sup>) argumentum, quod vel mihi scribenti, vel tibi  
 meas literas legenti, esse aptum videretur, distuli usq<sup>3</sup>  
 in hunc diem: nec mediufidius, quod nunc habeam ma-  
 gis quid scribā, quam habuerim antea. Sed quia quic-  
 quid nunc demum scripsissem, id te putavi placatiore  
 animo esse lecturum: cum non solum dies, id quod om-  
 nibus commune est, sed etiam prudentia, qua tua laus  
 propria est, sedasset in te animi molestias. Quanquam  
 qui sedari possint, non planè perspicio. Non enim sunt  
 nostra mala eiusmodi, ut si in vna parte offensum sit,  
 in altera sit prosperè actum. Sed cum vno interitu om-  
 nia iaceant prostrata, vbi aniplius spe nulla nitamur  
 non habemus: nisi ad eum solum respiciamus, qui altis-  
 simum posuit refugium suum: quod videlicet, neq<sup>3</sup> mali  
 flagellum aliquod, neq<sup>3</sup> fortuna temeritas potest aspi-  
 rare. Quod equidem oro optoq<sup>3</sup> quotidie, ut ita fiat.  
 Sed si ceteris non possim, mihi quidem ipsi consulere  
 potui: habeoq<sup>3</sup> constitutum, nequaquam amplius post  
 hac à summi Dei cultu ac famulatu me seîngere, cui v-  
 ni sum dicatus ac deditus: hoc arctiore fidei & deuotio-  
 nis vinculo, quàm plerique: quod cognoui meam illi sa-  
 lutem & libertatem esse curæ. Itaq<sup>3</sup> certum est, quod  
 tempus vite reliquum mihi fuerit, id omne ad Dei im-  
 mortalis cultum, & artiū optimarum studia cōferre  
 Quod scribo ad te aliquanto liberius. Senti enim te nū-  
 quam abhorrere à talibus consilijs, quæ cum Deo con-

iuncta sunt : quæ qui deludere & aspernari solebant, cum opes & potentias nimium sectarentur, intellexerant, ipso euentu docti, falso se consilio à veris rationibus aberrasse. Sed de his hæctenus : neque enim hæc eiusmodi sunt, in quib. immorari admodum letabile sit. Ego quem amorem, quamq. obseruantiam erga te iã inde ab initio nostra coniunctionis cœpi, perpetuo sum conseruaturus. Tu me vt diligas, & in tuorum numero ducas, tibiq. deditissimum esse existimes, magno pere à te peto. Vale. Carpentoracti, III. Nonas Februarij, M. D. XXV III.

## IAC. SADOL. EPISC. CARP.

Ioanni Saluiato S. R. E. C.

S. P. D.

**T**Vis literis plenissimis humanitatis & beneuolentia, quibus ad meas rescripseras, nihil adhuc respondere potui, morbo impeditus, non negligentia retardatus. Fuerunt autem illa, vt quidem esse debuerunt, mihi iucundissima. Nam & memoria mei tua mirum in modum me delectauerunt: et in optimam partem acceperim iudicium, quod ipse de me in illis faciebas. tum consilium, quo cohortabare, vt nollem hoc tempore deesse reip. cui tot annos summa cum fide & diligentia seruiuissem. De iudicio quidẽ, quod tibi ego idoneus videar, in quo sit aliquid opis & adiumenti reipub. (quando hoc ita accipio, vt id tui potius erga me amoris indicium esse putem, quàm vllius meæ virtutis testimonium) habeo tibi magnam gratiã. Talis enim viri beneuolentia  
satis

satis mihi pro illustri testimonio est. Quod verò aut me deceat, aut id vera & recta ratio à me postulet, ut referam me rursus in illos fluctus, ex quibus Dei immortalis incredibili benignitate semel ereptus sum: quanquam in omni genere prudentia plurimū tibi tribuo, tamen in hoc planè quidē non assentior. Est enim meum mihi munus attributum, quod nec deferere debeo, neq; ab hac mente, illius piè recteq; administrandi, ipse deferi. quod quidem ego perspicere non posū, quo pacto absentes probe administrent, cū ego ipse qui adsum, attendoq; re experiar, hanc vnam omnium maximè laboriosam et difficilem esse prouinciam. Sed ut hoc mutari conuelliq; possit: quis mihi praestet, ritè omnia deinceps in vrbe auctū iri? optimus quidem & iustissimus est Pontifex: sed cuiusmodi ceteri ordines? cuiusmodi tempora? Qui hominum mores? Nos verò qui satis diu satisq; vehementer illis rebus dedimus operam, & aliqua inseruendo reipub. naufragia iā fecimus, aliquando littus portumq; nacti, obnixè illum teneamus. Equidem quod reliquum dabitur vita, id et Deo & musis sic impendere totum deuoui, ut aliā nullam cum quoquam cogitem habere rationem. nec despero in hoc ipso quoque genere vitæ, fore me & ipsi summo Pontifici, quem incredibili quodā amore prosequor, & ceteris amicis, ornamento aliquādo ac voluptati. Tantum tenere mihi hanc pacem animi, & hunc fructum tranquillitatis, quo mirificè perfruor, ad diē vitæ vltimum liceat. in quo mēs quidem mea perquā est constans, sed fortuna est ipsa pertimescenda, cuius

tanti & tam varij sunt ad ladē dum conatus, aduersus quam illo perfugio vti meditamur, quod est vnum omnium certissimum & maximum. vt in Deo ipso omnis spes vita, omnia subsidia fortuna constituamus: qui si fuerit nobiscum, quis contra nos erit? Atq; hac pauca ad te, velut excusans opinionē meam, si non ea est omnino sententia tua consentanea: cū praesertim probē intelligas ipse, etiam si in me esset ingenium atq; eloquētia, quae quidem perquā minima est, quā nihil tamen illa profectura sit in tam auersis ab aequo & bono, cunctorum moribus ferē & voluntatibus: quae non modō nihil appetunt rectum, neq; honestum: sed ne in eo quidem ipso, quod perperam appetunt, habent certam & constantem rationem appetendi. Sed hac fortasse plura, quā oportuit. Quod autem priuati iam tecum officij est: quod tu meā beneuolentiam & agnoscas erga te, & tuam mihi ipse vicissim tribuas, meq; in numero ducas tuorū: vehementer (vt verū fatear) mihi gratum est: tibiq; confirmo, si quid aliquando euenierit, vt re ipsa declarandū sit, quo sim in te animo: me non solū aequaturum, sed (si licebit) superaturū etiā tuā de me opinionem. Tu vt mei memoriā conserues, hominīq; omnibus ingenij & virtutis ornamentis praedito, Alberto Pio Carporum principi, plurimam vt dicas meis verbis salutem, te magnopere rogo. Vale. Carpentoracli, III. Nonas Maij, M. D. XXVIII.

IAC. SADOLETVS EPISC.

pent. Des. Erasmo Roterod.

S. P. D.

Acce-

**A**ccepi tuas literas, Basilea Calen. Octobris datas. in quib. erat manu tua a scriptum, alteras te eodē exemplo antè dedisse: quas non acceperā: Sed et haec tardius huc allatae sunt, medio enim Nouembri mihi sunt redditae: Quas habui, mi Erasme doctissime, omni ratione gratissimas Nā et effigie tuae eximia virtutis, summaq. humanitatis, mihi ante oculos totam posuerunt, quā ego semper soleo & mirari, & amare: & tua erga me singularis beneuolentia fuerūt mihi fidelissima testes. Quod enim tantam de salute mea curam susceperis: atq. vsq. eo fueris sollicitus, quoad habueris certum, quid me factum esset: meq. in his locis constituisse cognoueris: amici nimirum animi, & egregie beneuoli, hac magna est significatio, in qua ne viam mi Erasme si tibi concedo, ut in amando me sis superior. Multa equidem quae in te sunt, atq. haud scio an multo plura quā in quoquam alio, dilexi semper et admiratus sum, ingenium, eruditionem, copiam: atq. illud imprimis, quod tu ista tanta doctrinae ornamenta ad pietatis studium, & ad Christi celebrandum nomen contulisses. Huic verò tuo tanto in meipsum amorī, etsi animo ac beneuolentia sum par, verbis tamen et literis satisfacere nō possum. Dum enim auide cupio exprimere quā me tibi deuinctum putem, mihi nec stylus, nec oratio suppetit: quod tu per te melius poteris existimare. Sanè, quod ad me attinet, admirabili dei beneficio saluē mihi tū & incolumitas est inuenta, cū viginti diebus ipsis ante miserrimū casum Romae, ex vrbe illa exiui, iter habens ad ecclesiā meam, & in ea residere,

quod reliquum esset vite, constituens: quo quidē voto iam antea Deo eram obstrictus. Nec verò dubito, quin recta & grata Deo hac voluntas, causa mea incolumitatis extiterit. Nam mea reliqua eiusmodi sunt, ut mihi illius magis misericordiae sit opus. Sed quod ego minus meritus sum, hoc summi eiusdē Dei clementiae & benignitati maior à me debetur gratia. Meas quidem fortunas omneis, acerba mihi vrbis fortuna eripuit. In his ipsam bibliothecam, quam ego Graecis & Latinis libris magna diligentia vndiq; comparatis, reffererā: quae omnium fuit, ut & tu existimas, & ipse sentio, iactura grauissima. Sed tamen omnia in partem bonam accipiēda sunt. De Bembo meo nihil est quod labores. Is viuo etiam tum Leone, morbo coactus, coeli mutandi causa, contulit se Patavium: ibidē q; consedit, et nūc quoq; commoratur, totus literis & studijs deditus, omnemq; habens cum Musis rationē: quem ego arbitror pangere profectō aliquid, quod ipsi laudi futurum sit, ceteris non mediocri voluptati. Vrbis Romae casum quem pluribus desles, non alterius arbitror eloquentia dignē posse deplorari, quā tua. Incredibile est, quantum calamitatis & damni, ex illius vrbis ruina, omnino humano generi inuectum sit. In qua etsi vitia quoque nonnulla inerant, maximam tamen multo partē dominabatur virtus: domicilium certē humanitatis, hospitalitatis, comitatis, omnisq; prudentiae ciuitas illa semper fuit: cuius excidio, si qui, ut scribis, latati sunt: ij nō homines, sed seve potius immanes sunt existimādi. Quāquam hoc paucis vsu arbitror contigisse, ut aut non do-

luerit nobilissima omnium et multo prestantissima urbis clade: aut si furore quodam usq; eo debacchati sint, ut hoc illi exitij maligni optauerint, nunc saturatis odijs non aliqua furoris sui poenitentia, & vicissitudine rerum humanarum moueantur. Sed de his viderit Deus.

Quos tu quod scribis respicere iam coepisse, cupio equidem ut ita sit: idq; precari Deum non desinam: non enim odi illos, quin eos reuertere ad sanitatem opto: sed tamen Deus viderit. Ego quod te habeo socium huius doloris, neq; parum ex eo me consolor, & de tua optima mente atq; natura egregium iudiciu facio. Quod utinam pacis & concordiae communis aliqua aliquando ratio habeatur: quod melius consolari nosmetipsos, & recte sperare de omni repub. possimus. Nunc & tu prudentissime scribis, & ego intelligo, omni hac spe (nisi Deo aliter statutum sit) penitus sublata, nihil neque bonis literis loci, neque studijs pietatis, relictum iri. Nec tamen propterea deficere animo, aut defatigari debemus, quin cuncti, qui artibus optimis imbuti & instituti sumus, subueniamus pro sua quisque parte huic tanto damno, communiq; iactura: & in libris nauemus pacis & pietatis operam, si minus in repub. & in coetu hominum possumus. Inqua quidem actione et ego elaboro, & te video tantam iam laudem consecutum esse, ut non modo assequi te, sed vix imitari quisq; confidat. Nam quae nos multo cum labore, longo tempore rudia tamen & imperfecta facimus, tu nullo negotio breuissimo in tempore, plane expolita absolutaq; lucubraris: ut iam non in te cura sit, sed natura, oratio



nis ille nitor, & verborum sententiarumq; incredibilis vbertas Quo etiā minimè mirum tibi uideri debet, multos esse obrectatores tuæ laudis, & inuidos: est enim edita in altum laus tua, neq; omnes eiusmodi, vt magis eos virtus ad amorem, quàm celebritas fama ad malevolentiam adducat. Qui tamen abs te contemnendi & nihil faciendi sunt: non enim digni sunt, quorum vel habeatur mentio. Ego sicut & amor erga me tuus, meusq; vicissim erga te; & mea natura, & imprimis officium amicitiae postulat, semper futurus sum, & tuarum clarissimarum virtutum fautor, & dignitatis ac nominis præcipuus amator. Vale. XII. Cal. Decembris, M.CCCCC. XXVIII. Carpent.

# IAC. SADOLETVS EPISC.

Carpent. Bonifacio Amerbachio

Basiliensi S. P. D.

**L**Egi tuas literas, plenas beneuolentiae, & officij: in quibus quòd merita mea erga te tantopere commemoras, facis tu quidem abundantia amoris: nam ego eiusmodi officia, quae similibus tui viris probis doctisq; tribuuntur, magis honestare eos qui tribuunt, quàm eos quibus deferuntur, semper arbitratus sum. Quam obrem si quid egi tui causa, non tam mihi te gratias, quàm me occasione agere oportet. Atq; vtinam, qua in te voluntate sum, tantum mihi dedisset fortuna facultatis, vt magna aliqua in re meum animū melius perspicere potuisses: non te sefellisset opinio tua, si quam de natura & moribus meis susceptam habes. Etenim cum  
sim



*sim virtutis atq; doctrina planè studiosissimus, teq; v-*  
*traque earum plurimum valere perspexissem: iam ex*  
*eo tempore, quo te primùm Auenione cognoui, amaui*  
*te perpetuò postea, nihilq; non tua causa mihi facien-*  
*dum esse duxi: neq; me mea semel suscepta in te bene-*  
*uolentiæ vnquàm pœnituit. Nunc verò, cū te ostendas*  
*tam memorē, tamq; gratum, humanissimisq; verbis o-*  
*mne tuum studium mihi deferas, etiā amantius absen-*  
*tem studiosiusq; complector. Quid enim faceres, si ali-*  
*quo magno beneficio à me esses ornatus, cū pro tam*  
*praua re, tam magnam te mihi debere gratiam prate-*  
*feras: omnino omneis habeo causas diligendi tui. Qua*  
*propter velim hoc tibi persuadeas, paucos te habere,*  
*de quibus tibi æque, ac de me polliceri possis. Sed hac fa-*  
*ctis libentius præstabo, quàm verbis. Irenai librum ac-*  
*cepi, quod sanè mihi iucundum munus fuit: gaudeoq;*  
*ea quæ diu abscondita fuerunt, nostra ætate potissi-*  
*imum luci esse reddita. Ego assiduus in literis sum: cu-*  
*do etiam nescio quid: quod si confecero ex sententia,*  
*erit aliquid, credo, ad veræ pietatis studia profectum.*  
*Sed incredibilis in me est tarditas: in quo ego soleo E-*  
*rasmum nostrum maximè admirari, eiusq; ingenij*  
*vim, & orationis suscipere cōpiam. Cui tu plurimam*  
*salutem dic, tametsi eius quoque literis ipse rescribo.*

*Vale mi Amerbachii, & nos dilige, omnesq;*  
*istic viros, doctos, qui rectè pieq; senti-*  
*unt, meis verbis saluta. Carpentor-*  
*acti, XI. Calend. Decembr.*

M. D. XXVII.

**C**um venissem Carpentoraſte ad V. Nonas Maias,  
 mea eccleſia deſeruiendi, & Deo in ea opera offi-  
 cijꝝ impendendi cauſa, rebus Romanis aliquando pe-  
 nitus relictis, quod quidem meum conſiliũ, Dei eiꝛſde  
 erga me benignitas, & ſecuti exitus poſtea, compro-  
 bauerunt: quaſiui ſtatim ex his quos ſcire putabam,  
 quibus in locis eſſes, cupiens ſcribere ad te, & funda-  
 mēta noſtræ beneuolentiæ iam pridem auſpicato iacta  
 (ſi quidem optimum auſpiciũ uirtus eſt) literis con-  
 firmare. Cũ autem mihi de te nihil certi reſpōdere  
 tur, propterea quod negotijs publicis à Rege aſiduè  
 adhibitus, itineribus crebris diſtraherere, neq; diutius  
 ferè uno in loco conſiſteres: & ob eā cauſam, & quod  
 deinde triſtibus nuntijs ex Italia multis allatis, & pri-  
 uata mea incommoda, & multo magis publica calamita-  
 tes animum meum nō leuiter perturbauerant, uſq;  
 in hunc diem à ſcribēdo fui retardatus. Nunc uero, de-  
 pulſis nubibus illis mœroris ac moleſtiæ, quas mihi in  
 animo tantorum malorum cogitatio cōgregarat, cū  
 (quod ſolet eſſe nō difficillimũ ijs, qui in ſummo Deo  
 ſpes ſuas poſuerũt) ſpretis humanis caſib. ad ſerenita-  
 tem animi, et ad conſtātiā me retuliſſem, ſtatui has ad  
 te dare literas: quas vbicunq; eſſes, tamen ſperaui ad te  
 aliquando perlatum iri, per quas & officio ſatisface-  
 rem (ſum enim tibi pro tuis multis erga me meritis iā  
 pridem ualde obſtrictus) & renouarem in te, quoad  
 fiori

fieri posset, memoriam ac beneuolentiā mei nominis.  
Ego iam ab eo tempore, quo primum ad senatum Tho-  
losanum (cui tu maxima cum dignitate praes) causa  
ecclesia mea fuit delata, cognoui meorum procurato-  
rum, hominum probatissimorum, testimonio, qui vir  
esses, qua integritate, qua prudentia, quāta autorita-  
te praeditus: intellexi quoq; tū illud, te ita esse studijs  
optimarum & artium & literatum deditum, vt in eo  
genere laudis & scientia excelleres. Quod quidem ego  
maximum in homine, si cum virtute innocentiaq; iun-  
gatur, statuo ornāmētum esse. Non enim si rarum est,  
iccirco desinit esse preclarum. Quin ad splendorem &  
nobilitatem huius doctrinae, qua expolitur humanitas,  
quaq; una praecipue animos hominum ad verā digni-  
tatem honestatemq; instituit, addit quandam admira-  
tionem etiam raritas. Magnum est. n. et prorsus admi-  
rabile, ita quari à quopiam in hoc tempore sapientiā,  
vt ea non ad questum ullum sed tantū ad bene beateq;  
viuēdi rationem referatur. Equidem his tot tuis orna-  
mentis laudibusq; acceptis, susceperam iam erga te nō  
mediocrem beneuolentiam: cū acceperunt officia de-  
inde tua erga me absentem, meosq; praesentes, qui cau-  
sam meā apud senatum istum defendebant, plena gra-  
tissima humanitatis. Ostēdisti enim illis, te (quod mea  
quieti & tranquillitati, quoad equitas ferret, cuperes  
esse consultum) in tota ratione iuris administrandi,  
quod tu pro tua singulari iustitia potissimū obseruatu-  
rus esses, habiturum libenter rationem mei: vt, cū pri-  
mū rectē fieri posset, de re transigeretur: atq; ego curis  
illis

illis & molestijs omnibus liberarer. Quam voluntatē erga me tuā vsq; aded meministi mihi accidisse gratam, vt nullum tantum onus gratiæ esset, cuius non me tibi debitorem putarem. Nihil enim est, quod me magis alliciat, vel rapiat potius ad amādum, quā amoris erga me significatio. Quæ cum in te non mediocris apparuisset, multa q; essent pratereā, quæ ego in te nō probarem solum, verū etiam admirarer: meministi tū me ita constituere, tanti viri amicitia nil mihi esse debere optatius. Itaq; & statim tibi de hac mea voluntate literas misi, & multis mandauī, vt corā eam tibi exponerent. Secuta sunt tempora, quibus tu, Regis tui de tua præstanti virtute, iudicio, ad grauiores res obeundas Tholosa euocatus, ego in illis Italia fluctibus versatus, ambo grauib; curis negotijsq; districti, à scribendo cessauimus. Nunc autem, cū Dei immortalis incredibili beneficio, cui meā salutem cognoui fuisse curæ, ego in portum ex alto tandem peruectus sim: habeamq; constitutum, quod reliquum vitæ est totum in eo munere fungendo ponere, quod à me eidem Deo maxime debetur: putauī conuenire bentuolentia in te meā, te de aduentu nostro, omniq; statu facere certiorē. vt scires, me repudiatis pristinis illis vitæ actionib; quæ, etsi à me non mediocri dignitate tractabantur, ad illatamen iam aspiranti, quæ diuina immortaliaq; sunt, impedimento: magis erant, quā adiumento, reuolutum totum esse in eas literas, & ad ea honestissimarū artium studia, per quæ nosmetipsos noscendi, & ad Deum ipsum propius accedendi, ampla nobis facultas  
para

parata sit, quā facillimè cūsequemur, si cū studio veræ sapientiæ cultū puræ sanctæq; religionis in vnum quasi complexum copulabimus. Quod sumus Deo adiuvante studiosè effecturi. Et quoniā te quoq; eadē voluntate ad hæc præclara studia propensum esse intelligo: audebo te hortari, nō tā ambitione, quā benevolētia adductus, vt mandas in sententia, atq; inter publicas res administrandas, impertias huic etiā curæ aliquid tēporis: quod & fructus vberiores vitæ beatæ percipias, & fias ad illa gerēda atq; tractanda, si fieri potest, etiā instructior. Ego quā semel erga te singularē suscepī benevolentia, eā perpetuò & cū fide conseruabo. Tu si me vicissim, vt spero, & vt instituisti facere, dilexeris, mihiq; aliquid aliquādo literarū miseris, dabo operā profecto, vt te ne vnquā nec iudicij de me tui, nec nostræ institutæ necessitudinis pœniteat Vale. Carp. XI. Cal. Nouē. MDXXVII.

IAC. SADOLETI EPISC.  
CARPENTORACTI EPISTO-  
LARVM LIBER II.

IAC. SADOLETVS EPISC.

Carpentoraçt. Petro Bembo,  
S. P. D.



VBITVS discessus Pauli Sadoleti ( qui fratris Patruelis filius, mihi ad manum adolescens, non solum summa spe atq; inæole omnium virtutum, sed ipsis iam virtutibus praditus, repentino nun-

D tio

tio de patris morte coactus, à me proficiscitur) facit,  
 vt conturbatiore animo ad te scribam de tuo libro quo  
 scribenda sunt. Quem ego librum tibi remitto, nactus  
 idoneum hominem, qui perferret. De quo ipso tamen  
 accipe pauca. Lectus enim est à me per diligen-  
 ter: mirumq; in malum ea me lectio delectauit. Nam & cha-  
 rissimi amiciissimiq; hominis praeclara ingenij ac do-  
 ctrinae monumenta aspiciens, eum ipsum, quem maxi-  
 mè diligo, visus sum aspicere: & ipsa oratio ac dicendi  
 genus, eiusmodi est, vt nihil nitidius, nihil elegatius, ne-  
 que venustum magis possit desiderari, vel in delectu cul-  
 tuq; verborum, vel dignitate & copia sententiarum.  
 Itaque ego, qui eas parteis in dialogo gero, quas tu me  
 pro tua in me beneuolentia gerere voluisti, sumq; in il-  
 lis testimonium illustre tui de me iudicij consecutus, fa-  
 cile agnosco, in istis ipsis scriptis me multò disertius &  
 commodius loqui, quàm soleam in meis: proq; eo magnā  
 tibi habeo gratiam. Quod enim maximo cum labore,  
 nequeo tamen assequi, id sum tua opera sine labore vl-  
 lo meo perfacile adeptus. Ac ad reliquas quidem suauis-  
 simas, multas ac magnas, quibus me affectum sensi, illa  
 accessit, ceteris non minor, quòd temporum nostrorum,  
 veterumq; dictorum: ac factorum, quae nobis vnquam  
 inter nos acta & communicata sunt, omnium est mihi  
 memoria ex illo libro renouata, tum cùm erat nostra  
 tas ad omnem alacritatem & animi hilaritatem longè  
 aptior. Habita quoq; est illustris mentio multorum for-  
 tium virorum, quibus cum vtriq; nostrum iucundissi-  
 ma, iuxta familiāritas: quorum partem maximam mors  
 nobis

nobis eripuit. Quo etiam tu maiorem officij et pietatis  
laudē es meritus. Quos enim iuuenis apprime dilexisti,  
eos atate iam prouecta eis honoribus exornas, per quos  
& virtus vnā eorum, & tui praestantis ingenij laus  
immortalitati consecratur. Sed hac haectenus. Etenim  
cū scribam negligentius, simq; animo suspensior, ve-  
rendum mihi est, ne tanquā omnia conans dicere, pa-  
rum tamē dixisse videar de eo, de quo nihil satis pro di-  
gnitate dici potest. Itaq; venio ad alteram partem. Cō-  
tendisti enim tu à me per literas pluribus verbis, vt in  
corrigendo & mutando, qua mihi mutanda esse vide-  
rentur, neu stylo parcerem, neue vllā in eo amoris, aut  
indulgentiae ducerem rationem. Ergo obtemperare tu-  
is praeceptis volens, annotaui nonnulla, hercule magis  
vt fidem tibi facerem diligentiae meae, quā quod val-  
de necessariū arbitrarer. Sed malui tibi superstitiosus,  
quā parum seruans religionis videri. Ea tu porrò in  
optimā partem accipies. De reliquo, mi Bembe, aliqua  
semper inter nos: in quo te nō desinam hortari, vt omis-  
sis alieniorib. scriptis, te ad hoc genus scribendi totum  
conferas, in quo quidem facilē tueri principem locum  
potes. Illustrabit, mihi crede, haec tempora, & nomen si-  
mul tuū Latina oratio. qua & grauitatem maiore habet  
in sese, & vtilitatē ad omneis res accommodatiore.  
Quanquā & hoc, et omnia, multò tu melius. Federicus  
Fregosius his proximis diebus in Italiam profectus est.  
matris etiam ipse morte euocatus. Ei ego misi commen-  
tarium quendam, in quo de sacris agitur reb. Venetijs  
imprimendum. De quo si tu quid audieris, (nā non sum



ausus hoc genus scriptorum ad tuum iudiciū deferre tã  
quàm à leuioribus studijs alienius ) peto à te prae nostra  
amicitia, vt aliquam curam adhibeas, quo sine mendis  
edatur. hoc sola autoritate assequi potes: et si tibi osten  
deris gratum id futurū esse. Nostri communib. amicis,  
& Cola tuo, quem ego quoq; non mediocriter diligo,  
plurimam dic salutem. Vale mi charissime Bembe, &  
nos vt facis ama. Carpentoraeti, VI. Cal. Iulij.

## IAC. SADOLETVS EPISC.

Carpentoraeti. Petro Bembo.

S. P. D.

**Q**Uod excusationem praeponis in tuis literis, quam-  
obrem libri tui non tam citò missi mihi fuerint:  
in eam accipio partem, vt tu potius humanitate tibi  
solita vtaris, quàm quodd id fuerit necesse. Nihil enim  
tuum, vllò vnquam tempore, venire in suspicionem ne  
gligentiae potest. Et illi quidem auidè expectabantur  
à me: verum vt tamen, quoquo venissent tempore, gra  
tissimi futuri essent. Sed, vt perspicio, correxit moram  
omnem liberalitas tua: cum fenore enim redditus nobis  
sunt, accepimusq; plus quàm speraremus, & quàm sue  
rat inter nos pactum. Itaq; magis est cur tibi gratias  
agam, quàm quod de tuorum, vt scribis, tarditate que  
rar. Ego verò illos & legi, & lego: tantumq; ex lectio  
ne eorum capio voluptatis: quantum verbis consequi  
non possum. Nam & sermonis nitor atq; elegantia,  
& rerum, quae inibi explicantur, vbertas, varietas, di  
gnitas, & amicissimi hominis in eis imago ac monumē  
tum,



tum, & meus mehercule erga te ipsum amor, omnia eiusmodi, ut miranda mea quadam sit in legendis illis delectatio. Nec multo secus in vernaculis. Nō enim credo existimare te, funditus me gustum omnē illiusmodi scriptorum etiam perdidisse: facisq; nonnullam amicitiae iniuriā, qui me in invidiam eam voces, tanquā illa sint non mei stomachi: sic enim scribis. Quasi non ego possim pronuntiare complura tua in eo genere, quae olim à me memoriae mandata sunt, cū Asulanis tuis ediscendis, opera & temporis non minimum impendissem. Sed tu fortasse conijcis ex eo, illa mihi nō placere, quod te auocare solebam ab illis literis. Faciebam ego id quidem, sed consilio, ut videbar, bono. Cū enim in Latinis maior multo inesset dignitas, tuq; in ea facultate princeps mihi longè viderere, non tam abstraheram te illinc, quā huc vocabam. Nec studium reprehendebā in illis tuis, sed te maiora quadam spectare debere arbitrabar. Quod si tu ea magnitudine ingenij es, ut præclare utrunq; præstiteris, non mea ratio redarguenda, sed tua predicanda, & ferenda in cælum est virtus. Paulus quidem meus ita incensus est studio tua legendi, ut satiari non queat, quem hic nos habemus non iam discipulum nunc quidem, sed mirificum comitem studiorum nostrorum. Tantos enim progressus habet in literis, ut eius quoq; nos iudicio in nostris scriptis libentissimè utamur. De Iouio quod scribis, gratū est: cognoui ego illum semper mihi amicissimum, & verò etiā tibi. Habet enim ille quod pauci, ut in eadem palaestra, in qua ipse se exercet, aliorum nihil inuideat industria:

ex quo maiore etiā laude est dignus. Meum quidem consilium huc concedendi, & in his permanendi locis, cum semper mihi placuit, tum etiam magis mihi probatum debet esse, si tibi est: & illis, quibus cum te locutum Bononia, & illorum opiniones de me inaudisse narras. Quos gaudeo equidem in ea esse sententia, ut probet: sed tu unus mihi multorum instar: Equidē ipse quod ad mei animi sensum attinet, maiorem indies capio ex eo consilio voluptatem. Non eram enim natus omnino seruituti: & erat tempus aliquod nobis ad recolenda nostra illa praeclara studia sumendum. Tum aetatem ad ocium senectutemq; deflexa, me ad requie-tem, & tanquā in portum inuitabat. Tum autem alia multa. Quanquam quid ego singula cōmemorem? cū id ita ut facerē, sua serim mihi omnia? Egi igitur quod putavi esse rectum: quam sapienter, nescio, fortiter quidem, & feliciter certē. Ea enim sunt consecuta, ut qui etiam non ex ratione, sed ex euentis consilia hominum ponderant, meū factum nō sint ausi vituperare. Quare quoniam sumus in portu, teneamus stationem quam cepimus, & quod reliquum fuerit vitae, honestissimis studijs atq; actionibus impendamus. Deus modō propitijs sit, & commodē ualere liceat: praestabimus, ut ratio extet otij nostri. Unus nobis deest conspectus, vel potius congressus tuus: qui nunc quidem foret, ut tu suauissimē scribis, nostrum utriq; dulcissimus. Sed quoniam id non potest, simus hac epistolarum inter nos colloctione contenti: quae quidnam prohibet quāso, ut ne sit crebrior? Amabō, te quando ad eam urbem es,

in qua omnium ferè gentium negotia geruntur, perspi-  
ce, quorum fide & opera optimè inter nos commear-  
possint literæ: equidem sequar constitutum tuum. Com-  
mentarium meum planè nolo Venetijs imprimi, ab illo  
& ξητὺ πρ duntaxat, qui commutatus fuit pluribus  
locis. Eum Lugduni imprimendum curauimus: cuius  
mittimus tibi uolumen unum, verius aliquantum nos  
quidem existimantes, non placiturū illum tibi, nec tui  
fore stomachi: nec tam me hercule, quod non præclara  
in eo agantur res: sed quia barbara multa & obsoleta  
necessario aspersa sunt: nosti enim morem huius scri-  
ptionis. Tu boni consule quicquid est, & nos amare  
perseuera, mi charissime atq; optatissime Benibe, amo-  
re illo fraterno, quo iamdiu coniuncti inter nos sumus  
germanum in modum. Flaminium optimum adolescē-  
tem, & eundem deditum optinis studijs, Colamq; item  
tuum, cuius ego fidem, diligentiam, virtutem, quotidie  
pluris facio, salucre iube plurimum uerbis meis. Vale.  
Ex suburbano nostro Carpentoraclensi, XI Calendas  
August. M. D. XXX.

## IAC. SADOLETVS EPISC.

Carpentor Petro Bembo.

S. P. D.

Ratum est mihi, quod video tibi curæ esse. Nec-  
Gadmodum crebro inter nos per literas colloqua-  
mur: quando quod potuit esse gratius, ut liceret nobis  
garrire coram quæcunq; in buccam venissent (qui quo-  
tidiana fructus familiaritatis vberrimus esse solet, &

suauissimus) nobis fero quodam est ereptum. Sed tamen huius quidem officij exercitatio despicienda est: est enim & iucunda & dulcis: modò litera cursum haberent & secundum & facilem. Video enim tuas datas Ianuario mense, mihi extremo Maio fuisse redditas, cū ha prius ad aulam Regis peruenissent, & illinc demum, tanquā errore agnito, ad me se vix aliquando recepissent. Ego tamen in dandis literis sequar institutum tuum, vt Lugdunum mittam, vnde Venetias postea perferantur, ad Lazarum Baysium legatum Regis, hominē vt ego quoq; cognosce videor, & doctum & perhumanum. Qui cū ad me prior scripsisset, non existimauit amicitia petitis altè principijs, & magno ambitu verborum conciliandam esse. Sed scripsit apertissimè & famularissimè: vt ingenua sua natura illustre testimoniū iam tum mihi dederit. Amo igitur eum, neq; id medio-criter. Porro accedet corollarium, mihi quidem non molestum, vt item ad illum semper aliquid dem, quod etiam mea ad te commodius ferantur. Sed ad literas tuas. Ille verò, mi Bembe suauissime & optime, admirabile est, quāta animum meum voluptate affecerint: quod, vtrum eloquentia in illis tua tribuendum putem, an amor in me tuo, qui vndiq; in illis literis se ostendit, difficile est dictu. Eminent enim uero vtrunq; meq; ita delectat, vt nihil vnquam magis. Sed de genere orationis styliq; elegantia, vereor, ne si plura dicam, tibi etiam ipsi videar ineptus. Testatum enim iā diu apud omneis est, & qui tu sis, & de te ego quid sentiam. De amore ergo potius, quem tuum esse erga me tantum, quantum

audeo

audeo optare, & video, & vehementer lator. Itaq<sup>3</sup> illa  
quàm suauiter scripta, de mea beneuolentia erga te, ti  
bi planè perspecta, de fratrum nostrorum filijs, de stu  
dijs domesticis, de omni cura cogitationeq<sup>3</sup> rerum etiā  
intimarum? quæ tu tam amanter, tam fraternè singu  
la commemoras, vt non tuas literas legere, sed te ipsum  
videar audire loquentem: quem ego absentem, tanquā  
presentem, & audio mediusfidius, & quotidie intueor.  
Ac (si verum loqui volumus) hoc est propriè amare, cō  
municare videlicet recondit a consiliorum suorū: non id  
quod pleriq<sup>3</sup> facimus, cū nullo argumento proposito  
accedimus ad scribendum, verbis crebrò iactare, & qua  
si ostentare beneuolentiam. Sed ne viuā, si concedo tibi,  
vt plus me ames, quā ego te amo: qui in hac ratione præ  
sertim, debeam partes ferre potiores. Nam vt mittam  
initia & ortus familiaritatis nostræ, quorū semper mi  
hi quidem iucunda est recordatio, cū tu principio à  
me appetitus, dedisti mihi te promptum & facilem, ac  
in omni gerere elegātem ac perhumanum: vt q<sup>3</sup> reliqui  
deinceps temporis indicia tuæ erga me voluntatis præ  
teream, quæ & magna & multa sunt: hoc tuo officio  
quid potest esse constantius, quod eandē amicitia fidem  
absenti mihi præstas, quā olim presenti iam diu præsti  
tisti? Namq<sup>3</sup> ego, qui veteribus necessitudinib. relictis,  
ad nouas atq<sup>3</sup> insolitas fortuna quadam trāslatus sum:  
si conseruo memoriam meorum familiarium, quid qua  
so, aliud facio, quam id quod natura fert? scilicet vt le  
niā desiderium animi mei recordatione eorum quos di  
ligo? Tu qui domi cū tuis charissimis remāsissti, qui ami

cis abundas, cuius domus assidue floret copia lectissimorum hominū: cū me ipsum tanti absentem facis, in amoreq; persistis, nec diuturna iam disiunctione nostra quicquam esse imminutum de tua pristina voluntate significas, & beneuolentiæ in te mea facies subiicis: & tibi officij summam laudē vendicas. Quæ nulla re à me potest, nisi magnitudine amoris cōpensari. Sed quid ego? labor equidem longius: etsi enim hæc grata memoratu, minime tamen necessaria sunt. Quapropter ea missa faciamus. Quod tuus in fratris filio instituendo labor non eum adhuc exitum affecutus sit, quem tu sperares: credas mihi hoc velim; non minus curæ mihi rem eam esse, quàm tibi ipsi. Quid enim interest, vtrum tuus sit, an meus? Sed ego spe quadam adducor, vt confidam, fore tibi illum aliquando voluptati. Multum enim illum ætas, multum imitatio domestici exēpli adiunabit: nec boni seminis virtus facile est interitura. Quapropter suadeo tibi, vt neq; spem de eo; neq; studium deponas. Meus quidem, cū est vt i ego maximè volo, deo habeo gratiam. Is te vnum summè omnium colit: miroq; afficitur desiderio, tum visendi te, tum arctius adharendi tibi: cui rei utiq; aliqua aliquando capiatur occasio. De studijs nostris, in quæ præter expectationem suam, & cæterorum, vterq; nostrum delapsus est, hoc de me tibi habeo dicere: visum fuisse mihi, ista magis conuenire huic iam ætati, & huic personæ quam vero, esseq; officio meo coniunctiora, quàm illa quæ lucis quidem habent ac laudis plus, sed vtilitatis certè minus. Itaque in hac iam totus immineo: perfectioq; Hortensio, quem habeo

habeo nunc in manibus, etsi negotij eius magnitudo penè ut desperem facit, ( est enim res prorsus maximi operis ) sed tamen eo aut perfecto, aut abiecto, non facile aliud agere me, neq<sub>3</sub> alibi vspiam, quàm in sacris literis versari cognosces. Tua verò susceptio conscribendæ historiæ, dignitatis plena est ( ut ego iudico ) non mediocris: nā et honorifico senatus cōsulto ad hoc munus vocatum fuisse, eximia tuæ est gloriæ: praesertim cū illud non ambitione expressum, sed sponte, & ipse iudicio senatus exortum fuerit: & tua summopere laudanda ac pradicanda est pietas, non denegasse patriæ hanc operam, ut illius gestæ res tuo ingenio potissimum, gravissimog<sub>3</sub> testimonio posteritati proderentur. Quare id cupio tibi bene & feliciter euenire. Quanquam non illud quidem tibi tam optandum est, quàm ut incolumis diu valetudine bona perfruare: cetera enim abundè ad sunt, per quæ & tui ingenij laus, & Rei tuæ publicæ monumentorum memoria consecratur immortalitati. Tibi sanè ea res cecidit nō incommode: nō enim necesse habuisti. id id quod mihi cōtigit, deflectere à vetere curriculum studiorum tuorum, & velut incognita in via imprimere novas orbitas. siquidem hoc opus est, ( ut ille inquit ) omnium vnum oratoriū maximè. Sed ne illud quidē assertior, visum iri hoc tibi difficile, aut laboriosum: quid enim est, quod tibi, pro tuo isto ingenio, istaq<sub>3</sub> doctrina, ac eloquentia, qua insigniter præditus es, aut nouum accidere, aut difficile possit? Verū de his satis: Colam meum tantopere probari à te, & magnifieri, neq<sub>3</sub> miror, & vehementer gaudeo. De Flaminio idem sentio



sentio, quod tu . Lazarum Bonamicum audio tradere  
 Patauij publicè doctrinam bonarum artium iuuētuti.  
 Eum ego hominem maiorem in modum diligo: neq<sub>3</sub> du-  
 bito, quin tibi iam factus sit persamiliaris : summo est  
 ingenio, excellenti q<sub>3</sub> doctrina. Sed virtus, & probitas,  
 & in omni officio fides atq<sub>3</sub> constantia, in primis in illo  
 homine amanda & complectenda est . Eum tu saluere  
 iubebis verbis meis plurimum . Credo te memoria tene-  
 re, confectam à me olim, cū Roma etiam essem , ora-  
 tionem quandam in Iudeos, quam ego causam in duas  
 actiones partiri institueram: sed prior fuit pars tantū-  
 modo absoluta, si tamen absoluere est, quod parum poli-  
 tē efficias: eam ego nunquam duxi edendam, neq<sub>3</sub> hercu-  
 le nunc in alia sum voluntate. Sed cū flagitanti iam  
 sapiūs, & amicitia nomine vim quasi afferenti, Hercu-  
 li Gonzage, homini & nobilitate virtuteq<sub>3</sub> maiorum  
 suorū, & suis ornamentis ac laudibus, amplissimo, om-  
 niumq<sub>3</sub> & cultu & amore dignissimo, resistere amplius  
 non possum, illam ad eū mitto, (modò .n. in fasciculum  
 coniecta est) hac lege tamen, in quo multis precib. cum  
 eo ago, vt ne cuiq<sub>3</sub> omnino copiā illius describenda faci-  
 at, praterquā tibi, si id fortē petiueris: & si damni nihil  
 putaueris, bonas horas tuas in ea legenda consumere nō  
 bene. Quod tibi notū esse volui, vt cū de meo animo cer-  
 tior factus esses, quid tibi esset faciēdum, ipse statueres.  
 Vale mi optatissime atq<sub>3</sub> humaniss. Bembe, & M. Anto-  
 niū Michaëlem, quē ego vnice semper dilexi, quemq<sub>3</sub>  
 mei vicissim cognoui amantiissimū, saluta meis verbis,  
 etiā atq<sub>3</sub> etiā. Carpent. XI Calend. Iulij, M. D. XXXI.



IAC. SADOLETVS EPISC.

Carpentoraët. Petro Bembo.

S. P. D.

**C**um haberem plus aliquantū otij quā tu, seruauī  
 vetus institutum, vt Latinè ad te scriberē: tametsi  
 quacunq; lingua scribatur inter nos, neutri quicquam  
 accidere potest iucundius. De te enim sentio, item vt  
 de me ipso, cui omnis tua epistola incredibilem semper  
 quandam adfert voluptatem. Cepellus ille, quē tu mi-  
 hi commendas, ad me ipso non adiit: literas tuas misit.  
 Ei ego denunciari iussi, si quid opera mea vellet vti, om-  
 nia me tua causa, qua is vellet, esse facturum. Oratio-  
 nem meam tibi tam placuisse, quā scribis, vehemēter  
 gaudeo: & si hoc mihi prater opinionem accidit. Sem-  
 per enim ego de illa fastidiosius iudicaui. Sed tu amore  
 fortasse inductus, quo erga me, & res omneis meas af-  
 ficeris, honorificentius sentis de illa, quā res ipsa fe-  
 rat. Quod si ita est, ego tamen iactura nihil facio, quā-  
 tum enim de fructu ingenij deperdo, tantum mihi ex  
 amore tuo erga me voluptatis adijcitur. Fregosium no-  
 strum futurum tecum aliquot menses, peream, ni inui-  
 derem tibi, nisi te tantopere amarem. Sed amabō mi  
 Bembe suauissime, dato hoc mihi, vt de vestris mirificis  
 sermonibus, aliquid nos quoq; qui absumus, degustare  
 possimus. Id perlepidè fiet, literulis ab utroq; vestrum  
 familiariter ad me scriptis: quas ego loco vestri exoscu-  
 ler, & in manibus assidue habeam, colloquarq; cum vīs:  
 & quoniam in viuīs caputibus non possum, in imagine  
 tali-

taliū amicorum, amorī meo in vos incredibili aliquid oblectamenti & exoptata voluptatis dem. Equidem qui alioquin hic libenter sum, cū fructus illos dulcissimos vestri congressus cogito, relegatus mihi uideor. Sed obdurandum est: est enim quiddam, quod ego aspirare conor, quod utiq; esse statuo ceteris rebus praestantius: idq; etiā facit, ut tuo amantiſſimo consilio, quo mihi praecipis, quas parteis in scribendo sequi debeam, minus facile obtemperem. De tuis scriptis atq; historijs, in quas ingressus es (ut antea tibi scripsi) mea summa est expectatio: neq; ea tamen maior ingenij tui viribus. Itaq; iam videre mihi videor, patriam tuam, suis opib. florentem, tua vocis testimonio etiā futuram ornatio rem. A Lazaro accepi literas, illisq; respondeo. Te quod delectet veteris nostrae coniunctionis memoria, haud mirandum est: nihil enim illa amantius, neq; fidelius. Sanè eadem mihi ita iucunda est, ut non solum fructu suauitatis, sed ornamento etiā non mediocris honoris me afficiat. Quippe cū tibi me esse cordi, vim mihi in se magnam laudis ac iudicij habere videatur. Vale mi charissime atq; optatissime Bembe. Carpentoraeti, V. Idus Martias, M. D. XXXII.

IAC. SADOLETVS EPISC.

Carpentoraeti. Petro Bembo

S. P. D.

**C**um Auilam tuam per se libenter vidi, hominē (ut tute scribis, & ego semper cognoui) & prudentem, & probum: tum autem, quod veniebat à te, & è tuo

tuo sinu quasi erat profectus, nihil accidere potuit mihi illius aduentu colloquioq<sup>3</sup> optatius. Itaq<sup>3</sup> noli existimare, alios sermones biduum illud, quo nobiscum mansit, cum eo mihi fuisse, praterquam de te. Omnia sum expiscatus, quæ de homine coniunctissimo, omniumq<sup>3</sup> mihi longè charissimo, aut quæ rexe nostra diuturna iā disiunctio mihi suadebat: aut audire amor erga te meus summus expetebat. Quæ quidē cuncta esse sicuti ego maximè cupio, teq<sup>3</sup> eū tenere statum, qui sit maximè ad tranquillam & honoratam vitam appositus, & tibi gratulor, & mihi summopere gaudeo. Quoniam enim ij inter nos sumus, vt pro fraterna nostra necessitudine omnes nostri in vnum conspirent & consentiant sensus: ego in bonis tuis rebus me eundem statuo esse atq<sup>3</sup> te, & eadem mihi videor frui fortuna, quando eadem, qua tu, persfruor voluptate. Sed ad reliquas quam plurimas iucūditates, quas Auila aduentus mihi attulit, permagna mihi accessio fuerunt tuæ suauissima ornatiissimaq<sup>3</sup> litera: quibus ego sapissimè legendis non tamen satiatus sum: tantum in illis humanitatis, tantū officij, tantum incredibilis cuiusdam spirat beneuolentie. Atq<sup>3</sup> hæc præterea, sic suauitate orationis omnia condiuntur, nihil vt mihi videar vnquā legisse dulcius. Me verò in illis cum valde delectauit iudicij tui testimonium, quod mihi de mea oratiūcula das, plenum vt ego perspicio, & fidei & amoris: tum uero grauis illæ & sapiens admonitio amicissimi mihi hominis imprimis visa est, quæ à me requiris meæ pristina vitæ consuetudinem: eo quòd tibi videar in illum hominem alē  
quan-

quanto acerbius esse inuectus, quam moderati hominis natura postulet. Ego verò mi Bembe, cum nil tuo iudicio statuam esse grauius, facile ita esse adducor ut credam, discedo in sententiam tuam, meq<sup>3</sup> duco errasse, quando is tibi videtur error. Sed ego primū in oratione illa antiquum morem dicendi imitari conatus sum. Scis enim ipse, quā asperè, quamq<sup>3</sup> vehementer in improbos inuehi soliti sint ij, quorum nobis ingenium atq<sup>3</sup> eloquentia præcipuè probatur. Sordes porro & amentia, vel feritas potius quadam hominis illius, in quem inuehebamur, sustinere illiusmodi orationem videbantur, præsertim cum tractarem eum locum: nihil magis perniciosum esse Reipub. quàm principum auaritiam, & nimiam pecunia coaceruanda cupiditatem. Is autem in quē scribebamus, infinitis in eo genere sordibus, non solum cōmaculasset famam sacerdotij: verum omnia omnino non æquitatis modo, verum etiā humanitatis iura conturbasset. Postremò, id quod mihi maximè fraudi fuit, non magis exituram orationem illam putaui, quàm eas, quas nunquam scripseram. Quod quando contigit secus, si tamen contigit, (est enim illa penes amicissimos, qui sciunt me eam vulgari nolle) danda opinor nobis est opera, vt actionem alteram aliquando, hoc est corpus totum causa conficiamus. Cuius rei cū tempus venerit, (nam, vt nunc est, alijs rebus occupatus sum) tunc te adiuvante, & suppeditante ingenium tuum lucubrationibus nostris, illa in manus hominum egredietur limatior. Verum de oratione hætenus. Te procedere in conscribenda historia, iamq<sup>3</sup> octo annorum

rum res gestas complexum esse valde letor : sum enim  
 in expectatione , visuros nos , quod iure cōparemus  
 ac exaequemus antiquitati. Ego in eis adhuc studijs ver-  
 sor, quæ tibi minus probari intelligo. Sed cū iam pri-  
 dem opus quoddam incēpissē, cui perficiendo præsini-  
 eram hyemem eam quæ iam exacta est, in hoc tempus  
 sum valetudinis incommodo reiectus. Quare æstatis  
 quoque huius vacationem postulo: nam ineunte proxi-  
 ma hyemē constitui omnino reuerti ad Hortensium, o-  
 mnisq; in eo absoluen-do adhibere & industriæ nervos,  
 & diligentia meæ. Lampridium tecum multum esse,  
 hominem dignum eis studijs, in quibus semper magna  
 cum laude versatus est, plurimum gaudeo: cui tu quod  
 testimonium eximia virtutis apud me das, non fuerat  
 id necessarium: ego enim hominem satis bellè noui. Sed  
 tamen mihi fuit iucundum: talium enim virorum men-  
 tione mirificè delector. Lazaro nostro Bonamico re-  
 scripsi: eas tu curabis reddendas literas, cumulumq; ad-  
 des salutem illi meis verbis. Itemq; Cola tuo, & M. An-  
 tonio Michaeli, cuius mihi assidue viuit memoria. Tu-  
 que imprimis mi Bembe, si nos amaris, curabis valetu-  
 dinem tuam diligenter, atq; ista animi tranquillitate  
 ocioq; persuere. Vale etiam atq; etiam. Carpent. V I.  
 Idus Maij, M. D. XXXII.

IAC. SADOL. EPISC. CARP.

Carpentor. Petro Bembo.

S. P. D.

Commodum recognoueram librum de liberis rectè  
 instituendis, daturus illum librarijs describendum,  
 E ad

ad teq<sub>3</sub> postea miſſurus, vt antequàm exiret in manus hominum, tuo imprimis iudicio penderetur, cūm mihi nec opinanti nuntiarī iuſſit, homo & laude virtutis & nobilitate praestans Reginaldus Polus, cras statim se Pataniū proficiſci, & si quid ad te vellem, me admonuit. Eum ego in crastinum diem expectabam. Sed talem hominem qui perferret nacl<sup>us</sup>, quo meliorem, & certiorē ne optare quidem potui, precipitavi libri descriptiōem: neq<sub>3</sub> vnus manu fui contentus, totusq<sub>3</sub> nūc sum in ea diligentia atq<sub>3</sub> curā, vt is absoluator, (si modō assequi poterō) ad teq<sub>3</sub> deferatur. Quē, cro te mi doctissime Bembe, ita legas, vt persuasum tibi imprimis habeas, me abs te opem expectare, non laudem. Scio quantum tribuam & doctrina, & iudicio tuo: iure vtrūq<sub>3</sub> quidē. Quis enim est hac nostra aetate te vno dignior, cui omnium bonarū artium studiosi primas deferant? Sed amor ille tuus mihi perspectus & cognitus, quo me cōplecteris, interdum dubitare me paululum cogit, ne indulgentius agas mecū, q̃ mihi fortasse expediat. Hoc ego vellem, & hoc te etiam rogo, vt ad meam hanc lucubratiunculam perlegendam, eo animo accedas, quasi mihi studeas obrectare potius, quā plaudere. Non enim dubito, si talem curā adhibueris, quin aliquot deprahensis sublatiſq<sub>3</sub> errorib. liber splendidior & limatior prodeat. Sed hoc nimīū vehemēter te rogare, aliquid esse videtur à fraterna nostra necessitudine: quā ipsa per sese admonet vtrūq<sub>3</sub> nostrū, vt ea inter nos officia tribuamus, ac expectemus vicissim, quā veritatem amicitia maximē cōfirmēt. Equidem, si id tibi rectē fieri

ri posse videbitur, ut aliorum quoque doctorum hominibus de eo iudicia exquiras, libenter concessero. Etiam ut de scribendum aliquibus des, si quis fortè extiterit, qui hanc & papyrus & operam velit perdere. quod non nolet fortasse Gonzaga noster, vir bonarum literarum sitientissimis. Sed ego ita tibi hoc permitto, si mēda prius sustuleris, non scriptoris magis illa, quam auctoris. Denique, ut tuo periculo cuncta fiant. Nam ego in tua fide, benevolentia, humanitate, totus requiesco. Nigro meo dicas velim, accepisse me eius literas, quas dederas ad me ab urbe discedens, & eleganter & amicè scriptas. Quibus quod minus adhuc respondeam, certa causa est, quam oportuno tempore expositurus sum. Interea quidem ut me diligat, seq̃, à me apprimè diligi sibi persuadeat, ab illo meis verbis petito. Lazaro nostro scribam aliquid, quanquam & parum habeam temporis, & valdè sim occupatus: quæ res etiam facit, ut ad te quoque, minus accuratè nunc scribam. Vale, III. Nonas Septembris, M. D. XXXII.

## IAC. SADOLETUS EPISC.

Carpentoract. Petro Bembo,

S. P. D.

**N**on scribo tibi, sero me accepisse tuas literas, (te quoque enim scire video id ipsum) cum, prius quam missa fuerant, in itinere ipso deperierint. Has quidem, quas accepi, scribo mihi fuisse iucundissimas. Nec tam me hercule ob eam rem, quod fortasse sufficari possit non nemo, nempe quod te laudant, inquires. Puto id



quidem etiā aliquid esse: (non tam enim iudico verecū  
di esse hominis, & ipsa moderatione animi temperati,  
quā & insulsi & stupidi, talis viri approbatione &  
testimonio, qualis tu es, non delectari ( sed ego ad ani  
mi mei letitiam palmarium esse in illis statuo, q̃ video  
te eorum sermonib. qui de me honorificē loquantur, nō  
secus ac tuis laudibus, vt tute ad me scribis, gaudere &  
triumphare. In quo agnosco non amorē solum, sed pla  
nē magnitudinem animi tuam, qui nisi esses ipse omni  
laude cumulatus, non tam libenter faueres corū fama,  
qui quantavis ipsi laude virtutis floreat, te ipso tamē  
se consitentur inferiores. Ego verò mi Bembe neq̃, qui  
bus ornatus sim virtutib. scio: (nihil enim in me esse in  
telligo, quod magnopere spectandum prædicandūmue  
sit) & de te sentio idem quod semper sensi, nihil fieri  
posset tuo ingenio, eloquentia, virtute, humanitateq̃,  
præstantius. Polus quidem noster, vt est blandus conciliator  
amicitiarum, voluntatumq̃, conglutinator, non  
amantius profectò mihi testimonium apud te potuit  
dare, quā tibi saepe tribuit apud me. Cuius ego tibi fa  
miliaritatem & quotidianum vsum inuiderem, nisi et  
illum, & te in oculis gererem: amo enim vtrunque ve  
strum. Itaq̃ vereor, ne si quid mihi seorsum ab alteru  
tro, ex vobis appetam, facere iniuriam amicitia vide  
ar: quæ præscribit, vt amicorū commodis aequè gaudea  
mus ac nostris. Quòd si in Italia constituissem, certè  
nusquam me conferrem aliò quā ad vos: in vestraq̃,  
consuetudine potissimum, in vestris familiaritatibus ex  
amantissimis congressibus conquiescerem. Sed neq̃, ea  
de



de re deliberare fas mihi puto, & meus reditus in Italiam, etsi munere hoc officij imprimis quod sustineo, tamen etiā voluntate mea mihi penitus praeclusus est. Hic enim ita viuo, vt mori hic ibidem velim: eademq; terra, quae vitam meam sustinet, corpus etiam ipsum, cū supremus venerit dies, contegat. Masiliam acceſsi, Pōtificem salutatum, vt debui: illo enim officij vinculo me obstrictum esse in primis arbitrabar. A quo sic fui exceptus, vt nihil mihi in mentem venerit optare, in quo non eius benignitas, & singularis humanitas, mihi pene se obuiam obtulisse visa sit, vsq; eō facilem eum, & liberalem in cunctis sum expertus. Sed & multorū praeſerea, qui ex vrbe venerant, egegiā erga me voluntatem, & studiumq; cognoui. Ex quo valde letus disceſsi illinc: non emolumentis praeſijsq; fortune, quae iā apud me valent minimum, sed multis & claris testimonijs amoris ac beneuolentiae, quae ego maximi facio, à compluribus viris amplissimis atq; ornatissimis honestatus. Quamobrem stemus in eo, quod iam dictum est, vt familiaritatis nostrae desiderium inſtitandis literis leniamus. Non enim est causa cur transmittēde alpes, aut mare inferum cur pernixigandum sit: cū crebra inter nos scriptio, & suauēs huiusmodi epistolae, si non alternos nobis vultus, at effigiem certē animorum, et vim amoris totam ante oculos ponant atq; constituent: in quo voluptas nostra praecipue sita est. Neque eō dico, quin mihi te videre, atq; intueri, foret dulcissimum: sed illud sperare, imprudentia est: optare, te meritatis. Hoc quidem quod nostrum est, quod nostri

arbitrij ac potestatis, in quo nullum ius sibi fortuna vè dicat, præstemus vterq; nostrum, vt fructum amicitia nostræ, charitate, ac beneuolentia, iucunditatem consuetudinis, epistolis representemus: quorum in altero fides, in altero voluptas à nobis est attendenda. Nigrū meum amo, vt debeo: ad eumq; puto me daturum literas. De Lazaro aueo scire quid agat: nihil enim iā diu ab coliterarum, ac nenuntium quidē, ex quo nosse potuerim. Colam tuum saluere plurimū iubeo, cuius & memoria mei, & beneuolentia delector. Te de meis capere cā voluptatem, quam capio egomet, & tibi prorsus credo, & mihi est pergratum. Certè quod ad cū senectutis meæ attinet, quæ aut instat iam, aut admodum propinqua est, videor habiturus, in quorum pietate & modestia acquiescam. Ambo quidem literis mirificè dediti, et tui imprimis studiosi peramātesq; sunt. Quod cū agunt, non se addere tibi quippiam, sed se ornare adolescentiam suam clarissimi tui nominis cultu, & singulari obseruantia arbitrantur. Vale. VI. Idus Martiales, M. D. XXXIII.

IAC. SADOLETVS EPISC.

Carpentor. Herculi Gonzagæ S. R. E.

Cardinali S. P. D.

**S**uperioribus proximis diebus, cū tibi lucubrationem quandam meam misissem, neque ipse tunc propter valetudinē scribere potuissem: monui meos, vt me tibi excusarent, perpetuamq; meam in tua amplitudine omnibus meis officijs colenda, tibi declararent voluntatem.

luntatem. qui se id diligenter fecisse, teq; in optimam partem omnia accepisse, mihi rescripserunt: insuperq; te eis praecepisse, vt scriberent ad me: si quid haberem in praesentia elucubrati, aut quandocunq; aliquid haberem, id ne grauarer communicare tecum: ne si secus agerem, grauior fieret à me amicitia nostra & veteri inter nos coniunctioni iniuria. Quo ego nuncio dupliciter delectatus sum: Nā et tui de me animi iudicium, & egregiam tuam cognoui ad optimas artes amplectendas voluntatē: quae mihi semper in te omni digna honore, & laude visa est, hoc etiam magis, quod in tanta raritate & penuria eorum, qui nobilitatem, cū virtute habeant coniunctam, tu vnus excellis: qui vtrunq; ita adeptus sis, vt in tuis plurimis maximisq; ornamentis, maior tamen multo virtuti tuae, quā fortuna gratia habenda sit. Itaq; recordor iam inde ab tua ineunte adolescentia, me semper iudicasse, te fore vnum, aut certē praeipuum inter ceteros, in quo his temporibus perditis lumen verae dignitatis illucesceret: qui omnib. & natura & fortuna bonis instructus, nobilitatem & potentiam, non arma iniuria, sed instrumēta bonitatis esses habiturus. Postea verò quā ego in has sane longinquas regiones me contulissem: tuq; ad urbem accessisses, domiciliumq; in ea fortunarum ac dignitatis tuae constituisses, nunquā mihi inauditus fuit splendor tuus, et singularis in omni genere morū elegātia, et comitas. Quae cū vna & constanti omnium voce laudaretur, non dici potest qua latitia afficiebar: cū intelligerē, ceterorū quoq; hominū iudicia cum meis de te iudicijs

consentire. Atq; hæc quæ nobilitati & generi, & tuæ  
maiorumq; tuorum dignitati debita erāt, illustrius ta-  
men abs te gerebantur, quàm reliquorum vsus ferat.  
Quid? illa quæ iam tua sunt et propria, quæ pauci isto  
loco attingunt, quanti tandem facienda sunt? quodd bo-  
nas literas, quodd optimas artes, omniaq; honestissima  
studia ita consecraris, vt in honore ipso, non insignibus  
honoris, quibus solis pleriq; nituntur, statim tuæ digni-  
tatis positum putes. Atqui ab his initijs viri illi oriun-  
tur, quorum nunc consilijs maximè eget Respub. quæ,  
nisi me fallit, adducta est in id discrimen, vt vehemèter  
nobis sit de communibus fortunis extimescendum. Sed  
qui in secundis rebus comparant sese, vt possint aduer-  
sas & dubias, si quando inciderint, consilio regere, &  
virtute sustinere: hi omnia in se obtinent beata vita  
presidia: ad quæ tute eximie paratus es. Facile enim  
& prudentiam in capiundis consilijs, & in dandis fi-  
dem, autoritatē in sententia dicenda, in omni vita cō-  
stantiam & grauitatem, ista tibi optimorum autorum  
lectio suppeditabit. accedente præsertim vsu atq; eta-  
te. Quorum quidem princeps Aristoteles, cuius libros,  
eos qui de moribus & de repub. sunt, habere te in ma-  
nibus, & ego confido, & imprimis planè expedit: om-  
nes enim in illis & prudentia, & doctrina scatent fon-  
tes. Sed ego fortasse ineptus, qui hæc ad te scribā, quæ  
tu melius scis, quàm ipse quiscribo. Facit autem amor,  
non temeritas mea, me loquaciorem. Quapropter de  
his hæcenus. Quod ad meas autem lucubrationes atti-  
net. Ego illas orationes, quas requiris, neq; confeci, ne-  
que

que adeo amplius mihi conficiendas puto : aliena enim videntur hac iam aetate, & hoc genere vitae quod profitemur. Vnam earum quam perscripseram, misissem tibi, ni veritus essem, ne quorūdam offenderē animos, qui mihi necessario in illa oratione nominādi sunt. Sed loco illarum mittā tibi cūm primum probare cepero, dialogum de optimo genere instituenda adolescentiæ, quem æstate proxima confeci: in quo multa, & magna complecti conatus sum: hoc labore maiore, operaq; difficiliore, quod neminē habui veterum, qui me adiuvaret. Vnus omnium antiquorum (quod sciam) de hac eadem re Plutarchus scripsit: sed non in eum modum, vt mihi magnopere imitandus esse videretur. Nūc habeo in manibus de Philosophia librum, in quo illa à me defendenda est, grauiter vituperata à T. Phædro: etenim partes illas ei dedi, amico homini iā mortuo, per quas & ingenium illius, quod erat in eo summum, & natura prompta ad accusandum laceffandūq;, commēdaretur posteritati. Sed est opus arduum admodum, & perdifficile. Nam cūm de rebus altissimis, & maximē remotis à communi hominum sensu, differendum est: tum obscurissima res illustribus verbis & sententijs explicanda. In quo alter est cogitandi & concipiendi labor, alter non minor, cogitata exponendi. Spero tamen fore, si ad calcem peruenero, vt maximis vtilitatibus, quæ à Philosophia sunt, intellectis, & tota vi præstantissima disciplina cognita, multum post hac luminis dubijs hominum mentibus asseratur. Sed de his quoque satis. Extremum est, vt te orē, vt me tui amantissi

*munum studiosissimumq̃, & diligas absentem, & tuo patrocínio protegas, ac tueare. Vale. Carpentoracti, VI. Calend. Februarij, M. D. XXXI.*

IAC. SADOLETVS EPISC.

*Carpent. Hippolyto medici S. R. E.*

*Cardinali. S. P. D.*

**Q***uantam voluptatem acceperim, & quo fructu laetitiae ac iucunditatis fuerim cumulatus ex amplificatione dignitatis tuae: peto à te, vt ne meis ex literis coniecturā facias, cum id facilius sit tibi existimare, quàm mihi scribere. Certè ita latatus sum, vt ex paucissimis, quae maximè desideravi, hoc mihi imprimis gratum optatumq̃, acciderit. Factum est aut̃ Dei immortalis benignitate, vt nostrum gaudiū omni ex parte fuerit expletum, bona iam valetudine Pontificis maximi patruī tui nobis nuntiata: in cuius salute & vita cum salus omnis mea reposita sit, cumq̃, ego eū prater venerationem debitam, vsq̃, adeò amē, semperq̃, ama uerim, vt neminē ardentius: nil mirum est, si ex vobis & vestro in vtrangq̃, partem statu: status omnis pendet & periculi & salutis mea. Nūc de te q̃dem ipso nominatim quid dicā? in quo ego statim ab ineūte pueritia, ea perspexi indicia ingenij, humanitatis, modestiae, ceterarumq̃, virtutum omnium, vt iam tū facile appareret qualis tu in atate vir postea esses facturus. Cuius tamē etatis legitimum quasi tempus expectare noluisi: sed optimis artibus literisq̃, diligendis, ac prudentiam hominum familiaritate adhibēda, perfecisti, vt virtutis*

in te cursus, quàm atatis fuerit celerior. Gratulor igitur, & uerè, ac ex animo gratulor, cum dignitari tuæ, tum illis eximijis virtutibus, per quas omni honore & amplitudine dignissimus es iudicatus. Et tum hoc gaudeo, tum etiã illud, quod ad eam sectam vitæ potiùs es conuersus, quæ & longè tutior, & ad beatam tranquillamq; degendam vitam accommodatior multo est. Quã obrem, quod est omnis veræ gratulationis extremũ, Deũ immortalem supplex deprecor, vt tibi iste honos proprius, & quod in istum ordinem dignitatemq; venisti, id tibi faustum, felix, prosperum, fortunatumq; perpetuò sit: quod eiusdem summi Dei benignitate & clemẽtia, tua adiuuante virtute, sic confido futurum esse. Et quoniã iã tu quoq; harum gentium pastor & rector, & huius tuæ alterius patriæ, quam diuino iudicio es consecutus, patronus factus es: horum populorũ causam, salutem, iura, libertatem, fortunãq; omnes tibi ita commendo, vt maiore animi studio commendare non possim. Egent enim maximè tua cura, patrocinio, fide, vigilantia, sicut quotidie ipse multis ex rebus cognoscet. Illud item testabor, te in vicario pristino retinendo, multũ & populi studijs, & ecclesiæ tuæ utilitati consuluisse. Est .n. vir omni virtute integritateq; præstans: ac, quod ad rem non parum pertinet, etiam aspectu & facie venerandus: affinis præterea summi omniũ & maximi iureconsulti Ioan. Frãncisci Ripæ Auenione habitantis: cuius egregiam operam & singularem utilitatẽ, in omnibus tuis rebus tibi paratã & promptam experiere. Ego neq; meipsum, qui iãdudum tuus sum,



neq<sup>3</sup> mea studia atq<sup>3</sup> officia tibi polliceor, ne videar quæ tua in potestate iādiu sunt, si ea de integro tibi deferā, noui quotidie muneris gratiam abs te inire velle. Vale, & nos dilige. Carpentor. 6. Idus Febru. M. D. XXIX.

IAC. SADOLETVS EPISC.

Carpentor. Andreæ Alciato

S. P. D.

**N**Unquā essem arbitratus accidere posse, vt ex amici hominis molestia aliquid veniret ad me voluntatis: sum enim, si quisquā alius, officij in eo genere retinendi maximè cupiens. Sed nunc planè ex instituto meo depulsus sum. Quòd. n. Medullionis Brixiaci controuersia tuas ad me elicuerit iucundissimas literas, mirificè (fateor) sum delectatus: cū ille præsertim ita scitis ac eleganter scriptæ sint, vt singulare meum ac perpetuum de tuo ingenio ac virtute iudicium, non confirmarint solum, verū etiam vehemēter auxerint. Quas quòd te tardius ad me dicis dedisse, parcentem occupationib. meis, vt ne meis studijs intempestiuus obstrepere: in eam partē accipio potius, vt tu de tuis studijs nolueris esse detractū: cū in omni genere artium optimarum tu excellenter & eximiè, nos aliquantò etiam minùs quā mediocriter versemur. Sed vt ut est, auderē vota facere, vt tibi quotidiane ad me scribendi occasiones darētur: nisi vereretur, ne eodem tēpore multorū lites & dispendia precarer. Quare sic habeto: tuis literis nec fuisse mihi aliquid compluribus hosce dies, nec potuisse esse gratius. Medullionem quidem ipsum cuius voto causa, hoc etiam diligentius cōmendauī iudici Symoneta



neta per literas: quòd perspexi eius causam à te doctissi-  
 mo homine probari, quē nollem mehercule quicquid nego-  
 tij habere nec molestia. Sed quid id refert: τὰ χρέματα  
 τὰ ἀνθρώποις ἰτιμιώτατα. δ' ὕναμιν τε πλείονα.  
 ἢ τὸ ἀνθρώποις ἔχει. Igitur adiuvandus est, saluo ta-  
 men officio, quod te autore videor mihi rectè facere. Pro  
 quo tu quoque, quòd eidem Symoneta scripsisti, maximè  
 illius causæ profuturus es. πᾶρ δ' ἑξαίρετος λόγος, ὃ καὶ σί-  
 δηρος πολέμιον δ' ἑστέον. Erit autem hoc grauior  
 tua commendatio, quòd nō solū amici in amicum stu-  
 diū, sed hominis etiā doctissimi & cōsultissimi, iudiciū  
 atque autoritatē affert. Illa duo extrema sunt in tuis li-  
 teris: vnū, quòd affirmas me egere nō posse opera tua,  
 cū ego ea semper egeā: quis enim potest talis & viri, et  
 amici quotidiana opera non indigere? Alterū, quòd  
 optas, vt in his studijs esse assiduus possis: atque incredi-  
 bilis tua ingenij magnitudo facit, vt nequaquam optato  
 opus sit. Quod enim nos, & vnum tantum, & id spif-  
 sius: tu idem celerrimè, & praterea alia plura compre-  
 hendis. Quapropter est magis, cur tibi ipse gratulere,  
 quàm cur quicquam optes. Quòd si mei suffragij præ-  
 rogatiua eam haberet religionem, quam in antiquis co-  
 mitijs habere erat solita: in quib. nemo vnquā à prima  
 cēturia renūtiatus est consul, quin fuerit idē magistra-  
 tū illū affecutus: peruellem te totū, quantuscunq; es, no-  
 strū omnino esse, arcēque & vitæ tuæ & doctrinæ, in his  
 liberalioribus & vberioribus studijs collocare. Quod si  
 contingeret, nullā profectò barbariā te socio atque adiu-  
 tore pertimescerem. Et tamen sic etiā diuisus, & in al-  
 teram

teram sortè partem propensior, maximo es & temporibus his, & rei literariae, ornamento. Ego, quod ad animum meum erga te attinet, tantum tibi tribuo, quantum profectò paucissimis: ita te amore complexus sum, ut omnia tua causa mihi videar debere. Quod si acciderit, ut opera id ostendendum sit, efficiam ut intelligas, maximam apud me rationem esse & amoris mutui nostri, & tuae eximia praestantisque virtutis, Vale. pridie Calend. Maij, M. D. XXIX. Carpent.

IAC. SADO LETVS EPISC. CARP.

Andræ Alciato S. P. D.

**C**astellanus noster legit mihi particulam literarum tuarum: quae rationibus tui discessus expositis, adscribis, si ea mihi probata rationes fuerint, te satis habiturum: neque, quid alij sentiant, aut loquantur, valde laboraturum. Quod ego ita accipio, ut agnoscam in eorum pristinum erga me amorem. Tantum enim iudicio meo tribuis, quantum ego mihi non arrogo. Sed quod ad tui facti iudicationem attinet: ego, mi Alciate, tantum constituo in te ipso esse & virtutis & consilij, ut quodcumque agas, id mihi ab optimo animo et eximia prudentia semper proficisci videatur: causasque tui abitus existimaui iussissimas, quae te virum talem ad nouum capiendum consilium impulissent. Sed quod me tangit priuatim, quodque ego ex meo sensu loquor, nunquam profectò dissimulabo, discessum illum tuum mihi dolori non mediocri fuisse. Nec tamen velim te hoc ita accipere, quasi ego factum tuum aliqua ex parte reprehendam, non enim reprehensionis ille fuit dolor, sed mei in  
te

te amoris. Etenim si, cum in his locis esses, infinita penè cōmoda egregiasq; vtilitates mihi in te paratas esse intelligebā: quod & in natura tua comitatem, & in ingenio praestantiam, & in amicitia ingenuè conseruanda fidem, & in omnibus partibus vitæ atq; sermonis, humanitatem, elegantiāq; experiebar: quid mihi priuato his tot bonis, doloris accidisse ex tuo discessu putas? cum praesertim, quod pluris est quàm cetera omnia, mihi quotidie versanti in eis literis, in quibus tu excellis, vbi laboris atque hesitationis aliquid incidisset, paratum esset, te praesente, perfugium optimi & amicissimi, & in omni literarum & doctrinarum genere longè præcellentis viri: cuius vel solo habitu viciuitatis, & animus, & vires meæ ad studia reficiebātur. Itaq; (ingenue enim fatebor) quas in omni reliqua vitā facio minimi, tunc opes non parum expetendas duxi. Non mea mehercule causa (turpe enim est id Philosopho, Christiano praesertim) sed quod eas tunc si possedissem, hoc tantum lumen hac prouincia non amisisset. Sed etsi grauis mihi iactura, & his populis omnib: tua decessione facta est: tamen quod audio dignam tuā virtute & singulari praestabiliq; scientia, conditionem tibi esse delatam: teq; in Biturigibus summa illorū hominum voluntate, & concursu maximo auditorū, ius ciuile tradere: mei animi molestiam tuæ virtutis dignitas consolatur. Hoc etiam magis, quod video id esse gratum homini omni honore & dignitate amplissimo Francisco Turnonio vestro Episcopo Biturigum: cuius ego multas eximiasq; virtutes cum venerer: multis quoq;

illius

illius erga me olim meritis, de quib. à meis certior sum factus, obligatus vehementer sim, cogor illo ipso officio, quod ego præcipuè in omni vita colo, ipsius voluntatem meis rationibus anteferre. Quem quoddam audio aucta & amplificata dignitate, in Cardinalium ordinem honoremq; peruenisse, equidem maiorem in modum gaudeo & gratulor: sed tamen ut illi ordini magis ali quantum putem, quam ipsi in hoc tempore ex eius honore splendoris & honestatis esse acquisitum. Ad eum ego cum cuperem scribere & agere pro eius veterib. in me beneficijs gratias: illa ratio sum retardatus, quod prius scire ex te volo, ecquid putes nostras ad illum literas non inopportunas futuras. Quod ipsum quaeso scribe ad me, nosq; quod facis, dilige, ac valetudinem tuam conserua diligenter, tibiq; persuade, me, & mea omnia non minus tibi prompta esse, quam mihi ipsi. Vale. VIII. Cal. Febru. M. D. XXX. Carpentoracti.

IAC. SADOLETVS EPISC. CARP.

Andreas Alciato S. P. D.

**L**iteras tuas ad quartum Calend. Iunij datas, pridie Nonas Quintileis accepi: qua me tui erga me amoris significatione vehementer delectauerunt. Magno enim argumento mihi est, me abs te diligi et magnificari, quoddam adis me cum fide, tuis de reb. consilium meum vnà atq; operam expetens. Quorum vtriusq; vtinam tantam haberem facultatem, ut & tibi & tui similib. abundè possem suppeditare. Sed de consilio mi Alciate, quod tibi respondeam parum admodum est: vel quoddam eius in te ipso satis statuo esse, vel quod ipse quod feci, cum illa tur-

la turbulenta & dubia (vt mihi quidem videbatur) reliqui, quò hac multò quietiora confectarer: id indicio esse potest vnicuiq<sup>3</sup>, quid sentiam. Quanquã enim noua hac pace videantur vetera bella Italiæ repentè esse sublata: tamen recentibus etiam nunc vulneribus nondum cicatrix planè obducta est: animiq<sup>3</sup>, ydem permanent mutuis exasperati odijs, & partium studio infecti. Quibus quantũ sit confidendum, tua imprimis prudentia est existimare. Tibi autem ipsi, si in ea loca migraueris, vt contingant reliqua ex tua sententia, grauiora certè praelia excipienda erunt, vel obtrectantiũ tua laudi, vel commodo tua oppugnantium. Nam quòd te patriæ amor ed vocat, humanum id quidem est: sed & sapienter ab illo Poeta dictũ legimus, Patriam esse vbicunq<sup>3</sup> sit bene. Verũ de hoc, vt dixi, tuum consilium sit, meum est potius ad omnia quã tu velis, operam tibi meam studiumq<sup>3</sup>, deferre. Itaq<sup>3</sup>, quod quæris, ecquẽ Bononiæ amicum habeam, qui tibi operam dare in tuo hoc negocio agendò possit, qui & mea causa velit, & autoritate ad agendum sit idoneus. vix videor habiturus. Omnes enim ferè quib. cum mihi fuit familiaritas, alio casu alius diem suum obierunt: vt de quo tibi pollicear nominatim habeam neminem: nisi fortè Bartholomeum fratris filiũ Cornelij nostri Volta, summi viri et nobis amicissimi, qui magno cum gemitu omniũ, & de hac Prouincia nuper, & planè modò de vita decessit. Huius vt dico, fratris filius, etsi etatè iuuenis est, propter virtutẽ tamen, familiæq<sup>3</sup>, dignitatem, et clarissimi optimiq<sup>3</sup>, patrui memoriã, graciosus est apud oēs. Eum

ego confido suscepturum esse has partes, præsertim in causa illustri & honorifica. Habet enim hominis doctissimi cõmendatio non mediocrem dignitatem. Sed ego, si tibi videatur adlegatum ipsum quoq; & ad quadraginta viros literos dabo, tribuamq; debitum tue virtuti testimoniam: neq; solum hortabor, sed obsecrabo etiam, vt te tali viro atq; doctore accersendo studiosis iuris ciuilibus, & suæ ciuitati esse consultum ac prouisum velint. Hæ literæ quid profutura sint nescio: nihil obfuturas videor posse præstare. Sed vt ego ostendo tibi quid sim factururus, sic tuum nunc iam, quid placeat tibi & quid me agere velis, facere me per literas certiores: simulq; rationem aliquam inire, quod ille celerius huc perferantur: vt tibi, cui valdè cupio, non voluntate solum, sed diligentia etiam satisfaciam. Vale. Ex hortis nostris suburbanis, V I I I. Idus Iulij, M. D. X X X.

IAC. SADOLETYS EPISC.

Carpent. Thome Caietano S. R. E.

Cardinali. S. P. D.

**L**Aetus sum, te Romam saluum atq; incolumem reuertisse: quod vt primum cognoui ex meorum literis, confestim scripsi hæc ad te cupiens tecum loqui per literas quando (quod libentissime facere solebam) coram amplius non possum. Non enim meus in te amor, & singularis obseruantia, qua te semper sum persecutus, aut spacio temporis, aut locorum interuallis diminuta est. Nec ego vnquam obliuiscar, vnum te semper exiitisse, qui me ex animo dilexeris, fuerisq; mihi in rebus meis omnibus perpetuus propugnator & fautor.

Pro

Pro quibus meritis ego tibi vicissim omne meum studi-  
 um, omnem meam obseruantiam, cultum, honorem,  
 beneuolentiamq; dicani, sui q; tuarum maximarum vir-  
 tutum, quas ego admirabar, apud ceteros predicator.  
 Nunc disiunctis nobis tanto terrarum & regionū spa-  
 tio, & tuum nihilominus amorem erga me eundem ma-  
 nere confido, & de meo tibi planè polliceor. De tempo-  
 ribus autem his, de q; hac strage rerum omnium & tri-  
 na, per quam cuncta oppressa sunt, nihil sane tibi scribe-  
 rem in hoc tempore, neq; tantorum malorum acerbam  
 memoriam refricarem, nisi intelligerem, quod ceteris  
 dedecori & calamitati fuit, id ad singularem tuam lau-  
 dem esse conuersum. Quòd enim aduersos casus patien-  
 ter tuleris, fortunarumq; tuarum iacturā pro minimo  
 habueris, praestiterisq; te in omni fortuna firmum atq;  
 constantem, praeterea laus, & docto homine sapienteq;  
 digna. Sed tamen tibi cum quibusdā est alijs cōmunis.  
 Non enim desuerunt (quam ego coniecturam de me ip-  
 so facio) quos bonorum suorum amissio de statu suo  
 minimè dimouerit. Sed quod in tanto armorum strepi-  
 tu tumultuq; bellorum, furore hominum crudelissimor-  
 um atq; auarissimorum omnia perfringente, tam mul-  
 tis cadibus, direptionib. incendijs, in pace & odio esse po-  
 tueris, et ad literas sacras toto animo ita incumbere, vt  
 vtrumq; Instrumentum nostrae fidei sanctissima in-  
 terpretandum susceperis, totumq; penè absolueris: nec  
 te aut periculi tui metus, aut alienorū incōmodorū do-  
 lor, ab ea cura & intentione animi auocare potuerit:  
 hoc est qd ego imprimis nouum & admirabile esse duco.



Insolita ista virtus, & incredibilis quædam animi altitudo fuit, quæ effecit, vt in tantis communib. miseris solus & placatus, et beatus esses. Quod etiam magis tuum hoc opus videre desidero: quod posteris quidem nostris tui excellentis ingenij, nobis verò etiam virtutis & admirabilis constantie perhibeat testimonium. Equidẽ, quod ad me attinet, ipse quoq; in literis versor: sed conditione impari. Nā nec ingenio multum possum, et animo sum infirmior: quanquā mei damni cogitatio me nunquā, plurimū autē afflictæ reipub. misericordia commouit: tum autem maximis hinc difficultatibus in re familiari sum cōslictatus. Etenim mihi fuit necesse pro natura & instituto cōsuetudinis meæ, omneis meos & veteres, & novos recipere familiares, qui vndiq; egen-tes & nudi ad me confluxerunt. Sed de his satis. Ego, vt etiam dixi, amorem & obseruantiam, quam erga amplitudinem tuā semel iussissimis de causis suscepi, eam inuiolatam retineo, semperq; retenturus sum. Tu vt in me amando pari voluntate sis, tuumq; animum illum pristinum, quem ego multis rebus olim habeo cognitum, erga me conserues magnopere à te peto. Vale  
Nonis Nouemb. M. D. XXIX. Carpentora acti.

IAC. SADOLETVS EPISC. CAR-  
pentora act. Thomæ Caietano S. R. E.  
Cardinali S. P. D.

**D**Etua erga me beneuolentia sæpe mihi à meis scribitur: quā equidẽ non dubito firmam esse, idq; magnopere habeo gratū. Animus quidẽ meus erga te idem est, qui semper fuit, cū tibi mirificè deditus, tū tuarū præstan-



præstantissimarum virtutum admirator & cultor: quas  
 ego ab ineunte ferè adoleſcētia omni ſemper honore  
 & obſervantia proſecutus ſum. Itaq; recordor, & me  
 in philoſophia ſtudijs nō minima ex parte olim à te ad  
 iutum inſtructumq; fuiſſe, & tuam mihi nullo loco de-  
 fuiſſe neq; opem & autoritatem in publicis rebus, neq;  
 in priuatis meis beneuolentiam. Sed qua tua erga me  
 plurima extāt beneficia, ea mihi fideli magis memoria  
 conſeruanda ſunt, quā multis uerbis iactanda & cōme-  
 moranda. Quod autē eſt & tua ſumma virtutis amplif-  
 ſimeq; dignitatis proprium, et idem aliqua ex parte e-  
 tiam ad me pertinet, id ego ex te niſi quid impediāt ſci-  
 re ſane uelim: Quē tu, ſcilicet, huius conciliij, de quo tā  
 multi ſermones increbreſcunt, effectū aut exitum futu-  
 rum putes. Nam ſi res agatur ſeriò, ſpesq; aliqua ſit la-  
 tū iri auxiliū bonis moribus & legibus, aduerſus tot &  
 tam graues, cū diſſentiones in fide & religione, tum  
 in communi vita corruptelas: optandum eſt omnib. no-  
 bis, & vehementer Deo ſupplicandum, ut bene ac pro-  
 ſperè procedat res. Egoq; quanquam imbecillitate va-  
 letudinis, & domeſticis difficultatibus valde impeditus  
 nullum diſcrimen recuſaturus ſum, quò in eo intereſſe  
 couentu poſſim. Sin autem totū negotium fuerit ſimu-  
 latio, libentius manſurus in ſtatione mea ſum: neq; eo  
 venturus, ubi mea opera nemini utilis, mihi aut ipſi in  
 cōmoda vehementer futura ſit. Hac ego à te, ſi tua ſpe-  
 ctetur grauitas & dignitas, tanquam à patre requiro:  
 ſi excellens ſingularisq; doctrina, tanquā ab eo, qui nō  
 meus, ſed omniū eſſe magiſter poſſis. Hoc quidem ſic ex

*istimo, si saluo officio fieri posse decreueris, te nihil in hac re pratermissurum esse, quod ad me monendum, instruendūq; pertineat. et si nulla maior mihi futura est instructio, q̄ exploratio iudicij ac volūtatis tuæ. Quod ut facere velis, deq; eo ad me scribere, magnopere te rogo. Ego hic in literis & libris assiduus sum: neq; intelligo iā, quid sit aliud beatè viuere, nisi q̄ predicare solebat Solon, quotidie aliquid senescentem addiscere.*

*Quod nos hoc melius facimus et præstātius, q̄ ea consuetamur addiscimusq; per quæ ad noscendum fruendūq; ipsum Deum spe firma exoptata immortalitatis adducimur. Tu ut valeas, neq; absente, q̄ facis, diligas, & patrocínio tuo tuare à te peto. Vale. Carp. M DXXX.*

## IAC. SADO LETI EPISC. CARPENTORACTI EPISTO-

L A R V M L I B E R I I I.

IAC. SADO LETVS EPISC. CAR-  
pent. Federico Fregosio Archiepisco-  
po Salerni - S. P. D.



*OST tuum è Gallia discessum, adhuc nihil abs te accepimus literarum. Quod mirarer equidem, & tecum quasi expostularem, si hanc tuam culpam, ac non eorū esse arbitrarer, qui quas literas suscipiunt perferendas, eas aut negligentia, aut perfidia non curant reddere. Nam quin tu iam aliquid scripseris,*

pferis, mihi persuadere nullo modo possum. Admonet  
 enim me, cum ipsum spatium eius temporis, quod à tuo  
 abitu ad hunc diem intercessit, mēsum trium iam ferè:  
 in quo non scribere modò nobis, sed scriptitare etiam  
 potuisti: tum verò tua illa mihi nota humanitas & in-  
 signis erga me benevolentia, vetat me quicquam de of-  
 ficio tuo suspicari, q̃ aliter sit ac deceat. Etenim profe-  
 ctò memor non solum expectationis meæ, sed tuæ etiam  
 promissionis: cum Lugduno confestim iam decedens  
 Italiam versus, literas ad me manu tua dedisti: in quib.  
 erat scriptum, te cum primum in Italia conlitissem, cu-  
 raturum, ut de omni tuo statu fierè certior: rationēq;  
 initurum qui & tutò, & facile commeari inter nos li-  
 tera possent. Ac mihi quidem, cur in expectatione non  
 parua tuarum literarū esse debeam, causa complures  
 sunt. Primum, meus summus in te amor, qui nō finit in-  
 termitti apud animum meum cogitationem tui. Qua  
 propter etiam de salute & in columitate tua sollicitus,  
 omnem euentum itinerum tuorum scire valde cupio: ne-  
 que solum ut valeas, sed quid agas etiam, acturusq; sis,  
 & quibus in locis concessurus, Romæ ne, ut est nonnul-  
 lorum opinio, an alibi certo aliquo in loco. Deinde de  
 Psalmo meo aueo me hercule aliquādo cognoscere qd  
 sit factum: & si hac quidem cura & cogitatio non mi-  
 nus ad te, quàm ad meipsum pertinet, communis enim  
 ex illo amobus nobis est honos: si tamen ex illo aliquis  
 honos. Sed mea precipua erat expectatio, quod maxi-  
 mè in hoc tempore meus rationibus conducebat, illum  
 iam esse editum. Hanc spem tardari, & differti in tam

tu octo dieb. ipsis antecessisses: cuius tamē reditus nunc nobis in expectatione est, extremus enim Sextilis erat reuersioni constitutus: quam diē intelligis appropinquare. Qui si tecum potuit in Italia congregi, quod quidē ipse et maximē expetebat, & fieri posse non diffidebat, plane ab eo fueris de omnib. nostris rebus edoctus. Nos literas eius non habemus ex ante diem X. Cal. Quintilis, neq; hoc sine aliquo animi nostri scrupulo. Cogit enim nos vereri propemodum omnia, vel beneuolentia qua illum ut si filius esset vnicus cōplectimur, vel posteritatis cogitatio, cuius oēm spem & rationē in illo vno repositum: vel quodd. graui anni tempore, & insalubri ferē vbiq; gentium cōlo, omne corporis periculum videtur esse pertimescendum. Sed tamen in spe bona sumus. Tu si nos diligis, quod profectō facis, ne me patiari obsecro, tam diu in desiderio tuarum literarum esse. Etiam pro tua humanitate curabis, ut aliqua volumina ad nos libro impresso demum mittantur, quod possimus amicis munuscula cum epistolis deferre. Vale, et ad nos quā primum scribe: Bembumq; nostrum mirificum hominem, omni summa virtute praditum, eundemq; coniunctissimum vtriq; nostrum, aliquando nactus oportunitatem, meis verbis iube saluere quā plurimum. Carpent. Idibus Augusti, M. D. XXIX.

IAC. SADOLETVS EPISC. CARP.

Federico Fregosio Archiepiscopo

Salerni, S. P. D.

**A** Ccepi literas tuas, ante diem XV. Cal. Ianuarij datas: ex quibus cognoui, quanto potest mea ad te

F s perla-

perlata essent, quàm fuerant data: & quæ te occupatio moraꝫ tenuisset, quominus, vt cupiebas, maturè ad nos scriberes. Ego verò cùm tanto iam interuallo nihil abs te accepissem, neqꝫ adeo de te: sollicitarer autē non parum cupiditate cognoscendi, quid tibi & rebus nostris cōmunib. cōtigisset, (sunt enim inter nos omnia communia) cùm me præsertim in sa cura & cogitatione amor erga te meus summus quiescere non sineret: fateor me diu in expectatione fuisse tuarum literarum: nonnullamqꝫ cepisse admirationem earum tarditatis. Sed tamen vt suspicarer potius alia omnia, quàm coniunctionem nostræ necessitudinis vel minima ex parte imminutam esse, quā vel in amore apud te, vel quā in omnibus officijs conseruandis fide ac diligentia. Nunc cùm tu & valetudinis incommodo aliquandiu cōsistatus, & molestissimis negocijs distentus fueris: atque ea nunc impedimēta partim Dei beneficio, partim prudentia tuā à te ipso repuleris: gaudeo primas eas fuisse literas, quæ mihi latum nuntium attulerunt: quæ si citius venissent, molestia mihi fuissent. Tuamqꝫ tibi recuperatam valetudinem, & sapiens consilium vitandæ vrbis, vehementer gratulor: pristinam quoque tuam agnosco animi magnitudinem. Vidi enim te olim cùm viueremus vnā, hac ipsa contemnentē, quæ vulgus admiratur: tum scilicet, cū ea adipisci facillimè poteras. Et erant illa eiusmodi, vt haberent aliquam, si non veram dignitatem, at speciem tamen, et simulacrū quoddam dignitatis. Nunc verò: Sed quid ago? aut cur nequicquam sumo hanc operam? Ad nostra potius, De

Psalmō

Psalmi cognoui, quo loci sit res. Sed ego ingenuè tibi indicabo, cum iam desperassem isthic rem confici, nisi Psalmum Lugdunum, aliquot correctū locis, ut imprimeretur ibidem, quartodecimo admodum ab hinc die, hoc est ad IIII. Idus Decembr. ut intelligas me moderatum cupiditati meæ, quoad in spe fuerim isthic rem confectum iri, octauo mense videlicet postquam tu ex his locis discessisses. Nec tamē puto te existimaturum, me egisse aliquid quod sit cōtra officiū. Nunc siue hic, siue illhic, nostra utiq; de eo conquiescit cogitatio: nec tamen adhuc quippiam habebamus certi, quid fieret Lugduni. Sed de his satis. De te autem ipso, & de tuo discessu in Italiā, qui meus tum fuerit sensus nihil me attinet dicere: nisi illud quod proprium est amoris, profectionem tuam dolori mihi non mediocri fuisse. Causas equidem discessus, & graues, & iustas esse arbitrabar: quæ te hominem prudentissimum mouissent. Mansionem autem in Italia tuam, neq; ego probo, neque te ipsum probaturum esse arbitror: quanquam enim ibi officio pio & necessario detineris: tamen cū tibi tantundem ferè in Gallia cum Deo negocij sit: & eadem te huc religio reuocet: quæ in Italiam euocauit: non video, peractis eis rebus quæ ad prouidendum consulendūq; populis more et instituto maiorum inuenta sunt, quid te sit in Italia diutius retenturum, quādo cetera omnia, quod opinor te iam cognoscere, vsq; eo confusæ perturbatq; sunt, ut nulla res in istis locis sit, quæ prudentem quempiam aut bonum virum possit delectare. Quare si tu idem senties, fuerisq; expertus, poteris me

auto-

autore officium & munus præstandæ Deo religionis,  
 ad causam tui reditus, rectè interpretari. Ibi enim po-  
 tißimum commorari debemus, vbi plurimum proficere  
 nos posse sentimus: alijs quidem præterea etiam, sed  
 nonnihil & nobismetipsis. In quo ego disputarem co-  
 piofius, nisi te doctißimum hominem, & optime hac i-  
 pfa videre mihi persuafissem: & vererer ne tu fort asse-  
 magis ab amore meo erga te, & desiderio tui, quàm à  
 uerò & integro iudicio huiusmodi orationem proficißi-  
 ci putares. Quamobrem hæc missa. Paulus nobiscum  
 est: nec fuit me diutius in expectatiõe sui esse: extremo  
 enim Sextili ad nos redijt, estq, nunc totus in Græcis li-  
 teris: quod si perfecerit studium, non dubito quin om-  
 nia deinde facilia sit habiturus. Nos nihil scribimus im-  
 præsentia, legimus autem libentißimè: multasq, & ma-  
 gnas iam parteis Aristotelicæ doctrinæ transeginus,  
 imprimis τὰ μετὰ τὰ φυσικά: in quibus uisi sumus  
 nobis non pauca subtilius & acutius comprehendisse,  
 quàm antea. Ote si haberem, quo cum communicarem  
 nihil crede mihi fieri posset beatius. Hæc enim animi  
 latitia, ac in studijs voluptas socium requirit: sine quo  
 non illa quidem manca est: sed esset ea mediufidius hi-  
 lerior tamen, atque vberior. Paulus nondum tantis re-  
 bus par. Tu maximo animo, præstantißimo ingenio,  
 summa in me beneuolentia, eximia scientia. Sed fortu-  
 na obstat, & quæ ipsam etiam fortunam vincit neces-  
 sitas. Ergo id ipsum ferendum est. Tuum constitutum  
 dandarum & misitandarum literarum seruabo diligẽ-  
 ter. Bembo meo ascribes, quoties ad eum scripseris  
 pluri-



plurimam meis verbis salutem. Tu vale, & nos dilige: quod te facere ita non dubito. vt nihil habeā tuo in me amore nec certius, nec iucundius. Vale. IX. Calend. Februarij, M. D. XXX. Carpentorac̃.

IAC. SADOL. EPISC. CARP.

Federico Fregosio Archiepiscopo

Salerni, S. P. D.

**C**Vmin Gallia esses, crebro commeabant inter nos literæ: quod fiebat tum propinquitate locorum & regionum, (minus enim magnis omnino & spacijs viarum & difficultatibus intercepti eramus) tum quod eorum qui literas perferrent, maior erat copia. Postea verò quam tu in Italiam profectus es, omnia hæc nobis spissiora & difficiliora facta sunt. Quod mihi sane magna est molestia. etenim eiusmodi sunt tempora, & ea impendent res, vt si vnquam alias, nunc cū maximè tuum mihi consilium & beneuolentia requirenda sint.

Quæ si vicinioribus in locis esses, parata mihi arbitræ: quia abes longe gentium, nō illa quidē mihi erepta nec aded tamen in promptu adesse mihi intelligo. Sed quid me angat, sollicitūq; habeat, etsi te per te satis existimare arbitror, quod eisdem affici te puto in hoc tempore animi solitudinibus & curis, tamen aliquid tibi à me ea de re putauī esse scribendū: vt quoniā amore et optima in rem Christianam voluntate cōiuncti sumus, nostras quoque cogitationes et consilia coniungamus.

Increbrescit enim quotidie magis (vt tute scis) de concilio rumor: cuius habendi multe quidem sunt causæ iusta, ac graues: ac si verè loqui volumus, etiam necessaria.



saria. Sed ecquid sperandum ex eo boni sit, magna videtur esse cōsiderationis: qua sortasse ad nos nihil pertinere, nisi grauis officij onere premeremur. Quod praeclare debemus, non tam hominibus quidem, quibus (si bene coniectura vtor) sancta & seuera cōsilia haud ita multis placitura sunt: sed prae potenti Deo, cuius tantis aucti beneficijs, nihil habemus neq; in vita, neq; in fortuna, quod non pro illius honore & nomine effundere simus parati. Hanc ego sententiam cū mihi tecū statutam esse communem, reliqua iam sunt cōmunicanda inter nos: quod consilium sequi, & quemadmodum nosmet gerere debeamus. Nam si (vt dico) fructus est expectandus aliquis ex hoc principum ecclesiae & episcoporum conuentu, qui sit Christianae Reip. profuturus: non dubitamus, est quin conueniamus, quemcunque fuerit in locum concilium indictum, nec laborem vllum discrimēne fugiamus: tametsi mihi ipsi, propter domesticas aliquot difficultates, imbecillitatemq; corporis: futura sit res molesta. Sin autem, quod magis vereor, propter inextricabiles difficultates temporum totum hoc remedium ad sedandas discordias, & ad morbos ex animis tollendis inane futurum sit, atq; irritum: est iam non paruae deliberationis res, quid agendum nobis, & vtrum accedendum ed, an manendum domi in vigilia nostra sit, cū alterum fortassis consilium inutile, alterum planè honestum semper habeatur. Hac ego si mihi metipsi considerem, exquisita potius & explorata scriberem ad te. cū verò tantum tuae prudentiae confidam, quantum meum perpetuum de tuo singulari

lari

lari ingenio iudicium postulat: peto à te & pro amicitia nostra rogo, vt suscipias totius negotij deliberationem atq; curam: & siue habes iam statutum, quid tibi faciendum sit, siue es deinceps cōstituturus, me omnis participem consilij & voluntatis tua facias. Ego enim eo sum animo, vt quicquid à te probatum fuerit, id vt sapienter sancteq; cōstitutum, ipse quoque secuturus sim. Quare tu & de rumore ipso, totaq; re, & de loco, temporeq; conueniendi, si quid habebis indagatum & compertum, facies me (si videbitur) tuis literis certiorē. Imprimisq; hoc ita cogitabis, si veniendū aliquod sit, summopere cupere me, q̃ sine incōmodo tuo fiat, cōtubernalem tibi esse. hoc mihi gratius atq; optatius accidere nihil potest. Vale. VI. Calen. Febru. M. D. XXX.

IAC. SADOLETVS EPISC. CARP.

Federico Fregosio Archiepiscopo

Salerni, S. P. D.

**E**~~T si quotiescunq; literas tuas lego, toties sentio me noua quadam letitia affici, vt nihil esse mihi possit earū lectione iucundius: tamen proxima litera tuae quas ego Nonis Iulij abs te datas, tertio Nonas Septembris accepi, mihi molestia aliquantum plus, quàm voluptatis attulerunt. Nihil enim grauius accidere mihi potuit, nec quod minus ferre possēt sensus animi mei, quā intelligere, te suspicari, aliquid mihi accidisse abs te, ex quo animus meus in te esset offensior: cū praesertim id agas tā multis verbis, vt verē de me nescio quid dubitasse videare. Ast ego contrā, primum hoc dico, nihil me vnquam esse in te conspicatum, quod vel proprium~~

prium esset tuum, vel mecū tibi in nostra amicitia cō-  
mune, in quo non & admirabilis mihi tua virtus, et be-  
neuolētia erga me, eximia visa fuerit. Et in utroq<sub>3</sub> qui  
dē multa mea extant, neq<sub>3</sub> ea obscura, de tua virtute  
humanitateq<sub>3</sub> testimonia. Sed nō sumam mihi impræ-  
sentia, cuncta vt commemorem. Illa perstringā breui,  
quæ tui amoris erga me propria sunt, quorum nunquā  
me quidem cepit obliuio. Sed cōmemorationē autē hac  
verecundia impediuit, cuius tu nunc non pratermitten-  
da necessitatem quādam mihi affers. Nam siue prima  
nostræ familiaritatis initia spectemus, quid tua tunc er-  
ga me comitate, liberalitate, beneficētia illustrius? siue  
hac postrema, (nā media fortune vitio, occupationib.  
maximis vtriusq<sub>3</sub> nostrum, & locorū disiunctione, non  
tam testata esse potuerunt) quē ego possum asserre ex  
pluribus amicis, quos mea mihi officia quā plurima  
conciliarant, qui maius erga me ostenderit suū animi  
studiū, aut cui tantopere salus mea cura fuerit? Veni in  
Galliam, nudus rerum omnium, tāquā ex naufragio  
in terram eiectus. An me oblitum putas illarum litera-  
rum tuarum, quas ad me prior misisti? in quibus cū es-  
set suauissima recordatio veteris nostræ necessitudinis  
& declaratio amoris in me tui: nōne cū fortunas om-  
nes tuas in cōmunionem meorum temporum mihi ob-  
tulisti, tum humanissimis atq<sub>3</sub> amantiſſimis verbis pa-  
ria facta responderunt? Iuuiſti me opibus, instruxisti  
libris, quorum ego iactura (maximam enim feceram)  
non mediocriter angebar: omnibus & prudentia, & li-  
beralitatē tuā consilijs auxilijsq<sub>3</sub> fouisti. Quo quidem  
tempo

tempore, cū cetera mihi ex te iucundissima acciderēt, illud tantum submolestè ferebam, quòd maiora subire conabar is mea causa onera, quàm vt meus pudor facile pati posset. Hæc ego qui nosse debeam & in memoria habere, quid ita, quaeso, sum à te in iniuste iracūdia crimen vocatus? qui etiam si iustam aliquam haberem succensendi tibi causam, non possem id sine nefario scelere, & sine magna commutatione meæ naturæ ac voluntatis facere: quam ita iam pridem habeo institutā, vt nullas cognoscat iniuriæ, significationibus aut bene uolentia maximè obligetur. Vide quaeso dulcissime Fecerice, ne in hoc me aliquo inconstantia & leuitatis crimine cōdemnes. Quod etsi molestum mihi foret tibi ita videri: mea me tamen conscientia cōsolaretur. Mihi enim ipse sum cognitus, & scionihil à me commissum, quod ad nostræ amicitie fidem, vel minima vlla ex parte violādā possit valere. Quanquā ne tu quidē de me aliter sentis: nō enim dubito quin me firmum & certum amicum esse cōstituas: potiusq; tua illa suspicio tota fuit amoris: & nimirū ita est. Habet enim hoc illa animi affectio peculiare, vt quod maximè appetit atq; optat, eius amittēdi suspicione maximè stimuletur. Sed tu si verè de me existimare volueris, & cogitare cū animo tuo, quis aut ego sim, vel cuiusmodi esse debeat, præsertim aduersus te, cuius tot & tanta erga me extāt merita: cognosces profecto, nihil fieri posse in omni amore & obseruātia tui, studio meo et voluntate flagrantius. Nam quoddā diu nō scripsi, primum, non fuit quod scriberem, nec per quos: neque

tu tamen in eo diligentior me fuisti. Deinde, nunquam ego in literis arbitratus sum iudicium omne amoris et benevolentie consistere: vel eo argumento, quod tam diu antea cum nihil inter nos commeauerit literarum, incolumem tamē benevolentiam seruauimus. Et tamē recordor me statim ad eas tuas rescripsisse quas Auenione cum essem acceperam: Psalmiq; impressi volumē vnum tibi misisse, cum si tum me aut tua Aristotelis reprehensio, aut cohortatio ad sacras literas commouisset, fuerim aliquod signum turbati animi tibi daturus. Ac cohortatio quidem tua mihi & sapientissimi consilij, & amicissimæ voluntatis semper plena visa est. Cum Aristotele verò nulla mihi est cognatio, nisi quod hominis illius acumen & doctrinam precipuē miratus sum: ac maximus mihi ille quidem & doctissimus Philosophorum semper est habitus. Sed quid tam liberum esse debet, quā suum unicuiq; de re quaq; iudiciū? opinionum porro inter amicos dissensio aliqua aliquādo est, voluntatum nūquam. Quamobrem de his tu et quemadmodum volēs ita senties, & hoc nos animo erimus, vt Philosophiam cum sacra doctrina nunquā non coniungendam esse arbitremur. Sed hæc satis, aut nimis fortasse multa. Ego his diebus accepi ex Germania aliquot doctorum hominum, et in his Erasmi literas. Psalmum nostrum ibidem de integro impressum statim diuulgauerunt: vnum volumē miserunt ad me: tem mirabiliter probant. Erasmus quidem, vt sibi p se displicere, & sua iam scripta continere videatur. Literæ scriptæ doctæ & copiosæ. Sed de doctrina nihil scilicet no-

ui. De hominis probitate, ingenuitate, virtute, aliquid noui fortasse, vel enim non tantum, vel nō ita putares. Scito igitur ea in illius literis elucere signa integri animi, & probi, & alienam virtutem studiosè amplectentis: vt dignissimus sit, qui & ametur à nobis, & in honore habeatur. Cui ego me vt respondeam, paro: ne me humanitate & ingenuitate vinci patiar. Spes est aliquid in ea natione à nobis profectum fuisse: Quod si benignitate Dei fuerit factum, ne ego maximum, & maximè optatum mei laboris premiū fuero adeptus. Sed aliās de his. Tu vt me ames, teq; à me & diligentissimè coli, & constantissimè amari, vt certum atque exploratum tibi habeas magnoperè à te peto. Vale. Pridie Idus Septemb. M. D. XXX. Carpentoracti.

IAC. SADOLETUS EPISC.

Carpent. Federico Fregosio Archiepiscopo Salerni. S. P. D.

**M**agna mihi delectationi fuerunt litera tua: quae mihi te cum abundare ocio, tum autem id ocium consumere in optimis studiorum lucubrationibus significarunt: beneuolentiamq; erga me tuā, cuius mihi semper gratissima est cōmemoratio, etsi non apertius quā antea, vberius tamen aliquanto mihi declarauere. Gaudeo te eum esse, qui & tibi ipse summū bonum in vita, scrutandis & recolendis scripturis sanctis repereris: in quibus certè, huius boni, quod non maximum modò, verum etiam solum est, cunabula sunt posita: & mihi eum animū in amicitia praestes, vt mea tibi studia maxima cura esse ostendas. Quo quid potest esse amoris,

officij, humanitatisq<sup>3</sup> significantius? Sed quoniã de his, quæ inter nos sæpè intercesserunt, officijs, deq<sup>3</sup> mutua nostra beneuolentia, & aliàs crebro à nobis fuit dictum, & vt arbitror, etiam dicetur: veniamus ad literas tuas. Ac primū illud à te deprecor, vt in meis quod prius fuerat scriptum, multa me inuenisse in Paulo, quæ fuerint prioribus seculis incognita, ne insolentia & elationi animi mihi attribuas: etsi piget me verborum illorum, quæ cum illas scripsī literas, minus animaduersa à me fuerunt: quod accidit festinatione quadam accelerationeq<sup>3</sup> scribendi. Etenim non ad te solū illo tempore, sed ad complures præterea alios literas dabam: in qua occupatione & turba, cura mihi recognoscendi, & perpendendi ex animo excidit. Nō enim volui incognita dicere simpliciter, sed de quib. mihi nō constabat veteribus ea seculis à quoquā fuisse tradita. Nam hoc quidē planē, libereq<sup>3</sup> testor, me in abstrusas quasdam Pauli sententias penetrasse scrutando: quas, quoad nosse potui, adhuc intelligo fuisse vel occultas, vel certē minus dilucidē explicatas. Neq<sup>3</sup> id tamē meo ingenio, quod perpusillum est, sed diuino beneficio sine vlla hesitatione tribuo. Solet enim Deus ipse, fons bonorum omniū, sic interdum etiā indignis impertire beneficia sua: vt & hi, qui ijs fruuntur, & qui hos vidēt perfrui, non humanum in eo meritum vllum, sed tantū diuinam liberalitatem & gratiam admirentur. Sic igitur sese res habet: vt ex illo meo labore atq<sup>3</sup> vigilijs, præferente lumen menti meæ sancto illo spiritu, qui in domo quamuis sordida suam tamen intactam & illibatam



batam retinet dignitatem, sperem fore mysteriâ fidei etiam incredulis, & prius ista contēnentibus, si modò rationibus acquiescere cōstituerint, clarum atq; illustre. Nam quòd me admones, vt interpretes eos legā, in manibusq; habeam, qui piè, & eruditè in Paulum cōmentati sunt: cōsiliū tuum mihi vehementer probatum est.

~~Quod quidem etsi mihi antea venerat in mentem, fueramq; in eis libris, quos tu mihi proponis, diu & multū accuratissimè volutatus: posthac tamen studiosius etiā faciā, quòd tantopere tibi id placere intelligo. Veruntamen et Chrysostomus summus vir, atq; eximius Pauli interpres, magno mihi vsui fuit: & ceteri simili pietate ac ingenio non parum opis mihi auxiliijq; contulere. Atq; hic quidem, modò quem nominaui, lingua expolitus, copia abundans, sententijs creber, genere quodam dicendi incitato atq; denso, non docet solum nos ea qua sunt fidei in Paulo, quod ipsum sanè egregiè, & perquā doctè facit: verum animos præterea quoque nostros vsq; ed permouet, vt cū eum legimus, accurateq; attendimus: tum maximè probi & iusti cupiamus esse, imprimisq; continētes. Augustini verò, cuius ego ingenium præcipuè soleo mirari, inchoatam in hanc epistolam ad Romanos scriptionem tantum modò habemus: & quedam item epistolæ obscuriora loca quasi subcisiuis operis tractata. Origines redundat & effluit, maximi vir ingenij, excellētisq; doctrinæ: sed cuius in tanta vbertate & copia, vix queas aliquid certi cōprehendere. Huius sententias imitati recentiores pleriq; haud ita multum deinde de suo, quod accipere de-~~



beamus, attulerint. Ambrosius restrictus, & quasi resurgendo se ostendens, summa tamen doctrina & sanctitate vir. Laboriosus Thomas, idemq; magis aliena sententia narrator, quam demonstrator sua: qui tamē collectis omnibus ijs propè, quæ ab alijs dicta sunt, & laborem minuit nobis inquirendi, & curam acuit iudicandi. Hieronymus aliquanto demissior, (si tamen is Hieronymus) quam videar tantarum explicatio rerum postulare. Nam collectanea Græca quæ esse penes te scribis, (habeo enim ego serè similia quadam cōposita ab Eunomio) nihil aliud, vt ego coniungere possum, quam Chrysostomi selecta & breuia dicta sunt. Vnus est reliquus ex ijs, quos mihi nominandos duxi, Theophylactus: bonus nimirum autor, idem nudus ac venustus, et qui verū et germanum sensum Pauli breuiter atque aptè totidem penè verbis, quot ille scripsit, persequatur. Habes quorum ego potissimum subsidio et doctrina in hanc scribendi rationem ingressus sum: quibus tu, si habes alios meliores, aut quos mihi æquè existimes amplectēdos, si eorum me certiozem feceris, obediam, & parebo auctoritati tuæ: omniaq; te præmōstrante libenter exequar, quæ ipse consulueris, & ad quæ tu me fueris adhortatus. De quaestionum magnitudine, & difficultate, quæ in hac ad Romanos Epistola versantur, idem sentio quod tu: nihil esse illis implicitum, neq; tamen excussum ac exagitatū magis: quā longō penè tempore interuallo sopitas, Lutherani rursum in contentionem & certamen deduxere. De ijs q̄ sententiam meam exquiris, nō est id vnius Epistolæ negoti-

gotium: & satis tamen in commentationibus nostris de eis rebus disputatum est. Breuiter tamen sic habeto: Fidem à me distingui, & secerni ab operibus iustitiæ ijs, quæ per legem præcepta sunt: sine tamen iustitia quadam sua diuiniore multo & præstantiore, fidẽ nullam à nobis posse constitui. Nam quæ verbis tantũ uoceq; vsurpetur, si nõ sit radix in corde prius validẽ defixa, similem eam esse ramis non cognatis cum arbore, sed hærentibus. Illa est fides Paulo, cùm corde creditur ad iustitiã: sic enim demum ore cõfessio est ad salutem. Itaq; idem ipse Paulus ad Philippenses scribens, cùm iustitiam se legis libenter reliquisse, vt eam quæ ex fide est iustitiam adipisceretur, exponit: fidem profectò ab humana iustitia hac segregat, & in diuina illam iustitia cõstituit. Quæ autem diuina sit iustitia, & quæ humana, & in libris nostris perscriptum est, & nos te ad illorum lectionẽ reijciemus. Neq; enim fas tantis de rebus tam exiliter impræsentiã scribere. De libero arbitrio, & de Gratia, quæ duo videntur inter se ita esse opposita, vt maximis olim concertationibus agitata in ecclesia Dei fuerint, & nunc ab his recentibus hæreticis repetuntur. Ego & Pelagium grauiter accuso, qui dari nobis præmium pro meritũ nostris sine gratia uoluit: cùm nullum omnino meritũ à uobis, nisi dono gratiæ prodeat, & proficiatur: & Augustino non vsquequaq; assentior. Nimiũ enim extremè ex cõtraria parte is diuersam mihi causam videtur defendisse: cuius ratio si vera sit, in maximas difficultates, & impeditissimas actiones consiliorum ac volūtatum, hominum m?

tes incidere necesse est: vt nequeant explicare, quid optimum sit factu. Ego verò illam nostrī animi ac volūtatīs assentionē ad arbitrium nostrum reuoco, qua præbemus nos Deo faciles & obtemperantes, vt is deinde nos fingat & flectat quò velit: omnem aut̄ plenā actionem, omnemq; laudabilem boni operis fructū, & quicquid deniq; est in quo vis meriti insit, ad diuinam gratiā sine dubitatione vlla refero. Atq; hac non modò sic ponuntur à nobis, sed validis (vt puto) rationib. argumentisq; firmantur, autoritate vbiq; scriptura adhibita, qua cōmendet et corroboret rationē. Verū de Paulo satis. Quòd scribis, damnari à me studiū Hebraicarū literarum tuū: non puto ea mente me ad te scripsisse, vt operam tuā in ea re damnādam esse diccrē: potius illud non tam reprehendi equidē in te, quàm desiderauī, vt in Latinis & Græcis studiosius te exerceres. In quo ego non Hebraica studia contempsi, sed illis hac anteposui: quæ sunt (meo quidē iudicio) ad id q̄ querimus lōgè vtiliora. Etsi vereor, ne tibi videar arrogans, qui de incognitis reb. audeam iudicare. Sed (quæso) audi quid moueat me: Primū salus nostra in Euangelio est: id aut̄ est totū Græce traditū. Deinde si ex vetere scriptura testimonia quarimus, quib. Euāgelio fides addatur, parūne multa ex ea percepta habemus? At enim illa è fontib. haurire cōducibilius multò est. Fateor: si possint haberi pura & liquida. Sed quid causæ est, quòd oēs penè qui ad eam linguam se dedunt, tanquàm ceteri nihil antea viderint, nouas conuersiones nominum ipsi redderē contentur? quod ipsum et in his libris cernimus,

qui

qui vim singulorum verborum explicant, qui nullius fermè vocabuli significationē & sententiam rōferūt, non multiplicem. Cur Paulus summus legis doctor, natiua lingua peritissimus; cū sacros scripturæ citat locos, eos semper non ab isto ipso fonte, sed à septuaginta interpretibus accersit? Nam quod de semine mulieris & serpentis tu commodè exponis, non aliter video à septuaginta fuisse translatum. Duo cherubin, duo testamenta existere, perbellè interpretatum est, à numero videlicet cōiectura ducta. Nam si vtriusq; testamēti vis exprimenda fuit, decuit alterum cherubin, tanq̃ inferiorem & ministrum, alteri ancillari: qui ambo tamen penes arcam Domini pares effecti sunt. Vide potius, ne ministerium Angelorum, quo Deus in populo illo dirigendo vsus est, eo monumento denotatum fuerit: qui duo statuti sunt, vt ab eo ordine vnitas, quæ sola est adoranda, remota esse intelligeretur. Quāquam ego in his non pugno: licitum enim est vnicuiq; suo modo interpretari: cūm ad ea quæ ex spiritu sancto perscripta sunt, omnes quæ ad pietatem faciunt, accommodentur sententia. Illud dico, esse quasdam prædictiones in sacris literis futurarum rerum, ita euidenter claras et manifestas, vt nusquā aliud, quā ad Christum referri possint: sicut illa est inter homines vēturi Messia diuersatio: mors quoq; eius & ignominia ab Esaia propè depicta, & Zacharia illa crux: & Iacob prophetia: conuocatio quoq; gentium, & sponsi sponsæq; connubium, quod in Psalmo quadragesimo quarto ita decantatum est, vt perspicuè appareat, duos esse, qui-

bus honos ibidem, & nomen Domini Dei attribuat. Multa prater eo breuitatis causa, & quod tibi notiora  
esse arbitror, quam mihi. Nomen quippe Deo omnipotentis, Tetragrammaton ad miracula patranda etiam valere, his qui illud nouerint, veteres existimauere: totamq; eam scientiam appellauerunt Cabala. Cuius uis quaecunq; sit, (non enim scio, neq; didici) maxima sit quidem per me licet: non enim volo à me cuiquam arti esse detractum. Quod tamen sentio id proferam. Primum, nō egere nos huiusmodi arte ad salutem nobis comparandā. Deinde visos à me permultos, qui ex hac scientia non religionem, neq; pietatem: sed aut vanas aut etiam impias superstitiones susceperint. Quod et si accidere poterit, hominum, non artis vitio: tamen timidas mea eiusmodi semper fuit, vt nūquam passus sim eius rei nomen, nedum cognitionem & studium, ad aures meas propius accedere. Quid ergo est? num nam reprehendo ego eos, qui ista consuectantur? Minimè: omnē enim cognitionem et scientiam dignam homine libero iudico: nec si quid sortasse ex aliqua aliquando periculi impendat, non tuam grauitatem & sapientiam superiorem omni periculo statuo: sed meam imbecillitatem vereor. Itaq; aut non valenti mihi, aut nō volenti, illa esse aliena & remota studia nō admodū fero molestē. Quae etiā imbecillitate adductus, cum suasi tibi, vt Paulum assiduè haberes in manibus: nō id eō feci, quod putarem illum minus tibi familiarem esse: sed quod arbitrabar, quod plus in eo opera studijq; poneret, in Hebraicis autem literis minus, quantum temporis scilicet

ex illis detraheres, ad Paulumq<sup>3</sup> trāsferes, hoc melius  
 & praestantius studijs tuis consultum fore. Qua in re,  
 & in cōsilio eiusmodi dando, si erratum à me est, peto  
 à te, mihi vt ignoscas: bono quidem animo id feci, quan-  
 quam fortasse imprudenter: Sed aequum est nos inter  
 nos & non agnoscere saepe culpas, & beneuolentiam  
 semper adhibere. Etsi hoc quidem posterius tu vnum  
 facis, ego cum amore culpam aliquā interdum in meis  
 factis adiungo. Nunc venio ad quāstiones, de quib. sen-  
 tentiam meam sciscitaris, quarum duæ locorum sunt,  
 altera rerū. Queris q<sup>d</sup> fuerit Tertium cælum illud, ad  
 quod sublatus est Paulus. In quo respōdeo tibi: tertium  
 ibi cælū à Paulo pro summo & vltimo poni, in quo nō  
 sydera, neq<sup>3</sup> astra, sed diuina mens inhabitat: nā et Ter-  
 tium illud superlationis vim habet: & mox subiungit  
 ipse, audiuisse se ibidē arcana verba, non contemplatū  
 spectacula fuisse. Quāq<sup>3</sup> autem ista cæli mentio, non  
 tam loci, quam rei significationē habeat: nō enim in lo-  
 co habitat Deus, sed ipsa Dei virtus et potentia semeti-  
 ipsa continetur: cuius arcana qui audiunt, à Deo edocti,  
 ad domicilium Dei extollūtur) tamen etiā si ordinis &  
 loci reddenda est ratio, congruē cælum istud tertiuū esse  
 dicitur: quando primū, ducto hinc initio, est aeris &  
 ignis circumiens vnā cum cælo mundi inferior globus:  
 qui non solum vulgò, sed ab omnibus poetis Cæli voca-  
 bulo nūcupatus est: vsq<sup>3</sup> eò, vt ne alienam quidem à na-  
 tura ignei elementi superiorū orbium naturā esse vete-  
 res existimarint. Quod idem & in Genesis principio  
 videtur cōprobatum: quā firmamentum q<sup>d</sup> nominat cæ-  
 lum,

autore officium & munus præstanda Deo religionis,  
 ad causam tui reditus, rectè interpretari. Ibi enim po-  
 tissimum commorari debemus, vbi plurimum proficere  
 nos posse sentimus: alijs quidem præterea etiam, sed  
 nonnihil & nobismetipsis. In quo ego disputarem co-  
 piosius, nisi te doctissimum hominem, & optime hæc i-  
 psa videre mihi persuasissem: & vererer ne tu fortasse  
 magis ab amore meo erga te, & desiderio tui, quàm à  
 uerò & integro iudicio huiusmodi orationem proficisci  
 putares. Quamobrem hæc missa. Paulus nobiscum  
 est: nec fuit me diutius in expectatiōe sui esse: extremo  
 enim Sextili ad nos redijt, estq; nunc totus in Gracis li-  
 teris: quod si perfecerit studium, non dubito quin om-  
 nia deinde facilia sit habiturus. Nos nihil scribimus im-  
 præsentia, legimus autem libentissimè: multasq; & ma-  
 gnas iam parteis Aristotelicæ doctrinæ transsegimus,  
 imprimis τὰ μετὰ τὰ φυσικά: in quibus uisi sumus  
 nobis non pauca subtilius & acutius comprehendisse,  
 quàm antea. Ote si haberem, quo cum communicarem  
 nihil crede mihi fieri posset beatius. Hæc enim animi  
 letitia, ac in studijs voluptas socium requirit: sine quo  
 non illa quidem manca est: sed esset ea mediufidius hi-  
 lerior tamen, atque vberior. Paulus nondum tantis re-  
 bus par. Tu maximo animo, præstantissimo ingenio,  
 summa in me beneuolentia, eximia scientia. Sed fortu-  
 na obstat, & quæ ipsam etiam fortunam vincit neces-  
 sitas. Ergo id ipsum ferendum est. Tuum constitutum  
 dandarum & misitandarum literarum seruabo diligẽ-  
 ter. Bembo meo ascribes, quoties ad eum scripseris  
 pluri-



plurimam meis verbis salutem. Tu vale, & nos dilige: quod te facere ita non dubito. vt nihil habeā tuo in me amore nec certius, nec iucundius. Vale. IX. Calend. Februarij, M. D. XXX. Carpentoract.

IAC. SADOL. EPISC. CARP.

Federico Fregosio Archiepiscopo  
Salerni, S. P. D.

**C**Umin Gallia esses, crebro commeabant inter nos literæ: quod fiebat tum propinquitate locorum & regionum, (minus enim magnis omnino & spacijs viarum & difficultatibus intercepti eramus) tum quod eorum qui literas perferrent, maior erat copia. Postea verò quam tu in Italiam profectus es, omnia hæc nobis spissiora & difficiliora facta sunt. Quod mihi sane magna est molestia. etenim eiusmodi sunt tempora, & cæ impendent res, vt si vnquam alias, nunc cùm maximè tuum mihi consilium & beneuolentia requirenda sint.

Quæ si vicinioribus in locis esses, parata mihi arbitrarer: quia abes longe gentium, nō illa quidē mihi erepta nec aded tamen in promptu adesse mihi intelligo. Sed quid me angat, sollicitūq; habeat, etsi te per te satis existimare arbitror, quòd eisdem affici te puto in hoc tempore animi solitudinibus & curis, tamen aliquid tibi à me ea de re putavi esse scribendū: vt quoniā amore et optima in rem Christianam voluntate cōiuncti sumus, nostras quoque cogitationes et consilia coniungamus.

Increbrescit enim quotidie magis (vt tute scis) de concilio rumor: cuius habendi multæ quidem sunt causæ iusta, ac graues: ac si verè loqui volumus, etiam necessaria.

saria. Sed ecquid sperandum ex eo boni sit, magna videtur esse cōsiderationis: quæ sortasse ad nos nihil pertineret, nisi grauis officij onere premeremur. Quod præstare debemus, non tam hominibus quidem, quibus (si bene coniectura vtor) sancta & seuera cōsilia haud ita multis placitura sunt: sed præpotenti Deo, cuius tãtis aucti beneficijs, nihil habemus neg<sub>3</sub> in vita, neg<sub>3</sub> in fortuna, quod non pro illius honore & nomine effundere simus parati. Hanc ego sententiam cùm mihi tecū statutam esse communem, reliqua iam sunt cōmunicanda inter nos: quod consilium sequi, & quemadmodum nosmet gerere debeamus. Nam si (vt dico) fructus est expectandus aliquis ex hoc principum ecclesiæ & episcoporum conuentu, qui sit Christianæ Reip. profuturus: non dubium, est quin conueniamus, quemcunque fuerit in locum concilium indictum, nec laborem vllum discrimenue fugiamus: tametsi mihi ipsi, propter domesticas aliquot difficultates, imbecillitatemq<sub>3</sub> corporis: futura sit res molesta. Sin autem, quod magis vereor, propter inextricabiles difficultates temporum totum hoc remedium ad sedandas discordias, & ad morbos ex animis tollendis inane futurum sit, atq<sub>3</sub> irritum: est iam non parue deliberationis res, quid agendum nobis, & vtrum accedendum ed, an manendum domi in vigilia nostra sit, cùm alterum fortassis consilium inutile, alterum planè honestum semper habeatur. Hac ego si mihi metipsi considerem, exquisita potius & explorata scriberem ad te. cùm verò tantum tuæ prudentiæ confidam, quantum meum perpetuum de tuo singu-  
lari

lari ingenio iudicium postulat: peto à te & pro amicitia nostra rogo, vt suscipias totius negotij deliberationem atq; curam: & siue habes iam statutum, quid tibi faciendum sit, siue es deinceps cōstituturus, me omnis participem consilij & voluntatis tua facias. Ego enim eo sum animo, vt quicquid à te probatum fuerit, id vt sapienter sancteq; cōstitutum, ipse quoque secuturus sim. Quare tu & de rumore ipso, totaq; re, & de loco, temporeq; conueniendi, si quid habebis indagatum & compertum, facies me (si videbitur) tuis literis certiorē. Imprimisq; hoc ita cogitabis, si veniendū aliquod sit, summopere cupere me, q̃ sine incōmodo tuo fiat, cōtubernalem tibi esse. hoc mihi gratius atq; optatius accidere nihil potest. Vale. VI. Calen. Febru. M. D. XXX.

IAC. SADOLETVS EPISC. CARP.

Federico Fregosio Archiepiscopo

Salerni, S. P. D.

**E**T si ~~quotiescunq; literas tuas lego, toties sentio me noua quadam letitia affici, vt nihil esse mihi possit earū lectione iucundius~~: tamen proxima litera tua quas ego Nonis Iulij abs te datas, tertio Nonas Septembris accepi, mihi molestia aliquantum plus, quàm voluntatis attulerunt. Nihil enim grauius accidere mihi potuit, nec quod minus ferre possēt sensus animi mei, quā intelligere, te suspicari, aliquid mihi accidisse abs te, ex quo animus meus in te esset offensior: cū præsertim id agas tā multis verbis, vt verē de me nescio quid dubitasse videare. Ast ego contrā, primum hoc dico, nihil me vnquam esse in te conspicatum, quod vel pro-

primum

prium esset tuum, vel mecū tibi in nostra amicitia cō-  
mune, in quo non & admirabilis mihi tua virtus, et be-  
neuolētia erga me, eximia visa fuerit. Et in utroq<sub>3</sub> qui  
dē multa mea extant, neq<sub>3</sub> ea obscura, de tua virtute  
humanitateq<sub>3</sub> testimonia. Sed nō sumam mihi impræ-  
sentia, cuncta vt commemorem. Illa perstringā breui,  
quæ tui amoris erga me propria sunt, quorum nunquā  
me quidem cepit obliuio. Sed cōmemorationē autē hac  
verecundia impediuit, cuius tu nunc non pratermitten-  
da necessitatem quādam mihi affers. Nam siue prima  
nostra familiaritatis initia spectemus, quid tua tunc er-  
ga me comitate, liberalitate, beneficētia illustrius? siue  
hæc postrema, (nā media fortune vitio, occupationib.  
maximis vtriusq<sub>3</sub> nostrum, & locorū disiunctione, non  
tam testata esse potuerunt) quē ego possum afferre ex  
pluribus amicis, quos mea mihi officia quā plurima  
conciliarant, qui maius erga me ostenderit sui animi  
studiū, aut cui tantopere salus mea curæ fuerit? Veni in  
Galliam, nudus rerum omnium, tāquā ex naufragio  
in terram eiectus. An me oblitum putas illarum litera-  
rum tuarum, quas ad me prior misisti? in quibus cū es-  
set suauissima recordatio veteris nostre necessitudinis  
& declaratio amoris in me tui: nōne cū fortunas om-  
nes tuas in cōmunionem meorum temporum mihi ob-  
tulisti, tum humanissimis atq<sub>3</sub> amantissimis verbis pa-  
ria facta responderunt? Iuisti me opibus, instruxisti  
libris, quorum ego iactura (maximam enim feceram)  
non mediocriter angebar: omnibus & prudentia, & li-  
beralitatis tue consilijs auxilijsq<sub>3</sub> fouisti. Quo quidem  
tempo

tempore, cū cetera mihi ex te iucundissima acciderēt, illud tantum submolestè serebam, quòd maiora subire conabar is mea causa onera, quàm vt meus pudor facile pati posset. Hæc ego qui nosse debeam & in memoria habere, quid ita, quaeso, sum à te in iniusta iracūdia crimen vocatus? qui etiam si iustam aliquam haberem succensendi tibi causam, non possem id sine nefario scelere, & sine magna commutatione mea naturæ ac voluntatis facere: quam ita iam pridem habeo institutā, vt nullas cognoscat iniurias, significationibus aut bene uolentiæ maximè obligetur. Vide quaeso dulcissime Federice, ne in hoc me aliquo inconstantiæ & leuitatis crimine cōdemnes. Quod etsi molestum mihi foret tibi ita videri: mea me tamen conscientia cōsolaretur. Mihi enim ipse sum cognitus, & scio nihil à me commissum, quod ad nostræ amicitie fidem, vel minima vlla ex parte violādum possit valere. Quanquàm ne tu quidē de me aliter sentis: nō enim dubito quin me firmum & certum amicum esse cōstituas: potiusq; tua illa suspicio tota fuit amoris: & nimirū ita est. Habet enim hoc illa animi affectio peculiare, vt quod maximè appetit atq; optat, eius amittēdi suspicione maximè stimuletur. Sed tu si verè de me existimare volueris, & cogitare cū animo tuo, quis aut ego sim, vel cuiusmodi esse debeat, præsertim aduersus te, cuius tot & tanta erga me extāt merita: cognosces profecto, nihil fieri posse in omni amore & obseruātia tuā, studio meo et voluntate flagrantius. Nam quòd iā diu nō scripsi, primum, non fuit quod scriberem, nec per quos: neque

tu tamen in eo diligentior me fuisti. Deinde, nunquam ego in literis arbitratus sum iudicium omne amoris et benevolentie consistere: vel eo argumento, quod tam diu antea cum nihil inter nos commeauit literatum, incolumem tamen benevolentiam seruauimus. Et tamen recordor me statim ad eas tuas rescripsisse quas Auenione cum essem acceperam: Psalmique impressi volumine vnum tibi misisse, cum si tum me aut tua Aristotelis reprehensio, aut cohortatio ad sacras literas commouisset, fuerim aliquod signum turbati animi tibi daturus. Ac cohortatio quidem tua mihi & sapientissimi consilij, & amicissima voluntatis semper plena visa est. Cum Aristotele vero nulla mihi est cognatio, nisi quod hominis illius acumen & doctrinam precipue miratus sum: ac maximus mihi ille quidem & doctissimus Philosophorum semper est habitus. Sed quid tam liberum esse debet, quam suum unicuique de re quaque iudicium? opinionum porro inter amicos dissensio aliqua aliquando est, voluntatum nunquam. Quamobrem de his tu et quemadmodum volēs ita senties, & hoc nos animo erimus, ut Philosophiam cum sacra doctrina nunquam non coniungendam esse arbitremur. Sed hæc satis, aut nimis fortasse multa. Ego his diebus accepi ex Germania aliquot doctorum hominum, et in his Erasmi literas. Psalmum nostrum ibidem de integro impressum statim diuulgauerunt: vnum volumine miserunt ad me: tem mirabiliter probant. Erasmus quidem, ut sibi p se displicere, & sua iam scripta continere videatur. Litera scripta docte & copiose. Sed de doctrina nihil scilicet no-

ui. De hominis probitate, ingenuitate, virtute, aliquid noui fortasse, vel enim non tantum, vel nō ita putares. Scito igitur ea in illius literis elucere signa integri animi, & probi, & alienam virtutem studiosè amplectentis: vt dignissimus sit, qui & ametur à nobis, & in honore habeatur. Cui ego me vt respondeam, paro: ne me humanitate & ingenuitate vinci patiar. Spes est aliquid in ea natione à nobis profectum fuisse: Quod si benignitate Dei fuerit factum, ne ego maximum, & maximè optatum mei laboris premiū fuero adeptus. Sed aliās de his. Tu vt me ames, teq; à me & diligentissimè coli, & constantissimè amari, vt certum atque exploratum tibi habeas magnoperè à te peto. Vale. Pridie Idus Septemb. M. D. XXX. Carpentoracti.

## IAC. SADOLETVS EPISC.

Carpent. Federico Fregosio Archiepiscopo Salerni. S. P. D.

**M**agna mihi delectationi fuerunt literæ tuæ: quæ mihi te cū abundare ocio, tum autem id ocium consumere in optimis studiorum lucubrationibus significarunt: beneuolentiamq; erga me tuā, cuius mihi semper gratissima est cōmemoratio, etsi non apertius quā antea, vberius tamen aliquanto mihi declarauere. Gaudeo te eum esse, qui & tibi ipse summū bonum in vita, scrutandis & recolendis scripturis sanctis repereris: in quibus certè, huius boni, quod non maximum modò, verum etiam solum est, cunabula sunt posita: & mihi eum animū in amicitia præles, vt mea tibi studia maxima cura esse ostendas. Quo quid potest esse amoris,



batam retinet dignitatem, sperem fore mysteriū fidei etiam incredulis, & prius ista continētibus, si modò rationibus acquiescere cōstituerint, clarum atq; illustre. Nam quod me admones, vt interpretes eos legā, in manibusq; habeam, qui piē, & eruditē in Paulum cōmentati sunt: cōsiliū tuum mihi vehementer probatum est.

~~Quod quidem etsi mihi antea venerat in mentem, fueramq; in eis libris, quos tu mihi proponis, diu & multū accuratissimè volutatus: posthac tamen studiosius etiā faciā, quod tantopere tibi id placere intelligo. Veruntamen et Chrysostomus summus vir, atq; eximius Pauli interpres, magno mihi vsui fuit: & ceteri simili pietate ac ingenio non parum opis mihi auxiliūq; contulere. Atq; hic quidem, modo quem nominavi, lingua ex-politus, copia abundans, sententijs creber, genere quodam dicendi incitato atq; denso, non docet solum nos ea quæ sunt fidei in Paulo, quod ipsum sanè egregiè, & perquā doctè facit: verū animos praterea quoque nostros vsq; eò permouet, vt cū eum legimus, accurateq; attendimus: tum maximè probi & iusti cupiamus esse, imprimisq; continētes. Augustini verò, cuius ego ingenium præcipuè soleo mirari, inchoatam in hanc epistolam ad Romanos scriptiōem tantummodò habemus: & quedam item epistolæ obscuriora loca quasi subcisiuis operis tractata. Origines redundat & effluit, maximi vir ingenij, excellētisq; doctrinæ: sed cuius in tanta vbertate & copia, vix queas aliquid certi cōprehendere. Huius sententias imitati recentiores pleriq; haud ita multum deinde de suo, quod accidere de-~~

beamus, attulerint. Ambrosius restrictus, & quasi resu-  
 giendo se ostendens, summa tamen doctrina & sancti-  
 tate vir. Laboriosus Thomas, idemq<sup>3</sup> magis aliena  
 sententia narrator, quàm demonstrator sua: qui tamē  
 collectis omnibus ijs propè, quæ ab alijs dicta sunt, &  
 laborem minuit nobis inquirendi, & curam acuit diju-  
 dicandi. Hieronymus aliquanto demissior, (si tamen is  
 Hieronymus) quàm videar tantarum explicatio re-  
 rum postulare. Nam collectanea Græca quæ esse pe-  
 nes te scribis, (habeo enim ego serè similia quædam cō-  
 posita ab Eunomio) nihil aliud, vt ego conijcere pos-  
 sum, quàm Chrysostomi selecta & breuia dicta sunt.  
 Vnus est reliquus ex ijs, quos mihi nominandos duxi,  
 Theophylactus; bonus nimirum autor, idem nudus ac  
 venustus, et qui verū et germanum sensum Pauli bre-  
 uiter atque aptè totidem penè verbis, quot ille scripsit,  
 persequatur. Habes quorum ego potissimum subsidio  
 et doctrina in hanc scribendi rationem ingressus sum:  
 quibus tu, si habes alios meliores, aut quos mihi aequè  
 existimes amplectēdos, si eorum me certiolem feceris,  
 obediam, & parebo auctoritati tuæ: omniaq<sup>3</sup> te præmō-  
 strante libenter exequar, quæ ipse consulueris, & ad  
 quæ tu me fueris adhortatus. De quæstionum magnitu-  
 dine, & difficultate, quæ in hac ad Romanos Epistola  
 versantur, idem sentio quod tu: nihil esse illis implici-  
 tum, neq<sup>3</sup> tamen excussum ac exagitatū magis: quas  
 longo penè temporū interuallo sopitas, Lutherani rur-  
 sum in contentionem & certamen deduxere. De ijs q<sup>3</sup>  
 sententiam meam exquiris, nō est id vnius Epistolæ ne-  
 goti-

gotium: & satis tamen in commentationibus nostris de eis rebus disputatum est. Breuiter tamen sic habeto: Fidem à me distingui, & secerni ab operibus iustitiæ, quæ per legem præcepta sunt: sine tamen iustitia quadam sua diuiniore multo & præstantiore, fidẽ nullam à nobis posse constitui. Nam quæ verbis tantũ uoceq; usurpetur, si nõ sit radix in corde prius validẽ defixa, similem eam esse ramis non cognatis cum arbore, sed hærentibus. Illa est fides Paulo, cùm corde creditur ad iustitiã: sic enim demum ore cõfessio est ad salutem. Itaq; idem ipse Paulus ad Philippenses scribens, cùm iustitiam se legis libenter reliquisset, ut eam quæ ex fide est iustitiam adipisceretur, exponit: fidem profectò ab humana iustitia hæc segregat, & in diuina illam iustitia cõstituit. Quæ autem diuina sit iustitia, & quæ humana, & in libris nostris perscriptum est, & nos te ad illorum lectionẽ reijciemus. Neq; enim fas tantis de rebus tam exiliter impræsentia scribere. De libero arbitrio, & de Gratia, quæ duo videntur inter se ita esse opposita, ut maximis olim concertationibus agitata in ecclesia Dei fuerint, & nunc ab his recentibus hæreticis repetuntur. Ego & Pelagium grauius accuso, qui dari nobis præmium pro meritũ nostris sine gratia uoluit: cùm nullum omnino meritũ à uobis, nisi dono gratiæ prodeat, & proficiatur: & Augustino non usquequaq; assentior. Nimiũ enim extremè ex cõtraria parte diuersam mihi causam uidetur defendisse: cuius ratio si uera sit, in maximas difficultates, & impeditissimas actiones consiliorum ac uoluntatum, hominum mē-

tes incidere necesse est: vt nequeant explicare, quid optimum sit factu. Ego verò illam nostrī animi ac volūtatīs assentionē ad arbitrium nostrum reuoco, qua præbemus nos Deo faciles & obtemperantes, vt is deinde nos fingat & flectat quò velit: omnem aut̄ plenā actionem, omnemq; laudabilem boni operis fructū, & quicquid deniq; est in quo vis meriti insit, ad diuinam gratiā sine dubitatione vlla refero. Atq; hac non modò sic ponuntur à nobis, sed validis (vt puto) rationib. argumentisq; firmātur, autoritate vbiq; scriptura adhibita, quæ cōmendat et corroborat rationē. Verūm de Paulo satis. Quòd scribis, damnari à me studiū Hebraicarū literarum tuū: non puto ea mentē me ad te scripsisse, vt operam tuā in ea re damnādam esse diccrē: potius illud non tam reprehendi equidē in te, quā desiderauī, vt in Latinis & Græcis studiosius te exerceres. In quo ego non Hebraica studia contempsī, sed illis hac anteposui: quæ sunt (meo quidē iudicio) ad id q̄ querimus lōgè vtiliora. Et si vereor, ne tibi videar arrogans, qui de incognitis reb. audeam iudicare. Sed (quæso) audi quid moueat me: Primū salus nostra in Euangelio est: id aut̄ est totū Græce traditū. Deinde si ex vetere scriptur. testimonīa querimus, quib. Euāgelio fides addatur, parūne multa ex ea percepta habemus? At enim illa ē fontib. haurire cōducibilis multò est. Fateor: si possint haberi pura & liquida. Sed quid causæ est, quòd oēs penè qui ad eam linguam se dedunt, tanquā ceteri nihil antea viderint, nouas conuersiones nominum ipsi redderē conentur? quod ipsum et in his libris cernimus,

qui

qui vim singulorum verborum explicant, qui nullius  
 fermè vocabuli significationē & sententiam rēserūt,  
 non multiplicem. Cur Paulus summus legis doctor, na-  
 tiuæ linguæ peritissimus; cū sacros scripturæ citat lo-  
 cos, eos semper non ab isto ipso fonte, sed à septuaginta  
 interpretibus accersit? Nam quod de semine mulieris  
 & serpentis tu commodè exponis, non aliter video  
 à septuaginta fuisse translatum. Duo cherubin, duo te-  
 stamenta existere, perbellè interpretatum est, à nume-  
 ro videlicet cōiectura ducta. Nam si vtriusq; tes-  
 ti vis exprimenda fuit, decuit alterum cherubin, tanq̃  
 inferiorem & ministrum, alteri ancillari: qui ambo ta-  
 men penes arcam Domini pares effecti sunt. Vide po-  
 tius, ne ministerium Angelorum, quod Deus in populo  
 illo dirigendo vsus est, eo monumento denotatum fue-  
 rit: qui duo statuti sunt, vt ab eo ordine vnitas, quæ so-  
 la est adoranda, remota esse intelligeretur. Quāquam  
 ego in his non pugno: licitum enim est vnicuiq; suo mo-  
 do interpretari: cū ad ea quæ ex spiritu sancto per-  
 scripta sunt, omnes quæ ad pietatem faciunt, accom-  
 modentur sententiæ. Illud dico, esse quasdam prædictio-  
 nes in sacris literis futurarum rerum, ita euidenter cla-  
 ras et manifestas, vt nusquā alid, quā ad Christum  
 referri possint: sicut illa est inter homines vēturi Mes-  
 sia diuersatio: mors quoq; eius & ignominia ab Esaia  
 propè depictæ, & Zachariæ illa crux: & Iacob pro-  
 phetia: conuocatio quoq; gentium, & sponsi sponsæq;  
 connubium, quod in Psalmo quadragesimo quarto ita  
 decantatum est, vt perspicuè appareat, duos esse, qui-

bus honos ibidem, & nomen Domini Dei attribuitur. Multa prater eo breuitatis causa, & quod tibi notiora esse arbitror, quàm mihi. Nomen quippe Deo omnipotentis, Tetragrammaton ad miracula patranda etiam valere, his qui illud nouerint, veteres existimauere: totamq; eam scientiam appellauerunt Cabala. Cuius uis quacunq; sit, (non enim scio, neq; didici) maxima sit quidem per me licet: non enim volo à me cuiquam arti esse detractum. Quod tamen sentio id proferam. Primum, nō egere nos huiusmodi arte ad salutem nobis comparandā. Deinde visos à me permultos, qui ex hac scientia non religionem, neq; pietatem: sed aut vanas aut etiam impias superstitiones susceperint. Quod et si accidere poterit, hominum, non artis vitio: tamen timidas mea eiusmodi semper fuit, vt nūquam passus sim eius rei nomen, nedum cognitionem & studium, ad aures meas propius accedere. Quid ergo est? num nam reprehendo ego eos, qui ista consuectantur? Minimè: omnē enim cognitionem et scientiam dignam homine libero iudico: nec si quid fortasse ex aliqua aliquando periculi impendat, non tuam grauitatem & sapientiam superiorem omni periculo statuo: sed meam imbecillitatē vereor. Itaq; aut non valenti mihi, aut nō volēti, illa esse aliena & remota studia nō admodū fero molestē. Quā etiā imbecillitate adductus, cū suasi tibi, vt Paulum assiduē haberes in manibus: nō id eō feci, quod putarem illum minus tibi familiarem esse: sed quod arbitrabar, quod plus in eo opera studijq; poneret, in Hebraicis autem literis minus, quantum temporis scilicet

ex illis detraheres, ad Paulumq<sup>3</sup> trāsferes, hoc melius  
& praestantius studijs tuis consultum fore. Qua in re,  
& in cōsilio eiusmodi dando, si erratum à me est, peto  
à te, mihi vt ignoscas: bono quidem animo id feci, quan-  
quam fortasse imprudenter: Sed aequum est nos inter  
nos & non agnoscere saepe culpas, & benevolentiam  
semper adhibere. Et si hoc quidem posterius tu vnum  
facis, ego cum amore culpam aliquā interdum in meis  
factis adiungo. Nunc venio ad quaestiones, de quib. sen-  
tentiam meam sciscitaris, quarum duæ locorum sunt,  
altera rerū. Queris q<sup>d</sup> fuerit Tertium cælum illud, ad  
quod sublatus est Paulus. In quo respōdeo tibi: tertium  
ibi cælū à Paulo pro summo & ultimo poni, in quo nō  
sydera, neq<sup>3</sup> astra, sed diuina mens inhabitat: nā et Ter-  
tium illud superlationis vim habet: & mox subiungit  
ipse, audiuisse se ibidē arcana verba, non contemplatū  
spectacula fuisse. Quanq̃ autem ista cæli mentio, non  
tam loci, quam rei significationē habeat: nō enim in lo-  
co habitat Deus, sed ipsa Dei virtus et potentia semeti-  
psa continetur: cuius arcana qui audiunt, à Deo edocti,  
ad domicilium Dei extollūtur) tamen etiā si ordinis &  
loci reddenda est ratio, congruē cælum istud tertiū esse  
dicitur: quando primum, ducto hinc initio, est aeris &  
ignis circumiens vnā cum cælo mundi inferior globus:  
qui non solum vulgò, sed ab omnibus poetis Cæli voca-  
lulo nūcupatus est: vsq<sup>3</sup> eò, vt ne alienam quidem à na-  
tura ignei elementi superiorū orbium naturā esse vete-  
res existimarint. Quod idem & in Genesis principio  
videtur cōprobatum: quā firmamentum q<sup>d</sup> nominat cœ-  
lum,



lū, inter aquas duplices cōstituit Deus: tametsi de hoc quidem nō tā mihi liquet. Alterum porrō cælum astra signaq<sub>3</sub> continet. Tertiū est Deo, & cœlestibus illis mentibus attributū. Sed vt dicebam, non tam locum, quàm rem notare voluit Paulus. Summū enim profectō cœlū illud est, ex quo hausta illi fuit diuina sapientia. Quod item de sinu Abrahae, in quo recumbebat Lazarus, intelligendum est: nusquam enim ibi locus, sed res tātūm est descripta: cum is qui iacebat in miserijs, Lazarum videt in beatitudine recumbentē. Aut si in eo locus quærendus est, sinus Abrahae regnum cœlorū est. Sicut ipse Dominus alio loco, Venient multi, inquit, ex ortu, & occasu, & recumbent cum Arahā, Isaac, et Iacob in regno cœlorum. Filij autem regni eijcientur foras, Felicitas igitur eo loci, et miseria in euangelio est exposita: ea quæ morientes dispari sanè exitu exceptura est. locorum autē propriè non est spectata ratio. Inter felicitatem porrō & infelicitatem maximum utiq<sub>3</sub> interpositum chaos est: quod etiam est impermeabile, iudicio Dei præmijs iā, pœnisq<sub>3</sub> cōstitutis. Hactenus de locis. Nunc de rebus est dicendum. Ac primò, Auaritiam esse idolorum seruitutem, non vno loco dixit Paulus: ea ratione, quo qui pecuniæ student, totius vitæ suæ spem & fiduciam constituunt in pecunia. Quod in alijs cupiditatibus non fit: nam cætera cupiditates singulares sunt, auaritia vna reliquas omnes complexa est. Quaritur enim ad eam rem pecunia, vt cupiditatibus omnibus suppeditetur. Porrō ponere vitæ totius spem alibi quàm in Deo, alium sibi esse Deum ad-

scisce-

sciscere, & adoptare: quod in auaritia præcipuè quodque euenit, quando cupiditates aliæ subitis ferè motibus incitantur: auaritia habet certum & constitutum consilium. Ita & vitulum, quem dimisso Deo Iudæi adorauerunt, nō sine mystico sensu, auaritiā esse cultum Idolorum, legimus fuisse aureum. Alter locus est apud Lucam, quo Dominus rediens à nuptiis, seruis fidelibus, qui vigilauerint, mēsam appositurus est, eisq; ipsemet ministraturus. Torquet enim te verbum illud Transiens: quoddā non à trāseunte, sed à permanente velles sanctis Dei et electis conuiuium exhiberi. Sed error est in verbo, non enim Trāsiens, sed Obiens, debuit transferri: id enim Gracè est *παρελθὼν*. Obire autem præter oculos discumbentium multa necesse est, eum qui pluribus velit ministrare: eisq; verbum illud non abitus, sed sedulitatis. His sic expositis, dicendum tibi à me ingenuè est: in quo vereor, ne tu aliena sententia sis, qui humanam putes sapiētiam, bonarum artium et literarū cognitionem esse, eam videlicet quæ est inimica Deo. Non enim ita est. Humana est illa sapiētia, quam refutat & aspernatur Deus, aduersusq; eam in honorem Stultitiā adducit, quæ illa sapit & meditatur, quæ ad fructus rerum mundanarum comparandos apta, appositāq; sunt: quam nos Prudentiam vulgo appellamus: Solertiā quandam accuratè & cautè internoscentē molestias, & voluptates: eaq; adhibentem, quæ opes, honores, diuitias, potestatesq; sint allatura: contraria verò reijcentem, atq; euitantem. Hæc enim ad diuersum longè finem à Deo, tota directā est: & qui in his-

ce stultus est, hoc est, cui ista præ caelestibus cordi non sunt, ille Deo præcipuè gratus & probatus est. Artium verò liberaliū, & philosophia cognitio, in eximia parte vera sapientia statuenda est: si sit ea ad deum ascendere volenti tanquam gradus, non autem ad mundi fastum, præmiaq; conuersa. Neq; ego arbitror, quod audacter confirmare possum, quenquam in sacris literis, aut vlla deniq; in arte scientiæ satis vnquam instructum & eruditum fore, cui ignorata philosophia fuerit. Ad quā ego te adhortari pro coniunctissima nostra necessitudine non desino: vt quæ te in adolescētia tua aluit & produxit, eadem prouectiore quoq; etate ornent & comitetur: tuq; artis præstantissima & optima, cuius adminiculo & viribus theologia est innixa, vberiores inde fructus feras. Vale & nos dilige. Carpentoracti, III. Nonas Aprilis, M. D. XXXIII.

## IAC. S ADOL. EPISC. CARP.

Federico Fregosio Archiepiscopo

Salerni, S. P. D.

**I**N extremis literis tuis, quas abs te Nonis Iulij datas, ego tertio Idus Nouem. accepi, ratio à te reddita est, quare epistola tua sit longior, teq; velut excusando exponis, non potuisse propter rerum copiam, & huius inscribendo muneris inexperiētiam, (sic enim loqueris) breuius & contractius scribere. Quod ego quā in partem proferas, constituere adhuc non possum. Etenim si mea id causa dicis, quod vereare, ne quid tuarum longitudo literarum offensionis mihi aut molestia afferat: arbitror fieri à te nonnullam & mihi, & mutua nostra  
coniun-

coniunctioni iniuriam, si putas me offendī posse tuis literis: aut si suspicari de me in animum inducis, quicquā mihi accidere abs te posse, quod non sit mihi omni cum latitia ac suauitate, & expectatum, & gratum. Imò verò tu, si quando breuiter scripturus sis, ad id tibi potius excusationem comparato: quasi inuideas mihi eximiam partē meae voluptatis, cui iucundissima sunt scripta tua, eadem quae longissima. Etenim cū te ipso cārere mihi necesse sit, tuamq; optatissimam, & mihi certē spectatissimā uirtutem, prudentiam, humanitatēq; quotidie requirere in mentem veniat: quid magis solatio potest esse, & leuamēto, quam in tuis literis, in tuis sermonib. scriptis, quando uiua voce frui non licet, in tui memoria & cogitatione acquiescere? Quae tunc me maximum in modū delectat, cū aliquid de te, vel abs te, recens ad me allatum ut audio, aut lego. Sin autem illud ipsum, scribere diffusè, & abundanter, tibi ipsi fortasse graue, odiosumq; est, plusq; in eo, q̃ multū scribis, laboris, quā q̃ ad me scribis, inest uoluptatis: equidē tuo imprimis cōmodo esse consultū volo. Sed tamen scito tua ista sententia (si modo ea tua est) nil mihi accidere posse incōmodius. Sed neq; ut hoc tu ita sentias, persuaderi mihi potest: & ego initiū tuarū literarum sapenum ero degustans, in quo suauissimè atq; amicissimè, tanquā deplorans disiunctionē nostrā, & quotidiana nos mecū congressus expetens, scribis, postquā id nobis ereptum est, ut iā nequeamus esse vnā, daturum te operam, ut sacris de rebus ac quaestionibus litera inter nos, et percunctationes nō conquiescant: cū facile adducor

vt credam, te quoq<sup>3</sup>, ad me libenter scribere: tū id certē tibi de me polliceor, & in scribendo ad te, & in tuas legendo, nullam à me percipi voluptatem, quæ quidem mihi maior esse videatur. Sed de his satis. Neq<sup>3</sup> enim dubito, quin tu in amicitia nostra pari mihi & fide, et voluntate respondeas. Quod molestiam meam (sic enim appellas) tibi probatam esse dicis: gaudeo maiorem in modum, si quid fortasse imprudentius scriptū à me fuit, id à te in bonam partē accipi: plusq<sup>3</sup> in hoc multò æquitati & humanitati tuæ, quā meæ modestiæ et moderationi tribuendū est. Ego enim omnino scripsi incōsideratius: visusq<sup>3</sup> sum præ me ferre (à quo certē abesse longè cupio) iactantiā quandā verborū, & animi leuitatem. Neutrū horum quidē ex ingenio meo: sed tamē nescio quo pacto mihi illud excidit, cuius me quotidie magis pœniteret (etenim magis indies ac magis difficultate suscepti oneris ac muneris retardor) nisi in eū hominem incidissem, qui cum summo & singulari iudicio, summam quoq<sup>3</sup> æquitatem & clementiam naturæ habet coniunctam. Quapropter si me amas, quantum profectò amas, aut illa de literis meis verba tollito: aut ipsas potius conserpito literas: ne apud alios non tam æquos homines, neq<sup>3</sup> tam amantes mei, meum mihi de decori erratum sit. De fide & Operibus, nec tuam satis perspicere quivi sententiā, nec meam tibi paucis perscribere audeo, etsi eram tum, cū has literas dabā, in eo ipso loco & parte operis mei, in qua de Operibus legis agitur, recognoscenda, occupatus. Itaq<sup>3</sup> in id tempus hac tantæ quæstionis disceptatio reijciatur, cū  
absolu-

absoluto libro, aut illum integrum, aut saltem particulam istam excerptam ex eo ad te mittam. Responsiones meas tibi probari lator: etsi id te magis confirmandi mei causa, quàm quòd tua illa approbatione digna sint, ita sentire puto. Certè quod prouidebam & expectabam, potuisses tu me in maximas difficultates conijcere: si quà sinum Abraha regnum intelligi cœlorum dixi, illud apposuisisses, quarendo & percunctando, num ante aduentum & mysterium Christi quisquam omnino homo in cœlorum regnum introire potuisset. Scis enim his de rebus, quæ sit, & quanta contentio. Tertiū autem cœlum sedem esse summi & præpotentis Dei, coniectura etiam magis, quàm cognitione certa suscipimus. Nam quòd ad omnia tu paratas velis scripturae esse sententiæ & auctoritates, sit id copia & intelligentia tua: nos enim in toto isto genere ieiuniores sumus. Quòd Hebraica lingua tātum tribuendum putas, ego etsi in alia solitus sum esse sententia, non quòd linguam illam. vnquā improbarim, sed quòd Græcis semper magis fui deditus: ~~nam cum tantū tuum iudicium sit facile tibi assentior, rem ita se habere, vt tu dicis: hoc etiam magis, quòd tu vtriusq; linguae egregiè peritus et prudens, summam dijudicandi facultatem habere potes. mea quidem pigritia huiusmodi est, vt eo quod habeam, quamuis pusillo & tenui, cogar esse contentus: neq; ad maiora illa aggredienda, aut animas mihi, aut vires suppetant.~~ Quamobrem tu & tuā vicē, & meā, si in his elaboraueris, quæ tantopere nostræ religioni conducere existimas: mihi nil deperibit. Nam & utili

tate eadem tecum persruar, & tuam gloriam (si modò est spectanda in hisce rebus vlla gloria) mihi quoq; tecum statuam esse communem. In tali enim amicitia es coniunctione, cuiusmodi nostra est, nihil vtriq; nostrum ab altero seiunctum potest esse. Deo Cherubin neque ego inficiatus sum duo testamenta rectè posse & Ἀρχαῖς, & tamen ratio illa veritatis, quam in ambobus eundè gradum tenere vis, aliquantum mihi diuersa videtur. Nam & vmbra verè sunt vmbra, & corpus verè corpus: interest tamen non parum inter vmbraarum & corporis veritatem: vtrunq; enim aequaliter verum est, sed non aequale verum. Sic & cælum scabellum pedum Dei, etsi de eo aequè verè cælum esse id dicimus, atq; Deum esse: longo tamè differt veritatis interuallo à scabello suorum pedum Deus. Verum hac subtilioribus istis discepratoribus relinquenda sunt. De arcana illa Hebræorum diuinaq; sciētia, quoniam nihil cognitur habeo, ne habeo quidem quicquā quod dicam: meam omnem sententiam ad tuum de illa iudicium accommodo. Quod mihi de ea submouerat aliquam suspicionem, & tibi ingenuè prelocutus sum: et tu scelus ac culpam nonnullorum in eo genere cōiūctis infectatus es. Mihi, his dimissis, illud potissimum cura est, vt in Euagelijs & Paulo abstrusos & reconditos indagē sensus. Vt or aut̃ interpretibus nullis accuratius, quàm his autoribus i- p̃fix, qui illa scripta diuinitus ediderunt, vt e fontib. magis, quàm ex riuib. hauriam. Itaq; locum illum de Duob. gladijs in Luca meo quoq; sensu interpretatus: rectè, an secus, vt tu queas d̃iudicare, nisi ad te exēplū meū  
lucu-



lucubrationis, quam leges cum tibi erit otium. Quin & illud, quod pene fueram oblitus, scito datum mihi negotium à Pontifice Maximo, quem nos visum et salutatum Masilian accersimus, ut totum illum sermonem interpreter, qui est à Christo habitus cum Nicodemo, cap. III. Ioannis, si ritè recordor: in quo de Spiritu spirante ubi velit, & quanquam uox eius audiat, ignorato tamen unde veniat, aut quo vadat, obscura admodum & perdifficilis est narratio, tantis doctissimorum dissensionibus. ut mihi videatur fieri posse implicatius. Itē et alter locus in extremo Euangelio mihi exponendus est, quod Christus Magdalenam ipsum agnoscentem prohibet ab amplexu. Noli me tangere, inquiens: nondum enim ad patrem ascendi meum. In his duobus locis explanādis si quid tu mihi afferes subsidij, atq; opis, ac laborantem tuo præstante ingenio subleuabis: erit causa, cur hunc laborem mihi fuisse optandum putē. Quod obsecro te quidem ut facias, reque inspecta accuratè & diligenter participem citò me facias & sensus & iudicij omnis tui. Quid aliud tibi scribam? quid? illud nimium, mihi esse molestissimum, quod usq; eo tarde cōmēnt inter nos literæ, quippe tūm recentes hæ tuæ quatuor menses ipsos in via moratæ sint: quod si idem euenturum est in meas, quæ spes est, nos posse hac iucundissima, & mihi multum exoptata consuetudine scribēdis inter nos, curasq; cōmunicandi, perfrui? Quare si Lugdunū scripseris ad tuos ut studeant esse diligentiores, & illos credo expergefeceris, & mihi feceris gratissimum. Vale, Carpent. Idibus Nouemb. M. D. XXXIII.

IAC. SADOLETVS EPISC. CAR-  
pent. Federico Fregosio Archiepis-  
copo Salerni. S. P. D.

**A**ccepi literas tuas, quas Bachij puer ad me attulit,  
à quo cum percunctatus essem de te ea quæ volebā,  
atque is mihi omnia lata respondisset: alacriore ani-  
mo conuersus sum ad lectionem literarum: in quibus  
recognoui animum tuū pristinum erga me, & plenam  
beneuolentiæ, atq; humanitatis voluntatem: qua nihil  
mihi accidere solet optatius. Hortensium meum valde  
tibi placuisse sanè gaudeo. cum enim iudicium tuum fa-  
ciam tanti, quāti certè facio, tum verò homini amicissi-  
mo, omniumq; grauissimo, probari labores meos maxi-  
mum certè mihi fructum voluptatis & lætitiæ affert.  
Siquidem ea quæ agimus, ab optimo quoque maximè  
probari cupimus. Et sanè in hoc genere literarum nūc  
studiosius versor: philosophiæq; magis inhereo quàm  
antea. Recordor enim prudentissimum cōsiliū tuum,  
quod quibusdam ad Paulum literis mihi dā: Videndū  
nobis esse, qui sacras literas tractamus, quem admodum  
eas in publicum proferamus: quòd tantum sit hominū  
fastidium in hoc tempore, vt difficillimè reperiatur q̃  
placere possit. Illarum verò tractatio etsi non hoc con-  
silio à me erat suscepta, hominib; vt placerē, sed quod-  
dam mihi officium iustū ac debitum suscipi videbatur:  
vt quoniam videbar mihi nōnullas Pauli sentētias pla-  
nius & diligentius declarasse, industriæ et vigiliarum  
mearum fructum cōmunicarem cum alijs. Tamē tūc  
videam rem fecus euenire, quā putaremus: neq; reli-  
gio-

gionis, & pietatis studium, quod ego maximè spectaram, sed lites, & dissidia potius feri: abstinendum hoc quidem tempore opinor ab hac ratione scribendi, & ad philosophiam omnem operam conferendum. Quod sanè ego facio: iamq<sub>3</sub> habeo mihi duo argumenta proposita, ad quæ, ætas cū defluerit, magno animo sum aggressurus. In quibus etiam religionis semina & inuita menta quadam ita aspergam, vt appareat nos Christia nos esse, cæterisq<sub>3</sub> consultum in optima ratione agēdæ vitæ cupere. Effugiemus enim hoc modo calūnias obtrectantium, quorum argumenta atq<sub>3</sub> scripta si veram pietatem redolerent, animosq<sub>3</sub> hominum ad amorem Dei accenderēt: aut si deniq<sub>3</sub> ipsimet ea, quæ tanto strepitu spirituq<sub>3</sub> prouoluunt, mente atq<sub>3</sub> intelligentia ita conciperent, vt scirent planè quid loquerentur: essent eorum reprehensiones & monita cum summo honore à nobis accipienda, Sed quo animo ipsi contendant, nouit Deus: quàm verò scienter agant, ac peritè nos quoque possumus aliqua ex parte iudicare. Verùm his omissis, de Hortensio tibi respondeo, nullam mihi esse causam editionis festinandæ: cū & multorum sententias ex Italia expectem, imprimisq<sub>3</sub> Bembi nostrî, & ipse etiam accuratius librum sinè retractaturus. Magnā enim rem, vt illa est, maiore fortasse animo à nobis susceptam, quàm consilio, volumus etiam atq<sub>3</sub> etiam considerare. Quod quando facturi simus, nondum habemus exploratum: & tamen cū nobis constitutum id fuerit, certorem faciemus. De concilio verò scribitur ad me ex vrbe, rem decretam esse: ad annumq<sub>3</sub> nos Man-

tuam conuenturos: quò veniam equidem, neq<sub>3</sub> pro mea parte huic officio deero: et si maximo meo cum incommodo hinc summe commoturus. Veruntamen impius, atq<sub>3</sub> ingratus erga omnipotentem Deum essem, cui in corde meo purè seruire cupio, nisi mease eius officij partes susciperem. Vtinā modo agatur aliquid spiritu sancto dignum: nos quidem operam pro nostra exiguitate eam præstabimus, quam nobis præscripserit, & inspirauerit Deus. Quòd verò ibidem te visurum me confido, magnum erit id solatium meorum incōmodorum. Itaq<sub>3</sub> iam nunc tecum ago. vt tu, qui propius abes ab illis locis, futurusq<sub>3</sub> es ad omnia expeditior, si tibi videatur, des operā, quòd vicinitate coninneti esse possimus: maximeq<sub>3</sub> vt liberorum ad rem pertinentium copiā habeamus: quòd communi ambo & studio, & voluntate, quantum in nobis erit, consulamus Christiana reip. Ac de his quoq<sub>3</sub> satis. Paulus te & veneratur & obseruat, idq<sub>3</sub> optimo iure facit. Is mihi adiutor in hac regenda ecclesia & successor datus est à Clemente VII. Pont. Max. eiusq<sub>3</sub> rei diplomā habemus Massilia confectum, nobisq<sub>3</sub> perliberaliter, & sine pretio vllò traditum, q<sub>3</sub> te scire volui. Auere enim videbare in tuis literis id cognoscere. Vale. VI. Calend. Iunij, M. D. XXXVI.

FEDERICVS FREGOSIVS ARCHIEPISC. Salerni, Iacobo Sadoletto EPISC. Carpentor. S. P. D.

**Q**uam velle mutua tibi amicitia nostra officia ex meis studijs præstare posse: & te quā simillimo munere remunerari. Sed quādo pares tibi referre gra

rias minimè possumus, eò maiores habebimus. <sup>1</sup> Quapropter hunc ad te ex nostris contubernalibus nuntiū destinavi, vt esset cui tutò, ac sine vtriusq; nostrum sollicitudine liber tuus committeretur, & ad nos quā celerimè perferretur. Mira enim auiditate teneor tuorum scriptorū, dum ea non lego, & dum lego voluptate. Gratū tamen mihi admodum fecisses, si superioribus literis libri argumētum significasses. Sed hoc te puto facere voluisse, vt vna tantū, sed ea maiore letitia perfunderemur. Tua autem prudentia erit sic librum inuoluere, & operimentis munire, vt à pluuiarum iniuria integer atq; incolumis nobis reddi possit. Eum cū perlegero, sententiā de eo meā, atq; iudiciū diligēter perscribā: vt ex me cognoscere possis, quā in tua scripta atq; in te ipsum iniquus sis iudex. Nemo enim est (mihi crede) à quo ea probari malle debeas, quā à te ipso: nec grauius iudicium ad ea examināda afferri potest, quā quo in scribendo fuerint meditata. Scripserā ego quoq; his dieb. meditationes quasdā in duos Psalmos quā breuissimos, in CXXX. et CXLV. feruenti sanè animi affectu, sed frigido atq; inertistylō: meo scilicet: quas ad te olim misissem, nisi & eadem librarium penuria ac tu, hīc laborarem. Et (vt verum fatear) acrimoniam ingenij atque iudicij tui subueritus essem, ne tu ab alijs exigeres, quod prastare solus potes. Illudq; veniebat in mētem, huic quid mihi cū tam seuero iudice, qui cū sua scripta cateris probentur omnibus ac permagni aestimantur, solus ipse non probat ac reijcit. Sed si equiorem fore te in me iudicem,

quàm in te ipsum sis, pollicitus fueris, fortasse mittam,  
 & aliqua ratione eas describendas curabo: ea etiam cō  
 ditione addita, vt nulli omnino eas legendas concedas,  
 nisi planè intimus amicus tuus sit, ac propè domesticus:  
 ne antequam adhortationibus tuis de atterendis Tullia  
 nis codicibus obtemperare cœpero, inertie ac tardita-  
 tis infamiam subeam. Misi castamen Ludouico Baiu-  
 censi episcopo, cuius iudicium non aded reformido. In  
 quibus eum vtinam affectum deprehendere posses, quo  
 scripta fuerunt: minus enim essent ineptæ: attamen a-  
 liquantulam in sacris literis exercitationem agnosces.  
 Sed de his nimis multa. Profectionem meam in Italiam  
 ex primo vere in vltimam æstatem reieci. Quid etiam  
 tunc facturus sim, mihi nondum planè compertum est,  
 ita omnia mea consilia incerta atq; implicata reddide-  
 re ea calamitates, quæ ex Italia nūtiantur. Quicquid  
 autem statuero, quàm primū vt scias curabo. Illo enim  
 suauis amicorum nostrorum conuictu atq; consuetudi-  
 ne ex qua summam voluptatem percipere solebā, vix  
 tam diu careo, vitamq; meam eo nomine acerbissimam  
 puto. Hic verò nouos parare, qui loco illorum substi-  
 tui possint, quos vel mores eripuit, vel fortuna disjun-  
 xit, mihi sanè est impossibile, his præsertim temporib.  
 his regionibus, his moribus. Fac vt valeas: & amicitia-  
 m nostram, vt literis mandas, ita etiam memoria con-  
 serues. Paulo verò nostro multam salutem. Diuione,  
 pridie Non. Februarij.

IAC. SADOLETVS EPISC. CARP.

Ioan. Matthæo Giberto, Episc. Veronæ

S. P. D.

Iam

**I**am diu est, cum ego ad te nihil literarum dedi, quod accidit non obliuione tui mea, neq<sub>3</sub> pigritia, aut negligentia nostra: sed quod ipse meis occupationibus impeditus, dubitans de tuis, veritus sum ne mea sedulitas forsitan tibi molesta esset, si te à grauioribus & sanctioribus curis inanum lectione literarum auocasset. Et si inanes nunquam epistola esse solent, quæ vt aliud nihil afferant, testes tamen sunt amoris, & conseruatae optima voluntatis. Verum hoc testimonium neq<sub>3</sub> (vt ego arbitror) tu à me desideras: neq<sub>3</sub> ego abs te requiro. satis enim nostra vetus constansq<sub>3</sub> amicitia testimonij vtrig<sub>3</sub> nostrum prabet, esse nos inter nos quales esse debemus: amicissimo animo videlicet, & constantissima voluntate cōiunctos. Ego ijs proximis mensib. audiui, impressos esse tua impensa, et opera, optimos autores Græcos: quorum in sacris literis interpretandis egregia doctrina est & autoritas, quo nuntio valde sane letatus sum, animumq<sub>3</sub> tuum pristinum recognoui propensum ad bene merendum de artibus optimis. Quarum tatem princeps ista est, quæ ad Deū, et ad verā felicitatem est directā. Hoc si ita sit, q<sup>d</sup> ego confido esse fretus tua animi præstātia et liberalitate, peto à te, vt me certiores facias: vt, siue sit perfectum negotium, ipsis voluminibus & libris, siue in eo vt perficiatur, spe propinqui commodi oblectare possim. Nos hic commentarios in Epistolam ad Romanos scribimus: opusq<sub>3</sub> difficile & arduū ita tractamus, vt in eo præcipuè laboremus, quo extare possit tibi, quod iam pridem sumus polliciti: obscuras ancipitesq<sub>3</sub> sentētiās in ea epistola per-



multas nostra cura & diligentia dilucidiores fore. Magno in eam rem animo incumbimus: maiore etiam labore. Sed neque animus noster, neque labor, sine Deo operari quicquam potest. Ad eum igitur confugiendum est, omnisque verioris scientiæ illuminatio ab eo vno poscenda, ac flagitanda. De cætero, sat rectè nos valemus, tamen si ingrauescente iam ætate appropinquantis senectutis incommoda incipimus præsentiscere. Sed illa feremus forti animo. Tua mihi cura est valetudo, quam cupio prosperam atque bonam tibi perpetuò esse. Et quanquã dixi paulò antè à neutro nostrum debere desiderari mutuum amoris & benevolentiae testimoniũ, quòd illud utrique nostrum de altero exploratum est: tamen si quandoque ad me scripseris, de qua tua erga me voluntate certiore me feceris, nunquã non maximã capiam ex tuis literis voluptatem. Hoc si tibi erit difficile ipsi, poteris idem per tuos. Omnis enim de te significatio, & de statu tuo atque incolumitate, de qua recordatione nostræ necessitudinis, semper mihi gratissima, atque optatissima futura est. Vale, & nos dilige. Carpentoraçti, VI. Calend. Nouembr. M. D. XXXI.

IAC. SADOLETUS EPISC.

Carp. Ioan. Mathæo Giberto. Episc.

Veronæ S. P. D.

**L**ibros tuos accepi vna cùm literis: quorum utrũ fuerit mihi gratius, constituere satis non possum. Nam & literæ tuæ benevolentiam, qua me complecteris, mihi declararunt: et libri virtutem animi tui, illã ipsam prislinam, quam ego antè in te cognoui: per quam tu  
ad

ad illustrandas, & in honorem prouehendas optimas  
arteis semper fuisti propensus. Ac reliqua quidem duo  
volumina Damasceni et Enthymij mihi grata, illud ve-  
rò in Pauli Epistolas Chrysostomi peroptatū etiā fuit.

Quid enim mihi accidere potuit optatius, & rationi-  
bus meis magis accommodatum, quam cū in eadem me  
exerceā palaestra, in qua tantus vir tantopere insuda-  
uit, habere me eum & moniterē, & magistrum, cuius  
doctrina & autoritatis neminē possit pœnitere? Qui  
cū in omnibus operib. suis, quæ multa sunt, vel penē  
dicā innumerabilia, & fluens semper sit, & dulcis, &  
sine labore cultus, sine deliciarū suspitione nitidus: tum  
verò in hoc opere ad ea ornamenta orationis, quæ di-  
xi, nescio quid plus grauitatis addidisse mihi visus est.

Cui ego palmā in intelligendis, ac enucleandis scriptu-  
ris sanctis, sine vlla dubitatione tribuo. Proximus huic  
mea sententia Augustinus: non ille quidem ingenio mi-  
nor, nec ad scrutandum atq; ad exponendū minus dili-  
gens. Sed Græca lingua ignoratio, qua imperfecta Au-  
gustinus utebatur, vim in eo maximi ingenij, tãquàm  
virgultis & vepribus impeditam aliquoties detinuit.

Habeo igitur tibi, atq; ago, pro isto tuo munere, & ani-  
mo erga me, maximas gratias. Et quo enim me hortaris  
vt in hæc præclara studia incumbam, beneuolentiam  
tuam mihi ostendis, in quo vero opitulare, etiam libe-  
ralitatem. Ego verò magno animo operam do, vt quod  
opus inchoaueram, id ad exitum perducatur. Sed totis  
hic quatuor mensibus valetudine aduersa à scribendo  
fui retardatus, nunc valetudine recuperata, non cōmit

*tam vt vllum mihi tēpus vacuum à literis pratereat. Quodd te multa deterreāt, quo minus susceptam istā p  
uinciam optimorum autorum in lucem edendorum sū  
stinere posse confidas: ego rē totam tuo iudicio exami  
nandam relinquo. Illud tamē confirmo, nihil fieri pos  
se praclarius, neq; tuo nomini honorificētius. Meas epi  
stolas tibi semp gratas accidere lator: daboq; operā post  
hac, vt & ad te sapius, & liberiore animo scribā. Vale,  
et nos dilige. Carpent. III. Nonas Maij. M.D.XXXII.*

### IAC. SADOLETVS EPISC.

*Carpent. Ioan. Matthæo Giberto,*

*Episc. Veronæ S. P. D.*

**R***eginaldus Polus ea vritute, nobilitate, et doctrina  
vir qua tu optimè nosti, cū reuerteretur in Itali  
am, priślinas (vt ego sentio) consuetudines doctorum  
hominum, & tuum imprimis cōspectum appetens, ad  
me diuertit: ostēditq; mihi eas literas, quas tu ad illum  
sanè quā amicē, eleganterq; scripseras. In quibus erat  
quoq; mentio mei & honorifica, & multa. quæ cū iu  
diciū tuū de me, tum multum magis studiū bene  
uolentiāq; declararet. Ego verò, & si subito penē ad  
uentu illius, ac festinatione discedendi occupatus, nec  
temporis satis ad scribendum, nec animi habere pote  
ram: tamen putauī esse nefas, illum ad te sine meis lite  
ris accedere. Itaq; has continuò exarauī: nō tam vt gra  
tias tibi agerem, quodd me asiduē in memoria haberes,  
(etsi ille quoq; iure optimo tibi à me debentur) quā vt  
indicarem tibi, summam me ex illis ipsis literis tuis ce  
pisse voluptatem, q̃ me abs te intelligam amari. Quā  
quā*

quàm hoc quidem minimè nouum mihi accidit, sed eius  
tum semper iucunda est commemoratio. In quo te arbi  
tror existimare, me non posteriores in te amādo ferre  
partes. Verùm harum rerum affirmatio iam toties ite  
rata, internos, minus fortasse in hoc tempore necessa  
ria est. Illud quod te magis auere scire puto, quib. ego  
nunc in studijs verser videlicet, quid mihi habeam pro  
positū, ipse Reginaldus tibi exponere poterit, qui exi  
guum hoc tempus, quod mecum fuit, totum posuit in  
inquirendo, percontando, quæ mea studendi, aut scribē  
di ratio, qui animus, quod consilium esset. Cui ego pla  
nè omnium mearum actionū cogitationumq; rationem  
reddidi. Sed quod mihi in eo magnæ voluptati fuit, vi  
deor cognosse in illo, cū sumum ingeniū, & excel  
lentem in Græcis Latinisq; scientiā: tum verò summa  
in moribus & congressu, elegantiam, atq; humanita  
tem. Quem hoc etiam nomine pluris facio, quod intel  
lexi te ab eo incredibiliter amari: vsq; ed ille de te, &  
de tuis rebus omnibus & amanter, & honorificè sem  
per loquitur. Eum igitur habebis tu scilicet, nosq; in  
desiderio manebimus & ipsius, & tui, & aliorum mul  
torum: quorum familiaritas, & amicitia, mihi et orna  
mento erat, & solatio. Sed hoc feremus, vt poterimus.  
Illud tibi de nobis psuasum esse volumus, viuere apud  
nos perpetuū & memoriam & beneuolentiā tui, deq;  
tua mutua erga nos voluntate nobis vicissim explora  
tum esse. Tu vt studia ea vrgeas, quæ præclara & exi  
mia maximo animo es aggressus, valetudiniq; seruias  
valde te & hortor, & rogo. nihil est quod maius, aut  
accom-

accommodatius ad beatam vitam facere possis. Vale.

III. Nonas Septemb. M. D. XXXII.

IAC. SADOLETVS EPISC. CAR-  
pent. Egidio Cardinali. S. P. D.

**S**I quantum ex tuis literis accepi voluptatis, tantum  
ipse meis literis exprimere posse considerem: nihil  
aliud agere profecto hoc tempore, quam tibi miram qua-  
dam ex eis animi mei letitiam, iucunditatemq<sub>3</sub> perscri-  
berem, per quam intelligeres, laboris tui fructum egre-  
giè tibi constituisse, cum amicissimo tuo, eidemq<sub>3</sub> tibi de-  
ditissimo, & utilitatis tantum, & delectationis attu-  
lisses. Sed quoniam eo onere me oppressum iri planè  
video, si suscipere nitar, quod perferre non queam, i-  
gnosces mihi, si ne conabor quidem id aggredi, quod  
perficere posse desperem. Illud tantum scito, tuis mihi  
literis nihil accidere potuisse optatius: nec solum ex ea  
parte, qua ad ea quæ quæsueram & doctissimè simul,  
& humanissimè respondes: sed etiam ex eo, quod vi-  
dere videor in illis omnem expressam imaginem amo-  
ris erga me tui: tanta in illis suauitas, tantum studium  
satisfaciendi mihi: tantus & verborum, quæ ad eam  
rem faciant, & optimarum electissimarumq<sub>3</sub> senten-  
tiarum inest lepos. Itaq<sub>3</sub> intelligo nunc quidem, atque  
experior, meū de tua præstanti eximiāq<sub>3</sub> virtute, sapi-  
entia, bonitate, verissimū semper certissimumq<sub>3</sub> fuisse  
iudiciū. Nec quod antea vnquam dubitarim, sed quia  
dies, res, euentus, quōtidie id magis cōprobat. Nam si à  
mediocri viro, et mediocri dignitate prædito, hæc ami-  
citiae officia præstaretur, laudandus ille utiq<sub>3</sub> quicun-  
que

que esset, & in paucorum numero reponendus: rem enim vulgò haud ita multū vsitatam in se ipso ostenderet. Ab homine verò amplissimo, & omnibus ingenij, eloquentiæ, honorisq; ornamentis cumulatisimo, retineri hæc officia fidelis amicitie, & in absentem amicū nil beneuolentiæ humanitatisq; prætermitti, hoc est mihi Egidi vir maxime atq; ornatissime, q̃ in te habet laudis admirationem, non cum aliorum laudibus comparandam. Quantum enim te ex aquas inferioribus amicis mansuetudine, beneuolentiæ, familiaritate, tantū altitudinem animi tui, virtutis gloria exaggeras. Sed hæc hætenus, sunt enim maioribus theatris proposita. Quod ad ea attinet, de quibus te consulueram, satis omnino abs te mihi est factum, doleo tamen te tua in eo genere scripta desiderare: quorum venustatem & elegantiam vel ex hoc conijcere possumus cuiusmodi fuerit, quòd illa barbaris idonea visa sunt qua disijcerentur. Illud & optarim scire, postquam adsciscunt Moyse libros. Maumethani num & Prophetas suscipiant, multamq; in veteri legi aspersam esse existiment futurarum rerum prædictionem: & an ipsi quoq; Messiam aliquem expectent. Nam vsum quidem vini cur inter dixerunt, cum tantū vxoribus compluribus ducendis, pellicibusq; habendis, libidini ab illis sit tributum? Si modo hæc vera sunt, de quibus cupio à te fieri certior. Ego, si mihi optata Deus conceperit, efficiam profectò, vt ne te pæniteat aliquantum hoc laboris mea can sacepisse. Sin aut (vt humana sunt) mea spes me fortè frustrata fuerit, tu tamen virtutis tuæ et officij fructum

Etū tecū auferes. Certè quod in obseruantia, omniq<sub>3</sub> amore, & meritorū tuorū memoria, praestari à me tibi, nomini, laudi, honoriq<sub>3</sub> tuo vspiam poterit, largè enim uero id & prolixè praestabitur. Vale. Carpentoraëti.

# IAC. SADO LETVS EPISC.

Carp., Ioan. Francisco Pico, Mirandulæ Comiti, S. P. D.

**S**umma voluptate affecerūt me litera tua, recognosui enim in illis tuam pristinam virtutem coniunctā singulari erga me beneuolentia: quarum alteram semper in te colui, atq<sub>3</sub> admiratus sum: altera cū me antea delectauit, tum verò præcipuè in hoc tempore delectat. quo ego absens liquidius possum de vniuscuiusq<sub>3</sub> studio atq<sub>3</sub> amore erga me, & de amicitia fide iudicare. Quam quod in te egregiam esse conspicio, & ceterarum similem virtutum: tumq<sub>3</sub> tu is vir sis, vt tuū de quoquo homine iudiciū maximo illi ornamento sit quē diligas: meritò fit à me, vt ego omnium rerum charissimum habeam hoc testimonium tuæ erga me volūtatis. Quamobrem scito (iterandum est enim) nihil mihi potuisse accidere literis tuis optatius. Quod autem scribis perhumanè atq<sub>3</sub> amanter, te non parum mea tui memoria latari: eosq<sub>3</sub> reprehendis, qui tanquā expertes omnis humani sensus, his amicorum beneuolentias signis atq<sub>3</sub> iudicijs nō moueantur: facis iure tu quidem. Quid enim magis est hominis, quā amare velle, atq<sub>3</sub> amari? Aut qui omnino fructus communis vitæ est dulcior, q̃ conuictus & consuetudo cū presentibus amicis, inter absentes mutua recordatio? Sed ego memoriam tui, ne  
fi



si velim quidem, dimittere vlllo modo possum. Nō enim leuiter fuit impressa: nec tu is es, in quo quid non insigne sit ad recordandum. Sed cum & velle obliuisci amici sit nefas: & tu inaudito quodam, & singulari genere virtutis communem laudem & vsit atam multum antecesseris: non in memoria solum nostra, sed in ore & oculis, & in intimis sensibus assiduus haeres. Cape-rem nunc hic cōmemorare, quae res me impulerunt in admirationem tui, & quam grauius de causis sim tibi deditus. Sed quoniam tu homo sanctus & seuerus hac ipsa contēnis, moderabor ipse mihi, nec tibi oneri ero. Tantum dicam, hac nostra etate, his hominum morib. adhuc nusquam vidisse me in eijs qui populis & cœtib. hominum cum imperio praesunt, vim cum iure, potestatem cum modestia, religionem cum armis, summam rerum atq. artium optimarum scientiam cum gubernandi labore atq. cura, nisi in te vno esse coniunctā: vt qui te semel nouerit, idē si fiat postea tui immemor, facile etiam probare possit, esse se oblitum sui. Verum pauca hac haētenus, quae tamen vereor, ne tibi nimium multa esse videantur. De cōmentario meo incredibiliter gaudeo, & operam & studiū meū tibi probari. Quapropter ego, et si sponte mea satis in id studium animatus, tua tamen cohortatione, & monitis factus ardentior, enitar posthac, vt plura prestare possim. In quā euestigio curam & cogitationem incūberem, ni haberem in manib. veteres quasdā lucubratiūculas meas, quas perficere cōstitui, ne omnis anteaēta vitæ labor intereat. His quidē absolutis, quod breui fore cōfido, omnis mihi

opera in sacris & rebus, & literis insumetur, Deus modo propitius sit, conabor efficere aliquid, quod si non propter doctrinam, quæ in me per exigua est, neque propter vitæ & morum sanctitatem, à qua ego longissimè absum: at propter amorem & studium Christianæ religionis quo ego sum maiorē in modum incensus, asserere non nihil luminis ad cōmunem vitā & utilitatis possit. Sed hæc Deus direxerit, is qui omnia vnus potest. Ego te mihi charissime, ac doctissime Pice, & amo colloque, tantū scilicet, quantū cū mea fides, tum tua eximia virtus postulat, et me abs te amari vehementer gaudeo. Habeoq; Gregorio Lilio nostro gratiā, qui occasione hāc prabuerit, & tibi vt scriberes ad me, et mihi tibi rescribendi. Quē quiddā foues & sustentas in eius afflictis rebus, facis quidem quod te decet: neque ego habeo exemplū aliud quid deceat, quā te ipsum præstantius. Sed et mihi facis gratissimū, qui illum non mediocriter diligo. Erit igitur hoc quoque in numero tuorum optimè sanctissimeq; factorum. Paulus meus, & idem tuus (te enim semper ferè habet in ore) mirificè literis bonis deditus est: quas etiā sequuntur mores boni. Itaque tantos progressus facit, vt mihi ipsi magistro iudicium eius in meis scriptis, non modo exquirendū, verū etiā extimescendū esse videatur. Eum ego confido (Deus ita conata adiuuet) & mea, & vestrum, qui illū amatis, expectationi cumulatè satisfacturū esse atq; in eam partē maxime, quā tu pice rectè probas. Is tibi refert plurimam salutem. Vale, & nos dilige. Ex suburbanis nostris Carpentoracti, IX. Calend. August. M. D. XXX.

IAC. SADOLETI EPISC.  
CARPENTORACTI EPISTO-

LARVM LIBER IIII.

IAC. SADOLETVS EPISC. CAR-  
pent. D. Erasino Roterot. S. P. D.

*Nnus est, aut eo plus, cum linas  
abs te literas accepi eodem ex-  
emplo: quarum quae posterius scri-  
ptae erant, cum priores mihi red-  
ditae fuissent, esset autem in illis  
tua de mea incolumitate, & op-  
portuno ad meam ecclesiam receptu, gratulatio plena  
amiciſſimae voluntatis: recordor me tum, ut nosſer a-  
mor ferebat, diligenter tibi reſcripſiſſe. Poſt mihi al-  
lata ſunt altera vna cum Pſalmo LXXXV. & tua  
eius interpretatione: cuius ego lectione fui mirificè de-  
lectatus, tuamq; illam admirabilem ingenij vim, et co-  
piam, in eo etiam recognoui. Sed quo minus tibi de eo  
tum aliquid ſciberem, fecit occupatio, & par quidem  
meus labor: quem ego in interpretando Pſalmo XCIII  
paulo ante ſuſceperam. Sed ne utiquam partua ſacul-  
tae neq; aqua ingenij ac doctrinae vis, per quam cele-  
riter opus à me inſtitutum abſoluerẽ. Sum enim in hũc  
uſq; diem, ut vides, retardatus. Sed poſtquam tandem  
conſeciſſem, nihil habui antiquius quàm hoc quicquid  
eſſet quod elucubrauerã, continuo ad te mittere: χαλ-  
κεος & ὑπὲρ χαλκοῦ videlicet. Sed tamen ſiue tibi id  
probaretur, ut ſingularem animi voluptatem ex homi-*

nis omnium doctissimi ac mihi beneuolentis iudicio ca-  
 perem, siue non probaretur, praeceptis tuis atq; doctri-  
 na in posterum melior fierem. Quorū vtrum malim,  
 & vtrum mihi vtilius sit, non queo satis constituere.  
 Approbato forsitan iucundior sit, quae sit ab amico fi-  
 deli eruditioq; profecta: emendatio ceriē vtilior. Itaq;  
 te vehementer oro, atq; rogo, vt si quid duxeris repre-  
 hendendum, aut quoniam erunt opinor multa, quae ti-  
 bi homini acutissimo minus placebunt, ne parcas agere  
 mecum ingenuē ac liberē: fidemq; amicitiae, quam persan-  
 ctē coli à te non dubito, in hac re mihi potissimum pra-  
 stes: hocq; sic statuas, tuum mihi iudicium in vtramuis  
 partem gratum atq; expectatum fore. Ego de tuo Psal-  
 mo, ac de ceteris, quae in hoc genere plura, praeclaraq;  
 edidisti, & quotidie edis, cum ingenium, & copiam, &  
 facilitatē tuam mirari soleo: tum animi virtutē, atq;  
 constantiam: quod plurimis aemulis tua laudi obrectā-  
 tibus, ab instituto labore minimē deterreri: studesq;  
 quotidie magis, vt bonis & literis, & moribus per te  
 consulatur: in quo tua scientia et egregia voluntas ma-  
 ximis mihi videtur laudib. ad cælum extollenda. Vnū  
 est quod optarim, ( quid enim me prohibet idem offi-  
 cium amici praeſtare tibi, quod ego abs te requiro? ) v-  
 num est, inquam, quod velim, idq; tibi vehementer sua-  
 deā, vt à contentionibus omnibus te auoces: & aliqua  
 in scribendo praeſmittas, quae vt non sint à vera pie-  
 tate abhorrentia, contra tamen inueteratas populi o-  
 piniones, & quorundam hominū, siue etiam ordinū  
 studia tendunt: quib. se non opponere maioris arbitror  
 fore

fore gravitatis. Quid enim te cogit hominem in omni doctrina summū, cum longè imparibus quasi altercando, & iurgijs concertare? cum præsertim sacrarū scripturarum paratus campus sit, latè in omnem partem patens: vbi te ad tuum arbitrium exercere, & omnes in eo ingenij tui diuitias explicare possis: quas admirantur homines, non de quibus litem tibi intendunt. Equidem quicquid scribo, scribo animo optimo atque amicissimo: & quod maiore in modū cupio, tantā virtutē, quanta in te est, ab omni nō dicā labe, sed suspitione labis etiam apud vulgus alienam esse. Verū hac tu melius. Nos mi Erasme quantū possumus, vterq; pro virili parte, feramus opē labenti fidē Christiana, quæ ut vides ipse, nō solū vitiorū in hoc tēpore dominatu, & multitudine facinororum hominum, quib. omnia redundant, sed externis domesticisq; hostibus, omnibusq; & bellorum & impietatis machinis oppugnatur: estq; ad cadēdum proclivis, nisi eam, qui vnus omnia potest, fulserit & sustinuerit Deus. Cui quidem Deo ac domino si gratiam eam, quam debemus, conabimur referre, & beatam ipsi inueniemus vitam, & ceteris noster nō inutilis erit, neq; infructuosus labor. Quanquam tu quidem hortatione non indiges. Nos ut locum nostrū ne deseramus, debemus magis providere. Sed de his satis. Tu valebis, nosq; diliges, tibiq; persuadebis, esse nobis maxima cūre & quietem, & dignitatem tuam. Vale etiam atque etiam mi Erasme. Amerbachio nostro plurimam salutem, à quo crebriores literas desidero. Carpentoracti, Pridie Idus Febru. M. D. XXX.

Erasmo Roterodamo S. P. D.]

**T**Vum de meo Psalmo iudicium, tanquam profectū ab homine omnium doctissimo, & viro maximo, magna quidem animum meum voluptate affecit. Sed cum tui nominis auctoritas mi Erasme eiusmodi sit, ut brevis tua commendatio pro insigni laude ceterorum omnium valere debeat, facile perspexi, quo plus tu in laudes dixisti meas, quàm quod mei ingenij tenuitas sustinere posset: tum id abs te amori in me tuo fuisse datum, & tuā præstanti eximiaq; humanitati: in qua tu mihi videris iam velle, sicut in optimarum artium tractatione & scientia, omnib. nobis antecellere. Etenim si meus frater germanus esses, qui potuisti magis, aut ostendere latitiam animi tui, q̃ ex mei ingenioli partu, qualicunque illo quidem, percepisti: aut tuam erga me benivolentiam declarare: in quo ipso utiq; apparet & extat quedam rara omnibus seculis natura tua probitas, & singularis integritas, nullo infuscata obrectandi studio. Quod tamen est vera atq; perfecta virtutis proprium: cuius qui compotes sunt, cum ipsi sibi confidunt, alienas etiam solent virtutes exosculari. Sed ego me indignum tuo isto de me testimonio arbitraturus sum, si tibi cōcessero, ut tu in me amādo priores partes feras. Non enim aut ita tardo ingeniosum natus, ut nō cognoscā, quid requirant præstantissima virtutes tuæ: aut ita ingrato, ut tua optima erga me voluntati non parem gratiam reddā. Sed quoniam hac factis melius præstanda sunt, quàm verbis: sed hactenus de eis dictū.

Psalmum

psalmum tuum mihi redditum, cum in prandio essem,  
 & aliquot graues viri mecum vnà essent, auide perlegi,  
 cursim videlicet, nec potui illum retinere quin mihi ex-  
 torqueretur è manibus. tanta est cunctorum legendi  
 tuacupiditas. Itaque expecto dum eum de integro le-  
 gam. Quantum tamen ex illo primū aspectu percipere  
 potui, duae me res in eo eximiè delectauerunt. Vna, q̃  
 vbiq; serè, & omnibus in locis, stimulis quibusdam pie-  
 tatis, ac religionis ex verbis tuis animum meum pertē-  
 tari sentiebam: ita dulcis, & pia, & omneis deliniens  
 sensus fluebat oratio. Altera, quòd tu certè in hoc gene-  
 re factus es constantior aduersus ineptorum hominum  
 molestissimas garrulitates non tam refutandas, quàm  
 contemnendas. Quod ego te prioribus literis cum hor-  
 tabar, accirco mi Erasme fauebam, quòd tua me digni-  
 tatis studiū & cura stimulabat. Quaquam enim (vt  
 tu scribis) altius vitij dormiētes inclamare asperius a-  
 liquando sit necesse: tamē id ita agere, vt non à stoma-  
 cho neq; ab iracundiā illiusmodi reprehensio profecta  
 esse videatur, si cuiquam, tibi profectò conuenit. Diffi-  
 cile omnino est, vel potius inusitatum, non commoueri  
 cum odiosè sunt qui obstrepant: & quòd ipsi aliquid sibi  
 inanis gloriolae aucupentur, inutilibus disputationibus  
 tanquàm gladiatorij libellis laceffunt amplissimos vi-  
 ros. Sed ad tuam ceterarum laudum omnium excellen-  
 tiam hanc quoq; accedere decorū tibi est, vt eos vel ne-  
 gligas, vel si obiurgandi sunt, paterno quodam admo-  
 neas affectu, quando tu quidem in sacris literis, ad anti-  
 quum decorem splendoremq; reuocandis, & omnium



nostrum, et huius seculi es pater. Illud item consue-  
 rim, cum iam accepta vulgo quadam sint, qua suapte natu-  
 ra ita redolēt pietatem, ut solum in eis, quod nimium  
 est, subaccusare posse videatur, (cuiusmodi est quorum-  
 dam sanctorum veneratio, & picturarum crebritas)  
 non esse popularib. studijs obfistendum. Non quin mul-  
 to sit rectius figere in Christo cogitationem summam:  
 sed neq; ista à fide nostra aliena sunt, & non queunt o-  
 mnes ab sublimiora illa facile ascēdere. Hac ego teme-  
 rē scribo fortasse, & parum considerans quis ad quem.  
 Sed ignoscē, mi Erasme, audacia mea. Summus quidā  
 & incredibilis meus in te amor me cogit ut libertatē  
 in amicitia propē ad temeritatem: quanquā tu qui-  
 dem pro tua summa benignitate in bonam partē acci-  
 pis. Sed ego ne sim solus, si quicquam aliud specto, nisi  
 quietem, & dignitatem, & amplitudinem tuam: quā  
 semper tutatus sum & quantum in me fuit etiam asse-  
 ctam pramijs, atq; ornatam esse volui. Itaq; recordor,  
 me quondam pontifici Maximo, ei qui nunc est sua so-  
 rem fuisse, ut tibi insigne sacerdotium quoddam in Ger-  
 mania traderet. Quod ille, quā bonitate est & studio  
 erga homines doctos, erat factururus, nisi certi contra-  
 dixissent: hacq; aduersus te nixi calumnia, bonum ani-  
 mum Pontificis in aliam vertissent partem. Stunicam  
 aut hominem doctum meditantem aduersus te & uti-  
 φυνάμματα quādā autoritate et precibus ab ea volun-  
 tate sentētiaq; deduxi: nec quoad ego nāsi Romae, quic-  
 quam ille in te scribere est ausus. Quid ergo est? ego q̃  
 n hoc recente psalmo duarum illarum rerum, quas no-  
 tavi,

taui, alterā video penitus pratermissam, alteram leuissimè tactā, mirificè sum tua moderatione animi & prudentia delectatus. Nam cetera tua in illo & admiranda, nec noua, orationis splendor, grauitas, copia, rerum qua tractantur in eo, veritas ac dignitas, & quidem triplicata serie: vt perspicuum sit, orationis thesauros nō exhaustiri apud te, tanquā collectos, sed semper scatere. Atq; ego cū meum dicendi genus comparo cū tuo, aspicio planè me serpere humi, & nimis familiariter illa diuina tradere, quæ tu piousmōtrega esse facis, & ea in sua veneratione grauitateq; conseruas. Et tamen quicquid sumus ego & tu, à Deo ambo totum obtinemus: in quem grati esse, eiusq; bonori & gloria perpetuò inferuire debemus. De Hesychio quod quæris, habueram Psalmodiarum Græcum librū, vetustate insignem: in eo proœmium Hesychij luculentè scriptum in eam sententiam, vt probare conaretur omnes Psalmos Davidis esse. Is liber mihi cum ceteris omnibus periit. Reliqua sunt apud me Græca collectanea in Psalmos incerto autore: scripta non tam copiosè, quàm eleganter: quibus præcipuè vtōr. In ijs interdum citatur Hesychius. Sed ego cū illa legi, & Latinorum aliquos de eorum numero quos prædicas: non tam illorum explanationem valdè sequens, quàm spiritui sancto permittens me totum, seror quacūq; me ille vocat: cuius vtinam vt spiritualis in me homo, sic etiam corporalis templum idoneum esse posset. Sed crede mihi mi Erasme, nostra nobis non parum adhuc obest infirmitas. Deus autem omnium potens, qui tibi labores,

& sollicitudines, & affectam valetudinem dat: quis scit, an maiors tuo bono id faciat, quam si quietem tibi & molle otium praberet? equidem confido ita esse, nihil laboriosa sollicitaq; vita, sed quæ cum Deo prorsus cōdisincta sit, videtur reuera fieri posse felicius. Germanica nationi bene sit: amo enim gentem totam, dignissimamq; arbitror, quæ in vera tuenda ac propugnanda religione suorum maiorum gloriam consequatur: cui qui obsunt, & contaminant patriæ suæ decus ad bonā eos mentem conuertat Deus. Tuæ in Psalmum meum annotationes mihi gratissimæ: itaq; cogito magnā partem illorum mēdorum tollere: nam aliqua sunt, quæ auctoribus optimis nitūtur. De me mi Erasme, sic tibi persuaideas volo: quanquam ego tenuis sum, & magnis à fortuna detrimentis multatus: nihil me tamen habere, quod non tuum æquè velim esse ac meum. Neq; in hoc solum, sed in omni tua dignitate atque fama conseruāda hoc sum animo, vt sponte per me ipse, & abs te monitus, summam tibi fidem in amicitia ac beneuolentiæ semper sim præstaturus. Vale. XIIIICalend. Octobris, M. D. XXX. Carpentoraçti.

IAC. SADOLETVS EPISC.

Carpent. D. Erasino Rotero-  
damo. S. P. D.

**Q**uod litera mea ad te tardissimè perferatur, planè molestum mihi est. Cuperem enim illas mature reddi: nec tam, vt te delectarent, quod tu humanissimè atq; amicissimè fieri scribis, quam vt meum tibi officium celeriter esset cognitum. Tuas quidem tertio Calend. Martij datas, ineunte Maio accepi. In quibus quod  
mihi

*mibi de valetudine prospera gratularis, equidem libenter accipio hanc gratulationem tuam, tui amoris eximij erga me testem. Veruntamen scito à medio Nouembri vsq; ab Aprilem extremū minus me commodè valuisse Itaq; toto hoc tempore & intermissa nostra studia cōticuerunt, & ego nihil dignum viro potui exequi. Ad meam nūc tamen pristinam prouinciam sum reuersus, de qua antè ad te scripseram, vt commētarios in Pauli epistolam ad Romanos conscribam. Quod opus etsi difficillimum omnium est, sicuti & tu sentis, & ego re ipsa experior: tamen animo non deficio. Vtinā sic euentum meorum consiliorum fortunet Deus, quemadmodum à mea parte nihil neq; laboris deerit, nec studij. Accidit autem mihi peropportunè, vt nanciscerer diui Chrysostomi commentarios in omnes Pauli epistolas Græcæ lingua impressos: qui mihi domo ab Episcopo Verona missi sunt: quorum ego famam, vel volumē etiā ipsum ad te puto peruenisse. Cupio quidem certè, vt quod tunc tibi defuisse scribis, cū hoc idem opus esses aggreßus, id nunc suppetat, si fortè tibi libeat quæ iādiu exorsus fueras, ea nunc pertexerè. Frobenianam operam non repudiabimus, cū tempus erit excudèdi: præsertim te tanto autore, vt res rectè generatur, curam adhibente. Sed mihi magis, mi Erasme, tuo iudicio erit opus, quod ego semper maximi feci, & factururus sum. Res ardua est, ego difficiliter & tardè scribo. Nouos etiam, neque eos paucos, inuenio sensus: qui boni sint, an secus, (ego enim mihi ipsi non satis fido) talium virorum, qualis es tu, (si tamen aliqui tales iudicium exquirex-*

quirendum mihi est. Tuum certè imprimis, qui aut vnus, aut precipuè in hoc genere scribendi non doctrinam modo, quæ in te summa est, sed copiam etiam & dignitatem orationis adhibuisti. Basilium Magnū sua loquentem lingua exisse à te, & in manus hominum diuulgatum esse, vehementer gaudeo. Nam quidd mihi à te sit inscriptus, id maius est tui de me iudicij testimonium, quàm ego expectassem: aut quàm me dignum esse arbitrer. Sed tua humanitas & benivolētia eiusmodi, vt non quid me accipere, sed quid te dare oporteat, potius expendas. Equidem maximas tibi de eo gratias habeo agoq, etiam relaturus si occasio fuerit. Te ita crebro, & à tam multis peti, & mirum sanè mihi, & permolestum est: nec video quæ sit causa, nisi sortè ea, de qua iampridem ad te scripsi: existimatio tua uidelicet, quæ in tam alto sita est loco, vt omnibus flatibus inuidiæ proposita esse videatur. Nam qui in hanc theologiæ palastrā nomen suum profitentur, quod sibi de principio commendationis aliquid in vulgus querant: nomen eligunt clarissimum, in quod inuehantur: auget deinde rixam ipsa contentio. Sed ego si isto loco essem, vna semel defensione, in vniuersum omnibus responderem: partim iuuentæ facta consiliag, excusans, si quid sortè esset à me in illa ætate liberius scriptum: partim etiam modestè prudenterq, retractans, quæ eiusmodi essent: vt etiam si non verè, at saltem verissimiliter ansam aliquam possent præbere obtrectatibus: quod summos doctores sanctissimos homines cernimus fecisse. Postremò verò, omnem sensum me: de fide catholica

ita exponens, vt non posset cuiquam esse dubium quid sentire: hoc opere edito, perenne mihi silentium suscipe rem aduersus maleuolos, quorū insolentiam iniquasq; calumnias, cum res ipsa & veritas, tñm tua excellens fama, virtusq; refutaret. Sed ego hæc non tam monendi tui causa loquor, (non enim tu eges monitore) quā testificandi sensus & animi mei. Oecolampadiū extinctum, vīnam possem dolere iure. Sic enim literæ & doctrina hominis postulabant, nisi extitisset ille in alio genere perniciosus. Psalmum tuum auidè expecto, eumq; perlegere cupio. Epistolarum tuarum volumen audio exiisse, Lugdunūq; haberi: id ego nisi qui mihi emerēt. Tu interea, mi Erasme, si nos diligis, da operam vt valeas, et sustentas atatem istam tuam ijs, quibus soles, optimarum artium studijs, & conscientia rectorum consiliorum. Nos qui te plurimum amamus, nullo vnquam loco deerimus, nec fame, nec laudi, nec voluntati etiam tuæ. Vale. Carpent. VIII. Idus Maij, M.D.XXXII.

IAC. SADOLETVS EPISC. CARP.

Des. Erasmo Roterodamo S. P. D.

**I**s qui tibi has literas reddidit, minus mihi sanè cognitus est: neque ego hominis mores, naturamq; perspexi. Sed cum adisset ad me, diceretq; se celebritate fame, & amore quodam nominis tui cōnotum, velle ad te proficisci, vt sub te magistro lautioribus literis operam daret: nō potui nō probare hoc eius constitutum: nam & rem pulcherrimam, & doctorem prastantissimum appetere mihi visus est. Proinde petenti à me cōmendatitias literas, libenter conseruari consuetudinē

meam: & in his, quæ ad humanitatem pertinent, facilem ci me præbui. Commendo tibi eum igitur: sed ita, ut cum ipse de eo feceris iudicium, dignumq; statueris quem in amicitiam tuam recipias: tum eum sic adhibeas, & benignitate tua complectare, ut quod sine ullo tuo incommodo fiat, aliquem ipse fructum sui huius re-  
ctissimi studij consequatur. Ego postea quàm ad te proximè rescripseram, bi duo illo aut tri duo accepi libellos tuos, quorum iam bonam perlegi partem: imprimisq; sum tuis defensoribus aduersus illos obtrectatores tuos mirabiliter delectatus. summam enim illæ doctrinam, & illam, quam ego maximè probo, egregiè redolent animi moderationem. De Basilio iterum ago tibi etiam atq; etiam gratias: quod me ad eorum numerū, quos tui ingenij monumentis illustrare voluisti, aggregare dignatus es. In quo si tibi uon par opera rependetur à me, at mea æqua certe tua isti præstanti erga me voluntati reddetur voluntas. Vale mi Erasme, & Amerbachium nostrum meis verbis saluta. Iterum vale. Carpentoract. VII. Idus Iunias, M. D. XXXII.

IAC. SADOLETVS EPISC. CARP.

Des. Erasmo Roterodamo S. P. D.

**N**oli amābo putare, mi Erasme, quicquā mihi esse, aut gratius tua erga me beneuolentia, aut iudicio grauius. Itaq; & quicunq; istinc veniunt, tuūq; modò nomen, & nuntium de te aliquem ad nos perferunt, libentissimè à me accipiuntur: eoq; etiam magis, si quod afferunt monumentum tui præstantis ingenij, præclarāq; in rem & pietatem Christianam opera ac voluntatis



tatis, qualia sæpe multa à te proficiſcuntur: vt tibi moleſtum eſſe non debeat: illos tenui à me munuſculo affi-  
ci, qui id laboris mea cauſa ſuſcepere. Et de tuo iudicio  
(ita mihi diuos omneis opto eſſe propitios) in ea ſum  
ſentētia, vt nihil meorum mihi probari poſſit, quod ad  
religionem quidem, & ad literas ſacras pertineat, ſi nō  
id antea tibi ſit probatum. Quapropter cū confeciſ-  
ſem commentarios in Pauli primam epiſtolam (quo la-  
bore, & quib. vigilijs, non dico: ſatis enim cognita tibi  
eſt illius Epiſtola obſcuritas) ſtatueram aliquot men-  
ſeis quieſcere, totumq; me ab illa cura & cogitatione  
auertere: vt deinde recens, atque nouus ad meam reco-  
gnoſcendam, & accuratius expendendam lucubratio-  
nem accederē. Qui tamen mos & mihi conſuetus eſt,  
& à viris doctis ſolet uſurpari. Eratq; mihi in animo,  
nemine omnino participem facere, antequam ipſe pro-  
baſſem. Sed cogitans caſus humanos, & quanto mihi  
mœrori ac detrimento eſſe poſſet, ſi qua aſperior for-  
tuna, qua in vtrunq; noſtrum proſectō habet poteſta-  
tem, cōmercium inter nos hoc literarium peremiſſet:  
librum è tribus primum, qui erat deſcriptus, dedita o-  
pera ad te miſi, in quo maxima quidē ſunt & pulcher-  
riſſima fidei Chriſti myſteria. Quē peto à te mi Erasmē  
& pro inſigni ac mutua beneuolentiā noſtra rogo, eo  
animo vt legas: vt iſta ſtatuas, melius mihi abſ te mul-  
tō conſultum fore, ſi reprehenderis in eo, qua tibi repre-  
hendenda eſſe videbuntur, quàm ſi laudaueris, ſi qua e-  
rant laudanda. Auſus equidem ſum, id quod videbis i-  
pſe, ab itinere caterorum, iam diu trito atq; uſitato, de-  
flecte-

flectere: aliāq<sup>3</sup>, quadam ingredi via, quā mihi visa sit magis emergere ex fluctibus quaestionum, fortiusq<sup>3</sup> & splendidius ad veritatem contendere: Deumq<sup>3</sup>, vt mihi adestet, semper precatus sum. Sed falli tamē possumus.

Quamobrē mi Erasime, omnis in te spēs mihi est, tuum iudicium quod tu modeste imminuis, ego aut plurimi facio, idq<sup>3</sup>, non iniuria, nunc mihi quidem ipsum persugium & portus est, & totius mei laboris expolitio. egoq<sup>3</sup>, in te vno, tuoq<sup>3</sup>, in me amore, ac tua spectatissima virtute, & doctrina acquiesco. Illud te nolo ignorare, deesse non pauca in hoc libro, quae tunc adijciuntur, cum opus totū acrius examinandum resumpserimus. Nā & multa in eo explicatius differenda sunt, quam nunc exposita sint: & collecta ex sacris literis testimonia aliquot sanē oportuna atq<sup>3</sup>, illustria tū sum9 addituri, cū de vulgando opere cogitabimus. Nā nunc quidem huic parti, quā ad te misimus, ne lectionē quidē adhibui: veritus ne correctionibus ac lituris ante tēpus implicarer quando omnē eiusmodi curam (vt dixi) in aliud tēpus reieci. De impressione nihil malle, quā id quod tu mihi consulis, vt apud Frobeniū transigeretur res: certus enim sum, nusquā melius: neq<sup>3</sup>, sumptu permouerer, sed pudore quodā afficior propter bonitatē & modestiā Gryphij, qui mihi totus deditus planē est. Quāquā erit hac quidē de re spatium deliberandi. Illud te summe oratū volo vt hāc partē commentariorū ita ostendas cui voles, vt nemini omnino describēdi copiam facias: res enim nondum plenē perfectā est. Ego & familiariter ago tecum, & me id tutō facere posse arbitror:

tror: sūma enim mihi est et de tua humanitate opinio,  
 & de integritate fides. Quamobrē si quid tibi oneris  
 impono, id ea mēte facio q̄ tibi volo esse persuasissimū  
 nihil tibi esse viciſſim in omnibus rebus tuis, & opera  
 mea, et beneuolentia paratius. Declarationes tuas, et si  
 magnopere probaui prima illa lectione, vt ad te scripse  
 ram, tamē de integro legā: nec dubito, quin sim omnia  
 in illis, qua à te cōmutata sint, meliora ex bonis facta  
 reperturus. Legi cōmentarium in Symbolum, quo mi  
 rificē delectatus sum. Os enim profectō obſtructū iam  
 est litigiosis hominibus, et sibi iniustā laudē ex obtre  
 ctatione aliorū quærentib. quos tua excellēs virtus &  
 autoritas satis per se ipsa refellit. Vale Erasme, et no  
 stri memoriā retine, qui nunq̄ tui esse immemores pos  
 sumus. Ad Amerbachiiū nostrū dō literas, cui lucubra  
 tionem meā vel imprimis ostendi volo. Iterum vale.  
 Carpent. V. Idus Iunij, M. D. XXXIII.

IAC. SADOLETVS EPISC.

Carp. D. Erasmo Rot. S. P. D.

**D**Iu est cum ego nihil de te, nē rumoris quidem, acce  
 pi. Quid si tu ades in eisdem locis, in quibus soli  
 tus es, tibiq̄, commoda valetudo est, sicuti cupio equi  
 dem, & spero, nonnulla de eo me tenet admiratio. Ho  
 minis enim πολυθρύλῳ, καὶ πολυγροφάτου  
 non est vsitatum hoc silentium. Sanē nos post librum  
 illum tuū de Concordia ecclesia nihil aliud accepimus  
 quod ab Erasmo scriptum esset. Itaq̄, non sine aliqua  
 sumus suspitione, ne aut minus fortasse valeas, aut in  
 Belgas tuos profectus sis. Videbare enim in literis tuis

K

postre-

postremò ad me scriptis, significare, te id cogitasse facere. Quod si ita est, mi Erasme, quaeso, ut certiore me de tuo omni statu facias, qui pendeo animi, donec exploratum aliquid de te habuero: nam mihi tua salus & tranquillitas mirabiliter cordi est. Non dedit nobis fortuna, ut in eisdem locis viueremus: quod utrique nostrum, arbitror, mihi quidem certè fuisset optatissimū. Potuissem enim apertius tibi, atq; illustrius, omnē meū sensum & animum declarare. Sed quoniam id præterijt, actum ne agamus, ut dicitur, animos certè virtus dedit in amore consentientes: in qua tu multo præstantior, maiores autē meæ partes sunt, te summū virum colendi, et diligendi. Tanquam igitur ad hominem omnium tibi amicissimum, ut de tuis rebus omnibus interdum scribas, vehementer te rogo. Mei in Paulum perfecti commentarij sunt: itaq; eos propediem cogito edere. In ijs plurimum mihi opitulata sunt correctiones illæ tuæ, quas in primum librū adhibuisti. Vellem idem in reliquos fecisses, maximo mihi emolumento ea res fuisset. Sed fortuna nobis disiungendis, multis meis & magnis inuidit iucunditatibus: cui quidem à nobis non potest obsisti, ea enim summas frangit infirmatq; opes, nedum meas. Sed quod ad rē pertinet, potes perspicere mi Erasme ingenij tarditatem & imbecillitatem mei: qui tanquā καὶ διὰ τοῦτο diutino cursu cubitum vix processi, ut ex hoc quoque maior tibi à tua incredibili nauitate & industria voluptas pariat. Verum hæc hæctenus. Te mi charissime atq; optime Erasme oramus, ut semel amorē erga nos abs te susceptum

constantè & perpetuè tueare. Carpentoracti, Calend. Nouemb. M.D.<sup>XX</sup>IIII.

IAC. SADOLETVS EPISC. CARP.

Bonifacio Amerbachio Basiliensi

S. P. D.

**N**Olo te vereri, mi Amerbachi, ne tua litera mihi aut intempestiua vnquam, aut minus grata sint, cum eas ego libentissimè legam, tuamq; in illis bene cognitam mihi modestiam semper mihi intueri videar.

Quamobrem nulla te à scribendo eiusmodi suspicio re trahat, dum id tibi commodum alioquin sit: semperq; ita existimes, te mihi quoties scribis, toties re gratam facere. Tuam de cœna Domini sententiã, & cognosse mihi iucundum fuit, & eandem ego vehementissimè probo, illudq; præterea adiungo. Tot seculorum perpetuam consuetudinem à cõmuni Ecclesia vsurpatã, non sine approbatione spiritus sancti tantum roboris habere potuisse: cum præsertim tot ex illo numero sanctissimi viri extiterint, qui gratiam suam et amicitia cum Deo miris rebus et multis ita declararint, vt dubium de eo esse non posset. Qui certè impij, nefarij q; fuissent, & ab Deo penitus alieni, si panem pro Christi corpore, & rem prophanam pro rerum omnium efflore sumpsissent sibi adorandam, atq; colendam. Quibus ipse Oecolapadius profectò nec sanctitate, nec doctrina fuit par. Atq; is antequã excederet è vita, cum audisset parteis suas, hoc est eorum qui impiè de sacramento corporis Christi sentiebant aduerso prælio afflictas, quod prælium non humana vi, sed numine omni-

potentis Dei confectum esse constaret: si conuersus es-  
 ad meliorem mentem, eius dolēō morte: doctus enim  
 sanē vir, & bonis literis apprimē erat ornatus etsi e-  
 go nunquā illi magnam eruditionem in theologia  
 tribui. Sin autem aduersus Deum perstitit contumax,  
 equidem nunquā cuiusquam malo lalabor: verūm  
 non iniquo animo feram, sementem tantæ prauitatis ē  
 medio sublatam esse. Vtinam isti ciuitati, & ciuibus  
 in ea omnibus, rectus infideat in fide catholica sensus:  
 quorum ego alteri, propter nomen & nobilitatem vr-  
 bis, alteris ex pietate charitateq; Christiana valde ami-  
 cus sum. Qui si me audire volent, quod illis tu meis ver-  
 bis (si videbitur, & si occasio dabitur) licebit dicas ma-  
 iorum suorum potius in tuenda vera religione Christi  
 laudem, quā temerē nouantium res bene cōstitutas,  
 insaniam pergent imitari. Opera quæ scribis Erasmi  
 valdē auidē expecto, nec dubito cæteris futura dissimi-  
 lia: hoc est, plena doctrinæ & vbertatis. Quodd mihi  
 Basilius tantus autor fuerit inscriptus, habeo equidem  
 magnam vobis gratiam sed tamen alius erat quaren-  
 dus potior, qui tali munere honestaretur: nam ego in-  
 genuē loquor, non huius mihi dignitatis conscius sum.  
 Tamē tuā, et Erasmi mei beneuolentiā agnosco, eāq;  
 gratissimā habeo: quam ego pari compenso voluntate.  
 Carpent. VIII. Idus May, M. D. XXXII.

IAC. SADOL. EPISC. CARP.

Germano Brixio S. P. D.

Vperioribus diebus, cū per incertos tabellarios li-  
 Steras à te accepissem: in quibus neq; locus vnde illæ  
 data,

data, neq<sub>3</sub> dies erat ascripta, et si ex orationis tua filo-  
styliq<sub>3</sub> elegantia, tū etiam amoris significatione aduer-  
sum me, non mediocrē cepi voluptatem: tamen diu su-  
spenso animo fui, quidnam mihi in tali re faciendum  
esset, cū ad rescribendum quidem officium me im-  
pelleret: quod autem, aut per quem literas ad te darem,  
nullum consilium capere sat certum possem. Pōst verò  
diligentius mecum meditatus, & illam faciens conie-  
cturam, tales viros, qualis es tu, Lutetia Pharrhisorū  
libentius sapiusq<sub>3</sub> commorari: propterea quod illa ci-  
uitas amplissimū est doctorum hominum domicilium,  
litteras ed misi: vbi si te illa reperissent, esset & officio  
meo, et animo satisfactū. Sin minus ibi te offendissent,  
meq<sub>3</sub> in eo opinio mea & coniectura ratio frustrata  
esset: per Budaum tamen ad te, vbiq<sub>3</sub> esses, mitterē  
tur. Cui homini doctissimo atq<sub>3</sub> optimo, tu simili virtu-  
te & doctrina præditus, incognitus certē esse non po-  
tes. Verū quod mihi in literis tuis gratularis, quod  
me, quem diu antè mortuum existimasses, repente non  
modò viuere, verū etiā dignitate atq<sub>3</sub> honore auctū  
esse audisses, gratulatio tua, vt quæ ab optimo profici-  
scitur animo, sanè mihi probata est. Sed tu si vnā illam  
esse mortem arbitraris, qua qui naturæ & mortalita-  
tis conditioni satisfacit: planè nondū mortuus sum, ne  
que supremum fati diem adhuc executus. Si verò gra-  
uiorem & veriore putas mortem, cū quis cogitur  
alieno viuere arbitrio, non suo: sanè & mortuus fui, et  
reuixi posteaquam in hunc portum otij & tranquill-  
tatis sum peruectus. Scito enim me his quinq<sub>3</sub> annis, po-



**T**Vum de meo Psalmo iudicium, tanquam profectū ab homine omnium doctissimo, & viro maximo, magna quidem animum meum voluptate affecit. Sed cum tui nominis autoritas mi Erasme eiusmodi sit, vt brevis tua commendatio pro insigni laude ceterorum omnium valere debeat, facile perspexi, quo plus tu in laudes dixisti meas, quàm quod mei ingenij tenuitas sustinere posset: tum id abs te amori in me tuo fuisse datum, & tuæ præstanti eximiaq; humanitati: in qua tu mihi videris iam velle, sicut in optimarum artium tractatione & scientia, omnib. nobis antecellere. Etenim si meus frater germanus esses, quî potuisti magis, aut ostendere latitiam animi tui, q̃ ex mei ingenioli partu, qualicunque illo quidem, percepisti: aut tuam erga me benevolentiam declarare: in quo ipso vtique, apparet & extat quadam rara omnibus seculis natura tuæ probitas, & singularis integritas, nullo infusata obtrectandi studio. Quod tamen est vera atq; perfecta virtutis proprium: cuius qui compotes sunt, cum ipsi sibi confidunt, alienas etiam solent virtutes exosculari. Sed ego me indignum tuo isto de me testimonio arbitraturus sum, si tibi cōcessero, vt tu in me amādo priores partes feras. Non enim aut ita tardo ingeniosum natus, ut nō cognoscā, quid requirant præstantissima virtutes tuæ: aut ita ingrato, vt tuæ optima erga me voluntati non parem gratiam reddā. Sed quoniam hac factis melius præstanda sunt, quàm verbis: sed hætenus de eis dictū.

*psalmum tuum mihi redditum, cum in prandio essem, & aliquot graues viri mecum vnà essent, anidè perlegi, cursim videlicet, nec potui illum retinere quin mihi extorqueretur è manibus. tanta est cunctorum legendi tua cupiditas. Itaque expecto dum eum de integro legam. Quantum tamen ex illo primū aspectu percipere potui, duae meres in eo eximiè delectauerunt. Vna, q̃ vbiq; serè, & omnibus in locis, stimulis quibusdam pietatis, ac religionis ex verbis tuis animum meum pertē tari sentiebam: ita dulcis, & pia, & omneis delinens sensus fluebat oratio. Altera, quòd tu certè in hoc genere factus es constantior aduersus ineptorum hominum molestissimas garrulitates non tam refutandas, quàm contemnendas. Quod ego te prioribus literis cum hortabar, iccirco mi Erasme fauebam, quòd tua me dignitatis studiū & cura stimulabat. Quauquam enim (vt tu scribis) altius vitijs dormiētes inclamare asperius aliquando sit necesse: tamē id ita agere, vt non à stomacho neq; ab iracundiā illiusmodi reprehensio profecta esse videatur, si cuiquam, tibi profectò conuenit. Difficile omnino est, vel potius inusitatum, non commoueri cum odiosè sunt qui obstrepant: & quòd ipsi aliquid sibi inanis gloriola aucupentur, inutilibus disputationibus tanquàm gladiatorijs libellis laceffunt amplissimos viros. Sed ad tuam ceterarum laudum omnium excellentiam hanc quoq; accedere decorū tibi est, vt eos vel negligas, vel si obiurgandi sunt, paterno quodam admonēas affectu, quando tu quidem in sacris literis, ad antiquum decorem splendoremq; reuocandis, & omnium*

noſtrum, et huius ſeculi es pater. Illud item conſue-  
 rim, cum iam accepta vulgo quadam ſint, qua ſuapte natu-  
 ra ita redolēt pietatem, ut ſolum in eis, quod nimium  
 eſt, ſubaccuſare poſſe videatur, (cuiusmodi eſt quorun-  
 dam ſanctorum veneratio, & picturarum crebritas)  
 non eſſe popularib. ſtudijs obſiſtendum. Non quin mul-  
 tō ſit rectius ſigere in Chriſto cogitationem ſummam:  
 ſed neq; iſta à fide noſtra aliena ſunt, & non queunt o-  
 mnes ab ſublimiora illa facile aſcēdere. Hac ego teme-  
 rē ſcribo fortasſe, & parum conſiderans quis ad quem.  
 Sed ignoſce, mi Eraſme, audacia mea. Summus quidā  
 & incredibilis meus in te amor me cogit ut libertate  
 in amicitia propē ad temeritatem: quanquā tu qui-  
 dem pro tua ſumma benignitate in bonam partē acci-  
 pis. Sed ego ne ſim ſaluus, ſi quicquam aliud ſpecto, niſi  
 quietem, & dignitatem, & amplitudinem tuam: quā  
 ſemper tutatus ſum & quantum in me fuit etiam aſſe-  
 ctam pramijs, atq; ornatam eſſe volui. Itaq; recordor,  
 me quondam pontifici Maximo, ei qui nunc eſt ſua ſo-  
 rem fuiſſe, ut tibi inſigne ſacerdotium quoddam in Ger-  
 mania traderet. Quod ille, quā bonitate eſt & ſtudio  
 erga homines doctos, erat factururus, niſi certi contra-  
 dixiſſent: hacq; aduerſus te nixi calumnia, bonum ani-  
 mum Pontificis in aliam vertiſſent partem. Stunicam  
 aut hominem doctum meditantem aduerſus te & UTI-  
 ΦΩΥΜΑΧΤΑ quādā autoritate et precibus ab ea volun-  
 ate ſentētiaq; deduxi: nec quoad ego niſi Roma, quic-  
 quam ille in te ſcribere eſt auſus. Quid ergo eſt? ego q̃  
 n hoc recente pſalmo duarum illarum rerum, quas no-  
 tavi,

taui, alterā video penitus pratermissam, alteram leuissimè tactā, mirificè sum tua moderatione animi & prudentia delectatus. Nam cetera tua in illo & admiranda, nec noua, orationis splendor, grauitas, copia, rerum quæ tractantur in eo, veritas ac dignitas, & quidem triplicata serie: vt perspicuum sit, orationis thesauros nō exhaustiri apud te, tanquā collectos, sed semper scatere. Atq; ego cū meum dicendi genus comparo cū tuo, aspicio planè me serpere humi, & nimis familiariter illa diuina tradere, quæ tu  $\mu\upsilon\sigma\iota\kappa\acute{o}\tau\epsilon\gamma\alpha$  esse facis, & ea in sua veneratione grauitatēq; conseruas. Et tamen quicquid sumus ego & tu, à Deo ambo totum obtinemus: in quem grati esse, eiusq; bonori & gloria perpetuò inferuire debemus. De Hesychio quod queris, habueram Psalmodiarum Græcum librū, vetustate insignem: in eo proœmium Hesychij luculentè scriptum in eam sententiam, vt probare conaretur omnes Psalmos Davidis esse. Is liber mihi cū ceteris omnibus periit. Reliqua sunt apud me Græca collectanea in Psalmos incerto autore: scripta non tam copiosè, quàm eleganter: quibus præcipuè vtōr. In ijs interdum citatur Hesychius. Sed ego cū illa legi, & Latinorum aliquos de eorum numero quos prædicas: non tam illorum explanationem valdè sequens, quàm spiritui sancto permittens me totum, seror quacūq; me ille vocat: cuius vtinam vt spiritualis in me homo, sic etiam corporalis templum idoneum esse posset. Sed crede mihi mi Erasme, nostra nobis non parum adhuc obest infirmitas. Deus autem omnium potens, qui tibi labores,

& solitudines, & affectam valetudinem dat: quis scit, an maiore tuo bono id faciat, quam si quietem tibi & molle otium praberet? equidem confido ita esse, nihil laboriosa sollicitaq; vita, sed quæ cum Deo prorsus cōiuncta sit, videtur reuera fieri posse felicius. Germanica nationi bene sit: amo enim gentem totam, dignissimamq; arbitror, quæ in vera tuenda ac propugnanda religione suorum maiorum gloriam consequatur: cui qui obsunt, & contaminant patriæ suæ decus ad bonā eos mentem conuertat Deus. Tuæ in Psalmum meum annotationes mihi gratissimæ: itaq; cogito magnā partem illorum mēdorum tollere: nam aliqua sunt, quæ auctoribus optimis nitūtur. De me mi Erasme, sic tibi persuadeas volo: quanquam ego tenuis sum, & magnis à fortuna detrimentis multatus: nihil me tamen habere, quod non tuum æquè velim esse ac meum. Neq; in hoc solum, sed in omni tua dignitate atque fama conseruanda hoc sum animo, vt sponte per me ipse, & abs te monitus, summam tibi fidem in amicitia ac beneuolentia semper sim præstaturus. Vale. XIIIICalend. Octobris, M. D. XXX. Carpentoraçti.

### IAC. SADOLETVS EPISC.

Carpent. D. Erasino Roterodamo. S. P. D.

**Q**uod litera mea ad te tardissimè perferatur, planè molestum mihi est. Cuperem enim illas mature reddi: nec tam, vt te delectarent, quod tu humanissimè atq; amicissimè fieri scribis, quam vt meum tibi officium celeriter esset cognitum. Tuas quidem tertio Calend. Martij datas, ineunte Maio accepi. In quibus quod mihi

mibi de valetudine prospera gratularis, equidem libenter accipio hanc gratulationem tuam, tui amoris eximij erga me testem. Veruntamen scito à medio Nouembri vsq<sub>3</sub> ab Aprilem extremū minus me commodè valuisse. Itaq<sub>3</sub> toto hoc tempore & intermissa nostra studia cōticuerunt, & ego nihil dignum viro potui exequi. Ad meam nūc tamen pristinam prouinciam sum reuersus, de qua antè ad te scripseram, vt commētarios in Pauli epistolam ad Romanos conscribam. Quod opus etsi difficillimum omniū est, sicuti & tu sentis, & ego re ipsa experior: tamen animo non deficio. Vtinā sic euentum meorum consiliorum fortunet Deus, quemadmodum à mea parte nihil neq<sub>3</sub> laboris deerit, nec studiij. Accidit autem mihi peropportunè, vt nanciscerer diui Chrysostomi commentarios in omnes Pauli epistolas Græca lingua impressos: qui mihi domo ab Episcopo Verona missi sunt: quorum ego famam, vel volumē etiā ipsum ad te putoperuenisse. Cupio quidem certè, vt quod tunc tibi defuisse scribis, cū hoc idem opus esses aggreßus, id nunc suppetat, si fortè tibi libeat qua iādiu exorsus fueras, ea nunc pertexerè. Frobenianam operam non repudiabimus, cū tempus erit excudēdi: præsertim te tanto autore, vt res rectè geratur, curam adhibente. Sed mihi magis, mi Erasme, tuo iudicio erit opus, quod ego semper maximi feci, & facturum sum. Res ardua est, ego difficiliter & tardè scribo. Nouos etiam, neque eos paucos, inuenio sensus: qui boni sint, an secus, (ego enim mihi ipsi non satis sīdo) talium virorum, qualis es tu, (si tamen aliqui tales iudicium exquiren-

quirendum mihi est. Tuum certè imprimis, qui aut v-  
nus, aut precipuè in hoc genere scribendi non doctri-  
nam modò, quæ in te summa est, sed copiam etiam &  
dignitatem orationis adhibuisti. Basilium Magnū sua  
loquentem lingua exisse à te, & in manus hominum di-  
uulgatum esse, vehementer gaudeo. Nam quidd mihi à  
te sit inscriptus, id maius est tui de me iudicij testimoni-  
um, quàm ego expectassem: aut quàm me dignum esse  
arbitrer. Sed tua humanitas & beneuolentia eiusmodi,  
vt non quid me accipere, sed quid te dare oporteat, po-  
tius expendas. Equidem maximas tibi de eo gratias ha-  
beo agoq, etiam relaturus si occasio fuerit. Te ita cre-  
brò, & à tam multis peti, & mirum sanè mihi, & per-  
molestum est: nec video quæ sit causa, nisi sortè ea, de  
qua iampridem ad te scripsi: existimatio tua uidelicet,  
quæ in tam alto sita est loco, vt omnibus flatibus inui-  
diæ proposita esse videatur. Nam qui in hanc theolo-  
giæ palæstrā nomen suum profitentur, quò sibi de prin-  
cipio commendationis aliquid in vulgus quarant: no-  
men eligunt clarissimum, in quod inuehantur: auget  
deinde rixam ipsa contentio. Sed ego si isto loco essem,  
vna semel defensione, in vniuersum omnibus responde-  
rem: partim iuuenta facta consiliaq, excusans, si quid  
sortè esset à me in illa ætate liberius scriptum: partim  
etiam modestè prudenterq, retractans, quæ eiusmodi  
essent: vt etiam si non verè, at saltem verisimiliter an-  
sam aliquam possent præbere obtrectantibus: quod sum-  
mos doctores sanctissimos homines cernimus fecisse.  
Postremò verò, omnem sensum meum de fide catholica  
ita



ita exponens, vt non posset cuiquam esse dubium quid sentire: hoc opere edito, perenne mihi silentium suscipe rem aduersus maleuolos, quorū insolentiam iniquasq; calumnias, cum res ipsa & veritas, tñm tua excellens fama, virtusq; refutaret. Sed ego hac non tam monendi tui causa loquor, (non enim tu eges monitore) quā testificandi sensus & animi mei. Oecolampadiū extinctum, vtinam possem dolere iure. Sic enim litera & doctrina hominis postulabant, nisi extitisset ille in alio genere perniciosus. Psalmum tuum auide expecto, eumq; perlegere cupio. Epistolarum tuarum volumen audio exisse, Lugduniq; haberi: id ego nisi qui mihi emerēt. Tu interea, mi Erasme, si nos diligis, da operam vt valeas, et sustentens atatem istam tuam ijs, quibus soles, optimarum artium studijs, & conscientia rectorum consiliorum. Nos qui te plurimum amamus, nullo vnquam loco deerimus, nec fame, nec laudi, nec voluntati etiam tue. Vale. Carpent. VIII. Idus Maij, M. D. XXXII.

IAC. SADOLETVS EPISC. CARP.

Des. Erasmo Roterodamo S. P. D.

**I**S qui tibi has literas reddidit, minus mihi sanè cognitus est: neque ego hominis mores, naturamq; perspexi. Sed cum adisset ad me, diceretq; se celebritate fame, & amore quodam nominis tui cōnotum, velle ad te proficisci, vt sub te magistro lautioribus literis operam daret: nō potui nō probare hoc eius constitutum: nam & rem pulcherrimam, & doctorem praestantissimum appetere mihi visus est. Proinde petenti à me cōmendatitias literas, libenter conseruaui consuetudinē

ratis, qualia sæpe multa à te proficiſcuntur: vt tibi moleſtum eſſe non debeat: illos tenui à me munuſculo affici, qui id laboris mea cauſa ſuſcepere. Et de tuo iudicio (ita mihi diuos omneis opto eſſe propitios) in ea ſum ſentētia, vt nihil meorum mihi probari poſſit, quod ad religionem quidem, & ad literas ſacras pertineat, ſi nō id antea tibi ſit probatum. Quapropter cūm confeciſſem commentarios in Pauli primam epiſtolam (quo labore, & quib. vigilijs, non dico: ſatis enim cognita tibi eſt illius Epiſtolæ obſcuritas) ſtatueram aliquot menſeis quieſcere, totumq; me ab illa cura & cogitatione auertere: vt deinde recens, atque nouus ad meam recognitionendam, & accuratius expendendam lucubrationem accederē. Qui tamen mos & mihi conſuetus eſt, & à viris doctis ſolet uſurpari. Eratq; mihi in animo, neminē omnino participem facere, antequam ipſe probaſſem. Sed cogitans caſus humanos, & quanto mihi mœrori ac detrimento eſſe poſſet, ſi qua aſperior fortuna, qua in vtrunq; noſtrum profectō habet poteſtatem, cōmercium inter nos hoc literarium peremiſſet: librum è tribus primum, qui erat deſcriptus, dedita opera ad te miſi, in quo maxima quidē ſunt & pulcherriſſima fidei Chriſti myſteria. Quē peto à te mi Eraſme & pro inſigni ac mutua beneuolentiā noſtra rogo, eo animo vt legas: vt i ita ſtatuas, melius mihi ab te multō conſultum fore, ſi reprehenderis in eo, qua tibi reprehendenda eſſe videbuntur, quā ſi laudaueris, ſi qua erant laudanda. Auſus equidem ſum, id quod videbis ipſe, ab itinere cæterorum, iam diu trito atq; uſitato, de  
flecte-

flectere: aliaq<sup>3</sup>, quadam ingredi via, quæ mihi visa sit  
magis emergere ex fluctibus questionum, fortiusq<sup>3</sup> &  
splendidius ad veritatem contendere: Deumq<sup>3</sup>, vt mihi  
adeset, semper precatus sum. Sed falli tamē possumus.

Quamobrē mi Erasme, omnis in te spes mihi est, tuum  
iudicium quod tu modeſte imminuis, ego aut plurimi  
facio, idq<sup>3</sup>, non iniuriæ, nunc mihi quidem ipsum persua-  
gium & portus est, & totius mei laboris expolitio. e-  
goq<sup>3</sup>, in te vno, tuoq<sup>3</sup>, in me amore, ac tu a spectatissima  
virtute, & doctrina acquiesco. Illud te nolo ignorare,  
deesse non pauca in hoc libro, qua tunc adijciētur, cum  
opus totū acrius examinandum resumpserimus. Nā &  
multa in eo explicatius differenda sunt, quam nunc ex-  
posita sint: & collecta ex sacris literis testimonia ali-  
quot sanē oportuna atq<sup>3</sup> illustria tū sumꝑ addituri, cū  
de vulgando opere cogitabimus. Nā nunc quidem huic  
parti, quā ad te misimus, ne lectionē quidē adhibui: ve-  
ritus ne correctionibus ac lituris ante tēpus implicarer  
quando omnē eiusmodi curam (vt dixi) in aliud tēpus  
reieci. De impressione nihil mallet, quā id quod tu  
mihi consulis, vt apud Frobeniū transigeretur res: cer-  
tus enim sum, nusquā melius: neq<sup>3</sup>, sumptu permoue-  
rer, sed pudore quodā afficior propter bonitatē & mo-  
deſtiā Gryphij, qui mihi totus deditus planē est. Quan-  
quā erit hac quidē de re spatium deliberandi. Illud te  
summe oratū volo vt hāc partē commentariorū ita o-  
stendas cui voles, vt nemini omnino describēdi copiam  
facias: res enim nondum plenē perfectā est. Ego & fa-  
miliariter ago tecum, & me id tutō facere posse arbi-  
tror:

eror: sūma enim mihi est et de tua humanitate opinio,  
 & de integritate fides. Quamobrē si quid tibi oneris  
 impono, id ea mēte facio q̄ tibi volo esse persuasissimū  
 nihil tibi esse vicissim in omnibus rebus tuis, & opera  
 mea, et beneuolentia paratius. Declarationes tuas, et si  
 magnopere probaui prima illa lectione, vt ad te scripse  
 ram, tamē de integro legā: nec dubito, quin sim omnia  
 in illis, qua à te cōmutata sint, meliora ex bonis facta  
 reperturus. Legi cōmentarium in Symbolum, quo mi  
 rificē delectatus sum. Os enim profectō obstructū iam  
 est litigiosis hominibus, et sibi iniustā laudē ex obtre  
 ctatione aliorū quarentib. quos tua excellēs virtus &  
 autoritas satis per se ipsa refellit. Vale Erasme, et no  
 stri memoriā retine, qui nunq̄ tui esse immemores pos  
 sumus. Ad Amerbachiiū nostrū dō literas, cui lucubra  
 tionem meā vel imprimis ostendi volo. Iterum vale.  
 Carpent. V. Idus Iunij, M. D. XXXIII.

## IAC. SADOLETVS EPISC.

Carp. D. Erasmo Rot. S. P. D.

**D**iu est cum ego nihil de te, ne rumoris quidem, acce  
 pi. Quid si tu ades in eisdem locis, in quibus soli  
 tus es, tibiq̄ commoda valetudo est, sicuti cupio equi  
 dem, & spero, nonnulla de eo me tenet admiratio. Ho  
 minis enim πολυθρύλλυτος, καὶ πολυγχαροτάτος  
 non est vsitatum hoc silentium. Sanē nos post librum  
 illum tuū de Concordia ecclesia nihil aliud accepimus  
 quod ab Erasmo scriptum esset. Itaq̄, non sine aliqua  
 sumus suspitione, ne aut minus fortasse valeas, aut in  
 Belgas tuos profectus sis. Videbare enim in literis tuis

postremò ad me scriptis, significare, te id cogitare facere. Quod si ita est, mi Erasme, quaeso, vt certiore me de tuo omni statu facias, qui pendeo animi, donec exploratum aliquid de te habuero: nam mihi tua salus & tranquillitas mirabiliter cordi est. Non dedit nobis fortuna, vt in eisdem locis viueremus: quod vtrique nostrum, arbitror, mihi quidem certè fuisset optatissimū. Potuissē enim apertius tibi, atq; illustrius, omnē meū sensum & animum declarare. Sed quoniam id præterijt, actum ne agamus, vt dicitur, animos certè virtus dedit in amore consentientes: in qua tu multo præstantior, maiores autē meæ partes sunt, te summū virum colendi, et diligendi. Tanquam igitur ad hominem omnium tibi amicissimum, vt de tuis rebus omnibus interdum scribas, vehementer te rogo. Mei in Paulum perfecti commentarij sunt: itaq; eos propediem cogito edere. In ijs plurimum mihi opitulata sunt correctiones illæ tuæ, quas in primam librū adhibuisti. Vellem idem in reliquos fecisses, maximo mihi emolumento ea res fuisset. Sed fortuna nobis disiungendis, multis meis & magnis inuidit iucunditatibus: cui quidem à nobis non potest obsisti, ea enim summas frangit infirmatq; opes, nedum meas. Sed quod ad rē pertinet, potes perspicere mi Erasme ingenij tarditatem & imbecillitatem mei: qui tanquā κακὸν πιδὺς diutino cursu cubitum vix processi, vt ex hoc quoque maior tibi à tua incredibili nauitate & industria voluptas pariatur. Verum hæc hæctenus. Te mi charissime atq; optime Erasme oramus, vt semel amorē erga nos abs te susceptum

constanter & perpetuū tueare. Carpentoracti, Calend. Nouemb. M. D. <sup>XX</sup>XIII.

IAC. SADOLETVS EPISC. CARP.

Bonifacio Amerbachio Basiliensi

S. P. D.

**N**Olo te vereri, mi Amerbachi, ne tuæ literæ mihi aut intempestiuæ vnquam, aut minus gratae sint, cum eas ego libentissimè legam, tuamq; in illis bene cognitam mihi modestiam semper mihi intueri videar. Quamobrem nulla te à scribendo etusmodi suspicio re trahat, dum id tibi commodum alioquin sit: semperq; ita existimes, te mihi quoties scribis, toties re gratam facere. Tuam de coena Domini sententiā, & cognosse mihi iucundum fuit, & eandem ego vehementissimè probo, illudq; præterea adiungo. Tot seculorum perpetuam consuetudinem à cōmuni Ecclesia vsurpatā, non sine approbatione spiritus sancti tantum roboris habere potuisse: cum præsertim tot ex illo numero sanctissimi viri extiterint, qui gratiam suam et amicitia cum Deo miris rebus et multis ita declararint, vt dubium de eo esse non posset. Qui certè impij, nefarij q; fuissent, & ab Deo penitus alieni, si panem pro Christi corpore, & rem prophanam pro rerum omnium efflore sumpsissent sibi adorandam, atq; coleandam. Quibus ipse Oecolāpadius profectò nec sanctitate, nec doctrina fuit par. Atq; is antequā excederet è vita, cum audisset parteis suas, hoc est eorum qui impiè de sacramento corporis Christi sentiebāt aduerso praelio afflictas, quod praelium non humana vi, sed numine omni-

potentis Dei confectum esse constaret: si conuersus est ad meliorem mentem, eius dolo morte: doctus enim sanè vir, & bonis literis apprimè erat ornatus etsi ego nunquàm illi magnam eruditionem in theologia tribui. Sin autem aduersus Deum perstitit contumax, equidem nunquàm cuiusquam malo lalabor: verùm non iniquo animo feram, sementem tantæ prauitatis è medio sublatam esse. Vtinam isti ciuitati, & ciuibus in ea omnibus, rectus insideat in fide catholica sensus: quorum ego alteri, propter nomen & nobilitatem vrbis, alteris ex pietate charitateq; Christiana valde amicus sum. Qui si me audire volent, quod illis tu meis verbis (si videbitur, & si occasio dabitur) licebit dicas maiorum suorum potius in tuenda vera religione Christi laudem, quàm temerè nouantium res bene cõstitutas, insaniam pergent imitari. Opera quæ scribis Erasmi valdè auidè expecto, nec dubito ceteris futura dissimilia: hoc est, plena doctrina & vbertatis. Quid mihi Basilius tantus autor fuerit inscriptus, habeo equidem magnam vobis gratiam: sed tamen alius erat querendus potior, qui tali munere honestaretur: nam ego ingenuè loquor, non huius mihi dignitatis conscius sum. Tamè tuâ, et Erasmi mei beneuolentiâ agnosco, eâq; gratissimâ habeo: quam ego pari compenso voluntate. Carpent. VIII. Idus Maij, M. D. XXXII.

IAC. SADOL. EPISC. CARP.

Germano Brixio S. P. D.

**S**uperioribus diebus, cùm per incertos tabellarios listeras à te accepißem: in quibus neq; locus vnde illæ data,



*data, neq; dies erat ascripta, et si ex orationis tua filo styliq; elegantia, tū etiam amoris significatione aduersum me, non mediocrē cepi voluptatem: tamen diu suspēso animo fui, quidnam mihi in tali re faciendum esset, cū ad rescribendum quidem officium me impelleret: quod autem, aut per quem literas ad te darem, nullum consilium capere sat certum possem. Pōst verò diligentius mecum meditatus, & illam faciens coniecturam, tales viros, qualis es tu, Lutetia Pharrhisorū libentius sapiusq; commorari: propterea quod illa ciuitas amplissimū est doctorum hominum domicilium, literas ed misi: vbi si te illa reperissent, esset & officio meo, et animo satisfactū. Sin minus ibi te offendissent, meq; in eo opinio mea & coniectura ratio frustrata esset: per Budæum tamen ad te, vbicunq; esses, mitteretur. Cui homini doctissimo atq; optimo, tu simili virtute & doctrina præditus, incognitus certē esse non potes. Verū quod mihi in literis tuis gratularis, quod me, quem diu antè mortuum existimasses, repente non modò viuere, verū etiā dignitate atq; honore auctū esse audisses, gratulatio tua, vt quæ ab optimo profiscitur animo, sanè mihi probata est. Sed tu si vnā illam esse mortem arbitraris, qua qui naturæ & mortalitatis conditioni satisfacit: planè nondū mortuus sum, neque supremum fati diem adhuc executus. Si verò grauiorem & veriozem putas mortem, cū quis cogitur alieno viuere arbitrio, non suo: sanè & mortuus fui, et reuixi posteaquam in hunc portum otij & tranquillitatis sum peruectus. Scito enim me his quinq; annis, po*

steaquàm videlicet Romanis relictis rebus, in meam ecclesiasticam prouinciā me contuli, solis gustasse qui sint fructus verae vitæ, nihilq; expertum fuisse postea quod pœnitendum mihi esset. Quare tu si *μυσικὸς* gratularis mihi, habes latandi de amico & gratulandi causam. Sin autem vulgari consuetudine verbi locutus es: en tibi amantiſſimum tuū hominem non modò non mortuum, sed uiuētē nūc quidem beatius quàm antea: cui ista ipsa dignitatis accessio, qua te gaudere dabis, vtinam illa nō magis oneri, quàm honori eſet. Sed tamen quomā diuino namine in hoc loco positi, & in hoc honoris gradu locati sumus: demus operam, quoad possumus, vt nostra eidem Deo & opera parata sit, & voluntas. De te autem ipso mi Brixii, quando ex eorū hominum numero es, quos ego colere & cōplecti studosè soleo, dediſtiq; mihi per literas tuas & doctrinæ et humanitatis specimen: sic me existimare puta, te esse digniſſimum, quē omnes qui bonas arteis sectamur, in oculis aſidue ſeramus, nihilq; viciſim accidere mihi poſſe tua erga me beneuolentia gratius. Qua quoniam (vt ſcribis) à te ſuſcepta iā diu eſt, ex quo me ſcilicet primum Romæ cognouiſti: peto à te maiorem in modum, vt & veterem illam renouare, & ſi eſt augendi locus, etiam augere & amplificare eam velis. In quo tibi polliceor, me curaturum, vt in nullo amicitia officio, nec in voluntatis ſtudio me vincas. Vale. Carpentō racti, X. Calend. Iulij, M. D. XXXII.

IAC. SADOLETVS EPISC. CARP.

Germano Brixio S. P. D.

**N**on potuit fieri commodius, nec magis ut ego vellem, quàm quòd meus liber tibi redditus fuit: primoq; ipso in pralio, ut aiunt, cum homine disertissimo doctissimoq; congressus, non dicam cum laude, (abhorret enim mea mens ab eo quod insolentius videatur dictum) sed certè sine ignominia discesserit. Quanquam tu quidè etiam illam laudas: in quo agnosco vel beneuolentiam erga me tuam, vel comitatem naturæ, qua es præditus. Sed quòd epistolam meam desiderasti, hocq; genus officij quod in scribendis epistolis situm est, imprimis inter amicos vsurpari iudicas cõuenire: verè tibi dicā. Subitus discessus Giramandi, qui me festinare valde coegit, tū aut̃ hesitatio quedam mea, cū nec quibus in locis planè esses, nec quid rerū gereres satis nosset: illudq; etiā valdè vererer ne tibi homini vehemēter in literis occupato obijcerem laborē: adduxit me, ut statuerem per nuntios potius, quàm per literas tecū agendum esse: præsertim cū homini & amico, et prudenti, id negotij cõmitterem. Qui, quàm mirificè functus officio sit, tum ex rebus ipsis, tum autem tuo imprimis iudicio testimonioq; cognoui. Illud verò mihi pergratum accidit, quòd meum consilium istuc mittendi librum & ad theologorum vestrorum iudicium deferendi, tibi quoq; esse intelligo probatum. Quod equidem, mi Brixi, ea ratione feci, quòd Christianam illam humilitatem animi, quàm maximè in scriptis meis ex tollere, et in cælum ferre, verissimis laudibus soleo: non solum verbis, sed ipsa re, quantum à me fieri potest, cupio semper mecum habere coniunctam. Cuius si ut no-

men, ita veritas Christianis hominib. in cultu & in honore esset, tot hodie pestilentiſſimarum hæresum erroribus, & hac religionis labe careremus. Sed quòd scribiste curaturum, vt aquis iudicibus, & à politiorum literarum cultu non abhorrētibus, res permittatur, habeo tibi magnā gratiā: iamq; id perfectum à te vides. Scripsit enim ad me ex illis quidā sanè quā liberaliter: vt mihi in mentem venerit latari, esse apud theologos vestros Musis etiam locum, verū illis sanctioribus: q̃ tamen tibi & Budæo nostro acceptum ferendum est. Certè id quod sentis, est omnino verissimū: nec res tam præclaras barbarè atq; absurdè debere tradi, et quæ à me scripta in Paulū sunt, sine Latina & Græca eruditione intelligi vix posse: aut ne vix quidem. Expertus enim sum ego, quæ subtilitas rerū, quanta et cuiusmodi altitudo maximorum in illis mysteriorum insit. Quæ tu quòd breui, & subita lectione tam accuratè perpendis, nō rerum facilitati, sed tui ingenij magnitudini est ascribendum. Quo nisi tu eximio præditus esses crede mihi, impeditius multo iter ad illa percipienda & intelligenda offendiſſes. Dies tamen, & mora, & crebrior lectio, quotidie magis indicabit, nihil fieri posse rebus illis reconditis. Quod tibi hoc libentius scribo, quòd te quoque video in eodem stadio currere. Non enim mihi ignota neq; inaudita studia sunt tua: sed et ex plurib. cognoui, et legi ipsemet homilias illas Chrysostomi, quas tu è Græco sermone in Latinum vertisti, ea & elegantia verborum, et gravitate: vt non tam opulentissimum transulisse autorem, quā imitatus esse vide-

videare. Itaq, expectabimus alias: gratūq, mihi in eo feceris: si vt confecta fuerint, mihi eas affeiri quā primum curaueris: etsi cū ad conciones erit ventum, grā uior tibi labor videtur fore propositus. Nosti enim profecto quā ardens ille, quāq, incit atē solitus sit auditores non magis docere (mihi quidem videtur) quā aut obiurgare, aut accēdere: etsi vtrunq, quidem, idq, cum magna cura. Verū cū in multis interpretandis Pauli locis ab eius opinione dissentiam, iccirco tibi visus sum eum minus legisse. Ego verò in ipso legendo, expendendo, interpretando Paulo, cū omnium ferè interpretum qui aliquo numero sunt, scriptis & commentationib. vsus sum: tum verò Pauli eiusdem ope et doctrina plurimum adiutus: qui quidem suimet longè optimus est interpret. Noli enim putare, me ad primā illam, quæ Romanis inscripta est, epistolam exponendam accessisse, nisi prius perlectis, diūq, volutatis, omniq, animi attētionē perspectis ceteris eiusdem doctoris epistolis. Quarum assidua & acri lectione in eos diuina sapientiæ fontes sum inductus, ex quibus si non hausisse puriorem doctrinam, saltem leuiter ex illis aspersus fuisse videar. Vnum est in quo miror, quòd ita reprehendor à quibusdam, quasi deflectere vel tantulū à vetere trāslatione Pauli nephas sit. Cuius turei, mi Brixii, qui vtrunq, linguam probè nosti, optimus poteris esse iudex. Mihi enim si quicquam in illis cōmentarijs est, quod probetur, illud præcipuè est, quòd visus mihi sum verba è verbis expressa verè Latina reddere, quæ antè nimirum alieniora pleraq, erant, vt vis Apō

stoli sententiâq; obscuraretur. Ea si conatus sum illustria & perspicua facere, quod ordine, & proprietate Pauli verborum accuratissimè seruata factum à me est: quidnam quæso ea in re admissum est culpa? cum præsertim gratus hoc etiâ meum factum esse debeat, quod Luteranis ut sua πᾶσι δ' οἷα facilius probent, imperitosq; in fraudem inducant, ad ignoratâ plerisq; linguam sæpenumero confugientibus, hic utiq; cāpus doli & fallaciarum intercludendus fuit. Si tamen ego non sum hallucinatus, quod fieri nimirum potuit, homo enim sum. Alia quidem via commodius istis contortoribus scriptura sancta occurri, illorumq; præstigias et machinatiões redargui vix potuisse existimo. Itaq; & initio mei operis hac potissimum de causa illam me sumpsisse enodandam epistolam sum testatus. Sed hac hætenus. Venio nunc ad eas epistolæ tuæ partes, quæ partim me delectarunt mirabiliter, partim pudore etiam affecerunt. Nam quod me à lucubrationi tantum laudis impartis, quātum non tã à summo iudicio, quã ab amicissimo animo profectum intelligatur: gaudeo equidem me abs te sic diligi, tuamq; istam præstantem atq; egregiam erga me voluntatem permagni aestimo. Sed res ipsa planè ut erubescam me cogit. Etenim quis ego sum, quo ingenio, qua doctrina, quibus ornamentis præditus, cui ab homine doctissimo atq; optimo tantum laudis tribuatur? Si enim in eo laudandus sum, quod sine deditus optimis artibus & studiis: quàm multi sunt vestra hac ætate, qui in eodem genere studiorum excellunt? nōne horum talium frequentia Italia, et Gal-



lia, & ipsa quoq; Germania nunc referta est? Si verò  
q; optimas tueor et sustineo partes, ab antiquiorumq;  
scitis atq; decretis transuersum vnguē non discedo: nō  
tam id laudi vlli dandū est, quā vitio, secus si fiat, ma-  
ximo. Nam quòd in portum me ex vrbaniis illis flucti-  
bus, & ex magna agitatione tràquillam in stationem  
recepì: ego sanè liberam & voluntariam vitæ agenda  
rationem obnoxys illis, & alienæ sententiæ addictis ra-  
tionibus, ob eam primū causam longè pratuli, quò  
vni iam Deo liberius famulari, & cōmissam mihi ab eo  
ecclesiæ officium præstare præsens possem. Deinde vt  
mihi cū Musis iam diu optatum habere liceret cōmer-  
cium. Cuius quidem vitæ suauitas & delectatio tanta  
est, vt non regem esse, sed regilus non egere, verè rega-  
liter viuere, & ipsa verè beata vita sit. Quanquā hoc  
argumentū nequaquā in vulgus edendum est, ne ad  
eos quidem, qui aliquam speciem bonorū doctorumq;  
præ se ferentes, eisdem nihilominus, quibus vulgus, ho-  
norum atq; oīum cupiditatibus iactantur. Sed ego te-  
cum tanquā mecum hanc rationem puto. Nō enim mi-  
hi plus assumo in huius laude consilij, quā tibi ipsi tri-  
buo: quem & multis antea testibus, & tuis nunc ex li-  
teris planè intelligo in eadem mecum esse sentētia: nisi  
quòd tua virtus hoc apparet illustrior, quòd ego mul-  
tis diu curis, laboribus, vigilijsq; vexatus, quas ad alic-  
num arbitrium ferebam & suscipiebam, tandem tadio  
fractus, in quietis locum me contuli. Tu tua sponte, so-  
lutoq; iudicio, studijs ambitionis missis, in eundem por-  
tum es peruectus. De qua præclara animi tui modera-  
tione,



tione, rectissimoq; consilio, & eiusdem mecum societate  
 te muneri, & tibi gratulor, & mihi apprimè gaudeo.  
 Nullo enim alio comite ornatioꝝ, aut hanc inire prius  
 viam, quæ minime populo nota est, iamq; ob desuetudi-  
 nem dumetis inhorruerat, et stirpibus, aut nunc tenere  
 eandem possum. Sed de his quoq; satis. Iulij fratris mei  
 quidd mihi mentionē facis, eodē penē amore ac si frater  
 ipsius germanus fuisses, veteremq; tuā cū illo familia-  
 ritatem predicas: peream mi Brixii, nisi cū meum erga  
 te studium ad summū creuisse credere, maximus tamē  
 hac de causa cumulus accessit: non enim existimarā no-  
 stram coniunctionē iam inde ab illius tecum cōsuetudi-  
 ne auspiciatam fuisse. Neq; verò aut te vrbanum memi-  
 nisse mihi videbar, aut post in Gallia tibi quicquā rei  
 cum fratre fuisse meonoueram. Sed omnis tui cognitio  
 principio mihi in Gallia oblata est, primum ex literis  
 tuis, quas iam longo interuallo accepi iucundissimas.  
 Deinde ex epistolis & Erasmi ad te, & ad illum tuis,  
 illoq; imprimis opere mihi sanè probato, quod conuer-  
 tendo Chrysostomo lucubraſti. Postremò verò Lugdu-  
 ni, deindeq; Massilia, cū ad summos principes saluta-  
 tum accessissem, sermones cū pluribus permultos &  
 habui & accepi de te: cū tua virtus & doctrina, ma-  
 ximeq; ista animi æquitas, qua tu fortune & cupidita-  
 ti tuæ modum constituisſes, omnium vna & constanti  
 voce laudaretur. Itaq; cū plurimas iam haberem tui  
 magnificiendi causas: cumq; hoc nouissimum studiū,  
 quod tu in meis exhibendis scriptis honoris mei causa  
 suscepisſes, vehementer tibi me obstringeret: illa tamē  
 mei

mei fratris cōmemoratio tam piè, tamq̃, amanter abs te facta, prorsus effecit, vt te in illius penè loco diligā. Quam ob rē rectè feceris, idq̃, mihi erit gratissimum, si ita statueris, quacunq̃, à cōiunctissimo fratre officia sperari, aut expectari possunt: ea tibi à me prōpta esse & parata: vt si vsus venerit quòd memetipsum tibi patefacere penitus possim, non sis maiorem erga te beneuolentiam cuiusquā, nēq̃, fidem in amicitia integriorem cogniturus. Illud te rogo, vt quid theologi vestrī de meis scriptis senserint, certiozem me facias: cura etiam adhibita, vt literæ ad me diligētius perferantur. Nam quas mense Aprili dedisti eas mihi scito extremo Iunio fuisse redditas: quibus vt debui, sine mora respondi. Tuis addubitationibus, quæ ad linguæ Latinæ rationē pertinet, altera seorsum pagella conor satisfacere. Vale mi doctissime Germane, & nos amare perseuera. Carpentoracti, pridie Calen. Iulias, M.D.XXXIIII. IAC. SADOLETVS EPISC. CARP. Germano Brixi. S. P. D.

**E**T literæ tuæ, id quod aliās quoq̃, conquestus sum, tardissimè ad me perlatae fuerunt: (data enim pridie Idus Februarias, post Nonas Aprilis denique mihi sunt redditæ) Et ego quòd minus ad eas continuò responderē, valetudine fui aduersa impeditus. Scito enim me octauum iam mensem pituita vsq̃, ed laborare, vt et odoratum penitus, & vim etiam gustādi aliqua ex parte amiserim. Qui morbus hyemis tempore lētior, eoq̃, magis tolerabilis: quòd humoribus pigrè & segniter se mouentibus, sensum in nobis mali ob tufiorem aliquā

to facit. Vere nouo excitatur, & ad nocendum corpori acuitur. Itaq; & febricula aliquot diebus tentatus sum, & nunc capite frequenter languet: non tam dolore quidem, quàm grauedine quadam occupatus, atq; pressus. Sed mihi multis adhuc frustra remedijs adhibitis, recuperanda valetudinis spes, secundum Deum, reliqua est in appropinquantis caloris aduentu. Quæ si nos fesellerit, feremus humaniter, omneq; Dei omnipotentis de nobis ipsis decretum in partem optimam accipiemus. Illud utiq; præstabitur à nobis, ut ne qua culpa nostra morbus vim ad ledendum, incrementumue accipiat. Habes causam meæ tarditatis. Nunc reuertor ad tuas literas, quæ mihi medijsfidius extiterunt gratissimæ: vel quodd beneuolentia erga me tua eas mihi gratas semper efficit, vel quodd de libro meo quid actum fuerit, cognoui: de quo ad id tempus nihil acceperam. Eram autem non minimum sollicitus, quo pacto ex eo afficiatur animi vel audientium, vel legentium. Et nimirum hoc tempore, hisq; animorum opinionumq; dissentionibus, nihil tam nobis pertimescendum, quàm calumnia est, quæ iam vulgare quidem videtur esse vitium. Sed mihi, ut concertatio omnis permolesta. sic animi æquitas tutissimum est perfugium: quo sum uti solitus, si quis falsam mihi litem aut iurgium intendat: nam beneuolis castigatoribus vltro magnam gratiam me debere confiteor. Quare quod mihi polliceris, vel potius recipis, te acturum accuratè cū theologis vestratibus, ut meum hunc animum æqui boniq; cōsulant, id ego abs te non mediocriter cum cupiditate expeto. Nihil enim malo, quàm & suum illis

illis honorem, & mihi meam pacem ac tranquillitatē incolumē manere. Præterea faueo etiā ordini illi atq; collegio, in quo video firmissimam anchoram fluctuantibus (vt nunc est) fidei nostra rebus constitutam esse. Sed hac hætenus: neq; enim dubito, quin iā officio functus fueris: nihilq; reliqueris loci neq; hortationi, neq; admonitioni mea. quippe qui non studium solum amo remq; in amicitia, sed nauitatem etiam, & diligentia afferas. Quo quidem nomine non mihi vni, sed prorsus omnibus carus iure optimo atque amabilis esse debes. De Episcopo Parisiensi nostro istud idē sentio quod tu. Nihil illo homine elegantius: nihil bonarum artiū fierē posse amantius: in quibus ille ita cateris fautor est, vt præcipuam tamen laudem ipse obtineat. Eite gaudeo tam familiarem, quam tu scribis, existere. Neque illud est κολοιὸς πρὸς κολοιὸν, sed ad summum virum vir ingenio & doctrina præstans eos aditus habet, quos germana virtus illi patefecit. Eum ego etsi mirabiliter amo, coloq; idq; ipse nō nescit: tamen mihi erit pergratum, si tu hoc idem in sermonib. crebro illi inculcaris. Cetera, quæ in tuis literis plenissima amoris atq; officij sunt, iccirco à me prætereuntur, vt ne videar aut meis nimium oblectari laudibus aut tuas blandius sapiusq; commemorare, quàm ingenuitas amicitia, et nostra firma iam atque constans necessitudo postulat. Illud habeto, tantum tibi tribui à me, quātum & doctissimo homini, & in officijs omnibus constantissimo, ab homine item officij doctrinaq; studioso & peramanto debeat. Cuius mei de te iudicij nunquā me profectò peni-

pœnitebit. Vale. Scriptis his literis, venit mihi in mentem requirere ex te, eequem tu forte isthic haberes liberalibus institutum artibus, qui & Latinis et Græcis docendis literis idoneus esset, idq, ipse profitetur munus. Similem enim quempiã ego nactus, libeter eũ huc sat bona (vt opinor) conditione accerserem: quodd civitas hac nostra publico id, vti fieret, decrevit consilio. Vellem autẽ eum maximẽ, qui in Ciceronianis scriptis exercitatus esset, atq, eruditus. Hac in re si quid est mihi quod præstare, & ciuibus in eo meis prodesse possis: peto à te, vt ne grauerẽ suscipere aliquã curã, et te in eam cogitationẽ conferre. Certẽ enim si assequemur quod cupimus, magno nos oēs abs te affectos esse beneficio sumus arbitraturi. Iterum vale. Carpentora cti.

IAC. SADOLETVS EPISC.

Carpent. Gulielmo Bellaio Langæo

S. P. D.

Cum hosce plures iam menses vehementer de te & de tua salute sollicitus fuissẽ, q, ignorãs vbinam esses, te in illis Italia fluctibus etiam nunc versari arbitrabar: summam repentẽ accepi latitiam ex optato nũc tui aduentu, qui ex aula Regis nuper huc profectus, saluum ac valentẽ te sibi visum esse cõfirmavit. Quod si ita est, (vt ego spero & opto) cũ mihi ipsi gratulor, tum ago Deo immortalĩ gratias. Facit enim incredibilis ille amor, quo te iam pridem sum complexus, vt nihil mihi abs te neq, secundarum, neque aduersarum rerum, esse seiunctum possit. Quanquam quas tu secũdas tibi esse res putes nescio, præter Regis tui gloriam  
atque

atq; amplitudinem. Vidi enim te in maximis illis misere Italia turbinibus ac procellis, non ferentem modò omnibus labores, & omnia pericula constanter, ac fortiter: sed adeuntem etiam vltro, & plenè exposcentem pro tui Regis dignitate atq; gloria, vsq; eò quidem, vt nemo secundis suis rebus tã iucundè ad còmodum et vtilitatem suam perfruatur, quàm tu in turbulentis & asperis alacri animo versabare, quò fidei tuæ officioq; satisfaceres. Quod etsi iure ac merito pro tanti honore Regis faciebas, tamè rarū nos in te, propeq; inauditum fidei ac virtutis exemplum conspicientes mirabamur. Nunc aut si in portum peruectus es, instituiſtiq; commorari inter tuos, et ea artium optimarum studia quibus à pueritia mirificè fuisse deditus, in aliquo orio recolere: nuncio tibi me futurum socium eiusdem et voluntatis, & iudicij. Dedi enim me penitus & dicari literis: neq; aliud quippiã iã cogito dies noctesq;, quàm quemadmodum possim veram & dignam Christiano homine immortalitatem consequi: cuius rei iudicium, & fructum etiam aliquem, velut otij mei primitias, celeriter, vt spero, in manibus es habiturus. Sed non audeo scribere de his nūc pluribus, donec sciero, vbi tu sis, quid agas, ecquam mei absentis memoriam beneuolentiamq; conserues. Quod vt facias, mihiq; aliquando aliquid de tuis rebus scribas, te vehementer etiam atq; etiam rogo: imprimisq; tibi vt persuadeas, nullum vnquam tempus fore, quo tuorum meritorum erga me, et nostræ mutue insignisq; beneuolentiæ, memoria moriatur. Vale. Carpent. XV. Cal. Martij, M. D. XXXVIII



**N**on puto te mei oblitū esse, id enim humanitas tua mihi perspecta & cognita, & mea constans erga te voluntas suspicari vetat. Cum enim ego tantum te diligam, quantā literis exprimere non possum, q̄ meus in te amor omnem verborū vim, & orationis copiā longè vincit: non duco posse hoc accidere in natura ingenua, & liberali, cuiusmodi tua est, v̄t posteriores in amando ferre partes velis. Quamobrem certus sum me tibi esse cordi, quāadmodum quidem antea semper fui. Quòd aut̄ laceſitus à me toties per literas, nullas mihi adhuc rescripseris, id occupationibus tuis totum attribuo: etsi vel versiculis abs te duobus, vt aliās tibi scripsi, poteram esse contentus: qui mihi amanti, cupienti, de te multum cogitanti, maximi muneris loco accidissent. Siquidem in illis imaginem & animi, & amoris erga me tui, cōplecti et osculari mihi licuisset. Sed quādo iā praterijt, adest noua occasio, qua nauare mihi beneuolentiā tuam possis. Paulus Sadolet. fratris mei filius, is qui tibi has literas reddidit, adolescens est apprime institutus artibus honestissimis, à meq̄, in filij loco diligitur. Is iam pridem flagrans cupiditate visendæ Aule Regiæ, & ipsius Regis salutandi venerandiq̄, tā suuo, quā meo nomine, hoc tempore à me potissimum dimissus est: quo mea quoq̄, intererat, aliqua perferri ad Regem meis verbis: ex quibus ille pluribus suis beneficijis in me iam collatis, animum meum erga se & in memo-

rem



rem et gratum cognoscere posset. Etenim iam dudū ve  
reor mi Langæ, ne me rusticum hominē iā quendā, &  
parum vrbānum esse existimetis, qui officium iustum  
mehercule & debitum, ad vos isthuc veniendi, et corā  
memet Regi offerendi tādū distulerim. Sed eius me mei  
facti oppidō quā puderet, si aliqua in me resideret cul-  
pa, ac non totum hoc crimen fortuna sustineret. Quib.  
aut de causis vsq; adhuc retardatus sim, & quid potissi-  
mū velim in hoc tempore, cuncta ex ipso Paulo cogno-  
sces. Quem peto à te Langæ mi suauissime, teq; ma-  
gnopere rogo, vt omni tua humanitate, tua inquā illa  
præstante atq; egregia, cōplectare. Nihil mihi omnino  
facere gratius potes, quā si in hoc adolescente quan-  
ti tu me facias, & quid mea causa cupias, ostenderis. Is  
à me habuit in mandatis, vt nihil omnino ageret, nisi  
de consilio tuo. Quamobrem eum totum suscipias opor-  
tet: et non solum illi introductor, sed monstrator etiam  
sis, & monitor, quomodo, & quando, aut ad Regem a-  
dire, aut reliquas eum res agere & tractare conueni-  
at. Hoc cū mihi feceris (vt dixi) gratissimum: tum  
tu virtuti & humanitati tuæ seruiers, quemadmodū  
quidem solitus es: ipsumq; adolescentem dignum & fi-  
de et beneuolentia tua etiam experire. Nos hīc de nup-  
tīs tuis nescio quid audiuius, easq; plenissimas digni-  
tatis esse intelleximus. Id si ita est, quod quidem cupio  
esse, tibi eam rem feliciter & prospere euenire opto: ac  
Deum quaeso, vt eos ex te gignat liberos, qui tibi & vo-  
luptati, & generi tuo sempiternæ laudi esse possint. Va-  
le mi Langæ, & me vt soles dilige. Carpentor acti.

IAC. SADOLETVS EPISC. CARP.

Pino Riuenſi Epifcopo S. P. D.

**D**iu eſt, quòd nihil ad te dedi literarum: non obliuiſ-  
 ne amicitie noſtræ, ſed quod cùm nihil haberem q̃  
 ſcriberem tua lectione dignũ, nullas volui potius, quàm  
 inanes eſſe meas literas. Nunc verò cùm ſe mihi occa-  
 ſio, & propè dicam neceſſitas quædam obtulerit ſcriben-  
 di ad te, libenter hac oportunitate ſum uſus. Etenim  
 quibus in rebus egere mihi videor cùm eruditi hominis  
 doctrina, tum amici fide, tu mihi ſtatim occurris ad v-  
 trunq; aptus, cuius iudicium & integritas à me maxi-  
 mi æſtimetur. His diebus abſolueram commentarium  
 in Pſalmum XC. ſanè maximo cum labore atque cura,  
 quod mihi ſerè ſcribenti ſemper accidit, vt propter te-  
 nuitatem ingenij omnia difficillima eſſe videantur. Eũ  
 librum cùm cuperem communicare tecum, & cum ali-  
 quot viris doctis, vt quàm maximè emendatus in ma-  
 nus hominum exiret, difficultate librariorum fui retar-  
 datus, quorum eſt incredibilis in his locis inopia. Itaque  
 ad impreſſores me neceſſariò contuli, ne nunquam quic-  
 quam ederem quod laude dignum eſſe poſſet Nam cùm  
 non inſiſtendum mihi in hoc vno opere ſit, ſed ad alia,  
 Deo bene iuuante, progredièdum: viſum eſt fore vtile  
 mature intelligere, quid quiſq; in hac lucubratione mea  
 prima ex me requirat, vt ex his, in quibus iure nunc re-  
 prehendar, in alijs poſthac cautior & ſapientior ſiam.  
 Hac ſpe & fiducia libello exitum permiſi, eumq; eueſti-  
 gio miſi ad te: vt ſiue tibi probaretur, ſingularem ani-  
 mi lætitiã ex hominis doctiſſimi, atq; amiciſſimi ap-  
 proba-

probatione acciperem: siue minus probaretur, tua castigatione & monitis in posterum fierem melior. Quorum utrumuis ita mihi gratum futurum est, ut utrum malim nesciam. Vtile est reprehendi, cum erres: Iucundum laudari, praesertim à laudato viro. Sed si hi sumus, qui esse debemus, hoc est veri rectique cultores, potior esse debet voluptate utilitas. Quamobrem à te peto, idque maiorem in modum, ut cum hac nostra leges, reperiesque aliquid quod tibi non satis probetur, sensumque acris iudicii tui aliqua in re offendant, ne parcas monere & reprehendere me, fidemque amicitiae, quam à te sanctissime seruari non dubito, in hac re mihi potissimum praestes. Ut enim dico, si minus in hoc volumine, quod iam editum est, at in alijs ad quae ego me paro, plurimum mihi & tua eruditio proderit, & autoritas. Tibi equidem hoc confirmo, me in hac scriptura & lucubratione mea, non tam meam spectasse laudem, quam eorum utilitatem, qui legent: si forte in hac tanta vitiorum ubertate, quibus hodie terrarum orbis laborat, aliquid ferre opis possum labenti iam, & graviter affecta religioni Christiana. Quod optatum etsi maius multo est, quam ut conueniat meis viribus: per quos tamen vult, omnia quaecumque vult, & potest, & potuit semper omnipotens Deus: qui à pecore pascendo, & à sycomoro, reges populo suo & prophetas accersuit. Cuius nos honori, & nomini toto animo inseruientes, satis habituri sumus, si cui inter legendum nostra, aut Dei ipsius omnia intuentis timor solito maior, aut acrius desiderium rectè faciendi incesse-rit. Sed de his satis. Tu ut

me diligas, tibiq; persuadeas, te à me & coli summo pere, & amari, magnopere à te peto. Vale. Carpentorati, Calend. Martij, M.D.XXX.

IAC. SADOLETUS EPISC. CARP.

Aug. Grimaldo Episc. Grassæ S. P. D.

**O**mnibus in rebus tuus amor erga me semetipsum ostendit: quod etsi mihi est peroptatū, re & factis sapius apparere quantopere tu me diligas: tamē quod tibi nihil adhuc possum reddere præter benevolentiam, & memorem pro tuis iam pluribus officijs erga me voluntatem: aliqua cura afficior, ne cui indignus talis viri tanto erga me studio esse videar. Quod ego à te peto, ut ne ita credere animum inducas. Crebrior tibi, & felicior data est occasio bene merendi de me, & propter amplitudinem potestatis, & propter excellentiam virtutis. In quo verò & fides agitur, & officium, & fidelis amicitie firma coniunctio, mori milles malim, quàm quoquā in eo esse inferior. Sed quorsum ista? Paulus fratris filius, quem ego mihi pro filio duco, nuper reuersus ad nos, mihi narravit, quo pacto fuerit acceptus à te: ut non solum amorem, quo me prosequeris, sed humanitatem etiam, et liberalitatem tuā, quæ summa est, totam effuderis in eū: aliquotq; locis ea de me presentibus audientibusq; compluribus dixeris, ex quibus perspicuè pateret, & quantum me amares, & quā amicè de me atq; honorificè non sentiret ipse solū, sed et alios etiam velles sentire atq; existimare. Hac tua recentia officia: quæ alijs iā pluribus accumulata sunt, si obliuisci aut dissimulare velim, ingratus & nefarius: si ver-

si verbis compensare, in epus sine existimier. Sed in re difficili ad capiendum consilium & dubia, malui tamē scribere ad te aliquid, & gratias tibi agere, quā omnino me videri mutum. Eas igitur tibi et ago & habeo quā maximas, habiturusq; sum semper, donec vita superabo mea. Et quoniam alia mihi non est de te bene promerendi facultas: illud quod sperare nonnihil posse mihi videor, si hoc ocium quo nunc fruor, Deus mihi fortunabit, tibi polliceor, me omnem operam daturū, vt & tuæ eximie virtutis, & mea erga te summæ bene uolentia ac voluntatis, aliquod non obscurum iudiciū prodatur posteritati. Sed & hoc parum est, & tu multo maioribus es dignus. Nos tamen id quod possumus libenter præstabimus, in quo animus tibi noster, non res ipsa est spectanda. Vale, & nos amare ne desine: tibiq; persuade viciſſim, te à me non amari solum, sed mirabiliter etiam obseruari, & coli. Carp. XV. Calen. Octobris M.D.XXIX.

IAC. SADOLETI EPISC.  
CARPENTORACTI EPISTO-  
LARVM LIBER V.

IAC. SADOLETVS EPISC. CARP.

Ioan. Saluiato S.R.E. Cardinali, S.P.D.

**C**Ognoui ex literis meorum, id quod mihi magna voluptati fuit, te saluum ad urbem, & ad Pontificem Max. reuertisse: atq; vti nā vt virtus tua mihi planè perspecta & probata semper fuit, sic habeat lo-

cum his duris temporibus, quo Reip. & ecclesiastica auctoritati possit esse adiumento. Quod tamen confido fore, fretus prudentia tua, & optimi Pontificis sapientia atq; consilio. Ego cum tu etiamnum in Gallia esses, memoria teneo, me tibi scripsisse, excudi à me nescio quid in sacris literis: q̃ simulac absoluissem, cōtinuè tibi missurus essem. Id nunc mitto, commentarios videlicet in psalmū XCIII. aliquanto serius, quàm volebam: quod expectatio mea quoad scirem vbinam locorum cōstitisses, studium mittendi meū retardauit. Nā quin tibi in omni laude doctrinae ac literarum plurimum tribuā, ne tu quidē dubitare quicquam potes. Nosti enim iam diu animum meum erga te, & perpetuum iudicium, quod ego cū de ingenio tuo, tum de praestantissimis virtutibus, omniq; tua integritate & modestia semper feci. Quae hoc maiora ornamenta putanda sunt, quod rariora in hoc tempore cernuntur. Itaq; gratū quidē mihi fuerit tibi probari lucubrationem meam, si tamen probanda sit. Verū illud quoq; gratius, me abs te admoneri, si quid inerit quod reprehensione dignum esse videatur. Tendenti enim mihi ad similia alia, admonitio tua praecepti in posterum, & doctrinae apud me locum obtinebit. Sed de hoc satis. Reliquum est, quod ego nescio quamobrem hasitem petere à te, cum à tali viro, eodemq; patrono ac defensore tum meo, tum meorum omnium, si qua opus sunt, audacter postulanda sint: neq; tamen (vt ego arbitror) mea modestiae in petendū fines transiliam. Habeo sororis filium de tuo Ferrariensi populo, Paulum Sacratum, bene ac liberaliter edu-

eductum, optimisq<sup>3</sup> institutum & moribus, & literis: qui mihi cordi vehementer est, & propter necessitatē sanguinis, & multò magis, quòd ex indole bona virtutis ac ingenij spem de se maximam omnib. nobis assert. Is ecclesiasticam sectam secutus, dedit in sacrā militiam nomen, & à me iampridem sacerdotio quodā donatus fuit. Verum pater eius Ioan. Baptista, cuius tibi virtus, pudor, integritas, nota est, tam multorum liberorum onere premitur, ut nequaquā id illi subsidij satis sit. Quare cum ipsius Pauli egregia indoles, & optimarum artium ac literarum studium, tū domus illius ac familiæ nobilitas digna est, quā tu tua humanitate ac liberalitate cōplectaris. Feceris igitur rem tua virtute vehementer dignam, si sacerdotio alio quodam in ipsius patria illi deferendo eum iuueris, quò & studiosius colere bonas artes, & patris fratrumq<sup>3</sup> onera, quæ multa & magna sunt, queat subleuare. Quod ego à tua amplitudine vt efficiat summopere cōtēdo atq<sup>3</sup> imprimis, si tibi videatur, vt eum in illius Ferrariensis ecclesiæ canonicorum, quos vocant, collegium ascribas. Erit hoc mihi ex multis tuæ erga me beneuolentiæ indicijis maximè gratum, prorsusq<sup>3</sup> honorificum. Tu verò cum illam familiam honestaris, in bonoq<sup>3</sup> statu collocaueris: tum egregiam illam, quæ de te est, et de tua singulari sapientia ac religione, confirmaris opinione: tanquā sic statuas, sacerdotia, non ad temeritatē & arbitrium efflagitantū, sed ad ornandos homines idoneos, & ad bonorum mentes studio virtutis ac doctrinæ accēdendas, dispensari oportere. Ego si hoc ( vt spe-



ro) impetraro, maximo me abs te affectu beneficio, & perpetua debitione gratie tibi deuinctum esse arbitror. Vale mi Patrone, et patre tuum charissimum virum meis verbis saluere iube quam plurimum. Carpent.

IAC. SADO LETVS EPISC. CARpent. Ioan. Saluiato Cardinali, S.P.D.

**S**Aepius mihi iam contigit, vt ad te scribere, aliquos tibi commendans: quod & dudum in sororis meae filio feci, cum petij abs te, vt quoad commodum tuo fieri posset, aliquo eum sacerdotio in patria sua honestares. Et proximè his literis, quib. commendauit tibi causam meorum populorum, quorum est mihi salus, & mea fidei potissimum ab Deo credita. Sed verè hoc liquar, tuum in me studium, et prestans in omni genere humanitas, longè vicit expectationem meam. Sic enim ex eorum literis intelligo, nullum tibi dari locum declarandi amoris tui erga me, quin id ita apertè prolixèq; efficias, vt facile appareat, tibi esse cordi & voluntatem, & commendationem meam. De quo gratias tibi ago quantas possum maximas, atq; vtinam referre possem: eundem me re ipsa esse erga te experirere, quem oratione pra me fero. Sed crede mihi, si amor, si cultus, si obseruantia, si tuarum plurimarum, earundemq; praestantissimarum virtutum praedicatio, aliquam partem obtinet referenda gratiae, te nullum meum officium desideraturum, quod proficisci ab homine gratissimo possit: daturumq; me operam, quantum in me erit, vt quae tua sit integritas, quod ingenium quae virtus, & in conseruandis ac tuendis clientelis, etiam absentium, &

veterum amitorum fides, non praesens solum atas, sed etiam futura intelligat. Non enim parua laus, sed meo quidem iudicio omnium prope maxima: homini potenti, & maximis opibus pradito, charam praecipue esse & humanitatem in omni agenda vita, & in tuendis amicitijs fidem atq; hoc maior, quò rarior. Verum haëtenus de his: vberiore enim ea orationem desiderant. Quod ad sororis filium attinet, accipio excusationem tuam, & in seruandis promissis virtutem animi, constantiamq; collaudo. Cum autem poteris, cum erit tibi commodum, tunc de eo cogitabis. si voles, & si tibi pro liberalitate tua, amplectenda probitas adolescentis, & ad optimas artes ad quas propensa est, adiuuanda esse videbitur. De meis quidem populis te rogo atq; obtestor, vt cogitationem aliquam suscipias. Incredibile dictu est, quantopere eos diligam: in quo mihi ab illis refertur gratia. Non enim suam penè salutem mea ipsi salute habent chariorem. Sed tamen multis iam dudum incòmodis affecti, & inter nationes exteras quasi exemplum quoddam praeserentes, quid sit sub aequitate & ditione Romanae ecclesiae viuere: digni sunt, quibus maiore cum indulgentia imperetur. Itaq; ego nec tot procuratorum ac iudicum missionē, nec minas formidinesq; probo, quibus hominum mentes à uoluntate obtemperandi potius abducuntur. Ecclesiastica mansuetudine agendum cum illis est: id quod etiam magis puto profuturum. De quo si tibi videbitur, vt cum summo Pontifice loquare, aliquidq; ad me quàm primum rescribendum cures, magnopere à te peto. De meo ad  
urbem

urbem reditu, quem tu iampridem exoptare videris, agnosco equidem beneuolentiam tuam. Veruntamen confirmo tibi, si quis vspiam est, quem sui status minimè peniteat, me eum esse. Nullam enim rem possum optare de eis rebus, quæ ad sedandum animum pertineant quam non mihi penè vltro diuina bonitas obtulerit. Absunt opes à me, & eximij illi honores, & concursus hominum negotiorumq; : quibus ego in rebus nullam nuquam partem beatæ vitæ repositam esse putavi. At multa adsunt, quæ ego statuo esse potiora: pax animi & tranquillitas, & mens mediocribus contenta rebus, tum amor cūctorum qui circum me sunt: imprimis verò studiorum, & literarum voluptas, ac delectatio: quæ & maxima est, & latam & rectam ad immortalitatem munit viam. Deniq; si mihi vitæ ratio esset ex omnibus vna eligenda, ea quæ maxime faceret ad fœlicitatem: non videor aliam fuisse electurus, quam hanc quæ mihi singulari Dei beneficio nec opinanti tributa est. Quamobrem redeundi istuc quidem meum nullū consilium est. Sed mens certè et voluntas summo pōtifi ci & Sanctæ istius sedis honori & autoritate vehementer dedita, tuiq; imprimis peramās: quem ego patrēq; vna tuū virum clarissimū, atq; vniuersam familiā uestram, omni semper studio & obseruantia sum profectus. Quæ in sententia etiam quoad viuam permanebo: nec vllō vnquam loco, aut sedes à me apostolica boni episcopi, aut vos amicissimi ac beneuolentissimi hominis officium requiritis. Vale. VI. Calend. Martias M.D.XXXI.

## IAC. SADOL. EPISC. CARP.

Iohanni Saluiato Cardinali S.P.D.

*Um in omnibus dictis factisq̃, quæ tu pro me vn-*  
**C***quam, aut mecum egisti: tum verè in his præcipuè*  
*literis, quas proximè accepi à te, omnis tua humanitas*  
*patefacta mihi est, plena amicissima erga me volunta*  
*tis. Nam & comprobatio tua mei de Paulo iudicij, ve-*  
*hementer grata mihi extitit. Et quod tu ex in amore*  
*tuum, & in familiaritatem tam libenter receperis, id*  
*quoq̃, intelligo meo amori te fuisse datum. Quāquam*  
*meum quidem de eo testimonium, illius actionibus, in-*  
*genio, modestia, apud te confirmatum esse summe gau*  
*deo. Certè enim aut nemo est, aut omnino perpauci,*  
*quibus meas actiones atq̃, consilia, æquè ac tibi proba-*  
*ta esse cupiam: quem ego & propter insignem pruden*  
*tiam, ac integritatem, omni honore cultuq̃: & pro-*  
*pter enimum eximium erga me incredibili quadam be*  
*neuolentia prosequor, atq̃, complector. Quod autem*  
*scribis gratum tibi à me fieri, quod nomen tuum meis*  
*scriptis concelebrare sim aggressus: non est de eo cur*  
*mihi gratiam debeas. Ego enim id reputās quod verū*  
*est, ex tuo nomine & commemoratione clarissimi atq̃,*  
*ornatissimi viri, omniq̃, virtute præstantissimi, non pa-*  
*rum luminis in mea scripta deriuatum: suscepi negoti-*  
*um non tam tui (non enim virtus tua eget testibus) quā*  
*mei honoris causa: atq̃, vt literæ meæ, quæ sua sponte*  
*obsoletiores sunt, tuæ & autoritatis, & laudis gloria*  
*illustrarentur. Nec me tamen oblitum existimes velim*  
*eius orationis, quā habui tecum, cum tu apud nos Car-*  
*pen-*

pentoracti esses. Non enim si in alio argumento nunc versor, illud propterea abieci, quod tibi ostenderā me suscepturum esse. Sed cum & difficilius illud opus, & longioris multo temporis existeret, nostra autem festinatio amoris mei erga te aliquo indicio tibi declarandi moram tantam non ferret: ad id elucubrandum me cōverti, q̄ videbatur maturè confici posse. A quo tamen ipso & hyemis asperitate, & tenuitate mea valetudinis aliquandiu sum retardatus. Sed repetā cursum, ut opinor: hocq̄, acrius instabo & connitari, quod maior mea cupiditas perficiendi facta est. Tua in mea sororis filium propensa beneficaq̄, voluntas gratissima mihi est: eaq̄, cumulum affert tuis erga me meritis, quibus iam plurimis tibi sum obstrictus. Ego tuis literis serius respondi, quod cum te Neapolim profectum esse constaret, de reditu tuo ad urbem nihil ante hoc tempus audieramus. Vale. IIII. Cal. Aprilis, M.D.XXXVI.

## IAC. SADO LETVS EPISC.

Carpent. Alberto Pio Carporum

Principi, S. P. D.

**N**ollem te existimare, aut negligētia fieri mea, aut obliuione nostrae veteris amicitiae, ut raras ad te dem literas: non enim ea causa est. Sed tui saepenumero summa cum beneuolentia memoriam recolens, habeo tamen & temporis, et valetudinis tuae rationem. Nam & duriores adhuc res tuae, quam tua virtus & dignitas postulabat, me saepe conantem scribere retardarūt: nō habentem praesertim opis atq̄, auxilij aliquid, quod tibi possem afferre. Et inualetudo tua ita mihi molesta est,

est, ut non tu interdū corpore grauius affecto sis, quàm ego tua causa perturbato sim animo. Quod cū communis humanitatis est, aliorum incommodis commoueri: tum verò beneuolentiæ proprium, æquè ac suis. Sed te quānuis iactatū fortune iniuria, & valetudinis imbecillitate laborantem, tua tamen grauitas sapientiæq; consolatur. Etenim multa tibi in te ipso praesidia sunt aduersus taleis casus comparata, literarum, ingenij, philosophiæ, atq; in omni genere rerum agendarū, consiliorumq; & capiendorum & dandorum prudentiæ, summæq; autoritatis. Quibus rebus fit, ut tu in aduersis multo maior appareas, quàm in secundis hi, qui existimationem bonam ab hominib. nec dignitate mereri, nec per virtutē consequi potuerunt. Accidit, quod isti omnium maximo & præstantissimo Regi confido magnæ curæ esse quietem et tranquillitatem tuam: qui ut liberalis ac benefici erga omnes, sic grati aduersus de se bene meritos summam iamdudū laudē obtinet. Sed ut hæc tibi possūt esse solatio, quæ à me dicta sunt, etsi quæ alia sunt huiusmodi ad firmandū animum apta atq; accommodata, sic te experiri non dubito, id quod ego quoq; facio, in cunctis casibus humanis, maximum et certissimum perfugium esse Deum. In quo qui rationes & spes suas collocant, hi placatam in omni fortuna, & letam præcipuè degunt vitam. Equidem quod ad me attinet, cū ipse quoque fuerim multis (ut tute scis) fortune iniurijs incommodisq; affectus: patrioq; relicto solo, in alias & pene ignotas regiones me contulerim: tamen hoc tuo solatio semper maximè sustentatus

tatum sum, quod Deo certo reputans nostra cura esse, cetera ferenda omnia fortiter & patienter duxi. Quā quidem rationem & persuasionem meam (si tamē persuasio, ac non certissima potius sciētia appellanda est) ut ne sola cogitatione, sed scriptis etiam & literis vsurparem: confeci his mensibus commentarium quendam in Psalmū XCIII. sanē quā laboriosē, quē enim me am tentius est ingenium, hoc mihi maior in scribendo cura ac diligentia adhibenda est. Sed cum viderer in Psalmo illo multa perspicere lumina iustitiae & prouidentiae summi Dei: et aetatem aut nostram intuerer (dubitatione credo, et quasi diffidentia rerum diuinarum) in tanta & scelerū & haesum, ac propterea etiam calamitatem velut tempestate iactari: suscepi negotium ut quoad possem Deo adiuuante, aliqua de ipsius altissimis consilijs explicarem: per quae & veritas magis hominibus illucesceret: & qui iam aberrassent à via recta ad iter, si vellent, tutum conuerterentur. Qui meus labor, quid alijs profuturus sit, ignoro: me quidem certē non parum consolatus est, valdeq; confirmavit. Tibi verò ipsi quanquam domi tuae ista iā trita sunt, vel vberiora etiam, & praestantiora multo, quā tu in tuis habes doctrinae & sapientientiae thesauris recondita, tamē vnum volumen pro amicitia duxi esse mittendu: ut si fortē tu alijs curis impeditus, minus haec ipsa cogitare in praesentia posses, mea sedulitate facilius admonerere. Sin hoc nihil fuisset necesse, ego tamen fungerer officio amicissimi ac beneuolentissimi: neue scribere quicquam talium rerum, quod non ad tuum arbitriū iudiciumq;



*ciumq;* deferrem. Vale, & nos tui amantiſſimos dilige  
XV. Calend. Auguſti, M. D. XXX.

IAC. SADOL. EPISC. CARPENT.

Rodolpho Pio Epiſc. Fauentię S. P. D.

**P**ost acceptas literas tuas, quas vna cum indice libro-  
rum tuorum iamdudum ad me miſiſti, cū me ad re-  
ſpondendum pararem, gratiasq; tibi agere inſtitue-  
rem, quod laboris tantum mea cauſa ſuſcepiffes: factus  
interim ſum literis amicorum certior, legationem tibi  
in Galliam decretam, teq; primo quoque tempore iti-  
neris faciendi cauſa Roma exiturum eſſe. Quæ res me  
tenuit, quò minus ad te tunc darem literas, veritus ſcili-  
cet, ne, ſi ad urbem miſiſſem, te minimè ibi conuento,  
meus irritus labor & inanis diligentia exiſteret. Nunc  
cum arbitror, te (non enim certi quicquam poſtea hac  
de te cognoui) iam eo perueniſſe quò fueris miſſus:  
eaque munera apud Regem obire, qua tibi mandata  
ſint: non exiſtimaui hoc à me officium iuſtum ſanè &  
debitum differendum amplius eſſe, quin & ſcriberem  
ad te, & tibi agerem pro tuo ſingulari erga me ſtudio  
gratias. Eſt enim tua in me beneuolentia cum alijs ſa-  
pe locis atq; temporibus, tum verò in hac cura & cogi-  
tatione copioſiſſimi indicis mittendi mihi planè perſpe-  
cta: cum ea præſertim illud quoq; indicet, nihil in tua  
inſigni bibliotheca ſic tibi ſepoſitum eſſe, quod non idē  
mihi commune eſſe velis. Atque ego quidē hoc animo  
ſum, vt liberalius mecum agi arbitrer, ſi quis mecum li-  
bros ſuos, quam ſi diuitias communicet, quanto ſcilicet  
doctrina & ſapientia, quàm auri præſtantiôr & præ-  
cioſior

ciosior est possessio. Itaq; nullo maiore beneficio cuiquā homini possum esse obstrictus. Cuius quando mihi copia & facultas abs te parata est, utar equidem ea cum fuerit commodum, & cum tu ad tuos reuersus fueris. Interea autem quod mea gratissima naturæ memorisq; voluntatis propriū est, & gratias tibi ago, & me eo nomine non mediocriter tibi deuinctum cōfiteor: huiusq; mea erga te voluntatis declaranda, si res tēpusq; tulerit, occasionem utiq; non prættermittam. Et quoniam niam qua cœpisti erga me liberalitate, eadem agere uti pergas, cum mea spes de te, tum tua imprimis virtus et constantia postulat: peto à te pro nostra amicitia, si in Regia es, inq; illis negotijs iam versaris: cum mihi ibidem agenda res quædam sit, ad ius ecclesiæ meæ magno pere pertinens: hominē mihi ut comperias & exercitatum, & fidelē, qui tibi notus aut familiaris etiam sit, et cui ego meum negotium cōmittere tutò possim. Nam quominus dedita opera hinc aliquem mittā, rei domesticæ angustijs sanè prohibeor: & tamen confido, tua auctoritate & gratia, quod cupiam, a quē cōmodē hoc modo posse consequi. Quod ut facias, mihiq; aliquid de eo rescribas, magnopere te, omniq; animi studio rogo atq; oro. Vale. Frid. Idus April. M. D. XXXV.

IAC. S ADOL. EPISC. CARP.

Francilco Guicciardino. S. P. D.

**E**tsi ego te semper antea amaui, tuamq; industriam, consilium, animi virtutem plurimi feci: tamen cū modo venisset ad me Alfonso Sadoletus frater, multaq; mihi de te narrauisset, quæ insignem tuam quandā

erga

erga praesentem eum, meq<sup>3</sup> absentem benevolentiam, tum autem optimum in nostram omnem familiam animum declarabant. Crede mihi, amore eo quo te pridē diligebam, vehementius etiam sum inflammatus, magnaq<sup>3</sup> mea opinioni accessio de te facta est: quod perspexi fidem amicitiae, quae inter praesentes quoq<sup>3</sup> raro admodum colitur, eam à te erga absentes sanctissime conservari: quo genere laudis vix vllum meo iudicio reperiri maius potest. Atq<sup>3</sup> ego, qui cum aderam istic, vivebamq<sup>3</sup> vobiscum, tuoq<sup>3</sup> interdum aspectu & sermonibus perfruebar, sauebā tibi maiorem in modum, magnisq<sup>3</sup> gerendis rebus hominem te imprimis idoneum esse arbitrabar: nunc altero hoc tuae virtutis & humanitatis praclaro testimonio confirmatus, habeo iam nō quae laudem in te solum, ac diligam, verum etiā magis quae admirer: quāto scilicet maiore admiratione digna virtus ea est, quae prudentium bonorumq<sup>3</sup> iudicio, quā popularibus laudibus expenditur. Quod si in eisdem locis, eisdemq<sup>3</sup> in negotijs, quod ferē antea faciebamus, versari virumq<sup>3</sup> nostrum contingeret: declararem tibi profecto benevolentiam meam: omnibusq<sup>3</sup> meis dictis factisq<sup>3</sup> ostenderem, quā mihi chara esset & necessitudo nostra, & dignitas atq<sup>3</sup> amplitudo tua: nulumq<sup>3</sup> à me officium nec fidelissimi amici, nec coniunctissimi hominis desiderares. Sed quoniā longē absūm, magnisq<sup>3</sup> locorū interuallis distracti inter nos sumus: cetera quidem amicitiae officia tibi ex me prompta esse non possunt, quae coram praestari solita sunt, & expectari. Illud vnum vero, quod vel praeipuum est, &

reliquorum omnium longè primū, à me certè non decrit: quo tuum semper nomen in intimis sensib. geram, conseruemq; memoriam tui, et te colam beneuolentia sempiterna. Etenim cetera, amoris signa, & indicia quaedā sunt: hic est ipse propriè amor, qui ea fide & veritate tibi à me prestabitur: ut nunquam tu, quæ in me atq; meos studia contulisti, ea tanquam in indignos collata, sis reprehensurus. Ego tanquam procul absum à vestris grauiorib. istis actionibus atq; curis, quæ sonitum, atq; turbam, et pompam quandam præ se ferunt: habeo tamen & ipse hic quoq; delectationes meas, quibus tranquillo animo mirificè fruor: quod assiduus sum in studijs artium optimarum, & præclarissimarū: quæ me tanta iucunditate afficiunt, vt nihil omnino solitudinis neq; molestiarum ad animum meum sinant introire. Quam ego vitam etiam si minus illustrem, aliquanto tamen beatiorē esse iudico. Sed de hīs aliās. Reliquum est, vti te rogem, vt quam iam pridem erga me suscepisti, in eadem perpetuò maneas voluntate: meosq; tueri tua beneuolentia non desinas. Vale. Carpent. XIII. Calend. Aprilis, M.D.XXXIII.

IAC. SADOL. EPISC. CARP. PAV-  
lo Iouio episcopo Nuceriæ S. P. D.

**E**t si mihi dubium nunquā fuit, quin abs te summo pere diligerer: tamen & literæ tuæ plenissimæ amoris atque officij, & ea quæ tuis verbis Polus ad me detulit, quæq; ipse præterea commemorauit de te, planius mihi ostenderunt, tibi esse cordi & quietem & dignitatem meam: atque ea quæ quotidianis ex lucubrati-  
tioni-

tionibus à me proficiſcantur, pluris à te eſtimari propter amorem, quàm fortàſſe digna ſint. Quam ego tuam erga me volūtatem, ne viuam mi Paule, niſi omnium rerum habeo chariſſimā. Nam cū tu ſingulari doctrina, virtute, eloquentia præditus, is vir ſis, vt tuum de quoque iudicium maximi fieri debeat: tum verò incredibilis illa comitas, et quadam rara iucūditas, quæ tibi à natura data atq; inſita eſt, facit vt nihil te fieri poſſit amabilius. Ex quo facile poteſt eſtimari, quantum ego mihi ornamentum in tua amicitia eſſe conſtituam: cū & propter ingenij ac doctrinæ præſtantiā, me ornare, & propter humanitatem ſuauiſſimamq; natura delectare etiā poſſis: non nolis autem vtrunq; cuius quidem tui animi erga me plura habeo indicia ac teſtimonia. Sed accidit præteritis temporibus, vt cū & tu meam conſuetudinem appeteres, & ego tua eſſem ſitientiſſimus, potentioribus tamen concedere fuerit neceſſe, qui te totam ſibi arripuerunt: cū tamē inter nos ſalua ſemper manſerit amicitie coniunctio. Non enim ego vnq̃ permiſi, neq; permiſſurus ſum, vt tu in amore me vincas. Multa me adducūt, vt neminē te pluris faciā, paucos pari atq; te beneuolentia proſequar. Sed eo nihil eſt ad meum vinciendum animum arctius, quòd me à te amari intelligo. Eius rei duo ſigna habeo certiſſima: vnum, quòd locorum diſiunctio non imminuit beneuolentiā: alterum, quòd me tuis quotidie ſcriptis condecoras. Quæ ſi hoc ſolū aſſerrent, vt reſtificarentur te de me ſapientiſſimè cogitare, ferreus nimirum eſſem, niſi te amare efflictim, ferremq; aſidue in oculis.

Cum verò scripta tua eiusmodi sint, vt immortalitatem mihi polliceantur: quid aut tuo hoc in me officio maius, aut mea in te beneuolentia debet esse flagrantius? quàm ostendam equidem tibi aliqua in re, mihi crede: & si defuerint cetera, eodem te genere remunerabor: euentu fortasse impari, pari certè studio ac voluntate. Itaq; & alia tantisper studia intermittam, sicuti tu mihi suades, et ad philosophiam me referam, quem admodum idem tu mihi es autor: omnibusq; in rebus tuo iudicio atq; consilio vtar libentissimè. Vtinam liceat nobis esse vnà. Sed quando diuersis non solum locis, sed etiam opinionibus remoti absumus, quodd ego in portu libenter maneo, tu illis adhuc vndis & fluctibus delictaris: epistolis missitandis inter nos assequamur, vt nūquam non esse vnà videamur. Quod te oro mi Paule suauissime, vt in eo me non deseras. Nihil mihi potest esse dulcius, quàm aut loqui tecum, quod iam ereptum est: aut tuas legere literas, in quo morem mihi gerere tua est potestatis. Quapropter tu qui omnes venustatis atque humanitatis articulos tenes, noli pati (obsecro) me hac tanta & tam exoptata voluptate tuarum literarum carere. Vale, & nos dilige, tibiq; persuade, te à me mirabiliter amari. Carpentoraëti.

IAC. SADOL. EPISC. CARP. IO.

Francisco Ripæ Iurisconsulto S. P. D.

**T**Va præstans doctrina, & summum ac singulare ingenium, quod non modò in hac iuris ciuili laude ac scientia, sed omnibus bonis in literis artibusq; excellit: faciunt, vt quicquid proficiatur à te, id non so-

Tum utile & commodum, sed etiam optabile omnibus esse debeat. Cum verò nuper voluminibus quadraginta editis, viginti interpretationum, totidemq; responsorum, omnem ferme civilem prudentiam explicare & proferre in medium institueris: remq; totam, qua nulla ferè subtilior, neque enucleatior excogitari possit, summo studio & cura, summis laboribus vigilijsq; confeceris: diuq; sub eadem expolitam lima adhuc compressam domi continueris: quid mirum ni doctissime Ripa, si ego, ut eam aliquando ederes: & ad publicam utilitatem inuulgares, non hortator solùm, uerùm etiā rogator accessi: cùm de tuo præcellenti & admirabili ingenio sentiens id quod necesse est, non a quo ferrem animo, tamdiu differri commune omnium doctorum & bonorum virorum commodum, cùm præsertim ex eo egregia quadam laus & expetendus honor mihi ipsi quoque pareretur? Quo quidem nomine duplices tibi ago gratias: vnas cum cæteris hominibus communiter, quod ipse quoque tuis eruditissimis laboribus & monumentis ad fructum meorum studiorum usus sum: alteras proprias iam & singulares, quòd sum hoc tanto abs te & tam præclaro munere honoratus, quo meum nomen per tua scripta commendari immortalitati voluisti. Cui muneri si referri ea gratia posset, quā ego libenter redderem, crede mihi, cognosceres & experire in homine. memorè & gratum tua te officia & studia contulisse. Sed in hoc etiā tua humanitas & fortuna illustrior fuerit, quòd ea dare potuisti, quibus par recipere mihi posses. Ego tamen ad eam beneuolentiā



qua te semper maxima complexus sum, & ad id iudici-  
um, quod de tuis ingenij & doctrinae ornamentis exi-  
mum semper feci, adiungā vinculum officij & obliga-  
tionis, qua tibi perpetuò deuinctus futurus sum: quan-  
quā hac quoq; ipsa in vero amore & fideli amicitia,  
qua iam pridē copulati sumus, satis per se omnia insunt  
De cetero quicquid ab utroq; nostrum in alterū profe-  
ctum fuerit, id non nouam constituere, sed veterem &  
mutuā beneuolentiā nostram declarare videbitur. In  
quo ut tecum omnibus officijs certē, ita adnitar, ut siue  
victor, seu victus, in eadem & pari laude utrunq; sim  
positurus, quando non vinci beneficijs quibus plerunq;  
tempus & fortuna occasionem dant: sed in amore, &  
fide amicitiae inferiorem esse, id probo viro maximē su-  
giendum est. Tu valebis, & perges quae praeclarē insti-  
tuta sunt, ea quā primū emittere: meq; amabis, si  
tamen te à me vnice amari vere existimas. Vale, Car-  
pentora acti XVI. Calend. Octob. M. D. XXVII.

IAC. SADOLETVS EPISC. CARP.

Lazaro Bonamico S. P. D.

**O** Gratas tuas mihi iucundasq; literas: quae etsi tar-  
disimē ad me perlatae sunt, (scriptae enim V. Idus  
Maias, extremo ferē Octobri mihi sunt redditae) tamē  
quoddā primae mihi de te, & de tua nihil commutata er-  
ga nos voluntate optatissimum nuntium attulerunt nō  
dici potest quā à me letitia & gratulatione fuerint ac-  
ceptae. Namque scito, has vnas mihi abs te post nostrum  
digressum ex vrbe fuisse redditas: per breues illas qui-  
dem, sed plenas officij, suauitatis, beneuolentiae: quibus  
etiam

etiam præsertim liber adiunctus fuit, & propter philosophiam gratus, & quod à te profectus, est aliquanto gravior. Agnosco enim prædicatione tua esse factum ut ille mihi honos potissimum haberetur. Tu enim facis tuo gravissimo testimonio, ut nos aliqd esse uideamur: cum ea sit de tua eximia doctrina, singularique iudicio apud omnes homines opinio, ut quem tu laude coonestas tua, de eo non possit nisi honorificè & amplè iudicari. Agerem gratias si hoc non alienum nostra familiaritate esse existimarem. Sed perinde sit atq; si essent acta. Ad Franciscum Asulanum dedi literas, gratissimū mihi illius munus, multoq; magis quod de me facit iudicium, fuisse significans: conaturumq; me, ut referā gratiam, si occasio fuerit. Quod idem illi abs te ipso cōfirmari, teq; meæ naturæ memoris atq; grata, apud illum testē, & si opus sit, etiā sponsores esse opto. De me autem, mi suavisime Lazare, sic habeto, nihil aliud iam mihi esse in optatis, quàm quo pacto queam hoc, quod mihi reliquum est tēporis, totum in optimis artib. studijsq; consumere. Multa adhuc me impeditū tenuerūt, quæ ego partim iam remissiùs curare cœpi, partim penitus abieci: ut tandem aliquando solutus & liber, in hęc vnā curam me conferrem. Itaq; mihi ipsi non desum: assiduè lego, scribere etiam sum ingressus nescio quid: quod quidem si processerit ex sententia, maiore animo ad reliqua sum perrecturus. O si te haberem, quos mihi spiritus tuus ille doctissimus sermo, et familiaris vultus excitaret? Paulus mihi in studijs mirificus comes, rari alij, vel potius nulli: quāquam Auenione est Alcia

tus, vir omni cultissimus doctrina, mihiq; amicissimus: nonnulli praterea, sed pauci: verū vt iam sint qui mirari incipiant, & conentur idem facere. Cum Fregosio nostro frequens nobis scribendi commercium occupationibus dislinemur, quo minus vnum in locum conueniamus. Hac quod ad doctorum hominum consuetudines attinet. Cetera sanè iucunda & placata. Ora hacquā incolimus, ventis paulò infestior: cetero quin amabilis, & imprimis amœna est. Nos hortos suburbana sic diligenter instruimus & ornamus, vt appareat in illis spem omnem ocij & oblectationis nostræ nobis esse repositam. Quos si aliquando viseris, reperies Quirinalibus illis nostris nequaquam inferiores: aquarum quidem abundantia, & vbertate pomorum etiam superiores esse: Habes statū nostrum. Tu de tuo vt nos facias certiores, idq; crebrius, magnopere à te peto. Nihil est enim mihi iucundius, quàm & sæpe de te audire, & loqui. Bembum, Nigrum, Michaellem, Teupulum, ceterosq; quos tute nosti esse amantes nostri, iube meis verbis saluere quàm plurimum. Et tu salue ac vale mi charissime & optatissime Lazare: nosq; amare perseuera tui prorsus cupidissimos. Carpentoraacti, pridie Calend. Nouemb. M. D. XXVIII.

IAC. SADOLETVS EPISC. CARP.

Lazaro Bonamico S. P. D.

**C**Um iamdiu ignorarem quibus in locis esses, propterea quod recordabar, te postremis literis tuis, ad me nescio quid de tua quadam peregrinandi voluntate scripsisse: neque hi, qui istinc ad me literas dederant, ul  
lanc

*lam tui omnino mentionem fecerant, accepi literas tuas, ex quibus te apud tuos esse, & memoriam nostri pristina cum beneuolentia conseruare cognoui. Quae quidem mihi iucunda cognitu fuerunt, sed illo nihil mihi iecundius, quòd intelligo te ita gerere, atq; augere rem literariam, vt tua eximia virtus atq; doctrina, & tibi maxima laudi, et plurimis vtilitati emolumentoq; sit. Etenim quid est (quæso) præclarius, quàm videre florẽ collecta ex omni Italia iuuentutis, incumbere ad optimas atq; honestissimas artes: atq; ad illud summũ perfectũq; contẽdere, in quo hominis virtus sita sit? Quod quidem facit, vt dijs simillimi esse videamur: idq; te doctore magistroq; contingere, vt qui tuam eruditionẽ, ingenium, probitatemq; cognoscimus, faciliẽ coniectura prospiciere iam possimus, quantum de noua sobole doctorum bonorumq; virorum sperandum nobis sit: quæ maximè his literis, & his studijs potest frequentari. De qua re tibi hoc etiam scribo accuratius, quòd visus sum aspicere in literis tuis hesitationem quandã tuã, tibi ne in ea sententia permanendum, nec ne sit. Quæ me certè hesitatio molestia afficeret, si putarem tibi, aut per tuum, aut per aliorum consilium, vt ab isto munere descisceres, licitum esse. Sed cum neq; videam causam, cur te tam præclari instituti, non dicam pœnitere, sed non summiopere cupidum esse oporteat, & nihil sit quod agere melius possis: non est cogitandum tibi, quid in eo laboris insit, sed quantum reliquis commodi: cum præsertim munus nullum hominis magis sit proprium, quàm sua bona communicare cum ceteris,*  
pluri-

plurimumq<sub>3</sub> vtilitatis & commodi ex se in alios profectum velle. Cuius generis cum maxima tibi facultas et à natura, & ab industria tua data sit : non debes profectò desistere, nec defatigari, quoad plures per te Lazari Latinae & linguae & sapientiae sublatis sint. Atq<sub>3</sub> ego qui te hac adhortor, & moneo, non equidem consulo mihi: spes enim mihi esset maior fruendi aliquādo te ipso, tecumq<sub>3</sub> viuendi, si ista cura vacares: sed habeo fructus publici rationem. Quanquā scribit ad me Niger, constitutū sibi tecum esse huc proficisci, duosq<sub>3</sub> menses tecum ponere. Quod utinam videam illum diem, quo vos complectar ambos, aliquantisperq<sub>3</sub> explear conspectu atq<sub>3</sub> congressu duorum mihi amicissimorum & coniunctissimorum hominū: quos ego nō minus diligo, magniq<sub>3</sub> facio, quā ab ijs sentio me & magnifieri, & diligi. Sed de his hactenus, non enim animus meus erga vos longa oratione mihi explicandus est, quando eum vos de vestro expendere sat potestis. De consuetudine & conuictu Poli nostri tantum capere te voluptatis, quantum scribis, & minimè miror, & tuum de illo iudicium vehementissimè probo. Quid enim esse potest homine illo humanius, eruditius, sanctius? Eum ego cum hac iter haberet, paucis illis horis vix degustare quidem potui: sed tantas tamen ab illo omnium ornamentorum diuitias tum mihi perspexisse visus sum, ut postea illum non amore modò, sed insigni quadam obseruantia semper sim prosecutus. Nam cum illa mihi amabilia in eo sunt cognita, ingenium, probitas, literae, in quib. ille non mediocriter excellit, tum id praeerea  
admi-

admiratione summa dignum (quod ego primū statuo omnium) quoddum tanta generis amplitudine & nobilitate, tanta natura bonitas atque humanitas iuncta sit. Itaq; quanti fieri à me putas, quod à te scriptū est, nomen saepe meum versari in sermonibus vestris? Ego verò vobiscum, ô amicitissimi homines, & animo semper & cupiditate illa sum, vt si detur facultas, vobiscū viuere potissimū velim. Etenim si essemus vnà, Deus immortalis, quantas, & quā varias caperemus suauitates? quæ studiorum coniunctio? quæ communicatio voluntatum? qui deniq; ardor existeret animorū? vt ad illa præclarā atq; sancta philosophiæ adyta copulati introiremus? in quo Paulus nobis non iniucundus esset comes: qui (aberat autem ille à me cū hac scriberem, sed quod verè testificari de eo possum) vtrinq; vestrum mirabiliter obseruat, et diligit. Sed quoniam optare nobis ista licet, sperare fortassis non ita licet: retineamus incolumem beneuolētiā mutuā, stimulum autem et solitudinem animi deponamus: quodq; est dignum ijs maximè quæ profiteamur studijs, fidem amicitiae etiā absentes colamus. Sed de his quoq; satis. Hortensium, de quo instas, absoluerē adhuc non potui: fui enim maximis occupationibus impeditus, & id ipsum diu. Retuleram me autem ad eam cogitationem atq; curam, vt conficerem: sed iam calores me obturbant. Enitar tamē vt & fidei in eo mea, et vestra expectationi satisfiat. Partem eam literarum tuarum, quate de literarum missione excusas, non ducō dignam responsione, ne tuæ integritati & constantia videar diffide-

fidere, qua nihil est apud me certius, nec exploratius. Vale, & summis viris Bēbo, Polo, ceterisq, quos à me amari scis, plurimam meis veris salutem dic. Carpentoraēti, Nonis Iuniij, M. D. XXXIIII.

**L**AZARVS BONAMICVS IACO-  
bo Sadoleto Episcopo Carp. S. P. D.

**I**Am penè constitueram leuare me hoc impedimento  
verius, quàm onere, in quo biennium fui: cum tuæ li-  
teræ perlatae ad me sunt. quæ summa quidem sententia-  
rum grauitate, verborumq, copia, admista incredibili  
quadam suauitate ingenij, excellentisq, bonitatis tuæ,  
(quid autem dicam de beneuolentia, quæ nusquam tã  
efficax, tamq, perspicua, quàm erga uos, vehemen-  
ter ab hac ratione me reuocabant. Sed erat in his nihil  
quo cuperem mutare sententiã, quanquam omniapru-  
dentissimè & amicissimè scripta non ignorabam. Nam  
quòd videbaris suspicari, me id velle, aut leuãdi, aut sue-  
giendi laboris causa: hoc tibi persuade, nihil tam alienũ  
à me. Contra verò, hoc mihi semper animo insedis-  
se. Homini turpissimum esse, labore frangi, industriã ue de-  
bilitari, qui ceteris vsui ad virtutem esse, aut ipse ma-  
gnam consequi præstâtissimarum rerum cognitionem  
posset. Quæ ex causâ cum nobis à publico negotio in  
otio esse licet, tum maximè in studijs bonarum artium  
toto animo versamur, multoq, plus laboris toleramus.  
Cognosce igitur, & iudica, quàm falsa fuerit suspitio  
de me. Tu putas me Patauina cõditioni renũciare velle,  
laborem vt vitæ: ego me cupere id scio, vt plus labo-  
ris impendam. Nam quod proponis cõmunem vtilita-  
tem,



tem, eam nunquam deferendam existimaui. Sed cum maiora onera in re literaria nonnulli ex amicis me sustinere posse crederent, id consilij dabant, ut leuiora relinquerem, maiora amplexarer: idque boni viri esse docebant, atque ipsum mihi me diffidentem impellebant, ut non uiuentium solum, sed etiam posteritatis memoria consulerem: quam rem in hoc publico impedimento nihil erat cut quispiam optaret. Video & tibi & his idem placere, ut utilitatem hominum inuigilem, idque mihi persuasissimum est. Sed imbecillitas ingenij venit in dubium. Alteram utilitatem multo maiorem esse animaduerto: ad utram minus ineptus sum, explicare non queo. Scio tamen in altera plus laboris & ingenij inesse: quod ut perexiguum est in uie, eoque deterreor: ita labore nunquam impediri soleo, & propterea sum alacrior. Hæ erant deliberandi causæ, cum ad te scribebam: sed non audebam aperte scribere, quod erat scribendum aliquid de me ipso: quod facio perinuitus. Quamobrem multa prætermisi, quæ ab amicis dicuntur: falsa quidem illa, sed dicuntur tamen. Vtinam hæc esses, ut aut te illi, aut illos tu in tuam sententiam adduceres (si modo alia esset tua) re quasita inter uos, & disputata: de qua iterum velim audire quid sentias: hoc est, ad utram me hominum utilitatem potius cohorte ris. In quo tuo iudicio, obsecro te, ut nihil dubites, nos esse ad omnem laborem paratissimos. Scripsi proxime ad Hippolytum Medicen Cardinalem carmen, nondum misi: id cum hac epistola leges, raptim descriptum propter occupationes: de quo qualis sit, tuum, Paulique nostri iudicium valde scire cupio: eo enim nihil politius esse arbi-

arbitror, Bembus tuus tibi salutem plurimam dicit. *Vale, Patauij. VII. Calend. Sept. M. D. XXXIIII.*

**Lazarus Bonamicus Iacob**  
 o Sadoletto Episcopo Carp. S. P. D.

**B**onitas naturæ tuæ omni ex parte se effert in ijs literis quas ad Nigrum scripsisti de quærendo Græcarum & Latinarum literarum doctore & magistro. Nam tibi satis non est officio tuo non deesse, ut summa cum religione, pietate, fide episcopatum geras tuum, et in omni Christiani muneris administratione eū te præbeas, qui charus sis omnibus, atq; admirabilis: sed quæ alijs curæ esse debent, docendo, admonendo, cohortando, ut rectissime curentur, omni contentione elaboras. Commouisti prouinciam à studio pulcherrimarum literarum abhorrentem. Hoc non solum bonitatis fuit, sed cum sapientia atque eloquentia coniunctæ bonitatis. Ego & quia rem honestissimam esse, & tibi placere video, & sum ipse ad communes utilitates propensior, in uel ligando mentem & cogitationes meas figam. Mira est paucitas horum hominum, quod te fugere non arbitror: in ea tamē studium exabit nostrum. De Hortensio caue ne longius tam præclarum opus ducas, quam in dialogo de educatione puerorum promissisti. Turpe alijs, datam fidem non præstare: episcopo verò, et Sadoletto quidem episcopo, turpissimū: præsertim cū sis habiturus huius mēdacij nostrā ipsorum memoriā, atq; aded posteritatē testem. Vide quāta cupiditate ardeā, qui timeam ea quæ ne suspicari quidem de te possum. Ignoscas autem mihi, tuæ propè gloria fauenti magis,  
 quā

quàm mea. Hic de bonis literis bene mereri nō desino: & in eo me planè nauasse operam intelligo, quòd vndiq; concurratur. In hoc numero si quis erit idoneus, et impetrari id poterit (quod tamen difficile iudico) eum ad te mittam. Vale. Paulo nostro plurimam salutē adscribimus, Patauij, XVIII. Calen. Sext. M. D. XXX.

IAC. SADOLETVS EPISC. CAR-  
pent. Lazaro Bonamico. S. P. D.

**P**<sup>V</sup>pugerunt me nonnihil literæ tuæ VII. Cal. Septēbris Patauio datæ: meq; in eā suspicionem adduxerunt, vt vererer, ne quid à me antea imprudentius fuisset scriptum, quasi tu mihi in opinionem inertiae desidiq; venisses. Quod ego non modò eo animo scripsi nunquā, sed ne cogitare quidem potui. Quid enim minus, quàm quod nusquam quicquā est, idq; ego scio nihil esse? Ante ego nō noui? tuaq; mihi virtus, industria, nauitas paru perspecta est? aut quisquā omnium mortalium est, qui audeat affirmare, tuos sibi sensus melius quàm mihi, perceptos esse, et cognitos? Crede mihi, mi Lazare, memetipsum turpissima inscitiae accusarē, si tibi ignauia notam vllam attribuerem. Sed quod tūc scripsi me existimare, laborem illum docendi et tibi honestum esse, & alijs permultis fructuosum ac vtilem, nec videri mihi causam cur defugiendus eset: non scripsi iudicans te laborem omnem velle fugere: sed cū te in illo munere cōtinere cūperem, iccirco illa à me tum suscepta cohortatio est: sic enim sentiebam, maximam laudem virtutis esse, prodesse quàm plurimis. Quod tu latius in posteritatem patere putas, quàm si tantum

præsenti sæculo seruiatur: propterq<sub>3</sub> eam causam secreta & libera studia requiris: oiumq<sub>3</sub> in illis, maiore etiam laborem & maius negotium appellas: neq<sub>3</sub> arbitraris vtrunq<sub>3</sub> abs te præstari posse, vt & priuatim tibi satisfacias, & ceteris publicè. Concedo: teq<sub>3</sub> ad illa alta & magnifica philosophiæ studia aspirare planè video. Quid ergo, nōne commodissimè poteras istam ipsam artem omnium nobilissimam publicè profiteri? in eaq<sub>3</sub> instituere adolescētes, vel separatim, si tibi ita fuisset visum, vel etiam cum Cicerone, & cum eloquentiæ studijs coniuncto? quam ego viam: rationemq<sub>3</sub> docendi potissimam semper sum arbitratus. Hoc enim certè abs te si factum fuisset, vel etiam si nūc fieret, Deus immortalis, qui concursus præstantium ingeniorum, quantus amor sapiētiae in animis hominum existeret? Tu quoque qui nunc te quereris distrabi, coniungeres domestica tua studia cum forēsibus, & laborem vtrūque in easdem operas lucubrationesq<sub>3</sub> conferres. Sed ego tibi nōn præscribo, satisq<sub>3</sub> in te ipso statuo esse consilij. Hoc dico, quod habeo exploratum, te virò verterris, præclarè id quod susceperis esse effecturum. Quæ mea de tuo ingenio, & eccellente doctrina opinio, nō noua neq<sub>3</sub> recēs, sed iā diu antè mihi suscepta est. Legi carmē tuū, idq<sub>3</sub> admodū probaui: valde enim mihi graue et elegans visum est: vtinam fructum eiusmodi afferat, vt quod de Pericle scriptum est, aculeos relinquat in eorum animis, ad quos maximè ista pertinent. Tuas à Ioan. Caracciolo viro clarissimo literas, de quibus in quadam epistola fueras conquestus, iam pridem accepi.

Ille

Ille verò Brunus, doctus (vt ego conijcio) adolescens, scripsit ad me, se Greorgio Seluæ Vaurēsi Episcopo, regio istic legato, contubernalem factum esse. Quem hominem, mi Lazare rogo te vt nosse velis: talē enim offendes, ingenio, humanitate, probitate, doctrina, vt pluris tibi propter eum Gallia futura sit. Polus ad me scribit, vberimis elegātissimisq; literis, multa ille quidem digna illo ingenio et sanctissimis ipsius morib. Sed plurimū tamen & præcipuē de te, quē ipse admodum cuperet ad Theologia studia iam aliquādo animū adijcere. Quam ego cupiditatē eius vehementer probō, tibiq; suadeo, vt hanc diuinā imprimis facultatem et ad salutem nostrā necessariā, diutius à tui ingenij thesauris ne habeas segregatā. Sed de his aliàs. Nunc tempus interpollat, luxq; & negotia instant, nam hac manu mea scripsi ante lucem. Valebis igitur, & omnibus amicis, imprimisq; Bembo meo, plurimā à me salutē dicēs. Vale. IX. Calend. Decemb. M. D. XXXIII.

IAC. SADOLETVS EPISC. CAR-  
pent. Lazaro Bonamico  
S. P. D.

**E**X tuis literis Idib. Martij datis, quas ego pauld antē Idus Maius accepi, illum facio quæstum, quodd optimi & doctissimi viri Aonij Palearij amicitia auctus sum. Quē ego me hercule hominē plurimi facio, vel propter eius virtutem atq; doctrinam, in suoq; genere scribendi elegātiā: vel quodd ea sunt illius animi erga me indicia ac monumenta, vt non modò amare, sed gratiam illi etiam habere sim compulsus, si tamen compellitur,

litur, qui libenter quid facit, & studiosè. Amo certè illum, & gratiā præterea habeo, ita de me ipse meritus est. Qui etiā si nullo suo officio me sibi deuinxisset, propter ingenium tamen, propter optimarum artium scientiam mihi erat amandus. Nunc quid me facere oportet, cū tanto me obstrinxerit merito? Atq; is quoddam commendationē intercedere voluit in nostra amicitia concilianda, quanq̃ tu illi vere ac cōstanter id esse opus negasti: tamē ipse nonnihil vidit. Siue enim quoddam iure fieri à me debere intelligit, siue quoddam animum meū erga te habet exploratū, sensit id quod verissimū est, nullam esse tantam virtutis commendationē apud me, quā non tuo testimonio multo fiat vberior. Itaq; illum, quem sponte & per se iure quidem optimo antea dilexissem, tua nūc commendatione habeo chariorem.

Quid autem de eo, deq; eius scriptis sentiam, scribo ad ipsum quidem copiosius: sunt enim illa à me diligentissimè perlecta. Sed tibi quoque breuiter dico, probari mihi mirificè cū ingenium hominis, & in scribendo elegantiam: tum illud imprimis religionis studiū, quod præ se fert: quod quidē vbicunq; adest, illa mihi et plena & grauiā & pererudita videntur esse. Phadrū meum, quoddā ad calculos iudicij et prouidentia tue de nūc reuocaturus, valde letor: magnamq; in tua consideratione & diligentia eius expoliendi spem habeo. Tātum à te peto pro iure amicitia nostræ, vt ne ambitiose, neue erga me nimium indulgēter eum corrigas. Marcum Fortiacum gaudeo tibi esse cordi: certè mihi magna voluptati est tuum de illo adolescēte iudiciū cum

ea opinione quam semper de eo habui, conuenire. Eum tibi ne commēdo quidem, video enim esse satis commēdatum, vel ex eo quōd contubernio tibi coniunctus est. Paulus & te amat, & memoriam tui seruat quam debet, tuq; crebrō in sermonibus nostris versaris, quēis & consuetudo tua, & suauitas à nobis requiritur. Quā posteaquā carēdum nobis necessariū est, tuas saltem optamus crebriores, mi Lazare literas: quōd ijs desiderium tui nostrum aliqua ex parte leniri sentimus. In quo nobis ut morem gerere ne graueris, equidem te vehementer etiam atq; etiam rogo. Vale, & amicis nostris communibus plurimam meis verbis salutem dic. VI. Calendas Iunij, M. D. XXXVI.

IAC. SADOL. EPISC. CARPENT.

Aonio Paleario S. P. D.

**S**erius accepi literas tuas. Data enim illa III. Idus Tebruarias, mihi medio ferme Maio sunt redditae. Quibus perlectis equidem valde latatus sum, cum tali ingenio, quale tuum mihi iam perspectum est, talem etiam animum erga me plenum amoris & desiderij, coniunctum esse. Quid enim est rerū omnino omnium, quod mihi bonorum & doctorum beneuolentia videatur optabilius? Itaq; cū epistolam tuam primō legissem, eaq; mihi vehementer placuisset, (est enim & suauiter, & ornatē, & peramanter scripta) ab illius statim lectione ad poema tuum me contuli, totumq; perlegi triduo: singulis videlicet libris in singulos dies collatis. De quo, ut tibi verē exponam quod sentio, hoc iudicij feci: eorum, qui in eo genere voluerunt esse, sanē quā



paucos, & nostra, & superiore memoria, a què eleganter scripsisse atq; tu: eruditius certè nominem. In quo mihi illud mirificè probatum est, quodd hac tua scripta non accersitis, sucosisq; argumentis, neq; quod magis poetica videantur, à fabulosa illiusmodi Deorum vetustate repetitis: sed sancta, et vera religiōe cōdita sunt. Ut quemadmodum vultus pacatus, & constans in homine, bene affecta mentis, & probi animi est indicium: sic tua ista eximia erga Deum pietas, quæ sese in tuis scriptis primam offert: nos cogit de te, deq; omni sensu animi tui, excellētēq; doctrina præclarè existimare. Ac cætera quidem tuum carmen mirè mihi satisfecit: video enim quos imiteris, quid referre in tuis scriptis et exprimere conere: tibiq; neq; in eligendo iudicium, neque in conando fructum laboris tui abesse intelligo. Perspicio etiam verborum elegantiam, sententiarū acumen, numeriq; apta et varia compositione delector. Sunt enim ista omnia in te ita studio et cura elaborata, ut sint ubiq; nihilominus ingenij luminib. lita. Illud vnum interdū (quanquā admodū raro) desidero: quodd cupissem nonnulla à te diseri explanatius, quibus nūc percipiendis mens nostra aliquantulum laborat. Atq; illa (ne forte mihi Lucretianum modum dicendi opponas) non sunt ex eo genere, quod difficultate rerū quæ tractantur, suapte sponte obscurum propè necessariū sit, in quo solet iusta esse scribingentibus excusatio: sed è medio quadam sumpta, compressius abs te dicta sunt, quæ dilatari, et patere melius voluissē. Neq; ea tamē tā multa, ut pertimescas. Sed fortasse ut nodus robur,

& ut nauus decus aliquando, atque ornatum, pulchro  
 corpori asferre solet: sic plerisq; illa poterunt videri  
 iccirco esse quesita: quod cursus nostra cogitationis,  
 fluentis in facilitate orationis, aptè illis interdum, tan-  
 quam salebris, retinetur. Quod quidem ad veras lau-  
 des egregiè compositi carminis pertinet, totum tibi i-  
 ta tribuo, ut hoc planè confirmem, nihil me his aliquot  
 iam annis in eo genere editum legisse libentius. Itaque  
 te iam ne hortor quidem, ut quo itinere instituisti, eo-  
 dem porro pergas. Satis enim tibi incitamenti, cum iu-  
 dicium de te, expectatioq; hominū, tum fructus ille in-  
 genij suauissimus, qui in pangendo maxime & in com-  
 mētando percipitur, debet asferre. Qui etsi omnib. eru-  
 ditis datus est, cum hi aliquid ex sese procreant atq; gē-  
 gnunt: vberior tamen adest poetis. Quanq̃ ego te non  
 portam magis, quàm oratorem esse statuo: cuius rei fa-  
 cio ex epistola tua coniecturā. Ea enim ita cōmodè, &  
 concinniter scripta est: ut facile intelligā, te utruncūq;  
 velis, & suscipere & posse prastare. De me verò, quē  
 tu tantopere in tuis scriptis ornas, eoque honore afficis,  
 quo maiore nemo afficere quenquā potest, quid dicam,  
 vix reperire mihi posse videor. Nam si eas in me laudes  
 agnoscam, quas tu mihi tribuis, timeo, ne arrogans: sin  
 repudiē planè atq; reſciam, vereor, ne ingratus aduer-  
 sus te sim, cum de tuo iudicio ipse detrahā, eo ipso vnde  
 sim ornatus. Quamobrem ut in difficili eiusmodi cau-  
 sa, ad id me vertam, quod meo pudori maximè est con-  
 sentaneum: ut tibi agam pro tua ista humanitate et er-  
 ga me beneuolentia gratias, meq; tibi hoc nomine ob-

qua te semper maxima complexus sum, & ad id iudicium, quod de tuis ingenij & doctrinae ornamentis eximium semper feci, adiungā vinculum officij & obligationis, qua tibi perpetuò deuinctus futurus sum: quam hac quoq; ipsa in vero amore & fideli amicitia, qua iam pridē copulati sumus, satis per se omnia insunt. De cetero quicquid ab utroq; nostrum in alterū profectum fuerit, id non nouam constituere, sed veterem & mutuā beneuolentiā nostram declarare videbitur. In quo ut tecum omnibus officijs certē, ita adnitar, ut siue victor, seu victus, in eadem & pari laude utrunq; sim positurus, quando non vinci beneficijs quibus plerunq; tempus & fortuna occasionem dant: sed in amore, & fide amicitia inferiorem esse, id probo viro maximè sciendum est. Tu valebis, & perges quæ præclare instituta sunt, ea quàm primū emittere: meq; amabis, si tamen te à me vnice amari vere existimas. Vale, Carpentoraesti XVI. Calend. Octob. M. D. XXVII.

IAC. SADOLETVS EPISC. CARP.

Lazaro Bonamico S. P. D.

**O** Gratas tuas mihi iucundasq; literas: quæ etsi tardissimè ad me perlatae sunt, (scriptæ enim V. Idus Maias, extremo ferè Octobri mihi sunt redditæ) tamē quoddam primæ mihi de te, & de tua nihil commutata erga nos voluntate optatissimum nuntium attulerunt nō dici potest qua à me lætitia & gratulatione fuerint acceptæ. Nanque scito, has vnas mihi abs te post nostrum digressum ex vrbe fuisse redditas: per breues illas quidem, sed plenas officij, suauitatis, beneuolentiæ: quibus etiam

etiam præsertim liber adiunctus fuit, & propter philosophiam gratus, & quod à te profectus, est aliquanto gravior. Agnosco enim prædicatione tua esse factum ut ille mihi honos potissimum haberetur. Tu enim facis tuo gravissimo testimonio, ut nos aliqd esse uideamur: cum ea sit de tua eximia doctrina, singularique iudicio apud omnes homines opinio, ut quem tu laude coonestas tua, de eo non possit nisi honorificè & amplè iudicari. Agerem gratias si hoc non alienum nostra familiaritate esse existimarem. Sed perinde sit atq; si essent acta. Ad Franciscum Asulanum dedi literas, gratissimū mihi illius munus, multoq; magis quod de me facit iudicium, fuisse significans: conaturumq; me, ut referā gratiam, si occasio fuerit. Quod idem illi abs te ipso cōfirmari, teq; mea natura memoris atq; grata, apud illū testē, & si opus sit, etiā sponso rem esse opto. De me autem, mi suavisime Lazare, sic habeto, nihil aliud iam mihi esse in optatis, quàm quo pacto queam hoc, quod mihi reliquum est tēporis, totum in optimis artib. studijsq; consumere. Multa adhuc me impeditū tenuerūt, quæ ego partim iam remissiùs curare cœpi, partim penitus abieci: ut tandem aliquando solutus & liber, in hanc unam curam me conferrem. Itaq; mihi ipsi non desum: assiduè lego, scribere etiam sum ingressus nescio quid: quod quidem si processerit ex sententia, maiore animo ad reliqua sum perrecturus. O si te haberem, quos mihi spiritus tuus ille doctissimus sermo, et familiaris vultus excitaret? Paulus mihi in studijs mirificus comes, rari alij, vel potius nulli: quāquam Auenione est Alcia

tus, vir omni cultissimus doctrina, mihiq; amicissimus: nonnulli præterea, sed pauci: verū vt iam sint qui mirari incipiant, & conentur idem facere. Cum Fregosio nostro frequens nobis scribendi commercium occupationibus dislinemur, quo minus vnum in locum conueniamus. Hæc quod ad doctorum hominum consuetudines attinet. Cætera sanè iucunda & placata. Ora hæc quā incolimus, ventis pauld infestior: cætero quin amabilis, & imprimis amœna est. Nos hortos suburbana sic diligenter instruimus & ornamus, vt appareat in illis spem omnem ocij & oblectationis nostræ nobis esse repositam. Quos si aliquando viseris, reperies Quirinalibus illis nostris nequaquam inferiores: aquarum quidem abundantia, & vbertate pomorum etiam superiores esse: Habes statū nostrum. Tu de tuo vt nos facias certiores, idq; crebrius, magnopere à te peto. Nihil est enim mihi iucundius, quàm & sæpc de te audire, & loqui. Bembum, Nigrum, Michaellem, Teupulum, cæterosq; quos tute nosti esse amantes nostri, iube meis verbis saluere quàm plurimum. Et tu salue ac vale mi charissime & optatissime Lazare: nosq; amare perseuera tui prorsus cupidissimos. Carpentoracti, pridie Calend. Nouemb. M. D. XXVIII.

IAC. SADOLETVS EPISC. CARP.

Lazaro Bonamico S. P. D.

**C**Um iam diu ignorarem quibus in locis esses, propterea quod recordabar, te postremis literis tuis, ad me nescio quid de tua quadam peregrinandi voluntate scripsisse: neque hi, qui istinc ad me literas dederant, ullam

lam tui omnino mentionem fecerant, accepi literas tuas, ex quibus te apud tuos esse, & memoriam nostri pristina cum benevolentia conseruare cognoui. Quae quidem mihi iucunda cognitu fuerunt, sed illo nihil mihi iecundius, quod intelligo te ita gerere, atq; augere rem literariam, vt tua eximia virtus atq; doctrina, & tibi maxima laudi, et plurimis vtilitati emolumentoq; sit. Etenim quid est (quaso) praclarius, quam videre florē collecta ex omni Italia iuuentutis, incumbere ad optimas atq; honestissimas artes: atq; ad illud summū perfectūq; contēdere, in quo hominis virtus sita sit? Quod quidem facit, vt dijs simillimi esse videamur: idq; te doctore magistroq; contingere, vt qui tuam eruditionē, ingenium, probitatemq; cognoscimus, facile coniectura prospicere iam possimus, quantum de noua sobole doctorum bonorumq; virorum sperandum nobis sit: quae maximē his literis, & his studijs potest frequentari. De qua re tibi hoc etiam scribo accuratius, quod visus sum aspicere in literis tuis hesitationem quandā tuā, tibi ne in ea sententia permanendum, nec ne sit. Quae me certē hesitatio molestia afficeret, si putarem tibi, aut per tuum, aut per aliorum consilium, vt ab isto munere descisceres, licitum esse. Sed cum neq; videam causam, cur te tam praclari instituti, non dicam poenitere, sed non summopere cupidum esse oporteat, & nihil sit quod agere melius possis: non est cogitandum tibi, quid in eo laboris insit, sed quantum reliquis commodi: cum praesertim munus nullum hominis magis sit proprium, quam sua bona communicare cum ceteris, pluri-

plurimumq<sub>3</sub> vtilitatis & commodi ex se in alios profectum velle. Cuius generis cum maxima tibi facultas et à natura, & ab industria tua data sit: non debes profectò desistere, nec defatigari, quoad plures per te Lazari Latina & lingua & sapientia sublatis sint. Atq<sub>3</sub> ego qui te hac adhortor, & moneo, non equidem consulo mihi: spes enim mihi esset maior si uendi aliquādo te ipso, tecumq<sub>3</sub> viuendi, si ista cura vacares: sed habeo fructus publici rationem. Quanquā scribit ad me Niger, constitutū sibi tecum esse huc proficisci, duosq<sub>3</sub> menses tecum ponere. Quid utinam videam illum diem, quo vos complectar ambos, aliquantisperq<sub>3</sub> explear conspectu atq<sub>3</sub> congressu duorum mihi amicissimorum & coniunctissimorum hominū: quos ego nō minus diligo, magniq<sub>3</sub> facio, quā ab ijs sentio me & magnifieri, & diligi. Sed de his hactenus, non enim animus meus erga vos longa oratione mihi explicandus est, quando eum vos de vestro expendere sat potestis. De consuetudine & conuictu Poli nostri tantum capere te voluptatis, quantum scribis, & minimè miror, & tuum de illo iudicium vehementissimè probo. Quid enim esse potest homine illo humanius, eruditius, sanctius? Eum ego cum hac iter haberet, paucis illis horis vix degustare quidem potui: sed tantas tamen ab illo omnium ornamentorum diuitias tum mihi perspexisse visus sum, ut postea illum non amore modò, sed insigni quadam obseruantia semper sim prosecutus. Nam cum illa mihi amabilia in eo sunt cognita, ingenium, probitas, literæ, in quib. ille non mediocriter excellit, tum id præterea  
admi-



admiratione summa dignum (quod ego primū statuo omnium) quodd cum tanta generis amplitudine & nobilitate, tanta natura bonitas atque humanitas iuncta sit. Itaq<sub>3</sub> quanti fieri à me putas, quod à te scriptū est, nomen sepe meum versari in sermonibus vestris? Ego verò vobiscum, ô amicissimi homines, & animo semper & cupiditate illa sum, vt si detur facultas, vobiscū viuere potissimū velim. Etenim si essemus vnà, Deus immortalis, quantas, & quā variās caperemus suauitates? quæ studiorum coniunctio? quæ communicatio voluntatum? qui deniq<sub>3</sub> ardor existeret animorū? vt ad illa præclara atq<sub>3</sub> sancta philosophiæ adyta copulati introiremus? in quo Paulus nobis non iniucundus esset comes: qui (aberat autem ille à me cū hac scriberem, sed quod verè testificari de eo possum) vtrunq<sub>3</sub> vestrum mirabiliter obseruat, et diligit. Sed quoniam optare nobis ista licet, sperare fortassis non ita licet: retineamus incolumem beneuolētiā mutuā, stimulum autem et sollicitudinē animi deponamus: quodq<sub>3</sub> est dignum ijs maximè quæ profitemur studijs, fidem amicitie etiā absentes colamus. Sed de his quoq<sub>3</sub> satis. Hortensium, de quo instas, absoluerē adhuc non potui: fui enim maximis occupationibus impeditus, & id ipsum diu. Retuleram me autem ad eam cogitationem atq<sub>3</sub> curam, vt conficerem: sed iam calores me obturbant. Enitar tamē vt & fidei in eo meæ, et vestra expectationi satisfiat. Partem eam literarum tuarum, quæ te de literarum missione excusas, non ducō dignam responsione, ne tuæ integritati & constantia videar diffide-

*fidere, qua nihil est apud me certius, nec exploratius. Vale, & summis viris Bēbo, Polo, ceterisq; quos à me amari scis, plurimam meis veris salutem dic. Carpentoraēti, Nonis Iunij, M. D. XXXIIII.*

**L AZARVS BONAMICVS IACO-**  
bo Sadoletto Episcopo Carp. S. P. D.

**I**Am penè constitueram leuare me hoc impedimento  
verius, quàm onere, in quo biennium fui: cum tuæ li-  
teræ perlatae ad me sunt. quæ summa quidem sententia-  
rum grauitate, verborumq; copia, admista incredibili  
quadam suauitate ingenij, excellentisq; bonitatis tuæ,  
(quid autem dicam de beneuolentia, quæ nusquam tã  
efficax, tamq; perspicua, quàm erga uos, vehemen-  
ter ab hac ratione me reuocabant. Sed erat in his nihil  
quo cuperem mutare sententiã, quanquam omniapru-  
dentissimè & amicissimè scripta non ignorabam. Nam  
quoddã videbaris suspicari, me id velle, aut leuãdi, aut fu-  
giendi laboris causa: hoc tibi persuade, nihil tam alienũ  
à me. Contra verò, hoc mihi semper animo insedis-  
se. Homini turpissimum esse, labore frangi, industriæ de-  
bilitari, qui ceteris vsui ad virtutem esse, aut ipse ma-  
gnam consequi præstâtissimarum rerum cognitionem  
posset. Quæ ex causâ cum nobis à publico negotio in  
otio esse licet, tum maximè in studijs bonarum artium  
toto animo versamur, multoq; plus laboris toleramus.  
Cognosce igitur, & iudica, quàm falsa fuerit suspitio  
de me. Tu putas me Patauina cõditioni renũciare velle,  
laborem vt vitæ: ego me cupere id scio, vt plus labo-  
ris impendam. Nam quod proponis cõmunem utilita-  
tem,

tem, eam nunquam deferendam existimaui. Sed cum maiora onera in re literaria nonnulli ex amicis me sustinere posse crederent, id consilij dabant, ut leuiora relinquerem, maiora amplexarer: idque boni viri esse docebant, atque ipsum mihi me diffidentem impellebant, ut non uiuentium solum, sed etiam posteritatis memoria consulerem: quam rem in hoc publico impedimento nihil erat cut quispiam optaret. Video & tibi & his idem placere, ut utilitatibus hominum inuigilem, idque mihi persuasissimum est. Sed imbecillitas ingenij venit in dubium. Alteram utilitatem multo maiorem esse animaduerto: ad utram minus ineptus sum, explicare non queo. Scio tamen in altera plus laboris & ingenij inesse: quod ut perexiguum est in uie, eoque deterreor: ita labore nunquam impediri soleo, & propterea sum alacrior. Hæ erant deliberandi causæ, cum ad te scribebam: sed non audebam aperte scribere, quod erat scribendum aliquid de me ipso: quod facio perinuitus. Quamobrem multa prætermisi, quæ ab amicis dicuntur: falsa quidem illa, sed dicuntur tamen. Vtinam hic esses, ut aut te illi, aut illos tu in tuam sententiam adduceres (si modo alia esset tua) re quesita inter uos, & disputata: de qua iterum velim audire quid sentias: hoc est, ad utram me hominum utilitatem potius cohorte ris. In quo tuo iudicio, obsecro te, ut nihil dubites, nos esse ad omnem laborem paratissimos. Scripsi proximè ad Hippolytum Medicen Cardinalem carmen, nondum misi: id cum hac epistola leges, raptim descriptum propter occupationes: de quo qualis sit, tuum, Paulique nostrum iudicium valde scire cupio: eo enim nihil politius esse arbi-

quàm mea. Hic de bonis literis bene mereri nō desino: & in eo me planè nauasse operam intelligo, quòd vndiq; concurritur. In hoc numero si quis erit idoneus, et impetrari id poterit (quod tamen difficile iudico) eum ad te mittam. Vale. Paulo nostro plurimam salutē ad scribimus, Patauij, XVIII. Calen. Sext. M. D. XXX.

IAC. SADOLETVS EPISC. CAR-  
pent. Lazaro Bonamico. S. P. D.

**P**<sup>V</sup>puerunt me nonnihil literæ tuæ VII. Cal. Septēbris Patauio datæ: meq; in eā suspicionem adduxerunt, vt vererer, ne quid à me antea imprudentius fuisset scriptum, quasi tu mihi in opinionem inertiae desidiaq; venisses. Quod ego non modò eo animo scripsi nunquā, sed ne cogitare quidem potui. Quid enim minus, quàm quod nusquam quicquā est, idq; ego scio nihil esse? An te ego nō noui? tuaq; mihi virtus, industria, nauitas paru perspecta est? aut quisquā omnium mortalium est, qui audeat affirmare, tuos sibi sensus melius quàm mihi, perceptos esse, et cognitos? Crede mihi, mi Lazare, me metipsum turpissimè inscitiae accusarē, si tibi ignauia notam vllam attribuerem. Sed quod tūc scripsi me existimare, laborem illum docendi et tibi honestum esse, & alijs permultis fructuosum ac vtilem, nec videri mihi causam cur defugiendus esset: non scripsi iudicans te laborem omnem velle fugere: sed cum te in illo munere cōtinere cūperem, iccirco illa à me tum suscepta cohortatio est: sic enim sentiebam, maximam laudem virtutis esse, prodesse quàm plurimis. Quod tu latius in posteritatem patere putas, quàm sit tantum

præsenti sæculo seruiatur : propterq<sup>3</sup> eam causam secreta & libera studia requiris : oiumq<sup>3</sup> in illis, maiore etiam laborem & maius negotium appellas : neq<sup>3</sup> arbitraris vtrunq<sup>3</sup> abs te præstari posse, vt & priuatim tibi satisfacias, & ceteris publicè. Concedo : teq<sup>3</sup> ad illa alta & magnifica philosophia studia aspirare planè video. Quid ergo, nōne commodissimè poteras istam ipsam artem omnium nobilissimam publicè profiteri ? in eaq<sup>3</sup> instituere adolescētes, vel separatim, si tibi ita fuisset visum, vel etiam cum Cicerone, & cum eloquentia studijs coniuncto ? quam ego viam rationemq<sup>3</sup> docendi potissimam semper sum arbitratus. Hoc enim certè abs te si factum fuisset, vel etiam si nūc fieret, Deus immortalis, qui concursus præstantium ingeniorum, quantus amor sapiētia in animis hominum existeret ? Tu quoque qui nunc te quereris distrabi, coniungeres domestica tua studia cum forēsibus, & laborem vtrūque in easdem operas lucubrationesq<sup>3</sup> conferres. Sed ego tibi non præscribo, satisq<sup>3</sup> in te ipso statuo esse consilij. Hoc dico, quod habeo exploratum, te vtrò vertaris, præclare id quod susceperis esse effecturum. Quæ mea de tuo ingenio, & eccellente doctrina opinio, nō noua neq<sup>3</sup> recēs, sed iā diu antè mihi suscepta est. Legi carmē tuū, idq<sup>3</sup> admodū probaui : valde enim mihi graue et elegans visum est : vtinam fructum eiusmodi afferat, vt quod de Pericle scriptum est, aculeos relinquat in eorum animis, ad quos maximè ista pertinent. Tuas à Ioan. Caracciolo viro clarissimo literas, de quibus in quadam epistola fueras conquestus, iam pridem accepi.

Ille verò Brunus, doctus (vt ego conijcio) adolescens, scripsit ad me, se Georgio Selua Vaurēsi Episcopo, regio istic legato, contubernalem factum esse. Quem hominem, mi Lazare rogo te vt nosse velis: talē enim offendes, ingenio, humanitate, probitate, doctrina, vt pluris tibi propter eum Gallia futura sit. Polus ad me scribit, vberimis elegātissimisq; literis, multa ille qui dem digna illo ingenio et sanctissimis ipsius morib. Sed plurimū tamen & precipuē de te, que ipse admodum cuperet ad Theologiae studia iam aliquādo animū adijcere. Quam ego cupiditatē eius vehementer probō, tibiq; suadeo, vt hanc diuinā imprimis facultatem et ad salutem nostrā necessariā, diutius à tui ingenij thesauris ne habeas segregatā. Sed de his aliās. Nunc tempus interpollat, luxq; & negotia instant, nam hac manu mea scripsi ante lucem. Valebis igitur, & omnibus amicis, imprimisq; Bembo meo, plurimā à me salutē dices. Vale. IX. Calend. Decemb. M. D. XXXIIII.

IAC. SADOLETVS EPISC. CAR-  
pent. Lazaro Bonamico  
S. P. D.

**E**X tuis literis Idib. Martij datis, quas ego pauld antē Idus Maius accepi, illum facio quāstum, quodd optimi & doctissimi viri Aonij Palearij amicitia auctus sum. Quem ego me hercule hominē plurimū facio, vel propter eius virtutem atq; doctrinam, in suoq; genere scribendi elegātiā: vel quodd ea sunt illius animi erga me indicia ac monumenta, vt non modò amare, sed gratiam illi etiam habere sim compulsus, si tamen compel-

litur, qui libenter quid facit, & studiosè. Amo certè illum, & gratiā præterea habeo, ita de me ipse meritus est. Qui etiā si nullo suo officio me sibi deuinxisset, propter ingenium tamen, propter optimarum artium scientiam mihi erat amandus. Nunc quid me facere oportet, cū tanto me obstrinxerit merito? Atq; is quod tuam commendationē intercedere voluit in nostra amicitia concilianda, quanq̃ tu illi vere ac cōstanter id esse opus negasti: tamē ipse nonnihil vidit. Siue enim quod ita iure fieri à me debere intelligit, siue quod animum meū erga te habet exploratū, sensit id quod verissimū est, nullam esse tantam virtutis commendationē apud me, quæ non tuo testimonio multo fiat vberior. Itaq; illum, quem sponte & per se iure quidem optimo antea dilexisssem, tua nūc commendatione habeo chariorem.

Quid autem de eo, deq; eius scriptis sentiam, scribo ad ipsum quidem copiosius: sunt enim illa à me diligentissimè perlecta. Sed tibi quoque breuiter dico, probari mihi mirificè cū ingenium hominis, & in scribendo elegantiam: tum illud imprimis religionis studiū, quod præ se fert: quod quidē vbiq; adest, illa mihi et plena & grauiā & pererudita videntur esse. Phædrum meum, quod sis ad calculos iudicij et prouidentia tue de nūc reuocaturus, valde letor: magnamq; in tua consideratione & diligentia eius expoliendi spē habeo. Tātum à te peto pro iure amicitia nostræ, vt nē ambitiose, neue erga me nimium indulgēter eum corrigas. Marcum Fortiacum gaudeo tibi esse cordi: certè mihi magna voluptati est tuum de illo adolescētē iudiciū cum



ea opinione quam semper de eo habui, conuenire. Eum tibi ne commēdo quidem, video enim esse satis commē datum, vel ex eo quòd contubernio tibi coniunctus est. Paulus & te amat, & memoriam tui seruat quam debet, tuq; crebrò in sermonibus nostris versaris, queis & consuetudo tua, & suauitas à nobis requiritur. Quaposteaquàm carēdum nobis necessariò est, tuas saltem optamus crebriores, mi Lazare literas: quòd ys desiderium tui nostrum aliqua ex parte leniri sentimus. In quo nobis vt morem gerere ne graueris, equidem te vehementer etiam atq; etiam rogo. Vale, & amicis nostris communibus plurimam meis verbis salutem dic. VI. Calendas Iunij, M. D. XXXVI.

IAC. SADOL. EPISC. CARPENT.  
Aonio Palcario S. P. D.

**S**erius accepi literas tuas. Data enim illa III. Idus Februarias, mihi medio ferme Maio sunt redditæ. Quibus perlectis equidem valde latatus sum, cum tali ingenio, quale tuum mihi iam perspectum est, talem etiam animum erga me plenum amoris & desiderij, coniunctum esse. Quid enim est rerū omnino omnium, quod mihi bonorum & doctorum beneuolentia videatur optabilius? Itaq; cū epistolam tuam primò legissem, eaq; mihi vehementer placuisset, (est enim & suauiter, & ornatè, & peramanter scripta) ab illius statim lectione ad poema tuum me contuli, totumq; perlegi triduo: singulis videlicet libris in singulos dies collatis. De quo, vt tibi verè exponam quod sentio, hoc iudicij feci: eorum, qui in eo genere voluerunt esse, sanè quàm

paucos, & nostra, & superiore memoria, aequè eleganter scripsisse atq; tu: eruditius certè neminem. In quo mihi illud mirificè probatum est, quòd hæc tua scripta non accersitis, sucosisq; argumentis, neq; quò magis poetica videantur, à fabulosa illiusmodi Deorum vetustate repetitis: sed sancta, et vera religiõ cõdita sunt. Ut quemadmodum vultus pacatus, & constans in homine, bene affecta mentis, & probi animi est indiciũ: sic tua ista eximia erga Deum pietas, qua sese in tuis scriptis primam offert: nos cogit de te, deq; omni sensu animi tui, excellẽteq; doctrina præclarè existimare. Ac cetera quidem tuum carmen mirè mihi satisfecit: video enim quos initeris, quid referre in tuis scriptis et exprimere conere: tibiq; neq; in eligendo iudicium, neque in conando fructum laboris tui abesse intelligo. Perspicio etiam verborum elegantiam, sententiarũ acumen, numeriq; apta et varia compositione delector. Sunt enim ista omnia in te ita studio et cura elaborata, ut sint ubiq; nihil ominis ingenij luminib. lita. Illud vnum interdũ (quanquã admodũ raro) desidero: quòd cupissem nonnulla à te diseri explanatius, quibus nũc percipiendis mens nostrã aliquantulum laborat. Atq; illa (ne forte mihi Lucretianum modum dicendi opponas) non sunt ex eo genere, quod difficultate rerũ quæ tractantur, suapte sponte obscurum propè necessariò sit, in quo solet iustã esse scribingentibus excusatio: sed è medio quadam sumpta, compressius abs te dicta sunt, quæ dilatari, et patere melius voluissẽ. Neq; ea tamẽ tam multa, ut pertimescas. Sed fortasse ut nodus robur,

& vt nauus decus aliquando, atque ornatum, pulchro  
 corpori asferre solet: sic plerisq; illa poterunt videri  
 iccirco esse quæ sita: quidd cursus nostra cogitationis,  
 fluentis in facilitate orationis, aptè illis interdum, tan-  
 quam salebris, retinetur. Quod quidem ad veras lau-  
 des egregiè compositi carminis pertinet, totum tibi i-  
 ta tribuo, vt hoc planè confirmem, nihil me his aliquot  
 iam annis in eo genere editum legisse libentius. Itaque  
 te iam ne hortor quidem, vt quo itinere instituiſti, eo-  
 dem porro pergas. Satis enim tibi incitamenti, cum iu-  
 dicium de te, expectatioq; hominū, tum fructus ille in-  
 genij suauissimus, qui in pangendo maxime & in com-  
 mētando percipitur, debet asferre. Qui etsi omnib. eru-  
 ditis datus est, cum hi aliquid ex sese procreant atq; gē-  
 gnunt: vberior tamen adest poetis. Quanq̃ ego te nou  
 portam magis, quàm oratorem esse statuo: cuius rei fa-  
 cio ex epistola tua coniecturā. Ea enim ita cōmodè, &  
 concinniter scripta est: vt facile intelligā, te vtruncq;  
 velis, & suscipere & posse præstare. De me verò, quē  
 tu tantopere in tuis scriptis ornas, eoq; honore afficis,  
 quo maiore nemo afficere quenquā potest, quid dicam,  
 vix reperire mihi posse videor. Nam si eas in me laudes  
 agnoscam, quas tu mihi tribuis, timeo, ne arrogans: sin  
 repudiē planè atq; reſciam, vereor, ne ingratus aduer-  
 sus te sim, cum de tuo iudicio ipse detrahā, eo ipso vnde  
 sim ornatus. Quamobrem vt in difficili eiusmodi cau-  
 sa, ad id me vertam, quod meo pudori maximè est con-  
 sentaneum: vt tibi agam pro tua ista humanitate et er-  
 ga me beneuolentia gratias, meq; tibi hoc nomine ob-

strictum esse confitear. Quod facio equidem, & libēs facio: tibiq; persuasissimū esse cupio, te à me singulariter amari, vel ingenij, & virtutis, et probitatis tua causa: vel eius officij atq; amoris, quo me ipse prosequeris: vel q̄ eorum & temporum, & hominum, in tuis literis mentio facta est, quorum meam & memoriā, & erga illos benevolentia, dies nunq̄ delere obliuione vlla potest. Vt præter id, quod tuo nomine tibi debeo, quantū etiā illos dilexi, totum in te persequar. Quo me in te animo esse, si vsus venerit, re ipsa, experiendoq; cognoscēs. Vale. Carpētoracti, VI. Ca. Iunij. M. D. XXXVI.

IAC. SADOL. EPISC. CARP. SEBASTIANO Gryphio S. P. D.

**S**uperioribus proximis diebus, cum esset allatus ad me liber Aonij Palearij, de immortalitate animorū, præclaram inscriptionem præ se ferens, eamq; rem totam heroico carmine complexus, legere eū statim perquam auide cœpi: quasi tētaturus, an promisso satisfaceret, qui tam sublimem titulū operi suo præposuisset. Atq; ibi video, id quod mihi primū summa voluptati, deinde penè incredibili admirationi fuit, rem tantam quanta altera nulla est, quæ quidem scriptorum ingenijis proposita sit, tū grauitè tam eruditè, tam etiam & verbis & numeris aptè atq; eleganter tractatam esse, nihil vt fermè nostrorū temporum legerim, quod me in eo genere delectarit magis. Nam nec sententiarum orationisq; vbertas, in tam difficili ac penè spinosa materie, vlla desideratur, nec in exponendis reb. reconditisimæ lux atq; facilitas. Numerus porrò carmi-

nis

nis is est, vt videatur Lucretium velle imitari, redolet enim antiquum illud: sed ita sapore humanitatis conditus est, vt asperitate dimissa, vetustatis tamen auctoritas salua remaneat. Atq; hac in vniuersum. Illa iā partium singularum propria, nihil non Latinè dictum, nihil non accuratè, quòue iudicium & diligentiam adhibitam esse non pateat: multaq; pratercà vbiq; nitètia ingenij & vetustatis luminibus. &, quod ego pluris quàm reliqua omnia facio, Christiana mēs, integra, castaq; religio, erga Deum ipsum honos, pietas, studium, in eo libro vel maximè, non solùm docere mentes errantium, sed etiam animos incendere ad amorem puræ religionis possunt. Sed quorsum hac, mi Gryphi? Primū volui dare testimoniū apud te doctissimo viro, vt quid de eo sentirem tu planè cognosceres. Deinde à te petere, id quod ipse quoque cuius volo causa, & petit à te per literas, & summè flagitat, vt eius hosce tres libellos tuis formis exprimēdos cures. In quo ille valde suo honori, ego meæ cupiditati satisfactum fore abs te arbitratur sumus. Noli enim putare non apud Italos omnes tuum esse nomē in magna gratia. Quicquid prodit ex officina tua, id ita demum & rectum & probatum habetur omnibus, si in eo tuum nomen sit prescriptum. Nota est enim probitas, & diligentia tua, nota eruditio. Quid igitur restat, nisi vt tu & bonis et amantibus tui morem libenter geras? Quod tamen semper sponte tua facis, nunc mea etiam causa facere propensius debes, qui meam fidem atq; officium in hac re agi iudico. Sum enim, vt tu scias, in hoc ipse libro honorifi-

centissimè appellatus, secundo ( vt opinor ) volumine, vt tibi hac opera mihi quoq<sub>3</sub>. vnà cum Aonio, non ipsi soli præstanda sit: quandoquidem tu me amore iam pridem, atq<sub>3</sub> obseruantia tua mirificè es complexus. Nec erit cur te pœniteat, hunc talem librum Actij Synceri, & Vide doctissimorum hominum, ac præstantissimorū poetarum scriptis adiunxisse: cum quibus certè hic iure comparari potest. Nam & in eadem argumenti sententia sanctitateq<sub>3</sub> ornatissimè versatur, & philosophiæ præterea rationibus vberius est instructus. Sed hoc tu per te aequè bene cognosces. Illud utiq<sub>3</sub> tibi persuasum habere debebis, quicquid in hac re ex mea & Aonij voluntate effeceris, id utriq<sub>3</sub> nostrum fore gratissimum. Eadem hac de re, quod eam magis mihi cura esse intelligas, meis verbis tecum aget vir optimus, ac veterem mecum amicitia coniunctus, Thomas Sertinus: sic enim ei à me mandatum est. Qui & vt in me semper per officiosus fuit, & pro eo studio, quo probos & eruditos homines sui similes prosequitur, non dubito quin diligenter officio functurus sit. Vale mi Gryphi. Carpentora acti. III. Calend. Iulij, M. D. XXXVI.

IAC. SADOL. EPISC. CARP. GALEATIO Florimonti Suessano S. P. D.

**B**inas à te eodem tempore accepi literas: quarum altera ex cœnobio Ferrariensi, vt scribis, VI. Calend. Ianuarij erant data: altera Baucis pridie Calen. Iulij, quæ me utraq<sub>3</sub> mirificè delectauerūt, multis enim sunt & amoris tui erga me, & ingenij ac doctrinæ significationibus referta: ac, vt verum tibi confitear, longè  
aliane

aliam personam mihi, aliud specimen ingenij obtulisse  
 visa sunt, ac priores fecerant: quibus fueram adductus,  
 ut te admonendum putarem, ut omiſſis leuioribus illis  
 studijs, ad grauioreſ arteſ te conuerteres. Quod et ſi  
 tunc à me optimo fuit factum animo, tamen nunc pla-  
 nè intelligo, non fuiſſe neceſſarium. Te enim id ita fe-  
 ciſſe, multumq; in omnibus artibus optimis profeciſſe  
 ſentio. Sed quæ tu de ſacris literis, deq; earum ſummiſ  
 doctõribus ad me ſcribis, ea mihi vehementiſſimè pro-  
 bantur. Omnis enim noſtra ſalus, omniſ beata & im-  
 mortalis vitæ ſpes, in illo potiſſimùm ſtudiorum gene-  
 re poſita eſt. In quo verò aſſernari videriſ philoſophi-  
 am, & grauiſſimos illius auctores reijcere, id mihi tecũ  
 conuenire nõ poteſt. Ego enim cùm me ex illius ſtudio  
 non admodum hebetem ſentio eſſe factum, tũ verò ſic  
 ſtatuo, non lapidem lapidi, neq; parietem ſtaſtigio vllũ  
 tam congruere, quàm theologiæ & diuinis literis phi-  
 loſophiã. Itaq; illud ipſum q̃ induciũ tanquã illudens,  
 tanti eſt, ut abſque eo perſuaderi quidem poſſit, &  
 εἰ ἀνάγκη πᾶρ τὸ κινούμενον ὑπὸ τινος κινῆσθαι,  
 exiſtimari eſſe Deum, ſciri autem nequaquã. Sed hac  
 hæcenus: non enim huius ſunt ſcriptionis, & temporis.  
 Tu q̃ videriſ vereri, ne tua mihi literæ moleſtæ ſint,  
 facis mihi nonnullam in eo iniuriam: parum enim com-  
 modè de mea humanitate exiſtimas. Scito igitur, tuas  
 mihi literas, & antea gratas extitiſſe, & in poſterum  
 fore ſemper gratiores. Commentarios meos in Pſal-  
 mum XCIII. remitto tibi, quando me illius ſefellit  
 diligentia, cui primo negotium dederam. Facies au-



tem tu mihi pergratum, si quando his studijs apprind  
deditus es, si qua tibi non bellè in illis videbuntur se ha  
bere, de ijs me admonueris: hominisq; amici verissimo  
officio fueris functus. Quod ut agas, studiosè abs te pe  
to. Vale. Carpentoraçti, X. Calend. Martij.

IAC. SADOLETVS EPISC. CARP.

Angelo Colotio S. P. D.

**S**Aepius iam literis meorum certior factus sum, viue  
re apud te & ceteros istic aequales nostros, quos  
fortuna nobis reliquos fecit, mei memoriam absentis:  
sanctumq; illud fœdus amicitia, quo vetusto admodum  
coniuncti inter nos sumus, suâ apud vos religionem ob  
tinere. Quod mihi cognosse fuit iucundissimum: et si  
hoc verbum, propter eas ruinas quibus oppressa sunt o  
mnia, iam dudum ex vsu atq; animo nostro sublatû es  
se videatur. Sed tamen cum mihi scribitur (id autè sit  
ferè quotidie) te & Petra sanctam meum, cuius ego ex  
cellens ingenium & naturam liberam atq; ingenuam  
dilexi semper, & Thebaldeum magno honore ac laude  
dignum hominè; Curtium quoq; nostrû, cuius plura iâ  
extant cum literarum atq; ingenij, tû amoris erga me  
atq; officij indicia ac monumenta: amanter sæpè percõ  
tari de me, meâq; pristinâ desiderare consuetudinem;  
profectò hominum cum mihi mea voluntate et iudicio  
charissimorum, tum sua virtute ac dignitate honestissi  
morû, crebra de me mentio, eademq; plena amoris &  
desiderij maximâ mihi voluptatem affert. Nihil enim  
est homini curi fide amicitias colenti, quo me ex gene  
re hominum esse profiteor, pari amicorum erga se vo  
lunta-

luntate optatius. Ac mihi recondanti spatium prateriti temporis, & vetera animo repetenti, cum & plures conuenire soliti eramus vnà, & erat aetas nostra ad omnem alacritatē animiq; hilaritatem lōgè aptior: quoties venire in mentem putas eorum cœtuum conuiuiorumq;, quæ inter nos crebrò habere solebamus? cū aut in hortis tuis suburbanis, aut in meis Quirinalib. aut in circo maximo, aut in Tyberis ripa ad Herculis, aliàs autem alijs in yrbis locis conuentus agebantur doctissimorum hominum: quorum vnumqueng; et propria ipsius virtus, & communis cunctorum predicatio commendabat. Vbi post familiares epulas, nō tam cupedia multa conditas, quàm multis salibus, aut poemata recitabantur, aut orationes pronūtiabantur, cum maxima omnium nostrum qui audiebamus voluptate: quodd & summorum ingēnorum in illis laus apparebat, & erāt illa tamen quæ proferebantur plena festiuitatis ac venustatis. Quo in genere recordor pressum & acutum Casanouam, Capellam latum sonantē, magniloquum Vidam, & cuius proximè ad antiquam laudem carmē accederet: castigatum & prudentem Beroaldum: vberes autem et suauis Pierium, Granam, Mathalenum, Blosium, quosq; complures nostra perspexit aetas, partim carmine, partim soluta oratione eximios: cuiusmodi Nigrum nostrū Tulliana in dicēdo grauitate: Antoniumq; Venantium, et Binum in vtrāq; eritentem: lingua. Acres autem in iudicando, et imprimis acutos, Vbaldinum, & Antoniū, cui Computista cognomen est. Quo è numero multi in vtroq; genere dicendi egregiā sibi

sibi laudem à doctis omnibus comparauerunt. Nam illa ornamenta & lumina Rommana linguae, Phadrus et Camillus Porcius, magno cunctorum incommodo iam diu morte erepta nobis sunt: in quibus sedem sibi videbatur statuisse eloquentia. Cuius nunc honorem atque nomen, consensu iā vrbanoꝝ omnium, retinet Paulus Iouius, & in scribenda historia grauis & elegans, & in omni genere literarū perpolitus. Quin & duorum summorum hominum me admonet recordatio, fuisse quoq; eorum conuentu nostras aliquādo cœnas atque epulas exornatas: quorū est vnus Petrus Bembus, cuius in omni virtute laudeq; eloquentia summa et singularis semper fuit gloria: alter qui nuper in Hispania decessit maximo cum mœrore omnium quibus fuerat notus, hoc est planè omnium, Balthasar Castilioneus, magnus vir imprimis, nec solū nobilitate & genere, sed magnitudine etiam animi, et omni eximia virtute præstans: quiq; quod militari viro erat admirandum, omneis omnino arteis libero homine dignas, & omnia doctrinae genera comprehenderat: quem ego recordor saepe atq; hilare nostris cœtibus interfuisse: & ipsum, & eum qui pauld antè est mortuus, summa indole ingenij & spe maxima virtutis, Ioan. Franciscum Furnium ciuem meum. Namq; hos qui modò secutus supremum in Gallia obiit diem, pari cum illis virtute & nobilitate præstans, Andreas Nauagerius, tametsi nostris cœtibus minus saepe interfuerat: propter excellentem tamen in literis & scientiam & gloriam, à nobis est perhibendus. Lazarum autem qui nunc abest à vobis

cuius in Græcis & Latinis singularis est eruditio, quique philosophia & sapientia studia non solum scientia, quod faciunt permulti, in quibus tamen excellit: sed vita & moribus, & vera virtute complexus est: credo equidem vobis in desiderio esse. itemq; Marium Volaterranum, hominem grauem iam & dignitate, & annis: sed cuius admirabile ingenium, summamq; optimarum literarum cognitionem, nisi vrbs & vrbana cura prapediuisent, plurimum lucis allaturum nostro seculo non dubito fuisse: à quo potissimum exhilarabantur cœnæ nostræ: cum & in laceffendo acutè, & in respondendo, omnes ex eius verbis atque vultu effluerunt lepôres. Nam Marium Buccabellum quod audio esse incolumem, maximopere lator: hominem cum omni virtute ornatum, tum mihi amicissimum. Atque inter hos tot & tales viros, aliosq; complureis, quorum omnium nomina persequi non huius est scriptio- nis, dulces quoque Corycij iracundias, & gratas ineptias Donati spectare haud displicebat: quos noster Sauoia homo omnium facetissimus & prouocare solebat studiosè, & ridere. Nam de te mi Coloti quid ego dicā? Cuius in animo, ac natura mihi videntur Musa effigiem sui moris ac decoris insculpsisse, vt esses pudore, virtute, liberalitate ornatissimus: cuius pectus atque ingenium, doctrinis omnibus domus autē ipsa tuæ omnibus doctis pateret. An est quicquam in rebus ad conciliandos natum animos, quod meam in te beneuolentiam non accendat, præsertim cum me abs te tantopere intelligam amari? Sunt quidē & multa praterea

amo-

amoris causa: vetusta necessitudo inter nos. Societas  
 etiam eorundem studiorum, tum cum dabamus Græco  
 doctore Carteromacho simul operam. Quo quidem ex  
 tempore recordeo nec meam tibi insignem beneuolen-  
 tiam, nec tuum mihi studiū vnquam defuisse: tum aut  
 multa sæpe nobis communia, lusus, conuictus, deambu-  
 latio: par propè atq; idem in amicis delectus, ex eis-  
 dem rebus delectatio. Sed quorsum ista? omnino lon-  
 gius sum lapsus, meq; veterum & rerum & hominum  
 cogitatio vltèr prouexit, quàm fuerat volūtas. Sed  
 tamen illud intelligi à te volo, non vestrū solum, qui  
 valetis & viuistis, (quorum quidem salus mihi ita iu-  
 cūda est, vt mea sit vita propter vos mihi charior) sed  
 eorum etiam, qui fato functi sunt, quorum maior lōgè  
 est multitudo, memoriam cunctorum mihi in intimis  
 sensibus inherere: quorum equidem omnium, (si hoc  
 ocium, quo nunc perfruor, Deus mihi fortunarit) no-  
 men non patiar apud posteros ignorari. Atq; hæc tem-  
 pora, & hæc vitæ iucūda ac beatæ suauitates, insecuta  
 clades & acerba fortuna reipub. disiecit. In quibus de-  
 trimētis, etsi maximum cepi ex vrbe graui casu, et ve-  
 strum omnium iacturis, quos illa calamitas oppressit,  
 dolorem: tamen id mihi accidit non incommode, quod  
 consilio & voluntate reliqui res Romanas, antequam  
 illa me istinc tempestas extruderet. Direptæ meæ qui-  
 dem omnes, dissipatæq; fortuna: idq; nō semel, sed bis,  
 aut etiam tertio: quodq; durius visum, libri vnà erepti.  
 At nihil tamen indignitatis, nihil fœditatis in corpore  
 passum sum. Nudus in hæc oras, tanquam ex naufragio  
 sum

sum compulsus, ac liber animi, & placatus tamē: utpote cui iā non in his rebus externis, non in honore & gratia populari, non in diuitijs atq; opibus: sed in alia quadam certa ratione viuendi, animi sit quies, et vitæ beatitudo reposita. Itaq; facile patiōr, meum constitutum procul ab vrbe manendi, vinculis iam ineluctabilib. cōstrictum esse, non solum voluntatis meæ, verum etiam necessitatis: cuius numini ~~non repugnare ne~~ Deos quidem ipsos vetere proverbio iactatum semper est. Etenim cum consilium cepi Roma exeundi, noli putare nō multa extitisse, quæ me dehortarētur, & quæ animum meū quodam dolore flecterent: amor, consuetudo, spes honorum amicorum & necessariorum lacryma, ornatissimorum hominum familiaritates: quibus ego (quod liceat sine arrogantia dicere) egregiē prater ceteros florebam: atq; illi ut me ipsum, nō ut fortunam meam appeterent. Dices, quid ergo? quæ te ad discedendum causa compulit? Illa, mi Coloti, quod magna mihi vitæ parte in alienis rebus iam acta, ad ea quæ me attingunt propius, & in quibus mea salus & vera vita consistit, mihi aliquando tandem reuertendum intelligebam. Dederam satis principibus, dederam satis amicis, dederam Reipub. mihi quando darem? si iam quinquagesimum attingens annum, non ex illis fluctibus in portum, & ab terrenis ad cœlestia et curam & animum meum reuocarem? His ego de causis vrbi salutē dixi: non amorem et charitatem christianam deponens, sed contactū rerum turbulentarum reformidās. Sed quod dicebā modò, me ut absim ab vrbe, non solum volunta

tis, verum etiam necessitatis vinculis constrictum esse,  
 id eiusmodi est: Nulli vnquā sua patria, solumq<sub>3</sub> illud  
 in quo quisq<sub>3</sub> natus, & alitus, gratā incunabuloru me-  
 moriam secū perpetuū fert, tū charum fuit, tamq<sub>3</sub> ama-  
 bile, q̃ mihi vrbs Roma, et sancti illi penates tot claris-  
 simorū fortissimorūq<sub>3</sub> hominū, quorū penē in passus sin-  
 gulos, cū p vicos & plateas vrbs vadebamus, aliquod  
 in monumentū, aliquāq<sub>3</sub> in historiā pedē ponebamus.  
 Cur aut tantū amarem, & vetustatis admiratio facie-  
 bat, & præsens ciuitatis maiestas: & me hercule etiam  
 magis, q̃ quicq<sub>3</sub> d est in me humanitatis atq<sub>3</sub> ingenij (si  
 modò est aliqd) omne hoc illi referebā acceptū. Hāc igitur  
 Vrbe mihi dilectā & charā vsq<sub>3</sub> eo, vt nihil in amo-  
 re fieri possit ardentius, deformatā ruinis, exinanitam  
 frequentia, plurimis claris viris, illustribusq<sub>3</sub> orbatam,  
 quorum in suauitate & benivolentia mei (quos pro re-  
 pub. c. ipiebam) labores requiescebāt, vt videre velim,  
 animū inducere non posū: iactatā praterea etiam nunc  
 procellis, obiectam tempestatibus. Ita quod prius amo-  
 re repugnante, iudicio tantū adductus faciebam: nūc  
 eodem amore autore firmitus facio: vt sedem mihi in his  
 locis perpetuū domicilio constituerim. Si quidem aman-  
 tis est non solum appetere congressum eorum quos a-  
 mat: sed si quid illis accidat miseria & calamitatis, cui  
 ferre opem ipse non possit, non modò aspectum tanti do-  
 loris, sed mentionē quoq<sub>3</sub> ipsam deuotare. Quamobrē  
 immota hac quidem et in omnem partem stabilis est a-  
 nimi mei sententia, tempus reliquum vitæ quod super-  
 est, non in vrbe Roma, sed Carper: toracti: neq<sub>3</sub> ad homi-  
 nis



nis vllius arbitrium, sed ad summi Dei honorem atq;  
cultum, mihi impendendum et consumendum esse: ita,  
vt optimis artibus & literis suam partem sim daturus.

Qua spe, et quo euentu, quoniam nihil magnum de me  
polliceri possum, totum in aliorum opinionib. relinquo.

Quod aut mihi vehementer cordi est, & de quo pluri-  
mum laboro, vt saluū maneat mihi et præcipuum orna-  
mentū præteritæ vitæ, & futura solatiū: hoc est, vt ve-  
stra erga me voluntas incolumis permaneat, quādo ex  
vestro amore erga me, vestroq; iudicio, omnis prope  
mei animi letitia pendet: id vos vehementer oratos &  
rogatos esse volo, vt mei absentis memoriam retinea-  
tis: quāq; ego fide, quāq; constantia, fidem verā amici-  
tia conseruās vos in oculis atq; in animo assiduē gero:  
eandē vos mihi fidē beneuolentiāq; præstetis. Quod nō  
vt diffidens postulo, sed vt amans, & quod omnium re-  
rū mihi est optatissimū, me ab illis diligere, quos cunctōrū  
amore dignissimos, ipsorum virtus, et doctrina, & sum-  
ma humanitas facit. Valete. Carpent. M. D. XXIX.

## IAC. SADOLETI EPISC.

CARPENT. EPIST. LIBER VI.

IAC. SADOL. EPISC. CARPENT.

Ioan. Bellaio Episc. Parisiensi S. P. D.



MOR meus erga Langæum fra-  
trem tuum eximius & singula-  
ris, (quem ego propter eius mul-  
tas & magnas virtutes diu antè  
susceptum, sanctissimè, fidelissi-  
meq; conseruo) fecit; vt simili m-

te quoq<sup>3</sup> voluntate semper fuerim, eamq<sup>3</sup> tibi beneuolentiam praestiterim, quam & fratris tui mihi perspecta, & tua saepe audita, omniumq<sup>3</sup> in primis probata testimonio, virtus postulabat. Sed accidit in hac coniunctione nostrae amicitiae, ut vos essetis, q̃ ego multo fortunatiores. Cū enim nihil sit, neq<sup>3</sup> natura ipsa praestantius aut clarius, nec bono viro iucundius, quàm benefacere: vos omnis vestrae liberalitatis exponendae occasionem in me saepe habuistis: ego autem ne semel quidem facultatem sum nactus, quo fratris tui merita erga me paribus officijs compensare possem, & ostendere vtriq<sup>3</sup> vestrum, concedere me homini profectò nemini, qui maiore animo & ad promerendam & ad referendam gratiam, aut propensiore ad benefaciendum natura sit paratus. Sed tamen quoniam vos quoq<sup>3</sup> in primis digni estis, quibus instrumentum fortuna suppetet vestrae declarandae virtutis & bonitatis: sit sanè in hoc sors vestra felicior, ego ad ceteras causas diligendi tui, hanc quoque habeo non minorem ceteris, quòd in eiusdem collegij munus atq<sup>3</sup> officium à Deo pariter vocati, huius sacri honoris societate coniuncti sumus: quem & tu summa cum laude geris: & ego id adnitor, ut ne omnino improbandus sim. Hac cū ita se habeant, nulla iā apud me residet dubitatio, quin ego vicissim abs te diligar, quod tu quidem facere debes, vel fratris eiusdem tui causa, vel etiam tua. Conuenit enim naturae et humanitati tuae, ut in amore respōdeas his à quibus diligare. Quod cū ita esse mihi persuaferim, id à te institui petere, quod mihi hoc tēpore maximum esset,

esset, maximeq<sup>3</sup> necessarium. Paulus Sadoletus mei filius fratris, adolescē s institutus sanè quàm liberaliter, mihi iam pridem à patre traditus, à me pro filio educatus est. Is affectus cupiditate visendæ aulæ Regiæ, & eius cognoscendi, ac meo etiam nomine venerandi Regis, de cuius plurimis ac maximis virtutibus quotidie & à me permulta, & à multis sæpe audit, istuc venit: quædam illi etiam expositurus, quæ à me mādata sunt. Eum ego & tibi, & Langæo fratri tuo potissimum commendo. Quanquàm enim non egeo aliorum amicorum & benevolentium copia, vel abundo etiam potius: tamen omnium hominum nemo est, quem ego malim adhibere in meis negotijs atque rebus, quàm alterutrum vestrum. In quibus mea omnis reposita est fiducia, vos fraternè & amanter curaturos, ut ea quæ ego volo, quèmadmodum quidè volo, ita maximè fiant.

Quid autè velim, et quamobrè istuc miserim, ex Paulo ipso cognoscēs. Ei porrò mādauī, vt nihil omnino agere aggrederetur, nisi conuento prius Langæo: quem fortè in aula si non offendisset, ad te adiret, omniaq<sup>3</sup> gereret de vestra potissimū auctoritate ac sententiā. Quia propter peto à te, vt hunc adolescentem, mihi & charum admodum, & probatum, omni humanitate tua excipias. Ego si ea abs te officia expecto, quæ tibi vicissim si casus ita ferret, libentissimè tributurus essem: non tibi id nūrum videri aut nouum debet. siquidem ex illis artibus literisq<sup>3</sup> liberalissimis, in quibus instituti ambo atq<sup>3</sup> educati sumus, sic didicimus, inter bonos agi liberè omnia, & familiariter oportere. Quorum verborum

nim si attenderis, hoc profecto statues, & tuam mihi paratam benexolentiam semper praesto esse debere, & meam tibi: quod à parte tua sperare, à mea polliceri tibi possum. Vale, & nos dilige tui amantissimos. Carpentoracii, M. D. XXXII.

# IAC. SADOLETVS EPISC. CARP.

Ioanni Bellaio Episc. Parisiensi S. P. D.

**C**um aduentus Pauli summa me latitia affecit, propterea quod paterna illum iamdudum charitate complexus, eius ingenio, probitate, modestia, sic delector, ut omnia quae parentibus à bene moratis liberis iucunda accidere solent, ab illo mihi accidant: tum uero cumulatsum maximo gaudeo, cum de tua erga me atque illum voluntate, deq; omnibus officijs, quae mihi absenti in illo praestitisti, ipsius testimonio & verbis sum edoctus. Quae quidem non solum illo exponente cognita mihi sunt, sed tuis etiam humanissimis & elegantissimis literis confirmata. Ego verè (sic tua et mea salus perpetuo mi Bellai Deo cordi sit) ut istum animam tuum erga nos, amorem, studium, omnibus fortunae premijs & honoribus antepono. Non enim quicquam duco in rebus humanis esse optabilius, quam diligi ab his, qui propter virtutem & nobilitatem, dignissimi ipsi sunt ab omnibus qui diligantur. Quod quando mihi in te contigit, & tibi qui es mihi charissimus, ego quoq; vicissim (ut video) non inamabilis sum: & mihi ipse gratulor, & tibi gratias ago. Quod nobis tua opè et operam paratam desers, si quid mihi, vel Paulo istic fuerit opus, ego promissionem tuam neque contemno,

& tamen istam tuam voluntatem omnium promissio-  
 num exitu habeo chariorem. Te enim ipsum potius ex-  
 peto eximiumq; in te bonum, & in Largo fratre tuo  
 mihi constitutum est. quos habeo ambos, quibus non  
 beneuolentia solum, sed vero etiam iudicio sum amicus si-  
 mus. Quod quidem latius etiam manat, & in illum fra-  
 trem vestrum, qui Lutetia in senatum est cooptatus,  
 & in vniuersam domum familiamq; vestra. E qua cū  
 videam qui exoriantur viri, quibus ingenij et animi or-  
 namentis præditi, de generis vestri indole ac disciplina  
 id statuo quod necesse est, esse illam in laude virtutis  
 raram, in exemplo prope admirabilem. Quid enim ve-  
 stra ista comitate, & in obsequendi studio, diligentia,  
 sedulitateq; spectatius? Sed hac, quæ maiorem copiam  
 orationis desiderant in aliud tempus differenda sunt.  
 Regi isti maximo, ac præstantissimo, ego iam pridem o-  
 mni obseruantia & amore me addixi. cū alijs quidē  
 etiā de causis, vel quod ita debeo (sum etenim illius iuri  
 potestatiq; subiectus) vel quod ipse humanitate, bene-  
 ficentia, magnitudine animi, omniū cultum amoremq;  
 demeretur. Verū illa tamen præcipue me i duxit ra-  
 tio, quod ipsius animum prope sum erga bonas literas,  
 dignū esse arbitror cui ab eisdem literis & artibus quas  
 amat, honos & gratia referatur. Quarum ille artium  
 causa cū mihi nonnihil de sua beneuolentia impartiat,  
 vt & tu scribis, & ipse ex multis indicijs cognoui: eni-  
 tar, atque contendam, quoad efficere potero, vt tanti  
 Regis nomen per me quoque propagetur in posterita-  
 tem. Omnino opus habeo in manibus vnum omniū dif-

ficillimum: de quo (vt video) ex Pauli sermonibus satis cognosti. Sed tamen in maximis conflictationib. altissimarum questionum, dabo operam, vt mea diligētia ac laboris fructus aliquis appareat: etsi, quod mihi per quā cecidit incommode, quatuor iam mensib. valetudine aduersa ab illo opere & cura sui distractus. Sed & ego incipio ex morbo recreari, & te depulso morbi periculo, tuam pristinam valetudinem recuperasse, vehemēter lator: neq; me meā sperare propinquam iam salutem, quam te tuam adeptum esse incrudius mihi est. Verū de his hactenus. Ego & tibi & Lango fratri tuo pro vestris singularibus officijs maximas gratias ago: & par vobis studium, similemq; xoluntatem polliceor. Quod aut est fidelis veraq; amicitia proprium, vt nunquam vestrorum exeat mihi ex animo memoria meritorum: id ita prestabo, vt vos nobis eiusmodi studia amorisq; indicia tribuisse ne vnquam pœniteat. Valete. Carpentoracti, X Calend. April. M.D.XXXII.

IAC. SADO LETVS EPISC. CARP.

Ioanne Bellaio S.R.E Cardinali S.P.D.

**N**ihil quidem ad me nouum, sed tamen & optatum semper, & gratū ex vrbe rediens attulit Paulus, cū de tua erga presentem se, meq; absentem humanitate, beneuolentia, comitetaq; plurima commemorauit. Quæ ego audiens, mea q; vetera & perpetua studia erga te, & fratres tuos, animo recogitās, facile mihi persuadebam, quod tantū vobis honoris semper atq; obseruantie tribuissem, quod tantum vos adamassetis, omnibusq; meis officijs vestram precipuē familiam ex  
omni

omni Gallica nobilitate fuiſſem proſecutus, poſitam à me operam perbene, idq; iudicium, quod de vobis feciſſem, non tam vobis laudi, quā mihi ipſi ornamento eſſe intelligebam. Fortes enim viros, et liberales, eoſdemq; magni animi, etiam conſilij, tum aut omnibus artibus ingenuis egregiè inſtitutos, florētes gratia, honore, nobilitate, cū amare occēpi, non ſolū faui illorum uirtutibus, ſed meæ quoque laudi conſului: cū ex eorum amicitia factus ipſe ſum honeſtior. Neq; hoc tamen malitioſè ſpectaui, vt ad meum cōmodum iſta reuocarem: ſed verò veſtri memores, veſtra virtus, veſtra dignitas ad ſingulare quoddam de vobis iudicium adduxit. Et ſi (quod cum pudore quodā loquor) eos ex tua beneuolentia fructus percipio, vt quaſi hoc ipſum ante prouidiſſe & ſpectaſſe quodammodo videar: vt quod egiſti proximè in altero illo fratris mei filio, quem in cliente- lam & domum tuam receptum, non ſolū opibus ſuſtentas, quod ipſum per ſe magnum eſt: ſed & (quo nulum ſignum amoris nobis illuſtrius prabere potuiſti) conſilium ipſe dediſti Paulo, autorq; fuiſti, vt eum potiſſimum familiaritate tua deuinciret: quod mores adoleſcentis, qui videbantur eſſe inſtantioreſ, tua grauitatis nutu coercerentur. Hac res, etſi præter animi mei ſententiam ſic acta eſt (ego enim aliam quandam vitæ rationem adoleſcenti ipſi præſcripſeram) tamen poſtquā id ita vti fieret tua grauiffima interceſſit auctoritas, debeo exiſtimare, nihil non optimo à vobis factum eſſe conſilio. Tantū à Deo peto, vt adoleſcens, quem ego certè diligo, dignum ſe tuo hoc beneficio, &



inſigni humanitate prabeat. Quod autem ego plurimi facio, quodq<sub>3</sub> mihi ad letitiam animi, & ad voluptatē maximū eſt, habere tam illuſtre monumētum tui erga me amoris, de eo tibi optime atq<sub>3</sub> ampliſſime Bellai, tātas habeo agoq<sub>3</sub> gratias, quantas maximas & animus meus capere, & lingua verbis proferre ac nūcupare poteſt. Sed tu forte hos vocabulorum ſonitus non poſtulas, animum meum requiris: quem tibi ſemper deditiſſimum, quoti die etiā magis magisq<sub>3</sub> conſtrictum atq<sub>3</sub> obligatum habiturus es. Qui quidem ita tuus eſt, vt ſerē ſine te, & ſine dulciſſima recordatione tui, mecum nunquam eſſe poſſit. Eum ego mecum vnā, cumq<sub>3</sub> omnibus meis, qui omnes tui ſunt, dedo tibi atq<sub>3</sub> trado: teq<sub>3</sub> oro, vt tuam iſtam voluntatem erga me, quæ eſt mihi rerū omniū chariſſima, conſerues & tueare. Fratriſq<sub>3</sub> mei filium, ætate etiā nunc & moribus adoleſcentem, ita tibi commendatum habeas, ſi ſe dignum patrociniō tuo præbuerit. Vale III. Id. Martij, M. D. XXXVI.

# IAC. SADOL. EPISC. CARPENT.

Antonio Prato, Epifcopo Senonenſi,

S.R.E. Cardinali S. P. D.

**Q**uo tempore Romam à ſummo Pontifice ex mea eccleſia euocatus acceſſeram, ea conditione eram proſectus, vt conſtitutis rebus mei muneriſ, (eram. n. illi à conſilijs, vt tu ſcis) liceret mihi ad meam eccleſiā reuerti, & in ea diu iam debitum, & nuper inchoatū Deo omnipotenti ſanulitum impendire. Quod & poſtea ſeci optimæ Pontificis voluntate, ita apto tempore atq<sub>3</sub> opportuno, vt facile appareret iuſta & re-

Etæ

Et a cupientibus libenter Deum opem ferre. Viginti enim diebus ipsis ante sum elapsus, quam illa clades, horribilisq; calamitas vrbi Romæ incideret. Qua etsi mea quoque fortuna omnes dissipata fuerint: salus tamen mea, et libertas, mihi incolumis retenta est. Mea igitur causa dolendum mihi non fuit neq; enim admodum sum in actura rei familiaris commotus alienam autem vicem quin dolerem humanitatis causa facere non potui. Graui itaq; mœrore & acerbissimis animi angorib. ex multorum mihi amicissimorum, ac summi præcipue Pontificis incommodis fui affectus: quem ego (Deum immortalem contestans) virum bonum, eundemq; prudentem pacisq; imprimis amantem esse semper cognoui: verum aliquorum minimè prudentium consilijs parum felicè. Sed mihi ad meam ecclesiam iam reuerso tuo amplitudo proposita imprimis fuit. Arbitrabar enim mei officij esse, mea q; perpetua erga te obseruantia, aliquid ad te scribere, ex quo & mea fidelis tuorum erga me meritorum memoria, & maximarum clarissimarumq; virtutum tuarum admiratio tibi significaretur: egoq; quod diu antè cupiebam, amplificata dignitati tue gratularer: cuius ipse quoq; pro virili mea parte, si non adiutor (tua enim summa & præstabilis virtus atq; auctoritas meo adiumento non egebat) at certè conscius, & diligens minister extitissim. Accidit aut propter mea plurima incommoda, maximasq; omnium rerum difficultates, vt ab hoc scribendi officio vsq; ad hunc diem fuerim retardatus. Gratulor igitur tibi, vereq; & ex animo gratulor, quod hunc istum amplissimi sacerdotij bono-

honorem ita es adeptus, non ut gratiæ ille datus, sed ut virtuti tributus fuisse videatur: ut in eo non fauor, sed meritum: non muneris, sed præmij ratio, non voluntas dantis, sed accipientis dignitas fuerit spectata. Qui qui dem honor in te collatus, mihi ipse honestior atq; insignior multo videtur esse factus. Nam quod ad honorem ipsum attinet, multi sæpe indigni illum obtinuerunt. Sed habere usum rerum maximarum, fugere insamias & turpitudines, abstinere alienis, iustitiam colere, negotiorum maximorum et curarum altissimarum autorem esse sapientem, ingenio, integritate, doctrinamq; præstare, veri hi honores, vera ornamenta sunt. Quæ cum in te mea sententia permaxima sint, magis honori ipsi propter te, quam tibi propter honorem ducimus gratulandum. Ille enim indicare tantummodo habet eius hominis, in quem collatus est, virtutem & dignitatem, in quo fallere sæpe est solitus. Tu verò effecisti, non ut nunc demum verè indicet, sed ut plus in te etiam præstare, quam in alijs promittere posse videatur. Sed hac clariora, quam ut multa egeant prædicatione, parcius attingenda sunt. Tantum à Deo immortalis est postulandum, ut tibi istum honorem fortunet, & perpetuæ felicitati iubeat esse: quod nos summa cum benevolentia & amore erga te eundem ipsum Deum supplices deprecamur. De me autem ipso hoc tibi habeo dicere: cum tua erga me vetusta merita grata mihi recordatione in animo semper versentur, non posse me obliuisci quantum tibi debeam. Itaque laboro dies ac noctes, ut aliquo modo possim in te videri gratus. Et quoniam cæterarum facultat-

*eultatem rerum fortuna mihi adēmit, illud quod proprium est mihi ab Deo omnipotenti donū, quod ego sacris literis & præstātissimis disciplinis apprimè deditus colere scribendo nonnihil possum hominū de me et de ipsa virtute bene meritorum memoriā: totū tuæ laudis & amplitudini defero. Etenim hanc voluntatem meam si non fueris aspernatus, dabitur aliquando nobis locus, vbi memorem me tuorum erga me meritorum & tu ipse agnoscas, & ventura posteritas intelligat. Vale amplissime patrone, & tuo patrocinio nos fouere ne desine. Carpent. VII. Idus Sept. M.D. XXVIII.*

IAC. SADOLET. EPIS. CARP.

Antonio Prato S. R. E. Cardinali, S. P. D.

**Q***uia notum est meum erga tuam amplitudinē studium, & incredibili tui nominis obseruātia: ideo fit, vt quidam homines, de tua in me vicissim volūtate coniecturam facientes, cupiant tibi per me commodari. Quibus ego profecto hoc officium humanitati debitum non negabo: dum illud prius testor, in cunctis quacunque à te petiero, ita mihi cupere morem geri: si ea tibi & facilia factu, & æqua atq; honesta esse videbuntur Ioānes Fraxinus, qui has literas tibi reddidit, ciuis est Auenionensis, imprimis honestus & bonus, mihi autem, & sua causa, & suorum necessariorum ac cognatorum, quos ego mirificè diligo, valde charus atq; iucundus. Is ad nostrum hoc vitæ genus, & ad sacerdotalem ordinē aspirans, cuperet ecclesiastica aliqua vectigalia consequi: quod difficillimum sibi putat fore, nisi sacerdotiorū in regno obtinendi aliquā facultatem sit nactus.*

nactus. Eam porrò arbitratur se tua vnus ope atq; auxilio consequi posse. Itaq; eum tuæ bonitati, beneficentiæ, humanitatiq; commendo: vt per te, perq; tuam gratiam ac benignitatē, optatum exitum votorū suorum consequatur. Quod facilius efficere poteris, quòd & ipse mediocria postulat, & tua etiam limitandi ac definiendi futura est potestas. Ego, si hoc in illum beneficiū mea commendatione adductus contuleris, non mediocri me ipsum beneficio abs te affectum esse arbitror. Erit enim hæc significatio tuæ erga me voluntatis, non modò honori mihi & ornamento apud hæc nationes, sed animo etiam meo præcipuè grata: quippe qui fructum meæ in te summæ obseruantia summiq; amoris non alium prorsus quero, quàm amorem ipsum tuum: quo vt perpetuò dignus sim, omnibus meis studijs atque officijs diligentissimè prouidebo: tuorumq; erga me meritorum memoriam grata semper recordatione proseguar. Tu vt nos diligas, habeasq; in numero tuorum, omni animi cura & studio abs te peto. Vale. Capentoracti, XV. Calend. Martij, M. D. XXIX.

IAC. SADOLET. EPIS. CARPENT.

Antonio Prato S. R. E. Cardinali, S. P. D.

**M**ea tuarum maximarum occupationum cogitatio, facit, vt minus sæpe ad te literas dem, quàm cuperem. Sed vbi nominis tui honor agitur, non puto me alienum ab officio facturum, si quæ tuæ dignitati conuenire arbitrer, liberè ad te scribam. Sumus in maximo mœrore omnes, quibus rectus regendi ordo, & iustitiæ cordi est, ex Cosinerij Aquensis præsidis viri clarissimi

ni & sanctissimi morte. Qui his regionibus & populis abs te prepositus, tanquam è cælo nobis missus, nouæ integritatis & iustitiæ lumen quoddam omnibus ostendebat: suamq; propè inauditam virtutem cum tua maxima laude, & istius regis admirabili gloria, labore & vigilijs suis, omnium hominum tempori & commodo expositam habebat. Qui alieno sanè tempore nobis ereptus est: suo ipse profectò non mediocri bono, sed cum nostro graui incommodo. Quanquam ego eum de facie nō noueram. Verum ita se gerebat in eo munere, quod illi abs te cōmissum fuerat, ita æquitatem, veritatem, imbecillitatem, aduersus iniuriam, mendacium, violentiāq; protegebat, actuebatur, vt quotidianis illius laudibus, & commemoratione clarissimorum operum cacerent aures meæ. In quo egregia quedam iuncta erat commendatio nominis tui, cum incredibili cunctorum erga te beneuolentia. Sic enim omnes iudicabant, ad tuas ceteras virtutes, quæ vno omnium ore celebrantur, prudentiam, grauitatem, integritatem, doctrinā, quæ ita in te elucet, vt solus prope omnium hominum tātis curis & negotijs quæ gubernas, habere par, hanc quoque accedere laudem dignam sapientia tua, vt non solum per te, sed per alios etiam, velles populorum & gentium saluti ac tranquillitati esse consultum. Cum enim cerneremus omnes, quam tu curam suscepisses, vt optimus nobis rector præficeretur: & tuam prouidentiam de nobis agnoscebamus, & in te amore incredibili accensi ferebamur. Ac nostra quidem erga amplitudinem tuam volūtas eadem futura est, eademq; de tuis  
virtu-

virtutibus opinio. Sed tu in quo spes nostra sita sunt, cuius fiducia cuncti in tanto dolore aliquantum acquiescimus: per Deum ipsum immortalem, qui hæc facta et opera imprimis intuetur, qui te merito voluit tanta potestate esse præditum, ut istam tuam mentem tot sapientie thesauris refertam, ad publici boni curam totam conferres: ne deserere nos, eandemque adhibere auctoritatem et diligentiam, quam adhibuisti antea: ut similis nobis præses iustus, ac grauis, tuaque imitator disciplina de integro præponatur. Quod cum feceris, non magno tuo labore maximam es consecuturus apud Deum gratiam, apud homines laudem. Nos quidem qui tui toti sumus, & tuo nomini, fama, honori<sup>que</sup> præcipue dediti: quantum erit in nobis, non sinemus huius tui tanti ac tam insignis beneficii prædicationem, neque nunc silentio tegi, neque apud posteros mutam esse. Vale. Carpentoracti, Pridie Nonas Iulij, M. D. XXXI.

IAC. S ADOL. EPISC. CARPENT.

Antonio Prato, S.R.E. Cardinali S. P. D.

**Q**UAE tua fuerit humanitas in excipiendo Paulo meo, cum is salutatum ad te meis verbis venisset: quanta declaratio eius beneuolentiae, quem erga me susceptam habes, eo referente narranteque cognoui. Pro qua, quid ego tibi dicam? Habere me gratiam tibi? habeo e quidem. Sed quid istud est, tanti iam à te beneficii acceptis? An me relaturum eam aliquando? Quis audeat hoc loqui? aut quis non intelligat, sicut ad solis lumen lychni igniculum, sic ad virtutem, ad amplitudinem, ad auctoritatem tuam, meas omnes fortunas nullius esse  
*nomens*



momenti? Sed ne ego planè ingratus sim, si non agnoscam, & cui, & quantum debeam, audebo nimirum agere tibi gratias, atq; eas quidem quantas possum maximas: te vehementer deprecans, vt tua illa præstās atque eximia erga me humanitas, qua me tibi in perpetuum obstrinxisti, hoc etiā addat ad reliqua plurima beneficia cumuli, aut meam hanc gratiarum actionem in bonam partem accipiat: meumq; memorem, & gratum animum approbet, etiam si pares mee voluntati effectus non sequantur. Id quod me à sapientia, et ab animi tui aequitate spero iam impetrasse. Ego hoc tēpore versor in opere omnium difficillimo, vt diui Pauli epistolā interpreter ad Romanos. Cuius operis cū primum quoq; librum confecissem, (nā in tres libros tota diuisa commentatio est) forte iter hac habuit amplissimus vir collega tuus Franciscus Turnonius, cognitaq; meorum studiorū ratione, cū me multū vt perseuerarem hortatus est, tū illud petijt, vt simul atq; hunc primum perfecissem librum, ad eū statim mitterē: quod idem postea per literas non deslitit postulare. Id ego nunc feci: nisiq; ipsum volumē, exanimandū omnium doctorum iudicio, qui modò aequitatem animi cum doctrina habeant coniūctam. Nam quod ad me attinet, paratus ad vtrunq; sum, & probari, & reprehendi.

Qua etiam reprehensio si fuerit iusta, mihi futura est vtilior: quando per illam melior & consideratior fiā. Hac ego ad te scripsi, magis vt ne quid mearum rerū tibi esset ignotum, quàm vt audeā postulare vti hac legas. Qua etiam si non indigna, attamē incommoda

sunt tuis grauissimis & maximis occupationibus. Mihi tua salus, dignitas, amplitudo, ita est cordi, vt Deum optimum Max. quò ista omnia tibi tuèatur, quotidieq; ad secundiores prouehat euentus, rogare non desinam: quod sit virtuti, & bonis moribus ac legibus, sanctaq; fidei catholica, cum tua insigni laude, cōmodo semper atq; emolumento. Vale. Pridie Calend. Octobr. M. D. XXXII. Carpentoracii.

IAC. SADOL. EPISC. CARP. AN-  
tonio Prato S. R. E. Cardinali S. P. D.

**C**VM Lugduni fuisset, speciemq; illam in te summi & præcellētis viri, de quo tam multa absens audieram, ipseq; pluribus in rebus ita esse cognoueram, oculis mei præsens subiēcisset, fuissetq; eam magna mea cum voluptate, nec minori cū admiratione cōtemplatus: propterea quòd voluptatem mihi meus in te perpetuus amor, singularisq; obseruantia, admirationem verò sapientia & virtutis tua magnitudo afferebat: possum tibi confirmare, post meum illinc discessum, memoriam tui semper mihi in animo ita versatā esse, vt non dies, neq; noctes, mea de te cogitatio, & cura aliquid conandi, quò pro tuis plurimis erga me beneficijs gratus in te esse intelligerer, vllò modo requiesceret. Et si enim superioribus temporibus tu nunquam destitisti de me benemereri, tuamq; ego in meis rebus omnibus, quæ ope & auxilio tuo eguerunt, beneuolentiam erga me, humanitatem, liberalitatem sum expertus: tamen hoc recente factò, quo mihi dedisti præclarum apud Regem tui de me iudicij testimoniū: idemq; detu-  
listi,

lissi, ac de optimi Regis voluntate mihi es pollicitus: si Regem, & Regiam colere, et sectari vellem, amplissima mihi fortuna premia non de futura. Hoc inquam tuo præstantissimo merito, quo nullū maius à tanto & tali viro ne optari quidem potest, ita sum ad omnē benevolentiam & studiū colendi tui ac venerandi nominis incitatus, vt ne si vitā quidem pro te effundam, vel paruum partem tuorū meritorum videar consecuturus. Quanquam enim diu est, quod ego amplitudinem tuam & colo, & diligo, omniq<sub>3</sub> honore, atq<sub>3</sub> obseruantia prosequor, multisq<sub>3</sub> tuis erga me benevolentie significationibus summè deinctum me atq<sub>3</sub> obligatum esse sentio: tum aut de grauitate, doctrina, sapientiaq<sub>3</sub> tua ita existimo, vt nullum prope exemplum tale, hominis rerum molcm maximarum tanta facilitate prudentiaq<sub>3</sub> moderantis, ne antiquis quidem temporibus putem extitisse: tamen illud de te iudicium commune mihi cum multis semper fuit. Hoc verò quod præcipuè ac propriè meum est, quo tibi sum tanta et tam insigni tua humanitate obstrictus, sic me & cepit, et incendit, vt prorsus mihi necessariò confitèdum sit, neq<sub>3</sub> ad referendā tibi gratiā aliquas opes meas, neq<sub>3</sub> verò ad cōmemorandam verba vlla suppetere. Et quoniam arbitror ad meum officium pertinere, vt tibi respondeā, de eo, q<sup>d</sup> tu mecum locutus es: agamq<sub>3</sub> quoquo modo possum tamen gratias. Quorum alterum tunc propter breuitatē temporis mihi nō licuit: alterum nunquā plane licebit sic facere vt debeo: de eo primū dicam, quod ad sectādum Regem pertinet: cui equidē sum toto animi mei

studio addictus. Sed ut hanc vitam abiiciam pacatam, atque tranquillam, in quam ego veluti in portum, ex magnis ipse quoque negotiis, & agitationibus, tanquam ex fluctibus me recipi: non casu neque fortuito, sed consilio certo, dataque opera: nequaquam id videretur aut constantia mea, aut verioris vite utilitatibus conuenire. Non enim in opibus precipue, nec in diuitiis nostra posita bene agenda vite ratio est: sed in eis magis studiis & actionibus, quae & presentem nobis iucunditatem praebeant, et futuram immortalitatem pollicentur. Quod tu summus omnium et prudentissimus vir, in te ipso facile potes recognoscere. Sed & si quiescentis vite hac, illi alteri vite difficili & negotiosa praeponenda multum est: tamen cum incidant interdum tempora, ut officium ceteris rebus sit, anteuertendum, nec possit alter virtus & veritas rite conservari, nisi labor aliquis negotium suscipiatur: si quod eueniret tempus eiusmodi, quo magna res aliqua Regis nostri, magnae gloria ageretur, si modo ei ego muneri viderer esse idoneus: & si ea res cum fide & dignitate tractanda esset: in quo utique video errare & decipi communem vitam, quae versutas, et varias gerendarum rerum rationes, illis rectis & prudentibus actionibus anteponebat. Si talis, inquam, actio, ac tale offerretur tempus: non denegarem Regi nostro profectum operam et fidelitatem meam. Neque cum id facerem, viderer mihi ab hoc iam suscepto genere vite desistere: id enim certe nunquam sum facturus. Sed officio tantisper me iudicandum fungi, vnaque aliqua in actione ei Regi deseruire, cui me omni honesta ratione, et propter

pote-

potestatem eius, et propter virtutē atq; humanitatē esse subiectum decet. Sed neq; hoc vt contingat, optādum mihi est. Cupio enim rationes & consilia omnia Regis ita faciles cursus habere, vt non sit opera aut industria cuiusquā admodū requirenda. Et tamen si cōtingeret, nō tantā in me ingenij vim agnosco, vt non multos Rex habiturus sit, q̃ ego sum, magis idoneos.

Quamobrē hac tibi mēte et volūtate mea satis exposita, redeundū mihi ad id est, q̃ est omniū longē difficillimum: quo pacto tibi agā gratias. Quōd si aut tua nō tā ampla autoritas, aut merita erga me mediocria saltem forent, conarer aliquid profectō, & aliquam partem gratiæ exequi me posse considerem. Sed cū & amplitudo tuæ dignitatis, & benignitas in me tua omnem meā agendi loquendiq; facultatē longē superet: peto à te, vt meum amorem erga te, & fidem, & pietatem, quæ nūquam posthac à tui mihi venerandi nominis assiduo cultu, incredibiliq; obseruatiā absutura est, pro aliqua parte gratiæ recipias. Quōd si ea studia in quibus quotidie versor, aliquid fortē aliquando habebunt autoritatis: dabo operam profectō, vt quam tuum præclarissimū nomē meis ipsum scriptis multo plus luminis allaturum sit, quàm ipsi mea scripta, meum tamen de te, tuisq; præstantissimis virtutibus iudicium apud posteros appareat. Quod non ideo scribo, quōd magnā tibi rem polliceri mihi videar: sed quōd tu magnam meam erga te intelligas esse voluntatem. Vale. Carpentoraacti, V. Idus Iulij, M. XXXIII.

IAC. SADOLET. EPIS. CARPENT.

Ioan. Nicolao Aptæ Iuliæ Episcopo.

S. P. D.

**V**ellem tantum dari mihi ad scribendum facultatis, ut exprimere possem eam, quā concepi animo in credibilem letitiam, posteaquā audiui tua, & ceterorum episcoporum, qui istic sedes et domicilia habetis, opera, autore et principe amplissimo legato, factū esse, ut diuinum illud Pauli epistolarum volumē publicè explanaretur: vosq; vnā cū alijs multis, flagrātes studio sacrarum lectionum, in illud adiutorium conueniretis frequentes. Certē enim si Christianus sum, chara mēq; imprimis habeo omnipotentis Dei gloriā (quē admodum quidē habeo vita ipsa mea longē chariorē) hoc nomine maximē later necesse est. Nō enim alia re magis illa illustratur, neque ipsius Dei maiestas, infinitaq; bonitas melius ostenditur, quā cū illius beneficia erga nos memorantur: plurima illa quidem passim & maxima, quæ omni humano generi ab eo tributa sunt. Sed quod ad fidē Christi, & adoptionē nostram in genus summi Dei pertinet, quæ nos tanquam filij in hereditatem regni celestis vocati sumus, tale atq; tantum, ut vix humana vlla cogitatione magnitudo illius beneficij possit concipi, cuius in vno Paulo sunt explicata mysteria: si verō legati summi viri laudi fauceo, eiusq; dignitatem cupio esse quā amplissimam: sicut i profectō omni cum beneuolentia facio: quid illo dignius? quid honori, nobilitati, nominiq; eius cōuenientius, quā autorem esse tanti boni suis populis? suamq; tan-

tam & tam beneficam in omneis homines ostendere  
 voluntatem: ut quos patrocinio tegit, consilio guber-  
 nat, imperio & autoritate in pace et officio continet,  
 eos etiam studeat non solum terrenis bonis, verum etiam  
 celestibus florescentes sua opera fieri, ac beatos? Magna  
 ista laus, & principe magno digna. Hoc ille nimirum  
 suo facto, hac providentia, hoc insigni praestantiq; be-  
 neficio planè aperit animi sui naturaq; magnificentiam:  
 et dignissimum se demonstrat, in quem tam multa dona  
 sint ornamentaq; fortuna à Deo hominibusq; collata.  
 Te verò, mi optime & iucundissime Niccolae, quibus  
 efferam laudibus? cuperem de te omnia proferre quae  
 sentio. Noui tuam bonitatem, iustitiam, integritatem,  
 sensus tuos noui plenissimos pietatis, animum quoq; o-  
 ptimis semper deditum & artibus & literis, quod sa-  
 pe miratus sum. Atq; eo magis, quòd te ex maximis cu-  
 ris & occupationibus, quibus distinebare, aliquid sem-  
 per videbam surripientem temporis, quod veriorib; stu-  
 dijs impartires. Cuperem, inquam, haec de te loqui, &  
 enucleatius commemorare omnia. Sed vincit tua virtus  
 studiū meum, neq; est nostra tuis laudibus facultas vl-  
 lo pacto par. Veruntamen etsi tu neq; nunc primū, nec  
 vnquam mediocriter, sed diu antè totus in optimis stu-  
 dijs fuisti: hoc tamen recēte tuo facto, quòd summi do-  
 ctoris & praconis magni Dei lectionem prouehere,  
 atq; illustrare pro tua parte conatus es, sic me tibi de-  
 nixisti, ut in vetere nostra mutuaq; beneuolentia, me-  
 us in te amor quasi nouo igni inflammator factus esse  
 videatur. Itaque cum te magis magisq; quotidie amo:



tū verò fratres illos nostros, qui tibi honore pares, me autem ipso omni dignitate superiores multo sunt, et collo nunc demum & veneror, quantum equidem possum, non quantum illi meriti sunt: qui tecum in tam præclari operis societate consenserunt: qui ea quæ se digna sunt & fouent, & sectantur. Ex quibus ipsi quantum in animo suo lætitiæ ac veræ voluptatis, quantum apud homines bonæ existimationis comparaturi sint, ipsa re, si perseuerauerint, experientur. Vrbi etiam istæ Auenionensi gratulor: in qua si hæc vigere studia, & germinascere incipient, tantorum præsertim adiuta auctoritate virorum: maximum illi ciuitati non modò orna-  
mentum, sed etiam cōmodum accessurum est. Aperietur enim animis ingenuis, et altius quàm pro vulgi captu sese attollētibus, via, qua non è terra se natos neque in terram versos esse intelligāt, sed cœli dominos sese & cœlestium rerum intueantur. Non in litibus contentantur atates: sed ipsi cæterorum litibus & controuersijs apponant modum. Non ignauis, & abiectis, & vilibus curis, sollicitudinibusque rerum, & opum terrenarum tantopere deprimentur: quæ hominem cogunt sui obliuisci, et à se ipso deficere, atque in turpem quandam et penè mōstruosam degenerare naturam: sed celsi, et erecti, ac veris diuitijs opibusque fidentes, incolumem statum retineant dignitatis suæ. Atque hæc ego confirmo hominum naturis & animis agnasci ex his literis, & ex hac tanti doctōris lectione præclara. Non de ieiunijs, nec de vigilijs, aut assiduitate orandi, aut paupertate profitenda nunc loquor: hæc enim quanquam  
sancta

*Sancta sunt, & cœleste præmium promerentur: tamen in alio quodā virtutis genere sunt spectāda. De illa vita dico, quæ posita in honoribus, referta diuitijs, in magistratibus collocata, animum secū affert ad ista omnia longè plus suis & proprijs bonis, quam his quæ sunt fortune dona confidentem: quæ in negotijs & conuentibus hominum, in aulis, in conuiujs, in omni sermone et familiaritate cōuiuendi, ita voluptatem & letitiam consecratur: vt à decore quodā suo, & specie præstantis viri non discedat: plena illa semper gaudij ac iucūditatis: nihil vnquam ferè molestiæ in se ac perturbationis admittens: cū hi, qui terrenis istis cupiditatibus rapiuntur, & omnia in pecunia posita putant, nunquā verè, nec ex animo latentur: sed habeāt vitam solitudinibus, scrupulis, auiditate, penitentiaq; perpetuè infestā. Ad hæc tanta commoda, atq; bona, quando inspirante summo Deo, maximè & clarissimi legati nostri sapientia ac liberalitate, vobis illius exemplum auctoritatemq; sequētib; aditus iam in ista ciuitate patefactus est: & gratia à nobis Deo agenda sunt, et ipse multum seduloq; orandus, vt nobis omnibus, quibus hæc legati prouidentia ac benignitas vberriimos fructus verissimorum bonorū allatura est, felix & faustum hoc principium facere dignetur: vt bonis initijs meliores quotidie succedāt exitus, et quæ bene incepta sunt, studiosius perficiantur. Sperandum enim est, hoc egregio opere perfectō, & cœlestis doctrinæ lectione inducta ac confirmata, adiecturum animum eundem ipsum legatum ad hanc tollendam cōsu-*

sionem, qua in administrando iure nullum sermone  
 vestigium veritati ac iustitiae reliquum fecit: ut nō se  
 dandarum discordiarum causa, et ut ius suum unicuique  
 tribuatur: sed malitiae, perfidiae, auaritiaeque, exercenda  
 gratia in forum atque usum adducta videatur. Ex qua,  
 magna cum clade detrimentoque multorum, neque homi-  
 num solum, verum etiam populorum, certum quoddam  
 genus unum depascitur, quod est ad glorum consumen-  
 dos labores praua iam consuetudine inueteratum. Hoc  
 restat adhuc, hoc in expectatione est, quod ab optimi  
 praesidis prudentia ac virtute postuletur: huius est mu-  
 neris functio, & administratio reliqua: in qua tractan-  
 da, ordineque constituenda, quantum illi laudis ab omnium  
 sermonibus peruenturum & commendationis sit, ex  
 finitimo prouinciali exemplo possumus intelligere. Atque  
 ego, qui amplissimi legati honorem et dignitatem pre-  
 cipue expeto, ipsumque incredibili amore obseruantem  
 complector, non sum quietum animum habiturus, do-  
 nec eum videro hanc sibi etiam laudem, hoc apud homi-  
 nes clarum & celebre nomen comparare: praesertim  
 cum si ipse tanta adipiscenda gloria occasionem pre-  
 termiserit, alius qui successerit (ita enim credibile est)  
 libenter eam sit arrepturus. Quid ergo est? non omnes  
 omnia faciemus, ut is, quem maxime amamus, hac po-  
 tissimum fama, hoc honore potiatur? qui nostra omnia  
 ad eum colendum contulimus, non hoc illi imprimis pro-  
 ponemus, in quo ipse suscipiendo suam longè adaugeat  
 dignitatem, in ore omnium & laudibus cum admiratio-  
 ne versetur, illustre testimonium praebeat sua eximia

virtutis & bonitatis, memoriam nominis sui cum aeterna beneuolentia cūctorum in omniū animis relinquat? Quid ipse? Feret ne alium potius, quā se, in huius boni possessionem accedere? Patietur tantum ingenium, tā ta nobilitas, tanta virtus, alios sibi occupare hanc gloriam? & in tam praeclara actione, quam ipse dimiserit maiores sese illo, et animi praestantioris ostendere? Nō est ita existimandum. Equidē quod ad me attinet, cū illum conuenero, omnibus precibus obtestationibusq; adnitar, vt se ipse det ad hāc curam, sua nobilitate prudentiaq; dignissimam. Ceterū tu optime Nicolae, qui cum illo assiduus es, cuius ille fide & opera plurimum utitur, & amoris integritatiq; maximē credit, (in quo quidem nil fallitur) enitere quaeso, contende, elabora, vt communem patronum nostrum, ad cetera plurima maximaq; ornāmēta, quibus à Deo insignis factus est, huius quoq; facti clarissimi & praestantissimi, gloria videamus insigniorem. Sed ego fortasse verbosior sum, quā opus sit. Id tu mihi ignoscas velim, & sic existimes, ab initio tantum voluisse gratulari, cū gaudium, quod ex lectiōe Paula in honorem publicē adducta conceperam, continere non possem. Postea verò ad alia haec scribenda amore, quo legatum, & hosce simul populos prosequor, fuisse prouectum. In quo si quid à me peccatum est: tua est humanitatis, & erga me beneuolentia, in bonam partē accipere, atq; errori meo veniam dare. Ego in te amando colendoq; augebo potius semper, q̃ vnquā diminuam studiū meū. Vale, & nos, quod facis, dilige. Carp. VII. Cal. Iu. M. D. XXXI.

IAC. SADO LETVS EPISC. CARP.

Franc. Turnonio S.R.E. Cardinali, S. P.D.

**D**iu est, quòd ego et amore incensus tuarum clarissimarum virtutum, & magnis tuis beneficijs obligatus, toto tibi animo fui deditus: tuamq; amplitudinẽ omnibus meis officijs colendam mihi proposui. Sed hanc meam voluntatem quo minus tibi adhuc per literas declararim, id causæ fuit: quòd sperans aliquando congregi tecum, et coràm tibi animum meum patefacere: reseruabam me ad id tempus, quo præsens præsenti tibi & agerem pro tuis erga me beneficijs gratias, & totum in me in potestatem tuam traderẽ. Sed cum hoc longius iam fieret, multaq; me causæ & difficultates quotidie detinerent, quominus in ista loca & ad summi Regis conspectum, sicut constituerã, accedere possem: statui non esse amplius differendas has literas. Quæ si non totã vim amoris in te mei, quæ permagna est, tibi explicarent: nonnulla tamen me liberarent culpa: qua vereor ne à me suscepta sit. Feci enim certè, quod facere nõ debebam: vt nimis serò, quo animo sine erga te, tibi significauerim: commisiq; vt parum grati & beneuoli hominis officio videar functus. In quo oro te, & quæ tua est humanitas, vehementer rogo, mihi vt ignoscas, neue id negligentia meæ, aut obliuioni tuorum erga me meritorum, sed inani potius spei & cupiditati visendi & alloquendi tui attribuendum putes. Quod cum confidam me à te pro tuæ naturæ benignitate iam impetrasse: accedam ad reliqua, quæ mihi scribenti in his literis proposita sunt. Primum, vt tibi de

bi de tua amplificatione dignitatis gratuler: deinde, vt pro acceptis beneficijs gratias agam. Gratulor igitur tibi, et valde gratulor, quòd istum gradum honoris amplissimi ita es consecutus, vt nò laus tua in illo honore posita, sed fortuna virtutem tuā secuta esse videatur. Nec verò vlla est verior, et magis te digna gratulatio, quàm quòd tu is homo es, eis ingenij, virtutis, nobilitatis, prudentiæ ornamentis praditus, vt nullus sit tantus honor, qui tibi non ita debitus sit, vt tamen dignitati tuæ par esse non queat. Sed vt hæc mittam, quæ hoc etiam maiora in te ac præstātiora existunt, quòd omnis doctrina, & omnium artium optimarum comitatu ac scientia sunt instructa: illud in tua natura præclarum atq; magnificum, quòd opes, & gratiam, & auctoritatem tuam, quæ magna est, omnibus semper bonis vis esse adiuniecto atq; præsidio: quānam id hominum laude, aut quibus tandem honorum insignibus potest compensari? Equidem de tuo honore ita sentio, vt eo omnes bonos magis quàm te ipsum latari putē oportere. Siquidem illi fructus vberiores liberalitatis tuæ sibi in eo propositos esse sciunt: tu isti honori plus splendoris affers, quàm ipse honos tibi. Sed de his, quæ longiorem multo postulant orationem, tātum impræsentia dictū sit. Illud, q̄ mei priuati in te est officij, ingenuè aperteq; cōfiteor, me tibi maximo tuo merito valde esse obligatum. Recordor enim cū ego essem absens, ac hominum litigiosissimorum ac violentissimorum iniuria mea fortuna in graue iudiciorum discrimen essent vocata: te ita suscepisse meas partes & fauendo & scriben-

bendo, & præsens ipse meam causam cōmendando, vt nullum prorsus officiū pratermiseris, quod homini amico à patrono amplissimo posset tribui. Idq̃, neq̃, tu rogatus à me, neq̃, vlla mecu familiaritate coniunctus: vt eo plus beneficium tuū, et natura tua bonitas sua sponte propensa ad me benefaciendū appareret. Quasi studia volūtatis tuæ erga n. e, aut in memoria mea perpetuò non haberent, aut à me minoris quàm dignum est æstimarentur, hominem ipse me non putarem. Sin autem rursus illis à me referri arbitrarer posse meritā gratiam: niniis amplè ipse de me, & de meis facultatibus existimarem. Quæ cum ita sint, & cum tua beneficia in me amplissima, ego natura certè & voluntate gratissimus, opib. & fortuna tenuior sim, quàm vt possit à me tuis benefactis & meritis officium par referri: peto à te, vt qua liberalitatis animiq̃, præstātia, me tibi ab initio deuincire voluisti: eadem nunc et bonitate, & liberalitate, animu meum flagrantem desiderio satisfaciendi tibi, gratiamq̃, referendi, pro relata gratia accipias: meq̃, tuum totum & in tuorū numero imprimis habeas. Ego enim tibi polliceor ac spondeo, si eandem tu mihi beneuolentiam benignitatemq̃, præstiteris, quam ab initio ostendisti, mecum semel susceptū in clientelam perpetuò complexus fueris, daturum me operā, vt ne te huius de me iudicij, & tuæ amicæ erga me voluntatis pœniteat. Vale Carpentoracti.

**IAC. SADOLETVS EPISC. CARP.**

Franc. Turnonio S. R. E. Cadinali,

S. P. D.



**S**uauiſſimas tuas accepi literas, quas Lugduno in Italia proficiſcens ad me dediſti: librumq; Budæi noſtri cum his vnâ, cum ipſum mihi per ſe gratum, tum etiam gratiore, quod veniebat ad te. Quanquàm ne id ipſum quidem tanti, quàm quod illo modo, & cum illa diligētia veniebat. Dediſti enim mihi amoris in me tui inſigne teſtimonium, cum tantam curam ſuſcepisti, vt optatum illud donum ad me perferretur. De quo tibi hoc confirmo, duplicē me cepiſſe voluptatem, & quod materia digna eſt eruditis auribus, & quod Regis noſtri nomen talibus iam ſcriptis celebrari gaudeo. Budæus vellem genere ipſo orationis aliquanto eſſet lenior. Summum quidem illius ingenium, & incredibilem doctrinam, tum autem coniunctam his tot ornamentis innocentiam vitæ, & probitatem, & dilexi ſemper, & admiratus ſum. Sed mi humaniſſime Turnoſi, qui tam repente nobis te eripuisti, quaſo ad quod tempus te expectaturi ſumus? omnino puto magnis te de rebus eſſe fuiſſe miſſum: tametſi rumoribus multa circunferuntur, quib. ego neq; omnino fidem habeo, neq; prorſus derogō. Verū alia ſunt, quæ magis puto ad me pertinere: vigeo enim dies & noctes opus illud, cuius tu partem in manibus habes: à qua te lectione abduci laborib. itinerum ac legationis, & planè ſuſpico, & parum tamē te iacturæ in eo facere duco. Tuus mihi honos, & tua dignitas cordi eſt: atq; vt legatione proſperè feliciterq; perſuncta, q̄ tamen ipſum cū Chriſtiane fidei & Reipub. cōmodo coniunctum ſit: cum omnium laude et gratia ad tuos te, & ad nos, qui maximè ſumus tui, primo quoq;

quoq; tempore recipias. Vale, & nos, quod facis, ama,  
Carpentoracti, XII. Calend. Febr. M. D. XXXIII.

IAC. SADO LETVS EPISC. CARP.

Antonio Puccio Cardinali S. P. D.

**C**Um cognouissem ex literis meorum, Laurentium  
Puccium patrum tuum, virū amplissima dignita-  
te & omni virtutis gloria florentem, cessisse à reb. hu-  
manis, teq; in eius locum esse suffectum, qui eundem,  
quem ille, honoris & autoritatis gradum obtineres: sa-  
nè & dolui animo vehementer, & latatus sum. Nam  
& illius amissi, quem in parentis loco semper habuis-  
sem, desiderio commouebar: & tuæ amplificatione di-  
gnitatis mirum in modum gaudebā. Quā in discepta-  
tione doloris atq; lætitiæ aliquādiu cūm fuissē: ratio-  
nibus vtrinq; perpensis atq; examinatis, tandē iudica-  
ui æquius esse multò, tibi & dignitati tuæ gratulari,  
quàm illius obitum decessionemq; lugere: præsertim  
cūm hoc à me erga te officium amicitia vetus nostrā re-  
quirat: illi autem nihil omnino mali cōtigerit, quod sit  
luctu et lamentatione dignum. Nam si vitam illam co-  
gitamus beatā & immortalē, quā in cælo his quī  
cum fide & pietate hīc vixerunt, post mortem à Deo  
est proposita: nihil omnino earum rerum, quibus illa  
comparatur, prætermisit Laurentius. Mitto nunc bo-  
nitatem, mitto liberalitatem, mitto innumerabiles ab  
eo, et prope infinitos assidue pro Republica susceptos  
labores, humanitatem etiā, facilitatemq; prætermit-  
to, quā ille ad se adeuntibus, & ipsius ope ac consilio  
viri volētibus, expositus semper fuit. Quid illa vel pie-  
tate

tate & religione potuit esse illustrius, qua ipse erga Deum illius honoris studio incensus ferebatur: vel charitate, qua erga homines? cum nec monere errantes, nec erigere lapsos, nec solari desperantes vlllo vnquam tempore desisteret: omniaq; sua cogitata, consilia, acta, eo potissimum conferret, vt sancta ecclesia honos apud omnes, & autoritas magna haberetur. Quid si illa etiam spectantur, qua in hac vita nobis, qui supersites adhuc sumus, alleuamēta doloris sunt: nullius vnquam nomen nec clarius, nec frequentius, quā Laurentij toto orbe terrarum peruagatum est. Ille curiā regebat, ille & ciuibus & exteris lumen praeferbat sapientia sua: erga pauperes comis, potentibus non infensus, bonis omnib. sanctor: nulli vnquā acerbus, maximis porro Pontificibus & consilio semper, & opera, & omni fide atq; amore coniunctus & consentiens. Itaq; non dubito, quin ista tanta vrbs, & ista curia talis viri tam benefici, & tam salutaris, morte sibi tota squallens & penē ornamentis omnibus spoliata esse videatur. Ego verò, in quem plurima illius beneficia extiterunt, qui me in filij loco dilexerat, in quo ego patriam mihi sanctitatem & venerationem constitutam habebam, facere equidem non possum, quin graui & intolerando mœrore vrgear. Sed tamen magnum mihi affert solatium, quod intueor te, quem fraterno amore semper sum cōplexus, cuius patruī tui virtutes egregiē imitatus es, eiusdem factum esse honorum & dignitatis heredem. Quod & ex animo lator, & tibi & generi tuo Reiq; publ. Christiana bene id ac feliciter euenire cupio. Vi-

deor enim sperare debere, te talem patriæ & amicis futurū, vt eximias virtutes tuas ingenij, integritatis, doctrinae, cum magno suo commodo Christiana imprimis religio experiatur: nosq̃, qui tibi amicissimi semper fuimus, tuorum ornamentorum, & laudum participes etiam sumus. Ego quod ad me attinet, quem amorem & obseruantiam perpetuū erga te habui, & aucturus etiam magis, & conseruaturus sum, sicut & mea natura, & tua præstans dignitas virtusq̃, postulat: tu vt me ope & patrociniū tuo, vbi vsus veniat, defendas ac tueare, magnopere te rogo. Vale. Carpen.

IAC. SADOLETVS EPISC. CARP.

Ioan. Lothoringio Cardinali. S. P. D.

**E**X quo tempore primū Roma te cognouit, tecumq̃ aliquoties locutus, perspexi planè et virtutem tuam, & humanitatem non inferiorem esse, neque nobilitate generis neque fortuna: amari semper te plurimū, amplitudinemq̃ tuā singulari obseruantia sum profectus. Sed non contigit mihi ante hoc tēpus, vt redigerem tibi in memoriam illa initia nostræ familiaritatis, quod vtrique nostrum & locorum disiunctio, & occupationum ac negotiorū dissimilitudo, alias curas attulit. Et tamen non dubito, quin sicut mihi hæsit in animo perpetua recordatio tui, cum insigni beneuolentia coniuncta: ita & tu aliquod vestigium etiā nunc tuæ erga me prisinæ voluntatis retineas. Hoc si ita est, q̃ confido esse tua animi nobilitate et ingenuitate fretus: peto à te, vt has literas eo animo legas, quo legēda sunt ab homine amplissimo simul atque humanissimo, homi-

nis amantissimi ac deditissimi litera. Paulus Sadoletus  
 adolescens eruditus sanè quàm liberaliter, mei qui fra-  
 tris filius à me in filij loco diligitur, isthuc profectus  
 est & visenda aula Regia, et Regis ipsius meis quoq;  
 verbis conueniendi ac venerandi causa. Et ego dedi in  
 mādatis, vt ad te adiret potissimū, tuaq; imprimis gra-  
 tia atque auctoritate vteretur. Eum igitur tua fidei, hu-  
 manitatiq; commendo: primum, vt eum ipse comiter  
 excipias, deinde si ita opus esse cognoueris, vt praebeas  
 illi faciles ad summum Regem aditus. Quanquā hoc  
 fortassis per alios poterit consequi, veruntamen omnis  
 tua amoris erga me significatio, magno mihi honori  
 poterit esse: quam ego abs te vehementer mediusfidius  
 expeto: nec tam vt apud ceteros honestus, quàm vt ti-  
 bi ipsi charus esse intelligar. Summa enim mihi futu-  
 rum est voluptati, si intellexero, à tali viro, tantis orna-  
 to et ingenij & fortuna bonis, eodemq; in omni digni-  
 tate principe, studium atq; obseruantiam meam erga  
 se parui nō aestimari. Quae etsi per se non valde expetē-  
 da sit, propter tenuitatem videlicet fortuna nostra, ta-  
 men quoniam nos ex eo genere hominū sumus, qui nun-  
 quam amicis scilicet esse dedecori susceptamq; semel a-  
 micitia & necessitudinis fidem summa cū religione re-  
 tinemus, poterit tua quandoq; amplitudo aliquantum  
 etiam de me sibi polliceri, qui eo animo sum, vt et nobi-  
 litati tua honorem, & virtutibus laudem, & dignita-  
 ti cultum, & humanitati ac beneuolentia erga me gra-  
 tiam semper sim habiturus. Tu si hāc meam voluntatē  
 gratam tibi esse acceptamq; ostenderis, libenterq; mihi

aliquod tui amoris impartueris testimonium: & studium meum augebis colendi perpetuo atq; obseruandi tui, & hoc dignum ipso tuo genere, & maiorum tuorum, ac tua virtute efficies. Vale. Carpentoracli.

IAC. SADOLETVS EPISC. CARP.

Ioan. Lothoringio Cardinali. S. P. D.

**N**on me fefellit, non minus esse in te humanitatis, quàm nobilitatis. Præclara omnino ingenia, quæ hanc laudem confectantur, vt non plus patiantur in se ornamentorum & dignitatis à fortuna esse, quàm à virtute: idq; ego in te satis antea noueram. Sed tamè Paulus ad nos reuersus, ea mihi de te narrauit, hisq; verbis animi tui egregias virtutes atq; laudes est persecutus, vt ad summam meam tuæ liberalitatis et humanitatis opinionem addi iam nihil posse videatur. Equidem quod me habiturus esses in memoria, quod Paulo ipsi nullo loco defuturus, & speraui antea, & nunc re expertus sum. Sed quod tam studiosè, tamq; amanter id esses facturus, vicit in hoc (vt verum fatear) tua excellens bonitas expectationem meam. Itaq; quomodo tibi agam gratias nescio: cuperem equidem referre & dignas, & debitas. Sed hoc etiã fuerit præstantis animi tui, scire promereri de altero, quantũ tibi reddi non possit. Ego verò non tam fortunæ, neq; opum præmijs & honoribus, quàm ista comitate naturæ, & significatione amoris sic obligor, vt nullum sit vinculum ad me deuinciendum potentius. Quo quando iam tibi ita obstrictus sum, vt solui eo amplius nec possim, nec velim: sic debes de me existimare, nullius tibi animum, nullius studium,

nul-



nullius obseruantiam æquè esse paratam, vt meam. Et quontā in gratia referenda nihil tibi possum de me polliceri, quod copiarum & opum sit, quib. tu pro tua & maiorum tuorū amplitudine ac dignitate honestissimè abundas, ego minus etiam quā mediocribus cōtentus viuo: id quod in me est, quoq. solent viri magni, & præcellentes, ab amicis tenuioribus cōtenti esse, polliceor tibi & recipio, si mea digna fuerint studia quorum testimonio virtuti honos habeatur, gratiam me tibi aliquam in illis, & veri amici fidem operamq. nauaturū. Paruum hoc quidem, & cuius penè me pudeat. Sed tu qua magnitudine animi nostram spem de te tuis officijs superasti, eadem summā in nobis voluntatem referenda gratia pro relata gratia accipies. Vale patrone noster, & nos tui studiosissimos tuo patrocinio semper tuere. Carpent. XVII. Calend. Septēb. M. D. XXXII.

IAC. SADOL. EPISC. CARPENT.

Ioan. Lothoringio S. R. E. Cardinali. S. P. D.

**I**N meo à vobis digressu, nescio quo pacto imago cernium vestrum, sumiq. imprimis Regis, atque tua nō solum me discedentem prosecuta est, sed vsq. adhuc in animo meo permansit: ac, Vt se habet res, etiam permāsurā videtur. Habet enim illa in me familiare sibi iam domicilium. Quod profectō euenit magnitudine quadam amoris, quo erga vos incensus sum. Iam dudū hoc quidem: etenim sat diu est, quod mea & studia, & officia ad vtrunq. vestrū colendum contuli. Sed mea hæc voluntas etiam confirmatior facta est, posteaquam ego sum cum ambobus vobis collocutus. Quo in con-



gressu non tam potestas & amplitudo vestra, qua quāquam permagna est, alios tamen & habuit pares aliquando, & habitara est: quā humanitas quā illi amplitudini maximo est ornamento, & in qua vos singulares esse contenditis, fecit, ut vos ego precipue & colam & admirer. Itaque, nil mirum, si vobis & amore, & obseruantia sum addictus: quorum alterū virtuti vestra iure ac merito debetur, alterum potestati. Sed ego hac cogitans, cum animi mei studium & beneuolentiā vobis declarare cuperem, vel potius ab amore ipso cogerer: ad Regē quidem non sum ausus, neque, sanē cōueniebat: ad te verò, cuius mihi comitas magis est in promptu, has dādi literas: nihil aliud postulans, nisi te illis interpretibus, quando coram non licet, & salutare, & venerari, & tibi memetipsum in memoriam redigere: petereque, à te, ut me in numero tuorum habere pergas. Hoc cum mihi optatissimum est, tum virtutis proprium, et humanitatis, & nobilitatis imprimis tua. Vale. Carpentoraēti, V. Idus Iulij, M. D. XXXIII.

IAC. SADOL. EPISC. CARP.

Ioan. Lothoringio Cardinali, S. P. D.

**E**T si ea sunt cura & occupationes tuae in hoc tempore ut magis tu votis precibusque nostris apud Deum adiuuandus, quam literis interpellandus esse videaris: propterea quod hac de pace actio, praclaraque tractatio, tota tuae fidei diligentiaque, permissa, in alias cogitationes minimè deriuanda est. Tamen cum veniret mihi in mentem, te eum esse, qui summam nobilitatem tuam, quam à maioribus accepisti, virtute etiam et hanc

man-

manitatem tuam feceris ampliore: ingenij autem tui magnitudinem nossem, quatuor obire simul multa, & conficere paratus es: non putavi molestum tibi me facturum, si eum hominem tibi commendassem, quē imprimis dignum tua benevolentia esse arbitror. Florentius Volusenus, natione Scotus, elegantia morum, & literis Latinissimus, de quo homine sanē agendum paucis tecum est, quippe, qui tibi probē notus sit, et tua bonitatis opere ac subsidio, literarum studijs Lutetiae aliquantū tempus operam dederit. Is cum superioribus mensibus Urbis Romae visunda studio flagrans, de tua voluntate cum collega tuo Ioanne Bellaio, viro ornatissimo, in viam se dedisset, atque Auenionem usque esset peruectus: ibi aduersa valetudine, & inopia rerum necessariarū subsistere est compulsus: pauloq; post ad me se contulit: quem ego, quāquam pertenuis, & magnis rei familiaris difficultatibus affectus, iucundē tamen, comiterq; recepi, cognitoq; mox hominis ingenio, & natura ingenua liberaliq; perspecta, etiam in honore deinde habui. Etenim nihil est quod agam libentius, quā ut opituler, quoad possum, doctis viris & eorum animas ita sustentem, ut ne eos studium suum in optimis artibus posuisse vnquam pœniteat. Quid si mea huic volūtati fortuna benignius esset suffragata, nemo me (opinor) istam vel laudem, vel voluptate bene de bonis promerendi, studiosius appetisset. Nunc in hoc mea vita statu, qui, etsi multis externis rebus deficitur, eas tamē habet insitas animi iucunditates, ut mea maximē fortuna contentus viuam. Interdum tamea il

lud me angit, quòd non possum quemadmodum quidẽ cuperem, bonis & doctis hominibus prodesse. Quod iccirco ad te scribo, vt tu, qui potes, & qui hanc liberalitatis ac beneficentiæ laudem libentissimè soles vsurpare, gaudeas isto tuo tam eccellente bono, hocq; ita statuas, quod præclare intelligis. Nihil esse beatius, quàm habere bene de multis promerendi facultatem, cum istiusmodi natura, & magnitudine animi, et nobilitate coniunctam. Sed vt eò redeã vnde diuerti, Florentius mecum nunc Carpentoraçti est, maximoq; animo, & incredibili assiduitate optimis literis, præsertimq; Philosophiæ dat operam: mihiq; in quotidiana consuetudine admodum iucundus & gratus est. Te porro dominum & patronum suum prædicat ipse, ac profitetur: inq; ea parte semper futurus est, quacunq; tu iusseris. Eum ego tuæ fidei, bonitati, liberalitatiq; commendo: & abs te vehementer peto, vt quando ipse non minus hic studia doctrinæ persequitur, quam si Lutetiæ esset, velis pro tua præstanti liberaliq; natura, eã mercedem annuam illi saluã abs te esse, quam iam pridem constituisti. Hoc cum tua amplitudine, generisq; tui, ac virtutis gloria maximè dignum est, tum mihi certè facturus es gratissimum: qui ea obseruantia, qua cœpi, te assidue prosequor: amoremq; meum semel erga te, optimo quidem iure susceptũ, fidelissimè cõseruo. Deumq; immortalem supplex oro, vt cum tibi salutem perpetuamq; incolumitatem, tum fructum & laudem bene confecti istius muneris, in quo honorificentissimè & summa omnium cum expectatione versaris, præbeat et  
lar-

*largiatur: vt tua ope, prudentia, labore, autoritate conciliata pax, nos non solum in otio, & in tranquillitate constituat: sed ab ijs periculis, quæ mihi videntur multa et grauiâ impendere, reddat tuos. Vale. 1536.*

IAC. SADOL. EPISC. CARPENT.

N. Acromontio S.R.E. Cardinali S. P. D.

**P**Aulus meus, qui istuc ad salutandū maximum islū Regem meo iussu acceſſerat, in reditu suo ad nos, de tua viriute, prudētia, autoritate multa mihi narrauit: illudq; addidit, singularem tuam quandam erga se & eximiam humanitatem in omnibus rebus se expertum fuisse: prætereaq; cognouisse pluribus signis atq; indicijs me ipsum quoque tibi esse cordi: paratamq; esse, si quid incidat vt opus sit, & operam mihi & beneuolentiam tuā. Quæ ego ita accipio, vt ad agendas tibi meritas gratias, animi quidem multum, facultatis autem parum habere mihi videar. Talis enim viri neq; testimonio ornatius quicquam, neque amicitia fieri potest optabilius. Sed ego, etsi tuæ amplificatio dignitatis in ea incidit tempora, quibus ego ab vrbe abfui: nominis tamen tui studio quodā etiam antea tenebar, quod nō pauca de te, & de virtutibus tuis audieram, quæ nunc quidem apud me expressiora facta sunt, postquam tua hac recente humanitate, tanquam quiddam adhibito lumine, apertius nobis sunt demonstrata. Ac quod ad gratulandum tuæ dignitati pertinet: non te arbitror dubitare, quin mihi sit honos tuus charissimus, & amplitudo præcipuè grata: cum tu præsertim islā ipsam dignitatem meritis antè sis, quam obtinueris. In quo magis

gratulandum mihi videtur, quòd tu non minus splendoris ipsi honori afferas, quàm honos tibi. Sed tamen spectatam virtutem his etiam insigniri fortuna ornamentis optandum est: quod ego in alijs facio & semper feci magis, quàm in me ipso. Nam cum ceteris qui bene essent meriti, omnia honorum insignia, semper optauim, mihi hanc debegi & fortunarum & vite mediocritatem, in qua beata precipuè vita consistit, atque hoc animo ac iudicio ex vrbe Roma egressus, tanquam è magno mari, in hunc exiguum quidem, sed tamen tutum & tranquillum portum, me contuli: in quo sic viuo contentus, nullius fortunam vt anteponom mea.

Quanquàm hoc fortasse humilis animi sit, illud ampli et magni, virtutem equare honoribus, quod in te factum esse mihi summa voluptati est. Quare & honori tuo gratulor, & voluntati erga me maximas gratias ago: tibi vicissim pollicens, si quid acciderit, in quo mea tibi obseruàtia et opera alicui possit esse voluptati, (nam commodo, aut ornamento, non ausim dicere) me sic amore, & studio, & vigilantia esse enixurum, vt tibi facile pateat, te in homines non ingratos tua & officia & beneuolentia indicia contulisse. Vale. Carpentorati, XVII. Calend. Septemb. M. D. XXXII.

IAC. SADOLETVS EPISC. CARP.

August: Triuultio Cardinali S. P. D.

**Q**uanquàm tu paulò antè à nobis discessisti: tamen ne viuam, mi humanissime Triuulti, ni iam pridem mihi factam esse videtur, cum te non vidi neque tecum collocutus sum Ita sum captus tua ista præstan-

*ti humanitate, suauissimisq; sermonibus: qui inter nos tales extiterunt, quales amantium inter se, & beneuolentium esse solent, familiaritate dulces, simplicitate aperti. In quibus ego & animum tuum erga me perspexi plenum amicissima voluntatis, & tu de meo per suauissimus esse potes. Sed etsi tuus nimium celer, subitusq; discessus, non mediocrem mihi desiderium tui reliquit: habuit tamen in memoria, quæ tibi proficiscenti facturum me receperam, dedi q; ad summum Pontificem literas, tuum hac transitum illi declarantes, & quantum tu in omnibus sermonibus consilijsq; rerum aut gestarum, aut gerendarum animo & cura mihi excubare visus esses: quo ipsius dignitas, & sedis apostolica autoritas per te semper salua incolumisq; maneret. In quo debitum tibi tribui apud eum virtutis, et humanitatis, & prudentia testimonium. Hoc cum à me ita factum sit, scripserimq; præterea non pauca ad huius statum prouinciæ pertinentia: tuæ nunc partes sunt, certiorẽ eum facere per literas, quid tibi de omnibus hiscereb. videatur, ut si fieri potest, tua autoritate ad nostros scribendi rogandiq; labores accedente, maior ab illis habeatur horum locorum & populorum ratio, quàm ad huc quidem habita est: & verè si cogitare volumus, habenda etiã est. Siue enim salua Italia res fuerint, quod opto equidem ut ita sit, et Deum immortalem supplex precor, magnum sacerdotalis famæ et dignitatis in his regionibus est ornamentum: siue illa excidio calamitariq; propinqua, quod magis formido, horreoq; hic portus fortunis omniũ futurus est tutissimus. Sed ego im-*



prudencia labor, qui hac te admoneam, cui non minus nota sunt, quā mihi. Quamobrē de his hactenus. Illud silentio non prateribo, quod me meus erga te amor animo & lingua vsurpare saepe cogit, me tuum esse cum omnibus meis atq; ita tuum, vt qui te ex animo magis diligat, quā ego & diligo, et omni cultu obseruātiaq; complector, habeas profectō neminem. Vale. Carpentoracli, VI. Idus Nouemb. MCCCCC.XXXI.

IAC. SADOLET. EPIS. CARPENT.

Augustino Triuultio Cardinali S.P.D.

**A**ccepi literas tuas, quas ex Vrbe ad me dedisti: in quibus recognoui animum tuum pristinum propensum in rem & dignitatem ecclesiasticam: tuamq; erga me plenā amicissimi studiij voluntatem: pro qua tibi me vehementer obstrictum esse sentio. Sed accidit mihi per incōmodē, vt molestissimo morbo impediret, quominus, quod maximē cupiebam, crebrius ad te scriberem. Nihil enim fieri potest amore in te meo, & voluntate tecum per literas quasi colloquendi, ardentius, Quo ē morbo si emergero, nullum à me officium beneuolentissimi hominis requires. Nunc vt se res habet, quanquam spem propinquam optata salutis iam habemus: sumus tamen admodum imbecilli. Quod cum summo Pontifice diligenter egeris, populosq; illi hosce cōmendaris, qui etiam sua sponte plurimum debent esse commendati, pertinuit hoc ad fidem quoque tuam, & ad amplissimi hominis auctoritatem: qua tum maximē gravis est, cum vtilitati publicae suffragatur: in qua q te video & animo & cogitatione esse intentum, maio



rem in modū tibi gratulor. Vera enim est laus, et meo quidem iudicio omnium maxima, dignitatē qua quis plurimum potest, & sapientiam qua est praeclatus, ad alienum cōmodum potissimum, et ad vtilitatem Reipub. conferre. In qua procuranda cū & mihi, & cūctis qui ad commune bonum contendunt, proposita sit & opera & prudentia tua: iure & tu magnus, & nos qui tua amicitia fruimur, florentes per te, atq; honesti sumus. Sed quid in his locis nunc agatur, quod quidem cognitione dignum sit, quoniam & legatus missus est dedita opera, qui Pontificem de omnibus rebus edoceat, & idem meas literas meaq; mandata ad te pertulit, si modo isthuc peruenit, nūc non est commemorare necesse. Illud tibi non dubium esse volo: in omnibus quae gerentur, quaeq; contingent, tam publicis, quā priuatis meis et proprijs, me semper in tua fide, patrocinio, beneuolentia, autoritate, plurimum esse praesidij atq; opis mihi constitutum arbitrari. Vale. III. Nonas Martias, M. D. XXXII. Carpentora acti.

IAC. SADOLETVS EPISC. CARP.

August. Triuultio S. R. E. Cardinali,

S. P. D.

**N**ihil mihi accidere potest tua erga me beneuolentia gratius, quae quidē quotidie magis apparet exijs, quae mea causa dicis, aut facis. In quibus etsi patrocinium hominis amplissimi, atq; omni honore laudeq; dignissimi mihi peroptatum est: amor tamen tuus multo est iucundior. Sed quod ad postulata illa attinet, quorum tu exemplū mihi mittēdum curasti, res mihi ipse  
iam-

iam pridem fuerat nota. Nam & ille qui illas res petebat, diu antè mecum cōmunicauerat: egoq; illi vehemēs dissuāsor fueram: non minus hercule quietis & vtilitatis ipsius, quàm publici boni causa. Videbam enim, id qd certè contigisset, si hac oppida permutasset Pontifex, non sine magno tumultu rem futurā. Sed etsi minimè illius hominis consilia mihi probabantur: tamen quòd cogitationes suas commiserat mihi, fidemq; imprimis habuerat: cuiusdam religione officij impediri me arbitrabar, quo illi minus obstarem. Atq; ita etiam nūc interpretor: neque existimo posse me fide integra quippiam aduersus eum moliri, aut scribere. Illud mihi quidem nouum & mirabile visum est, eum ipsum Regem, qui illum lōninem alieno beneficio ornare conabatur: suis & maiorum suorum beneficijs, quæ ab regia liberalitate iam diu erant profecta, eum spoliasse, et priuauisse. Scito enim duo vel præcipua oppida fuisse illi adempta, & ad Regiam ditionem reuocata, quæ ipse & maiores sui tenuerant. Quinquā hæc lex non illi soli proposita est, sed omnib; ad quos quomodo Regum beneficia eiusmodi his ducentis annis peruenerunt: vt cogantur cuncta restituere, & quicquid illud est, quod ius aut nomē obtineat oppidi, id remittere regi. Quod utinam hætenus tentatu sit, neq; transeat ad sacerdotes. Quod si acciderit, non mirabor, quando qui islic regnāt, nomen fortunāq; sacerdotum omnibus modis dilacerandis præbent. Qui enim sancti apud ceteros, & venerabiles esse possunt, si à tutoribus suis sic despiciuntur? Quod repugnantia epistolarum mearum fidemq;

testis

testimoniū, quod ego vnus hominis reprehensioni primum, deinde laudi praeui, excusari apud summum pontificē, veramq; rationem in excusando adiunxeris: non dici potest, quā mihi feceris grātum. Nec in eo tamen humanitate solū & beneuolentia erga me vsus es, sed summa etiam & singulari sapientia. Nā aut necesse est, si hac permittitur testimoniū mutatio, eos qui aliquando peccarent, nanquā rectē facere: aut eos qui semel accusando scripserunt, non rebus, sed hominibus semper inimicos esse. Ego verò hominem quenquam odisse, nunquam duxi esse sacerdotis. Rebus autem amicum aut inimicū esse, prout illa res bona malaue sint, arbitror esse hominis, & Reipub. commodo, & suo officio consulentis. Itaque si (quod nolim) aliquid accidat eiusmodi, quo mihi denuo testimonium mutandū sit, non id facere verebor: neq; aliquam extimescā culpam, vbi veritas mecum steterit. Quapropter te vehementer rogo, vt repetito cum summo Pontifice de his rebus sermone, sensum hunc animi mei totū illi aperias. Glaucერიუმ nostrum, hominem tua beneuolentia dignum, quod benignē honorificēq; tractaris: facis tu quidem semper quod virtus postulat tua, naturaq; plena humanitatis ac comitatis. Sed ego totum illud tributum mihi intelligo, maximasq; tibi de eo habeo agoq; gratias: quanq̃ hoc officio mihi sapius vtendum est, ita de me assidue insigniterq; mereris. Solū ex omnibus tuis dictis ac factis aliquantum mihi molestum illud fuit, quod meis familiaribus affirmasti, nescio quid te de me, & de honore meo cogitare. Quaeso humanissime atque

atque optime Triuulii, an nondum cognosſi mentem meam, qua ab omni mutatione fortuna atque ſtatu nihil eſt abhorrentius? Vtinam mihi incolumitas hæc aliquandiu maneat, qua nunc diuino beneficio fruor: cæteris rebus omnibus ſum beatiſſimus. Nec beatitudine illa, quæ maximè meæ profeſſioni conueniret, ſi eſſem is, qui eſſe deberem: ſed de hæc humana felicitate loquor. Quid.n. mihi abeſſe poteſt iucūditatis ac latitiæ, qui hac conditione fortuna in qua ſum poſitus, ſummè contentus ſum? quin & in animo meo pacem, & in populis mihi creditis beneuolentiam, & in ſtudijs meis admirabilem voluptatem, & in omni parte actioneque vitæ auream illam mediocritatem & conſecutus ſum, & quoad licet conſeruo. Noli me, oro, in illos fluctus ex hoc portu reuocare, neque mihi inijcere huiusmodi ſcrupulos, qui me (mihi crede) admodum ſtimulant. Demus potius operam, vt illis præclariſſimis honeſtiſſimiſque artibus, in quibus elaborauimus uſque à puero, dignum laborum præmium immortalitatem conſequamur. In quibus ego te abſentem cogitatione mea complector: habeoque iam paratum locum, ubi fidem illam citò præſtem, quam cum Carpentora cte diſcederes tibi dedi. Ad hæc tu me adiua, & ſuſcipe cauſam hanc multò accommodatiorē mihi. Quod facies ſi me amaris, & rebus omnibus tuebere, & quod præcipuum omnium eſt, meæ tranquillitatis fueris patronus. Vale. Carpentora cti, III. Nonas Maij.

M. D. XXXII.

IAC.

IAC. SADOLETI EPISC.  
CARPENTORACTI EPISTO.

LARVM LIBER VII.

IAC. SADOL. EPISC. CARPENT.

Benedicto Accolto S. R. E. Car-  
dinali S. P. D.

Ognoui ex literis meorum, qui in vrbe sunt, te, quod magna voluptati mihi fuit) saluū & sospitē ab alienis oris, quo fueras horribili tēpestate cōpulsus, Romā reuertisse: neq. solum vrbi illi afflicte & mœreni lucē tuā virtutis & dignitatis attulisse, sed nobis quoq. qui longē absumus, declarasse, quā esset memor ueteris amicitia, et quā propensus ad inseruiendū cōmodis & vtilitatib. nostris animus tuus. Sic enim mei ad me scribunt, te ita cum eis de me collocutū esse, nihil vt prorsus fieri potuerit amanti. Quod etsi nunquā dubitauī, quin ita esset, confisus constantia & humanitate tua: tan: en nosse quotidie magis, req. ipsa experiri, saluum mihi esse praesidium amicitia apud eum, quem & dilexi semper precipuē, & colui, mihi est gratissimum. Itaque quod ad parteis meas attinet, sic tibi velim persuadeas, ex his qui te obseruant & colunt, quorum maxima est pro tua amplitudine & liberalitate multitudo, nemini me concedere, neque in officio, neq. in beneuolentia, neq. in recordatione pristinae necessitudinis, neque in tuarum praestantium vir-

R tutum

quod eandem illum absens ostendebas, quam omni tempore praesens declaraueras, fuit mihi summo opere gratū. Non quod de tua constantia dubitarem: sed illius commemoratione sum maximè delectatus. Ego aut, quod praeclare nosse debes, te ab ineunte aetate dilexi, feci q̄, sēper plurimi neq, solum excellentē illam doctrinam tuam, sed grauitatem etiam, & prudentiam sum admiratus. Et, quod iudicium meum fuit de virtute tua, te vnum mihi in omni vita ab initio imitandum proposui.

Quod si ed quò tendebam, accedere non potui: tuum tamen in me studium cum paterna beneuolentia coniunctum, in eo nūquam defuit. Quae res ita in animo meo residet, meq, ita admonet, vt me tibi plurimum debere profitear. Quod cum ita sit, persuasum tibi esse potest, omnia quaecunq, in me sunt, quemadmodum etiā dixi tuis, ad commoda & dignitatem tuam prōpta esse, atq, parata: meq, nullum unquā officij genus pratermissurū, quod vsui possit esse tuis rebus. Tu quum persunctis magnis laboribus, ed te receperis, vbi arbitrato tuo in literis, & cum dignitate viueres, non possum non probare otium istud tuum, quod & tibi honestissimū, & nobis fructuosissimum est futurum. Sed scito, res nostras hic te maximè desiderare: quibus profectō si adesses, plurimū opis afferre posses virtute tua. Et mihi imprimis gratissimum faceres: cuius ego quotidiana consuetudine, hominis omnium praestantissimi, quā familiarissimè uti vellem. Sed viro prudenti nō audeo consilium dare. Patruus meus tibi salutē reddit. Vale, & me quod facis ama. Roma XII. Calend. Iulij, D. M. XXIX.

**N**ihil recordeo permultis hisce annis mihi accidisse gratius, neque optatius, quàm tuas nuper literas: plenissimæ enim fuerunt amoris, suauitatis, officij. Quodq; ad præclaram iam laudem tui præstantis ingenij pertinet, eo modo scriptæ, ut purius, aut elegantius, quod me legisse meminerim, habeam profectò nihil. Itaq; duplici ex illis gaudio affectus sum. Nam cum omnis tuæ erga me volûtatis significatio pergrata: tum verò orationis nitor, & verborum ac sententiarum venustas, quam in scribendo adhibuisti, mihi vehementer iucunda extitit. Simul enim intelligebam legens, & quâ tu de me amicè honorificèq; sentire: & in eo explicando, quàm tu existeres dignus, ut de te ab omnibus præclare ac mirabiliter sentiatur. Nam illa tua dulcis commemoratio superiorum temporum, repetita propè ab ultimo, & perducta in hoc usq; tempus, cum illustri te stificatione tui de me iudicij, perpetuæq; opinionis, tantam mihi letitiam attulit, & voluptatem, ut eam verbis consequi non possim. Planè enim perspicio, id quod his temporibus rarum est, in homine præsertim potente, firmam manere apud te amicitie fidem, per quam amici, quamuis absentis, memoriâ beneuolentiamq; cõserues. Sed profectò illud verum est quod dici solet, eum qui bene à natura ad amplexandam laudem cõstitutus sit, omnes facîle in animo cõprehendere virtutes. Quâ ego ingenij indolem in te intuens, iam tum à primo,  
cùm



cum etiam penè puer me tibi adiunctum in amicitia esse voluisti: cœpi sperare continuò magna, eaq<sub>3</sub> de te feci iudicia, quæ postea euentu ipso cōprobata sunt. Et si in eo quidem omnes decepti fuimus, quòd spem opinionemq<sub>3</sub> nostram, tuamq<sub>3</sub> vnà atq<sub>3</sub> virtus ipsa in te longè antecessit. Verùm hac ad exponendum longius fortasse tēpus & copiosorem desiderāt orationem. Quæ autem sunt officij & exposita aliàs sunt, & nunc breuiter sic exponantur: vt scias, nihil mihi esse magis in optatis, quàm tibi persuasissimum esse, me inter tuos, qui pro tua dignitate & summa liberalitate permulti sunt, maximè omnium esse tuum. Id quib. alijs officijs possit declarari, si sciuerò, non committam vt meum vlò in loco studium requiratur. Hoc quidem ipse per me præstabo semper: atq<sub>3</sub> efficiam, vt neq<sub>3</sub> singulariū tuarum laudum cōmemorationem, neq<sub>3</sub> tuorū de me meritorum memoriam, quæ quidem hoc recente testimonio tuæ erga me tantæ voluntatis cumulata sunt, illa vnquam mihi ex animo aut ex ore atas deleat. Quòd si hoc otium, quo ego maximè delector, et quod tu (quāquam te consuetudinem meā desiderare præ te seras) non probare tamen non potes, deus mihi fortunauerit: dabo operam profectò, vt me neq<sub>3</sub> in amore, neq<sub>3</sub> in fide amicitia, posterioreis ferre parteis aliqua in re intel ligas. Vale, & nos absentes tuere. Carpentor. XVIII. Calend. Septembris, M. D. XXIX.

IAC. SADOL. EPISC. CARPENT.

Benedicto Accolto S. R. E.

Cardinali S. P. D.

**N**on putavi me contra officium esse facturum, si tu  
Nam beneuolentiam & studium erga me quod mul-  
tis locis saepe sum expertus, ad omneis res, quæ ad me ip-  
sum pertinerent, tua ope conficiendas, familiariter ad-  
uocarem. Nam neq; est omnino quicquam, quod mihi  
ego de te non pollicear, & tua egregia præstansq; libe-  
ralitas ea est, ut nos, qui te plurimū & obseruamus et  
colimus, iam pro nostro iure propè illa abuti posse vide-  
amur. Verū id quod peto huiusmodi est: Antonius Cor-  
nazanus, qui mea Roma negotia procurat, vir probus  
& fidelis, & in omni officio retinendo imprimis dili-  
gens, mihi est propter virtutem & fidelitatem charis-  
simus. Eum ego valde meherculè optarim reuerti ad  
nos, solitaq; officia & munera obire mecum, quæ sem-  
per mihi ab illo grata acciderunt: quod etiam ipse non  
nollet. Sed cum propter causas quasdam vel notas tibi,  
vel certè non difficiles cognitu, eius ad nos reditus hoc  
tempore videatur esse interclusus, inq; hac re, quæ sa-  
nè incommoda mihi est, illud tamen possit inesse com-  
modi, quòd in vrbe remanens, nostra obire negotia, &  
si quid mea interfuerit, quod vsu venire indies singu-  
los potest, te ipso quidem patrono & defensore, id ex-  
pedire ac transigere, plurimasq; mihi in eo operas uti-  
les atq; oportunas præbere poterit: statui, quod neces-  
sariū erat faciendum, ad id meum quoque consilium et  
voluntatem adiungere. Itaq; ei permisi, vel potius eū  
hortatus sum, ut Romæ domiciliū habere institueret,  
res apud alium tamen, quàm apud eum, cuius ego ( si  
istuc essem ) domo & contubernio potissimum vterer.

Apud

Apud te, inquam, tua ut esset in familia, mihi proponere euestigio cœpi. Nā nec honoratiorem sibi dominū, neq; maiore apud cunctos dignitate, in me ipsum beneuolentia, quā te, habere illum posse intelligebam: nec verò cuius & animus & autoritas meis rebus esset parator. Quapropter cum res sic sese habeat, equidem quod mihi abs te petendum est, quo id pacto petam nō satis reperio. Si peto audacter & liberè, timeo ne nimis confidens: si religiosè & prudenter, ne vilius animi esse videar. Ita alterum meus pudor, alterum tua liberalitas, & nostra videtur coniunctio repudiare. Sed si ego in omni vita præcipuum comitem mearum actionum, consiliorū, voluntatum, pudorem semper esse volui, nihilq; mihi fuit antiquius, quā eum retinere per diligentem, in quo ornamentum totius vitæ mihi decreui esse positū: patieris tu, quæ tua est humanitas, te à me rogari atq; orari: quod equidem ago studiosè, ac vehementer: ut familiarem meum virum optimum, quem ego multis de causis mirificè diligo, tuum familiarem esse velis: statuasq; eo apud te domi habendo, mei quoq; absentis partem non parvam te habere. quippe cū crebrior multò futura sit, & tuorum beneficiorum instauratio erga me, & significatio mea perpetua erga te voluntatis: quæ quidem illo interprete quotidie magis tibi declarabitur. Sed vereor ne quod modicè, & cum religione me rogaturum dixeram: id iam non rogare, sed efflagitare videar. Quare plura hac fortasse quā opus fuit. Illud tantum adiungam: si hominis opera & obsequio uti institueris, magnam te ex eius fide & dili-

getia commodum tibi esse capturum. Mihi verò ita gratum facturum, ut tua quotidiana merita erga me, quibus ego tibi me deinde esse confiteor, hoc etiam facto non parum cumulata futura sint. Vale. VIII. Cal. Octobris. Carpentoracti, M. D. XXIX.

IAC. SADO LETVS EPISC. CARP.

Benedicto Accolto S. R. E. Cardinali

S. P. D.

**N**on reperio verba, quibus tibi agam pro tua eximia ac praestanti erga me voluntate gratias: quam tuis disertissimis literis praeclare declarasti. Voluntate autem dico? quis unquam illustrius, & certioribus factis ostendit, alterius honorem sibi esse cordi, quam tua erga me non dicam facta, sed merita iam complura sunt. Nam quod fidem amicitiae mihi absenti praestas eandem, quam praesenti olim officiis omnibus praestitisti: neque officit animi tui quasi luminibus, alitudo & fortuna, & dignitatis tuae, quominus me respicias, in eodemque habeas loco, quo antea habere eras solitus: sit hoc virtutis, sit constantiae, & animi magnitudinis tuae. Quae verò in ipsum me contulisti multa & magna non amoris solum indicia, sed summa etiam liberalitatis, quibus non ipse verbis, aut quo dicendi genere satis exprimere possim? Quod fauisti mihi videlicet ex animo semper: quod mei absentis famam & nomen aduersus maleuolos homines & aliena laudi libenter obtrectantes, studiosè tutatus es, quod meis, et meorum amicorum, affinium, familiariumque negotiis, nunquam tuum patrociniū & auctoritatem deesse passus es, nemoque apud princi-

pem

pem pro me aut sapius intercessit, aut vehementius:  
 quæso, ista omnia quanti? præsertim à tanto viro tanta  
 auctoritate, tanta eloquentia, tantis ornamentis hono-  
 ris, fortunæ, ingenijq; prædito? Quibus tamen conten-  
 ta temeritas mea non fuit: ausus enim præterea sum,  
 (quid enim mihi non daret audaciæ bonitatis tuæ fidu-  
 ciæ, & opinio tui erga me amoris) ausus sum, inquam  
 cum hominē unum ex meis Romam mitterem, qui mea  
 ibidem negotia gereret, collocare eum domi tuæ, & tã-  
 quam meo iure velle, ut is tuo sumptu atque impendio  
 meis rebus deseruiret. Quam quidem meam temerita-  
 tem in eum modum tua liberalitas excepit, ut quod au-  
 dacter feceram, sapienter fecisse visus sim. Nec solum  
 tu opib. tuis difficultates meas leuaueris, sed etiam vir-  
 tutibus vitia obscuraris. Atq; hæc cū ita sint, scribis ta-  
 men ad me, amicitiam nostram summis à me officijs cul-  
 tam, à te solum grato animo obseruatam fuisse. In quo  
 admiratus valde sum nouam in te quandam, atq; inau-  
 ditam vim humanitatis, qui isto animo in amicitia co-  
 lēda sis, ut cum beneficia tribuis, accipere te arbitrere.  
 At ego hoc solum mihi reseruaueram ex omnibus offi-  
 cijs quæ sunt amicitia debita, ut cum tu me auctoritate  
 & patrocinio tuo, cū opera & gratia, opibus etiā tuis  
 foueres & sustentares: ego qui in cæteris tibi par es-  
 se non possem, ista ipsa de te prædicans, & magnum  
 obligationis vinculum, quo tibi teneor astrictus, inge-  
 nuè confitens aliquam partem gratiæ referre tibi vi-  
 derer. Quam si tu quoq; laudem ad partes tuas rapis,  
 & cōmutatis nominibus rerum, bene mereri de altero,

in te vis esse idem ac alteri debere: amabo te mi Accolte optime atq<sub>3</sub> humanissime, quā nobis paritē reliquam in officij laude facis? Sed ego ne sim saluus, si non contendero omni mea ope, atq<sub>3</sub> elaborabo, vt mea quoque officia & studia erga amplitudinem tuam, etiam si minus propter status nostri mediocritatem, eximia magnaq<sub>3</sub> fuerint: ab animo tamen amicissimo, & gratissima voluntate profecta videantur. Et si hoc ipsum quoque, vt mihi maius esset ac difficilius Rainerius meus fecit, qui nuper abs te reuersus, nō destitit adhuc prædicare, nullum genus humanitatis liberalitatisq<sub>3</sub> fuisse, quo tu non illum vberimè atq<sub>3</sub> amantissimè prosecutus sis. Quod ego totum mihi in illo abs te tributum esse sentio, agoq<sub>3</sub> tibi propterea maximas gratias. Sed quā ille ad me tuis verbis detulit de studio tuo & cura augenda dignitatis meæ, id est eiusmodi, vt ista tua voluntate & in me beneuolentia nihil mihi quidem possit esse iucundius: rem autem ipsam cum ætas nostra iam ingrauescens, tum studium artium optimarum, in quibus omni tēpore versor, facile patitur ad alios potius accedere, quibus ista magis cordi sunt, quam ad me, qui hisce rebus satis perfunctus sum, & nunc aliud quoddam genus vitæ consector (vt ego quidem statuo) aliquanto beatius. Ego in omni officio atq<sub>3</sub> amore, tueq<sub>3</sub> amplitudinis obseruantia, eam tibi amicitie veritate, & id studium animi grati polliceor, quod cum tua excellens virtus ac dignitas, meritaq<sub>3</sub> erga me plurima ac maxima, tum autem fides imprimis mea & natura postulat. Vale. Carpentoraedi.

IAC. SADOLETVS EPISC. CARP

Benedicto Accolto S.R.E. Cardinali

S. P. D.

**T**ardius mihi reddita fuerunt literæ tuæ : eas enim X. Calendas Septembris datas ego circiter Nonas Octobris accepi. Sed earum lectione mirifica, incredibile est quanta animi voluptate fuerim affectus. Quamquam quid primum de illis dicam, aut quid collaudem potissimum, nescio. Illud dico, nihil lepôris esse, nihil uenustatis, nihil omnino humanitatis, nihil beneuolentiæ, quod non in illis literis præclare eximieq; luceat : & cū singularem tuam ingenij ac eloquentiæ laudem, tum amorem tuum erga me perspicuum mihi ponat ante oculos. Sed horū utro magis sim delectatus, satis adhuc constituere non possum. Iucundior fortassis est amoris & voluntatis illa significatio : sed tua in scribendo subtilitas atq; elegantia multo certè admirabilior. In qua tantum te profecisse, ut ad summā laudem perueneris, nec iam cum nostri temporis hominibus, sed cum antiquitate ipsa contendas : gratulor tua quidem mehercule imprimis, sed nōnihil etiā nostra causa. Facile enim prospicio, cū extare iā incipiat, quis tu homo, quanti me facias, fore, ut hoc tuum de me iudicium magno mihi ornamento apud omnes sit. In summa tibi hoc persuasum esse volo, nunquam quicquam me legisse his literis tuis, quas proximè accepi, castius, purius, liberalius. Itaq; te iam ne hortor quidē, ut omnia summa tibi proponas, atq; ita statuas, dignitatem tuam, quam ego intelligo esse maximam, non minus ex his optimis & præ-



præclarissimis artibus, quam in omni honore & præmijs fortune existere. Tuâ enim excellēs & eximia virtus hortatione non indiget. Sed ego, quod propriū mei amoris in te fuit, et optavi semper te intueri talem, qualem nunc aspicio, & mei optati ac voti compos factus, iure nūc triumpho atq; lator. Habeo enim id quod maximè optandum homini est, amicissimum meum omnibus & fortunæ & ingenij bonis ornatissimum. Verum hæc hæctenus. Nam nec pluribus agere verbis de eis necesse est, & tantum quantum in te est, non potest tamē explicari. Quod acceptorum beneficiorum commemorationes, actionesq; gratiarū, ac cætera eiusmodi amicitia verecundioris officia, auferri iubes ex literis nostris, libereq; inter nos & persamiliariter agi: agnosco magnitudinem animi tuam, qui fructum liberalitatis tuæ in ipsa liberalitate constituas. Nam si scriptioni & opera parcendum sit, mihi consulitur vni. Mæa enim illa erant partes agendarum gratiarum: meum munus, in quo nec par quidem tibi esse poteram: cū tu de me bene merendo, ego tibi gratias agendo, quotidie inter nos quasi certaremus. Sed ut tunc liberalitati & benignitati tuæ, sic nunc voluntati bonitatiq; concedo: patiorq; ea à me silentio præteriri, quæ alioquin prætereunda non esset: nisi hoc mihi tu pollicerere, quod tamen pollicereris, te animum meum gratum & memorē non secus habiturum. De publicis reb. utinā aut tu mihi nunciares latiora, aut ego his quæ grata impendent, aliquid opis ferre atq; auxiliij possem. Voluntas certē mihi non deesset, neq; ad id etiam tibi. Nec verò tantum vltum

lum esset periculum, tantus labor, quod nos pro salute & statu Christianæ Reipubl. defugere vellemus. Sed cū neutrius nostrum sit potestas, cū res eò deducta sit, vt omni cogitatione dignitatis iam dimissa, reliqua salutis spem non in consilijs nostris, sed in incertis euentibus rerum totam reposuerimus: quid attinet sollicitudinem capere velle de his, quæ nec prouideri à nobis possunt ne accidant: nec cū acciderint vitari? Vna est ratio opitulandi reliqua: quæ sola mederi ijs incommodis queat: quàm tu sanctissimè, & prudentissimè commemoras: si fortè Deum nostri misertum sit. Et si de eo quidem non dubium est, quin ad miserendum sit paratus. Potius, si fortè bona fide nos aliquando ad illius opem & misericordiam studeamus confugere. Nam de ostentis & prodigijs, quæ multa scribis & mira Romæ inspecta partim, partim, alijs ex locis nunciata fuisse, sanè ego quàm minimum laboro. Quo enim portentorum significatione opus, cū quæ è talibus solent significari damna, mala, incommoda, quotidie sentiamus? quæ satis ipsa portentum sibi sunt: nec ab aliquo disiuncto monstro, sed ex se ipsis non magis portendunt, quàm inferunt calamitatem. Nihil certè nouarum eladium iam expectamus, quod non antè fuerimus experti: nisi fortè vniuersus impendet interitus. Sed hac Deus videbit, in cuius manu sunt omnia. Nos damus operam quo ad possumus, vt domicilium ibi nobis præparemus, vbi tantum datur verè vivere: ne cū ex his locis fuerit migrandum, velut re noua atque inopinata perturbemur. Ad quod magna nimirū opus est non solum cura,

verum

verum etiam felicitate, & apud Deum gratia. Habemus multa vt homines, qua nos interpellent, verum tamen adnitimur. Tu qui in illis fluctib. versaris, qui sūt ventis pluribus expositi, maiorem artem & constantiā adhibeas necesse est. Quod ipsum tamē tua virtuti praestanti & singulari futurum est nō difficillimum. Quod reliquum est, ego meum in te amorem, insignemq; obseruantiam summa cum pietate conseruo. De tua voluntate erga me prorsus sum persuasus. Omnia tibi prospera & fausta euenire opto. Tuis opibus & facultatib. cum vsus venerit, perinde vtar, vt meis. Deniq; tibi cōfirmo, nec habere te quenquam, qui te magis diligat, quam ego diligo: & me cui plus confidam, quā tibi, reperire profecto neminem. Vale. Carpentora. XVII. Calend. Nouembris. M.D.XXXI.

**BENEDICTVS ACCOLTVS CARDINAL.** Iacobo Sadol. Episc. Carpent. S.D.

**C**um mihi nihil soleat in hac disunctione nostra nō solum iucūdius, verum etiam vtilius accidere, quā tuae epistolae: vereor ne illud mihi sapius, penē quodammodo, accidat perincommodē, vt siue tabellariorum negligentia, siue meis occupationibus, serius quā ego vellem mea ad te litera perferatur: mihiq; propterea fructu iucundissimo atque vberissimo tuarum epistolarum diutius sit carendum. Nam etsi nihil statuam essetanti, vt cum his honestissimis sermonibus, quib. absentiae nostra desiderium per literas suauissime lenire consueuimus, sit conferendum: tamen ita negotijs quibusdem odiosis, atq; aded importunis, his diebus proximis disti-

distinebar, vt quod in superiore mea epistola tabellari-  
orum culpa est commissum, vt tibi tardius redderetur:  
nunc planè sit effectum mea: qui ex illis molestijs non  
valuerim tantum demere temporis, quantum ad rescri-  
bendum ad disertissimam illam tuam epistolam plenam  
singularis tui erga me amoris, quam ad me XVII. Cal.  
Nouembris dedisti, satis esset. In qua tanti me à te fieri  
animaduerti, ut qualem me esse cupio, talem tu illustri-  
bus quibusdam amoris notis, pigmentisq; lectissimis mi-  
rificè expresseris. Quod quamuis ab incredibili tua in  
me beneuolentia profectum agnoscam: amplissimū ta-  
men istud, atq; insigne tuum de me testimonium quāti-  
à me fieri oporteat, quantumq; ornamēti apud omnes  
bonos mihi sit allaturum, facile intelligo. Itaq; cum ti-  
bi omnia me debere antea profiterer: nescio quo pacto  
magnus nunc (quod minimè iam posse cuenire putaue-  
ram) innumeris singularibusq; tuis erga me officijs,  
hoc etiam nomine sit additus cumulus. Atq; vtinā aut  
ea quæ tu de me amicissimè sentis, præstare possim ali-  
quando: (dabo equidem in eo sedulo omnem operam)  
aut ceteri tibi tantisper assentiantur, dum mihi facul-  
tas maior ad te pro tua singulari eximiaq; virtute, e-  
gregijsq; in Christianam rempublicam meritis, ornam-  
dum atque augendum detur. Tunc enim in magnitudine  
mei erga te amoris iminesa atq; mirifica tibi declaran-  
da plenissimè mihi ipsi satisfacere posse cōsiderē. Quod  
verbis, aut scriptione prosequendum non puto. Non so-  
lūm quod eam esse volo animorum nostrorum coniun-  
ctionem, vt re & beneuolentia, non verbis inanibus con-  
firme-

firmetur: sed etiam, quod in ea summa voluptate, quā ex tuis literis capio, ita purissimis illis atq; amplissimis admirabilis tua eloquentiæ splendoribus mei ingenio-  
 li præstringitur acies, ut nisi ab illa tua in omnes, seor-  
 sumq; in me insigni humanitate recreer, planè deter-  
 rear à scribendo. Verum de his hætenus. De rebus pu-  
 blicis, est quod lætus quiddam tibi possim hoc tempo-  
 re significare, ex eisdem enim qui hac æstate proxima  
 nuntiabant maximum illum Turcarum motum, nuper  
 accepimus, ea quæ ab illis nunc nobis impendent, mul-  
 to esse commodiora. Nam scribunt, Turcas ipsos bo-  
 nam illius bellici apparatus partem ad mare rubrum  
 esse conuersuros: ut per illud oceanum Indicum va-  
 lidissima clade delati, impediant Lusitanos, qui ad In-  
 dos aromatum gratia soliti sunt commeare. Quod etsi  
 nobis aliquid sit allaturum incommodi, summæ tamen  
 Christianæ reipublicæ Dei optimi maximi immenso er-  
 ga nos amore, ita consultum vides, ut cum è faucibus  
 penè fati erepti ac planè conseruati esse videamur: tum  
 etiam aliquid nobis supersit spatij in eas cogitationes  
 incumbendi, quæ sint & tantis nostrorum temporum  
 acerbitatibus aptissima, & antiquo Christianæ pie-  
 tatis decore dignissima. Quod utinam à nobis non  
 prætermittatur, & his quæ quasi dormientibus nobis  
 à diuina clementia sunt concessa, negligentiores non  
 efficiamur: sed ad ipsius Dei optimi maximi opem (ut  
 est in tuis literis) bona fide confugiamus. Cum enim  
 nullum tempus pietati & religioni aptum non sit, tum  
 id magis est necessarium, quo maior in nos illius elucet  
 benigni-

benignitas, ne ipsius misericordia frustra cadat: sed ad ea potius pericula, quæ premunt, leuanda alliciatur. Aut si quid acciderit, nobis ad salutem tranquillitatemq<sub>3</sub> perpetuam iter patefaciamus: neue quanto ille benignior fuit in nobis conseruandis, tanto sit in illis puniendis iratior, si quos tot tantaq<sub>3</sub> beneficia pro maleficys habuisse animaduernerit. Nam cum saepe antea ipsius Dei optimi maximi immensa nostrarum rerum cura extiterit: tum verò non dubijs significationibus (si modò ij erimus, qui esse debemus) sperare nunc possumus, illum non solum tantam malorum molem ab extero hoste Turca iam pridem imminentem, à ceruicibus nostris esse remoturum: verum etiam eas omnes, quæ nuper à domesticis proditoribus, quos hæreticos appellant, per vniuersum ferè Christianam orbem delubris templisq<sub>3</sub> sanctissimis nefario scelere subiectæ sunt faces, ab ipsius præsentē numine restinctum iri. Quis enim non videt ea quæ superioribus mensibus ab Heluetijs qui Catholicam fidem nobiscū vnà retinent, aduersus reliquos eius gentis pagos qui à recta religione descuerunt, duobus magnis prælijs sunt gesta, sine ope diuina geri prorsus non potuisse? cum enim magna ipsorū pars teterrima illa impietatis labe dudum esset cōtaminata, (Nam ex tredecim pagis, quinq<sub>3</sub> tantum in fide permanserunt) decreuerunt illi, qui numero superabant, vi & armis ita cogere quinq<sub>3</sub> pagos veræ religionis amantiſsimos, vt illos suæ perfidiæ socios sibi adiungerent. Cumq<sub>3</sub> iam res (vt te audisse non dubito) ad manus deuenisset, primo

in pralio oſtingēti ex noſtris maximo Chriſtiana pietatis ſtudio inflammati, paulum extra aciem, qua ex oſto tantum hominum millibus conſtabat, primi procurare, incredibiliq; virtute & foriitudine viginti hoſtiū millia ſunt adorti. Quos continuo, occiſis hominū amplius tribus millibus, & totidē ferē captis, qui proiectis armis mortē ſupplices ſunt deprecati, in fugam coniecerūt. Cuius victoriæ curſui quamvis nox magno fuerit impedimento, praliūq; diremerit: in eo tamē illud maximē ſalutare accidit, & prædicandum, quòd cum hoſtes rem eſſe in anguſto animaduverterent, eos omnes quorum opera & artiſicijs plebs ſuerat concitata, in primam aciem coegerunt procedere. Quod ubi ſine mora facere, vel vt ſuis adderent animos, vel quòd ita neceſſitas poſtulare videbatur, minimē reſuſſent: interſecti ſunt noti ferē omnes tantorum ſclerum & perfidiæ autores, inter quos ceciderunt quàm plurimi ſacerdotes, qui abiurato veræ religionis cultu, ſeſe in Satanae ſamulatum coniecerant: repertusq; eſt multis vulneribus cōſectus Zuinglius, qui primus ad Helvetios attulit peſtifera Luteranorum dogmata: eiſq; ob ſingularem, qua maximē inter Helvetios florebat, opinionem virtutis, doctrinæ, & ſapientiæ, aſiduè imperitorum animos imbuebat: cognitumq; poſtea eſt, pagum qui Tigurinus appellatur, quiq; omnium illorum infidelium habetur caput, ex CCC. ſenatoribus, ad ſeptem tantum, eo conſecto pralio, eſſe reductum. In quo triginta tantum pedites à noſtris ſunt deſiderati: reſtaq; ſunt ex pugna ad pagum Lucernēſem (qui itide m

fide-



fidelium Heluetiorum est facile princeps) complura signa militaria: inter quæ fuit vexillum maximū pagi Tigurini, & tormenta muralia XIX. quadringentāq; castrensia. Hoc prælio inter hæreticos nuntiato, quam nulli erat dubiū, quin illa omnia Dei optimi maximi felicissimis auspicijs à nostris essent confecta, mirēq; ipsius Zuinglij interitus hostes perterruisset: multitudinem tamen et numero suorum confisi, iterum prælio decertare, rursusq; fortunam experiri decrevere. Itaq; breui redintegratis viribus, delectisq; ex omnib. pagis, teterrimo illo scelere imbutis, et in vnum locum coactis, hominum millibus circiter triginta: additisq; præterea Germanorum auxilijs, qui superiore prælio non potuerant interesse, in nostros castra mouerunt.

Quibus cum nostri appropinquassent, subito & præter omnem spem hostium, concursu tam acri in eos impetum fecerunt, ut eum modo hostes ferre non potuerint. Itaq; primum loco pulsi, deinde dissipati, vniuersi terga verterunt. Quos nostri insequuti, complurib. captis, magnū eorum numerū trucidarunt: multos quoque ex eis repentinus suorum terror, ac fuga, in quasdam locorum angustias compulit. Quibus interclusi, ex præruptis altissimisq; rupibus, nostris urgentibus, se præcipitauerunt. Hoc prælio à nostris felicissimè confecto, rursusq; hostibus profligatis, & insigni clade affectis, cum Lucernenses, qui ut supra memorauimus, inter quinque pagos fideles in maximo habentur honore, aliquot oppida ab hostibus occupata recepissent, ea qua Christianos decuit vsi mansuetudine, ac lenitate, lega-

tos de communi quinque pagorum concilio ad Tiguri-  
 nos miserunt : qui testarentur, se quacunque fecissent,  
 nullis priuatis inimicijs, sed tantum vera religionis  
 causa fecisse : neque quicquam aliud petere suis armis,  
 quam vt ad auitum sacrorum morem rediretur. Quæ  
 cum æquo animo Tigurini, Dei ( vt ego arbitror ) ira  
 perculsi, acceperint : omnes qui pertinaciores in eiur-  
 anda impietate sunt visi, confestim è pago expulerunt,  
 seq<sup>3</sup> Lucernensibus & alijs fidelibus adiunxerunt. His  
 de rebus heri in senatu recitata sunt, magna omnium  
 latitia, literæ Episcopi Verulani, quem illuc Pontifex  
 Maximus legatū miserat. Quibus nobis magnā spem  
 facit, cum vnus omnino sit hic pagus Tigurinus, cuius  
 auctoritate reliqui, qui à communi religione & Chri-  
 stiana pietate discesserunt, cõtineantur : fore, vt breui  
 dimissa prißtina errorum pertinacia, cum pagis fide-  
 libus se coniungant. Quod si euenerit, tantò futurum est  
 Casari adiumento in eo conuentu, quem pro sua sum-  
 ma pietate & religionis studio, ad abolendum, aut si id  
 fieri non poterit, aliqua saltem ratione, reprimendum  
 impium Luteri scelus, aliaq<sup>3</sup> hæresum monstra confici-  
 enda, quæ ex letali illo, ac pestifero fonte per omnem  
 Germaniam longè lateq<sup>3</sup> fluxere, ad Calend. proximas  
 Febru. Ratisbonæ indixit, vt ipsum multò commodius.  
 maioriq<sup>3</sup> existimatione & dignitate, tantis vulneribus  
 Christianæ reipub. Deo bene iuuante, mæderi posse spe-  
 randū sit. De rebus vrbanijs nihil est quod scribā : nam  
 & pleraque eodem loci sunt, quo reliquisti, & si quid  
 præterea noui sit, puto te ab alijs certiorē fieri. Ita-

que venio ad postremam epistolæ tuæ partem, in qua de vitæ tuo instituto grauissimè scribis. Quæ perlecta in eadem opinione continuò fui: eaq̃, non modo eximiam quandam, & singularem pietatem, religionemq̃, præ se ferre mihi est visa, verùm etiam iucunda accidit & salutaris. Cū enim semper iudicauerim hæc fortunæ membra, diuitias, honores, dignitates, inania esse & caduca, magisq̃, ad laborem & pericula, quàm ad salutem valere: semperq̃, statuerim, ipsius Dei cultum, & salutem animorum longè his esse præuertendam, tamen vix dici potest, quàm hæc mea mens tuo isto iudicio sapientissimo, monitisq̃, grauissimis fuerit confirmata. Itaq̃, dum ea mihi spes propterea non euanescat, quæ me mirifice suslētat: fore, vt habita (quod dudum oportuit) eximia multiplicisq̃, virtutis tuæ ratione, huc ad nos quandoq̃, redeas: egoq̃, hanc vsus & congressionis tuæ intermissionem, quoad mihi per tua temporalia licitū fuerit, assiduitate & diligentia sarcire possim. Dum igitur spes ista non extenuetur, non solū approbo sanctissimum istud tuum propositum, quo solo ad æternā domum recta peruenitur via: verùm quātum potero enitar ipse quoq̃, atq̃, à Deo Opt. Max. assiduus precibus contendā, vt tandē aliquādo utar pācatīs fluctib. quò mihi securus ad verā tranquillitatē muniaturs cursus. Interea si quid est, q̃ me tua aut cuiusquā tuorū causa curare oporteat, id tibi ne pollicendū qdē videtur, cū et voluntatē meam tibi satis notā esse intelligā, et ea quæ restāt, re tibi magis q̃ verbis me probaturū cōfidam. Vale. Prid. Id. Decēb. 1531. Romæ.

IAC. SADO LETVS EPISC. CARP.

Benedicto Accolto S.R.E. Cardinali, S.P.D.

**E**Go humanitatis tuæ, & beneuolentiæ erga me verberes quotidie capio fructus : velut ex his literis, quas proximè ad me ex Io. Piscia sermone misisti. Quæ illæ amanter scriptæ sunt? quàm prolixo animo? quàm (vt ita loquar) penè etiam ardentè? vt omnis tua in illis mihi gratificandi, & in omnibus morem gerendi, voluntas se ostendit? Non possum tam loqui quàm sentio: sed certè, si vllò vnquam tẽpore tuus aduersum me animus beneuolus atq; cõstans, voluptati mihi fuit, his sum literis incredibiliter delectatus. E quibus illum tamen fructum vel maximum cepi, quòd meã erga te beneuolentiã, & singularem in omni genere obseruantiam, tibi perspectam & cognitam planè esse intelligo. Etsi enim peroptatũ mihi est, me abs te diligi, charũq; haberi: illud tamen etiam optatius, meam voluntatem, pari in beneuolentiã vicissim tibi reddenda, tibi quoq; esse probatam & gratam de qua autor sum, vt omnia ex me summa tibi pollicearis, non fallam existimationem tuam. Non enim minor voluptas est probis & cõstantibus viris, amare, quàm amari: presertim cùm id iure fiat: sitq; in eo iudiciũ quædam etiã laus, non amoris solum, & studiũ significatio. Quòd quoniã mihi in te contigit: moriar, ni operam omnem dederò, vt quòd te amo tantopere coloq; non solum tuæ erga me beneuolentiæ relatum, sed tuis multis eximĩsq; virtutibus etiam tributum esse videatur. De Paulo quod me hortaris, ego iam pridem istud ipsum commentor, vt eum mihi

mibi socium & adiutorem in huius ecclesiæ custodiâ adsciscam : qui mihi postea successurus sit. Sed veritus sum vsq; adhuc ætatem eius : nam de Pontificis quidem maximi voluntate erga me, & de tua ope atq; opera mihi parata, non dubito. Nunc verò cum & annorum satis sit (agit enim ætatis quartum & vigesimum) & summum eius ingeniū, optimi mores, ac singularis vitæ modestia, ærnet : maturè iam id videor posse facere. In quo (ita Deum velim propitium) vt hoc meū de illo iudicium, non tam cōsanguinitati, & generi, (quāquam ne id quidem rō spectatum est) quā virtuti et meritis à me tribuitur. Sed de eote ex alijs malo, quā ex me cognoscere. Illud q; mea valde interest, à te vehementer peto, vt cum nemine adhuc rem hanc communices, habeasq; eam tecum occultam et tacitam, quoad paratis rebus, tua mihi opera & autoritas requiretur.

Quòd confidis in repub. meliora fore, quā quæ peritueramus, vtinā quidem ita sit. Ego quid dicam, aut quid expectem nescio : in summo timore versor : nihil parati ad succurrēdum video, quod quidem validū firmūq; sit. Fortune parum habeo fidei : nostris cōsilijs vt valeamus exopto. Sed hæc quoq; quando ea nō sunt muneris nostri, Deo permittimus, q; vnus omnia potest. Ego superiorib. diebus, quāquam morbo graui impeditus, ex quo iam tamen conualescere incipio, dedi ad te literas, quibus ad illas tuas respondebam, quæ vberissime atq; ornatissimæ pridie Idib. Decemb. datæ, secūdū multas et magnas amoris tui significationes, de Helueticis rebus me docebant. Quas quoniā vereor ne nō

tibi sint redditæ, eodem exemplo rescribi iussi, et ad te mitti: non ea me hercule gratia, quòd illarū iacturam grauitè ferendā putè: quippe quæ etiā scripta negligentius (vt ab agroto sunt) sed vt perspiceres, nullū à me tuèdī officij, neq; amoris mei tibi declarādi locum prætermitti. Vale. Carpētoracti, V. Idus Martij. 1532.

IAC. SADOLETVS EPISC. CARP.

Benedictō Accolto S.R.E. Cardinali, S.P.D.

**C**VM iter hāc haberet Didicus Mendoza, qui tibi has literas reddidit: adolescens sum: mo quidem inter Hispanos genere & loco, & summa nobilitate: sed ingenio etiam & moribus, quā maiorum suorum clarissimorum virorum splendore ornatior: accidit, vt is mecum diem vnum esset, atq; in sermonib. (vt fit) percontanti mihi, quòd, & cuius rei gratia hoc itineris suscepisset: Romam inquit, vt bonarum artium studijs ibi operam dem. Quæ cū responsio mihi præter opinionem meam accidisset (non enim soliti sumus videre ex illis oris ad Urbem istius rei causa venientes) admiratus, perrexi in te interrogare reliqua. Tum ille mihi animum suum totum aperuit, ita inflammatū ad eas arteis & literas, quas nos optimas appellamus, nihil vt fieri posset ardentius. Hic iam non te puto expectare, dum exponam, quo statim beneuolentiæ studio in illum accensus fuerim. Sum equidem, semper propensus ad eiusmodi animos omni mea comitate cōplectendos. Sed tamen iuuenem hunc intuēs, amplissimis fortunis, nobilitate eximia, cognationibus maximis, patriam in qua propè dominaretur, & penatēs suos relinquentem,

tem, peregrinantemq<sub>3</sub> in alienas & remotas regiones, nullius rei cupiditatis, præterquam bonarū literarum causa: crede mihi, sum non mediocriter motus. Itaque tempus eius confirmandi et cohortandi non omisi. Laudavi consilium: hortatus sum, vt magno animo incumberet in studia, ad summa contenderet: facile cum si adniteretur, vel partes primas, vel proximas certè adepturum. Quod hoc maiore cum spe faciebam, quòd videbam eum sine monitore adhuc & magistro, sua ipsum sponte, solo naturæ bono, tantam iam adeptum iudicandi facultatem, vt Ciceronis imprimis scripta in manibus haberet, ijsq<sub>3</sub> præcipue delectaretur. Sed cum ipse me rogasset, vt ad urbanū aliquem ex meis amicis hominem doctum literas darem, cuius ipse, ad Urbē cum venisset, familiaritate atq<sub>3</sub> amicitia uti posset: occurristi tu continuò, vel ita doctus, vt excellens: vel ita amicus, vt tibi à me non fides solum in tuenda amicitia, sed obseruatiā etiā debeatur. Itaq<sub>3</sub> cū eo de temulta locutus sum: dixi quæ sentio: ostēdi nusquam eo magis, quàm apud te, voti sui futurum compotem: propterea quòd domus tua talium virorum & præstantium ingeniorū conuentu præcipue celebraretur. Annuit gaudens: seq<sub>3</sub>, ad te profecturum primò dixit. Qui cum hoc animo istuc veniat, vt tibi sit vsu quā cōiunctissimus, nihilq<sub>3</sub> omnino aliud abs te præter beneuolentiam tuam expectat: peto à te mi optime Accolte, vt hunc talē inuenem sic recipias in amicitiam tuam, vt omni ille tua humanitate, quæ profectò summa est, ad arbitrium suum, & quandocunque illi fuerit commodum, persiuatur. Est



omnino hoc tuum, & natura tua praestantis ac singularis, fauere bonis ingenijs, eaq; florentia atq; honesta esse velle. Sed quod tua sponte faceres in complectendo atq; extollendo hoc adolescente, vt mea quoq; causa studiosè magis & significantius facias, id ego te etiam atq; etiā rogo: imprimisq; vt illi cruditorū hominum beneuolentiam concilies, quorum frequentia & copia semper abundat domus tua. Quod cū feceris, nam facturum non dubito, videor tibi posse polliceri, tantam te ex adolescentis nobilissimi atque optimi necessitudine, obseruantia, familiaritate, voluptatem esse capturam: vt in quo melius tuam liberalitatē comitatemq; adhibeas, non saepe sis reperturus. Vale. Carpentorati, XI. Calend. Iunij, M. D. XXXII.

IAC. SADOLET. EPIS. CARPENT.

Benedicto Accolto S. R. E. Cardinali

S. P. D.

**E**odem tempore et de tuo reditu ad Pontificem Maximum, & de patruī tui viri clarissimi, hominisq; sapientissimi, morte accepi. Quo ego nuntio variè commotus sum. Nam cū valde mihi latandum arbitrarer, in eis esse iā locis, in quibus tua excellens virtus & autoritas, & tibi celebritati atq; laudi: et nobis, qui in fide tua sumus, teq; vehemēter colimus, vsui atq; emolumento esse posset: hanc tamē animi mei letitiam obturbabat illa cogitatio, quod intelligebā te funere domestico, et in eo funere, in quo tecū vnā magnam ornamentorum & dignitatis suae iacturam fecisset Resp. non priuatis solum incommodis, sed propè luctu publi-

ed commoueri. Talis enim vir profectò amissus est, vt non solum qui ex stirpe & genere eodem sunt, proprium illud damnum sentiant: sed et nos, qui vobis semper & vestra familia dediti fuimus, & omnes boni, vniuersaq; ciuitas, communem hanc et suam ducat calamitatem. Etenim re vera vnius in interitu sua cuique pars incommodi & detrimenti inuecta est. Quis enim erat opis egens atque consilij, cui non esset in illius humanitate & sapientia paratum persugium? quis in civili & pontificio iure ita hesitabat, vt cum accepisset cognossetq; illius sententiam, non ea tanquam oraculo contentus, omnes scrupulos dubitationum ex animo suo eijceret? quòd in illo inaudita quedam & propè singularis iuris sciētia esse putabatur. Quæ porro grauitas in eo? quæ autoritas? qui cum propter summam amplitudinem ac dignitatem, omnibus publicis consilijs non interesset solum, verum etiam præesset: propter opinionem tamen prudentiæ atque consilij id cōsequebatur, vt non cum alijs multis vnà, sed propè solus gubernare Rempublicam, & eam suis sustinere humeris videretur. Itaque et illius potissimum monitis ac prudentia nitebantur summi Pontifices, et omnis penè Italia Christianumq; nomen cunctum consilij eius ac quiescebat. Sed etsi tanto incommodo, mœroreq; communi, vnius hominis mors omnibus lugenda est: nos tamen qui propiores illi extitimus in familiaritate atq; amicitia, quiq; ab ipso primum pluribus beneficijs ornati, deinde à te proximo illi & coniunctissimo, omni humanitate accepti semper fuimus, haberemus grauid-

uiorem causam dolēdi atq; mœrendi, nisi nos tua præstans virtus cōsolaretur. Itaq; ne illas quidem rationes diligenter mihi exquirendos puto, quibus coner quasi leuare dolorem tuum: cū te hominem egregia animi firmitate præditum, fidentem eis muneribus, quæ tibi & à natura, & ab industria tua donata sunt, nulla res molestā de statu tuo dimouere posse videatur. Illa potius commemorabo, quæ non tibi, sed nobis esse solatio queant: hominē cum, qui florētissimē vixerit, summos honores geßerit, summam fuerit gloriam virtutis, doctrinæ, omnisq; prudentiæ consecutus, tum autem diutissimē nobiscum versatus sit, in senectute extrema, & in ea ætate decesserit, quæ iam nulli idonea voluptati, tantū ad labores, & ad misérias sit exposita, nō esse deflendum velut mortuum: cuius præsertim imago virtutis, & dignitatis, & autoritatis, in te ipso nobis relata sit: vt nihil in illo amissum desiderare possimus, quod non in te nobis redditum cumulatē habeamus. Ac cæteras quidem rationes aptas ad consolandum, quæ ex Deo & religione, & ex illa altera vita cœlesti & immortali afferri possunt, tibi potius considerandas relinquemus, quàm ipsi nobis sumemus exponendas: cū nihil à quoquam in eam rationem tam accuratē dici possit, quin tu id multò melius scias, magisq; promptū habeas, quàm quiuis nostrum. In eo nos potissimum insistemus, atq; inharebimus, vt tibi in te ipso, & in eodē te, nobis omnis consolatio sit posita. Qui dum te habebimus, non sumus neque sine patrono nos, neq; Respu. sine egregio suorum ornamentorum defensore futuri.

Qua-

Quare hoc officio, si non commodè atque ornatè, piè certè, & amanter per me, & illius mortui memoria, & nòstra inter nos necessitudini persoluto: licere mihi ià arbitror de illa altera parte, qua tota mihi iucunda accidit, hoc est, de reditu tuo ad Pontificem, pauca verba facere. Etenim noli existimare, mi optime Accolte, tuam istam absentiā nō mihi nimis diuturnā fuisse visam: quanquam te rebus præclarè gestis, prouinciaq; ritè & ordine constituta, cum omnium gratia, & laude, ad tuos reuertisse gratulor. Sed tamen non dici potest, quā mihi videatur Reipub. esse vtile, te in hoc motu rerum, & tantorum congressu principum, ibi potissimum esse, vbi cōsilio & integritate tua res imprimis publica persfrui possit. Et si in hoc fortasse refero ad me aliquid, qui cū tu abes, carere mihi videor tutore vel præcipuo omnium fortunarum mearum. Verū quāquam hoc nonnihil forte est: illa tamen vehementius me adducit ratio, vt te optem istic esse, quod scio quantum in tua virtute & eloquentia præsidij rebus communibus constitutum sit. Sed ne de hoc quidem lōgius mihi habenda oratio est: cū præsertim verear, ne tibi in maiore aliquo negotio impedito intempestius obstrepā: tuasq; grauissimas interpellem occupationes. Illud tantum addo, me de aduētū tuo, et de laude gestæ conseruatæq; prouinciæ tibi ita gratulari, vt cupiam quæ de illis rebus ad nos plata sunt, multorū celebrata literis et sermonib. tamen, quoniam confusè nobis significata sunt, singula melius nosse ex te & enucleatius. Cuius rei cū erit tibi otium, vt faciliè præstare id possis,

ali-

*aliquā suscipies curā docendi me, certio remq<sub>3</sub> faciēdi. Me quidē certē gloriæ tuæ fautorē, et laudū prædicatōrē amantissimū ac fidelissimū semper habiturus es. Vale. Carpētoraſti, XII. Cale. Februarij, M. D. XXXIII.*

IAC. SADOLETVS EPISC. CARP.

Bloſio Palladio ſuo. S. P. D.

**A**Mor meus in te Bloſi, qui et ſi antea magnus ſemp fuit, nunc tamen ex hoc recente congreſſu noſtro factus eſt ardentior, poſteaquā diuturna abſentia mea nihil de tuo ſummo erga nos amore detractum eſſe cognoui: non patitur ferre me moram ſcribēdi ad te, quin quamprimum tibi & ſalutē nuntiem, & Deū immortalē præcer, vt veſtra iſta nauigatio omnib. vobis proſpera & ſalutaris ſit. Nam hīc nos quidem eramus ſolī cito animo, quōd vētos uobis aduerſos verebamur. ſed in hac animi cura, & moleſtia, illa inerat cōſolatio: q<sub>3</sub> maritimo dimiſſo curſu, arbitrabamur vos iter pedibus facere conſtituiſſe. Hoc ſi ita eſt, nilq<sub>3</sub> accidit vobis incommodi, eſt cur magnā Deo verē ſoſpitali gratiā habeam. Nam mihi quidem nil euenire optatius poteſt, q̃ audiſe & noſſe, incolumes vos & ſoſpites domum reuertīſe. Sic enim à vobis digreſſus ſum Maſſilia diſcendens, ſic in his oris terrisq<sub>3</sub> remanſi: vt tamen mecū veſtrum omniū memoria et acre deſideriū conſuetudinis veſtræ māſerit. Cognoui enim planē, req<sub>3</sub> ipſa ſum expertus, nihil homini eſſe, vt poeta inquit quidā, homine amico amicius. Etenim, per Deū immortalē, ſi vobiscum aſiduus fuiſſem, nullaq<sub>3</sub> intercapedo temporis uſum et familiaritatē noſtrā diremiſſet, qui potuiſtis

maius studiū prae uobis ferre & voluntatē gratificādi mihi? qui tantum mihi à vestra consuetudine iā diuulso triuistis, quantū ego, si in uestris oculis semper habitassem, vix ausus fuissē optare? Et ego his à vobis officijs prouocatus, pari vobis pietate & beneuolentia non respondebo? aut posterioreis in amādo partes ferre me patiar? mori me millies malim, q̃ eiusmodi quicquā cōmittere. Qui si ad referendā vobis gratiā parū idoneus fuero: ad cōmemorandam quidem certē & habendam, ero diligens. An ego optimi & maximi Pontificis tot beneficia erga me tacita sinam praterire? pro quo si vitam sanguinemq̃ profundam, vix vllam partem ipsius erga me meritorū asequar. Quid? tua tam multa officia, mi Blofi, quae mihi à te tributa sunt, obliuiscine vnquā posim? quid aliorum tot hominū humanitatem & studiū? à quibus cū tam longē septem annorum interuallo abfuisse, vix delui existimare vel tenue vestigium recordationis de me in eorū animis residere: qui tamen omnia mihi recētis beneuolentia signa praestiterunt. Quibus equidem cunctis sum obstrictus: sed in exoluendis nominibus ita reddam vnicuiq̃, vt mihi tempus, occasio, facultasq̃, suppeditarit. Nam tibi mi Blofi me rotum iampridem dedidi: tuumq̃ istū amorē aduersum me non minore ipse charitate beneuolētiaq̃ sum amplexus. In qua quidem mutua voluntate nostra vt perpetuò maneamus, neuter profectò nostrum ab altero rogandus est, (quid enim nobis in vetere amicitia nostra tuenda cōstantius?) ego tamen morē secutus sic agendi, roga te etiam atq̃ etiam, vt me isto modo ama

re nūquam desinas: tibiq<sup>3</sup> vicissim de me ita persuasum habeas, esse te mihi et fore semper charissimum. Vale.  
Carpentora acti, VIII. Cal. Decemb. M. D. XXXIII.

IAC. SADOLETVS EPISC. CARP.


Vbaldino Bandinello S. P. D.

**P**Ridie eius diei, quo sum hinc Massiliam profectus, qui fuit dies tertia Cal. Octob. accepi tuas literas. Quae etsi mihi gratissimae fuerunt, declararunt enim planè tuum erga me amorem, eamq<sup>3</sup> curam & diligentiam, quam tu in rebus meis agendis adhibuisses: tamē quoniam mihi tardius fuerāt redditae, egoq<sup>3</sup> tecū Massilia congressurum me arbitrabar, nullam tunc suscepi cogitationem respondendi tibi. cū ad id potius me parassem ut praesens tecum de omnibus rebus colloquerer. At posteaquam illuc veni, primū id mihi accidit incommodi, quod mihi ibidem Pontifex duodecim dies ipsos expectāndus fuit. Deinde cū ex eius aduentu eā certè voluptatem cepissem, quā meus in optimū atq<sup>3</sup> humanissimum principem amor, totq<sup>3</sup> praeterea hominum mihi amicissimorum insperatus conspectus attulisset: in tanta mea gratulatione illud accepi molestiae, quod neque te, neq<sup>3</sup> alios quosdā mihi amicissimos homines in conuentu illo affuturos cognoui. Ac de te quidem ita audiebam, cū Pontificis missu in Hispaniam iter suscepisses, aliquotq<sup>3</sup> iam dierū processisses viam, in itinere ipso aegrotum restitisse. Quo ego nuntio cū essem sanè perturbatus, Binus noster, & is qui tibi & mihi est amicissimus Petrus Carnificcius plenus officij atq<sup>3</sup> humanitatis adolescens, affirmavit periculū nul-  
lum



lum esse: seq̃, certò existimare, antequā conuentus Mas-  
siliensis dimitteretur, nobiscum te futurum. Id postea  
quam non contigit, egoq̃, tuo aspectu & colloquio  
sui priuatus, statui non amplius differendum esse offi-  
cium meum. Itaque etsi Paulo mandaram Massilia iā  
discedens, vt aliquid daret ipse ad te literarum: tamen  
aliena illa opera non contentus, vt primum reuerti Car-  
penteracte, has ad te scribere institui, quæ tibi nuntia-  
rent, gratum te mihi fecisse, quod meā, atq̃, adeò quòd  
prouinciæ huius causam tam accuratè apud Pōtificem  
egeris. Quanquam ille, qui fuerat huc missus, vt pro-  
uinciam seditionibus quibusdam laborantem, pace con-  
cordiaq̃, placaret, non sedator, neq̃, extinctor factio-  
num, sed cōcitatōr potius apparuit. Venerat enim huc  
partibus illis addictus, quas inaximè timebamus. Neq̃,  
ipse id dissimulabat, neq̃, animi sui studium tegere po-  
terat. Sed cū cupiditate esset ita aperta, vt palam o-  
mnibus pateret, quorum arbitrio gesturus esset magi-  
stratum, cumq̃, in causis paribus eorum qui rerum per  
se gestarū rationes essent reddituri, non æquo iure ad-  
uersus omnes, neq̃, eodem vteretur: complures hinc ba-  
ni uiri et nobiles concilio habito, primum quasitoris hu-  
ius libidini se opposuerunt: deinde re ad maximū Pon-  
tificem Massiliam delata, facile ab eius clementia &  
singulari iustitia est impetratum, vt pro homine pa-  
rum his populis probato, aliū nobis daret, in cuius virtu-  
te, & integritate, & prudentia requiesceret Prouin-  
ciæ status. Quod et factum est, datūq̃, negotium Paulo  
Capisuccio, homini eximia auctoritate atque doctrina,

T quem



quem nunc maximè expectat Prouincia. Quæ ego tibi volui nota esse, vt intelligeres, neq; tu me, cùm tibi ista exponerem, sine causa laborasse. & quàm gratum putes mihi accidisse hoc officium erga me tuum. Nā quodd de studijs meis cum eodem optimo Pontifice communis caris, gaudeo maiorem in modum, meorum illi studiorum rationem probari. Sed crede mihi, quātum literis potero, quantum scriptis, quantū hac mea ingenij mediocritate, et his facultatibus, quæ mihi à natura, aut à diligentia tributa sunt, omnia sum ad eius ornandam atq; illustrandā gloriam collaturus. Ita enim ille de me meritus est. Et hac in re, quod per me minus valebo, amor mihi ingenij et vires suppeditabit. Te quidē tacuisse cū illo id quo minime prolato fuit opus, & probo factum, & in eo etiā beneuolentiā tuā agnosco. Operam tuā in vrbe ita mihi paratā esse ducō, vt meāmet mihi. Sed mea istic pleraq; parui momenti sunt. Quodd si acciderit, vt tua mihi gratia & ope sit vtendū, literis non parcā. Illud cuperem, de quo etsi tu Lugduni mecum modestissimè es locutus: tamen dolzo vehementer, non ex mea id sententiā quā primū confici: vt hominis florētissimi, ac liberalissimi. gratiā & beneuolentiā tibi reconciliares. Quem hominem ego summè diligo atq; colo: arbitrorq; id me iure optimo facere debere: quando & illius eximia virtus spectata omnibus, & beneficia erga me complura ac præclara extiterunt. De meisq; rebus, et de publicis, nihil ego ad te scribo. Nam & quæ propriè ad me ipsum pertinent, parum idonea sunt quæ scribantur: & si quod publicè factū est, quodd

fit dignum *scriptione*, plurimos earum rerum habiturus & narratores, & testes. Tu ut valeas, nosq<sup>ue</sup>, quod facis, diligas, magnopere à te peto. Carpent oracti, XII. Calend. Decembris. M. D. XXXIII.

IAC. SADOLETUS EPISC. CARP.

Laurent. Campegio S. R. E. Cardinali. S. P. D.

**N**ihil mihi potuit nuntiare latius, quam te ex Germanica legatione tua, saluum & sospitem, longo intervallo, ad tuos reuertisse, gratumq<sup>ue</sup>, & optatum conspectum tuum summo pontifici, collegisq<sup>ue</sup>, tuis omnibus atque ipsi urbi imprimis retulisse. Non enim dubito, quin tua eximia virtus & autoritas, in his tantarum agitationibus rerum, sæpius requisita & desiderata fuerit. Quanquam seruiuit illa quidem Reip. magnasq<sup>ue</sup>, et maximè agras illius partes consilio & diligentia absens sustinuit. Sed tamen quemadmodum ea membra quæ cordi propior sunt, plures et potiores habent in cōseruando corpore functiones: sic summorum hominum sapientia & grauitas, proximè principem, & in ipso capite conciliorum statuenda est: ut latius in omnem partem illarū utilitas possit dimanare. Verum ut se cunq<sup>ue</sup>, res habet, labores tuos eiusmodi fuisse, ut ea, quæ grauissimè laborabant, iamq<sup>ue</sup>, curam omnem respuere videbantur, in commodiorem tamen statum per te deducta sint, valdè & laudi tuæ, & publici vtilitate gratulor. Atq<sup>ue</sup>, utinam aliquando finem eius mali aliquem videamus, cuius tanta exitit vis, ut nō solum humanas, verū etiam diuinas res & rationes potuerit peruertere. Nec verò nunc eius tollendi atque exterminandi non adest

occafio, duobus fummis optimisq<sub>3</sub> principibus in vnum locum adductis. Qui fi prudentia & facilitate perfe- cerint, vt tertium hunc quoq<sub>3</sub> cuius nos in regno viuimus, flagrantem ftudio Chriftiana pietatis contra ha- reticos tutanda & protegendæ, in amicitiam & gra- tiam poffint reftituere: non metuo, quin clarius in cæ- lo fibi monumentum feruata religionis, quàm in terra deuictarum gentium fint conftituturi. Sed ego fortaffe ftudio inani feror, atque ea curo qua minus ad me per- tinent. Quæ etfi in ftudijs & voluntatib. omnium com- munia funt, in poteftate tamen paucorum funt pofita.

Quid ergo? nõne mihi licitum eft optare, vt pauci illi qui poffint, etiam velint confulere Reipublicæ? Quan- quam vt dixi, de optima mente principum iftorum du- bium mihi non eft. Res forftan impeditiores funt, & durior ac difficilior earum rectè tractandarum ratio. Recordor enim quàm fæpe cùm ipfe quoque intereffem rebus agendis, optima hominum confilia, grauis Reip. fortuna interruperit. Sed tamen vt ex inftituto hoc fer- mone honeftius abeamus, Deum fupplex precemur, vt quod humana vis nequit, ipfe fua clementia & ine- luctabili potentia velit prouidere. De te autem ipfo, Campegi optime, atq<sub>3</sub> humaniffime, illud quidem mi- hi perfuafum habeo, quod tuæ eft natura & bonitati imprimis confentaneum, eos qui te coluerunt femper & amauerunt, nequaquam tuo ex animo elapfos eße: neque vllam eße poffe tam diuturnam abfentiam, quæ te obliuifci veterum amicorum cogat. In quibus ego fi principem locum appeto & diligendi tui, & ample at-  
que

que honorificè de tua virtute existimādi: haud sanè mi-  
rum videri debet. Sed tamen meas esse duxi partes, re-  
digere tibi in memoriam, me eodem animo & obseruā-  
tia erga te esse, qua semper fuerim: & simul hanc volu-  
ptatem scribendi ad te, & tecum per literas quasi col-  
loquendi, capere properaui. Quā quoniam diu mihi ca-  
rendum fuit, dici non potest, quā fuerim saepe angore  
quodam animi sollicitus: cū tua in longinquis partib.  
commoratio, tecum hoc mihi commercium literarum  
adimeret. Nunc posteaquā es reuersus (quod tibi bene  
prosperēq; vt eueniat opto) renouabo, si tibi non fuerit  
molestum, hoc officium scribendi: teq; interdum meis li-  
teris appellabo. Tu quod proprium est constantia &  
virtutis tuā, me, quē in fide tua semper habuisti, vt per-  
petuū tueare ac diligas, te etiam atq; etiā vehementer  
rogo. Vale, Carpent. XII. Calen. Feb. M.D. XXXIII.

IAC. SADOLETVS EPISC. CARP.

Hippolyto Medici S.R.E. Cardinali, S.P.D.

**C**um ad me Roma scriptum esset, te viro optimo &  
homini prudentissimo, mihiq; vetere amicitia con-  
iunctissimo, Antonio Pilleoni Burgio in magnis ipsius  
rei familiaris angustiis, tua ope & liberalitate auxili-  
um tulisse, largog; illū congiario profecutum esse, quo  
is nobiles filias, quibus dotem aliter conficere non pote-  
rat, honestè atq; ex sua dignitate familie nuptum da-  
ret: equidem cepi eam animi latitiam quam debui, plu-  
rimumq; ambobus vobis absens sum gratulatus. Quod  
cū vtrunq; singulariter amem, te verò praterea ob-  
seruem etiam atq; colam: eadem tua benignitate & il-

lum leuatum onere atque incommodo, & te gloria ac laude auctū esse cognoui. Etenim ea demum vera liberalitatis est laus, cum in illos cōfertur beneficium, qui sua dignitate donantis nomen illustrant. Ac quod ad illius virtutes attinet, exponerem libenter quibus ille de causis & tuo & omnium amore dignus sit: (quid est enim illius prudentia, quid temperantia, quid integritate, fideq; spectatius?) sed quoniā tu horum illi ornamentorum precipuus testis es, quippe qui eum non iudicio solum tuo, q̄ a tanto viro satis magni aestimari debuit, sed opibus etiam tuis, & copijs, virtutis causa decorasti: supersedebo hoc onere, de illo narrandi ac pradicandi quae sentio, & ad te vnum conuertar: qui mihi visus es hoc praclaro facto admonuisse ceteros, & docuisse, nihil esse tam proprium praestantis eximiaq; virtutis quam aliorum & fouere & honorare virtutem. In quo magna mehercule natura vis, et imprimis mirabile consilium extitit. Quae cum duo virtutis genera constituisset, vt vna esset virtus adiuuandum et commodandum se impartiens, altera idonea cui commodaretur: ita hūc complexum praclarae societatis iugatum inter se et annexum esse voluit, vt altera sine altera suum explere munus rite nequeat: nec quisquā habere laudem rectē faciendi possit, nisi is in quo rectē sit, hoc sit munere & beneficentia dignus. Praebuit igitur tibi Pulleo noster facultatem ex tua eximia virtute agendi, quod suis ipse meritis ac virtutibus magnitudinem animi tui prouocauit. Ille tibi à tua ineunte aetate, egregia cum fide & beneuolētia deseruiuit, tuosq; teneriores annos aluit



aluit instituitq; ad virtutem: vt tu nunc uir effectus, erga optimum virum, qui parentis tibi loco fuisset, pietatis officia vsurpares. In maximis rebus summo omnium principum patruo tuo, operam illi et diuturnam et valde vtilem nauauit: vt tu tunc illius industria et integritate muneribus honestanda, & acuti in pendendis hominibus, & propensi in adiuuandis famam & gloriam tibi comparares. Difficultates ille domesticorum incommodorum, patientiamq; paupertatis, nec sine dignitate, & cum modestia diu tulit: vt tu in eo subleuando nunc ac recreando, insignem liberalitatis ac magnanimitatis laudem consequerere. Ita in hac veluti alterna quodammodo inter vos procuratione virtutem, cum ille ita separaret, atq; excoleret, vt ad quamlibet magna promerenda beneficia esset aptus: tu excelsa & magno animo omnium merita tua liberalitate anteire contenderes: factum est id quod decuit, vt tua tamen virtus existeret superior. Quantum enim inter regem interest, & inter ciuem, tantum distat inter gloriam dantis & accipientis. Itaq; Pulleonis prudentiam, probitatem, modestiam, amamus & collaudamus omnes: tuam verò largitatem, beneficentiam, altitudinem animi summo pere etiam admiramur. Tu enim hac tempestate vnus, aut certè cum paucissimis, opum & diuitiarum instrumento, quæ tibi pro loco, pro nobilitate, pro familiae tua gloria sunt amplissima, non ad explenda auaritiæ studia, quæ semper infinita esse solent: sed ad effundendam tuam bonitatem in plurimorum commoda et emolumenta vteris. Tu talem iam te, annis penè adhuc ado-



lescentibus, & nobis & Reipub. praestas: quales sermies  
essent hi, qui matura saepe aetate, & multo usu rerum,  
honoribus & muneribus publicis praeficiuntur, splende-  
re melius hoc seculum omni eiecta sorde auaritia cer-  
neremus. Quae maximè una, altis & praestantibus ani-  
mis atq; consilijs infecta atque inimica est. Quae facit,  
ut dignitatis, & honestatis, & amplitudinis, aut nul-  
lam iā, aut sanè quam exiguā partē teneamus. Cuius  
quando labis maculam tu & natura tua voluntateq;  
abhorres, & contrario amore virtutis & liberalitatis  
es incensus, illaq; species & forma diuina pulchritudi-  
nis animo tuo illuxit: quid est cur dubitemus (pro com-  
muni nunc sensu omnium te amantium loquor) locare  
in te praesidia spei nostrae, rationemq; publicae salutis ac  
dignitatis in tua potissimum virtute constitutam habe-  
re? cū quid à te expectandum firmiter aetatis tuae an-  
nis à nobis sit, obsidibus magnis iam edocti simus. Forti-  
tudine tua superiore anno aduersus ferocissimos nostrae  
religionis hostes, & nunc benignitate ac beneficentia  
erga de te meritos. Quorum utrunq; cū in ipso ex-  
tremæ adolescentiae tuae tempore tanta cum laude glo-  
riaq; praestiteris, certissima spe sumus, percepturos nos  
vberissimam frugem ex matura postea tuae virtutis se-  
gete. Quod ut ita sit, idq; nostra ex sententia eueniat,  
& ex tua dignitate, saluumq; te, & magnum, & flo-  
rentem diu videamus, ego cū Deū immortalem sup-  
plex rogo atq; oro, tum tibi pro ista tua tanta humani-  
tate ac liberalitate, & meo, & Pulleonis nomine, ago  
gratias tuaq; praestantissima virtuti, ac tam egregiae  
com-

commemorandaq; natura, v̄hementer atq; ex animo  
gratulor. Vale. M.D.XXXIIII.

HIPPOLYTUS MEDICES CARD.

Iacobo Sadoletto Episcopo Carpent.

S. P. D.

**S**I vllius vnquam honestæ rei, actionisue, iucundissi-  
mum fructū mihi capere visus sum, hac profectō ea  
est, de qua tu mihi per literas grauiſimè, & copiosiſsi-  
me superioribus diebus gratulatus es. In quibus dando-  
rum recipiendorumq; beneficiorum aded rationes om-  
nes patefecisti, vt liberalis viri effigiem, quàm optatis-  
sime postea acutissimeq; verbis exornares tuis, te poti-  
us animo spectasse intelligā, quam quod de re tã tenui  
ea sentias, quæ à te in hanc sententiam scripta sunt. Fa-  
cis tu id quidem naturæ tuæ bonitate, vt si quid ab ami-  
cis rectè factum audieris, continuò id, qualecunq; sit, in  
cælum laudib. efferas: neq; laudes solū, sed admiratio-  
ne ac plausu etiam proseguare. Ego autem ad hanc q̃  
informādā suscepisti liberalitatis speciem, nihil adhuc  
(vt verum fatear) attuli præter exiguum quiddā vix  
inchoatū, ac plane rudè. Quod tu, qui vberrimis exer-  
citationibus, grauiorum artium locupletissimis præsi-  
dijs, memoria nostra id affecutus es, quod vel paucus an-  
tiquorū contigisse videmus: vestitu orationis aded illu-  
straſti, eò vt me redigās, vt nō nihil existimationis ac-  
cepisse tuo hoc præclarissimo testimonio non negē. Est  
igitur cur Pulleoni gratias agam, cuius virtute ac pro-  
bitate ea mihi de illo in animo opinio infederit, vt de  
augenda hominis vtilitate & commodis ratio tandem

ineunda fuerit, hocq; quasi as alienum, quo illi infirmiores etatis meae gradus obstricti erant, dissolucendum. Ita factum est, ut dum ab officio non discedimus, non solum pie id factum, & humanè homines interpretentur, sed aliqua ex parte in societatem quoq; illius praestantissimarum laudum mihi deueniendum putent. Quod quoniam ab te probari sentio, tuo iudicio standu est. Itaq; non pugnabo tecum, & omnia quae de me scribis deq; mea humanitate, liberalitate, beneficentiaq; aduersus Pulleonem eo pertinere arbitrabor, ut & tu quanti illum facias, & quanti rursus à me fieri velis, hoc tuo illustri testimonio testatum relinquant. Nam de superioris anni aduersus sauisimos nostrae religionis hostes suscepta à nobis prouincia, nihil est quod tibi respondeam. In quo quidem ea mihi tribuis, quae sine temeritatis nota vix possim agnoscere. Desiderio certè peracri; ac studio flagranti ad ea tunc arma accessimus: quae si iterum nobis sumenda erunt, tanto Reipublicae insigniorum operam nauare conabimur, quanto maiorem nobis corroborata iam aetas, consilij maturitatem, & rerum vsum attulit. Tu verò mi Sadoletè, quem à nobis maximarum & grauissimarum artium studia, in quib. iam pridem magna cum laude versaris, abducunt, isto tuo sic fruere ocio, ut cum te praclarissimis ingenij monumentis ab omni posteritatis obliuione vindicaueris, nonnihil etiam memoriam nostri cōseruandam.

putes. Vale. Roma

Idibus Iunij.

IAC. SADOLETI EPISC.  
CARPENTORACTI EPISTO-  
LARVM LIBER VIII.  
REGINALDVS POLVS IACOBO  
Sadoleto Episc. Carpent. S. P. D.



RATI AS tibi agam prius, (ita enim rerum ordo, & mei officij ratio postulunt) deinde ad mada-  
ta tua conuertar. Neq; verò illa  
solum me ad agendum gratias im-  
pellunt, quæ tu in me præsentem  
officia contulisti: cum me domo atque hospitio honori-  
ficè sanè lauteq; acciperes, cum animum meum, tui cõ-  
gressus cupidiſſimum, erudito illo & pleno grauitatis  
sermone retineres & planè pasceres: atq; maximis de  
rebus quarentem & hesitantem, omni prorsus scrupu-  
lo & dubitatione liberares. Quæ quidè quoties in mē-  
tem reuoco (reuoco autem sapiſſimè) quod de Platonis  
cœna dixit Timotheus, cum ab eo inuitatus eſſet, &  
eundem poſtero die vidisset, cœnas Platonis non modo  
in præſentia, ſed in poſterum quoq; diem eſſe iucundas:  
idem ego multo prolixius de tuo hospitio dicere poſſũ.  
Non modò in præſentia fuiſſe iucundum, ſed in aliquot  
menses iam fuiſſe, atq; idem, vt ſpero, in multos annos  
futurũ. At verò cum à tua conſuetudine, cuius ego ſua-  
uitatem tum primũ quaſi guſtare cœperam, tã citò  
dirimi, ac tanto locorum interuallo diſiungi, animo ſa-  
nè moleſtè ferrem, cum nec mihi tum integrum eſſet a-  
liter facere, rationibus meis ſic ferentibus, & in hac lo-

ca penè trahentibus: ne huic quidem dolori meo defuisti. Inita enim à te ratio est, quemadmodum eo quo tantòpere delectabar, non vsquequaq; priuarer. Sed vt te etiã absens aliqua ex parte fruerer, adiuncto mihi eius modi itineris comite, qui te mihi quotidie reddebat, qui iucundissimos tuos, & grauissimos sermones sine intermissione referebat, nec sanè intermori eam, quam ex consuetudine tua voluptatem cepi, vllò pacto sinebat. Quis enim te ipsum melius exprimere potuit, quàm tu, quàm scripta tua, quàm liber ille tuus quem per me Bembo reddi voluisti? in quo prudentia tua, grauitas, doctrina, quib. maximè delectabar, elucèt. Hunc certè mihi comitis loco accepi: qui non modò mihi in breui illa & paucorū dierum via, qua in Italiam properanti instabat, pro vehiculo fuit, quod de facundo comite dici solet: sed in longo totius vitæ cursu, in quo maximè, & periculosissime laboratur, & vehiculi, & ducis locum faciliè obtineret. Ex quo quidem hanc primo aspectu voluptatem cepi: quòd mihi cogitationem omnem de eo in quod ingressus eram itinere, impedito sanè & molesto, abstulit, meq; totum in contemplationem præclari illius itineris abduxit, quod te duce & monstratore, adolescenti ad laudem & decus tendenti, certum & gloriosum proponebatur. In quo quidem ualdè delectabar, cùm quasi oculis, sic animo cernerè, te grauiissimum & prudentissimum senem, vt peritum gubernatorem, gnarum & locorum & maris, syderumq; & tempestatum omnium, sic animo prouidum, sic omnia pericula longè lateq; prospicientem, vt nihil non prædice-

diceres ac præcaueres, quod vel impedire tam præclarum cursum, vel in periculum adducere posset. Qui nõ cuius adolescenti, in vulgi moribus educato, vulgaribus parentibus orto, & qui filiorum educationem in postremis haberent, te ducem profitearis: sed illi qui ab optimis parentibus, penè antequam in lucem puer ederet, huic tam præclaræ expeditioni fuerit destinatus: cuius educationi natura non obsistere, sed suas dotes benignè largiendo, se fautricem sponderet. Qui ab incunabulis sic eductus, sic literis & moribus formatus fuerit, quæadmodum est à te sanctissimè & prudentissimè præscriptum. Hunc verò talem cum tibi ipse oratione formasses, vel potius natura sic formatum, & parentum votis huic rei destinatum, cum Paulum tuum accepisses, quid non voluptatis mihi præbuit, præclarus ille quem recenseres, in eo instituendo apparatus? Deinde cum ex puerili institutione, tanquam ex angustiis eum abduxisses, et in latum illud, quod adolescentis institutioni quasi pelagus patebat, adduxisses, tum sanè maximè delectabar, cum te secundissimo illo orationis cursu, plenis eloquentiæ velis, ita omnes artes doctrinasque percurrentem viderè, ut cum nihil tibi tum aliud propositum esset, nisi ut earum artium sedes & loca, ubi ad tempus insistendum, atque ad maiora & ulteriora tendenti commorandum esset, monstrares: ea tamen sic oratione illustras, sic artium singularum vires & virtutes explicas, ut propè monstrando in earum iam possessionem mittere adolescentem videaris, atque eas recedenda tradere. Hac certè magna cum voluptate contemplantur. Sed  
quod

quò magis me delectabant, eò sanè auidius expectabā,  
quò tandem præclarum istum cursum, quem tanto ap-  
paratu instituisti, dirigeres: quem tibi portum propo-  
neres. In qua expectatiōe statim se mihi in conspectū  
obtulit philosophiæ portus, quò te velis remisq; prope-  
rare, atq; illic paulò post alumnū tuū relinquere vi-  
debam. Præclarus ille quidem, & omnibus alijs portus  
preferendus, si antiquis illis Aristotelis & Platonis tem-  
poribus, vel eiiū si recentioribus M. T. Ciceronis, hic  
cursus abs te institutus fuisset, aut si ij gubernatores a-  
dolescenti tuo contigissent: nec enim illi profectò alii  
elegissent, nec facile tum alius tutior vel cōmodior re-  
periri potuit. Sed cū his felicibus temporibus cursum  
institueris tuum, quib. ut multi terrarum noui tractus,  
insulæq; & portus antiquitati incogniti, inuenti sunt:  
pluribus eorum qui antiquitus celebres erant, vel mari  
obrutis, vel vetustate consumptis: sic etiam animorum  
portus multo tutior & tranquillior, Deo ipso, & eo-  
dem Dei filio duce & inuentore nobis apertus sit, quem  
antiqui ignorabant. Cumq; Sadoletus ipse, qui in hoc  
cursu gubernatoris locum obtinet, etsi appellus quidē  
ad antiquorum portū, tamen præeruectus sit, nec diu-  
tius ibi commoratus, quàm vi necessaria sibi inde sume-  
ret ad reliquum cursum perficiendum: in hunc tandem,  
qui à Deo filio monstratus sit se receperit, vbi nūc sum-  
ma cum animi tranquillitate & securitate viuit: quid  
est cur non Paulus tuus meritò tecum conqueratur, si  
in alieno & infido iā portu eum relinquas, cū te ipsum  
in optimo & tutissimo collocaris? Ego certè illius ver-  
bis



*bis tecum expostulare non dubitabo, si iuuenem omnibus vel natura dotibus, vel doctrina praesidijs tua opera instructissimum, & planè talem qualem tu parentū votis expetendum proponis, fluctuantem iam in philosophiae portu reliqueris: quæ ne portus quidem iam nomine digna sit: sed vt de Tenedo dixit Poeta, Nunc tantum sinus, & statio male fida carinis. Atqui non nobis tantus iste in eo educando apparatus, nec præclara ista tua institutio, talem nobis promisit, qui præcepta tandem viuendi à philosophis peteret, aut qui animi securitatis causa in illorum portum confugere necesse haberet: sed qui vel principibus ipsis philosophorum, si iam reuiuiscerent, nouum et præstantius viuendi genus ostenderet, quo illi nunquam aspirare potuerunt. Sapientiam autem & animi tranquillitatem longè aliam, & aliunde quàm à philosophiae præceptis petendam, tantò præstantiorem & diuturniorem ea quam philosophia promitteret, quantò humanis præstabiliora diuina sunt. Quare age mi Sadoletæ, noli promisso tuo, in tali iuvene instituendo satisfactū putare, si eum ad philosophiae limites perduxeris, aut etiā si philosophiam ipsam integram tradideris. Soluas inde oportet, neque unquam defatigare, donec in sacrum eundem portum, in quo tu ipse summa cū animi tranquillitate viuis, illud perduxeris. Nec enim conuenit tam præstanti educationi, & illi quem omnium opinione, heredem virtutis & sapientiae tuae es relicturus, in alio quàm quo ipse tabernaculum vitae posueris, portu conquiescere. Hac ad te verbosius scripsi, vel tuo imperio obsequutus,*

tus, qui me etiam de illo tuo libro, quem satis admirari non poteram, quid sentirem ad te scribere voluisti, vel meo in sacras istas Musas amoris satisfaciens. Quas abs te illaudatas & tacitas prateriri, cum reliquas omnes artes & disciplinas dignis preconijis ornaris, vix aequo animo spectabam. Vel etiā quod Langeo nostro, cuius liberis instituendis iste abs te labor precipuè sumptus sit, hoc imprimis gratum fore non dubitabā, si quod in philosophia & reliquis artib. facis, vt singularum laudes attingendo, ad earum studiū adolescentum animos erigas, idem in Theologia facere non neglexeris: in qua reliquæ omnes, vt in oceano flumina, se immergere solent, & debent. Et certè conuenit, vt quæ te ipsum maximè ornat, & indies magis magisq. ornatura est, cū de ijs disciplinis sermo sit, quarum cognitio humanos animos colit & perficit: eius laudem haud quaquam si lentio inuoluas: praesertim cū ad Langeum scribas, quem scio, quoties è negotiorum fluctib. quibus in aula versantem iactari necesse est, emergere licet, in nullo libentius, quàm in Theologia portu conquiescere. Sed tu mea loquacitati ignosces, qui cū sanctè adiurare possim, me his quatuor annis non tantum quidem Latine legisse, quantum nunc ad te scripsi, Theologorum libris auocatum, quos tamen in genere Latinorum scriptorum non pono: in hanc insolitam Latine scribendi loquacitatem erupi. Sed vt loquendi tecū, sic etiā scribendi ad te, quo cū absente quasi loqui videor, dulcedo quadam me longius ultra epistolæ fines prouexit. Cui tu p. tua humanitate ignoscas oportet. Nūc ad tua mā  
data

venio. In quo eo breuior ero, quo pauciora mihi scribenda reliquerunt eorum litera, ad quos mihi maudata & literas dedisti: quas iam spero ad tuas rescriptas te habere. Oēs enim receperunt, post paucos dies quib. id cōmode facere possent, se tuae voluntati esse satisfacturos. Bēbi verò literas cum his ad te mitto: quē cum Venetijs salutarem, eiq<sub>3</sub> tuas literas vna cum libro darem, quantopere delectaretur de te, & de tuis studijs audire, pro vestra coniunctissima necessitudine, facilius est tibi existimare, quā mihi scribere. Veronensi verò Pontifici, quē Veronā salutavi, etiā tuas literas tradidi: qui me vnum diē apud se detinuit, cū nullus penē nobis sermo esset, nisi de te, & de tuis studijs: cū saepe se valde dolere ostenderet, suauissima cōsuetudine tua, propter locorum interuallum, quō disiuncti estis, se priuari. Lazarum tuum Patauij offendi, cui etiam tuas literas tradidi, cū ad me salutatū humanissimē venisset. Omnes vero tibi de ista animi tranquillitate, & ocio gratulantur: ex quibus tam praeclaros fœtus oriri, et prodire in vtilitatem publicam vident. Quae vt tibi perpetua sint optant. Egoq<sub>3</sub> imprimis, qui non minus praeclaros sciā te iam parturire, his quia te iā sunt in lucem editi, hoc idem optare non desinam, partumq<sub>3</sub> faelicissimum optari. Vale. Venetijs, IIII. Calend. Nouembris.

IAC. SADOLETVS EPISC. CARP.

Reginaldo Polo. S. P. D.

**I**llum primum cœpi ex literis tuis fructū, quod cognoui ex his manu tua scriptis, te valetudine bona iā vti: de qua fueram mehercule aliquot antea diebus nō pa-

rum sollicitus cū Thomas tuus ad me Auenione scriisset, te in eum morbum quo hīc laborabas, Venetijs de-  
nuo incidisse: nunc tua mihi peroptata littera omnem  
mihi huiusmodi de te metum & sollicitudinem meam  
penitus absterferunt. Cōfido enim (qua tua tēperantia  
est) hunc nuncium valetudinis tue, & letitiam quam  
nos ex eo capimus, diuturnam nobis fore. Alter autē fru-  
ctus ex tuis literis non tam fortasse necessarius, quā  
hic de quo dixi, sed certē ad voluptatem animi aliquan-  
to vberior: quōd quantum tu me ames, & quā de me  
honorificē sentias, ex eisdem planē literis perspexi.  
Etiam mehercule cuiusmodi tu sis, quā doctus, quā  
humanus, quā elegans, quā dignus qui ab omnibus  
his ameris atq; colaris, qui virtutem, & comitatem, et  
optimum sibi morem esse colendum putent. Sed quae tu  
ad me de me ipso scribis, in quib. iudicium tuum est de  
me cum singulari beneuolentia coniunctū: omnia sunt  
eiusmodi, vt cuius intuenti facillē appareat, amanti il-  
la esse hominis magis, quā iudicātis. Etsi enim tu hac  
ingenij quoque & sapientia laude mirificē ornatus es  
vt possis commodē iudicare de altero: tamen id quoque  
tibi esse impedimento, quod plurimis officit, vt amore  
inductus, amici bona carius aestimes, quā quanti illa  
sunt, minimē mirandum est: praesertim cū natura hu-  
militatem habeas ingenio & prudentia non inferio-  
rem. Mihi quidem, cū ea quae mihi tribuis, non contē-  
nū agnoscenda esse videantur, libenter illa refero &  
conuerto ad amorem: quōd sanē dum charus tibi iunc-  
dusq; sim, satis tuo iudicio me ornatum esse puto. Non

enim mediocris est opera, neq; virtutis, tali viro qualis es tu, tantopere placere. De te verò, mi doctissime atque humanissime Pole, si ea dixero quæ sentio, nūquid tu illa certo iudicio, ac benevolentia in te mea es ascripturus? Vtinam quidem possem verbis omnia completi, quæ mihi de te in animo insita, penitusque affixa sunt: non vererer nimium amantis suspicionem. Sed si hoc non queo, quod meos eloquendi, exprimendiq; conatus, tuorum ornametorum copia obruit: illud quidē dicam quod in promptu est: vsq; ed me aspectu, sermone, sanctissimis tuis illis, & modestissimis moribus, fuisse captum: ut nunquam postea mihi ex animo nostri illius congressus memoria exciderit. Quanquam enim perspiciendi tui penitus, ac fruendi exigua mihi potestas fuit facta, propter subitum à nobis discessum tuū, qui mihi mœroris non minus reliquit, quàm tuus letitiæ aduentus attulerat: tamen vita cursum tuæ mecum ipse considerans, & summorum hominum testimonia, quæ tibi sæpe egregia apud me ab illis data sunt, cōgitatione mea repetens, quibus præsertim testimonijs brevis illa mecum congressio tua apprime fidem fecisset: talem te in animo gerere cœpi, qualis profectò tu es. Neq; aliter statuere potueram, quàm eum, qui & nobilitate domi, & fortuna amplissimus, cognatos familiares, patriamq; reliquisset: & cū flagraret studio atq; amore artium optimarum, ex vltimis orbis terrarum regionibus illarum adipiscendarū causa in Italiā se contulisset: ibiq; annos complures commoratus, ita se dedisset familiaritatibus amicitijsq; doctissimorum

ac praestantissimorum hominum, ut illorum omnium iudicio imprimis dignus ipse haberetur, quem & propter fidem atq; integritatem vitae venerarentur omnes, & propter ingenium doctrinamq; colerent: hunc ego (inquam) existimare alium non poteram, quam summum et singularem virum: hominemq; eiusmodi, cui nos ista qui pendimus et iudicare aliquid possumus, non benevolentiam modò, aut honorem tacitum, sed omnia cultus et officij aperta & perspicua studia deberemus. Accesserunt literae tuae praecellentes testes ornamentorum tuorum, atq; amoris summi erga me tui: quae me totum tibi addixerunt. Quam ille humaniter scriptae? quae eleganter? quam argute: nihil ut ingenij luminibus his quae in eis plurima elucent, nihil ut praecellens effigie pietatis tuae, ac religionis erga summum Deum, quae in illis expressa est, fieri possit illustrius. Et tamen tu is cum sis, qui alicuius domum ingressus, intro tecum feras laetitiam hospiti tuo, atq; honorem: agis mihi per literas gratias quod te domi meae libenter acceperim. Quasi non maximo mihi ornamento fuerit aduentus tuus, et voluptati sermo atq; congressus. Aut tu plus ex me, quam ego ex te, & ex sermonibus tuis, adeptus fueris & suauitatis, & commodi. Ast ego tuum illud consilium fidele & sapiens nunquam è memoria depono: cum tu mihi dubitanti, quodnam genus potissimum sequi studiorum deberem, & quorum auctoritati atq; opinionibus assentiri: quod erant, qui alia mihi studia quaedam, et diuersas scribendi rationes proponerent: fidenter & promptè consulisti, ut ea praecipue sectarer studia, quorum fructus

in hac



in hac vita non solum, sed in omni aeternitate integra manere possent. Quo ego responso maximè adductus sum, ut me literis sacris totum dedendum putarem, ad quam gratiam quidem sponte mea propensior. Simulq; integritatem, & virtutem, & religionem tuam admiratus sum. Qui cum inter eos homines diu versatus esses, quibus hæc studia minus probantur: atq; eis artibus ipse instructus, quorū videtur lepos, eruditio, elegantia, ab his rudioribus (ut existimatur) studijs abhorrere: bonitate tamen naturæ, & ingenij vi, ac cæteris, anteponenda studia duceres: quæ non præsentem modo suauitatē sed multò magis rationem perpetuæ vtilitatis habeāt. Sed quid ago? maioris ista sunt opera & temporis longioris quàm ut vna epistola comprehendi possint. Veniamus ad literas. In quib. quòd scribis, librum meum in via tibi pro vehiculo fuisse, valde medijsfidius id lætor: quodq; eum probas ac laudas, mihi vehemēter gratum (quid enim dissimulare est opus) Sed illud gratius tamen est, quòd ex illo te intelligo memoriam & cogitationem mei crebrius aliquantò & diligentius vsurpasse: quo nihil mihi quidem accidere potest optatius. Mandata mea, quæ abeunti tibi dederam, diligenter te confecisse, neque miror, (noui enim fidem & integritatem tuam) & te de ea re plurimum deamo. Accepim quidem à Bēbo meo literas, cum vberes ad ea quæ ab eo requirebam, imprimisq; & elegantes & eruditæ: tum omnibus refertas officij ac beneuolentiæ signis. Expostulationem tuam qua vteris mecum, quòd locum Theologiæ in enumeratione earum artium, qui



bus recta institutio adolescentiæ continetur, nullum de-  
 derim, sed in philosophia totū hominē constituerim: sic  
 accipio mi Pole, vt in omnib. tuis dictis atq; factis, tua  
 animi virtus, & deo dedita voluntas vehementer mihi  
 probetur. Sed ego primum nominatim de Theologia ni-  
 hil dixi, quod ea in philosophia nomine continetur. Est  
 enim Theologia (vt ipse nosli) apex quodammodo phi-  
 losophiæ, & fastigium. Cuius tanquam magni cuiusdā  
 corporis, cum plura membra sint, vt ab Aristotele est  
 perspicuè demonstratum: illa quæ de Deo pars, & de  
 principe causa pertractat, sola propè digna est quæ  
 philosophiæ nomine censeatur. Quæ etsi aliter ferè  
 tractata à nostris est, ac veteribus fuit: eam tamen phi-  
 losophiam nunc appellari video à doctissimis & san-  
 ctissimis viris, Chrysostomo, Basilio, ceterisq;. Deinde  
 cum adolescētem sic instituam, vt eum duntaxat dedu-  
 cam ad annum ætatis quintum supra vigesimum, post  
 id autem suo eum arbitrio permittam: non visum mihi  
 fuit conuenire, accuratius ad ætatem illam de Theolo-  
 gia verba facere: cum hæc ars vna atq; scientia senectu-  
 ti maximè & sedatioribus annis apta sit. Et si præce-  
 pta suscipienda religionis necessaria etiam iuuentæ  
 sunt, quemadmodum vtique sunt: satis illa à me in eo  
 libro, quatenus quidem ad adolescentiam pertinet, sint  
 tradita. Postremò, cum in Hortensio distinctius de phi-  
 losophia acturus sim, eamq; in suas partes omneis di-  
 stributurus, veluti de qua proprius ibi sermo habendus  
 est: non duxi eius dialogi ornamentum, quod in lauda-  
 tione Theologiæ vel præcipuum futurum est, in hoc  
 prius

prias libro delibari conuenire: cū id iucundius tuū futurum sit, si ad hominum aures nouum atq; integrum accedat. Habes rationem eius prætermiſſionis meæ, quā tibi cupio probatam eſſe. Certè enim ego quod iudicari eſſe congruentius, id ſecutus ſum. Et nunc quidè perdifficilis foret cōmutatio. Plura enim mihi inuertenda in eo libro, vel totus potius liber alio ordine pertexendus eſſet. Verū de his ſatis. Te amari à me mirificè, et coli, valde tibi perſuaſum eſſe volo: neq; me magis appetere quicquam, quā vt meæ erga te voluntati tuæ inuicem voluntas in me amando reſpondeat. Vale. III.

Nonas Decembris M. D. XXXII. Carpentoracti.

IAC. SADOLETVS EPISC. CARP.

Reginaldo Polo S. P. D.

Serius reſpondi tuis literis, quā volebam: quod accidit parim imbecillitate valetudinis, quæ etſi grauiter me nō oppreſſit, fuit tamen mihi adſcribendū impedimento: ( deſtillationibus enim moleſtis diu ſum tentatus ) partim quòd itineribus neceſſarijs aliquantum tempus conſumpſi. Vt verò primū oportunitas ſcribendi data eſt, nihil habui antiquius, quā literis tuis reſpondere: præſertim tam modeſtè, & tã eleganter ſcriptis. Summus enim tuus in illis pudor, & ſumma ingenuitas apparet. Sed quod tu multis verbis in illis diſputas, exiſtimare te, eas laudes quaſtibi tribuerim, vel ab amore proſectas eſſe, quo meum iudicium fallatur: vel ſi aliquid in eis iudicio ſit dandum, id ed intentum eſſe, vt non quia eiufmodi ſis, ſed vt talis ſias; quo laudes illæ te dignæ eſſe videantur: iccirco illam à me

prædicationem virtutis tuæ dicas esse susceptam. Facis hoc tu quidem quemadmodum cætera soles, ut omnib. in rebus quascunq; agis, aut loqueris, mos tuus rectus et liberalis eluceat. Sed ego facili me ab omni illiusmodi disputatione euoluo. Fateor enim planè, quacunq; dixerim de te, omnia fuisse amoris: sed qui amor à vero & integro iudicio profectus fuerit. Non enim quia te amaui, talem te esse existimaui: sed quia talis mihi es cognitus, iccirco amor ille à me susceptus fuit. Atq; vti nā mi Pole, tã facile mihi esset omnia explicare verbis, quæ ego de te sentio, q̃ facile est ea quæ dixerim præstare. Verū hac hæctenus: non enim postulat mutua nostra beneuolentia huius generis longam orationē. Illud mihi iucundissimū ex tuis literis accidit, quod cognoui tibi esse perspectum, te à me amari: quod quidem facere mihi necesse est, aut omnis penitus abiicienda est humanitas. Quod enim tantū in amādo esse potest animi studiū, vt nō id virtus atq; amabilitas tua longè superet? tuū quidē animum aduersus me, & beneuolam plenā fidei et constātiæ voluntatē, ita contingāt mihi ea quæ volo, vt omnium rerum habeo carissimā. Quare nil restat, nisi vt paribus vtring; officijs amicitiam excolamus, quod ego & de me, & de te aquè polliceri possum. De iniuria quā à me videri vis Theologiæ fuisse factā, satis me tibi esse purgatum arbitrabar. Verū quoniā instas denuò, & vrges, dabo operam, vt tuum ad arbitrium per me illi satisfiat. Tu modò, quod bonorum est & prudentium iudicium, ita tabellam suspendito, vt in re non liquida nullum innocentiae præiudicium afferatur.

ratur. A Thoma tuo accepi literas, homine tua familiaritate dignissimo, & eis studijs in quibus quotidie versatur. Ei tu multam meis verbis salutem: itemq<sup>3</sup> ceteris, quos nobis amicos esse scis. Paulus febris laboravit plusculos hos iam dies: ei tamē melius esse incipit. Itaque spe bona de illius salute sumus. Is si valuisset, non defuisset officio scribēdi ad te, tui certē memoriam (vt debet) summa cū fide beneuolentiāq<sup>3</sup> cōseruat Vale mi Pole. Carpent. Pridie Idus Iulij M. D. XXXIII.

IAC. SADOL. EPISC. CARPENT.

Reginaldo Polo. S. P. D.

**A**Ccepi tuas plenas officij & humanitatis literas, omnemq<sup>3</sup> in illis probi ac præstantis ingenij tui, & pristini erga me amoris imaginem penitus recognoui. Quorum vtrunque quanti faciam, nihil atinet nūc me scribere. Vtroque quidem certē ita delector, vt nihil mihi accidere possit optatius, quam me abs te tali viro diligi. Sed quæ à te de prætermissione officij scripta sunt, quodq<sup>3</sup> in eo videris vereri, ne aliqua abs te culpa suscepta fuerit, amabo te mi Pole, sint ea ex mutua nostra beneuolētia penitus sublata. Non enim recipit amicitia nostra suspiciones huiusmodi: nec tu peccare prætermittendo officio potes, nec ego animum tuum aliter atq<sup>3</sup> est interpretari. Quem cum officiosissimum & amantissimum mei esse cognoscā, non ex euentis tua mihi voluntas, sed ipsa per se & sua sponte spectata est. Equidem desideravi nonnunquam tuas literas: neq<sup>3</sup> id mehercule iniuria: quid enim est illis quod me delectet magis? Verū ita desideravi, vt ego illa

me voluptate carere molestè ferrem : non vt te officio  
aut amicitia deesse arbitrarer. Cui tamen mea aliquā  
do intermissa voluptati sentio nunc à te cumulatè sa-  
tisfactum esse. Caue enim putes, quicquam mihi acci-  
dere potuisset tuis literis dulcius. Quæ cum tota vndi-  
que, tum illa me ex parte præcipuè delectarunt, qua tu  
Socraticè nimirū et vrbane excusationem tibi nō scri-  
bendi ab orationis inopia & exilitate repetebas: qui  
totus elegantis ironia locus, & vultum mihi & animū  
suauissima hilaritate aspersit. Obsecro istosne tu riui-  
los squallentes & aridos, aut tenui aquula interdū flu-  
entis vocas? qui mihi ita currere visi sunt abundanter  
& largiter, vt appareat, non tenuem, sed vberimum  
& eundem perennem fontem illa fundere. Quanquam  
hoc quidem de te mihi iam dudū persuasum habui : te,  
quæ concupiuiisses, omnia effecturum esse. Notum mihi  
erat ingenium tuum, nota virtus. Ardor autem ille, qui  
animis præstantibus ad appetendas res magnas comes  
adesse solet, nihil mihi non de te vel maximum pollice  
batur. Speraui itaque fore, nec sum deceptus, vt tu ad  
istam ipsam, in qua nunc insistis, doctrinæ & eloquen-  
tiæ coniunctam laudem peruenires. Quapropter &  
gaudeo pro amicitia, & tibi gratulor. Illud aliquantū  
agere sero, quod videre quasi videor, hac à te ipso orna-  
menta cōtemni: quæ meo quidem iudicio tāta sunt, vt  
sine his constare ne illa quidem rectè queant, quæ tu o-  
mnibus anteferendæ iure optimo putas. Quo de genere  
quoniam bis iam à te sum lacepsitus, tēpus non alienum  
vide

videtur meam tibi sententiam breuiter exponendi. Sacrarum rerum studium, & disciplinam tibi placet rebus ceteris anteponi. Quod ego quoque tecum vna confiteor. Cur ego in artibus reliquis, & maximè in philosophia, tempus conterimus? Quia nequimus ad fastigium sine fundamento, & sine parietibus peruenire. Quid? ista quandiu curanda nobis sunt, ut nō in vno illo ipso, quod optimum est, omnia nostra studia ponamus? Ad quod dicendū est, esse boni patrisfamilias totius domus tutelam et procurationem, non vnius duntaxat partis gerere: verū ita totius, ut potissima quaq; in ea diligentius curentur partes. Et quoniam de domo & de aedificatione mentionem fecimus: quis non videat, Theologiam, quatenus inscientia ratione & genere reponatur, sine philosophia stare ipsam per se, & se sustinere non posse? vtrang; verò minùs aptè munus tueri suum, si à copia et facultate dicendi deferatur? At enim mundana ista sunt, & celebritatem ex hominibus querunt, vulg; rumusculos & laudatiunculas aucupantur. Sūt enim nōnulli vsq; adedò rudes, ut hoc quoq; studiosis bonarum artium hominibus conentur obijcere. Quasi verò merces externa ingenuos moueat animos, parumq; in eo fructus voluptatisq; sit, cū quis quid facit, ut id aptè ac venustè, & sine labe vlla maculaq; efficiat. Nā laus quidem aduentitia res est, & in aliorum potestate sita: ad quā qui primò & præcipuè contendunt, ij nō verè, neq; ex animo bonis artibus, sed per simulationem dant operam. Omnis autem ingenij & virtutis actio premium ipsa sibi in se continet, si ad perfectā speciem  
sui

sui quæq; generis perducatur: ipsaq; rerum gerendarum pulchritudine contenti simus. Quod si decor ab oratione remouendus sit, cur non idem etiam à moribus? non ijs dico quibus inest virtus, quæ ipsa quoq; non alio fructu & emolumento, quàm suo decore spectanda est: sed de eis loquor moribus, qui in gestu & omni motu corporis, ipsaq; vocis atq; vultus conformatione liberali, bene institutos homines ab agrestibus discernunt. An est quisquam qui reprehendere iure queat, quod seruus coram domino suo non modò fidelis atq; frugi, verum etiam sine sorde, cultu honestiore corporis studeat apparere? At iam ista ad summi boni adeptionem minus necessaria sunt. Ne sint: adiuuant certè, hocq; sæpe efficiunt, vt multi ad illud expetendum procedant comitatores. Et sanè videndum est, si circuncidamus amputemusq; cetera, & tantum quod summè est necessarium relinquamus: ne dum diuini volumus planè fieri, humanitatis partem nullam teneamus. Sit modò nobis hoc fixum, quod utiq; esse debet, vt omnia, in nobis si qua meliora sunt, accepta Deo penitus referamus: eaq; ad eiusdem vnus gloriam cõferamus. Hoc animo qui fuerint, cum in ijs quas suscipiēt actionibus, rebusq; quas gerēt, sum: nam sibi dignitatem operis proponēt, summamq; pulchritudinem, inq; eam amore & studio incitati ferrentur: tum non erit in his talibus pertimescendum, qd inani laudis cupiditate deducti, à summo bono deficiāt. Itaq; ego et liberalibus artibus, quoad in illis nos, quantum proficiamus, non pœnitet, & imprimis pbilosophia operam dādam puto, sine qua (vt dixi) nec Theologia



logia quidem constat. In qua quòd scribis te ita tēpus omne consumerē, vt ad ceteras artes atq; sciētias nihil spatij tibi ne respiciendas quidem relinquatur, non satis planē intelligo quid dicas. Patieris autem me pro nostra familiaritate, & mea ac tua natura ingenuitate liberē agere tecum. Non intelligo, inquam, quid hoc tantum tuum sibi velit studium. Nam si ea tantum nobis percipienda sunt, quæ ad credulitatem nostram, & fidem faciendam de Dei clementia & benignitate erga nos pertinent: ea sunt nobis, nec multis, nec obscuris, sed claris & illustribus literis sat compendiosē tradita. Liber enim Euangeliorum omnem viam & rationem nostræ salutis continet. Si verò explicanda illa vberius sunt, & enucleatius tractanda: an te plus in eo tibi ab inscriptis voluminibus istorum, qui atati nostræ propinquiore, omnia referferunt incōditis libris, & litigiosē scriptis, quàm à Paulo, & lege veteri, & à prophetis opis latū iri existimas? Pauci libri sunt, (nisi forte me fallit) in hoc à nobis genere perdiscendī: sed quos magna cum cura & attentione animi legere debeamus, si ad diuinarum rerum cognitionē cupimus aspirare: qui non modò spatium locumq; dant lectitandis aliarū artium ingenuarum autoribus: sed ab ijs ipsi liberalibus studijs non exigua accipiunt suæ vtilitatis & dignitatis adiumenta. Nisi forte existimamus, summos illos viros, qui primi hac Christiāna literis illustrarunt, sine comitatu optimarum artium tantos progressus in diuinis facere potuisse. Quo in numero Basilium, Chrysostomum, Augustinum, Hieronymū fuisse cognouimus.

Sed

Sed de his satis, vel fortasse nimis multa. Lazarū meū, tuum contubernalem factum esse, morior, nisi mihi per gratum est. Quamquam enim corpore à vobis absūm, animo tamē vobiscum excubo: vt videar mihi interdū quasi iunculas vobiscum vnā, & familiares sermones texere. Eum porrò ego ad philosophiæ studia animandū nunq̃ censui: quippe quorum ipse studio & amore imprimis teneatur. De Theologia quidem tibi assentior, nunquā illum ad summū peruectum iri, nisi ad reliquas facultates & disciplinas, quas multas magnaq; possidet, hanc quoque primariæ artis, nobilissimæq; scientiæ cognitionem adiunxerit. Cuius ego tibi in Hortensio at texam laudationem, vtq; quoad patietur ratio operis, in quo ego nunc me asiduè vehementerq; exerceo: speroq; propediem copiam me vobis facturum, qui me as ineptis irridere possitis. Io. Petri Carafa Theatis episcopi, doctrinam, sanctitatem, virtutem, notam habeo iam diu, eamq; in oculis sero. Gasparum Contarenum amo coloq; nec de facie mihi cognitum: sed de animi virtute, & de eximiæ eruditionis fama. Tu mihi gratissimum feceris, si vtriq; salutem meis verbis plurimam dixeris. Contareno hoc amplius dictum mihi fuisse hoc anno, cū essem Massilia, librum confectum ab eo, in quo de optimo ciuitatis statu grauitè docteq; disseratur: eum librum cupere vehementer me legere. Quod Superantius, homo ingenio & nobilitate præstās, cū discederemus Massilia, pollicitus fuit mihi securaturum, ut exemplum ad me primo quoq; tempore mitteretur: eum ego oblitum arbitror. Tu qui auctoritate &

te & gratia plurimum polles, si effeceris hoc mihi, vt quod sine onere aliquo tuo & sine incōmodo fiat, cupiditati in hac re mos geratur mea, magna me incunditate mediūsfidius affeceris. Quod vt cōtendas & enitare, magnopere à te peto. Vale. IX Calend. Decemb. 1534. IAC. SADOL. EPISC. CARPENT.

Iacobo Simonete episc. Pisauri S. P. D.

**S**emper cognoui singularem in te prudentiam. Amorem verò erga me plurib. iam rebus etiam expertus sum. Sed crede mihi, posteriores literæ tuæ vtriusq; rei certissimum testimonium mihi attulerunt. Nam & cū beneuolentia consilium, & in consilio beneuolentiam erga me tuam omnem ostendēre. Itaq; ego, homo minime timidus, qui ea quæ scripseram, curauerā etiam vt viderent isti ipsi quos contrā videbantur esse scripta, vt eorum iniquissimi in miserorum fortunas impetus magis refringerentur, cum me non periculi mei cogitatio, sed officium & pietas imprimis mouerent. Vt primum literas tuas legi, statui esse nefas, non parere sapientissimi atq; amicissimi hominis auctoritati: vetusq; sustuli procœmium, atq; omne argumentum alia quadam ratione explicaui. Quod ipsum, librumq; totū vnā inscripsi, atq; nisi homini summa virtute ac omni dignitate ornatissimo Federico Fregosio Archiepiscopo Salerni, quocum magnus mihi vsus, & omnium officiorū summa necessitudo intercedit, qui nunc in Italiā proficiscēs, Venetijs imprimendū curaturus est. Quod si mihi librorum copia fuisset, libenter tibi illum antè legendū misissem, vsusq; essem tuo potissimū iudicio: cui pluri-

plurimum profecto tribuo. Sed in summa inopia et difficultate eorū qui describerent, feci quod necesse fuit: statuiq<sub>3</sub> esse cōmodius ad plurimorum manus eum celeriter deuenire, quā ad vnius sero. Quāquam vnus tu mihi pro plurib. sis semper futurus. Sed ignoscas festinationi huic meae, multis enim de causis properaui vt ille liber quam primum in publicum exiret. Tu tamen sic eum legit vt si res in integro sit. Multa enim alia paro ac meditor, quibus accuratē perpēdendis atq<sub>3</sub> examinādis. opportuna semper mihi futura est doctrina et admonitio tua. Sed haec haecenus. De honore tuo quod ad me modestissimē atq<sub>3</sub> humanissimē scribis, scito me hunc ipsum honorē quo prae datus sum, multo grauiorē illustrioremq<sub>3</sub> putare, posteaquam tu ad eundam es vocatus. Facit enim tua eximia virtus, et praestās in omni iustitia laude integritas, vt nullus honor tantus sit, quē tu dignitate personae tuae ornare amplificareq<sub>3</sub> non possis. Sed haec quoque, quae longiorē desiderant orationem, in aliud tempus reijcienda sunt. Tu valebis, & nos diliges, tibiq<sub>3</sub> persuadebis, te à nobis verē fraterno animo amari & coli. Carp. XVI. Cal. Iunij, M. D. XXIX.

IAC. SADOL. EPISC. CARP.

Hieronymo Nigro, S. P. D.

**T**Vas literas accepi XV. Calen. Aprilis ex Vrbe datas: quibus mirificē sum delectatus, sunt enim totae rhetorum, nec solum disertē atque eleganter, sed ab eo etiam scriptae, cuius charissimam habeo erga me voluntatem. In quibus quae de vrbe & rerum vrbana-rum statu ad me scribis, sunt illa quidem acerba & mi-  
sera.

sera, nec possunt non dolore animum tãtæ rerum commutationis misericordia commouere. Sed tamen debemus aliquando esse viri, & ea fortiter ferre, quæ mutare minimè possumus. Quamobrem alia agamus, & quæ magis ad nos pertinent. Est autè imprimis mihi Niger tibi gratulandum, quòd eum ex rectissimis studijs tuis asecutus es tuorum laborum et vigiliarum fructũ, vt spe iam certa ad immortalitatem niti posses. Cuius diuino illo cupiditatis ardore qui semel correpti sunt, quid mirum, illis si deinde sordet ista omnia quæ vulgò habentur amplissima? et ad aliud vitæ feruntur genus? Obscurum in populo illud quidem: sed cœlesti vitæ imprimis accommodatum. Quod ego summa cum voluptate animi possideo et colo. Neq; verò arbitror maius mihi munus à Deo immortalis potuisse tribui, quàm hunc animi sensum vitæq; statum, in quo illa tantum procurans, quæ huius officij & muneris, quod sustineo, propria sunt: quod reliquum est temporis, in eis studijs delectationibusq; consumo, quæ dignæ sunt viro, qui quidem sit vir: hoc est, qui actionum cõsiliorumq; suorum non popularem iactationem & laudem, sed Deum veramq; sapientiam constituat sibi finem. Quocirca tibi facile credo affirmanti, appetere te eandem vitam, mecumq; esse cuperet. Noui enim omnes sensus animi tui cum propensos ad quietis studium, tum moderatione concordiaq; placatos, vt verè beatæ vitæ desiderium, ista in te caterarum rerum non corrumpat cupiditas.

Quod scribis aut quo minus ad nos, vt cõstitueras, accedere potueris, corporis morbum tibi prius, deinde iti-

ac præstantissimorum hominum, vt illorum omnium iudicio imprimis dignus ipse haberetur, quem & propter fidem atq; integritatem vitæ venerarentur omnes, & propter ingenium doctrinamq; colerēt: hunc ego (inquam) existimare alium non poteram, quàm summū et singularem virum: hominemq; eiusmodi, cui nos ista qui pendimus et iudicare aliquid possumus, nō beneuolentiam modò, aut honorem tacitum, sed omnia cultus et officij aperta & perspicua studia deberemus. Accesserunt literæ tuæ præclaræ testes ornamentorum tuorum, atq; amoris summi erga me tui: quæ me totū tibi addixerunt. Quàm ille humaniter scriptæ? quā eleganter? quàm argutè: nihil vt ingenij luminibus his quæ in eis plurima elucent, nihil vt præclara effigie pietatis tuæ, ac religionis erga summum Deum, quæ in illis expressa est, fieri possit illustrius. Et tamen tu is cū sis, qui alicuius domum ingressus, intro tecum feras lætitiā hospiti tuo, atq; honorem: agis mihi per literas gratias quod te domi meæ libenter acceperim. Quasi nō maximo mihi ornamento fuērit aduentus tuus, et voluptati sermo atq; congressus. Aut tu plus ex me, quàm ego ex te, & ex sermonibus tuis, adeptus fueris & suauitatis, & commodi. Ast ego tuum illud consilium fidele & sapiens nunquam è memoria depono: cum tu mihi dubitanti, quòdnam genus potissimum sequi studiōrū deberem, & quorum auctoritati atq; opinionibus assentiri: quòd erāt, qui alia mihi studia quadā, et diuersas scribendi rationes proponerent: fidenter & promptè consuluisti, vt ea præcipue sectarer studia, quorum fructus

in hac

in hac vita non solum, sed in omni aeternitate integra manere possent. Quo ego responso maximè adductus sum, ut me literis sacris totum dedendum putarem, ad quas etiam iam quidem sponte mea propensior. Simulq; integritatem, & virtutem, & religionem tuam admiratus sum. Qui cum inter eos homines diu versatus esses, quibus hæc studia minus probantur: atq; eis artibus ipse instructus, quorū videtur lepos, eruditio, elegantia, ab his rudioribus (ut existimatur) studiis abhorrere: bonitate tamen naturæ, & ingenij vi, ac ceteris, anteponenda studia duceres: quæ non præsentem modo suavitatem sed multò magis rationem perpetuæ utilitatis habeant. Sed quid ago? maioris ista sunt opera & temporis longioris quàm ut vna epistola comprehendere possint. Veniamus ad literas. In quibus, quod scribis, librum meum in via tibi pro vehiculo fuisse, valde mediisfidius id lætor: quodq; eum probas ac laudas, mihi vehementer gratum (quid enim dissimulare est opus) Sed illud gratius tamen est, quod ex illo te intelligo memoriam & cogitationem mei crebrius aliquantò & diligentius usus passe: quo nihil mihi quidem accidere potest optatius. Mandata mea, quæ abeunti tibi dederam, diligenter te confecisse, neque miror, (novi enim fidem & integritatem tuam) & te de ea re plurimum deamo. Accepiam quidem à Bēbo meo literas, cum vberes ad ea quæ ab eo requirebam, imprimisq; & elegantes & eruditæ: tum omnibus refertas officij ac benevolentie signis. Expostulationem tuam qua vteris mecum, quod locum Theologiæ in enumeratione earum artium, qui



bus recta institutio adolescentia continetur, nullum de-  
derim, sed in philosophia totū hominē constituerim: sic  
accipio mi Pole, vt in omnib. tuis dictis atq; factis, tua  
animi virtus, & deo dedita voluntas vehementer mihi  
probetur. Sed ego primū nominatim de Theologia ni-  
hil dixi, quod ea in philosophia nomine continetur. Est  
enim Theologia (vt ipse nosli) apex quodammodo phi-  
losophia, & fastigium. Cuius tanquam magni cuiuscūq;  
corporis, cū plura membra sint, vt ab Aristotele est  
perspicuē demonstratum: illa quæ de Deo pars, & de  
principe causa pertractat, sola propè digna est quæ  
philosophia nomine censeatur. Quæ etsi aliter ferè  
tractata à nostris est, ac veteribus fuit: eam tamen phi-  
losophiā nunc appellari video à doctissimis & san-  
ctissimis viris, Chrysostomo, Basilio, ceterisq;. Deinde  
cū adolescētem sic instituam, vt eum duntaxat dedu-  
cam ad annum ætatis quintum supra vigesimum, post  
id autem suo eum arbitrio permittam: non visum mihi  
fuit conuenire, accuratius ad ætatem illam de Theolo-  
gia verba facere: cū hæc ars vna atq; scientia senectū-  
ti maximè & sedatioribus annis apta sit. Et si præce-  
pta suscipienda religionis necessaria etiam iuuentæ  
sunt, quemadmodū vtique sunt: satis illa à me in eo  
libro, quatenus quidem ad adolescentiam pertinet, sint  
tradita. Postremò, cū in Hortensio distinctius de phi-  
losophia acturus sim, eamq; in suas partes omneis di-  
stributurus, veliti de qua proprius ibi sermo habendus  
est: non duxi eius dialogi ornamentum, quod in lauda-  
tione Theologiae vel præcipuum futurum est, in hoc  
prius

prias libro delibari conuenire: cū id iucundius tuū futurum sit, si ad hominum aures nouum atq; integrum accedat. Habes rationem eius pratermissionis meæ, quā tibi cupio probatam esse. Certē enim ego quod iudicari esse congruentius, id secutus sum. Et nunc quidē perdifficilis foret cōmutatio. Plura enim mihi inuertenda in eo libro, vel totus potius liber alio ordine pertexendus esset. Verū de his satis. Te amari à me mirificè, et coli, valde tibi persuasum esse volo: neq; me magis appetere quicquam, quā ut meæ erga te voluntati tuæ inuicem voluntas in me amando respondeat. Vale. III. Nonas Decembris M. D. XXXII. Carpentoracti.

IAC. SADOLETVS EPISC. CARP.

Reginaldo Polo S. P. D.

Serius respondi tuis literis, quā volebam: quod accidit partim imbecillitate valetudinis, quæ etsi grauiter me nō oppressit, fuit tamen mihi adscribendū impedimento: ( destillationibus enim molestis diu sum tentatus ) partim quòd itineribus necessarijs aliquantum tempus consumpsi. Vt verò primum oportunitas scribendi data est, nihil habui antiquius, quā literis tuis respondere: præsertim tam modestè, & tã eleganter scriptis. Summus enim tuus in illis pudor, & summa ingenuitas apparet. Sed quod tu multis verbis in illis disputas, existimare te, eas laudes quas tibi tribuerim, vel ab amore profectas esse, quo meum iudicium fallatur: vel si aliquid in eis iudicio sit dandum, id ed intentum esse, ut non quia eiusmodi sis, sed ut talis fias, quo laudes illæ te dignæ esse videantur: iccirco illam à me

predicationem virtutis tuæ dicas esse susceptam. Facis hoc tu quidem quemadmodum cætera soles, ut omnib. in rebus quascunq; agis, aut loqueris, mos tuus rectus et liberalis eluceat. Sed ego facilè me ab omni illiusmodi disputatione euoluo. Fateor enim planè, quacunq; dixerim de te, omnia fuisse amoris: sed qui amor à vero & integro iudicio profectus fuerit. Non enim quia te amaui, talem te esse existimaui: sed quia talis mihi es cognitus, iccirco amor ille à me susceptus fuit. Atq; vti nā mi Pole, tā facilè mihi esset omnia explicare verbis, quæ ego de te sentio, q̃ facile est ea quæ dixerim præstare. Verū hac hæctenus: non enim postulat mutua nostra beneuolentia huius generis longam orationē. Illud mihi iucundissimū ex tuis literis accidit, quod cognoui tibi esse perspectum, te à me amari: quod quidem facere mihi necesse est, aut omnis penitus abiicienda est humanitas. Quod enim tantū in amādo esse potest animi studiū, vt nō id virtus atq; amabilitas tua longè superet? tuū quidē animum aduersus me, & beneuolam plenā fidei et constātiæ voluntariē, ita contingāt mihi ea quæ volo, vt omnium rerum habeo carissimā. Quare nil restat, nisi vt paribus vtrinq; officijs amicitiam excolamus, quod ego & de me, & de te æquè polliceri possum. De iniuria quā à me videri vis Theologiæ fuisse factā, satis me tibi esse purgatum arbitrabar. Verū quoniā instas denuò, & vrges, dabo operam, vt tuum ad arbitrium per me illi satisfiat. Tu modò, quod bonorum est & prudentium iudicium, ita tabellam suspendito, vt in re non liquida nullum innocentiae præiudicium asseratur.

ratur. A Thoma tuo accepi literas, homine tua familiaritate dignissimo, & eis studijs in quibus quotidie versatur. Ei tu multam meis verbis salutem: itemq; ceteris, quos nobis amicos esse scis. Paulus febris laboravit plusculos hos iam dies: ei tamē melius esse incipit. Itaque spe bona de illius salute sumus. Is si valuisset, non defuisset officio scribēdi ad te, tui certē memoriam (ut debet) summa cū fide benevolentiaq; cōseruat Vale mi Pole. Carpent. Pridie Idus Iulij M. D. XXXIII.

IAC. SADOL. EPISC. CARPENT.

Reginaldo Polo. S. P. D.

**A**ccepi tuas plenas officij & humanitatis literas, omnemq; in illis probi ac praestantis ingenij tui, & pristini erga me amoris imaginem penitus recognoui. Quorum utrumque quanti faciam, nihil atinet nūc me scribere. Vtroque quidem certē ita delector, ut nihil mihi accidere possit optatius, quam me abs te tali viro diligi. Sed quā à te de pratermissione officij scripta sunt, quodq; in eo videris vereri, ne aliqua abs te culpa suscepta fuerit, amabo te mi Pole, sint ea ex mutua nostra benevolētia penitus sublata. Non enim recipit amicitia nostra suspiciones huiusmodi: nec tu peccare pratermittendo officio potes, nec ego animum tuum aliter atq; est interpretari. Quem cum officiosissimum & amantissimum mei esse cognoscā, non ex euentis tua mihi voluntas, sed ipsa per se & sua sponte spectata est. Equidem desideravi nonnunquam tuas literas: neq; id me hercule iniuria: quid enim est illis quod me delectet magis? Verū ita desideravi, ut ego illa

V S me

me voluptate carere molestè ferrem : non vt te officio  
aut amicitia dcesse arbitrarer. Cui tamen mea aliquā  
do intermissa voluptati sentio nunc à te cumulatè sa-  
tisfactum esse. Caue enim putes, quicquam mihi acci-  
dere potuisse tuis literis dulcius. Quæ cum totæ vndi-  
que, tum illa me ex parte præcipuè delectarunt, qua tu  
Socraticè nimirū et vrbane excusationem tibi nō scri-  
bendi ab orationis inopia & exilitate repetebas: qui  
totus elegantis ironia locus, & vultum mihi & animū  
suauissima hilaritate aspersit. Obsecro istosne turriu-  
los squallentes & aridos, aut tenui aquula interdū flu-  
entis vocas? qui mihi ita currere visi sunt abundanter  
& largiter, vt appareat, non tenuem, sed vberimum  
& eundem perennem fontem illa fundere. Quamquam  
hoc quidem de te mihi iam dudū persuasum habui : te,  
qua concupiuiesses, omnia effecturum esse. Notum mihi  
erat ingenium tuum, nota virtus. Ardor autem ille, qui  
animis præstantibus ad appetendas res magnas comes  
adesse solet, nihil mihi non de te vel maximum pollice-  
batur. Speraui itaque fore, nec sum deceptus, vt tu ad  
istam ipsam, in qua nunc insistis, doctrina & eloquen-  
tia coniunctam laudem peruenires. Quapropter &  
gaudeo pro amicitia, & tibi gratulor. Illud aliquantū  
agre sero, quod videre quasi videor, hac à te ipso orna-  
menta cōtemni: quæ meo quidem iudicio tāta sunt, vt  
sine his constare ne illa quidem rectè queant, quæ tu o-  
mnibus anteferenda iure optimo putas. Quo de genere  
quoniam bis iam à te sum lacesitus, tēpus non alienum  
vide

videtur meam tibi sententiam breuiter exponendi. Sacrarum rerum studium, & disciplinam tibi placet reb. ceteris anteponi. Quod ego quoque tecum vna confiteor. Cur ego in artibus reliquis, & maximè in philosophia, tempus conterimus? Quia nequimus ad fastigium sine fundamento, & sine parietib. peruenire. Quid? ista quandiu curanda nobis sunt, vt nō in vno illo ipso, quod optimum est, omnia nostra studia ponamus? Ad quod dicendū est, esse boni patrisfamilias totius domus tutelam et procurationem, non vnius duntaxat partis gerere: verū ita totius, vt potissimè quaq; in ea diligentius curentur partes. Et quoniam de domo & de ædificatione mentionem fecimus: quis non videat, Theologiam, quatenus inscientiæ ratione & genere reponatur, sine philosophia stare ipsam per se, & se sustinere non posse? vtrinq; verò minùs aptè munus tueri suum, si à copia et facultate dicendi deferatur? At enim mundana ista sunt, & celebritatem ex hominib. quarunt, vulgig; rumusculos & laudatiunculas aucupantur. Sūt enim nōnulli vsq; aded rudes, vt hoc quoq; studiosis bonarum artium hominib. conentur obijcere. Quasi verò merces externa ingenuos moueat animos, parumq; in eo fructus voluptatisq; sit, cū quis quid facit, vt id aptè ac venustè, & sine labe vlla maculaq; efficiat. Nā laus quidem aduentitia res est, & in aliorum potestate sita: ad quā qui primò & præcipuè contendunt, ij nō verè, neq; ex animo bonis artibus, sed per simulationem dant operam. Omnis autem ingenij & virtutis actio premium ipsa sibi in se continet, si ad perfectā speciem  
sui

sui quæq<sub>3</sub> generis perducatur: ipsaq<sub>3</sub> rerum gerendarū  
 pulchritudine contenti simus. Quòd si decor ab oratio-  
 ne remouendus sit, cur non idem etiam à moribus? non  
 ijs dico quibus inest virtus, quæ ipsa quoq<sub>3</sub> non alio fru-  
 ctu & emolumento, quàm suo decore spectada est: sed  
 de eis loquor moribus, qui in gestu & omni motu corpo-  
 ris, ipsaq<sub>3</sub> vocis atq<sub>3</sub> vultus conformatione liberali, be-  
 ne institutos homines ab agrestibus discernunt. An est  
 quisquam qui reprehendere iure queat, quod seruus co-  
 ram domino suo non modò fidelis atq<sub>3</sub> frugi, verum eti-  
 am sine forde, cultū honestiore corporis studeat appare-  
 re? At iam ista ad summi boni adeptionem minus neces-  
 saria sunt. Ne sint: adiuuant certè, hocq<sub>3</sub> sæpe efficiūt,  
 vt multi ad illud expetendum procedant comitatio-  
 res. Et sanè videndum est, si circuncidamus ampute-  
 musq<sub>3</sub> cetera, & tantum quod summè est necessarium  
 relinquamus: ne dum diuini volumus planè fieri, huma-  
 nitatis partem nullam teneamus. Sit modò nobis hoc fi-  
 xum, quod utiq<sub>3</sub> esse debet, vt omnia, in nobis si qua me-  
 liora sunt, accepta Deo penitus referamus: eaq<sub>3</sub> ad eius-  
 dem vnus gloriam cōferamus. Hoc animo qui fuerint,  
 cū in ijs quas suscipiēt actionibus, rebusq<sub>3</sub> quas gerēt,  
 summam sibi dignitatem operis proponēt, summamq<sub>3</sub>  
 pulchritudinem, inq<sub>3</sub> eam amore & studio incitati fe-  
 rentur: tum non erit in his talibus pertimescendum, q̃  
 inani laudis cupiditate deducti, à summo bono deficiāt.  
 Itaq<sub>3</sub> ego et liberalibus artibus, quoad in illis nos, quan-  
 tum proficiamus, non pœnitet, & imprimis philoso-  
 phia operam dādam puto, sine qua (vt dixi) nec Theo-  
 logia



logia quidem constat. In qua quodd scribis te ita tēpus  
omne consumerē, vt ad ceteras artes atq<sub>3</sub> sciētias nihil  
spatij tibi ne respiciendas quidem relinquatur, non sa-  
tis planē intelligo quid dicas. Patieris autem me pro no-  
stra familiaritate, & mea ac tua natura ingenuitate  
liberē agere tecum. Non intelligo, inquam, quid hoc tan-  
tum tuum sibi velit studium. Nam si ea tantum nobis  
percipienda sunt, quae ad credulitatem nostram, & fi-  
dem faciendam de Dei clementia & benignitate erga  
nos pertinent: ea sunt nobis, nec multis, nec obscuris, sed  
claris & illustribus literis sat compendiosē tradita.  
Liber enim Euangeliorum omnem viam & rationem  
nostrae salutis continet. Si verō explicanda illa vberius  
sunt, & enucleatius tractanda: an te plus in eo tibi ab  
infinitis voluminibus istorum, qui a tati nostra propin-  
quiores, omnia referferunt incōditis libris, & litigiosē  
scriptis, quā a Paulo, & lege veteri, & a prophetis  
opis latū iri existimas? Pauci libri sunt, (nisi forte me  
fallit) in hoc a nobis genere perdiscendī: sed quos ma-  
gna cum cura & attentione animi legere debeamus, si  
ad diuinarum rerum cognitionē cupimus aspirare. qui  
non modō spatium locumq<sub>3</sub> dant lectitandis aliarū ar-  
tium ingenuarum autoribus: sed ab ijs ipsi liberalibus  
studijs non exigua accipiunt suae vtilitatis & dignita-  
tis adiumenta. Nisi forte existimamus, summos illos vī-  
ros, qui primi hac Christiana literis illustrarunt, sine  
comitatu optimarum artium tantos progressus in diui-  
nis facere potuisse. Quo in numero Basilium, Chryso-  
stomum, Augustinum, Hieronymū fuisse cognouimus.

Sed

*Sed de his satis, vel fortasse nimis multa. Lazarū meū, tuum contubernalem factum esse, morior, nisi mihi per gratum est. Quanquam enim corpore à vobis absūm, animo tamē vobiscum excubo: vt videar mihi interdū quæsiunculas vobiscum vnā, & familiares sermones texere. Eum porrò ego ad philosophi studia animandū nunq̃ censui: quippe quorum ipse studio & amore imprimis teneatur. De Theologia quidem tibi assentior, nunquā illum ad summū peruectum iri, nisi ad reliquas facultates & disciplinas, quas multas magnāq̃ possidet, hanc quoque primariā artis, nobilissimāq̃ scientiæ cognitionem adiunxerit. Cuius ego tibi in Hortensio at texam laudationem, vtiq̃, quoad patietur ratio operis, in quo ego nunc me assiduē vehementerq̃, exerceo: speroq̃ propediem copiam me vobis facturum, qui me as ineptias irridere possitis. Io. Petri Carafa Theatis episcopi, doctrinam, sanctitatem, virtutem, notam habeo iam diu, eamq̃ in oculis sero. Gasparum Contarenū amo coloq̃, nec de facie mihi cognitum: sed de animi virtute, & de eximia eruditionis fama. Tu mihi gratissimum feceris, si vtrig̃ salutem meis verbis plurimam dixeris. Contareno hoc amplius dictum mihi fuisse hoc anno, cū essem Massilia, librum confectum ab eo, in quo de optimo ciuitatis statu grauit̃r docteq̃, disferatur: eum librum cupere vehementer me legere.*

*Quod Superantius, homo ingenio & nobilitate præstās, cū discederemus Massilia, pollicitus fuit mihi securaturum, ut exemplum ad me primo quoq̃ tempore mitteretur: eum ego oblitum arbitror. Tu qui autorita*  
te &

te & gratia plurimum polles, si effeceris hoc mihi, ut quod sine onere aliquo tuo & sine incōmodo fiat, cupiditati in hac re mos geratur mea, magna mei iucunditate mediūsfidius affeceris. Quod ut cōtendas & enitare, magnopere à te peto. Vale. IX Calend. Decemb. 1534.

IAC. SADOL. EPISC. CARPENT.

Iacobo Simonetę episc. Pisauri S. P. D.

**S**emper cognoui singularem in te prudentiam. Amorem verò erga me plurib. iam rebus etiam expertus sum. Sed crede mihi, posteriores literę tuę vtriusq; rei certissimum testimonium mihi attulerunt. Nam & cū beneuolentia consilium, & in consilio beneuolentiam erga me tuam omnem ostendēre. Itaq; ego, homo minime timidus, qui ea quę scripseram, curauerā etiam ut viderent isti ipsi quos contrā videbantur esse scripta, ut eorum iniquissimi in miserorum fortunas impetus magis refringerentur, cū me non periculi mei cogitatio, sed officium & pietas imprimis mouerent. Ut primum literas tuas legi, statui esse nefas, non parere sapientissimi atq; amicissimi hominis auctoritati: vetusq; stulti procemium, atq; omne argumentum alia quadam ratione explicauī. Quod ipsum, librumq; totū vnā inscripsi, atq; nisi homini summa virtute ac omni dignitate ornatissimo Federico Fregosio Archiepiscopo Salerni, quocum magnus mihi vsus, & omnium officiorū summa necessitudo intercedit, qui nunc in Italiā proficiscēs, Venetijs imprimendū curaturus est. Quod si mihi libroriorum copia fuisset, libenter tibi illum antè legendū misissem, vsusq; essem tuo potissimū iudicio: cui pluri-

plurimum profecto tribuo. Sed in summa inopia et difficultate eorū qui describerent, feci quod necesse fuit: statuiq; esse cōmodius ad plurimorum manus eum celeriter deuenire, quā ad vnius sero. Quāquam vnus tu mihi pro plurib. sis semper futurus. Sed ignoscas festinationi huic meae, multis enim de causis properavi vt ille liber quam primum in publicum exiret. Tu tamen sic eum legit vt si res in integro sit. Multa enim alia paro ac meditor, quibus accuratē perpēdendis atq; examinādis. opportuna semper mihi futura est doctrina et admonitio tua Sed haec haecenus. De honore tuo quod ad me modestissimē atq; humanissimē scribis, scito me hunc ipsum honorē quo prae datus sum, multo grauiorē illustrioremq; putare, posteaquam tu ad eundam es vocatus. Facit enim tua eximia virtus, et praestās in omni iustitia laude integritas, vt nullus honor tantus sit, quē tu dignitate personae tuae ornare amplificareq; non possis. Sed haec quoque, quae longiorē desiderant orationem, in aliud tempus reiicienda sunt. Tu valebis, & nos diliges, tibiq; persuadebis, te à nobis verē fraterno animo amari & coli. Carp. XVI. Cal. Iunij, M.D.XXIX.

IAC. SADOL. EPISC. CARP.

Hieronimo Nigro, S. P. D.

**T**Vas literas accepi XV. Calen. Aprilis ex Vrbe datas: quibus mirificē sum delectatus, sunt enim totae rhetorum, nec solum disertē atque eleganter, sed ab eo etiam scriptae, cuius charissimam habeo erga me voluntatem. In quibus quae de vrbe & rerum vrbana-rum statu ad me scribis, sunt illa quidem acerba & mi-  
sera.

sera, nec possunt non dolore animum tanta rerum commutationis misericordia commouere. Sed tamen debemus aliquando esse viri, & ea fortiter ferre, quæ mutare minimè possumus. Quamobrem alia agamus, & quæ magis ad nos pertinent. Est autem imprimis mihi Niger tibi gratulandum, quod eum ex rectissimis studiis tuis assecutus es tuorum laborum et vigiliarum fructum, ut spe iam certa ad immortalitatem niti posses. Cuius diuino illo cupiditatis ardore qui semel correpti sunt, quid mirum, illis si deinde sordet ista omnia quæ vulgò habentur amplissima? et ad aliud vitæ feruntur genus? Obscurum in populo illud quidem: sed cælesti vitæ imprimis accommodatum. Quod ego summa cum voluptate animi possideo et colo. Neque verò arbitror maius mihi munus à Deo immortalis potuisse tribui, quàm hunc animi sensum vitæque statum, in quo illa tantum procurans, quæ huius officij & muneris, quod sustineo, propria sunt: quod reliquum est temporis, in eis studiis delectationibusque consumo, quæ dignæ sunt viro, qui quidem sit vir: hoc est, qui actionum consiliorumque suorum non popularem iactationem & laudem, sed Deum veramque sapientiam constituat sibi finem. Quocirca tibi facile credo affirmanti, appetere te eandem vitam, mecumque esse cuperet. Noui enim omnes sensus animi tui cum propensos ad quietis studium, tum moderatione concordiaque placatos, ut verè beata vitæ desiderium, ista in te ceterarum rerum non corrumpat cupiditas. Quod scribis autem quo minus ad nos, ut constitueras, accedere potueris, corporis morbum tibi prius, deinde iti-

nerum pericula fuisse impedimēto: sanè quàm moleste  
fero. Sunt quidem omnia (vt scribis) vbiq<sub>3</sub> ita pertur-  
bata, vt ignorores planè quo in loco potissimū consistē-  
dum sit. Sed si quod vsipiam vestigium remanet etiam  
nunc quietis & ocij, in his certè est locis, in quibus ho-  
mines natura magis quā legibus ad sedatā & tranquil-  
lam vitam accōmodati sunt. Vix audeo tibi exigua de-  
ferre, cuiusmodi sunt mea. Sed tamē qualiacunq<sub>3</sub> sunt,  
parata tibi semper non minus volui esse, quàm mihi: vt  
tibi habere hoc debeas persuasum, mansuram semper  
apud me & fidem, & cōstantiam semel suscepta erga  
te beneuolentia. Ego hīc habeo cum Musis rationem,  
verūm diuinioribus: iamq<sub>3</sub> commentariū scripsi in  
Psalmum nonagesimum tertium: quem cū legeris, co-  
gnosces, posse res sacras etiam Latine, ornateq<sub>3</sub> per-  
scribi. Non quodd id à me perfectū sit: sed eius rei certè  
simulacrum quoddam est à nobis & imitatio adumbra-  
ta: Hunc iā misi homini omni virtute et dignitate am-  
plissimo, mihiq<sub>3</sub> vetere amicitia coniuncto. Federico  
Fregosio Archiepiscopo Salerni: qui nunc in Italiam  
proficiscens, librum Venetijs imprimendum est curatu-  
rus ab Ausulano nostro, cui hanc me debere cōfiteor gra-  
tiam, si modò hac gratia, ac non onus potius & labor.  
Nam ipsius Federici nomini liber dicatus est. In his ego  
nunc versor cogitationibus. Literas colo precipuè, ab  
his cū relaxo animū, refero me ad agriculturā oble-  
ctamenta. Habeo autem pradia quaedam rustica, quæ  
vestrum quemuis, qui estis urbani, delectare etiam pos-  
sent. In his suburbanos hortos, viriditate, ornatu, co-  
pia

*pia tã aquarũ quàm arborum lectissimarum imprimis  
nobiles. Hos ego inuiso frequens, capioq; haustus amœ  
nioris cœli. Hoc enim Sauonium est, sic didici ex eius  
schola. Quare ex eo, narrabit tibi quo id pacto fieri o-  
porteat. Qui quoddã viuit, quoddã saluus est, quoddã, sicut cõ  
suevit, Democritio mœre ridet & despicit omnia valde  
mihi hercule gratum est. Semper ille quidem amabi-  
lis. Sed nunc etiam magis, quod ex magna amicorũ &  
iucundorum hominum turba nobis est penè solus reli-  
ctus. Tu illi multam à me salutem : itemq; ceteris, qui  
ex illa vetere nostrã iucundissima sòdalitate sunt reli-  
qui. Tu vale, Niger, et nos dilige. Paulus mihi et in mo-  
ribus, et in literis apprimè satisfacit. In quib. tantos iã  
habet p̃cessus, vt mihi ipsi magistro saepe fiat monitor,  
πολλοὶ μαθηταὶ κρείττονες διδασκάλωρ :  
hoc in eo optimè quadrat. Ita confido, magno eum &  
familiæ nostræ, & amicis omnibus fore ornamento. Is  
tibi reddit salutem plurimam. Vale. Carpent. XVI. Ca-  
lend. Iunij, M. D. XXIX.*

# HIERONYMVS NIGER IACOBO

*Sadoletto Episc. Carpent. S. P. D.*

**S***atis non fuerat, me è naufragio illo emersum, ad pa-  
trium littus adnatasse, nisi ad spectandos deflagratæ  
vrbis cineres rediissem. Sed is est rerum status, atq; ea  
totius Italiæ calamitas, vt nullus sit angulus, in quo nõ  
aut hostes sauiãt, aut Tyrãni dominẽtur. Quare haud  
iniuria gratulandum tibi est, quoddã in tãtis tẽpestatib.  
sis propè vnus in portu : fructusq; vitæ percipias eos,  
qui à sapiẽtibus viris maximi, iucundissimiq; habẽtur.*



Quem sanè portū & exoptaui ipse semper, et tu, quæ  
 tua est benignitas, communem mihi esse voluisti. At ne  
 scio quo pacto me ad istum aciem, cursumq; dirigentē,  
 resistentes venti repulerūt. Quum enim recuperata va-  
 letudine ad te proficisci statuisse, cognoui, mare Ligu-  
 sticum hostili classe, Cisalpinam omnē Galliam Hispa-  
 norum præsidij teneri. Omnesq; deniq; aditus adeò ar-  
 mis occupatos, interclusosq; esse, vt ne Dedalus quidē  
 (quod aiūt Poetæ) tutò istuc aduolare potuisset. Itaq;  
 Romam veni ad V. Idus Febru. adductus potius patriæ  
 tadio, quàm desiderio Vrbis: Multa enim erāt illic, quæ  
 me molestia adficerēt, cū priuata, tum publica. Nā  
 et si nostra illa regio & natale solum, loci natura, atq;  
 humana ope munitissima est: omniq; seditione, & ciui-  
 li vacat discordia: ad hæc nihil desiderat, quod ad com-  
 moditatem victus, & ad vrbana vitæ splendorem  
 pertineat: sustinet tamen diuturnum & grauissimum  
 bellum, quod exinanito erario, vectigalibusq; diuen-  
 ditis, priuatis ciuium fortunis geritur: nec ordini qui-  
 dem nostro parcitur, nouo more, & ne quicquam re-  
 clamante Pontifice Maximo. Quod sanè incommodū  
 nota tibi exilitas mei sensus ferre non poterat: præfer-  
 tim quum rata non fuerint beneficia, quæ Pōtifex Ma-  
 ximus in me olim te fautore contulisset. Quamobrem  
 diuerti huc, eo scilicet animo atq; consilio, vt cum pri-  
 mū per tumultus bellicos istuc liceat proficisci, vtar  
 liberalitate tua: tecumq; fruor isto ocio, nisi tu fortè de  
 repetenda vrbe cogites. Quod quidem consilium nec  
 mihi facile probatur, nec opinor pro tua prudentia ti-

bi probatum iri. Quis est enim tam ignarus rerum aestimator, tam levis, qui cum quieti & honesto otio florētem urbem & amplissimum locum posthabuerit, mox eversa vrbi rebusq; perditissimis, otium cum dignitate posthabeat? Nolo tibi ea commemorare, quæ vulgi animum mouent, amisisse nos hominum frequentiam, splendorem, patentem omnibus fortunæ campum: quibus omnibus (vt tute sapientissimè ad me scribis) vtilius est cārere, quàm abundare. Illud vnum quod permagni ipse semper aestimasti, non præteribo: amisisse nos eruditorum virorum iucundissimam consuetudinē: qua sic careremus, vt vix vnum aut alterum inuenerim, qui cū Latinè in Latio loqui possem. Omnes enim serè aut naufragio illo perierunt, aut tempestate compulsi sunt in longinquas oras, mētionemq; ipsam vrbis haud immerito reformidant. Superest tamen ex sodalibus nostris Sauoinorū Princeps, illo eodem vultu, atq; animo, quo iampridē fuit. Quem cū fortè offendissem in via hīlarem, & non minus curis dispoliatum, quàm fortunis: continere risum non potui tanto in luctu & squalore ciuitatis. Vtinam, inquit, cū philosopho ambulassem. Hispanus miles tractauit me pessimè. Hæc habui, quæ ad te confestim scriberem. Nam pueri tui mihi denuntiarent, proxima nocte certum hominem in prouinciā istam discessurū. Clemens Pontifex Max. è morbo tandem conualuit. Quotidie in ore habet diuinum consilium tuum, de profectione ad Cesarē, & de pace publica: quo quidem cōsilio si integris rebus vsus fuisset, non laboraremus. Cura vt valeas: et Paulo fratris filio meis

verbis plurimam dic salutem. Vale iterum, et me ut facis ama. Romæ. XV. Cal. Aprilis, M. D. XXIX.

IAC. SADOLETVS EPISC. CARP.

Hieronymo Nigro S. P. D.

**N**on mediocriter delectauerunt me literæ tuæ Idibus Aprilis datæ, quas ego ad XI. Calend. Iunij accepi. Nam & amoris tui erga me, vñitatu illud quidẽ, sed tamen semper optatum, et mihi iucundum testimonium attulerunt: & multa ut scirem effecerunt, de quibus audire antea auebam. Imprimisq; de statu tuo, de quo quòd animo pacato & parato ad amplectendum otium es, & tibi valdè gratulor, & agnosco moderationem tuam: qui in illis fluctibus sic iactaris, ut fortuna quidem nunc cedas, vel obsecundes potius, quando in altum dudum prouectus es: idq; non tam iudicio tuo ab initio, quàm vi quadam & tempestate: veruntamen portum semper ex illis spectes, & tutam magis ac tenuem, quàm periculis copijsq; coniunctam sedem iampridem expetas fortunarum tuarũ: nihilq; tantopere cupias, quàm toto animo vacare studijs honestissimis.

Quæ voluntas docto & libero homine digna, si semper laudi fuit optimis etiam tẽporibus, quid censes perditis? neq; ed dico, quòd eam in qua nunc versaris, vitæ rationem esse improbandam putem: sed ut hanc illi multò antepoſam, quatenus ea saluo officio possit suscipi. Sed ut liberæ virtutis deligere id quod est optimũ, ita occupatæ atque constrictæ consolari se spe bonæ.

Quod tu cùm facis, non paruam iam nunc obtines eius tranquillitatis partem, ad quam totus propensus es. A

Bem-

Bembo meo acceperam literas paulò antè quā ad me  
 eſſent allatæ tuæ. In his de illo ſenatusconſulto, & de  
 ſuſcepto onere conſcribendi res Venetorum geſtas mul-  
 ta mentio. Sed vt ipſe rem arbitretur fore magni labo-  
 ris, vt quæ delata inopinanti ſit, neq; vnquam antea in  
 illa meditatione curaq; verſato: gaudeo factum eſſe iu-  
 dicium ſanè honorificū ipſius dignitatis eximiaq; virtu-  
 tis. Nunquam enim proſectò ciuitas illa æternam ſuo-  
 rum monumentorum memoriam illi commēdaſet, niſi  
 ſummi viri ingenio, atq; eloquentia, ſuas quoq; laudes  
 illuſtriores futuras iudicauiſſet. De Leonico malè fa-  
 ctum. Optimū virum & doctiſſimum amiſimus: quē e-  
 go amabā meritò illius plurimum: neq; vnquā viderā  
 hominem, niſi quodd virtus, eximia præſertim, nūquam  
 non cuius noſtrum conſpecta eſt. Quamobrem dolea-  
 mus noſtra id quidem magis, quā ipſius cauſa: qui, vt  
 ſcribis ipſe, ad certam & veram vitam immortalitate  
 iam translatus eſt. Verū noſtro quoque dolori ea res  
 fuerit ſolatio, quodd expreſſam habemus imaginē præ-  
 ſtantiſſimi viri in eis libris, quos ipſe et plureis & ſcri-  
 ptos egregiè reliquit. Hi illum nobis referent, neque  
 eum lugeri patientur pro mortuo. Lazarum tradere  
 Patauij optimarum artium doctrinam iuuentuti, nec  
 ſciui antea, & nunc cognoſce lator. Dederam ego ad  
 eum bis tēruē literas, neq; vllum ab eo reſpōſum. Quod  
 mirabar, & quidem vſque eò, vt de illo neſcio quid ti-  
 merem. Nunc video cauſam hanc aduerſus me ſilentij,  
 quodd cum diſcipulis illi plus ſatis colloquendum eſt.  
 Equidem hominis erudiſſimi, & mihi coniunctiſſimi,

omni honore & commodo plurimum letor: sed tamen me illi totum effluere ex animo, etiam molestè fero. Tu illi à me plurimam salutem. Quòd psalmum meū probas, gratum mihi. Ego perfectò Hortensio, in quo quidē nunc elaboro, si tamen vt perficiā magnitudo rei patietur, totū me daturus sum ad sacras literas. In quibus et animi nostri voluptas plenior multò est, et ceteris utilitas paratior. Tu vt valeas, et nos perpetuò diligas, veteresq; nostros necessarios salutes meis verbis, si qui in vrbe Roma reliqui iā sunt, imprimis à te peto. Vale. Carpentoraacti, III. Nonas Iunij, M. D. XXXI.

IAC. SADO LETVS EPISC. CARP.  
Hieronymo Nigro S. P. D.

**H**is diebus, cū minus commoda valetudine vterer, dedi negotium Paulo, vt scriberet ad te de eis rebus quarum & mea & tua intererat, te fieri certio rem. Quod ab illo factum diligenter fuisse non dubito. Nūc noua re oblata, in qua tua opera mihi expetenda esset, statui has ad te rursus scribere: petereq; pro mutua nostra beneuolētia, vt quod imprimis cupio optoq; quod tamen ipsum nō ad meum illum priuatum cōmodum, sed ad officiū nostri dūtaxat et muneris functionem pertinet: in eo assequendo & operam mihi tuam, & studium præbere velles. Res porro ipsa sic se habet. Quo tempore veri nū Niger in hanc prouinciā, non vt peregrinaturus in ea, sed vt domicilium vitæ constituturus: hominū quidē horum virtutem, mansuetudinē, comitatem, probaui statim ex initio, amareq; occæpi. animumq; induxi, vt quod mihi necessariò per leges et reli-

religionem faciendum esset; id etiam à me prolixè libè  
 terq<sup>3</sup> fieret. hoc est, vt his essem quā maximè studio be-  
 neuolentiaq<sup>3</sup> coniunctus. Sed inter multa quæ mihi e-  
 rant voluptati et delectationi, illud vnum agro animo  
 ferebam, quòd nullam in his nationibus bonarum lite-  
 rarum cognitionem, nullum inesse studium optimarum  
 artium videbam. Nec verò id facile ego pati poteram:  
 vt cùm à me mei ratio postularet officij, vt quacunque  
 re possem, populis meis commodarem: earum adeo re-  
 rum, quæ ad bene ac beatè viuendum pertinerent, hanc  
 vnam rem sic abire sinerem, in qua (vt mihi quidē vi-  
 detur) vel beata præcipuè vita cōtinetur. Itaq<sup>3</sup> quoad  
 potui, hortando, rogando, commonefaciendo, aliquos  
 tandem induxi, vt suos cupiant liberos erudiri his lite-  
 ris, quas nos appellamus optimas. Nam antea nulli erat  
 hic arti neq<sup>3</sup> scientiæ quicquam loci, nisi iuris ciuilis pe-  
 ritia: quæ expetebatur ab omnibus, nō vt discerent ho-  
 mines viuere liberaliter, sed vt lucro & arcæ consule-  
 rent. Nunc videtur in animis aliquorum eiusmodi se-  
 mina esse iacta, vt si sit doctoris copia & facultas, in-  
 genuas illas artes & disciplinas, quas nos eo vehemen-  
 tius probare soliti sumus, quòd animos illæ docent ac  
 instituunt nō deseruire pecunijs, sed ab omni illiusmo-  
 di cupiditate, vel labe potius solutos esse, in honorem  
 adduci posse confidamus. Quanquam rei euētus in no-  
 stra pōtestate non est: exemplum certè introducere,  
 & ordiri principium aliquod, rebusq<sup>3</sup> bonis nec ope-  
 ra, nec studio, nec autoritate deesse, hominis est nō sibi  
 vni, sed & patriæ, ciuibus, & communi cunctorum vti-

litati seruientis: quam nos imprimis rationem vitæ vo-  
 luntatemq<sub>3</sub> instituumus sequi. Est autē in ciuitate hac  
 conuentus quidam monachorum, quorum rector maxi-  
 mē cupiditate hac incensus est: Gracasq<sub>3</sub> & Latinas li-  
 teras cupit in familia sua propagari. Idemq<sub>3</sub> vniuersæ  
 prouincia Narbonensis præest reliquis ordinis sui con-  
 uentibus: vt videatur huius præclari amoris stimulos  
 in plures cœtus hominum esse disseminaturus. Sed (vt  
 dixi) magister nobis deest & autor, & iuuenum quasi  
 quidam moderator, huic idoneus muneri: quem si nan-  
 cisceremur, spes foret, aspirante nostris conatib. Deo,  
 aliqua hîc quoq<sub>3</sub> excitatum iri ingenia, quæ ad nobilif-  
 simarum artium adipiscendā laudem egregiè apta exi-  
 sterent. Hûc nos magistrum & doctorem à vobis qua-  
 rimus. Habetis enim istic (vt ego arbitror) talium vi-  
 rorum copiam. Sedeum esse huiusmodi oporteret, qui  
 mediocribus rebus posset esse contentus. Nam ne nos  
 quidem in optando admodum insanimus. Si Gracas no-  
 uerit probè literas, Latinas autem mediocriter: ita ta-  
 men, vt vitia orationis promptè discernat: habeatq<sub>3</sub> do-  
 cendi, & instituendi planam ac facilem rationem, po-  
 terimus eo nos esse cōtenti. Merces sanè illi à nobis per-  
 soluetur, aurei nummi quotannis sexaginta: victumq<sub>3</sub>  
 & rectorum commode vt habeat curabitur, ad eandem  
 videlicet modestiam & mediocritatem. Nunc cum vi-  
 deas mihi Niger quantæ hac mihi curæ res sit, & quàm  
 sit recta & honesta ratio huius consilij mei: peto à te  
 pro nostra summa coniunctione, vt curam et cogitatio-  
 nem aliquā suscipias, quo huic rectissimo studio nostro  
 sa-



satisfiat: aliquēq<sub>3</sub> nobis inuenire studeas, qui sustineat partes hac in re amoris et pietatis erga hosce populos nostrae, meaeq<sub>3</sub> optimam in meos voluntatem ipse re expleat. Quid si vnquam videro fieri, vt hi quos charitate nimirum Christiana in filioru loco diligo, sectentur eas artes, quae liberales sunt, auocantq<sub>3</sub> ab omni sordida & inquinata cupiditate habendi: na ego illi (crede mihi) cuiuscunque opera hoc assequar, planè me obstrictum, & in perpetuum obligatum esse profitebor: omniq<sub>3</sub> studio diligentiaq<sub>3</sub> curabo, vt suum is huiusmodi officium non malè à se positum sit iudicaturus. Haec eadem de re vt Lazarum nostrum appelles, cū eoq<sub>3</sub> accurate colloquare, vehementer à te peto: mihiq<sub>3</sub> vt primo quoq<sub>3</sub> tempore rescribas. Vale mi Niger, et Bembo meo, summo viro, plurimam salutem verbis meis dic. Carpentoracti, IIII. Nonas Maij. M.D.XXXIII.

IAC. SADOLETVS EPISC. CARP.

Hieronymo Nigro S. P. D.

**L**Egi literas tuas, ad Paulu quas misisti, in quibus amor tuus pristinus erga me se ostendit: nouus ille quidem mihi nunquam, sed tamen semper & optatus, & dulcis: quem & feci, & facio mi Niger plurimi. Salus ad me per te missa à veteribus amicis, mihi iucundissima fuit. Nec quicquam est omnium rerum quod libètius faciam quàm vsurpare crebro memoriam eorum, quos charissimè semper constantissimeq<sub>3</sub> dilexi, Esini, Colotij, Petrasanctae, Thebaldai, Blosij nostri, etiam Sauoia mirifici hominis, quem audeo magnis de Republica occupationibus impeditum, quotidie minus se vobis

vobis fruendum præbere posse. te verò mi Niger amo  
 vt debeo, abs teq<sup>3</sup> peto, vt eos amicos à me resalutes,  
 quos modò nominaui, & oēs præterea reliquos, quos  
 antiqua academia esse cognoueris. Contarenum patro  
 num tuum non amo solum, sed etiam veneror: & cùm  
 hoc ei tribuo, vt neminem illi in optimarum artium co  
 gnitione præponam: tum verò Deum immortalem, di  
 uosq<sup>3</sup> omnes contestans, sic planè statuo, nec meliorem  
 virum, nec sanctiorem hominem, nec amatiorem veri  
 tatis, pietatis, synceritatis, reperiri quempiam posse.  
 Itaq<sup>3</sup> tanto & amore & cultu illum prosequor, quan  
 tum tantarum & tam præstantium virtutum excellē  
 tia postulat. Me ad concilium affuturum esse, si id habe  
 bitur, dubitare ne potes? Quāquam enim magno mihi  
 ea res erit incommodo: tamen dare operam Deo, & il  
 lius honori ac nomini deferuire, quātum quidem in me  
 erit, ita mihi constitutū est, vt etiam si sit vita mihi in  
 illo opere profundenda, mecūm præclarè iri actum pu  
 tem. Tu vale, & nos ama, tibiq<sup>3</sup> persuade, te viciissim à  
 me singulariter amari. Ex hortis nostris suburbanis,  
 IIII. Nonas Iunij, M.D.XXXVI.

HIERONYMVS NIGER IACOBO

Sadoletto Episc. Carpent. S. P. D.

**E**T si pudet me post diuturnam cessationē nunc ad te  
 scribere: tamen non dubito, quin pro tua in amore  
 constantia, mea (si qua fuit) negligentia benignus in  
 terpres sis futurus. Præsertim cūm nihil esset priuati  
 quod scriberē: publica verò omnia copiosè ab alijs ad  
 te perscribi non ignorarem. Nunc autem cūm decreue

rim ex vrbe discedere: te, quem omnium cōsiliorū meo-  
rum, non modò conscium, sed autorem etiā semper esse  
volui, fas est profectionis meæ causas, rationesq; co-  
gnosceret. Nec vereor, ne non consilium tibi probetur  
meum: qui me semper non solum monitis, verum etiā  
exemplo ad quietem & otium inuitaris: quiq; ex vete-  
ri meo instituto intelligas, me non opum, aut honorum  
cupiditate, sed officio ac beneuolentia ad urbem fuisse  
reuocatum. Cui quidem officio ac studio cum iam satis  
factum à me fuerit, viderer planè desipere, nisi quod  
reliquum est ætatis, mihi ipsi, hoc est meis studijs darē.

Quamobrem cōstitutum habeo ad Calēdas Maias Pa-  
tauium proficisci, nactus opportunam occasionē, quod  
eodem tēpore Cornelius meus Brixianorum Pontifex  
exire in prouinciā suā constituit. Erit autem otio-  
lum illud meum, tui istius veri ac solidi otij simulacrū  
quoddā: quod tu in oris istis pacatissimis, omni vacuus  
molestia, cœlestem penè in terris vitam agis: mihi mul-  
ta maximo futura impedimento sunt. Mitto rei fami-  
liaris angustias, quā etsi contēpsi semper, tamen labo-  
res mei atq; officia paulò equiorem facere debuissent.  
In quo mihi tēporum iniquitas est accusanda: ne quid  
in eos grauius dicam, qui ea se ratione posse me perpe-  
tuis laboribus implicare, atq; ab otio ad ambitionem  
transferre cogitarunt. Quod me vehemēter vrget, im-  
primis est rei domesticæ cura. Viuit enim adhuc quidē  
pater, sed extrema iam ætate: sorores habeo domi nu-  
biles: fratres extincti sunt oēs, præter eum quē iam diu  
in Cypro insula degentem, nostri oblitum, rectè possu-  
mus

mus inter mortuos connumerare. Itaq<sup>3</sup> mihi vni appri-  
mè ad otium & tranquillitate nato, quiq<sup>3</sup> ad hoc tem-  
pus in alioru sedulitate ac diligentia conquieui, grauis-  
simum iam onus gubernanda familie subeundum est:  
spesq<sup>3</sup> illa mea tecum viuendi, quod maxime optabam,  
in aliud tempus reijcienda. Sunt hæc quidem magna in-  
commoda, & à meo valde aliena constituto. Sed ea om-  
nia vera laudis atq<sup>3</sup> virtutis amor faciet leuiora. Quin  
maior mihi proposita est gloria, si tot circumfusus mo-  
lestijs, in eum locum peruenero, in quem multi abundā-  
tes otio, atque fortunis, peruenire minimè potuerunt.  
Quod an aliquādo affecuturus sim, haud satis comper-  
tum habeo. Enitar certè, Deo hominibusq<sup>3</sup> bene iuuan-  
tibus. Proficiscar enim eò, vbi licebit veterum amico-  
rum, doctissimorumq<sup>3</sup> virorum persæui consuetudine.  
Que quanti in studijs nostris momenti sit, tu maxime  
omnium nosti. Habebimus illic Bembum, Lazarum,  
Lampridium, Pierium, bone Deus, quo iudicio, qua e-  
ruditione homines? Nec dubitamus, quin & alios in  
dies habituri simus, pertæsos rerum vrbicularum, atque  
huius vrbis miserrimi status. Tu verò velim, qua con-  
suesti fide ac religione, nostram inter nos amicitiam  
tuearis. Et què admodum ego te semper absentem ocu-  
lis atq<sup>3</sup> animo requiram, ita tu beneuolentia in te mea  
memoria apud te interire ne patiaris. Quod equidem  
adscribo, nō vt timens, sed vt amās. Literas tuas ad Pe-  
trum Bembum, quas mihi dedit Antonius, reddam dili-  
genter: multamq<sup>3</sup> illi, ac ceteris amicis salutem dicam  
tuis verbis. Illic ociosus plura ad te, literasq<sup>3</sup> ad Anto-  
nium,

LIBER V. 355  
nium, aut Binum mittam. Idē ipse si facies, erit mihi  
quā̄m gratissimum, atq; vt facias oro. Vale omnium  
qui sunt, qui fuerunt, qui futuri sunt beatissimē. Valere  
etiam volo Paulum, à quo literas accipere opto. Ro-  
ma. IIII. Calend. Maij, M. D. XXXII.

IAC. SADOLET. EPIS. CARPENT.

Ludouico Parifeto iuniori S. P. D.

**L**Egi tuum carmen : idq; mirificē probaui: est enim  
quantum ego possum iudicare, cū̄ doctum & ele-  
gans, tum quo in genere esse vis, eius generis numeris  
omnibus absolutum. Sed eius ipsius argumentum car-  
minis aliquandiu me suspensum atq; ancipitem animi  
tenuit: dum nequirem satis cōiectura perspicere, quid  
tu in illo tibi propositum habuisses. Nam si ornatum et  
cultum reprehendis orationis, eosq; obiurgas, qui ele-  
ctis verbis, grauibsq; sententijs, sua sensa exprimunt,  
idq; nituntur, vel quae ab ipsis emittuntur, prodeant li-  
matoria: tute tibi laqueū entdis, tute ipse te implicas:  
eos enim accusantem, qui studiū & operam poliendae  
orationi dant, non decuit ipsum politē et disertē loqui,  
Quod si ego is essem, qui mihi hanc styli elegantiam  
adsciscerem: respōderem tibi id quod verissimum est,  
debere nos partus eos quos gignimus, optare nasci quā̄  
perfectissimos : nihil earum desiderātes rerum, quae ad  
utilitatem & ad decorem, corpore, animo, vita conti-  
neantur. Hocq; non solum in filiorū sobole corporea,  
sed multo etiam magis in fœtibus ingenij natura nobis  
esse dicerem insitum: neq; vnquam naturalem hanc in  
nobis cupiditatem iure fuisse à quoquam vt vitium ob-  
iectam,

iectam, quæ non ad popularem famam primò & maxime, sed ad expletionem naturæ spectat atq; pertineat. Sed quoniam meū negotium nō agitur, viderint alij, Ego te illud pro ætate & consuetudine mea non inuitus admonebo, vt ne te ab illa ratione falli sinas, quæ tibi fortasse bona visa est: siquidem existimas ita esse, vt scribis, nitorem, & copiam accurati sermonis, veritati fucum & falsum colorē obducere. Non enim ita se res habet. Nec qui in sacris literis disertius explanādis inuigilant, eiusmodi prouinciā suscipiunt, vt patefaciāt veritatem, quæ ex diuinæ legis oraculis apertè & perspicuè suapte luce clara est, neq; eget ad demonstrandum ingenio aut interpretatione cuiusquam. Sed refrigeratos iam pridem mortalium animos, ad pietatis studia rursus capeſſenda monitis & cohortationib; suis conantur accēdere: quod sine vi aliqua dicendi verborumq; grandium, & aptè significantium copia, commode fieri nō potest. Quare meū iudiciū est, et semper fuit, non solū licere Christiano homini, verum etiā cōuenire, atq; aded opus esse, si suo is ritè officio fungi velit, excolere orationē, quæ legētib; magis p̄futura sit, et magnifica præpotētis Dei opera vberius explicatura: laudēq; ab hominib; (quæ modò princeps ipsa spectata nō sit, eaq; nobiscū vna ad Deum referatur) tanquā accessionem quandā non penitus aspernandam esse. Quod ego te quia facere mihi visus es, vt des te ad scribendū accuratè et subtiliter, et collaudo nunc quidē, & in posterū quoq; in eo vt perseueres, vehementer horror. Vale. Carp. XVII. Cal. Decemb. M. D. XXXIIII.

IAC. SADOLETI EPISC.  
CARPENTORACTI EPISTO.

LARVM LIBER IX.

IAC. SADOL. EPISC. CARP.

Paulo II. Pontifici Maximo. S. P. D.



**R**IMVM, sicuti debeo, sanctitate  
 tua gratulor, quod ad dignam  
 sua virtute & prudentia rerum  
 administratione vocata, amplam  
 habitura facultatem est, sese in  
 maximis humani generis utilita-  
 tibus & comodis exercendi. Quae vna actio cum pro-  
 pria summi istius honoris, tum beatae & iucundae vitae  
 effectrix mihi videtur. Et cum hoc gratulor, tum illud  
 maximi facio, quod sine ambitione vlla, sine mora, con-  
 tradicente nemine, omnibus suffragiis statim renuncia-  
 ta est: ut renunciatio indicium fecerit dignitatis: ipsa  
 vero celeritas renunciandi, aperte ostenderit, tantam  
 tamque eximiam virtutem, quanta in te semper fuit, ad  
 tantos motus rerum, quibus iactatur Respu. sedandos,  
 & ad salutarem portum consilijs sapientib. dirigendos,  
 quamprimum & quam maximè necessariam esse. Itaque  
 & nomen, & virtus, & dignitas tua, tanta nunc apud  
 omnes in opinione est: ita tua ad summum Pontifica-  
 tum electio ab omnib. est accepta, ut non hominum con-  
 silijs, sed diuinitus facta esse videatur. Atque hac qui-  
 dem & populi huius in quo ego versor, & omnium  
 Galliae populorum ac principum est sententia. Audio  
 enim multorum voces, et video vultus. Ut enim quisque  
 hac



hàc habet iter, ita ferè concreditur & colloquitur me-  
cum. Non equidè possum tantum, quantū res est, præ-  
scribere. Sed hoc certè scribo, quod intelligo, & sentio,  
nunquam animos hominum latiores, nunquam prædi-  
cationes magis honorificas, nec crebriores laudes de vlt  
lo Rom. Pont. extitisse: vt iam non sanctitati tuæ me  
gratulari, sed Christiano nomini vniuerso magis con-  
ueniat. Et certè si res veritasq; spectetur, boni & pru-  
dentis viri imperium procuratio est aliorum salutis: cu-  
ius fructus vtilitasq; ad alios, ad ipsum verò qui impe-  
rat, voluptas & letitia rerum bene gerendarum per-  
uenit. Habent igitur Christianæ nationes quod expe-  
tebant: Pont. Maximum integra fama, summa virtu-  
te, singulari sapientia præditum. Romæ verò ipsa or-  
bis terrarum caput, summi domicilium Pontificatus,  
præter gaudium de principe, quod commune omnibus  
est, quæ præcipuè affici voluptate est existimanda?  
quæ ciue suo, & nobilissimo quidem ciue, quæ tanto  
munere Dei immortalis, tantis honoribus, tot præ-  
mijs ornata, aucta, condecoratæque est? In quam tuæ  
sanctitatis liberalitas continuò se effudit: ipsoq; sta-  
tim Pontificatus initio ciuib; suis ostendit, quàm be-  
neuolo animo eos amplecteretur, quos haberet patriæ  
charitate, qua nulla est sanctior, sibi coniunctos. Sed  
ego, qui te quam plurimis ab hinc annis probè habeo  
cognitum, qui ad has populares tuas illustresq; virtu-  
tes, illas etiam domesticas scio adiunctas esse, humani-  
tatem, affabilitatem, comitatem: et quam ego plurimi  
semper feci, facioq; bonarum artium omnium, litera-  
rumq;

rumq; egregiam scientiam : is sum prater ceteros, qui omnibus debeo exultare latitijs. Nam & mihi amantissimo Reipubl. optimi principis imperium maximo gaudio esse debet : & virtutes veneranti, prudentissimi, & literis dedito, doctissimi. Illud verò non minimū ad animi mei latitiam iucunditatemq; augendam pertinet, quod inter sanctitatem tuam & me familiaritas aliquando aliqua intercessit : quæ etsi minus fuit quotidianis à me officijs culta, propter diuersa quidem vtriusq; nostrū vitæ studia, dissimilesq; occupationes : tamē neq; ego vnquam tuam erga me beneuolentiam desideravi, neq; sanctitas tua meā erga se obseruantiam non cognouit. Quam nunc quidem familiaritatem & amicitiam ad alia vocabula translatam esse vehemēter gaudeo. Non enim mihi posthac ad amicum, & ad patrum : sed ad principem, & dominum confugiēdum erit : ampliore eius potestate benignè mihi faciendi, si vsus venerit : eadem, ut spero, voluntate. Quapropter ago Deo omnipotenti maximas meritasq; gratias, qui populo suo tam necessario tempore, talem pontificem præficere est dignatus. Tibiq; vnā & cuncto Christiano nominini iterum ac sæpius gratulor Fore enim confido, ut tua dignitas, atq; gloria, cum salute & maxima vtilitate Christiani generis cōiuncta sit futura. Quod verò ad me propriè attinet, quoniam non habeo verba quib. sensum animi mei planè exprimam, sanctitatem tuam precor, ut pro sua prudentia expendere ipsa & considerare velit, quo me gaudio repletum esse oporteat, ex honore summo amicissimi viri, doctissimi homi-

nis, praestantissimi ciuis ( siquidem ego quoq<sup>3</sup> iampridem ciuitate Romana donatus sum ) quodq<sup>3</sup> imprimis & super omnia letandum mihi est, optimi Pontificis, & prudentissimi, & liberalissimi: vt in tot causis letandi & gratulandi, cum gaudium meum abundet, verba animi non suppetant, si tua sanctitatis interiorem voluntatem meam, ardentem studio atq<sup>3</sup> amore, non hac externa voluntatis indicia, quae in mea oratione frigidiora multò sunt, accipere & comprobare. Quod si illud quoque non me indignum est, nec tibi ingratum, petere me à meo Principe quae mihi opus sint: cum ego Pater sancte iam diu me in hanc meam ecclesiasticam prouinciam receperim, neq<sup>3</sup> ambitionis studijs, neq<sup>3</sup> opum aut diuitiarum deditus cupiditati, vitamq<sup>3</sup> in ea mediocritate traducam, quae tantum ad propulsandas necessitates idonea sit: vnam illam habeo curam, assiduamq<sup>3</sup> in animo meo cogitationem, vt huic sanè tenui & pusillo gregi, qui tamē mihi pro mea paruitate nimis magnus videtur, mea industria & diligentia alicui emolumento ad Christianas virtutes agnoscendas, easdemq<sup>3</sup> colendas esse possit. In quo sanctitas tua plurimum me adiuuerit, si iura quadam & facultates, quas mihi semper amabilis & commemorandus Pontifex Clemens septimus cōcesserat, ratas mihi & firmas esse iusserit. Quod vt faciat omni eum animi studio rogo atq<sup>3</sup> deprecor. Deus sanctitatem tuam, Pater beatissime, incolumem nobis perpetuò conseruet. Pridie

Idus Decemb. M. D. XXXIIII.

Carpentoracti.

IAC.

IAC. SADOLETUS EPISC. CARP.

Paulo III. Pontif. Max. S. P. D.

**C**um & aetas mea iam ingrauescens, eademque parum  
 firma viribus: et ratio studiorum ac consiliorum meo-  
 rum me detineret, quo minus (id quod ego maximè cu-  
 piebam, atque imprimis mihi convenire arbitrabar) ad  
 salutandum, venerandamque sanctitatem tuam ipsemet  
 me conferrem: statui ad officium meum pertinere, ali-  
 quem pro me mittere, qui meam vicem ipse hoc mune-  
 re fungeretur, meamque ad te observantiam benevo-  
 lentiamque perferret: animumque omnem meum expone-  
 ret, cum virtutibus optimi Pontificis, tum gloria &  
 laudi summi omnium principis vehementer deditum.  
 Nec verò in conquirendo ac diligendo nuntio diutius  
 dubitandum mihi fuit, quin hunc iuuerem potissimum  
 mitterem Paulum Sadoletum filium fratris mei: quem  
 ego maxima cum cura ac diligentia educavi: & in quo  
 quicquid unquam ex literarum studiis, quicquid ex v-  
 su rerum multarum atque magnarum consecutus sum  
 (si modò quicquam consequi potui) ita imprimere to-  
 tum sum conatus, ut quòd hoc laborarim et studuerim,  
 satisfactum in eo à me natura, & patria mea indulgen-  
 tia erga ipsum suscepta, fuerit: quòd verò mei labores  
 speratum atque exoptatum exitum affecuti sint, maximè  
 hoc nomine gratiam Deo immortalī debeam. Certè e-  
 nim si quid est quod ego præstare aut polliceri possim,  
 audeo hoc palam commemorare & proferre, neque  
 in bonis literis, neque in optimis & modestissimis mo-  
 ribus, neque in ea quæ ad gerendas res apta sit, fide, di-

ligentia, taciturnitate, quicquam me esse ausum optare, in quo non huius mihi iuuenis, & ingenium & voluntas cumulata responderit. Quo quidem etiam nomine, & spe maxima in eo virtutis adductus, meis etiam accedentibus precibus optimus Pontifex Clemens singulari beneficio adiutorem mihi eum in huius procuracione ecclesie, & successorē dedit. Sed ut ad prima redeam, Cause mittendi hæc fuerunt, primum ut frueretur ipse aspectu & vultu sanctitatis tue, oculisque præsens perciperet eam voluptatē, quam ego absens cogitatione capere non desino. Deinde, ut coram tibi gratias meis verbis ageret, & tui initio Pontificatus, mihi multa petenti & postulanti, quæ ad meam & ecclesie huius dignitatem commodumque pertinerent, nulla in re nec beneficentiam, nec liberalitatem tuam clausam volueris esse. Quam quidem ego sanctitatis tue benignitatē erga me, ita inclusam in intimis meis sensibus habeo, ut sim omnino aliquando, si non gratiam (abhorret enim mea tenuitas ab huiusmodi verbo) at similitudinem certē aliquam gratiæ relaturus. Postremo ob eam etiam causam à me missus est, ut sanctitati tue, & meo, & suo, & Christianæ Reipubl. totius nomine, gratularetur. Quamquam hæc gratulatio, neque mea magis esse debet quam ceterorum omnium: & si quod priuatum meum in gratulando officium queritur, videor illi alijs meis ad ipsam literis fecisse satis. Verum, Pater sancte, in illis tunc spei, expectationi, quam de te omnes habebamus, sum gratulatus: nunc perspecta, ac cognita virtutis tue gratulamur, & felicitati. Non enim obscu-

rum est, nec latere iam quenquā potest, quo animo sanctitas tua Pontificatum gerat: quæ illis primis sui honoris diebus à liberalitate erga ciues, à cura placandæ & ordinandæ Urbis profecta, statim orbis terræ vniuersam salutem animo complexa est, suamq; de conuocando consilio voluntatem proposuit, cuius vel nomine ipsi multorum antea animi terreri videbantur. Itaque seditiosis & impijs, omnibusq; ijs qui disidium et confusionem in ecclesia Dei querunt, videbatur hoc tutissimum esse impietatis suæ perfugium: ut cū castigarentur, cū monerentur, cū vel ad pœnitentiam, vel ad pœnā vocarentur, ipsi ad concilij nomē confugerēt, illudq; indici flagitarent, & poscerent. Quasi non minus terroris ex eo principibus ecclesiæ catholice allaturi, quàm in ipsis formidinis atq; vecordiæ ex mala conscientia stimulis insideret. Atq; hoc magnanimi Pontificis factum, secuta illa est plena aequitatis & sapientiæ in regendis hominum cœtibus ratio: quod pluribus iam rebus & exemplis cognitum est, placere sanctitati tuæ, idq; imprimis tibi curæ esse, ut ius idem sit pauperi, & diuiti: ut ne potentia imbecillitatem opprimat: ut qui opibus plus possunt, ijs illi ad iniuriam faciendam ne abutantur. Quod institutum conueniens præcipuè, & dignum optimis principibus, sed iam desuetudine penè in obliuionem adductum, tuæ sanctitas modò in consuetudinem & honorem retulit. Hæc & his similia multa cū sanctitatis tuæ ad summum Pontificatum euecta esset, sperantes tū gratulabamur, nunc gratulamur experti. Nec verò minus iusta ad letædum causata est,



sa est, vidisse ea quæ pulcherrimè facta sint, quàm sperasse futura: cum præsertim illud quoq; accedat, vt hæc tempora, hæc actiones, hunc tuæ sanctitatis honorem atque statum, diuina liberalitas perspicuè comprobet.

Quando enim tot iam seculis, tot conatibus, tot Pontificibus, maiorum nostrorum votis atque etatibus datum est, id quod etati nunc est tributum nostræ, vt hostes Christianæ fidei, nostrum iam nomē, nostra arma, nostras vires timere incipiant? qui antea liberè omnia depopulabantur, qui nos quotidianis damnis & cladibus affligebant, semperq; finitima quæq; sibi corripientes, nos angusti iam finibus retinebant inclusos: hi nunc summi atque clarissimi omnium principis Caroli Caesaris virtute, sapientia, felicitate, tuæ sanctitatis copijs consilijsq; iuuuantibus, toto repēte mari infero depulsi, parte Africæ primaria, & vrbe opulentissima Thunete spoliati, de sua reliqua salute pertimescere coguntur. Cum Christiani generis antiqua virtus, quæ iā dudum hebes facta & debilitata languebat, hoc præstantissimo duce & imperatore Carolo, nō audeat nūc solū consistere aduersus impios hostes: sed pestem etiam illis exitiumq; minetur. Quæ ego cuncta cum animo meo cogitans, summoq; meo quodam perpetuoq; amore in Christianam Remp. incitatus, cum cuperem conferre cum sanctitate tua, & de his illi, & cum illa, Re: pub. Christianæ gratulari, ipse verò in his locis iustissimis rationib. retinerer, nisi iuuenē hunc, tanquā me alterum, imaginem animi sensusq; mei, qui eadē instuc perferret, coramq; tuæ sanctitatis pedibus aduolu-



tus, cū reliquas officiū mei tibi debiti præstaret partes, tum de hac fortuna, de felicitate temporū, deq<sup>3</sup> summis Dei omnipotentis erga nos beneficijs, quæ omnia cum laude sanctitatis tuæ coniuncta sunt, tibi & meo et suo nomine gratularetur. Quem ego natura penè filium amore verò & iudicio verè vnicum mihi filium, rogo atq<sup>3</sup> oro sanctitatem tuam, vt libèter atq<sup>3</sup> humanè pro sua clementia excipiat atq<sup>3</sup> audiat. Nullu ipse onus sanctitati tuæ est allaturus: nec quicquam de illius fortuna ad suæ vtilitatis fructū est allaturus: sumus enim ambo mediocribus rebus sat contenti. Humanitatem tantum, & benignitatem tuā nobis expetimus, in quavna nobis sunt omnia: atq<sup>3</sup> vt faciles ipse aditus habeat, sit quæ illi et visendi, et adeundi, et interdū etiam alloquēdi sui principis potestas. Nam quod ad ipsum quidem attinet, eum ego volo, perfunctum officio suo et munere, ista vrbe perspecta, moribus curiæ cognitis, veteribus amicis nostris conuentis, & confirmatis, ad me protinus reuerti: quod eius pietate, & obseruantia, & fidelissimis officijs ad meæ subsidium senectutis vehementer indigeo. Quæ hoc mihi infestior impendere senectus videtur, quod studiorum assiduitas, à quibus auelli non possum, quotidie aliquid magis de meæ ætatis succo, et viribus corporis detrahit. Itaq<sup>3</sup> illum abesse à me non facilè essem passurus, nisi si qua occasio incideret huiusmodi, vt actione aliqua præclara ac laudabili, plenāq<sup>3</sup> dignitatis, illius mēs operaq<sup>3</sup> occuparetur. In qua (quod considerem eum egregiè facturum) explicare ipse ingenium suum, declarare industriā, nauare suā

virtutem & Christiana Reip. & sanctitati tuae posset. Sed haec quae mea potestatis non sunt, ad Dei consilium nobis sunt reijcienda. Illud quod mihi scribenti fuit propositum, rursus deprecor sanctitatem tuam, ut & animum meum erga se, summamq; obseruantiam agnoscere, & huic iuueni de sua humanitate impartire aliquid velit: nosq; ambos habere in numero eorum qui sanctitatis tuae saluti, amplitudini, laudi omni animi studio sunt dediti. Deus sanctitatem tuam custodiat, eiusq; rectissima consilia ipsi & Christiana Reip. fortunet. VI. Idus Septemb. M.D.XXXV. Carpentoracti.

IAC. SADOLETVS EPISC. CARP.

Paulo III. Pontifici Max. S. P. D.

Cum Pauli reditus ad nos, magna per se latitia me affecit, tum verò multò vberius gaudium meum factum est, humanitate earum literarum, quas sanctitas tua rescribere mihi dignata est. In illis enim non solum benefici Principis erga fideles suos studium, sed optimi parentis indulgentia quaedam planè mihi esse expressa videtur. Itaque ego quemadmodum gratias sanctitati tuae agam, non reperio. Nec enim ad magnitudinem illius beneficiorum par à me ingenij vis, aut verborum copia afferri vlla potest. Neque verò ipsa rescriptis mihi solum liberaliter: sed liberalius etiam mecum egit, nullasq; meae preces irritas accidere auribus suis passa est. In Paulo autem ipso, quod maxime cupiebam, id mihi in omnem partem cumulatè praestitit, & ut illum ex meo testimonio benignitate sua libenter cõpleretur, & illius mox ingenio probitateq; perspecta,

assen-

assensu suo grauissimo comprobaret in eo fidem testimonij mei. Ita si mihi liberalitas optimi principis quæ sita est, nihil fieri potuit beneficentius erga me, quàm à sanctitate tua factum est. si iudicium, atque honor, nihil ego expectare potui honoratius. Atque hæc Pater sancte indicia tam perspicua voluntatis erga me tuæ, si mihi ita tributa essent, vt aliqua ex parte merito meo viderentur data: haberem aliquid fortasse, in quo mihi ipse iure gratularer. Sed tùm nihil sit in me huiusmodi, per quod sanctitas tua ad tantum benignitatis adducta esse videatur, quantum esse onus illius gratiæ debet, quam ego suslineo? & quam conceptam & inclusam intus in animo gerens, nullis eã verbis neq; factis aptè queo expromere? Sed quoniam & summo Principi decorum est, superare operibus suis hominum prædicationem, & nobis infimis hominibus non inhonestum, illius amplitudini maiestatiq; concedere: ago quidem gratias sanctitati tuæ quantas possum maximas, agamq; semper: nec quin eas studeam referre (quantum in me quidem erit situm) vlla me vnquã rei difficultas deterrebit. Sed si illæ minores & leuiore fuerint, quàm aut merita tua, aut gratissima mea voluntas postulat, quæso obtestorq; vt id nõ natura mea, sed magnitudini tuæ, & beneficiorum tuorum attribuat. Cetera quæ Paulus mecum tuæ sanctitatis verbis egit, accurateq; collocutus est: etsi ea quoq; ab eodem fonte benignitatis profecta sunt, iniiciunt tamen mihi grauem curam respondendi, ne aut vendere operam meam ijs, quibus debita iam dudum atq; obligata est: aut occultam aliquam in

me ambitionem dissimulare velle videar. Sed opinor a  
gam quod ingenuo et libero animo maximè dignū est,  
sicq<sub>3</sub> sine omni fūco purè respondebo. Ego pater sancte  
nullum grauius incommodum sentire possum, quàm ex  
his locis auelli, in quib. sum & sanctissimo voto et per  
petuo firmoq<sub>3</sub> animi iudicio nō locatus solum, verū eti  
am affixus. Sed tamen vbi res & tempora postulabūt,  
gerenturq<sub>3</sub> ea & administrabuntur, quæ ad cōmunem  
Christiani nominis concordia consensionemq<sub>3</sub> spectan  
tia, magis ex bonitate & prudentia sanctitatis tuæ, q̃  
ex conditione tēporum possunt expectari: non deero of  
ficio, nec dignitati meæ: nullamq<sub>3</sub> operam, nullum dili  
gentiæ, obseruantia et pietatis studium, neq<sub>3</sub> à Christia  
na Repub. neque à sanctitate tua frustra desiderari ex  
me sinam. Extra hanc occasionem, cui rei possim valdè  
vtilis esse, non video. Sed tamen si quid præterea fuerit  
ad sanctissima consilia de repub. Christiana pertinens,  
in quo mea opera & presentia sanctitati tuæ necessa  
ria esse videatur (quæ quomodo esse possit suspicari e  
quidem non possum, totumq<sub>3</sub> grauiſſimo iudicio tuo  
permitto) sed si quid fuerit, ita ipsa de me merita est,  
vt & ad vocantē accedere, & imperanti parere prom  
pto animo sim paratus. Confido enim eam pro sua equi  
tate & sapiētia, sine magna, et maximè necessaria cau  
sa, me ex his locis non euocaturam. Vnum illud semper  
excipio mihi, & reseruo, vt nullam in partem commu  
tato meæ fortune statu, eis confectis rebus quæ mihi m̃a  
data fuerint, reditus mihi liber ad ecclesiam meam, ex  
optataq<sub>3</sub> studia, & ad eam animi tranquillitatem pa  
teat,

teat, quam ego omnibus opibus atq; honoribus longissimè antepono. His de rebus ipsis, scripsi ad amplissimum virum Gasparem Contarenum Cardinal. qui sanctitati tuæ omnem animi mei sensum copiosius exponet. Valeat, agatq; omnia feliciter sanctitas tua: quam omnipotens Deus sua semper cura custodiāq; tueatur. I II. Id. Martij, M. D. XXXVI. Carpentoracti.

IAC. SADOL. EPISC. CARPENT.

Alexand. Farnesio S.R.E. Cardin. S. P. D.

**Q**Vo tempore primū de tuo honore amplissimaq; dignitate nuntius ex vrbe ad nos huc peruenit, etsi statim cogitans existimare cœpi, te, quanq̃ atate adhuc esses adolescens, indole tamen virtutis, & commendatione ingenij dignum habitum esse, cui tantus honos iure committeretur: tamen quominus festinarē dare ad te literas, tuāq; & presenti, & speratæ amplitudini gratulari, illa res effecit: quodd neq; natura mea, nec instituti vnquam fuit, ita accurrere ad laudem & ad gratulationem, vt fortunam magis, quā iudicium secutus viderer. Itaq; etsi te probè noueram, quo ex genere ortus, & in qua familia educatus esses, splendoremq; et nobilitatem maiorum tuorum, in tuis iā nunc morib. & in tua indole ac natura lucere intelligebam: tum autem sæpe videram quo studio, quantaq; cura ac diligentia optimus & maximus nunc Pontifex, tunc etiam & semper hoc principatu dignissimus, erga omnes suos optimis & studijs & moribus imbuendos vt solitus esset: vt te illius sanguine creatum, præceptisq; eruditū, in eum virum quē speraremus, euasurū possemus

mus iam considerare: tamen ne sic quidem properandum mihi duxi: sed expectare volui, quoad certius aliquid de te ipso ad nos perferretur. Postquā verò plurimorum literis ac nuntijs, vnaq; & constanti voce omnium, de tuo ingenio, tuaq; modestia, deq; optimis & liberalissimis moribus, illaq; imprimis admirabili comitate verè nobilitatis sociâ quâ tu probos & doctos præcipuè cō plecteris, fama ingēs increbuit: egoq; Auenione tuas quasdam legi literas diligēter scriptas, quib. cura & sollicitudo animi tui indicabatur: vt in ecclesia, quæ ad Deū, & ad cultū religionis pertinent, ritè atq; integrè administrarentur omnia, quam ego virtutem omnium maximam esse iudico: tūc demum existimaui maturū esse scribere aliquid ad te, et tibi de tuis amplissimis ornamentis gratulari: cum iam non ad incertam amplius spem, sed ad firmam et fundatam de te opinionem, mea & latitia & gratulatio dirigeretur. Gratulor igitur tibi, & ex animo gratulor: quòd tum honore isto quo es affectus, tum etiam spe quam de te eximiam summa virtutis præbes, magnum in te præsidium simul & ornamentum, cūm ætas nostra habitura esse videatur, tū Christiana vniuersa Respublica. Non enim tibi à tātis initijs, talibusq; profecto, exiguum quicquam aut mediocre spectandum est: neq; opes atque imperia eò pertinent, vt augustis finibus vel actionum vel temporum, magnorum virorum animus includatur. Sed tibi de te ipso sic meditandum iam & constituendum est, vt ita te inslituas atq; appares, quòd tua præstans virtus ac nobilitas, & publicè omnibus, & priuatim possit esse  
emo-



emolumento. Hæc enim vera dignitas est, veraq<sup>3</sup> ampli-  
tudo, sic se exhibere cæteris, ingenijq<sup>3</sup> & autoritatis o-  
pes ita expositas omnium temporibus habere, vt ad a-  
lios tuorum laborum fructus, ad te ipsum latitia ani-  
mi voluptasq<sup>3</sup> perueniat. Quam rectè agenda vita ra-  
tionem qui secuti non sunt, ij non tam honore ipso, quàm  
vanis insignibus honoris habiti sunt ornati: sapeq<sup>3</sup> eos  
exitus habent, quos graue mihi est commemorare: tibi  
autem videre & intelligere in promptu est. Nihil enim  
stabile est in fortuna, neq<sup>3</sup> perpetuū, quod prudentia,  
et æquitatis, imprimisq<sup>3</sup> humanitatis & modestiæ qua-  
si vinculis quibusdam constrictum non sit: & cui præ-  
potens Deus fautor non accedat. Quo ab vno omnium  
bonorum & copia, & perpetuitas nolis est petenda. At  
que hæc scire agere, atq<sup>3</sup> suscipere, videreq<sup>3</sup> quibus con-  
silijs quàm optimè & quàm rectissimè vita dirigatur,  
non minimum quidem ab ætate atq<sup>3</sup> à natura, sed plu-  
rimum ex literis philosophiaq<sup>3</sup> acquiritur. Est enim ea  
sola ars rectè viuendi. Quæ est fontibus vniis, non ex ri-  
uis haurienda est, non ad instituendum duntaxat ani-  
mum, sed ad ornandam quoque orationem adhibenda.  
Sed quid ago? aut quomodo à suscepto gratulandi offi-  
cio, ad quandam præcipiendi rationem delabi me sume  
passus? qua tu non indiges. Aut si ea tibi quoquo modo  
opportuna est, habes domesticum exemplum præstan-  
tissima uirtutis, vnde formare te, & fingere ad omnem  
excellentiæ queas. Tuus enim Maximus est Pontifex,  
tuus isle honos, & domus tuæ gloria: ex qua qui virtu-  
te & sapientia primarius semper fuit, idem impræsen-  
tia



tia orbis terrarū est princeps. Sed ignosces etati mea, ei<sup>q</sup> amoris quo in te mirifico sum incensus. Is enim me non sine vlla sollicitudine esse finit: nec de virtute tua quidem dubitantē, sed incredibilem de te hominum expectationem pertimescentem. Fecit<sup>q</sup> vt te admonerē, cū tu in hoc veluti theatrum publica de te latitia et celebratatis ingressus sis, tātis diuinis muneribus ornatus, quanta vix optari debere videantur. Et cū tibi natura excellens ingenium, fortuna insignē potentiā maiorum virtus summam nobilitatē, domestica institutio morem honestum, consuetudinē splendidā, rudimenta artium ingenuarum per liberalia tribuerit: vt intuerere et cogitares, quid expectari putes à te, quid tu reddere maiorib. tuis, quid omnium spei de te prestare debeas. In quo tamen confido, dei primum immortalis ope & beneficio, tua deinde virtute cū annis vnā adolefcente, eis te instruentib. literis quarū tu optima et præclarissima studia tibi delegisti, cunctorū te opinioni & votis planē satisfacturū. Quod vt ita eueniat, tibi<sup>q</sup> iste honos sempiterna & laudi & felicitati sit, Deum eundem supplex omnibus precibus rogo atq; oro. Vale.

VI. Calend. Decemb. M. D. XXXVI. Carpentora acti.

**ALEX. FARNESIVS CARDINALIS**

Iacobo Sadoletto episc. Carp. S. P. D.

Cum de summis ac præclaris nostræ atatis ingenijs sermo apud nos sapius haberetur: audieram, Sadolete, ita virtutem laudari atq; extolli tuam, vt te iam inde à pueritiā mea incredibili quodā modo diligerem. Postea verò quā beneficio Pontificis sanctissimi atq;

opti-

optimi, sacerdotium mihi Auenionense est datum, eam intellexi amoris in te mei acceptionem esse factam, quā & etas iā adultior mea, & vicinitas sacerdotiorū nobis attulisset. Cū enim ad propinquas ac propè coniunctas administrationes electi essemus, videbam (id quod maximè vtriq; nostrum conueniebat) fore, ut amicitia quoque & amere singulari coniungeremur.

Itaque dum in hac cogitatione versarer, atq; instituissem scribere iam ad te, ecce mihi asseruntur à Paulo Sadoleto iuvene tui simillimo meiq; amantissimo literæ tuæ, prudentiæ, charitatis, humanitatisq; plenissimæ. Hic me, quod idē facere meditantem anteuertisses, officioq; vuisēs, pudor quidā suffudit. Sed tamen literis tuis lectis, adedò granitate ipsa, cōiūcta cū summa facultate dicendi, sum delectatus, & illis optimis monitionibus tuis, ut eum vitæ cursum, quem tenendum mihi antea statueram, addito tuo hortatu, multo sim alacrius persecuturus: ac summū Pontificem, quemadmodū tu amicissimè & prudentissimè mones, semper mihi ad imitandum propositum habiturus. Quod quidem confiteor ut commodius possim, gratissimum mihi feceris, si sæpe me ad eorum præceptorum memoriam reuocabis.

Excusationem tuam, quod gratulatio dignitatis meæ non tam sit à te properata, quàm re probata, facile accipio: vel quia sic debeo tibi magis, vel quia literæ tuæ nunquam mihi nō iucundissimæ esse possunt. Itaq; de eo te amo plurimum, quod fecisti: non accuso, quod reliquisti. Honoris autem nostri, sic videbor fructum esse amplissimum atque optatissimum consecutus, si multis

prodero, si sape, si maximè: & si officij mei munera pareisq; tuebor. Qua quidem in re cum omnibus in locis, tum verò istic, quòd ab ecclesia mea Auenionēsi nō longè abes, magno mihi adiumento esse potes. Nam & multa agi illic me absente, qua neceſse nō esset, & multa omitti necessaria cūm patē: vnum te esse video, qui partim monendis procuratoribus meis, partim (quòd commodo tuo fiat) scribendo ad me, valde ipsis rebus mederi queas. Quod vt facias, pro tua humanitate, & pro mea in te beneuolentia, etiā atq; etiā rogo. De me verò illud tibi psuadeas velim, nemini me vnq; esse, neque studio in reb. tuis, neq; sanctitate amicitie concessurē. Vale. XV. Calend. Februarij, M. D. XXXVI. Roma.

IOAN. PETRVS CRASSVS EPIS.

Viterbij Iac. Sadoletto Episc. Carpent.

S. P. D.

**V**T primum literas tuas ad Farnesium nostrum scriptas legi, tali me ipsum beneficio tuo affectum putavi, vt gratias tibi omnino agendas duxerim. In hac enim prouincia, quæ Pontificis voluntate humeris meis imposita, meas vires longè exuperat, res adhuc nulla plus adiumenti conatibus meis attulit. Gratulationem enim quam institueras, ea prudentia temperasti, vt gratulationi immixta exhortatio, sapientissimis consilijs & nitidissimo ac dulcissimo genere orationis, quemuis alienissimum rapere atq; inflammare ad summū virtutis amorem potuerit. Itaq; nihil habui prius, quàm vt eas literas mecum assidue haberem, & ad omnē loci & temporis opportunitatem, auribus oculisq; adole-

lescentis offerrem. Quid enim regenda custodiendæq;  
 adolescentia magis necessarium, quàm assidua virtutis  
 commendatio? qua & illa boni honestiq; incognita o-  
 culis pulchritudo, mēti atq; animo proponatur: & exī  
 mia virtutum præmia, ingentia vitiorū damna, dede-  
 cora, exitia demonstrantur: præcipuè verò pietas ac re-  
 ligio sic altè inseratur, vt diuinum numen dictis, factis,  
 cogitatis omnibus semper præsens esse intelligatur.

Quid igitur talibus literis tuis opportunius? Ego qui-  
 dem non magis tibi ob illas iam scriptas arbitror agen-  
 das esse à me gratias, quàm te iam etiam enixè rogan-  
 dum, vt si tali es, quali ostendisti, erga maxima spei a-  
 dolescentē, erga Pontificē ipsum animo: si CHRISTI  
 ecclesiam, cuius vel præcipuo in præsidij loco hic ado-  
 lescens positus est, ita diligis, vt tua spectata virtus o-  
 mnibus persuadet: vt subinde aliquid eiusmodi vel bre-  
 uiter scriptum mittere perseueres. Et si enim elegātis-  
 simo superioribus annis opusculo edito mirificè studio-  
 rum & vitæ rationem formasti, multaq; ac præclara  
 in eo non modo ad docendos, verum etiam ad impellen-  
 dos animos posuisti: magis tamen apud vnumquemq;  
 valent, quæ priuatim ipsi, quàm quæ publicè omnibus  
 traduntur. Optima quidem adolescentis natura, & di-  
 ligens adhuc educatio, & iam degustata studia: præci-  
 puè verò Pontificis voluntas & cura spem nobis vel  
 optimam afferunt. Sed item magno vt in metu simus,  
 lubrica ætas, corrupti publicè mores, & magna hæc i-  
 psa fortuna facit: quæ præter cetera hoc quoq; habet  
 incommodi, quodd ad optimā fortunam pessimus quisq;

auidiſſimè conuolat. Has nos quidem infauſtas a-  
ues, vndique quanta poſſumus vigilantia excludimus.  
Sed ne fruſtra id à nobis & parum diu fiat, multò ma-  
gìs animi ipſius, quàm adium aditus obſeruandi ſunt.  
Nec enim aut diu arceri, niſi diſpliceant: aut diſplicere  
vitioſi poſſunt, ſi vitia placeant. In hanc curæ ac ſolici-  
tudinis partem bonos omnes libentiſſimè aduocarim.

Quoniam verò huc te potiſſimū vel amor tuus, vel pu-  
blica cauſa vtilitatis adduxit: patere obſecro te precib.  
meis eodem nec fruſtra reuocari, quo tu ipſe primū  
vltro veniſti. Nemo vel ob doctrinam vel ob innocen-  
tiam, vel ob nominis famam, plus hac in re autoritatis  
te vno habere poteſt. Nec tu quicquam vel publicè v-  
tilius, vel Pōtifiſci gratius potes efficere. Ego certè quā  
tulufcunq; ſum, quot ſimilis argumenti literas tuas vi-  
dero, totidē me beneficijs maximis tibi deuinctū puta-  
bo. Vale. Romæ, Pridie Idus Decembris, M. D. XXXV.

IAC. SADOL. EPISC. CARP. IO-

an. Petro Craſſo Episc. Viterbij

S. P. D.

Cum ad Alexandrū Farnēſium tuū dedi eas literas,  
quarum tu in tuis mentionem faciſ, & ex quibus  
ſumptam tibi occaſionē ſcribendi ad me præ te ſers: e-  
quidem eo volui fungi officio, quod non tam prudentia  
mihi, quā mens perpetuus in illam familiam amor, &  
quadā mihi ingenerata voluntas omnia honeſta & re-  
cta cupiendi, præſcribebat. Sed verè dicā, ſubuereri mi-  
hi interdum veniebat in mētē, ne parum ſapiēter id  
negotij attigiſſem, quod minimè omnium mihi videre-

tur conuenire: Quis enim ego sum, qui has mihi partes assumam, docendi, et commonescendi florentissimi a dolescentis, quem praesertim & domestica exempla, et optimi domi doctores ad omne studiū virtutis quotidie erudiant? Ego autem & longè absim, & nulla insigni facultate ad id agendum sim praeditus? Sed (vt dixi) de di illud magis ei beneuolentia, quā mihi erga illū iam inde à maioribus ipsius suscepta est: quā aut euigilato consilio, aut vlli prudentia: satisq; me honestè discessuram putauī, si in perfūctione amoris, temeritas tantū mea non reprehenderetur. Tu & comprobas factum, & saepius idem vt efficiam rogas. Fateor tuam apud me auctoritatem esse plurimi, ac iure id quidem. Et si enim nulla familiari notitia coniuncti inter nos sumus: tuum tamen ingenium, ac excellens virtus, cū multorum saepe testimonio ad me perlata est, tum in hac recente epistola, quam ad me misisti, totam se mihi penitus patefecit. Non enim video quid potuerit scribi vel elegantius, vel grauius. Mouet igitur multū auctoritas me tua: sed hactenus mouet, vt quod adhuc à me factum est, id (quando tu ita sentis, teq; & autore vtor, & approbatore) iam non imprudenter, neq; temerè videatur factum: simq; animo aequo ea de re, de qua antea non nihil dubitabam. Quod verò decere me arbitrer saepius ad idem reuerti, ne cadere quidē in cogitationem meam potest. Siue enim me vnum maxime statuo idoneum cui obtemperetur, fidesq; habeatur: quid me arrogantius? Siue curationi vestrae ingero me, atq; intrudo, qui iure optimo delecti ad id muneris



*estis: quid imprudentius dici, aut cogitari potest? Ex quo mihi in mentem venit, mirari vim & grauitatem literarum tuarum, quæ me id videntur prudentissimè rogare, quod ego præstare salua prudentia non possim. Sed tamen mi optime Crasse, quādo res magna agitur publica, vt tu disertissimè scribis, cuius partes vel præcipuæ commissæ huic adolescenti sunt: demus operam omnes, quoad possumus, vt bonum illius ingeniū, optimāq; ad virtutem indoles, in regionibus officij contineantur. Quod summus Pontifex autoritate atq; exemplo, tu opera, consilio, assiduitate, egregiè præter ceteros efficere potes. Nulla pars est earum, quas in eo inchoatas, & tãquam pubescentes perfici optamus, quæ non in te præclarè appareat, absolutaq; sit: siue meram grauitatem quærimus, siue optimarū artium scientiā. Enitere ergo, & elabora, vt in vno homine ornando, atq; expoliendo, maximum à te beneficium habeat cuncta Respub. Nos quod in nobis est, studium tuum ac laborem, præcibus votisq; ad Deum subsequemur. Nec, si occasio fuerit, in eo quoque deerimus, in quo tu operam nostram tibi aduocasti. Sed omnis spes in te est: quem ego cū antea diligebam, opinione virtutis, & multo rum testimonio doctorum, proborumq;: nunc meo certo exploratoq; iudicio ita diligo vehementer, magniq; facio, nihil vt mihi neq; tuis literis gratius, neq; instituta beneuolentia optatius accidere potuisse videatur. Quam vt tueare & conserues, abs te ita peto, si tu me mutuum facturum esse existimas. Vale.*

IAC. SADO LETVS EPISC. CARP.

Gasp. Contareno S.R.E. Card. S.P.D.



**S**i verbis multis, & illustribus tibi de recenti honore gratulari vellem: verēdum mihi arbitrarer, ne in ea oratione nimiū insisterem, & fortuna munera aliquāto plus extollerem, quā fortassis equum sit: & pristina tua amplissima dignitatis, quæ ex virtute maximè pēdenda est, viderer esse oblitus: dum gratulationem meā ad fortunā potius, quā ad eam ipsam virtutem adiungerem. Cū verò tu is vir sis, ea virtute, ea doctrina, prudentia, integritateq; præditus, ut omni honore longè iudicare superior: gratulor equidem tibi, quod habiturus sis locum tui & ingenij & animi in Christianæ Reipub. utilitate & commodis vberius explicandi. Et eo magis gratulor, quod raro adhuc exemplo ad obendum summum & gerendū honore, nihil huiusmodi cogitans, alieno tantummodo iudicio fueris vocatus. In quo sanè testimonium amplum est, tuis præstantissimis virtutibus redditum. De ipso autem honore si gratulandum sit, honori mediūsfidius magis gratulabor, quā tibi: qui quamvis splendeat, illustrisq; admodū sit, tua tamen dignitate ipse effectus est ornatior. Sed ut quod sentio planè expromam, ego omni tua amplitudine & dignitate, Contarene optime, ita gaudeo & triumpho, ut nihil mihi sit optatius, quā te videre auctoritate & gratia prorsus florentissimum. Qui enim possum non incredibiliter latari honore eius, quem ex ipsius scriptis doctissimū, prudentissimum: ex eis officiis, quæ in me ipsum ab illo collata sunt, quotidieq; cōferuntur, humanissimū, liberalissimū, meiq; imprimis amantissimum esse cognosco? Non essem dignus eis lite

ris in quibus versor, non hac vita; nō hoc spiritu, deniq;  
homo non essem, si aut præclarissimas tuas virtutes nō  
agnoscerem, aut quenquam omnium pluris facerem quā  
te: & nisi te omni amore, studio, obseruantiaq; comple-  
cterer. Ego cū tuam Rempub. à Superantio accepi,  
cognoui tum primum quanti tu me faceres. Quare ex  
eo tēpore mea beneuolentia, quæ propter tuas eximias  
virtutes suscepta mihi in te erat, fieri cœpit ardentior.  
Nam verò cū ex Pauli mei literis intelligam, quanta  
tu illum humanitate excipias, quā beneuolē tractes,  
quā multa signa des summi tui cuiusdā erga nos amo-  
ris, quem in suscipienda rerum & negotiorum meorū  
cura magis etiam declaras: quas me tibi agere gratias,  
aut quibus vti verbis in meo tibi animo penitus patefa-  
ciendo oporteat, ego planē ignoro. Tu subueni, quæ-  
so, huic hesitationi meæ, & ea verba, quæ apta sunt ad  
gratiam meritam cōmemorandam, vicem meā exco-  
gita: quando ego tanti officij onere oppressus, minus  
illa despicere, & inuestigare possum. Quæ cū tu pro  
tuo summo ingenio faciliē & prudenter inueneris, om-  
nibus me illis esse vsum putato. Certē nihil tam am-  
plē, nec tam copiosē explicare poteris, quod gratam  
animi mei voluntatem superet. De tua Republ. quid  
sentiam, scripseram iam ad Paulum, ex quo iudicium  
meum potes cognouisse. Neque id tamen faciendum  
tam breuiter puto. Erit mihi locus ad hanc rem pa-  
ratus, vt non solum tu, sed ceteri etiam intelligant,  
quantum tibi à me in omni genere virtutis sapiētiæq;  
tribuat: ad quod tempus me reseruo. Interea hoc  
affir-

affirmo, nihil me videre, quod in ea vera prudentia laude, quæ cum studijs doctrina coniuncta sit: inq; eis actionibus, quæ sunt ab integro animo liberaliq; profecta, quid vel ingenio tuo, vel in virtute, in institutis vitæ rectius aut splendidius requiri ac desiderari possit. Sed hac hæctenus. Ego & gratulor tibi, quemadmodum antè dixi: & maximas gratias ago: teq; oro, vt tuum istum susceptum erga me amorē perpetuum: mihi conserues: quo nil mihi charius neq; iucundius accidere omnino potest. Vale. Carp. VII. Idus Nouēbris. 1535.  
IAC. SADOL. EPISC. CARPENT.

Gasp. Contareno S.R.E. Card. S. P. D.

**T**Va in literis causarum commemoratio, quibus tu iam pridem adductus ad me diligendum es, tantam mihi præ se ferre visa est & humanitatem simul, & erga me beneuolentiā, vt nil sit quod audeam optare prolixius. Quodeo magis gratum & optatum mihi accidit, quod tua ista eximia erga me voluntas, non amoris solum habet fructum, qui est in omni vita vnus suauissimus: sed iudicij quādam etiam dignitatē. Amari enim à tāto viro idem esse videtur prorsus, ac probari. Quāquā id tu quidem separatim etiam facis, vt de me cōmodè existimare te scribas. Sed ego id ita interpretor, vt in beneuolentiæ prorsus parte ponendum esse videatur. Mihi verò, qui te iam diu nō diligo solum, (nam id quidem etiam mediocribus hominibus præstamus) sed propter excellentem tuam in omni genere virtutis ac literarum laudem & scientiam mirabiliter colo, atq; adeò veneror: quanto opere esset elaborandum, si id age-

renunc vellem, vt meus animus erga te cuiusmodi ille est, pateret penitus, manifestusq; fieret? Quod quoniā & longioris temporis negotium esset, & grauioris cura, supersedebo quidem hoc scribendi onere, meq; ad commodius aliquod tempus reseruabo. A te verò impresentia petam, teq; plurimum precabor, id quod & ago maximè, & maximè impetrare ad te cupio, vt tu me eo incensum erga te amoris studio esse existimes, q̃ ego nec literis satis persequi, nec verbis cōmodè quēā exponere. Atque hactenus quod ad amorem attinet. Quod verò tuā ad humanitatem, quæ illi potest quæso oratio par inueniri? cū præsertim tu ea me omnibus partibus epistola tua ita alliges vndiq; atq; constringas, vt respirandi locus non sit. Qui te primū in nostrum ordinem adscitum esse dicis, eamq; rem auxisse beneuolentiam in me tuam asseueras. Quasi verò idem sit eiusdem ordinis esse, & multo superiore in loco atque honore esse positum: nisi tu cū omni mihi dignitate plurimum antecellas, humanitate parem te effice re vis. Immo ego istud gratulor & triumpho, quod tibi tuisq; clarissimis virtutibus meritis honor datus est. Atque ille ita datus, vt plus tamen in te omnibus dignitatis, quàm in honore ipso situm esse videatur. At ego si mediocrem hunc cum tuo si conferatur honorē (qui tamen mihi nimium magnus est) non indignissimè gesserō, præclarè mihi à Deo factum arbitrabor. Nam quod fungar, eo vti oportet cōueniensq; est, ne idoneus quidem ad cogitandum sum. Sed & hoc, & omnia ad Deum à nobis referenda sunt. Paulum meū quod amas

& complecteris, mirabiliter gaudeo. Spero enim cū, quem optavi semper & optimum & rectissimis moribus ornatum esse, tua imprimis cōsuetudine, summaq; tuæ prudentiæ & gravitatis exemplo, futurum etiam meliorē. Quod labores nō paruos mea causa susceperis, ago equidem tibi gratias Sed (vt dixi) non magno pere audeo aggredi, quod me perficere posse diffido. In his enim omnibus tua illa apparet extatq; humanitas: quæ me ita concludit, vt neque vnde incipiam, neq; vbi desinam, statuere satis possim. Quæ quidem in eo maximè clarissimeq; se ostendit, teq; mihi præbet noscendum penitus & conspiciendum: quod tu tam ingenuè, tam apertè, tam familiariter quæ in meis scriptis desiderares exposuisti. Ex quo quidem ego vel maximum tui amoris erga me argumentum capio. Facit autē tua præstans doctrina atq; autoritas, vt maximā mihi curam suscipiendam putē, quò tibi animi mei sensum penitus aperiā. Ego enim cū Epistolā illam Pauli mihi exponendam sumpsissem, ac in commentarijs multorum interpretum diu essem volutatus: non mihi videbar assequi id quod cupiebā, vt in Apostoli sensum penitus introirē. Sed cū ingenium, & doctrinam, & pietatem illorum magnopere approbarem: erat tamen nescio quid in Paulo occultius atque abstrusius, quò illi vixdum mihi penetrasse videbantur. Itaque alium studendi & inuestigandi modum secutus, in Paulo ipso legendo, atq; omnibus modis pensitando atque explorando, quàm maximè me, & quàm dictissimè exercui: laboreq; tamdiu & diligentia cōtendi, quoad

eius intimū sensum peruenire mihi visus sum. Verè, an falsò, nihil nunc ad rem: non enim aliud, quàm quod visum est, loquor. Sed cùm arcanas quasdam illius sententias, plurimum ad pietatem et cognitionem Christiani mysterij facientes, adeptum esse me arbitrarer: non putavi charitatis Christianæ esse, qualecunq, id lumen esset, diutius illud inclusum continere. Itaq, commētarios illos scribere sum aggressus: in quib. quod maximè obscurum mihi, & antea fide quidem acceptum & creditum, ratione autem ignoratū esse videbatur, mortis & crucis CHRISTI mysterium totū aperire atq, illustrare sum conatus: causasq, & rationes exponere, quamobrè salus nostra necessariò requisivisset in mūdum venire CHRISTVM: atq, vti mortuus est, ita eū mori: quoq, modo non exēplum solum in eo sic à nobis agenda vitæ, sed etiam mysteriū nostræ & vitæ & salutis existeret. Atq, hoc feci Pauli sententias constantes sibi semper in hoc argumento (vt mihi quidē videtur) & verba ipsa persecutus. Quòd autē parciore in praueniēte Dei gratia explicanda, quàm par esset: agnosco eum errorem, cùm tibi ita videatur. Sed tamē & Græcorum, & Latinorum veterum exponendi morem secutus, à proposito Pauli argumento non discepsi. Scis enim ipse, quàm rara de hac re mētio ac distinctio à Chrysostomo in hac Epistola quidem habeatur: quàm non multa à Theophylacto, & ab Euthymio, cui ego sententias Basilij, Chrysostomique referenti, in Epistolis Pauli enodandis tribuo permultum. Ambrosius quoque non admodum sæpe ad illam diuertitur.



titur. Credo, quod satis illis videbatur, ad Dei gratiam omnia vniuersè referre. quod in eorum scriptis creberimè inuenitur: præsertim cum certamen nullum propositum haberent, quod eos cogeret rem tam tenuiter distinguere: quod fuit Augustino necesse bellum sanctum & salutare aduersus Pelagium gerenti. Verumtamen ego, quibus in locis Paulus ansam mihi dedit, ita sum de Spiritu sancto locutus, ut et principia & fines Christianorum virtutum illi omnium attribuerim. Sicut in illis verbis facio, quæ Paulus dicit, quod charitas Dei diffusa est in cordibus nostris per spiritum sanctum, qui datus est nobis. Quo in loco (quem te relegere & ponderare vehementer cupio) non solum à Spiritu sancto hæc omnia in nobis fieri: sed quemadmodum etiam fiant, atque ut Spiritum illum verè sanctum in nobis habeamus, ponere ante oculos omnib. conatus sum. Quæ quidem euidentissimis rationibus (ut puto) penè demonstrationem factam pleriq; interpretum cum ad eum locum venirent, collaudantes tantummodo (idq; iure et meritò) benignitatem summi Dei, veluti scopulū quēdam refugiebant. Habes Chrysostomum, Theophylactum, Ambrosium, quos legere potes. Sed & illo in loco, quod Spiritum adoptionis habemus, in quo clamamus Abba pater: de hac Spiritu sancti item & vi in nobis, & gratia, loqui non prætermisi. Non sum equidem iisdem verbis usus, ut præuenientem subsequenterq; gratiam appellarem. Sed sensus tamen (ut opinor) idē est. De natura autem nostræ imbecillitate, quæ in peccatum & mortem ab Adam inducta est, plura in eo lo-



co verba facio, quā Paulus eandem rem de Adam & de peccati ab eo in omne humanum genus translatione loquitur. Et tamen illud tibi assentior, potuisse me opportunè aliquibus in locis de hoc ipso morbo naturæ nostræ, & de reparatione nostri arbitrij à Spiritu sancto facta disputare. Sed si id prætermisum est, alio loco Deo iuvante (ut tu prudentissimè consulis) reponetur: vel potius iam ut reponam, cogito. Scripsit enim ad me Lugduno Gryphius, se librum meum iterum impressurum esse. Faciam igitur interpositionem aliquam, per quam hac res tota breviter illa quidem, sed tamè aptè, & quod satis sit, declaretur. Quod si fortè liber Venerijs esset imprimendus, de quo scripsit ad me Paulus ne scio quid, cuperem magnoperè: idq; te etiam atq; etiā rogatum vellem, dares omnem operam, ut ne ante hanc secundā Lugdunensem impressionem id fieret: quod exiret in manus hominum liber correctior et purior. Hanc rem tibi ita commendo, ut veriore animi studio cōmendare eam non possim. Nam & hoc plus erit in Lugdunensi libro, & nonnulla quoque alia, quæ (ut sit) à me vel mutata vel interposita sunt. De initijs bonarū voluntatum, & de eiusmodi genere toto, secutus equidem sum Græcos autores libentius. Præsertim cum Augustinus non satis se explicare mihi videatur. Verum & Latini veteres eandem quam Græci sententiam tenuerunt. Nec putavi hoc fraudi religioni nostræ fore, si aliquid in nostra voluntate nobis reliquerim. Neq; item nunc puto, tantis et tã magnis autoribus munitus, dum illud modò ne sentiam, à quo animus abhorret, aliquid

nos operibus nostris promereri, quod à diuina gratia profectum non sit. Et hætenus quidem Catholica ecclesia nobis præscripsit, quantum ego scire possum, ne meritum vllum ex nobis tanquam ex nobis constitua-  
mus. De cætero Pelagianum esse non puto, si in initijs aliquid retineamus, quod sit nostrum. Sed tamen quoniam in his non humanam laudē quarimus, sed nostrā & aliorum salutem, cedendum semper est maiorū auctoritati: idq; ratum habendum, quod doctissimus vir dixerit, hoc est, Gaspar Contarenus. Nam reliqua quidē obiecta hominis illius, facillimā habent responsionem. Non enim me attingunt: neq; ego in meo libro aliud dico, quàm quod ipse differit esse dicendum. Vnum graue erratum nuper cōmentarios meos relegens ipse deprehendi, quod nescio quo pacto mihi exciderit: est enim prorsus à mea mente alienum. De quo & Lugdunum statim dedi literas vt corrigeretur. Et ad Paulum scribo, tecum vt cōmunicet, quando tu tanta benignitate, tantoq; studio eam de me curā suscipis, vt si frater tuus essem, maiorem suscipere non posses. Cui tuæ humanissimæ & naturæ & voluntati vtinam aliquando referam gratiam. Conabor quidem certè: nec tu me vnquā ingratum aut immemorem iudicabis. Vale amplissime & doctissime Contarene, nosq; semper dilige tui obseruantissimos. VI. Calend. Decembris, M. D. XXXV. Carpentoracti.

IAC. SADOL. EPISC. CARP.

Gaspar. Contareno S.R.E. Cardinali

S. P. D.

**L**ongum iam interuallum est, ex quo accepi tuas huius  
 manifestissimas literas, quas tu ad quartum Caledas Ianuarij dedisti: quae mihi in omni genere mirabiliter satisfecerunt. Nulla enim est res in illis praetermissa, quae vel ad sapientissimum hominem, vel ad amicum officiosissimum, vel ad grauem et sanctum autore Christianae pietatis pertineat. Certè nunquā tuae litterae ad me perueniunt, quin deferant secum effigiem eius viri, quem ego talem esse posse vix vnquā credidi: his praesertim moribus, & his temporibus. Itaq; incredibili sum amore incensus, & nouo quodam inflammatus studio, tui colendi, amplectendi, in oculis ferendi. In quo habeo propositum mihi exemplar eius vitae virtutisq; imitandae, quae maximè beata vita contineri mihi videtur. Sed cū tu initio tuarum literarum tantum labores in excusanda tarditate responsionis tuae, quam ad meas superiores literas distuleras, quae in re quidē peccati nihil fuit: quid mihi nunc reo veri criminis agendum est? Faciam breue opinor, & ad tuā facilitatem clementiāq; confugiam: teq; orabo & deprecabor, vt mihi lapsō in hunc errorē veniā des. ~~Nec tamē velim existimes me aut negligentia, aut obliuione tui, aut quod officij immemor sum factus, duobus iam mensibus rescribere ad te distulisse.~~ Nihil horum est. Sed cum scripsisset Paulus ad me, quadam te secum de me locutum, quae vehementer ad me pertinerent, eaq; ipse nonnihil in literis significasset, vberius autem coram se cōmunicaturum diceret: expectare illius aduētum antè volui, quàm ad te scribere: ne si nihil ad te rescripsissem de illis rebus,

aut

aut tacere ingratè, aut dissimulare callidè viderer. Omnia autem quæ opus essent, scribere planè tunc nō possem. Eò factum est, vt ad hunc diem vsq; fuerim retardatus. Quæ vtrum idonea sit excusatio, necne sit, ego ignoro: vera quidem certè abs te accipienda, si tuæ singulari humanitati, eximiaq; æquitati constare voles. Quid te facturum esse non dubito. Nunc eis partibus Epistolæ tuæ omisissis, quibus tu humanissimè simul & modestissimè meum de te iudiciū imminuis atq; eleuas: tuum de me amplificas, atq; auges: cū iam decretum & iudicatum inter nos sit, quodd ego abs te diligar, totum id esse humanitatis tuæ: quodd verò ipse te colam atq; admirer, tuis præstantissimis virtutibus omne deberi: veniamus ad ea quæ rem ipsam continent. In quibus illud primum de commentarijs meis: qui quodd missi aliquanto antè Lugdunū erāt, quā inter me et hominē illum res conuenisset, iccirco non fuerunt correctæ omnia loca, quæ ab eo adducta in controuersiam sunt. Sed quod tu me admonuisti, de eo missa est ad Gryphiū additio. Et erant alia nonnulla, quæ ego sponte mutauerā. Neq; tamē video in his ipsis quæ notata sunt, quid iure reprehensum esse videatur: cū verborum meorum sensus, id quodd patet Latinè intelligēti, in plerisq; locis fugerit reprehensorem. Quod à me tibi duntaxat vni indicatum volo. Locum illum Esaia correxi libello misso ad Gryphium, cū iam liber ad exitum fermè adductus esset: cætera ferè eodem modo se habēt. Et quoniam nunc de hoc genere rerū inter nos sermo est: cum scripsissem ad Paulū, me quadam in re leuiter à te dissi-

dere, idq; mihi dixerit, cupere te scire, vbi, & qua de re sit dissentio: primum tibi prædico, me in illa de Libero arbitrio sententia non omnino assentiri Augustino: quilibet atq; nostra volutatis perspicuè auferi: dumq; Dei Gloriā maximè complecti vult, videtur mihi illi derogare aliquid potius, quàm quod debeat, tribuere. Hæc si essemus vnà, librosq; in manus haberemus, faciliè me tibi probaturum considerem. Sunt enim in eo ipso, de quo loquimur, doctissimo nimirū sanctissimoq; doctore, prorsus manifesta, quæ in illam extremam & remotissimam sententiā se contulit, odio hæreticorum & contentione disputandi (vt ego quidem arbitror) magis, quàm considerata, et quieta ratiocinatione adductus. Nec tamen si non consentio cum Augustino, ideo ab ecclesia Catholica dissentio: quæ tribus tantū Pelagij capitulis improbat, cætera libera ingenijs & disputationibus reliquit. De quibus ego meā sententiā in Commentarijs protuli, nihil mihi arrogās: (absit enim hoc à me) sed tantū ingenuè quid sentirem, exponens. Quod verò tu affers, mouerit te verbis illis, quæ apud Paulum sunt, quæ ille ait, Deum vt nota faceret diuitias gloriæ suæ in vasi misericordiæ, quæ preparauerat in gloriā, & quæ sequuntur: hæc ego verba quæadmodum interpreter atq; explanem, ne longum sit epistola complecti, ad meam expositionem horum ipsorum verborum in cōmentarijs meis te reijcio. Quæ q; abs te leguntur, gratum quidem mihi est, sed tuis grauissimis studijs atq; occupationibus parum arbitror accommodatu: cum præferim fontes à riuis non mutuetur:

tur: legereq; te nostra magis mihi honorificum sit, quã tibi utile. Sed tu vt voles. Ego quidem hoc labore & onere, quod propter tuam admirabilem humanitatem mea causa suscipis, prorsus te libero. Fratrem tuum mortuum, non noueram: sed quia tuus erat frater, cum præclare de eius virtute ac natura sentio, tum illum nobis ereptum esse doleo, quem ego amo medijsfidius etiam vita functum, Deumq; immortalem deprecor, vt illi ipse propitius & liberalis sua cœlestis gratiæ sit. Tuam quidem animi firmitatem, sapientiam, religionem, & miror, et meritis laudibus in cœlum fero, qui tam mansuetè & patienter decreta Dei accipias. Verùm de his satis: respossum enim ferme est ad omne argumentum tuarum literarum. Nunc veniamus ad ea quæ pertinet ad me: pluribus mihi verbis exposita à Paulo, accurateq; narrata. In quibus illud non nouum, quod tua insignis erga me beneuolentia omnibus locis se ostendit: cui aliquando vtinam referam meritam gratiã: Hoc nouum, quod tu de honore meo atq; ornamentis cogitans, id agis ac moliris, quo nil meis rationibus inueniri potest inimicitius. Ego enim vitam beatam in libertate animi, & in tranquillitate, eisq; agendis et suscipiendis rebus, quæ à libera nostra voluntate dependeant, positam esse duco. Cuius etiam generis facultatem quãdam nactus, exerceo me in illa, quoad quidem possum quantulūq; mihi tenuitas mea, Dei adiuta ope, suppetat & elargitur. Quæ ab hoc genere vite disidēt alienaq; sunt, tanq̃ aduersaria mihi et molesta multū, abijcio atque repudio: neq; vllum eorum appetitū atq;



*sensum ad animū meum introire sino. Quod acriore etiam iudicio facere mihi videor, q̃ utriusq; vita vim conditionemq; expertus, statuere facile possum, quantum hac illi in omni ratioe beatitudinis antecellat. At interest Reipub. (cognoui enim ex eodem Paulo rationes omneis & disputationes tuas, plenissimas nēpe & pietatis & doctrinae) O doctissime, & optime Contare: vtinā te ista spes nunquā deceptura sit. Tu eximia adhuc quadam bonitate veraq; prudentia & integritate ad hoc sperandum adducis: cū quod optimum factu esse intelligis, & illis ipsis salutare, quorum causa es sollicitus, id iam factum iri confidis, & existimas. Quod secus longē est, atq; vtinam ne esset. An tu arbitrare, si esset spes aliq̃d praeclare salutariterq; agendi, quin ego memetipsum essem expositurus atq; oblaturus, non dico ad honores, (improbi enim illud hominis est & non Deo, sed sibi fauentis & inservientis) sed in mortem atque crucem, vt caput Apostolorū dixit: cū quicquid meo incommodo et damno Reipubl. paretur, ego maximum meum lucrum existimaturus esē? Sed (crede mihi) temporum horum vitia, & corrupta studia, istam probitatem sapientiamq; non recipiunt. Caput (vt spero) egregiē probum habemus: hoc est Pontificem ipsum, cogitantem & cupientem ea quae se digna sunt. Sed non plus ille potest, quā temporum peruersitas. Aegrotat enim corpus Reipub. & eo morbi genere aegrotat, quod praesentem medicinam respuit; magisq; esset longo circuitu ad partem aliquam sanitatis reuocandum: sicut ipsum paulatim curriculo tempo-*



rum in hanc tabem delapsum est. Multis (inquam) vigilijs, plurimis remedijs, dissimulatisq; sapenumero cōsilijs, salus esset & dignitas Christiana Reipub. restituenda. Ac quo tuo modo res quidem successura sit, si conuentus is agetur, de quo expectatio est: adero vnā vobiscum, nec deseram partes meas, quātula illa cunq; sunt, meumq; officium pium et debitum, tum Deo atq; Reipub. tum isti Sācta sedi Apostolica praeſtabo: teq; & videbo, & complectar ita libenter, vt nullam maiorem latitiā animo meo sim percepturus. Interea onus hoc feram, quod ab Deo mihi iniunctum atque impositum est, si non aptè, & robustè, vt integrum & fortem decet, at certè non contumaciter. In quo pro mea parte sanè inſeruiam Reipub. cūm meum pensum curabo. Aliquantumq; hīc tamen proficiam: qui si islic essem, nec proficere quicquam possem, & proprium meū munus curationemq; relinquerem. Quamobrem si me amabis (quod profectō facies) cōsules huic ocio & tranquillitati meae. Quae si mihi salua permanebit, vberius erga te potero esse gratus, quā si in illos fluctus, & turbidas rerum agitationes me cōijcerem. Itaque rogo te atq; obsecro, per fidem amicitiae nostrae, quam sanctè inter nos constitutam, ad extremum diem vsq; inuiolata perducturi sumus, vt suscipias otij & libertatis meae patrociniū: atque ab ea mente, de me quam suscepisti, desistas: meumq; hūc statum, qui mihi maximè cordi est, & quo vitam ipsam non habeo chariorem, saluum mihi praestes, atq; incolumem: de quo plurimum ſpei in tua autoritate, & prudentia, & amore aduer-

sum me, repositurum habeo. Ego de hac re ad summū Pontificem scribens, ingenuè illi quidem animū meum expono. Sed vt tu subsequare literarum mearum sententiam tuis amantissimis verbis atq; cōsilijs, (sic enim te facturum Pontifici pollicitus sum) peto à te magno pere etiam atque etiam. Paulus tuus iam magis quàm meus, nōnulla ad te meis verbis perscribit, ad rationes horum temporum spectantia: quorum vel supprimendorum, vel proferendorum tua erit potestas. Vale. III. Idus Martij, M. D. XXXVI. Carpentoracti.

IAC. SADO LETVS EPISC. CARP.

Nic. Archiepisc. Capuæ S. R. E.

Card. S. P. D.

**L**itera tuæ per breues, sed amoris humanitatisq; plenissima, hoc mihi etiam fuerunt iucundiores, quòd manu tua scripta, illud ipsum testimoniū de quo scribis nostræ perpetuæ & constantis amicitie, grauius multò faciebāt. Et si illud in eis nimis liberaliter: quòd mihi ea honorum cognomina attribuis, quæ ego vobis summatibus libenter facileq; concedo. Nam mihi sanè paruitas mea est voluptati, quæ in tranquillitate animi, otioq; literario posita latatur. Florere autem amplis titulis, & honorum ea insignia obtinere, quæ cum magnis curis & negotijs coniuncta sint, magis in te, cæterisq; amicis meis, quàm in memetipso gratum mihi est. Vestro enim patrocinio, vestro labore & opera, nos viuimus pacatiores. Quanqua nullus quidem mihi amicus est te antiquior, ac ne beneuolētior quidem. Ita enim & ad me scripsit, quo id in vrbe mansit, Paulus:

lus: & reuersus ad nos illud idem vehementius confir-  
mauit, nullum sibi à te studium, nullum indicium amoris,  
quod quidem optari potuerit aut debuerit, defuisse: cū  
& in deferenda ope tua, insignem in se beneuolentiā et  
in communicandis maximis rebus, summā fidem: & in  
omni sermone vsuq; familiari, egregiam tuam comita-  
tem se expertū esse, plurimumq; adamasse testificetur:

Qua mihi omnia iucunda auditu, ipsa re pergrata, nō  
quidem præter spem, sed tamen supra spem mihi tribu-  
ta sunt: vt tantū tibi pro illis gratiæ debeam, quantum  
nostra amicitia patitur. Ea porrò vult, vt animo ma-  
gis quā verbis gratā memoriā officiorum cōprehen-  
damus: quod tibi quidem à me, & amplitudini tuæ nū-  
quam deerit. Tu quando mihi omne tuum studium &  
autoritatem & operam amantissimis verbis polliceris  
atq; defers, summo me omnium beneficio afficies, si amo-  
rem istum tuum erga me conseruaueris. Vale. III. Id.  
Martij, M. D. XXXVI. Carpentoraçti.

IAC. SADOL. EPISC. CARPENT.

MARIO MAFFAEO VOLATER-  
rano, Episcopo Cauallicensi.

S. P. D.

**P**Aulus ad nos reuersus, tāta se abs te comitate, actā  
lautē & liberaliter acceptum esse narrat: cosq; se  
lepōres in te perspexisse ingenij, vrbانيتatis, elegan-  
tiæ, vt difficillimum omnium rerum sibi fuisse affirmet,  
istinc se auellere, & ad nos proficisci, cū inexplica-  
bili penē glutino admirabilis cuiusdā suauitatis tenere-  
tur. Quod ego Mari vsu illi venisse nō miror: cū enim

hoc propriè tuum, & semper fuit, vt Syrenarū modo, non Mutianarum illarum, quibus Sauoia noster illudebat (recordaris enim profectò & hominum illorum & temporum) sed earum, quarū ex ore Homerus melitissimas narrationes rerum gestarum manare dicit, homines captos tibi vinctosq; detineas. Nam si ego cū Romæ ambo essemus, semper te appetebam, assidueq; tecum esse cupiebam, cū repellerer à te, & absterre- rer, omnibusq; modis congressus meos deuittares, quòd natiuam illam tuam suauitatem sumpta ad tempus vo- cis, vultusq; asperitas obscurare non poterat: quid nūc debuit euenire Paulo, cui tu non solū omneis venusta- tes tuas, quæ & plurimæ sunt, & amabilissimæ: sed a- nimum, domum, penum omnem patefecisti? Et si est in eo quiddam quod me mordet. Quo enim fato mihi in- fortunato contigit, vt te ita facili & hospitali non sim- vsus? cū nemo vnquam fuerit alienis cœnis tantope- re addictus, vt ego eram tuis: quarū vnū illud condimē- tum erat potissimum, quòd te frui ipso, ac vesci tū ma- ximè licebat. Itaque putās ne me tantam iacturā lepō- rum, omnisq; amœnitatis, æquo etiam nunc animo per- ferre posse, quibus tuarum fui paucitate cœnarum pri- uatus? Sed acta ne agamus. Quidd tantam humanitatē in Paulum ostenderis, valde mihi gratum: qui quidem tuus iam est magis, quàm meus: semperq; in ore nomen tuum habet: neq; loquendo, neq; prædicando de te, sa- tiari vnquam videtur. Ab eo etiam accepi tuas literas, amanter quidem scriptas, sed nimis festinanter. Video enim tibi propositum fuisse, vt citò te exolueres. Vt ut  
est,

est, gratia tamen est habēda, quòd abs te dignatus sim sonantibus illis vocabulis, in quibus me vsq<sub>3</sub> eò reuereris, vt magnus esse homo mihi videar: sed tātisper dum tuas lego. Nam vt à lectione earum digressus sum, statim irrideo ipse memet: nec tantam in me potentiā auctoritatemq<sub>3</sub> reperio, vt tu tam grauiter reuereri debeas. Sed omisso ioco. Ego mihi abs te familiarissimè scribivolo, atq<sub>3</sub> ita, vt nostra vetus coniunctio plena iucundissimæ libertatis etiam nunc, quoad potest, in literis redoleat. Phadri inscriptionem, quem modò ad te misi, gratam tibi esse gaudeo vehementer. Gratiarum actionem respuo, meum enim fuit relinquere aliquod monumentum amicitiae nostræ, mei q<sub>3</sub> summi & perpetui erga te amoris: idq<sub>3</sub> nisi fecissem, magis agrestis, quàm cum id feci, officiosus debeo existimari. Sed tu agis mecum liberaliter, cum de ijs gratias agis, quæ à me pratermitti saluo officio non possunt. Illud magis expecto à te, vt quando ego tātum tuo iudicio tribuo, quantum certè paucissimorum, ita legas librum, atq<sub>3</sub> expēdās, vt quoad eius fieri poterit, nihil obtrectatione dignum in eo relinquatur. Quod tuo imprimis acumine, et earum rerum præstanti scientia de quibus in libro agitur, me assequi posse confido. Quòd mihi extremis tuis literis gratularis, quòd dignum & benemeritum successorem mihi delegerim, id etsi ego feci bono (vt videbar) consilio adductus: tamen actiones meas tibi probari mirabiliter lator. Etenim tunc maximè nostris operib. delectamur, cū ea ab optimo quoq<sub>3</sub> laudari intelligimus. Vtinam Deus nostra cōsilia fortunet. Nos certè id spē-

ctauimus, vt in ipso amore nostro & iudicio, maiores  
tamen virtutis partes, quā cōsanguinitatis existerent.  
Sed hac hactenus. Ego et sat rectè, vt nūc est, me habeo:  
et tibi semp rectissimè esse cupio: petoq; à te vt tibi cer-  
tò persuadeas, te à me constanter et singulariter diligi.  
Vale. IIII. Calend. Aprilis, M. D. XXXVI. Carpent.

IAC. S ADOL. EPISC. CARP. LAV-  
rent. Granæ Signiæ, & Mario Aligero, Rhea-  
tis Episcopis, S. P. D.

**C**Um digressus à vobis. Romā versus iter facerem:  
eoq; itinere assiduè ob animum vestra mihi virtus  
atque humanitas esset versata: simul vt urbem attigi,  
paululumq; otij mihi datum est, nihil habui antiquius,  
quā ad vos scribere, & facere vos de mea omni vo-  
luntate certiores. Verè enim dicam, cū venissem Bo-  
noxiam, ac multa antea ipse de beneuolentia in me ve-  
stra essem mihi pollicitus: re tamen ipsa expertus sum,  
superatam etiam opinionem meam vestrīs officijs: ni-  
hilq; esse à vobis pratermissum, quod vel hospiti & pe-  
regrinanti officiosus homo, vel amicissimus amicissimè  
præstare posset. Itaque illo primo occurso congressuq;  
vestro, omnis ea mœslitia quæ animum meum obsede-  
rat, probè depulsa est. Cū enim subinuitus, & con-  
tra animi sententiam iter illud suscepissem, pietatem  
atque officium in eo, non vllum meum cōmodum secu-  
tus, etsi constanter id faciebam, quod recti consilij ne-  
quaquam me pœnitebat: tamen insidebat in animo qui-  
dam dolor, quod studijs meis, atque ea trāquillitate vi-  
tæ, quā ego maximè expeto amiq; vacare me aliquan-



diu necesse esse intelligebam. Incidi igitur in eos, qui et primi, & præcipuè illa me cura leuare potuerunt. In vestris enim vultibus, vestrisq; sermonibus plenissimis officij, suauitatis, beneuolentia, tunc primum conqueui: vidiq; & perspexi, quod fidelis amicitia est proprium, mei nominis charitatem nequaquam apud vos ex diuturna absentia mea imminutâ fuisse. Quo quid mihi potuit accidere optatius? Etsi enim alter vestrū vetusta mihi familiaritate, alter recente est copulatus: tamen eandem prope vim habet natura bonitas in noua amicitia conglutinanda, quam fides in vetere conseruanda. Ferme enim ad summum celeriter peruenit, quod firmis & ualidis radicibus est nixum. Quo in genere virtus magnas partes obtinet. Quæ cum excellat in ambobus vobis, in me autem ipso non tam expressa illa quidem, quàm quibus sã quasi lineamētis sit inchoata: quid mirū si et tu, optime ac doctissime Grana, perpetuū me constanterq; dilexisti: & tu Mari suauissime vixdum de facie cognitū, amare tamen cœpisti? Quāquam huius quidem amoris erga me, omnisq; officij quod mihi tribuistis, causa in vestra singulari humanitate posita est. De qua habeo vobis magnam gratiam: neq; recusō, nisi pari vobis beneuolentia respondero, quin me ex hominum non esse numero iudicetis. Respondebo enim certè, neq; patiar me vllō in amicitia efficiō à quoquam vinci: cum id præsertim non tam in rebus atq; factis, quæ plerunq; fortuna & occasionis sunt, q̃ in fideli & beneuola voluntate sit positum. Quæ nunquam vobis à me deerit, neq; vllā vnquam efficiet dies,



vt talium et virorum & amicorum memoria apud animum meum obsolescat. Atq; huius promissi animiq; mei quo beneuolentiam meam vobis dedo dicoq; has literas volui esse testes: vt intelligeretis, quae studia in me contulistis, ea longè mihi gratissima accidisse. Reliquū est, vt vos rogem, (id quod minimè videmini esse rogandi, sed tamen id more & consuetudine faciundū est) vt pristinum erga me amorem conseruetis, plurimamq; meis verbis Sfortia nostro legato amplissimo nuntietis salutem: gratiasq; illi agatis, quod ab eo et humanissime acceptus, & hospitalibus illius donis, quibus me opiparè muneratus est, edoctus planè sum, meū illi aduentum & gratum & iucundum extitisse. Valete.  
V I. Nouemb. M. D. XXXVI. Ex Vrbe.

# IAC. SADOLETVS EPISC. CARP.

Mario Massaeo Volaterrano. Episcopo

Cauallicensi, S. P. D.

**C**Redo iam ad te esse perlatum, me accitum à Pontifice maximo, statuisse suscipere hoc iter: accedereq; ad eam Urbem, in quam à me olim certo consilio relictam, nulla alia ratio, prater eam quae nobis proposita est, si forte videlicet succurri per nos possit periculis communibus, me valuisset retrahere. Quamquā ad hoc quidem tanti ponderis negotium, mea & auctoritas tenuis, et ingenij facultas admodū exigua est. Sed sit hoc illius fortasse error, qui hoc de me iudicium fecit: mihi quidem optima adest voluntas, cetera ab alijs meliora querendi sunt. Nec tamen hoc mihi fuit propositū, vt de hisce rebus ad te scriberem. Illud meae propri-

primum argumētum est epistola, ut cum ego sine te, neque urbem hanc, neque eā quam viuo vitā, aut vitam esse, aut urbem existimem: quod omnis mea suauitas, omne persugium curarū molestiarumq; mearū, omnis deniq; animi mei letitia in tuo mihi optatissimo complexu cōspectuq; prorsus reposita est: te quidem orem atque obsecrem, uti facias mihi tui presentis copiam. Etsi quid eius amoris adhuc residet in te, quē erga me saepe ostendisti, ne graueris capere breuiusculum hoc iter, quod ego longissimum sum emensus, quantis meis incommodis & detrimentis non dico: illud tantum dico, in quo satis incommodi est, aduersus certē omnem animi mei sententiam: sed & officio seruiendum, & religioni fuit. Illud tibi confirmo, me toto hoc itinere incredibiliq; illa quam capiebam itineris molestia, te mihi vnum propositum semper habuisse, in cuius beneuolentia & suauitate, omnem essem angorem & solitudinem animi depositurus. Itaq; quoties reuocare me à tristioribus curis ad aliquam animi hilaritatem & letitiam instituebā, ad te ipsum protinus cogitatione reuertebar: meusq; erat vnus in mente mihi & in sermone Marius. Ille consolator mœlitiæ meæ, ille animi cōfirmator: in hoc deniq; dulcissimo et mihi carissimo nomine acquiescebam. Postea verò quā veni ad urbem, neq; te hīc offendi: quid dicam Mari? pudet me proferre, quā perculsus animo & destitutus fuerim: ut mihi sordere & iacere omnia viderentur, cum tu deesses vnus: qui tamen mihi es pro omnibus. Et si ceterorum quidem officia amicorū mihi non desunt: sed illa mihi  
sic

sic grata & iucunda futura sunt, si sale cōdita fuerint  
 venustatis tuæ. Itaq; in maximo desiderio tui videndi  
 & complectendi sum: neq; aliam spem vllam habeo re-  
 liquam huius non longi temporis, quo Roma sum man-  
 surus, cum aliqua leuatione molestiæ traducendi, nisi  
 tu dederis hoc vel amicitia nostra, vel humanitati tuæ,  
 vt nos tibi visendos esse statuas, conferasq; te aliquan-  
 tiſſer in hanc urbem: quæ priuata conspectu tuo, cate-  
 ris quæ te diligunt, ornamento suo spoliata, mihi vni de-  
 ferta & penitus derelicta visa est. Nam si in itinere,  
 inanis illi de te cogitatio tantum potuit, vt meos om-  
 neis labores faceret leuiore: qd faciet viua vox, quid  
 vultus, quid ista significatio amoris, si tu mea causa ad-  
 ductus huc te retuleris? Credas mihi velim, non possum  
 tantum exprimere, quantum mihi in animo est, vel stu-  
 dij, vel beneuolentiæ, vel ardoris, vt te tuaq; & sperata  
 & expetita consuetudine aliquandiu perſuar. Quod  
 quidem minimè longum futurum sit: statutū enim mi-  
 bi est, secundum Martium mensem urbanas res relin-  
 quere, & vel proficisci Mantuam, si agetur conuentus  
 is qui indictus est: vel in Galliam reuerti, vbi iucūdam  
 habeo & studiorum meorū, & omnis mei otij ac tran-  
 quilitatis domicilium. Quæ res cum ita sese habeat,  
 & hac occasione amiſſa, deinde facultas nulla futura  
 sit, quæ sustinet animos vtriusq; nostrum spe iterū con-  
 grediendi inter nos & amplectendi: quo me dolore af-  
 fectum iri putas, si hac me expectatio, ac spes, quam  
 nunc penè in manibus habeo, fruendi tui, fuerit frustra-  
 ta? qui te vnum omnium plurimū et dilexi semper, et  
 dili-

diligo: tecumq; cum sum, quod creberrimè sum expertus, nulla omnino molestia, neq; grauiore sollicitudine soleo opprimi. Quamobrem Mari optime atque humanissime, erit nō humanitatis solū tua, sed etiam eius virtutis & integritatis, quam in colenda amicitia semper adhibuisti, dare hoc nostris precibus, vt te hīc presentem quā primum habeamus: facilitateq; tua efficere, vt quāuis mea animi incitatio longiorē oratione desideret, tua tamē natura p̄pensa ad morigerandū, breuiore cōtenta fuisse videatur. In quo et tui ipso similis eris, et vrbani omnib. facies gratū: me quidem ipsū incredibili quadā letitia et summo beneficio affeceris. Vale. V. Nonas Nouēb. M. D. XXXVI. Ex Vrbe.

IAC. SADOLETVS EPISC. CARP.

Anton. Suriano Patricio Veneto,

S. P. D.

**C**um venissem ad Urbem, à Pōtifice Maximo (quod te non ignorare arbitror) accersitus: atque ibidem de tua erga me beneuola voluntate complurium et grauium mihiq; amicissimorum hominum testimonijs cognouissem: faciendum mihi putauī, id quod mea & naturæ & instituti est, vt scriberem ad te, ageremq; tibi pro tua praestanti humanitate gratias. Verē enim tibi confirmo, cum multa eueniant in vita, quae hominibus grata accidere solent, nihil tamen mihi contingere potuisse optatius, quā à te tali viro, omnib. & virtutis ornamentis, & fortuna ac nobilitatis praedito, mei absentis famam innocentiamq; defensam esse, cum essent iniustus criminib. appetitus. Qui d enim à me alienius, quā

quàm velle defletere ab eis maiorum nostrorū sententijs, in quibus constanter & firmè retinendis salus & beata nostra vita consistit? Sed siue ille fuit quorundā error, siue religionis, vt videbatur, defendendæ studiū: (non enim adducor, vt malevolentiam fuisse credam) tu mihi ea officia præsististi, quæ vel frater fratri, vel filio præstare indulgens pater solet. Nā & testimonijs tuis meam integritatem commendauisti, & illas falsas quorundam de me suspiciones agerrimè ferre præ te tulisti. Quæ si aliquo meo erga te merito tributa mihi abs te essent, permagni tamen essent æstimanda. Cùm verò tu nullis meis prouocatus officijs, ita tamen partem meam tutandas susceperis, vt si frater tuus fuisset: quo me studio gratiæ, quòue obligationis vinculo tibi esse obstrictum putas? Equidem gaudeo te eum virum esse, cui optimo iure omnis honos debeat, etiam si nulla fortè deberetur gratia. Quid enim ingenio & doctrina tua, quid prudentiæ & virtutis laude illustrius? Cùm verò ad hæc tot tamq̃, eximia in te ornāmēta, illud etiam accedat, vt maximo tuo beneficio tibi deuietus sim: crede mihi Antoni Suriane optime atq; ornatiissime, inter eos qui te amant et colunt, quorū, cū tu talis, tamq̃, benefica & liberali natura præditus sis, magnam profectò necesse est esse copiam: me ita primas appetiturum esse partes, vt nihil sis vnquā in me ipso quod in constanti & fideli amicitia requiratur desideraturus. Itaque & quantum virtuti debetur honoris, id tibi à me nunquam deerit. Et quantum beneficio gratiæ totum tibi à me ita paratum est, vt omnia mea  
offi-

officia & studia in te potissimum semper sim collaturus. Quod si aliqua mihi oblata fuerit occasio, qua me tibi gratum et memorem probare possim, agam id ipse per me: sin à te fuero admonitus, efficiam ut intelligas, neminem te habere, cui aut fidentius imperare qua velis, aut de quo plura tibi & maiora polliceri queas.

Quæ quidem non ad opibus fortuna, quæ tenues mihi sunt, sed ab amore & fide constantis amicitiae possint proficisci. Interea iucundam nominis tui memoriam summa cum fide beneuolentiaq; cōseruabo. Vale. IIII Non. Nouembris. M.D.XXXVI. Roma.

IAC. SADOLETVS EPISC. CARP.

Antonio Pulleoni Siculo S. P. D.

**I**ucundissimas accepi tuas literas XV III. Calendas Octobris datas: quibus perspexi curam & sollicitudinem animi tui, quā de salute mea suscepisses, cum audi- uisses (ut scribis) totum fermè id bellum, quod in Gal- lia prouincia gestum est, ad nos esse translatum. Quod aut adiungis in eisdem literis, gaudere te, quod à sum- mo pontifice accersitus, honestissima ratione ex illis pe- riculis essem emersurus: equidem recognosco amorem tuum pristinum erga me, teq; in ea sententia esse planè mihi persuadeo. Sed profecto mi Pulleo alio ego modo metior pastoris & episcopis officia, ac tu fortasse pu- tas esse metienda. Non enim illi terrores aut pericula terrere me debuerunt, ut discedere illinc cuperem: sed magis gregis mei timor ac perturbatio, in eius me cu- stodia retinere, ut in vigilando et gubernando tali eius tēpore eſſe attentior. Quod & feci: omnemq; rationē



& periculi, et salutis mea cum vicib. meis communica-  
 ui: nec ab illis cepi separatim vllum consiliū, quod mihi  
 vni presidio esse posset. Itaq; cum in medio ipso tumultu  
 belli ac periculo literæ Pontificis ad me essent allatæ,  
 quæ me huc accirent: eo animo fui, vt nisi prius Ciuēs  
 meos extra omne discrimen positos viderē, non fuērīm  
 venturus. Sed dei immortalis benignitate ac clemētia  
 haud ita multò post pacatis reb. paceq; illis regionibus  
 reddita, nō duxi tergiuersandum, quin me conferre ad  
 hanc urbem. Inuitus quidem & gemens, quodd nil mihi  
 magis contra animi sententiā potuit accidere, quā cogi  
 relinquere studia & literulas meas in pace, in quib. an-  
 tea bello fuisset interpellatus. Verū tamen ea causa af-  
 ferebatur accersendi mei, atque is mihi proponebatur  
 optimarum consiliorum siuctus, vt me impium aduer-  
 sus Deū iudicaturus fuērīm, si non paruissēm eius man-  
 datis, qui me ad præclarissimas actiones vocandum cē-  
 suisset. Itaq; hoc animo ē meis locis sedibusq; egressus;  
 Rome nunc sum: expectoq; quā mox aliquid agatur,  
 non modò dignū Optimi Pontif. virtute ac prudentia,  
 sed etiam leuandis horum temporum calamitatib. ne-  
 cessarium. Eo enim statu (quod te non latet) Christia-  
 na est resp. vt nisi aliquid noui remediū adhibeatur, om-  
 nia omnino ruitura sint. Sed hoc Deus viderit. cuius e-  
 go numini & voluntati totū me dedo permittoq;. De  
 me autem ipso, meoq; animo erga te, sic existimare de-  
 bes Pulleo (quod tamen te facere tua indicant literæ)  
 nihil te mihi esse in amore amicitiaq; coniūctius. Nam  
 & iudiciū quod semper de te feci, cum de tua integri-  
 tate,



tate, virtute, prudētia, honorificētissimè iudicaui, permanet idē apud me: & in suscepta erga te beneuolētia cōstantissimè maneo: partim spōte, & consuetudine natura mea: partim verò maximā tuo in me perpetuo atque insigni amore puocatus. Cognoui enim te in omni tēpore mihi esse amicissimū. Itaq; q̄ me putas cupere, vt tu nobiscum vnà hic adesses? atq; his interesses negotijs (si modò vllum tractabitur negotium) cū intelligam tuam prāstantē prudentiam magno Reipubl. posse esse adiumento? Quod si mea pondus haberet auctoritas, contenderem & eniterer, vt tu vocarere, tuaq; nobiscum consilia conferres. Nunc optare id licet, sperare haud ita licet. Quanquam te honore & administratione honestissimi muneris à summo Pontifice ornatum esse tua causa vehementer gaudeo, tibiq; eam rem laudi atque emolumento esse opto. Sanciū tuus agrotabat cū ego ad Urbem veni, neque adhuc morbo satis leuatus est: itaque eum nec videre potui, nec alloqui.

Quod sanè mihi fuit incommodum: hominis enim & probi, & experientis, opera atque opportunitate carendum fuit: quem ego mediūsfidius & tua & ipsius causa nō mediocriter diligo. Paulus nobiscum est vnà, magnopereq; me in rebus omnib. adiuuat, particepsq; est curarum consiliorumq; meorum. Is tibi prāstat beneuolentiam quam debet, nec mētionem tui ferè intermittere sinit. Nos ambo te singulariter amamus, saluūq; & florentem esse cupimus: petimusq; à te more tamen magis, quā q̄ neceſse sit, vt solitam tuam erga nos beneuolentiā tuare, atq; conserues. Vale. Idib. Nouem-

bris, M. D. XXXVI. Ex Vrbe.

IAC. SADO LETVS EPISC. CARP.

Benedicto Accolto Cardinali, S. P. D.

**N**on potuit amantius neq<sup>3</sup> liberalius scribi, quam scriptum est à te in eis literis, quas IIII. Non. Nouembris, ad me dedisti. Planè enim referta illa fuerunt humanitatis, suauitatis, beneuolentiæ: & (quod in eiusmodi re mihi prope admirabile visum est) singularis etiam prudentiæ. Video enim te, cum fortiter & inuictè feras casus humanos, in cōmemoratione tamen nostræ necessitudinis, & in amicitia memoria remollescere animo, quod est bonitatis: molesteq<sup>3</sup> ferre, quod me & videre, et alloqui praterirentem non potuisses. Quo mihi quoq<sup>3</sup> ipsi nihil accidere potuit durius. Cum enim redirem ad eam urbem subinuitus, vnde, bonis etiam rebus meis, certo consilio discesseram: vna illa consolatione sustentabar, quod reuisurus eram amicos veteres, & in eorum congressu ac colloquio mœrorem omnem depositurus, quicunq<sup>3</sup> mihi iucundissimum otium relinqueret, & in eosdem, quos prius, fluctus è tutissimo ac tranquillissimo portu me referenti, ad animum obrepisset. Quod etsi mihi aliqua ex parte contigit, (certè enim multorum sum & vultu & animo amicissimo exceptus) te tamen vnum abesse, caput amicorum omnium, molestissimè ferebam. Itaq<sup>3</sup> te tanto intervallo videre amplectiq<sup>3</sup> incredibiliter cupio: quod appetente vere faciundum mihi est. Constitui enim in Vrbe hyemem hanc manere. Qua confecta, aut ad Conuentum publicū profecturus Mantuam sum, si modo vllus is agetur: aut in Galliam

Galliam, meam ad propriam stationem reuersurus. Istac  
utique iter facturus, vt optatissimo conspectu & ser-  
mone tuo ad arbitrium meum persruar. Quamquam non  
diffido summum hunc pontificem, vt est singulari boni-  
tate & clementia, honoris tui, ac dignitatis rationem  
quandoque habiturum. Quod autem scribis ad me, in-  
cundum tibi esse, me in pristina erga te obseruantia vo-  
luntateque permanere. Ego mi amplissime Accolte, si is  
esse volo qui debeo, colam te atque amem summo opere ne-  
cesse est. Cuius enim habeo plura erga me amoris &  
liberalitatis indicia ac monumenta? Quid virtus tua?  
Quid humanitas? Quid illa & crebro & vehementer  
repetita amoris tui erga me significatio? Quid doctri-  
na? Quid litera? per quas suauissimo vinculo commu-  
nium studiorum coniuncti inter nos sumus, parumne  
ista valent ad animum meum tibi obligandum, totumque  
in ditionem et potestatem tuam tradendum? De tua au-  
tem in me beneuolentia hoc velim tibi persuadeas, neque  
me existimare honorificentius quicquam me assequi pos-  
se, quam abs te sic diligi: nec aliquid animo meo accide-  
re posse iucundius. Ludouicus medicus tuus, homo (vt  
mihi visus est) & peritus, & prudens, idemque studio-  
sissimus tui, offendit me in via, cum lectica veherer, quod  
nondum etiam eram ex recente morbo confirmatus.  
Cum eo sermonem habui de te, quem illum ad te pertulisse  
arbitror. Iter item mecum ad Urbem faciebat Molsa,  
summo ingenio & summa eloquentia vir, atque is quo-  
que amantissimus rerum omnium tuarum. Sed est quod  
mihi ignosci à Ludouico perzelim. Egi enim cum eo

parum sanè humaniter: qui cum sermones inter nos cōsereremus, sīstī lectīcam non iusserim. Cuius me mei errati acriter postea pœxituit. Consideranti enim post mihi, nihil visum est agi potuisse magis rusticè. Sed siue torpor quidam mentis atque ingenij ex morbo (vt arbitror) contractus: siue ipsa commemoratio de te, plena letitiæ partim, partim etiam doloris, ita consilium mihi excussit, vt quid tum deceret, nequierim perspicere. Huius meæ culpæ, cuius recordatio etiam nunc mihi molesta est, & abs te, & ab illo veniā peto dari, mihiq; ignosci peto. Reliqua mea officia in te, atq; in omneis tuos fidelissimè semper amantiſsimeq; constabunt. Vale. XII. Calend. Decemb. 1536. Ex Vrbe.

IAC. SADOL. EPISC. CARPENT.

Cosimo Gereo Fani Episc, S. P. D.

**L**Vdonicus Beccadellus familiaris tuus conuenit me, multamq; tuis verbis salutē mihi nunciauit: adiunxitq; in sermone, te molestè ferre, quod cū ego per ista loca ad Urbē proficiſcens iter facerē, tu istic nō affuisses: cupereq; te in meo reditu, si eadem via iter facerē, videre me, & alloqui, hospitioq; excipere, quem iam antè in amorem & in beneuolentiam tuam recepisses. Quæ cuncta mi optime Geri mihi abs te iucūda & grata accidere. Nam cū de te iam pridem in eam opinionem venerim, vt de virtute & humanitate tua mirificè sentiam, multorum honorum testimonijs in hunc sensum adductus: tum verò hæc significatio tuæ erga me voluntatis & meum pristinum de te iudicium confirmat: & facit, vt te etiam mihi magis præcipua quadā bene-

beneuolentia diligendum putem : quem antea cōmuni illo studio, quod virtuti debetur, tantūmodo diligebam. Siquidē nihil est, quod me vehementius impellat ad amādum, quā cū intelligo me amari. Quod quoniā mihi abs te contigit, sic velim tibi persuadeas, neque in fide amicitiae, neq; in beneuolentia studeo, quicquam à viro bono desiderari conuenire, quod tibi à me non prōptum & paratum futurum sit. Meq; & tuam istā voluntatem, quam erga me eximiam ostēdis, maximī facere: & tuis tantum tribuere virtutibus, vt existimem hanc modo inter nos initam amicitiam, mihi non solū voluptati, sed honori etiā permagno fore. Quare ita sentias & constituas volo, me tibi prorsus esse amicissimum. De hospitio quod mentionem facis: crede mihi, si te praesentem istuc offendiissem, perlibenter certē ad te diuertissem. Quid enim mihi tuo aspectu & familiaritate occurrisset dulcius? Neque recusō, si in reuersione mea in Galliam per eadem ista loca transiero, per quā, vt nunc est, transiturum me arbitror: quin ad te rectā me conseram, tecumq; et apud te diem & noctem sim. Sed et pueri familiaresq; tui, te absente eam mihi sedulitatem diligentiāq; praebuerunt, vt facili appareret ex disciplina domestica, qui tu, & quam liberalis hospitum receptor esses. Nullum enim certē officium praetermiserunt, quod tam breui tempore, & peregrino, & hospiti potuerit praestari. In quo declararunt, cū me tam studiosē inuitarent & colerent, quantō pere illud tibi gratum iudicaret fore. Quae cū omnia redeant eodē, vt sint amoris erga me tui indicia atq; signa:

ne viuam, mi Geri, si cōcessurus tibi sum, vt tu plus me diligas, quā ego te diligo. Itaq, & pro collegio & pro amicitia, paria tibi à me studia polliceor ac defero, atque illa sunt, quae tu in me contulisti: & si fieri poterit, etiam ampliora. Sed de his satis. Ego genus tuum vita, consiliumq, in ecclesia tua commorandi, vsque aded probo, vt non desinam id & laudare summè, & admirari. Deumq, immortalem quaeso, ut dignum tua ista virtute animiq, constantia fructum atq, euentum consilio tuo largiatur. Vale III. Cal. Decemb. 1536. Ex Vrbe.

IAC. SADO LETI EPISC.  
CARPENTORACTI EPISTO-  
LARVM LIBER X.

IAC. SADO L. S. R. E. CARDI-  
nalis Herculi II. Duci Ferrariæ, S.P.D.



Quoniam habeo te inter eos quos mihi eximiè semper colendos, obseruandosq, proposui: ided putavi mihi faciendum esse, vt ad te mea manu scriberem, nuntia remq, id quod mihi contigit. Heri enim nihil cogitans, ac ne cupiens quidem, sed præter omnem opinionem meam creatus sum Cardinalis. Cuius honoris magnum onus & splendidum, meis tamè humeris perquàm graue est: non enim videtur mea fortuna tenuitas id posse perferre. Sed tamen feram vt poterò: & si copijs opibusq, deficiam, in eo elaborabo, vt  
fide,



*fide, integritate, amoreq<sub>3</sub> in Remp. muneri meo satisfaciam. Tibi verò præstantissime Dux, cuius nomini clarissimaq<sub>3</sub> familia iam pridē valde deditus sum, ita mea studia officiaq<sub>3</sub> polliceor ac defero, vt tibi cupiam persuaſum esse, ea tibi imprimis præsto semper fore: meq<sub>3</sub> eorum nemini qui te amant et colunt, quorum pro amplitudine & nobilitate tua, magna copia est, vnquam conceſsurum: semperq<sub>3</sub> ea libentissimè facturum, qua honori tibi & ornamento esse possint. Sed hæc, cū vsus venerit, re magis præstabo, quàm verbis. Tu vt me diligas, habeasq<sub>3</sub> in numero tuorū, vehementer à te peto. Vale. Ex Vrbe, X. Cal. Ianuarij. M. D. XXXVI.*

IAC. SADOLETVS S. R. E. CARD.

Petro Bembo, S. P. D.

**N**Eq<sub>3</sub> hilariter possum, neq<sub>3</sub> tristib. etiam verbis ad te scribere: quod in altero mihi animus meus repugnat, in altero hominū opinio atq<sub>3</sub> iudiciū. Qualecūq<sub>3</sub> tamen id sit q<sup>d</sup> mihi accidit, scire te volo, me his proximis comitijs à Paulo III. Pont. Max. in amplissimū ordinem S. R. E. Cardinaliū esse cooptatum. Quod sit ne latandum, necne sit, equidē ignoro. Scio enim me aliàs huiusmodi occasiōes vitasse: & nūc quidē certè quod factū est, neq<sub>3</sub> ex voluntate mea, & præter oēm expectationē factū est. Ac singularis quidem Pont. Max. voluntas declarata est aduersum me, qui iudicauit eo honore me dignū, quo forsitan non sum dignus: vel potius planè nō sum. quis enim est tā arrogās, qui audeat ipse de se facere iudiciū dignitatis? Sed quod ego sine ambiguitate & sine vllō errore iudico, onera qua honorē eū



*na Reip. salutem, & suscipienda fuerint, et tractanda: vt etiam si virrute tibi impar, voluntate tamen proximus sim futurus. Sed de his aliàs. Nunc tibi ex animo gratulabor, teq; videre quàm primùm opto: vt mutua nostra beneuolentia, quæ semper animo potius rententa, quàm officij inter nos vsurpata est, propter disiunctionem videlicet nostram & vitæ, & locorum, nunc assiduitate consuetudinis, & communicatione consiliorum, vberiore multo amoris fructum nostrum utiq; asserat. Tu vale, & ignosce breuitati meæ: plura enim scribere meæ occupationes non sinunt. Iterum vale. Roma, V. Calend. Ianuarij, M. D. XXXVI.*

**IAC. SADOLO. S. R. E. CARD. MARIO**  
*Aligerio Rheatis, & Laurentio Granæ Signiæ Episcopis S. P. D.*

**C***um me nihil tale cogitantem, ac præter omnem expectationem meam, optimus Maximus Pontifex in sacrum collegium S. R. E. Cardinalium cooptasset, non existimaui tantum mihi curarum et solitudinis ab ipso honore, qui certè maximis occupationibus est impeditus, asserri oportere, vt officij obliuiscerer, quo mihi videor ambobus vobis esse obstrictus. Tanta est humanitas earum literarum quas mihi rescripsistis: adeoq; vestram propensam & beneuolam erga me voluntatem visus sum agnoscere. Quod profectò gratissimum mihi accidit. Talibus enim viris, quales eist vos, probatum me esse, præcipuum premium mihi videtur esse virtutis. Quæ quidem virtus si tanta in me existeret, quanta à vobis magis prædicatur, quàm à me ipso*

ipso agnoscitur, gaudere maiore in modum iudicio doctissimorum & amicissimorum. Nunc etsi opinionibus de me vestris impar esse me sentio, amore tamē erga me vestro nihilominus letor: facileq; patior, videri vobis maiora quæ benevolentia vobis depingit, quàm quæ veritas ipsa fert. Sed de his satis. Ego hoc honore factus sum vobis non amicus melior, sed aliquanto ornatior. Qui quidem honor magis mihi erit & optatus & gratus, si ex eo facultas mihi affuerit, bene de vobis, & de vestri similibus promerendi. Non enim alium ex illo fructum aut specto, aut percipere cupio. Vos si priistinam vestram benevolentiam erga me conseruabitis, & humanitati constabitis vestra, & facietis mihi gratissimum. Valete. Scriptæ erant hæc literæ, cū tuas eodem die Mari doctissime accepi literas, & simul alteras ad Paulum Grana nostri, vtrasq; honori nostro gratulantes: quas nimirum libentissimè legi. Gratulatio uestra optimi animi index mihi pergrata est. Vtinam ego talem me præstare possim, qualem vos describitis. Conabor quidem certè: & si aliud nihil, egregiam utiq; voluntatem ad Christianam Remp. asseram: cuius salus atq; amplitudo semper erit mihi mea vita charior. Vobis autem duob. hoc nunc habeo quod pollicear ac spondeam, vos neq; constantiam in benevolentia erga vos mea, neq; in amicitia fidē esse desideraturos. Sicuti quidem & virtus vestra, & mea vita perpetua consuetudo à me præstat. Iterum ac sæpius valete. Romæ.

IAC. SADOL. CARD. MARIO MAF  
fæo Cauallicensi Episc. S. P. D.

Et si

**E**T si nihil adhuc abs te ad meas priores literas erat responsum, quib. ita flagitabam aduentum tuum, vt nihil fieri posset ardentius: tamen cū postea fato nescio quo, aut ne fato quidē, sed optimi ac praestantissimi Pontificis nimis beneuola erga me voluntate, ignarus, & incogitans, in sacrum ordinem S. R. E. Cardinalem cooptatus essem, nō duxi pratermittendum, quin ad te literas hac ipsa de re darem: quanquā erā, quod te intelligere puto, maximis curis occupationibusq; distentus. Sed tamen amor meus erga te, & officij ratio, eius quod nostrae amicitiae debitum est, nullo impedimēto teneri potuit, quin communicarē tecū hoc quicquid esset, siue gratulandum id sit, siue non gratulandum, vt ambo id vnā communiterq; faceremus. Non enim quicquam à te seiunctum mihi esse potest: nec tu aliena tibi ea, quae mihi accidunt, debes existimare. Sed cū iam diu mutuus inter nos amor animos nostros in vnū quodam modo conflauerit, debet vterq; nostrum in altero semetipsum aestimare & pendere. Ergo si ornatioꝝ ego hoc honore factus sum, quā anteā, horum mihi ornamentorum pars aqua tecum est: si minus ornatus, minorisq; faciendus, (nam certē liber minus, et minus beatus redditus sum) tu leuare debes onus nostrum, aqua oneris parte mecum subeunda. Sed quoniam res impraesentia ad iudicandum difficilis est, egetq; disceptatione maiore & tempore, illud vtrique scire interim te volo, si te praesentem hic habuero, maximas partes laetitiae & hilaritatis mihi fore restitutas. Nam & erit in cuius amore consilijsq; requiescam: & nulla tam graui

cura

cura solitudinemq, opprimar, quàm aspectus tuus, et familiaris sermo noster nō continuò tollat, atq, auferat. Tu vt valetudini tuæ seruias, mi suauissime Mari, et te huc aliquādo conferre mea causa animū inducas, vehementer à te peto. Vale. V. Non. Ianu. M. D. XXXVII.

IAC. SADOLETVS S. R. E. CARD.

Andreas Gritto Duci Venetor. S. D.

**C**um accepissem Amplitudinis tuæ literas, & Laurentij Bragadeni, hominis virtute & sapientia ornati, legatī vestri verba audissem, qui suo sermone egregiè subsecutus est grauitatem earundem literarum: equidem non mediocriter sum letatus, tale fieri iudiciū de me abs te, & ab isto ampliss. senatu, in quo ego vestigia antiqua dignitatis atq, autoritatis residere intelligo, vt me quoq, non inutilem ministrum ad subueniendum Christiana Reipub. esse existimetis. Verū ista lætitia affert profectò secum maiorem etiam solitudinem. Magis enim video mihi laborandum esse, vt iudicio vestro respondeam, quàm latandum, quòd sic de me vos iudicetis. Quòd si recta administratio huius honoris ac muneris, quod mihi nullo meo merito, sed quadā bonitate prapotentis Dei suscitantis de terra inopem, & de fimo pauperem erigentis, delatum est, à me ipso mihi speranda atq, expectanda esset, diffiderem profectò, à vobisq, peterem, vt ne talem de me opinionem haberetis. Quid enim ego sum, si per memetipsum æstimer, nisi plebis abiectio? Sed quoniā ad clemētissimum Deum toto animo conuersus, illius vnus & benignitatis confido, & opem expeto: cupioq, illi, quanquam peccatis

catis oppressus, studio tamē bona voluntatis inferuire: spe teneor posse me diuino auxilio fretum, aliquando & Reip. afflictæ, & bonorum de me expectationibus ali qua ex parte satisfacere. Præsertim cū hac noua atq; inaudita multis iam penē seculis summi pontificis Pauli tertij bonitas ac sapientia, & collegarū meorū præstantissimorum hominum, virtus ac religio, animū meum excitet atq; erudiat: quorū ego vestigijs consecrandis, virtutibusq; imitādis, errare minimē potero. Quare in hoc mihi nouū vitæ genus hoc animo sum ingressus. Primum, vt Deo omnipotenti, eiusq; sanctæ fidei, omni studio, opera, labore, sanguineq; deseruiam. Deinde, vt sanctam sedem Apostolicā præsidemq; illius Paulum ita meritum de me, vt omnes sciunt, quātū in me erit, in omni sua autoritate ac dignitate tuear, atq; cōseruem. Tertio loco, vt ea agam & mediter, quæ pro bis, & doctis, & amantibus mei, possint & honestati esse & commodo. Quō in genere gratias amplitudini tuæ agens, quod ad me tam humanē & tā amāter scripseris, & tibi et isti amplissimo Senatui ita mea studia polliceor ac deferō, vt quoad per me rectē fieri poterit, paucos mihi pares in amore & cupiditate vestrarum rerum secundarum sitis habituri. Vale. XV. Cal. Februarij, M. D. XXXVII.

IAC. SADO L. S. R. E. CARD. CLAV-  
dio Rangono Comiti, S. P. D.

**Q**uas ad me & ad Paulum meum misisti literas, grate mihi maiorem in modum fuerunt. Recognoui enim in illis pristinam illam tuam erga nos be-

neuolementiam, quam ego amare tantopere sum solitus. Præsertim adiunctis maximis virtutibus & animi & ingenij, quas ego in te abineunte tua adolescentia prospexi, easdemq; ad frugem bonam postea perductas cognoui. Quod honore nostro letatus sis, tam facile tibi credo, quam mihi ipsi. Quod verò honos ipse magni aestimandus sit, disputas tu quidem & ornatè & subtiliter. Sed, crede mihi, alia erant potiora, quæ quidem ego magno animo eram persecutus. Nunc vereor ne me ipso factus inferior sim. Sed si erit locus Deo inseruiendi, nauandaq; Reip. fortiter atq; constanter, maximo me honore affectum arbitrabor. Quod quidem aut hoc optimo prudentissimoq; Pontifice gubernacula tenè te sperandum est fore, aut nullo alio. Quotus enim quisq; in hunc altissimum honoris & dignitatis gradum iam dudum sublatus est, cui Resp. fuerit cordi? Sed hac Deus viderit, cuius potestate & arbitrio reguntur omnia. Te ego amo, vt debeo, meq; à te amari vehementer opto. Imprimisq; id cupio, vt de meo optimo animo et voluntate erga te persuasissimum tibi habeas. Vale. Romæ. XIII. Idus Ianuarij, M. D. XXXVII.

IAC. S ADOL. S. R. E. CARD. FRANCISCO Bellencino Mutinensi, S. P. D.

**A**vdieram sæpe ex Paulo meo, qualis tu vir, & quã mirificè deditus liberalioribus studijs esses, ad quæ abiure Ciuile, in quo eras multis iam annis omni cum laude versatus, etiam curam omnè animumq; transulisses. Quod quidem erat apud me animi ingenij & præstantis indicium. Sed crede mihi, tuæ litera non mo



ad confirmarunt opinionem de te meam, verum etiam auxerunt. Ita enim perfecta atq; elaborata in omnem partem sunt, vt statuere satis non possim, vtrum elegantius scriptas putem, an amantius: ita omnia in illis et in genij luminibus, & amoris sunt lita. Ex quo gratulari mihi in mentem venit communi patriæ, qua tot ingenia ex sese, et talia effert in hoc tempore, vt artiũ eam optimarum tanquam officinã quandam esse videamus.

Quare quod mihi eloquentiæ laudem tribuis, feci equidem quod in me fuit, vt digitum intenderem in eam viam, per quam ad summum humanæ dignitatis gradum perueniri posse sum arbitratus, primus hanc ipse, aut certe cum paucis inirem. Sed nũc tam multi tãto cum studio in eam se iniiciunt, vt mirabilis concursus sit. In quo ego æquissimus spectator aliorum laudis, multos partim antecedentes iam me, partim etiam consequentes, mira cum voluptate conspicio, faueoq; impensius bonis ingenijs. Quo in numero cum te vel imprimis cõstituam, debes existimare, gratum mihi accidisse istud studium quod prætēfers, & colendi (vt tu ais) & diligendi mei. Nam quòd honorem mihi hunc nouum gratularis, agnosco beneuolentiã tuam: sed magis iure me diuisfidius illam pristinam meam vitam mihi esses gratulatus: qua ego beatiorẽ aliam nunquam iudicavi reperiri posse. Vt nunc res se habet, quando in hunc locũ euectus sum, dabitur opera à me Deo bene iuuante, vt noster honos neq; inutilis Reip. nec bonis & doctis viris infructuosus sit. Quibus quidem si non re & fortuna, at opera certè & voluntate non deero. Nullumq;



maius premiū me asecutū esse putabo, q̄ si facultatē e-  
ro nactus, bene de illis quacūq; ratione p̄merēdi. Tu vs  
valeas, nosq; diligere pergas magnopere à te peto. Va-  
le. XII. Cal. Aprilis, M. D. XXXVII. Roma.

IAC. SADOLETVS EPISC. CARP.

Petro Bembo S. P. D.

**R** Eddita à te breui tempore epistola mihi sunt duae,  
quarū in vna honori nostro amicissimè gratularis.  
altera habet defensionem facti nostri, ita accuratā &  
grauem, vt summius in ea amor tuus cum singulari pru-  
dentia certare videatur. Sic enim occurras omnibus du-  
bitationibus nostris, sic omnia quae contra dici possunt,  
rationibus tuis diluis atq; refutas: vt animus noster am-  
biguis antea & vacillans, metuensq; ne quid admisisset  
in sese, quod à reliqua via me videretur discrepare,  
tua nūc autoritate firmior, & in suscepta ratione  
constantior multo factus sit. Quanquam illa grauissi-  
ma omnium ad consolandum est ratio: si mihi in hoc lo-  
co constituto, tribuerit fortuna facultatem bene de bo-  
nis & doctis promerendi: hoc si contigerit, cetera mo-  
deratè feremus. Nam quod ad ipsum me attinet, noli  
existimare, mi Bembe, non me aliquantum animo com-  
moueri, cū considerem qui fuerim, quā beatè, et q̄  
meum ad arbitrium olim vixerim. Nunc autem ex illis  
amplissimis atq; amoenissimis libertatis spatijs, in bre-  
uem gyrum seruitutis sim reductus: praesertim cū hic  
etiam bonos non maiorem modò virtutem et sapienti-  
am, quā mea est: sed longè opulentiorē fortunā re-  
quirat & postulet. Sed quoniam tuis praeceptis con-

stantia animi suscipienda est, & mollicies abijcienda, simus sanè in omni huiusmodi perturbatione sortes. Nostram perpetuā benevolentiam inter nos, amorēq; incredibilem ac singularem quo coniuncti sumus, equidem à mea parte tueor, tueborq; diligētissimè, citiusq; à vita deserar, quàm vt is vllum vnquam detrimentū apud me vel minimum patiatur. Tu vt eodē animo erga me sis, quo semper fuisti, non equidem te rogo: (nō enim vereor vt secus facturus sis) sed tamē nescio quo pacto, vt optem mihi in mētem venit. Vale mi charissime atque humanissime Bembe. XV. Calend. Febru. M. D. XXXVII. Ex Vrbe.

IAC. SADOLETVS S. R. E. CARD.  
Andræ Alciato S. P. D.

**P**lenas amoris atque officij tuas accepi literas: quæ & quoddā profectā à te, & quoddā amicè atque eleganter erant scriptæ, plurimum mihi voluptatis attulerunt. Gaudebam enim Alciate tibi tali viro honorem nostrum probari: quo cum iuncta quidem est repentina propemodum totius vitæ commutatio, & ea mihi molesta, nisi interdum sollicitudinem animi mei doctissimorum hominum atque amicissimorū, cuiusmodi es tu gratulatio & lætitia leuaret. Etenim scis ipse profectō, quam vitam antea viuere eram solitus, quàm beatam, quàm liberam, quàm omnibus ijs fluentem rebus, quæ iucunda hominibus in vita accidere solent. Quibus omnibus nunc carere est necesse, longeq; diuersa & studia & instituta sequi. Sed si hoc mihi vni incommodum, ceteris fortasse vtile, ac Christiane impri-

mis Reipub. futurum est, vt tu suauissimè atque amantissimè auguraris: subeatur omne onus, & cuius iugocervi-ces subdantur. Quanquam nil video esse in me aptum publicis commodis, prater bene et rectè faciendi voluntatem: qua mihi quidem nunquam aberit. Est enim nō cura mea aliqua, sed diuino in nobis beneficio innata, qua si sola, & eis nuda praesidijs quae ab ingenio et pruduntia suppeditantur, potest quicquam prodesse rebus communibus, opera quidem mea non desiderabitur. Cetera in potestate Dei erunt, ad quem nos omnia sumus relaturi. De te verò mi Alciate, nunquā dubitauī quin summam laetitiam esses capturus quacūque ex re, quam mihi honestam & vtilem fore arbitreris. Noui enim animum tuū tum propèsum erga me, tum suapte sponte bonis omnibus fauentem. Neque id me primum litera docuerunt, sed haec tamen iucunda atque grata quòd testes extiterunt, non beneuolentia solum, verum etiam memoria mei tua. Quas ego legens videbar tecum loqui. tanta in illis suauitas, tantaq; declaratio amoris tui erga me inerat. Quare te etiam oro, vt interdum ad me, cū ocium tibi erit, scribere ne grauerē. Ego quod mea voluntatis in te proprium est, sic te statuere, & tibi persuasum esse volo, qui te pluris quàm ego faciat habere te neminem. Quamobrem quicquid ego sum, aut esse vnquā potero, totū tibi cōfidas et tuis cōmodis paratū. Vale. XIII. Calendarum Februarij, M. D. XXXVII. Ex Vrbe.

IAC. SADOL. CARD. S. R. E. ROMULO Amasæo S. P. D.

Non

**N**on erat opus mecum tot uti excusationibus: non enim vnq̃ dubitavi quin tu me diligeres. Sed tamen in te quodammodo excusando cum adhibuisti non mediocrem diligentiam, simul et illud, quanti tu me faceres, ostendisti. Quo ego tuo vel de me iudicio, vel erga me animo mirifice delector. Virtutem tuam, quam amabam & excellens ingenium, quo es praeclitus, totum expressum vidi in tuis literis: quibus mihi elegantius nec eruditius legi à me potuit. Omnino egregie sustines nomen quod adeptus es. De quo tibi non minus gratulor, quam tu honori meo es gratulatus. Cui ego honori utinam par esse possim, ut ne obruar expectatione eorum, qui magna à me postulent, & maiora quidem, quam quae praestare. Sed in hoc misericors Deus nos adiuuerit. Ego te diligo Romule, & de tuis virtutibus honestissime sentio: meque vicissim cupio à te amari, paratus, si quid forte uti opera mea volueris, ea tibi praestare, quae ab amicissimo homine iure expectanda sunt. Pompilium tuum hic saepe video, eiusque probitate, et ingenio, ac in meipsum observantia summo opere delector. Vale Romae.

IAC. SADOLO. S.R.E. CARDINAL. A  
chilli Bocchio Bononien. S. P. D.

**N**ulla fuit antehac mihi tecum familiaritas. Verum literae tuae, quas proximè ad me misisti, eam inter nos benevolentiam conciliauerunt, quae instar antiquae necessitudinis haberi possit. Ita patuit mihi animus tuus, & vera visa est gratulatio, quae ab optimo animo profecta est. Itaque te planè existimo hoc honore nostro vehementer esse letatum. Qui quidem honos uti-

nam sit eiusmodi, ut ex eo ego, & Christiana Reipub. (sicut tu sanctissimè atque amicissimè optas) prodesse possim, & doctis vnà & probis viris, in quos mea semper fuit propensa & est voluntas. Sed vereor ne quod pie volo, id re præstare minus idoneus sim: Non enim enim ea virtus in me, neq; ea est doctrina, quæ tu fortasse arbitraris. Sed cum ad præpotentem Deum et tu omnia referas, & ego ad eundem confugiam: spes est, si is nobis fauerit, fueritq; adiumentum, aliquid aliquando nos effecturos esse, quod ad illustrandam ipsis gloriam, & ad aliquod commodum Reip. pertineat. Verum hoc, ut illi fuerit placitum. Ego & gratulationem tuam gratissimè accipio, & te in suscepta erga me beneuolentia cupio permanere. Quod ut constantius facere debeas, pari ego te cõpensabo voluntate. Vale. Idib. Ianuarij, M.D.XXXVII. Roma.

IAC SADO LETVS CADINA. LA-  
zaro Bonamico S. P. D.

**B**inas abs te acceptis commendatitijs literis, ijs quos mihi commendaueras, & vultu & verbis ostendi, quantum valeret apud me tua commendatio. Atq; illi cum adisset me primò, responsūq; tulissent, tua me causa omnia quæ ex me vellent, libetè esse facturum: cum reuersi postea non sunt. Credo, quod me vidissent, & sese noscendos mihi obtulissent, satis putasse impræsentia se esse consecutos: redituros, cum opus fuerit. Tu verò ita constitue de me, & tibi ita persuade, quicquid tua agere causa cõtigerit mihi, id gratius mihi semper futurum, quàm tibi ipsi. Secuta sunt postea tua gratu-  
latio-

latoria litera, qua Deus bone eloquentia? qua copia, quibus ingenij, et amoris refertæ luminibus? qua cum mihi redderetur, casus interuenit mirificus. Eramus enim in senatu, et prope me amplissimi viri Contarenus & Polus: à quibus lecta, laudatæq; mirabiliter. Farnesio lectissimo adolescētī deinde sunt traditæ, qui post tri die domum mihi eas remisit. Ad eas quemadmodum debeam respondere ego planè ignoro. Video enim te tantum permittere amorī, ut ex iudiciij tui, alioquin recti & boni, regionibus, non parum egrediaris. Tūne tantī me facis, et vsq; eò de me bene existimas, ut statuas magnum aliquod ex me commodum Christianæ posse euenire Reip. Utinā hoc ita esset. Essem enim & fortunatior mihi ipse, et certè amic⁹ tibi ornatior. Quid enim est quod magis cupiā in vita, quàm huic tali tuo de me iudicio satisfacere? Quodd si tu de voluntate mea ita iudicas, nihil profectò falleris. Sin aut de facultate: quid, quaeso, tantum est in me virtutis & sapientiæ, ut huic muneri obeundo egregiè aptus sim? Sed tamen cum voluntas saepe si acriter sit incensa, inuenire sibi viam ad res gerendas possit, dabo equidem operam, ut si non omnino, at aliqua ex parte opinioni tuæ industria mea respondeat. Quodd de Paulo Tertio optimo maximoq; Pontifice & sentis præclare, & prædicas: certè mi Lazare nouum hoc exemplum à præstantissimo Pontifice in Remp. introductum est, vel reuocatum potius ex ipso more maiorum, & longo interuallo repetitum: ut in mandandis honorib. non gratia, sed virtutis ratio habeatur. Quod in meis Collegis maximè patet. Quis e-

nim est eorum non singularibus atq<sub>3</sub> eximij's virtutibus ornatus & præditus? quorum ego numero vtinam adscribi dignus essem: constaretq<sub>3</sub> in me summi Pontificis iudicium, sicut in alijs constitit, qui item ab eo sunt in hunc amplissimum ordinē adlecti. Sed (vt dixi paulò antè) hoc diligentia vtar maiore, quò ingenio imbecillior sum. Tibi porrò quid ego scribam? nisi et agere me tibi gratias, qui tantopere meo honore gauisus sis, pristinumq<sub>3</sub> tuum amorem erga me, omni mihi tempore probatum & perspectum, hac etiam in re totum exposueris atque ostenderis: & tibi polliceri, meam illam beneuolentiā, qua te semper mirificè sum complexus, non modò stabilem & saluā consistere apud me, sed factam etiam, quā antea, aliquantò auctiorē. Siquidē magna ex parte spes latius traducenda vita in hoc ipso honore, qui mihi cateroqui grauem seruitutem affert, in eo mihi posita est, si amicis & familiaribus meis, in quibus tu principem penè locum obtines, & letitiæ potero esse & commoditati. Vale. XV. Calend. Februarij. M. D. XXXVII. Romæ.

IAC. SADOLETVS CARDINALIS

Augustino Beatiano S. P. D.

**E**Legans tuū carmen mira quadam suauitate me demulsit: vel propter lumina ingenij, quæ in eo multa extant: vel ob memoriam nostræ mutæ beneuolentiæ dulcissimæq<sub>3</sub> consuetudinis, quæ nunquam mihi quidem ex animo lapsa est, sed nunc grata recordatione repetitur. Quòd gaudeas honore meo, non mihi nouum est, neq<sub>3</sub> inopinatum: eodem enim tempore tuo ipsius honore



nore lataris. Quid enim est amicitia, nisi communio rerum & secundarum, et aduersarum? Utinam modò hæc secundæ sint, per quas auulsum me à rebus mihi iucundissimis vi leo. Sed si quid hîc boni erit, in eo inerit, si et Reip. & amicis ego vsui potero & ornamento esse. In quo dabo utiq; operam, ut quæ didici in otio, in negotijs expromam. Potestas modò detur agendi aliquid, qd sit viro dignum, meam constantiam & studium non desiderabis. Ego tuæ gratulationi ago gratias: maximeq; opto, ut eadē qua fuisti erga me voluntate, semper sis: de meq; ita cōstituas neminem te habere, in amore tui superiorem me, paucos pares. Vale. Romæ.

IAC. SADOL. S. R. E. CARDINALIS Lilio Greg. Gyraldo, S.P.D.

**G**Ratæ mihi tuæ litera, testes tui perpetui erga me amoris, qui semper mihi iucundius accidit. In quib. quòd honori meo gratularis, agnosco eandem beneuolentiam tuā: & in eo etiam magis, quòd me existimas alicui vsui fore Christianæ Reip. quod utinam ita eueniat. Non enim tum me beatiorem vitā amisisse existimabo, quæ mihi in otio & tranquillitate posita erat: si aliqua via operis & negotij, eandem beatitudinem potero consequi. Non enim minus ad felicitatem labore honesto, quàm quiete animi peruenitur. Cuius facultatis si dederit mihi Deus occasionem, nō committam, ut frustra quisquā meam operā, et officiū boni viri videatur requisuisse. Te cupio valere, et me à te diligere etiā opto, sicut ego quidē te diligo: quod re tibi declarabo, si acciderit, ut aliquando possim. Vale ex Vrbe.

## IAC. SADOLETVS CARDINALIS

Hieronymo Vidæ Albæ Episcopo, S.P.D.

**G**ratissima mihi fuerunt literæ tuæ: quæ & veteris  
 nostræ amicitia memoriam mihi renouarunt et de  
 clararūt, in te non parum adhuc amoris erga me ipsum  
 residere: quo mihi nihil optatius, neq; iucundius acci-  
 dere potuit. Nācūm te semper ingenij & virtutis tuæ  
 causa plurimū dilexi: tum verò optaui vicissim diligi  
 à te. Id rectè existimans, coniunctionem tecum meam  
 mihi magno honori semper fore: quòd tuum de quoque  
 homine iudicium in vtrāq; partē magnam vim habe-  
 ret. neq; solūm impræsentia honorificum existeret, sed  
 illucesceret in omnem etiam posteritatem. Quanquam  
 hæc quæ notissima sunt, noua cōmemoratione mea non  
 indigent. Venio nunc ad gratulationem tuam, quæ mi-  
 hi magis propter animum tuum propensum & beneuo-  
 lum erga me, quàm propter rem ipsam, de qua gratula-  
 ris, iucūda extitit. Gaudeo enim à te tali viro honorem  
 meum comprobari: ipso autem honore non tantopere  
 delector. Qui etsi magnus, & expetendus omnibus vi-  
 detur: mihi tamē boni multò plus abstulit, quàm dedit.  
 Abstulit enim otium, quietem, libertatē. Alia quadam  
 reddidit, quæ nequaquam cum illa felicitate prioris vi-  
 tæ, meo quidem iudicio, erant comparanda. Sed quo-  
 niam oppressi subitò optimi Pontif. beneficio, spatij ad  
 consulēdum ac deliberandū nihil habuimus: pareamus  
 sanè Deo, qui nos huic subiectos oneri esse voluit. Illud  
 tamen curemus, in eoq; elaboremus, vt quoad vires no-  
 stræ ferre poterunt, hæc nostræ dignitatis accessio,  
 Chri-

Christiana Reipub. & huic sanctæ Apostolica sedi possit esse utilis. Quod conabimur quidem certè. Quantū autem præstare efficereq; possimus, id iam ad Deum ipsum referendum totum est: qui faciat nos idoneos ministros suæ voluntatis. Sed de his satis. Ego te doctissime Vida & amari semper, ut paulò antè dictum est; & tuo præstantissimo ingenio, eximiaq; doctrinæ plurimum tribui. In qua etiam nunc & opinione eadem sum, & voluntate. Tibiq; hoc de me esse persuasum volo, si quem mihi aliquando locum tibi gratificandi dederis, magno me abs te affectum beneficio esse arbitraturum. Tu ut valeas, & me ut diligas, magnoperè à te peto. III. Februarij, Romæ.

IAC. SADOL. S. R. E. CARD. GER-  
mano Brixio S. P. D.

**S**emper hoc ferè euenit in tuas literas, mi humanissimi me Brixii, ut longo interuallo postq̃ à te data sunt, ad me illæ perferantur. Velut has, quas recēs acceptas, plenissimas amoris, humanitatis, officij, summa cum voluptate perlegi. Scriptæ enim à te XIII. Calen. Februarij, octauo Idus Martias mihi sunt redditæ. Credo, ut quod suauiores mihi & iucundiores sunt, hoc me diuturniore expectatione torqueant. Sed nihil agit fortuna: cum enim tuas literas non habeo, neque lego, tui tamen memoria cogitationeq; delector: quæ ita mihi in fixa est intimis in medullis, ut auelli nō possit. Neq; verò ego fructū in vera amicitia, qualis profecto nostra est, esse vberiorē vllum puto, quàm habere amicos animo suo præsentēs, quos locorū lōginquitas ab oculis distinxit.

straxit. Hoc ego in te cū faciam assidue ac per diligen-  
ter, quod te idem in me facere arbitror: vtrūq; videor  
mihi consequi, vt neq; crucier tuarum literarum desi-  
derio: & cū eas accipio, vehementissimè gaudeam.  
Itaq; quibus quæso, putas me elatum esse latitij, cū  
eas legerè quas proximè accepi, copiosas, graueis, sua-  
uissimè atq; ornatissimè scriptas: quodq; pluris est quā  
cetera omnia, ea indicia amoris præ se ferentes, vt iam  
non beneuolētiā erga me tuam videar agnoscere, sed  
singularem quandam atq; eximiam charitatē? Quid  
enim prætermissum est in declarando amore tuo erga  
me, cū vel tantū te honoris nostrī accepto nūtiolā-  
tatum esse scribis, quantum vix alius quisquam? vel de  
me ita laboras, vt cū extimescas (timidus enim solet  
esse amor, præsertim in viris prudentibus, & circun-  
spicientibus omnia) ne meus hic mihi honos animū cō-  
mutet, aliamq; personam, tanquā in scena, induere me  
faciat hoc extremo iam vitæ nostræ actū, atq; à princi-  
pio indutus fuerim: non solum monitis, sed precibus e-  
tiam agis mecum, vt me eundem præstare studeam in  
celebritate, qui fuerim in frequentia: & quem Roma-  
na ambitio florentiore ætate nō mouerit, eadem defle-  
xa iam, & penè exacta, ne moueat. Fateor hoc tuum  
consiliū, prudens, & imprimis fraterni animi à me exi-  
stimari. Sed tamen mi Brixī, res longè aliter se habet,  
ac tu suspicatus es. Non enim mihi adhuc videris perspi-  
cere, qui sit status causæ meæ, & quā mihi hac ampli-  
ficatione dignitatis (sic enim populus fortasse existi-  
mat) non modò non latandum, sed etiam dolendū esse  
putem:

putem: qui à verè beata et plena incunditatū vita, nis  
hac inani specie, graui ea quidem & molesta certè, di-  
strahi sim passus. Quanquam non ego ita sum passus,  
vt me a quo animo duci permiserim. Sed cū ignarus  
omnium & nihil minus cogitans, nocte ea primū qua  
anteceffit comitia, certior Pontificis voluntatis ipsius  
nuntio factus essem, nec temporis haberē ad deliberan-  
dum satis: animo autem incredibiliter astuarem, quòd  
neq; res tota admodum mihi placebat: et tamen tantā  
voluntatem Pontificis optimi erga me, illudq; quod de  
me faciebat iudicium repudiare atq; aspernari super-  
bum existimabam, detuli rem ad amicos, non tam qui-  
dem de re, vt sententias illorum exquirerem, (eram e-  
nim prorsus ad recusandum paratus) quā vt recusā-  
di modum honestiorem quærerem: quē ego animo per-  
turbato videre satis non poteram. Maxima autem affi-  
ciebar cura, vt me ita gererem tractaremq; in recusā-  
do, vt & iustam penè iracundiam optimè meriti de me  
Pontificis ex repudiato illius beneficio, & famam stul-  
titiæ ab omnibus hominibus vitare possem. Atque hīc  
illī qui à me consulti sunt, cū me grauiter increpui-  
sent, quòd resistere conarer vocanti me Deo: cuius ego  
consilium & voluntatem sequi deberem, etiam si quòd  
illa tenderet minus perspicerem: cumq; sanctissimū  
mihi Reipublicæ Christianæ nomen opponerent, neque  
concederet vllō modo, vt meas priuatas rationes ante-  
ponerem publicis: fecerunt, & ego è meis pristinis con-  
silijs depulsus, ex tranquillissima vita, & iucundissimā  
rerum omnium libertate, commoditateq; non in hono-  
rem

rem amplitudinemq<sup>3</sup>, cuius minima cura mihi semper fuit: & si vlla fuisset, non difficile fuisset superioribus temporibus eadē hac assequi, quā ego tū sponte libensq<sup>3</sup>, fugi: sed in durissimam (vt ego intelligo) seruitutē prudens ac sciens cōijci me sim passus. Quā ego iccirco ad te scribo, quodd tu, qui vtrāq<sup>3</sup> vitam nosse deberes, & quid intersit huic ab illa optime callere, quippe qui vtrāque es expertus: addo etiam, cū tantū ingenio valeas, tantum literis atq<sup>3</sup> doctrina: cumq<sup>3</sup> probitate & religione erga Deum sis admodum praeclatus, eosq<sup>3</sup> fructus ex te quotidie ingenij & studiorum tuorum feras, quibus nihil dulcius neq<sup>3</sup> vberius sentiri possit: debuisti (vt mea opinio fert) potius ad me consolationē mittere, q̄ gratulationem: hortariq<sup>3</sup>, vt ferrem forti animo, quodd tot suauitatibus pristinae vitae, eiusdemq<sup>3</sup> multo beatioris, essem priuatus. Nā vt tu scias, quod iuratus tibi confirmo, vixisse ego mihi videor, nō iam amplius viuere. Non enim appellanda vita est, quā tota ad alie num arbitrium ita degenda est, vt nihil tibi liberi, neq<sup>3</sup> vacui tēperis ad animo obsequēdum tuo relinquatur.

Quāquam potest ea quoque habere suas partes voluntatis ac letitiae, alio tamen ex genere: si vsus fortē veniat, vt seruire Reipublicae & satisfacere praepotentī Deo, & agere aliquid dignum viro possis: studiumq<sup>3</sup> tuum ac industriam, adde etiam auctoritatē, si placet, in vtilitatibus publicis collocare. quo genere actionum maiores nostri sanctissimi homines, maximā sibi apud homines laudem, apud Deum gratiam gloriamq<sup>3</sup> comparauerunt. Quorum ego vestigijs insistere, factaq<sup>3</sup>  
imita-

imitari sumopere cupio. Quanquam cateris rebus omnibus longè impar, (agnosco enim imbecillitatē ipse meam) sed nemini tamen studio & voluntate cōcedo. Itaq; hac mente nouam hāc viuendi viam sum ingressus, vt me à libera, vera, honestaq; sententia, nihil vnq; omnino deflexurum sit. Sed studia interea nostra, mi-Brixi, quo abierunt? illa inquam studia, in quibus & tu iudicas, et ego sentiebam, beatam verè vitam esse repositam? In hac tu vita sollicita fortuna, & misera propè dicam conditione rerum, etiam vereris, ne quid arrogantia mihi aut durioris ambitionis obrepat? qui sum quàm antè fui, multò abieciior, & mihi metipse vehementissimè displiceo: habeoq; iam nihil in quo libenter acquiescam. Sed etsi hac omnia ita sese habent, amorem tamen tuum valde exosculor: tibiq; de prudētibus monitis tuis atq; consilijs gratias ago, habeoq; pignus animi erga me tui. Nisi enim me summè diligeres, nunquam tantum de me curarum ac sollicitudinis suscepisses. In quo mihi præsstitisti id quod frater debet fratri, tametsi in nostra coniunctissima voluntate & amicitia, cum fraterna ipsa charitas, tum omnia sanctarum necessitudinum nomina inclusa sunt. Quam quidem ego amicitia et meam perpetuam beneuolentiā erga te, sanctè semper atq; inuiolatè conseruaturus sum. Tu vt idē aduersum me facias, etsi minimè rogandus es (quid enim te fieri potest constantius?) tamen consuetudinis causa, te mi doctissime Brixi enixè atq; vehemēter etiam atq; etiam rogo. Gratissimum quoq; mihi feceris si eos omneis præstantes viros atq; doctas, qui tibi de  
nostre



nostro honore gratulati sunt, meis verbis saluere plurimū iusseris. Vale, et scribe ad nos quā creberrimè. Ex Vr.  
**IAC. S ADOL. CARDINALIS FRID.**  
 Nauseæ S. P. D.

**C**um propter diuturnam absentiam meam ab hac Urbe, nimis mihi noti essent docti atque insignes viri, qui in ista Germanica natione florent: atque ego nuper Romam euocatus à summo Pontifice præter omnem etiam expectationem meam, in hunc sacrum ordinem S. R. E. Cardinalium adscitus essem: accepi tuas literas, plenissimas amoris, humanitatis, officij: quarum lectione mirificè delectatus (erant enim et piè et eleganter scriptæ) consului Antistitem Brundusinum, quod is diu in istis locis versatus est, hominem, ut tute nosti, summi iudicij, optimi animi, excellentisque doctrinæ: atque eum de te accuratè percontatus sum, qui mihi ea de te narrauit, tuasque egregias virtutes tot apud me laudibus prosecutus est, ut non solum tibi rescribere, sed gratius etiā agere, quod prior ad me scripseris, debere me confitear. Quid enim mihi optatius, quàm adipisci bonorum beneuolentiā, vel ipsorum humanitate, vel meis studijs atque officijs erga illos, conciliatam mihi atque paratam? Quod quoniam mihi in te, atque adeo per te contigit (non enim vlla merita antecesserāt erga te mea) crede mihi, mi Nausea, ad te amandū non mediocriter sum accensus. Facit enim apud me hoc virtus, ut quod in cæteris usus et longa effecit consuetudo, ea repente me ad eos in quibus ipsa inest, diligendos alliciat. Atque ego, qui ad instituendas cum bonis amicitias promptus

& facilis sum, idem in eis tuendis soleo esse constantissimus. Quare sic tibi volo esse persuasum, omnia officia, quæ ab amico vetere, & multis in rebus probato, iure expectari possunt, tibi & esse à me, & fore semper parata: quemadmodum re ipsa, si usus venerit, cognoscēs. De concilio quod quæris, Pontifex stat in sententia. Et quanquam permulta sunt, quæ nos hîc retineant, imprimisq; discordia nostrorum principum, atque eius periculi suspicio, quod à Turcis grauitè impendet: quoq; omnia itinera omnibus penè in locis infesta sunt, vt qui conueniant ad concilij diem futuri non sint, præter admodum paucos: sicut & vobis Germanis patere ac perspicuum esse non dubitamus: tamen & de profectiōe Pontifex loquitur, & iam ad iter aliqua parare incipit: nosq; sumus moniti, vt expediti ad tempus esse debeamus. Itaq; puto fore, vt exacto tempore ieiunij hinc profisciscamur. Vtinā, mi Nausea, auspicijs bonis, hoc est, fauente bonis cogitationibus Deo: quamquam ille quidem semper ijs fauet. Sed tamē multa mihi veniunt in mentem, quæ tibi item venire certò scio, quamobrem de toto exitu rerum timendum magis mihi, quàm sperandum esse videatur. Etenim partim mores hominum, partim etiā maiorum opiniones ita corruptæ sunt, vt medicinam nullam salutarem inueniā, præsertim exasperatis animis & aduersus verum contumacibus. Quod tu malum, quoniam istic es, & ab errorum fontibus propius abes, facilius potes & sentire, & noscere. In quo tua quidem præstans atque eximia laus elucet: quòd vir doctissimus, idemq; conciona

tor eloquentissimus, recta semper, firmaq; tenuisti summi Dei, & sancta ac Catholica religionis vexilla: quo etiam nomine ego tibi plurimum debeo. Habes de cōcilio sententiā meā: quod si tu mihi scripseris, qui sint habitus animorum apud vos: & quid istic agant, & moliantur, qui nouitates, & dissidia in fide Catholica quarunt: et sint ne ad aequitatem animi modestiamq; parati, necne sint: cū nos certē aequi, & faciles ad obsequendum, & indulgendum, quoad recta perscribet ratio, futuri simus: dabis mihi materiem saepius ad te scribendi.

Quod quidem & libenter, & studiosē faciā: tecumq; hanc societatem libentissimē inibo, vt ambo & coniuncti, & pro sua parte vterq; huic tanto incendio, quantū nobis datum fuerit, subuenire studeamus. Sed iā de his satis. Tua mei honoris gratulatio gratissima mihi est, proficiscitur enim ab optimo animo, et studiosa mei voluntate: q̃ ego potius ipso honore duco. Nā honor saepenumero temerē à fortuna datur: talia autē studia talium virorum, qualis tu es, assequi solius virtutis est: cuius ego fructum ceteris rebus omnibus antepono. Vale. VIII. Calend. Martias M. D. XXXVII. Ex Vrbe.

IAC. S ADOL. CARD. IO. BEL-

laio S.R.E. Cardinali S. P. D.

**L**itera tua non minus scripta sapienter, quā eleganter, dici non potest, quā valde me delectauerint. Habuerunt enim nō honoris huius, quo nuper affectus sum, gratulationem, (id enim vulgare admodum & quorumuis hominum est) sed quod & tua prudentia acutissimē perspexit: & causa maximē postulabat mea,

conso-

consolatione potius mecum es vsus. Vidiſti enim omnium hominum ferè vnus, quid mihi extracto ex illo beatiſſimo ocio, in quo cum omnibus artibus & ſtudijs honeſtiſſimis dulcis mihi conſuetudo, & commercium erat quotidianum: libertate præterea adempta, ad leuandã animi mei moleſtiam opus eſſet. Itaq; tuum excellēs ingeniũ, quod ego imprimis admirari ſum ſolitus, eo potiſſimum adhibuiſti, vt lenires dolorem meum, non vt augeres latitiam: quæ nulla à me ſinè ſuſcepta eſt. Et ſi intelligo diuinis conſilijs eſſe nobis acquieſcendum, eaq; res vna ad æquitatē animi me reuocat. In quo vſque adeò mihi profuerunt literæ tuæ, vt quoniã non datur mihi tui præſentis poteſtas, illæ tuam vicem me & conſolaturæ ſemper ſint, & quem admodum in hoc munere me gerere debeam, ad omne tempus erudituræ.

Quanquã, quod tui in me amoris maximum argumentum eſt, videris mihi tu plus aliquanto tribuere, quàm ego agnoſcam. Quodd me liberè atq; integrè dicturum in ſenatu ſententias putas, in eo minimè falleris. Quodd verò aut mea eloquētia (ſic enim ſcribis) aut apud ſũmũ Pontificem autoritas multum ſit profutura Reip. in neutra re video quid aſſentiri poſſim. Nam neq; conſilio & oratione tantum valeo, quantum fortasſe eſſet opus: & ſi maximè valerem, tamen Pontifex optimus & ſapientiſſimus non aliorum conſilio in rebus agendis vtitur, ſed ſuo. Sed tamen vtcunq; eſt: ego certè, quod partium eſt mearum, neque ſtudio vnquam, neq; fide, neq; opera, neque perpetua mea vt rectè omnia agantur voluntate, Chriſtiana Reipub. deero. Vtinam ha-

berem te autorem, & moderatorem consiliorum meorum: præclare profectò inter nos cōueniret. Sumus enim ambo ab eisdē propè disciplinarū fontib. profecti: tua & dignitas & doctrina longè est illustrior: sed certè animis non difficiles sumus. Verū hac viderit Deus, qui nos agit & versat, in quācunq; illi partē est placitum. Ego, mi præstantissime Bellai, de me tibi sic persuadeas volo: cū te antea semper coluerim atque amauerim, vt quē maximè: nunc in hac noua status mei conditione, amoris meo & obseruantia erga te, potius additum permultum, quā quicquam detractum esse. Sicut tamen & tua eximia virtus, & ea qua me prosequeris beneuolentia postulat: à te peto, vt eadem sis voluntate erga me, qua esse cōsuesti. Vale. Romæ M. D. XXXVII.

IAC. S ADOL. CARD. IOAN. SAL-  
uiato S. R. E. Cardinali S. P. D.

**I**am diu nihil literarum ad te dedi: quòd cū non haberem ferme quid scriberem, (quæcūq; enim hic agerentur, ad te perscribi à tuis sciebam) nolui te inanibus literis meis obtundere, & me hercule etiam id causa fuit, quòd hoc nouo mihi vitæ genere à studijs meis abstractus, agrè ad scribendum referre me poteram, & tamen quæ quotidie in senatu agerentur, admonitu meo ad te Antonius tuus scribebat: neque ea sanè multa, nosti enim ipse quā pauca nobiscum communicet Princeps. Nunc prorogata Concilij die, & ea collata in Calend. Nouembris, has ad te duxi dandas esse literas: vt tuas elicerem, atque ex te scirem, quid constitutum haberes: rediturus ne esses ad nos, an istic vbi es, alioue  
quopi-

quopiam loco per æstatem mansurus. Alterum mea cupiditati tuæ videndi magis aptum est: alterum tuæ forsitan valetudini, cui tamen potius inserviendū est. Salubrem igitur & amœnum locum aliquem tibi deligas censeo, in quo æstatis tempus trāsfigas: cū præsertim de nostro aduentu in istæ loca, animo iam possis esse ocioso. Ita enim prorogatum concilij tempus est, vt certus locus nullus ad conueniendum constitutus sit. Id accidit ex ea causa, quod Dux Mantuæ concursus tot aduenarum in urbem suam reformidans, hoc (vt scribit ipse) turbulento & suspiciosissimo tempore, Mantuam se conuentui sine firmo militum præsidio commissurum negauit. De hoc præsidio actum bis in senatu, omniūq; sententijs decretum, nullum omnino militare præsidium esse dandum, ne Lutherani, qui nos suspectos sibi esse nunc simulant, si intra arma & præsidia nostræ venturi essent, verè atque ob rem id facere viderentur. Eius igitur loci spe adempta, alius erat nimirum constituendus locus, quod fieri commodè inconsultis Christianis principibus non poterat. Porro cū adesset iam concilij dies, neque ad eam diem de voluntate principum constare nobis posset; visum est necessariò concilium esse prorogandum. In hanc sententiam discessere fere omnes. Vna duntaxat Campani sententia, et mea, pro rogationem dissuasit, cū videretur nobis plus multò vtilitatis in concilio habendo, quàm detrimenti in loci mutatione existere. Eligebamus autem ego Placentiā, Campanus Bononiam: ille commodiorem nobis locum secutus, ego Germanis opportuniorem. Ita enim Pla-

centia Casarianis est propinqua, qui armis atq; exercitu in praesentia valent, ut abstergere omnem metum aduenientibus Luteranis possit. Et si illi quidem diserte conuentu Smalcadae habito, negauerunt se venturos. Vterq; autem nostrum in eo consentiebat, ut quem nobis locum non voluntas nostra, sed necessitas offerret, eum nos non statim concilij sedem, sed diuersorium tantisper vocaremus: quoad ibidem de cunctorum consensu eorum qui adessent, certum agendi conuentus locum constitueremus. Altera non mediocris opinionum dissensio: quod ego in vrbe Pontificem retinebam, legatosq; mittendos esse censebam: ille eum ipsum quoque Bononiam extrudebat. Sed, ut dicebam, nobis frustra dissuadentibus, decreta nihilominus est prorogatio. Vtinam consilio bono, et prospero Christiana Reipub. euentu: vehementer enim extimesco, ne hac procrastinatio nostra aliquod magnum malum sedi apostolica pariat. Certè enim quos adhuc ex illa propè auersa & alienata natiõe in officio retinemus, vereor ne amittamus. Sed nos fortasse Deus benignius iuuerit. Paulum Sacratum sororis meae filium, propediem istuc affuturum esse confido: quem & fidei commendo & liberalitati tuae; ut quoniam semel nos omneis tua beneuolentia complexus es, nihiloq; recepisti te illius rationem, cum affuisset occasio, esse habiturum: meminisse velis, nos tibi ita obstrictos esse, ob tua erga nos merita, ut tu humanitati ac liberalitati tuae, nos tibi ipsi omnia debeamus. Antonius tuus funebrem Christi Domini nostri orationem in delubro (ut mos est) adiunxerat Vaticanarum habuit,

sanè



sanè laculentè. Ea nunc oratio versatur inter manus, et summa cum laude ab omnib. legitur: in quo tui quoque absentis honorem & memoriam non mediocriter intelligo versari. Vale. Roma, M. D. XXXVII.

IAC. SADOL. CARD. REGI-  
naldo Polo S.R.E. Cardinali S. P. D.

POST discessum tuū, nihil adhuc ad te dedi literarū, quòd de publicis rebus acta omnia ad te mitti sciebam. De tuis autem nihil mihi nominatim mandaras proficiscens, quod metua causa facere aut sentire oporteret. Quòd si fecisses, benevolentia tibi meam & prestitissem re ipsa, & literis saepe declarasse: et si ad meum tibi amorem testificandum, non opus puto esse literis. Hic nos in magno metu Turcarum assidue sumus: praesidia tamen adhuc nulla, quæ quidem appareant, comparata habemus: nisi illud vnu maximum nobis est praesidium, quod positum est in Principis consilio & sapientia: qui iam sapius nobis confirmavit, se in communi tuenda salute, animo excubare. Et tamen arbitror à rerum peritis dictum, nisi extremo Sextili mense liberū ad nos cursum classem habere hostium non posse. Tuos conatus non eum habuisse exitum quem cuperemus, doleo equidem vehementer. Sed hoc a quiore sero animo, quòd ita fore prauideram. Tu modò saluum te nobis exhibeas, atque restituas: occasiones aliæ non deerunt, non enim eundem tenere statum diu possunt, quæ tanto pere sunt commota. Nos hic in fortuna tenui suslineamus tamen onus dignitatis, quoad possumus: rectam adhibemus voluntatē, reliqua Deo permittimus. Te ama

*mus & colimus, vt debemus, amariq; item abs te cupimus. Tu si quid fortè mihi per literas mandaueris, efficiam, vt te non frustra id fecisse intelligas. Episcopum Veronensem nostrum plurimum meis verbis saluere iubeas velim. Vale. Roma, 4. Non. Iulij, M. D. XXXVII.*

## IAC. SADOLETI EPISC.

### CARPENTORACTI EPISTO-

#### LARVM LIBER XI.

## IAC. SADOLETVS EPISC. CARP.

Georgio Duci Saxoniae S. P. D.



*Iraberis fortasse, Dux praestantissime, quid mihi ego nunc volens, literas ad te dederim: qui neq; vlla tibi familiaritate coniunctus, nec nomine ipso penè sim notus. Faterer mirandum hoc esse, nisi illud magis mirum futurum fuisset, cùm nihil ad alliciendum amorem virtute praestantius sit, si tua virtus insignis & spectata, tuum excellens Christianae pietatis studium, tua religio, non me & iampridè in amorè tui impulisset, & nunc animum tibi meum, quando coram non possum, literis vt indicarem, suaderet atq; hortaretur. Non enim veritus sum, ne tibi ingratum officium hoc meum accideret: nec dubitavi, quin tu, qui virtutibus reliquis excellis, etiam humanitatis, quae ceterarum decus lumenq; virtutum est, maximas partes feras. Hac spe de te fretus, quod facere saepe cogitavi, vt & meum amorem tibi patefacerem, & tuum concilia-*

ciliarem mihi: id agere nunc aggredior, incensus cupiditate tecum ineundi sanctissimi illius fœderis, quod Amicitiam appellamus: cuius inter nos auspex & confirmator Deus futurus sit, quandoquidem ambo illi puro corde, & religione integra seruire cupimus. Et si in hac quidem coniunctione amicitie nostræ, tuam ego mihi duntaxat beneuolentiam expeto: ea enim mihi maximi muneris loco futura est: à me verò tibi non solum beneuolentiam deberi confiteor, sed summam etiam obseruantiam & pietatem. Cur autem in hunc usque diem dilata sit mea hac voluntatis erga te, & beneuolentiæ significatio, patere, quæso rationem à me repeti aliquando longius: quo & ipse tibi notior fiam, & tu intelligas melius qua mente ad scribendum nunc sim adductus. Ego cum apud Leonem Decimum Pontificem Maximum (quod te meminisse aliqua ex parte arbitror) honestissimum locum tenerem: atq; illo tempore exorta essent noua hæc & turbulenta Luteranorum dogmata: aliqua hinc quidem etiam culpa, sed tamen maiore temeritate eorum, qui ab odijs hominum ad inimicitias Dei sunt progressi, ut qui essem Christo & Christianæ fidei vehementer addictus, sanctumque & inuiolatè seruandum morem maiorum esse ducere, maximo ex illis rebus afficiebar dolore: neque quicquam vnquam vidi mea in vita tristius, quàm illud factum esse inter nos disidium, quo non religionis solum vnitas atque concordia, sed salus tota Christiani nominis in discrimen vocabatur. Augel at dolorem meum, quòd multa quoque ab hac parte fieri vide-

bā parum accommodata temporibus illis . Nam neque ea, quæ huic malo apta poterant afferri remedia , nulla afferebantur : nec vox audiebatur bene monentium & suadentium : vt quæ mansuetudine , & à quibusdam rebus abſtinentia temperantiq<sup>3</sup> poterant vulnera ſanari , ea ne ferro & aſperioribus quaſi medicamentiſus in crudeſcere cogerentur . Exceſſit è vita Leo , breuiq<sup>3</sup> interiecto Adriani tempore , ſucceſſit Clemens : vir natura bonus , idēque colens recti atque honeſti , ſi perpetuū conſtare ſibi ipſe , & in conſilijs ſuis manere potuiſſet . Hoc ego Pontifice ſperaui modum repertum iri pacandis diſſenſionibus . Nam & ipſe hoc maxime agebat , volebatq<sup>3</sup> : & ego aſiduus hortator illi aderam . Tunc agi cœptum eſt de conuocandis Epiſcopis ex omni regione orbis terrarum , quorum & doctrina emineret & integritas , vt eorum quaſi opera atq<sup>3</sup> conſilio , ſacerdotum mores , qui vehementer videbantur eſſe labefactati , in veterem ſtatum redintegrarentur . Tunc cœpta iaci fundamenta ſanctius colenda & ſeruanda religionis , ſacerdotijq<sup>3</sup> ex ſordibus & maculis extrahendi . Res denique procedere cœperat : cū bonus , & mitis & religioſus Pontifex , verum idē in ſuis conſilijs retinendis aliquantulum imbecillior , quorundam artiſcijs , qui nimio plus apud eum , quàm Principi honeſtum ſit , poterant : in bella & Principum inimicitias deſcendere , & à ſanctis ſuis cogitationibus deſciſcere eſt coactus . Hic ego ſpe erepta , poſſe amplius per me Reipublic. conſuli : priuatum autem meum commodum , neque in honore , neque i. Fortuna ad

na admodum quærens, potiusq<sub>3</sub> eligens, & Deo, & mihi, & peculiaribus populis meis satisfacere, trans Alpes me meam ad Ecclesiam Carpentoraçte contuli, adiutus tum etiam singulari Dei beneficio, quòd viginti diebus ipsis ante Roma sum egressus, quàm clades illa horribilis ec direptio huic vrbi incideret. Iam quemadmodum in Ecclesia mea per decem annos manserim, quomodo populos mihi creditos gubernarim, si non religione exemplóque præstabili, at animo pio & beneuolo certè quantopere optimis atque honestissimis cum Philosophiæ tum sacrarum literarum studijs fuerim deditus, nil me commemorare nunc attinet, cum nec tua intersit ista intelligere. Illud commemorabo, quod huic tempori magis est appositum: me, cum animo, obfirmato constitutum haberem, nunquam amplius abie ex eis locis, in quibus essem Deo quasi consecratus, nec stationem illam relinquere, in qua me volens ipse volensq<sub>3</sub> collocassem: coactum tamen concilij nomine, & binis huius sapientissimi et optimi Pontificis literis ad Urbem me euocantibus, per causam quæ erat ascripta, vt tractarentur antè et deliberarètur ea, quæ mox in Concilio agi expediret: & vt morum ecclesiasticorum honestati ac decori consuleretur, Romam reuertisse, mœrentem quidem & inuitum, si spectentur cætera hoc vno me consolātem, quòd tantæ causæ Dei omnipotentis pro mea parte nō adesse, alienum mihi ab officio & pietate Christiana esse videbatur. Veni igitur, & imperio parui, atq<sub>3</sub> ibi paucis illis diebus cum essent mitia augendo numero S. R. E. Cardinalium facta,

facta, ego quoque inscius, & nil tale cogitans, iudicio  
tacito Pontificis Max. in amplissimum ordinem coopta  
tus sum. Habes seriem & rationem rerum mearum ge  
starum. Nunc ad ea quæ principio mihi fuerunt propo  
sita reuertar. Ego Georgi clarissime & optime, cum  
semper tuum nomen, tuaq<sup>3</sup> fidei Catholica propugna  
tio, iam inde ab initio temporum & dissensionum illa  
rum omnibus in ore & in sermonibus esset, celebraren  
turq<sup>3</sup> aures quotidie mea tuorum dictorum, factorum,  
consiliorumq<sup>3</sup> ad vnitatem concordiamq<sup>3</sup> spectantium  
nuntijs & fama: cumq<sup>3</sup> & splendorem nobilitatis tue  
intuerer, & reliqua in te cognoscere nobilitati paria:  
illam autem constantiam, & virtutem, & magnitudi  
nem animi tui vel imprimis semper essem admiratus, q<sup>d</sup>  
in tantis Germaniæ motibus, tantis defectionib. eorum  
qui excursum et licentiã suis cupiditatib. quæretes, so  
brium illum et abstinentẽ morem maiorum aspernabã  
tur passim et reijciebant, quorum etiã nonnulli honori  
bus tibi et propinquitate erant coniuncti: tu tamẽ per  
petuo in optima ratione constans, et in sanctis consilijs  
fortissimus extitisses: tantũ iã tunc erga te amoris ob  
seruantiaq<sup>3</sup> suscepi, nihil vt vehementius cuperẽ, quã  
aliquo tibi facto meo posse, aut dicto, incredibile animi  
mei studiũ declarare. Fecit autem discessus meus, et lō  
gum absentia nostra interuallũ, vt minus adhuc id age  
re, morẽq<sup>3</sup> in eo mihi ipsi gerere potuerim. Nunc autẽ  
non modo retractus in hanc Urbẽ, quã sponte prius re  
liqueram, verũ etiam in eo honore hoc munereq<sup>3</sup> affi  
xus cum m. inendũ mihi posthac in hac senatoria quasi  
vigi-

vigilia esse intelligam, tempestiuum duxi, scribere ad te: meq; ipsum totum tradere tibi, atq; dedere. Itaq; omni studio animi mei te rogo, si amor, si officium, si obseruantia erga te mea, si par atque idem in vtroque nostrum sensus, & religionis tuende sancta conspiratio, si deniq; amicissimi et beneuolentissimi hominis voluntas, in tua illa nobilissima mente, omnibus ornata, et virtutis & humanitatis laudibus, locum reperire sibi aliquem ad animum tum mihi conciliandū potest: Primum, vt me in amicitiam tuā recipias. Deinde, quoniam nihil mihi magis est propositum, quam fidem meā & operam Deo omnipotenti dicare, consilijs etiam tuis, & monitionibus iuues: mihiq; significes, quid tibi per me agi suscipiue posse, ad subueniendum his afflictis rebus, & perturbatis temporibus videatur. Polliceor enim tibi, si ad me interdum scribere, et tui cōsiliij prudentiā mecū communicare volueris, me effecturū, vt appareat nullus vnq; hominis autoritatē apud quenquam plus valuisse, quā apud me tuā. Quod hoc fidentius tibi promitto, quod cū habeamus summum Pontificem nil aliud cogitantem dies & noctes, quā quo pacto ista, quae disidijs & alienationib. animorum distracta sunt, in vnum rursus quasi corpus coalescant: eundemq; consilio & sapientia singulari: hoc tanto munere Dei immortalis, ad commune bonū Christiani nominis, omnibus vti nobis licebit. Extremum illud est: quod fidelis beneuolentiae est propriū vt omnia mea tibi officia ac studia, omnemq; quātula ea cūq; est in me, autoritatem deferam atq; pollicear. Proinde scito, nullo me

abs



abs te maiore affici beneficio posse, quàm si occasionem mihi dederis in tuis & tuorum commodis atq; honoribus operam, curâ, laboremq; omnem meum in hac urbe & curia ponendi atq; impendendi, si quid scilicet acciderit, in quo amici tibi hominis diligentia requiratur. Et si enim qui maioribus opibus, amplioremq; gratia tibi affuturi sint, multos habiturus es: tamē qui pari amore ac studio id agat, habebis profectò neminē, sicut tamen eadē probitas tua præstans & admirabilis, meūq; perpetuum de tuis maximis virtutibus iudiciū, requirit & postulat. Vale. Romæ, 14. Cal. Iulij, M. D. XXXVII.

IAC. S ADOL. CARD. GEOR-  
gio duci Saxoniz, S. P. D.

**Q**Uod nō tam cito tuis literis rescripserim, præsertim tam accuratè, tamq; prudēter scriptis, ignosce (quæso) mihi. Non ea mea fuit culpa, sed cū emergere cœpissē ex graui morbo, quo quatuor penē mensibus oppressus, periculum vitæ non semel adij, allata e& mihi sunt, meq; summa & incredibili quadam voluptate affecerunt. In eis enim non solum recognoui tuā pristinam virtutem, et sapientiam, quā semper antea sum admiratus: sed singularem etiam & nouam quandam humanitatem cognoui. Sic enim benignè atque astanter me in amicitiam tuam recipis, ut mihi qui hoc summè semper concupiui, ut tibi aliquo amoris vinculo coniunctus essem, nihil accidere potuerit optatius. Non enim ego, Georgi præstantissime, diuitiarum aut pecuniæ amator sum, nec honores & potentiā magno studio requiro: sed amo viros animo & virtute excellentes,

lentes, inq̃ eorum amicitia & mutua erga me beneuolentia incredibiliter acquiesco. Itaq̃ tua nunc erga me voluntate perspecta, crede mihi tanto in te studio sum accensus, vt nemini vnquā concessurus sum, qui aut ardentius te diligit, aut maiore cultu atque honore tuas præclarissimas virtutes prosequatur. Quid si locis disiuncti, congregari vnā & colloqui coram inter nos non possumus, literis tamen & crebris scriptionibus idem p̃p̃modū assequemur. Sed de rebus, quæ in tua epistola graues, & magnæ, & grauiter sunt, tunc tibi respondebo, cum summum Pontificē fuero allocutus, atq̃ ipse quoq̃ factus ero firmior. Nunc eum nec mente adhuc, nec corpore satis consistam, accipe (quaso) breuem hanc epistolā, testem animi et amoris erga te mei. Cum primum facultas dabitur, vberius ad te scribam: nec te patiar officium in eo meum desiderare. Tu vt valetudini operā des, nosq̃ diligere pergas, magnopere à te peto. Vale. Romæ IIII. Calend. Ianu. M. D. XXXVII.

## IAC. SADOLETVS CARDINALIS

Georgio Duci Saxoniae S. P. D.

**S**Vperioribus diebus, cum accepissem tuas, non solum elegantissimè, verum etiam prudentissimè scriptas literas: ipseq̃ ex graui morbo nōdum recreatus, etiam tum nonnihil laborarem, vt domo pedem nequirem efferre: non potui ita cito illis vt cupiebam respondere: quanquam me & officium stimularet, & amor: mihiq̃ eam curam inijceret, vt sapientissimi Ducis, et optimi, partam mihi beneuolētiam, qua munus nullum maius à quoquam expectare potui, studiosè ac diligenter mihi tra-

hi tuendam putarem. Sed, vt dictum apud veteres est, necessitati ne Deos quidem ipsos repugnare, sic me corporis imbecillitas differre totū hoc negotiū coegit, maxima mea quidē cum molestia. Quid enim mihi iam optatius, q̄ quo vno modo fieri potest, per literas videlicet colloqui tecum? quem habeo propè vnum hoc tempore, de cuius virtute, sapiētia, pietate, praestantissimū iudiciū faciam: & in cuius humanitate & beneuolentia erga me, animus meus praecipuē requiescat? Sed, vt dixi, vis fuit quae me impedijt, quo minus quod summē cupiebam, facere id exequiq̄, possem. Quam tu vim, et quam meā tarditatem cunctationemq̄, in rescribendo, pro tua illa singulari natura clementia aequi boni consules. Etsi his paucis dieb. dedi ad te literas: breues illas quidē, sed tamen testes huius eiusdem & animi mei, et voluntatis. Post illas autē datas, cū factus essem aliquando firmitior, nihil antiquius habui, quā adire ad summū Pontificem, eiq̄ literas tuas ostendere. Quae, vt erant, sic illi videbantur planē accuratē scriptae, & persapienter. Neq̄, verò ille tacitum habuit, neq̄, de tuis virtutibus non amplissimē est locutus. Sed cū maxima significatione sui erga te amoris, & commendatione laudum tuarum, totum penē curriculum vitae tuae mihi exposuit: Quid tibi ipse, quid sancta apostolica sedes deberet, quibus tu non operibus solum, sed etiam beneficijs cunctum Christianum nomen cōprehendisses. Hac ego etsi vel omnia, vel multò maxima ex parte per me intelligebam: tamen non mediocri afficiebar latitia, cū audiebam summū virum, summi etiam principis voce

*& testimonio laudari. Itaq; hoc tibi planè confirmo, si qua sit res, quæ tibi videatur ad commodum, aut honorem tuum pertinere, quam Pōtifex ipse efficere possit: facile te apud eum, & autoritate & gratia, vel me ipso interprete, vel alio quouis valiturum. Non enim ipse minus gratus est quàm prudens. Et cùm per prudentiam optimè discernat, qui sint de Republica meriti: tum autem bonitate & beneficentia erga eos est propensus. Sed hac hætenus. Nunc veniamus ad eas partes epistolæ tuæ, quæ maximam curam in respondendo requirunt. quarum omnium præclarè abs te positum illud fundamentum est, te semper existimasse, statum orbis terræ commodè regi non posse, si qui præsumunt, & imperium obtinent, ù non singulari inter se consensu animorum sint coniuncti. Præesse autem Pontificem Maximum ecclesiæ, Imperatorem orbi, ut ambos necesse sit pia conspiratione ad salutem cunctorum esse copulatos. Hac ratio conspirationis & concordie inter duos summos Principes, & mihi maximè probata est, & abs te verissimè assertur. nec dubitarem quin valitura esset, idq; efficeret, quod tu potissimè optas, si talia semper essent Principum ingenia, quale tuum est, Dux sapientissimæ, quale eorum qui Reipub. bono non suis cupiditatib. addicti sunt, quorum minima semper, ut tute optimè nosti, fuit multitudo. pauci enim omnibus extiterunt seculis, quibus potior esset publica, quàm priuata rei cura, qui singulari quidem sua cum gloria, & in veterum monumentis, & in nostris sermonibus adhuc viuunt. Sed tamen ille virtutis splendor, animis*

praua affectione corruptis, minimè notus est. Cū ergo aut Pontifex sui officij immemor, posthabita ratione recti atq; honesti, priuatas suas utilitates persequitur: & vnde maximè eas se adepturū sperat, eò totus fertur cupiditate & studio: aut Imperator libidine domi- nandi, Pontificibus metum appetitæ ecclesiasticæ diuio- nis inijcit: tum illa contingunt, quæ tu & piè & graui- ter detestaris. Quæ quoniam vtraq; sæpius facta sunt, & vt Pontifex priuatum sequeretur cōmodum negle- cto publico, & Imperator nonnunquam Pontificium ius vendicare sibi contenderet: iccirco exorta est taci- ta quadam cunctorum opinio, non posse ipsos inter se firma & fideli beneuolentia iungi. Quo quidem ex dis- sidio maximas tibi assentior Christianis populis inue- ctas esse calamitates. Sed quemadmodū vetera transa- cta sunt, ex antiquis Annalib. edocemur. Quid autem euenturum sit, nobis incertum est, nisi qd illud nō tam explanandum nobis nunc quidem est, quā quodammo- do significandum, fore aliquando vt reperiatur remedi- um, si hæc consilia tua in mediū proferre licitum fue- rit, quæ meis in hoc genere planè sunt consentanea. Nō enim sit tunc, & ceteros prudentia vincis, quod profe- ctò facis: id tibi etiam concedo, vt religione & studio bene agendi vincas. Si ergo promere tales rationes, & eos qui audierint velle illis obtemperare rationib. con- tingerit: non dubito fore locum sanctissimis optatus tuis: vt & perpetua inter duos hosce principes concordia constitutur, & è Repub. mala omnia tollantur. Quam- quam quod optamus, & de quo disputamus admirabi-

li Dei beneficio hoc tempore videmur consecuti. Nam & Pontifex is est, qui nulla cupiditate extraordinaria se transuersum agi, neq<sub>3</sub> ferri passus est: qui patrem se omnibus communem prabet: qui nullas partes dissentientium est secutus. Et Imperator optima mente, summo consilio, ac studio in tuenda Christiana Repub. propè singulari. quodq<sub>3</sub> imprimis ad rē pertinet, ambo inter se coniuncti cū amicitiæ fide, tum eisdem penè studijs ad communem salutem & voluntatibus. Quorum consensionem & beneuolentiam mutuam, qui labefactare & conuellere fictis suis sermonib. & inquis delationibus conati sunt, illa suspitione freti, de qua dixi paulò antè, per quam inter eos existere posse amicitiā non putatur: ij non virtutē & voluntatem optimorum principum mutauerunt, sed magis improbitatem ostenderunt suam. Quorum talium vtinā aut minor copia, aut ea minus idonea ad nocendum esset. Sed cū tui desiderij euentū iam bona ex parte videamur nacti, duob. his principibus amicitiā iunctis, bello tetro atque exitioso per inducias dilato, aut (quod ego malim) penitus sublato: spe pacis iniecta, quam auidissimè cuncti & ardentissimè expectamus: reliqua est cura & cogitatio conuentus publici: qui in vrbe Vicentia, loco opportuno & libero, omnibus qui in Christiana religione censentur, est indictus, post aliquas temporum prorogationes, quas necessitate fuisse expressas, qui sine cupiditate iudicant, possunt faciliè cognoscere. Eo in couentu si concursus fuerit is, qui ad rem tantam requiritur, non diffido fore, quin ad iniustam cuiusquam potentiam,



sed ad bonum commune consilia conferantur. Praesertim si tu, & qui virtutum ac religionis tuae imitatores sunt, concilio interesse studuerint. Nam Pontifex quidem noster optimo animo & summa temperantia praeditus, multa vestro, & tuo imprimis consilio, recta existimaturus est, quae nunc contrarijs ex partibus disputantur. In quib. tua imprimis & ceterorum bonorum autoritas plurimum valitura est. Neque ego sanctis & salutaribus Christianae Reipublicae consilijs vlllo loco deero. Sed est hic quiddam quod mihi à te petendum sit: scilicet consilio uti me iuves: quando nil fugere tuam excellentem prudentiam potest. Peto autem, non quidē quo pacto in concilio me geram: scio enim debere hoc me Deo, et fidei meae, ut nihil in eo dicam, aut sentiam, nisi quod mihi rectū esse videatur: à quo ego proposito nunquā ne digitum quidē sum discessurus. Noui enim quid haec professio nostra, quid sacerdotij munus, quid Dei omnipotentis timor à me postulet. Quae si non essem literis & libris edoctus, in quibus omnem meam aetatem contriui, atque consumpsi: negotia tamen, & rerum tantarum longus usus, in quantis ego versatus sum, facile potuerunt me instruere & docere. Non igitur quero, quo pacto in concilio me geram: sed quemadmodum erga aduersarios Lutheranos mihi agendum sit: qui primum dubito interfuturi sint concilio, necne. Quamquam si pax vobis diuino beneficio donata fuerit, Imperatore Carolo soluto à bellicis curis, facile (ut arbitror) cogi poterunt, ut intersint. Sed siue id fiat, siue non, anceps animi sum, quomodo cum eis agam: utrum

acri-



acriter ac uehementer, an mansuetè et comiter. Primū quàm malè processerit ŷs, qui via illa ingressi sunt, intelligo. Alterū ego cū experiri conatus sim, literasq; ad eorum nonnullos dederim humanè, ac satis etiam honorificè scriptas: sentio quàm malè sim à multis in ista Germanica natione acceptus, qui me aut scripsisse ad hereticos homines, aut illo modo scripsisse arguunt, ac reprehendunt. In quo ego si consilio lapsus sum, studio certè & pietate erga Deum non sum lapsus. Quid enim aliud ego quasiui, quàm dum honorificè & comiter ad illos scribo, vt ipsi quoque ad parem moderationem & quandam etiam beneuolentiam mei inflecterent se, atq; adducerentur? Quod si essem adeptus, speraui maiora me multò & commodiora ad spem concordie & rationem publicæ utilitatis esse facturum.

Quæ voluntas mea certè reprehendenda non est. Nam de iudicio, & vtrum id sapienter à me factum fuerit, an secus, tuum præcipuum iudicium Dux præstantissime requiro: quod apud me maximum semper & grauissimum futurum est. Tu enim mihi propositus es, qui & norma consiliorum meorum, & actionum omnium regula, quæ ad istiusmodi res & negotia pertinebunt, futurus sis. Facit etiam amor in te meus, & fides institutæ iam inter nos amicitie: ut meas abs te potissimum actiones aut probari velim, aut corrigi: cū approbatio summam mihi animi voluptatem, correctio autem maximam utilitatem sit allatura. Siquidem tuis castigationibus & monitis siam melior. Summopere igitur te rogo, ut de hac re scribas mihi sententiā tuam. Nam

si susceptum mihi hoc negotiū scribendi ad Luteranos, & cum eis humaniter agendi, ad quod ego accedere cōpi studio concordia & Christiana consensionis adductus, tu non improbaueris: pergā ut institui, & plures hoc genere officij comprehendere, ac mollire contendam. Sin autem hac tibi tota inanis actio & minus honesta esse visa fuerit, tuum ego cōsiliū potissimum sequar: nec vnquā tam firmus vlla in opinione ero, (de his loquor opinionibus, quae ad quotidianas rerum gerendarum deliberationes pertinent) quin tuum iudicium anteponam meo. Verū de his satis. Ego in amicitia hac nostra, cū & officiosi animi tui, & optima erga me voluntatis, ea indicia habeam, quae habere semper concupiui, dabo profecto operam, idq; meo incredibili erga te amore perpetuaq; & singulari obseruantia cōsequar, ut me tibi iunctū amicitia esse nunquam te pœniteat. Vale Dux praestantissime. Roma XVII.

Calend. Februarij, M. D. XXXVIII

IAC. SADOLETVS CARDINALIS

Georgio duci Saxoniae, S. P. D.

**N**on possum sine aliquo dolore animi scribere ad te, & tuis humanissimis ac prudentissimis literis respondere. Quae cū redditae mihi essent illo ipso tempore, quo mihi proficisci ex vrbe necesse erat, & summum Pōtificem qui antecesserat sequi: nō habui tum spatium quicquam rescribendi. Nec verò itinere toto vsque ad Niceam, vbi principum congressus cum summo Pontifice erat futurus, data est mihi facultas, non modò mandandi literis cogitationes meas, sed ne cogitandi

tandi quidem quippiam : quod & itineris molestia & difficultas, mihi ex superiore morbo nōdum penitus re creato, & renouatus deinde Placentia morbus, qui me ad interitum penè perduxit, impedimento fuit, quò minus ad te, ad quem maximè cupiebam, et quem mihi assidue ante oculos propositum habebam, literas darem.

Cū interim meus in te amor perpetuus atq; cōstans animum meum requiescere non fineret: inq; eo mihi viderer peccare, in quo non peccabam. Ita enim edgitabam tacitus, atq; hac menti mea subijciebam : quid ille nunc talis vir, & Princeps, cuius tu amicitiam præsētissimis illius virtutibus permotus tam cupidè appetisti: si literas flagitat tuas; per teq; potissimum de rebus quæ aguntur cupit fieri certior, tuūq; repentinum admiratur silentium literarum: quā tu eius suspiciōē de tua negligentia & tarditate excitabis? credē mihi Georgi clarissime atque optime, hac animi mei sollicitudo ad morbum adiuncta, ipso mihi morbo aliquantum erat grauior. Etenim si quisquam est qui officium colat diligenter, & indulgeat amori, vbi eū semel erga quenquam susceperit: ego me illum esse existimo: ergo omnes quidem, in quibus aliqua insunt causæ cur debeant amari: (nihil enim est mea natura ad amādū, & ad fauēdum bonis propensius ( in te ipsum verò hoc acrius ac vehementius, quòd nec dignior quisquam ab ullo vnquam hominum qui ametur delectus est: nec eis virtutibus ornatior, quæ non solum officia beneuolentiæ requirunt, sed obseruantia etiam summæq; venerationis. Quæ cū ita sint, cumq; ego tibi iam dudum

meum omnem amorem, studium, honorem, obseruantiamq<sub>3</sub> detulerim: te rogo atque oro, vt hanc meam pratermissionem officij in eam partem accipias, quasi hac culpa nox mea sit, vt certè non est, sed fortunæ: quæ fecit, vt nec ego mea cupiditati ad te scribendi obsequi possem, & tu diutius, quam par erat, literis meis careres. Habes causam mea taciturnitatis, quam tibi pro tua singulari bonitate & sapientia planè probatã iri confido. Nunc audi reliqua. Niceam veni quomodo quidem potui, delatus lectica, omni ratione adnitens, vt interessẽ consilijs, in quibus de summa Republica agebatur: cùm tamen quotidie aliquot horas leui febri cula laborarem, essemq<sub>3</sub> inualidus: qua in valetudine adductus non sum vt desisterem à muneribus publicis. Non enim mihi corpus esse magnificiẽdum duxi, dum aliquam operam nauarem tum ipsi immortali et omni potenti Deo, tum pura illi sanctæq<sub>3</sub> Christianæ fidei, q̃ nos erga eundem Deum constanter retinemus. Cuius tu quidem fidei Georgi hoc tempore præcipuus es, & propugnator, et signifer. Itaq<sub>3</sub> in senatu, cùm his haberetur, semper interfui: dixi q<sub>3</sub> de pace, de concordia, de statu Christianæ Reipub. sententias. Collaudaui summum Põtificem beñe institutam ab eo, susceptamq<sub>3</sub> pacificandi prouinciam vehementer comprobaui: precatus sum vt pergeret, instaret, rem vrgeret. Noñiã cetera, quæ in hanc rationẽ dici possunt. Id quoq<sub>3</sub> egi priuato officio, vt cum vtroq<sub>3</sub> principũ colloquerer, deq<sub>3</sub> eisdem rebus cum illis agerem suaderemq<sub>3</sub>, vt ciuilibus extinctis discordijs, Christiano nomini ob eorum dissen-

siones

siones præcipue laboranti, et ab hostibus Turcis in extremum penè iam discrimen adducto, cõiunctis animis ferrent opem, hostesque conprimerent: relinquerent hanc tanti nominis tantæq; gloriæ hereditatem liberis suis. Quæ quidem hereditas neq; ijs qui illam reliquissent, neq; ijs qui acceperint, unq; esset interitura. Nam cetera quæ sunt à fortuna, opes, diuitias, honores, imperia, omnia fluxa & caduca existere: neq; quenquam ea scire quandiu sibi aut suis mäsura sint. Hoc pietatis erga Deum specimē, hoc officium vere Christianorum Principum, sine vlla controuersia fore sempiternum. In his sermonibus cum vterq; Princeps aptè admodum mihi, atque humanè responderet, perspexi optimum animum Christianissimi Regis: Caesaris autem virtutem & animi magnitudinem vehementer probaui. Post cõsecuta ea sunt, quæ tibi nota esse certò scio. Primum, qd ad inducias decem annorum attinet. Deinde quod ad colloquia ipsorum Principum, eorumq; inter se cõplexus, congratulationes, lacrymas: vt omnia optata à nobis & desiderata pacis, non solum signa atq; indicia, sed certissima etiã pignora habeamus. Quæ mihi cum sua sponte iucundissima sunt, ( nihil enim vidi in vita quod latius mihi, aut optatius acciderit ) tum verò cumulatur gaudium meū cogitatione illa, qua te quoq; summo ob easdem res frui gaudio non dubito. Itaq; & sæpius relegens epistolam tuam hanc, quæ postrema ad me missa est, in qua imago vera optimi Principis expressa cernitur: & ea memoria repetens, quæ sæpius à me tibi significata sunt, & mente & voluntate summi.

Pontificis à disidijs aliena, de coniunctione eiusdem cū  
Cæsare, de rebus cæteris: valde sanè delector, & meam  
fidem apud te constitisse, & ea quæ optando in literis  
tuis sanctissime prudentissimeq; designas, ex sententia  
tibi atq; eadem etiam mihi Dei immortalis incredibili  
beneficio feliciter euenisse. Sed de his satis etenim ve-  
reor ne hac ipsa epistola modum iam transierit. Ego à  
Nicaea Carpentoracte ad meam ecclesiam diuerti, loco  
rum vicinitatem, & spem commodiorē ex morbo con-  
ualescendi secutus. Vbi nunc sum, nec me hac hyeme in  
Italiam transitarum arbitror, vt postea melius confir-  
matus ad urbem proficisci possim, atq; ibi Reip. atq; a-  
micis operas meas impendere. Nunc tibi mitto oratiun-  
culam quandam meam, quam ego Roma confeceram  
ante discessum, modò Carpētoracli relecta ea à me est,  
& aliquot locis commutata. Ea continet sanè modestā  
(mihi vt videtur) & cuilibet rectè iudicanti probabi-  
lem sanctæ Romanæ Ecclesiæ & totius sacerdotij defen-  
sionem, aduersus probrosas & penè quotidianas Luter-  
norum vituperationes. De qua oratione aut continen-  
da aut inuulgāda tuum iudicium potissimum expecto,  
si eam vtilem, si profuturam existimas. Namq; ego irri-  
tare neminem prorsus volo, nec serere contentiones:  
hortator enim sum pacis & autor: id scribere opto, &  
nec Luterani iniquo omnino animo ferant, & Catholi-  
ci accipiant æquisimo. Hoc tu Dux optime diligenter  
animaduertes, mihiq; sensum animi tui significabis,  
& suadebis quid agendum sit. Te, & item Cochleum,  
& Iulium, tuos viros optimos, & optimè de Christia-



na religione meritos, quos ego quoq<sup>3</sup> valde diligo, rogatos volo, vt antequam ad me quid sentiat, rescripseritis, egoq<sup>3</sup> vobis responderim, in alienas manus orationē meam ne exire patiamini. Vale. Capent. XI. Calendas Octobris, M. D. XXXVIII.

IAC. SADOL. S. R. E. CARDINA-  
Iulio Peflugo decano Misnenfi. S. P. D.

**N**oli mirari, si tuis sanè iucundis mihi & suauib. literis serius respondeo, quàm æquum fuit. Cum enim in illo ipso nostro ex vrbe Roma discessu, quo Nicæam omnes contendebamus, eas accepissem: neq<sup>3</sup> tunc spaciū habui rescribendi, & toto illo itinere incertis febribus doloribusq<sup>3</sup> intestinorū grauissimè vexatus, vix vitam potui retinere: quæ certè fuisset amissa, nisi Dei summi bonitas & clementia opem mihi tulisset.

Quanquam vtrum mihi magis expediat vtiliusque sit, viuere, an mori, ego nescio: neq<sup>3</sup> horum alterutrū mea multum interest, idq<sup>3</sup> ad Dei voluntatē totū reijcio. Literis quidem tuis, vt primum commodè licuit, respondere non pretermisi: quas mihi scito fuisse gratissimas. Nam & ingenij tui specimen mihi detulerunt, & iudicium erga me non mediocris amoris. Quorum alterum facit, te dignum omnium beneuolentia iudicem: alterum, vt ipse quoq<sup>3</sup> te diligā. Quod quidem ita necesse est, si is volo esse, quem tu tibi aliàs cognitum ita humanum & comem esse scribis. In quo profecto non aberrat à natura mea prædicatio tua: sum enim ad fauendum bonis mirificè propensus. Itaque quod meam in fidem & patrociniū contulisse te scribis, ego verò  
te Iuli



te Iuli charissime in ius et in amicitia fidem libenter recipio, vel tuae virtutis, vel cognati tui hominis amplissimi collega mei causa, quem ego & viuum dilexi semper, & mortuum eadem beneuolentia prosequor, nec vnquam illius eximias virtutes officiaq; erga me è memoria deponam. Est et illa causa, cur te debeam amplecti, quòd videre mihi videor in literis tuis pietatem eã qua erga Christianam Remp.es affectus. Sic enim quereris, sic luges rerum praesentium statum, vt appareat te meliora valde cupere. Cui cupiditati tuae, mea q; vnà earundem rerum voluntati, vtinam prae potens Deus secundos aliquando exitus concedat. Sed hac haecenus. Ego impraesentia Carpentoraeti sum, à Nicaea huc digressus, quiescendi aliquandiu & valetudinem curandi gratia. Tu si quid opera mea indigeris, dum in his sum locis, per literas, cum Romae fuero, vbi me vere proximo futurum esse arbitror, praesens ipse ita te & res tuas tuebor, ut quoad eius fieri poterit, te aliquod in me praesidium tuis & rebus & fortunis conslituisse nunquam poeniteat. Vale. Carpentoraeti, XI. Calen. Octobris, M. D. XXXVIIII.

IAC. SADOLETVS CARD. IO.  
anni Cochlaeo, S. P. D.

**T**Vas literas XVII. Calen. Augusti Misinae datas, ego Carpentoraeti VIII. Calen. Decem. accepi. Eas tu me Romae, aut in itinere sperasti accepturum. Quae opinio non solum te, sed me ipsum etiam sefellit. Nam summum Pontificem ad conciliandos Principes Nicæam proficiscentem, ego ex vrbe prosecutus, toto illo itinere  
Placen-

Placentia præsertim, grauiter agrotauī. Nec tamen destiti quin peruenirem Nicaam, illisq; sanctis & salutaribus negotijs interessē. Post conuentu soluto, locorū vicinitatem, & cæli salubritatem secutus, Carpentoracte meam ad ecclesiam me recepi, vbi etiā nunc conmoror, nec ante proximū ver in Italiā rediturus sum. De his omnibus, deq; inducijs & compositione inter dissidentes antea inter se Principes facta, scripsi superiorib. diebus ad clarissimum virum Ducem tuū: quas ad eum literas hoc tempore arbitror esse perlatas, & cum eis vnā oratiunculam quandam meam, quam ego Romæ conscripseram antequam inde profisciscerer, ad hæc ipsa negotia videlicet, & Germaniæ & Luteranorum pertinentem. De qua oratione tum Georgij ipsius optimi, doctissimi, religiosissimi principis, tum tuum etiam iudicium exquirebam: edendāne esse videretur, an potius domi continenda: quod ut magis putem tuæ literæ faciunt. Scriptæ enim sunt & accuratè, et prudenter. Videtur enim (quemadmodum tute scribis) disceptatio ad vos, ad nos autem iudicatio magis pertinere. Itaque ego, qui de tua & doctrina, & probitate, semper optimè sensi: nunc ex his literis tuis, & ex eo libello, quē ad Sturmium misisti, qui à me lectus summa cū voluptate est, addidi etiam aliquid ad opinionē pristinā. Non enim solum mihi doctè, verū etiā moderatè, & leniter scribere videris: quam ego scribendi rationem & viam imprimis probare soleo. Dederam sanè ego quoq; ad Sturmium literas, eum leniter obiurgans: quarū exemplum misi ad te, vt si tibi etiā viderentur inuul.

inuulganda, tuo arbitrato statueres. Decet enim nos istorum insolentiam non exasperare cōuitijs, quo in genere maximè exultant ipsi: sed mansuetudine retundere, quod proprium officium Christiani hominis est. De concilio spem non amisi, bene enim sentio de Pontifice maximo. Hæc certè postrema eius prorogatio, rogantibus & contēdentibus ambobus principibus, facta est. Quare ego quoq; ad id temporis quo auspicandum cōciliū est, in Italia esse cogito. Albertum Pighium, hominem meo quoq; iudicio doctissimum, audio ex te libros edidisse de Ecclesiæ Principatu: quos equidem habere cuperem, libenter enim lego eius hominis scripta. Quod verò in quibusdā tibi videatur nimis ille exaggerare summi Pontificis auctoritatem, idq; tametsi verè fiat, tamē in hoc tempore non nihil periculosum esse: noli agrè ferre. Vtinam tam mores nostri probati essent hominibus, quàm est Pontificis potestas sine vlla dubitatione maxima. Neq; hoc nocere publicæ causæ (vt ego arbitror) potest. Reliquum est, vt à te petam, vt ad me frequenter scribas, faciasq; me de istis rebus Germaniæ quā sepius certiore: quod nihil gratius expectare à te possum. Mea & beneuolentia & opera semper est tibi, & erit parata. Vale, & Georgium ducem præstantissimū omnium, meis verbis iube saluere quàm plurimum. Carpent. Pridie Calend. Decembris, M. D. XXXVIII.

IAC. SADOLET. CARD. IVLIO  
Peflugo, & Ioanni Cochlæo, S. P. D.

**C**ommunes ad vos dedi literas, quod eram multis occupationibus impeditus: vestras autem amborum

& diligenter, & non sine aliquo animi dolore legi. Quæ statum mihi Germania ante oculos posuerunt & infelicem, & miserum: & cui (vt perspicio) non à nobis, sed à summo Deo auxilia sunt petenda. Quanquā ego quidem pro mea parte non deero. Sed quid possum vnus, aut certè cum paucis? video enim omnino paucos quibus ista negotia sint cordi. Concilium futurum sit, necne, non possum affirmare certò. Spe tamen teneor, Pontifici Maximo, hanc rem fore curæ: optimè enim ipse & loquitur & sentit. Quo autem tempore aut quo Christiani populi commodo sit futurum, nō habeo quid dicam. Primum pendet non è Pontifice solum, sed Christianis etiam ex principibus, qui maioribus curis districti mihi videntur: præsertim tanto conflato aduersus Turcas bello. Alterum, quidnam euenturum ex cōcilio sit, nec satis scio, nec si sciam ausim dicere. Maxima mihi videtur ratio fore constituenda Christiana Reipub. si Pontifex vnus ad corrigendos mores ecclesiæ incubuerit. Quod ipse tamen prædicat & promittit se facturum. In vestris porrò literis tua pietas in Christi rem & fidem mihi Iuli probata est, et beneuolentia erga me iucunda, neq; ego tibi propter virtutem tuā propterq; eum Principē, cuius tu cōtubernalis, ego amantiſſimus & studiosiſſimus sum, vllò vnquam loco sum defuturus. Tu verò Cochlae, nihil mihi gratius facere potuisti, quā me de illis in oratione mea partim meis, partim etiam librarij erratis admonere, quæ ego corrigi iussi. Hoc tu, si me amabis, semper vt me admoneas facies. De oratione edenda scripsi ad Clarissimū Ducem Georgium

gium quid mei consilij sit. Tu illas leges literas, & ages quod vtile tibi videbitur Christianæ esse Reipub. Librū tuū in illas vesanas Luteri declamationes, legi summa cum voluptate, vehementerq<sub>3</sub> probaui. Arbitror posse me affirmare, raro adhuc vidisse in eo genere quicquā editum, quod distinctius mihi, & accommodatius scriptum videretur: atq<sub>3</sub> ex ea quidem doctrina, quam ego maximè probo: non spinosa & cauillosa: sed plana, atque illustri, è puris sacrarum literarum fontib. deprompta. Quamobrem miror illum hominē impurissimum, ita ferreum os ad contentionum studia afferre, vt eum neq<sub>3</sub> vitæ neque impietatis suæ pœniteat. Sed illum vlciscetur improbitas sua. Ego quodam alio in opere, quod nunc cudo, habeoq<sub>3</sub> in manibus, nonnulla insector Lutherana dogmata, eorū quæ maximè ad reuellendā Christi religionem intenta sunt. Rectène an perperā, tuum & aliorum erit iudicium. Mihi quidem voluntas bona est, et ad tutandā auctoritatem ecclesiæ animus paratus: sed vires interdum me deficiunt. Quicquā tamen erit à me, ad Dei gloriam & fidelis populi salutē totum erit. Tu vt scribas ad me crebro Cochlae, atque adeo ambo vt scribatis, vobisq<sub>3</sub> psuadeatis me omnia cupere & velle vestra causa, à vobis peto. Valete. Carp.

IAC. SADOLET. CARDIN.

Ioanni Cochlaeo, S. P. D.

**B**Inas à te vno ferè tempore accepi literas, quæ vti-  
nam ad me nunquam fuissent allatæ. Tristissimum  
enim mihi nuntium attulerunt, de Georgij morte opti-  
mi & sapientissimi Principis. Quem ego propter præ-  
clarissi-

clarissimas illius virtutes, æquitatem, religionem, integritatem, prudentiam, summo in honore habebam: eumq; ita amabam, vt si fuisset eodem ex vtero geniti, neq; maior meus erga illum, neq; iustior potuerit esse amor. Itaq; tanto dolore sum affectus, vt moderari mihi ipse non queam. Quid enim est quod me amantissimum & talium virorum, & rei Christianæ publicæ, maiore vulnere conficere potuerit, quàm tanti Principis mors?, quæ, vt ipsi forsitan matura, rei quidem publicæ exitit peracerba. Mihi verò tantum mœroris, tantumq; luctus attulit, vt penè mihi solus in hac calamitosa conditione temporum videar esse relictus. Quicū die noctuq; de Repub. cogitans, in eo curas consummerem omnes meas, vt aliquando reconciliata ecclesiæ vnitatem, in pace & otio debitum cultum Deo tribueremus: maximam eius rei spem in illo sapientissimo Principe repositam habebam. Quo nunc sublato, quid est quod sperare amplius, aut quod nostris conatib. & consilijs confidere debeamus? Quanquam solet Deus, cū ad desperationem penè res ipsa nos deduxerit, subitas interdum spes & improuisa auxilia fidelibus suis ostendere. Quem equidem supplex omnibus precibus obtestor primū, vt animæ illius præstantissimi viri clementiam & misericordiam suam tribuat. Deinde, nobiscū ita agi pmittat, vt ne cogamur eū nimis sæpe, nimisq; acriter & dolenter desiderare. Etenim video pericula quæ impendent: tuq; satis planè ad me omnia perscribis. Sed tibi mi Cochlae, quantū in me est, quodq; mea exigua fortuna mihi concedunt, ita beneuolentiā meā



polliceor, vt nulla sim vnquam in re tibi defuturus. Cū  
 hac ad te scriberem, aberam ab vrbe, deq; meo illhuc  
 reditu nondum quippiam certi constitueram: vt te nō  
 possem Pontifici Max. præsens commendare. Sed quod  
 absens efficere possum, scribam ad ampliſſimum virum  
 Gaſparem Contarenum, vt is et ſuam et meam vicē in  
 te commendando ſuſcipiat: addatq; ad amorē eum quo  
 te ipſe diligit, aliquid præterea mei honoris, & mea  
 erga te volūtatis cauſa. Quod facturum illum non du  
 bito, tanta eſt virtus hominis, & in omneis bonos bene  
 ficentia. Ego, quæ mea erunt partes, nomen & memo  
 riam ſanctiſſimi Principis mortui, chariſſimè ſemper  
 diligentiffimeq; cuſtodiā. Tibi autem & Iulio ita ero  
 affectus, vt plus quidem vos in me facultatis ad vos or  
 nandos, amoris autem & ſtudiū nequaquam plus ſitis  
 deſideraturi. Tu cura vt valeas, et in omni fortuna eā  
 patientiam præſta, quam Chriſtiana virtus poſtulat.  
 Carpentoraſti, VII. Idus Iulij, M. D. XXXIX.

IAC. SADOLETVS CARDINALIS

Ioan. Cochlæo, S. P. D.

**D**Olore non paruo affectus ex tuis literis, quas abs  
 te menſe Auguſto datas, ego VI. Idus Nouembris  
 accepi, ſtatim hæc ad te ſcripſi: non ſine aliqua aduer  
 ſus fortunam querela. Quod cū iam antea tibi, & il  
 li præſtantiffimo Duci Georgio de mea ad Germanos o  
 ratione non vulganda reſcripſiſſem: deinde ex binis li  
 teris tuis, primū de obitu filij, deinde de ipſius etiam  
 morte certior factus, tibi quoq; tum reſpōdiſſem, illius  
 religioſiſſimi Principis obitum, & ſimul Reipub. Chri  
 ſtia-



stiana calamitatem deplorans: intelligo nihil mearum  
 ad te literarum allatum fuisse: cū tamen absens adhuc  
 & in ecclesia mea manens Carpentoracti, meis qui in  
 vrbe sunt, praecepissem, vt omneis meas ad te literas  
 per Ambrosium Theutonem, quem tu mihi nominas  
 in literis, ad te mittendas curarent, quod ita factum  
 esse ab illis non dubito. Sed fortuna profectò mihi mœ-  
 rorem renouare voluit, quem ex Georgij optimi et san-  
 ctissimi Principis morte acceperam, cuius mihi mentio  
 et nomen ita haeret in intimis sensibus, vt nunquā Deo  
 pro mortuis supplicē, quin illum nominatim et impri-  
 mis diuina misericordia commendem. Sed hac qua ad  
 priuatum officium pertinent, non tam nobis commemo-  
 randa, quā praeſtanda sunt. De te mi Cochlae velim  
 hoc tibi maxime persuadeas, eam me suscipere cogita-  
 tionē, quam frater de fratre suscipere solitus est. Amo  
 enim te, tum probitatis, religionis, doctrinae, tuae cau-  
 sa, quam ego magnifacio: tum etiam quoddā intelligo me  
 abs te amari. Itaque facultates meas, quantulacūque  
 ea sunt, omnes tibi libenter defero. Si cetera te defi-  
 ciant, quae aliunde maiora & vberiora expectare po-  
 tes, digna virtute & laborib. tuis, apud me quidem re-  
 ceptus tibi est, et communicatio fortunarum mearum:  
 quae etsi pertenuēs sunt, animis tamen à cupiditatibus  
 liberis, & maioribus virtutis ac literarū subsidijs prae-  
 ditis, exiguae opes ad bene viuēdum sufficiūt. Si Romae  
 essem, plura polliceri tibi possem: nunc cū sim in his lo-  
 cis, neq. illhuc (vt nunc est) me conferre cogitem, cau-  
 sis & multis & necessarijs adductus, vt Euangelij ver

bis vtar, quod habeo, mi Cochlæ, hoc tibi do. Tu certe nunquam in me nec fidem, nec officium, nec amicitia memoriam, nec beneuoli hominis animum desiderabis. Iulium tuum quem singulariter diligo, cupio tecum omnia habere prospera. Faueo certè vtriq; vestrū & vestro proprio, & communis religionis nomine. Quæ scribis ad me de Ecclesijs istic disertis à cultu Dei, deq; concionibus aduersariorum nostrorum, periculisq; omnibus quæ p̃ijs & probis hominibus impendent: ita mihi acerba & luctuosa visa sunt, vt non audē ea, tanquam vulnera animi mei, verbis refricare. Deum supplex oro, vt aliquādo ipse benigniorib. oculis nos respiciat. nō. n. iam vllis nostris in consilijs, sed in eo vno sunt omnia, ad quem spes nostras penitus habere cōuersas debemus. Vale. Carp. Pridie Idus Nouēb. 1539

IAC. SADO L. CARD. GVLIEL-  
mo Bauariæ Duci S. P. D.

**C**Um ab Carpentoractensi ecclesia mea Romam rediissem Pōtificis maximi iussu non modò euocatus, verū etiam compulsus, nihil habui antiquius, quā vt ad te literas darem: per quas testarer, illum ipsum amorem, illam insignem beneuolentiam simul & obseruantiam, qua te & fratrem tuum clarissimum virum, vniuersamq; domum & familiam vestram semel sum, nō casu, nec fortuitò, sed propter maximas virtutes, vestraq; in Christianam Remp. egregia merita completus: manere & perseuerare candem. nec ob mea absentia diuturnitatem quicquam ibi detrimenti, aut diminutionis accidisse: meq; eo esse animo, quo semper fui:

ut vestro honori, commodo, dignitati, ornamentisq<sub>3</sub> omnibus, incredibili animi studio sim addictus. Sic enim & summa virtus vestra nobilitasq<sub>3</sub> meretur, & meae constantiae ratio postulat, & tempora ipsa praecipue requirunt: in quibus turbato statu orbis terrarum, divinis humanisq<sub>3</sub> legibus penitus contemptis atq<sub>3</sub> reiectis, vestra imprimis pietas, & sapientia, tanquam in tenebris lumen elucet. Itaq<sub>3</sub> ego, qui ob propinqua pericula quae instant nomini Christiano atq<sub>3</sub> imminet, dies noctesq<sub>3</sub> assidue sollicitor, nec ullam partem capio quietis: vehementissime equidem optarim habere Stocamerum nostrum, aut alium quempiam tuorum, qui cum ea quae me angunt & sollicitant, communicare tuto possem. Profecto enim si ceteris auxilijs, opibusq<sub>3</sub> deficior, quas si haberem, libentissime tibi deferrem: non omnino monita, consiliaq<sub>3</sub> mea tibi aut ingrata essent interdum, aut inutilia. Sed tamen ita Stocamerum habere velim, si id quoque reliquis tuis rationibus conducatur. Etenim scito me grauter angi, quod video nos omnes in extremum iam ruere discrimen. Quando ista auxilia apparatusq<sub>3</sub> Germania, qui feruntur, me quidem non consolentur, sed perterreant. Quamobrem & quibus de causis, non est epistola committendum. Sed hac hactenus. Et quando iam Romae, & apud Summum Pontificem sum, ita hic tibi operam, fidem, studium, benevolentiamq<sub>3</sub> meam defero atq<sub>3</sub> polliceor: ut tibi hoc esse persuasissimum velim, neminem te unquam reperturum esse, aut amantiorē tui, aut qui maiore studio et diligentia tuis reb. deserviat. Vale. Romae, VI. Idus Maij, M.D.XLII.

IAC SADOLETVS CARDINA. GV  
lielmo Duci Bauariæ S. P. D.

**A**ccepi tuas Dux præstantissime literas, ex quibus duplici latitia affectus sum. Nam & de tua, fratrisq; tui clarissimi viri salute & incolumitate nunciū mihi optatissimum attulerunt, et vestrā mei erga vos amoris memoriam declarauerunt apud vos vigere. Quorum vtrum mihi iucūdius acciderit, iudicare difficile est. Sed quod pertinet ad eas curas, & sollicitudines quibus cū ad te scribebam, vehementer eram districtus, & ob quas Stocamerum hīc adesse cupiebam: ut satisfāciam desiderio tuo, qui te cupidum cognoscendī esse scribis, quā me restant opere sollicitum tūc haberit. scio me, cū dolerem vehementissimè & angerer, regnum Vngaria ab immanissimo hoste nominis nostri Turca Christiana Reipub. esse ereptum. Maiore quoque in metu præterea fuisse, ne expeditio ista Germania, & conatus vester regni illius recuperandi, cumlaret potius clades & ruinas nostras, quā leuaret. Cur autem ita pertimescendum putarem, has habebā causas. Primū, videbam exercitum conflatum ex varijs nationibus, non facile in vnum posse consensum cōspirare: ut omnium prorsus eadem esset, & vis & voluntas. Deinde, intelligebam nullum esse certum nostri exercitus ducem eiusmodi, qui scientia rei militaris regere, autoritate & fama rerum antè gestarum, milites ad promptè alacriterq; parendum cogere & compellere posset. Tum autem territis altero iam, aut tertio aduerso pralio nostrorum animis, non magnopere con-

confidendum putabam. Postremo, vt essent tollerabilia cetera, videbam tamen in vno pralio periclitari fortunam totius Christianæ Reipubl. quæ, si fusi, fugatiq; essemus, (quod quidem Deus omen in suos hostes conuertat) nullum mihi videbatur præterea habitura præsidium, quo aut se sustinere diutius, aut vndeniti ad se vindicandam posset. Etenim quis nõ intelligat, si victus sit noster exercitus, Austriam cõtinuò in hostium ditionem concessuram? Germanos Principes vt quisq; proximus Austriæ sit, differendi supremi exitij causa, pactiones & fœdera cum Turcis quasituros? Maximũ subito equitatum hostium in Italiam irrupturum: omnia deniq; terrore et tumultu cõpletum iri? Atq; hæc cum timerem, grauius etiã illa re exterrebar, quòd contra apud hostes omnia se habebant. Vnus Dux summa potentia, et autoritate, exercitus numero infinitus, cõcors inter se atque consentiens, idem consuetudine vincendi ad pericula audax: equitatus præterea propè innumerabilis: quem quidem equitatum quomodo nostri sustinere possent, non faciliè rationem inueniebam. Hæc cum cogitarem, Dux optime, & perhorrescerem casum propinqui certaminis, non immeritò (vt arbitror) quietem animo non percipiebam. Nunc pars mihi aliqua timoris adempta est, si Rex hostium (vt aiunt) ad exercitũ nõ est venturus. Quanquã his paucis diebus contrarij venere nuncij: qui pertulerunt, illum ad iter sese, & ad bellum accingere. Habes rationem angorum & solitudinum mearum. Sed de his satis. Ego tibi et fratri tuo, toti q; familia vestra ita sum

animo beneuolentiaq<sub>3</sub> addictus, vt nihil sit quod uehementius optem, quàm & diligi à vobis, & meum vobis amorem omnibus in rebus præstare atque ostendere. Roma, X. Calendas Augusti, M. D. XLII.

IAC. SADO L. EPIST. CARDINAL.

Guliel. Duci Bauariæ S. P. D.

**Q**Uod post reditum meum ad Urbem, non cōtinuò dederim ad te literas: nec veteris meæ erga te obseruantia beneuolentiaq<sub>3</sub> memoriā renouarim: nō mea negligentia, neq<sub>3</sub> aded obliuione mutui nostri amoris: sed potius pudore quodam accidit. Cū enim sæpius iam conatus essem, exoluere me his vrbaniis curis atq<sub>3</sub> negotijs, & in ecclesia mea Carpentoractensi Deo, & mihi, & populis meis d. itaxat viuere, studiaq<sub>3</sub> ea persequi, quorum & liberalissima est cognitio, & fructus iucundissimus, nescio quo meo fato siue iniqua potius conditione fortuna, (namq<sub>3</sub> ego meas partes sedulo & accuratè egi) contingere tamen mihi non potuit, vt animo meo morem gererem: coleremq<sub>3</sub> eā vitā, in qua qui doctiores & sapientiores semper existimati sunt, munia beate vitæ maximè posita esse censuerunt. Sum enim quotiescunq<sub>3</sub> illuc me contuli, toties huius Pontificis Maximi, à quo etiam præsertim mihi assentiēte, commeatum obtinueram, iussu atq<sub>3</sub> imperio in hanc urbem reuocatus. Quasi mea, ac non alienæ voluntatis commutatio varie asq<sub>3</sub> extitisset, puderet me vehementer inconstantiam e, neq<sub>3</sub> auderem quicquam hoc ad te tempore scribere. Quid enim esset quod polliceri alteri de me possem, si mihi ipse & consilijs meis non constā-



starem? Sed cum, si qua in hac re culpa inest, ea ceriè mea non sit, totiusq; temporis & rebus quotidie nouis, quàm consilio cuiusquam aut voluntati illa sit attribùenda: peto à te Dux humanissime atq; optime, vt quòd ego toties domicilium cõmutasse visus sim, id Põtificis voluntati tribuas: quòd suam ille voluntatē, id assignes temporis. Proxima enim cãusa illinc me extrahendi & Romam euocandi, concilij habendi necessitas fuit et cogitatio. Quod utinam consilium bonum ac prosperum Christiana sit & religioni & Reip. Et si Deum quidem credere debemus tandem aliquando populis suis esse consulturum: sed tamē, vt se nunc res habent, quid spei certæ sequamur, non videmus. Illud quidem in hac tanta perturbatione temporum, singulari tamen nobis est letitiæ & voluptati, quòd apud omnes bonos tuum nomen in summa est gloria. Nihil enim tam celebre, neq; tam commemoratum est, quàm tuæ virtutis, cõstantiæ, pietatisq; prædicatio: quæ vna & consentienti omniũ voce in cælum meritò fertur. Itaq; ego qui tuā amplitudinem iam diu omnibus meis studijs officijsq; sum complexus, quotidie non beneuolentia quidē (nā ea ad summum iam peruenerat) sed meis dictis, testimonijs, scriptis, ad te colendū honestandumq; sum propēsior. Gaudeoq; vehementer, & tibi gratulor, quòd in reddenda tuis clarissimis virtutibus debita laude, ego qui tantum cateris studio erga te amoreq; anteco, prædicatione tantum tuorum meritorum superior esse non possum? tantus est consensus omnium, de te omnia præclara egregiaq; memorantium. In quo non magis homines, quā



Deus ipse, cuius tu integram & veram religionē susti-  
nes atq; defendis, de tua fide & sapientia illustre testi-  
monium fert. Sed hac quæ theatrum maius & grauio-  
rem operam desiderant, in tempus magis idoneū diffe-  
renda sunt. Ego sicut tibi saepe aliàs scripsi, quicquid in  
me est, quantulū id quidem est, ingenij, diligentiae, stu-  
dij, autoritatis, totum tuis cōmodis et voluntatibus ita  
polliceor ac defero, vt si quid vsu venerit, in quo tua  
causa mihi sit elaborandum, id sim alacrius multò, libē-  
tiusq; factururus, quàm si mea ipsius causa idem mihi co-  
nandum et suscipiendum esset. Quod cū acciderit vt  
agam, cura quidem & amore satisfaciam tibi: studium  
autem et cupiditatem meam satisfaciēdi nunquā asse-  
quar. Nunciatum est nobis fratrem tibi decessisse orna-  
tissimum, atq; nobilissimū: quod mihi auditu sanè quā-  
molestum fuit. Amavi enim illum semper tecū vnā, di-  
gnissimumq; illo loco & honore iudicaui. Quod si de  
tua virtute & sapientia non eam haberem opinionē,  
quam certè habeo, aggrededer fortasse aliquid ad te  
consolandum. exponendisq; rationibus quare tu hunc  
casum animo a quo ferre deberes, leuare dolorem tuū  
adniterer. Sed cū tu aliorum consilijs non indigeas,  
magisq; ipse ad consilium alijs dandum sis paratus,  
superfedebo hoc genere orationis. Tantū te horta-  
bor, vt animum illum, illamq; prudentiam, quam in ca-  
teris reb. eximiā præstas, eandē in hac quoq; re adhibe-  
re meditare: vt oēs homines intelligāt, nihil tibi deesse,  
quod minus et in secundis reb. et in aduersis, par & per-  
fecta vndiq; & virtus sit, et constantia tua. Iterū et se-  
pius

pius vale. Romæ, XVII. Calend. Augusti, M.D. XLV.

IAC. SADOL. CARD. GVLIEL-  
mo Bauariæ Duci S. P. D.

**C**um ex literis tuis multiplici sum ac varia animi la-  
titia et voluptate affectus, tū quod in extremis illis  
à te est positum, grauiſſimisq; & ornatissimis verbis  
explicatum, id mihi maximè iucundum, et de tua singu-  
lari eximiaq; virtute etiam admirabile accidit. Sic e-  
nim scribis, te hāc piā et sanctā Catholica fidei, et Chri-  
stiane religionis causam, quæ omnium bonorum Prin-  
cipum cōmunis, et quorundam etiam magis propria  
esse deberet: nulla iactura & periculorum, quæ plu-  
rima iam adiſti, habita ratione, & amplexatum esse  
adhuc constanter ac fortiter, & ad vltimum vsq; spiri-  
tum amplexaturum esse. Quibus tuis verbis quam ex-  
pressiorem habere desiderarene possimus Principis o-  
ptimi et præstantissimi imaginem, non video. Faxit ille  
ipse omnipotēs Deus, quem tu in literis tuis omni cum  
fide & pietate inuocas: vt talem animum, dignamq; o-  
mni ipsius gratia & beneficentia mentem, ea præmia  
consequantur, quæ & in cœlo & in terra debeant iu-  
dicare maxima. Quanquā cui in hac vita pacatus cum  
Deo animus, & secum ipse concors, in altera domicili-  
um beata immortalitatis est propositum, is semper ma-  
ximis & verissimis præmijs à Deo affectus esse videat-  
ur. Sed tamen ne hæc quidem quæ in his locis experi-  
solent, tibi defutura confido. In tanta enim rerum om-  
nium confusione, quantam alia ætas nulla vnquam vi-  
dit, aberrantibus ferè cæteris omnibus, & propè men-

te dimoto, quibus harum rerum gubernandarum et regendarum potestas erat data: consiliaq<sup>3</sup> sua nō ad salutem publicam, sed ad propriam ipsorum (vt illi putāt) vtilitatem, vt autem res indicat, et magis etiam quotidie indicatura est, perniciem conferentibus, stare & eminare vnum, in cuius animum atq<sup>3</sup> virtutem, cū hac temporum mala damnaq<sup>3</sup> incurrunt, tanquam fluctus fixo, sic illa eius consilio sapientiaq<sup>3</sup> frangantur: non solum his temporib. nouum quodam modo & penē inauditum est: sed apud bonorum iudicia imprimis admirabile. Itaque necesse est, posteaquam satis fuerint debacchati, qui ex incommotis publicis sua priuata commoda venari & captare soliti sunt: postea quā edormierint sui erroris crapulam, & nihil inuenerint verarum diuitiarum in manibus suis: vt experrecti tandem aliquando & resipiscentes, cum stupore quodam maximaq<sup>3</sup> admiratione intueantur eos, qui in tanta iactatione tempestatis publicae, soli tenere portum & voluerunt, et valuerunt. Quorum vtinā quidem magnā copiam haberemus. Sed tua insignis virtus atque constantia, Gulielme praestantissime, multorum in eo nobis Principum vicem praebebat. Es enim tu & casta integraq<sup>3</sup> religionis illustre exemplum populis Christianis omnibus, & in omni posteritate consequentiū temporum, futurus es verae sapientiae veraq<sup>3</sup> virtutis egregium documentum. Quam cunctorum de te summam existimationē, nō video posse fieri, quin aliqua terrena etiam, non modò quae è calo sint, praemia comitentur. Hac igitur ego tu a laude & Christianae pietatis summa

ma gloria (vt initio epistola scribere fuerã orsus) præcipuè sanè delectatus sum. Cetera quæ scribis de tuo animo erga me amico ac beneuolo, deq; ea cupiditate, quàm prætefers, factis mihi probandi qua voluntate in me sis: sunt mihi quidem gratissima & iucundissima omnia: sed vno (vt mihi videtur) amicitia nomine cuncta continentur. Sic enim ego memetipsum donauì dicauiq; tibi: sic tu me tua humanitate & beneuolentia es amplexus, vt quod iam bonorum virorum, & fidelis amicitia proprium est, certare officijs inter nos debeamus. In quo ego quæ ad tuam amplitudinem colendam & obseruandam pertinebunt, omnia summa cum fide beneuolentiãq; præstabo. Tu si me dilexeris, charumq; habueris, maximum hunc me adeptum ex tua amicitia fructũ semper sum existimaturus. Vale. Romæ, VI. Idus Decembris, M. D. XLV.

IAC. SADOLETVS CARD. FRAN-  
cisco Fregepani Vngaro, Episc.  
Agriensi S. P. D.

**A** Ccepi tuas literas mihi gratissimas: in quibus illud perhumanum, quodd mea erga te officia plurimi facere videris. Quasi verò non ego ita agere debeam: aut sit quicquam, quodd à me tua eximia virtuti & amorì erga me non debeatur. Imò verò, quacunq; mihi dabitur tibi commodandi, & rem gratam faciendi occasio, sic ea vtar, vt eodem tempore beneficium me abs te accipere sim arbitraturus. Quid enim est, quod potius agamus, quàm vt faueamus bonis, & virorũ insignium virtutes, cuiusmodi tu profectò es, iustis honorib. afficiamus?

ciamus? praesertim tãto amicitia fundamẽto inter nos  
iactò, quod non solum beneuolentia mutua, sed iure etiam  
am hospitij sancitũ sit. Noli enim putare me obliuisci  
posse illius humanitatis, qua tu adductus, Carpentora-  
ctæ vt me inuiseres diuertere voluisti. Quo quidem tẽ-  
pore cepi fructum permagnum è conspectu & sermo-  
nibus tuis. De quibus scripsi ad Pontificem ea qua mi-  
hi videbantur: illud præcipuè spectans, vt si quid antea  
ille fortè in tua natura fuisset offensus, animaduerte-  
ret & sciret, inter elationẽ animi & libertatem plu-  
mũ interesse. Quod de ecclesiarũ dilatione confirma-  
tionis scribis, cum mihi tua litera sunt reddita, vnã itẽ  
Roma scriptum à Ioãne Marsupino tuo est, omnia esse  
iam trãfacta: praesertimq; quod ad te attinet fuisse per-  
fectum. Quo equidem nuntio valde gaudisus sum. Illud  
tantũ dolui, me non fuisse in senatu, cum mẽtio de te fa-  
cta est: iustis enim & debitis laudibus dignitas & vir-  
tus nõ caruisset. Quanquã illa quidem sine cuiusquam  
nostrum testimonio per sese splendida ipsa est. Ego illa  
verba in literis tuis maximopere probo: tibiq; impri-  
mis conuenientia esse duco: quib. te cõfirmas nullis vnq;  
iniurijs ab honore et cultu sanctæ sedis apostolica esse  
discessuram. Certè sic facere decet eos, qui Deum, non  
qui homines intuentur: quiq; vt tu grauissimè & san-  
ctissimè scribis, spectant ea qua non videntur, non ea  
qua oculis & sensibus subiecta sunt: in quib. homines  
falli & errare iam quotidianum est: Sed de his satis.  
Tua epistola longissima mihi forent suauissima. Nam  
quas accepi, per breues visa mihi sunt, tanta à me cum

voluptate sunt lecta. Qui si Romæ essem, laceßerem te crebro meis scriptis. Nunc longè gentium absum, neq; sanè mihi constat quod ad tempus sim in Urbē reuersurus: nam neq; quicquam adhuc video quod me illuc attrahat: & multa sunt hic quæ me detineāt. Proinde scito, labare meum illud primum cōsiliū Romā redeundi. Quicquid tamen egero, faciam te certiorē. Tu me uti diligas, Regiꝫ tuo meam et fidem offeras, et obseruantia Brodericūꝫ plurimū meis verbis salutes, valde te rogo. Carp. VII. Idus Iulij. M. D. XXXIX. IAC. SADOLETVS CARD. FRANCISCO Fregep. Vngaro, Episc. Agriensi S. P. D.

**A**ccepi tuas literas datas Vienna extremo mense Iunio, ad me Septembri incunte perlatas. Ex quibus cognoui, quod mihi fuit iucūdißimum, te rectè valere, & apud Regem Romanorum esse Reipubl. causa: accepisseꝫ optatum nuntium de confirmatione vestrarum ecclesiarum. Quæ diu antè debita, aliquot de causis dilata, postremò tandē à summo Pontifice facta est. Quæ etiam ego de re dederam ad te literas, quas te accepisse postea arbitror, & meam de omnibus tuis commodis latitiam, ex eis cognouisse. Etenim noli existimare optime Francisce, quicquā mihi posse euenire optatius, quàm audire taleis viros ad gubernacula ecclesiarū deligi, & vocari: qui tantum onus & consilio regere, & virtute tueri, & religione ac pietate illustrare etiam possint. Cuius quidem generis hominum quæ sit penuria his afflictis temporibus, vtinam potius priuatis incommodis nostris, quàm publicis calamitatibus sentire



mus. Sed de his viderit Deus, quem tantū orare atq<sub>3</sub> obsecrare reliquum nobis factum est. Quid autem generatur, quid paretur, quò tantis damnis eatur obuiam, nihil dum cernimus. Sed vt ad propositum redeam: ego honorem tibi delatum vel cōprobatum potius, & tibi honestum, & Reip. Christianæ vtilem esse foreq<sub>3</sub> non dubito. Mihi quidem certè, qui te vehementer diligo probòq<sub>3</sub>, iucundissimum. Quæ eadem in causa Broderi cō etiam nostro gratulor: à quo habeo literas, quib. ille à me quiddam petit, nimirum Romæ me nūc esse suspicans. At ego nō dum de ecclesia mea decessi: vbi multas habeo commorandi causas, nullam adhuc aliò mē confendi. Quòd si Romæ fuisset, & vobis id significassem, & nullum meum officium, quod ad vos quidē pertineret, desiderari essem passus. Nunc absens, id quod queo, vos absenteis amo. Vbi proficiscar ad Urbem, oēs meæ & operæ, & diligentia fructus, vobis imprimis promptos atque expositos esse intelligetis. Ioannes Marsupinus tuus planè mihi satisfacit: est enim in scribendis ad me rebus vrbanis admodum diligēs. Idem tibi apud me maximas sæpe ait gratias, tuæq<sub>3</sub> erga se beneuolentiæ & liberalitatis complura iam indicia non desinit predicare. Quæ mihi quoque ipsi grata sunt, eaq<sub>3</sub> vt persequare à te vehementer peto. De rebus Turcicis nihil habeo quod placeat mihi ad te nunc scribere. Tu quòd propior illi es, hoc melius nosse omnia potes. Nos illud timemus, (in quo vtinam fallamur) ne iam de nobis ac Christiano nomine actum penè sit: ita laboramus intestinis externisq<sub>3</sub> malis, nec quicquam firmi auxiliij

para-



paratum nobis esse vlla ex parte cernimus: nisi quòd in Deo vno sunt omnia. Sed hac hactenus. Vina Gallicana te interdum optare, suaue admodum mihi est intelligere ex tuis literis. Quod longè esset suauius, si te illorum possem facere participem. Non enim mihi bibere illa tã foret iucundum, quàm tecum bibere. Quod forsitan Romæ aliquando licebit vtrig<sup>3</sup> nostrum. Regi tuo optimo & clarissimo Principi, plurimam meis verbis salutem dic. Vale. Carpentoracti, IIII. Idus Octobris.

IAC. SADOL. CARD. FRAN-  
cisco Fregep. Episc. Agriensi, S.P.D.

**E**T si litera tua tardissimè ad me fuerant perlata, tamen cum esset occasio Romam scribendi, nolui præterire, quin ad eas responderem. Quãquam mutata tēporum conditione, te iam extra periculum & timorē huius anni esse suspicarer. Nihil enim hostes adhuc mouerāt, quod quidem fama ad nos pertulisset. Neq<sup>3</sup> dū tamen pax inter vos dicebatur esse constituta. Cū autem præcipitante æstate, hyems antè videatur affutura, quàm administrari bellum possit: spes est, aut discussum iri, aut in longius tempus collatum id malum, quod te pro tua pietate curaq<sup>3</sup> Reip. sollicitat. Equidem video res Principum Christianorum ita contractas, vt nihil neq<sup>3</sup> sperari boni possit, neq<sup>3</sup> non metui mali. Sed erit ingenij, & virtutis, & prouidentia tuæ, primum agere omnia, quantum in te sit, quòd imminentibus isti regno è Turca periculis occurratur. Id si autem non poteris, neq<sup>3</sup> vit tue facultatis prouidere: tum tibi ipsi parare aliquod subsidium, quo, si ita res cadat, sustentare

Gg fugam

fugam atq; exilium tuum possis. Quamquā quod ad nostram amicitiam & amorem mutuum attinet, ego me met tibi, & mea defero omnia, quantulacunq; ea sunt. Sed tamen te tuis fortunis frui malo, quā alienis egere. Si tamen aliena dicenda sunt, quæ ab amicissimis hominibus libenter deferuntur. Id aut cum in potestate nobis non sit, videanturq; casu magis & temeritate, quā aut hominum consilijs, aut prudentia Principū regi, & perdere omnia: ego qui tutiores et ab omni periculo remotiores oras incolō, perfugium habeo paratū eis omnibus quos & propter necessitudinem, & propter virtutem dignissimos statuo, qui à bonis diligantur. Quo in numero tu mihi inter primos propositus es. Sed de his satis. Diplomata vestrarū ecclesiarū nondum vobis esse red dita dimiror: videoq; vbi resideat culpa. Est enim genus quoddā in nonnullis hominibus sapientia, quod quib. modis res geri tractariq; cōueniat, penitus nescit. Itaq; etiam quæ bene facta sunt, sæpe ingrata accidūt illis, in quorum gratiam & utilitatē sunt facta. Sed tamē habebam ex vrbe à Marsupinis literas, Ius tibi, consecrationem, & Pōtificatus (vt mos est) insignia accipiēdi, esse datum. Quod idem valere debet, ac si ipsum diploma commendatū tibi Agriensi ecclesiæ testimonium habuisses. Quid libertatem tuam homines perperam interpretentur: eamq; magis velint superbiam existimare quam libertatem: noli mirari, Francisce optime, in tam corrupto seculo, tamq; servilibus moribus. Vtinā verò semper apud nostros Principes libera vox varet: cuius inopia & egestas est factum, vt aut nulla

aut rara consilia ineantur, per quæ decus atque splendor, salus etiam & incolumitas Christiana Reipub. restitui possit. Sed hæc quæ ab hominibus aut prodita, aut deserta sunt, diuinis consilijs gubernabuntur. Te quidem sensisse hominum perfidiam, neque suis promissis stetiſſe eos, qui te in spem illam adduxerant, iccirco non agerrimè fero, quoniam nihil video quod sit expectandum in eo premio, quod fuerat tibi ostentatū. Quin lator magis, quod magnitudinem animi tui agnosco: quæ vehementer probo: magisquæ virtuti & constantia tuæ gratulandum à me esse arbitror, quàm consolationem vllam adhibendam. Se hæc hæctenus. Ego etiam nunc Carpentoracti maneo: nec cogitationem vllam habeo digrediendi ex his locis. Literæ tuæ, quanquam tristioribus curis refertæ, me quoque tecum in eandem penè solitudinem & societatem mæroris attraxerunt, tamen in eo mihi fuerunt periucunda, quodd magnum mihi dederūt testimonium tui erga me amoris: qui me potissimum delegisti, cū quo omnia quæ te angebant, communicares. De qua re velim, sic constituas, te nequæ fide liorem deligere potuiſſe quenquam, nequæ amantiorem tui. Vale. Brodericum nostrum diem suum obijſſe moleſtum mihi fuit: amicum certè hominem, et eūdem virum bonum prudentemquæ, amiſimus. Iterum Vale. Carpentoracti, X. August. M. D. XL.

IAC. SADOŁ. S. R. E. CARDINAL.

Friderico Nauseæ, S. P. D.

**T**Itubās, infirma manu, contra valetudinis commodum, hæc ad te mi Nausea scribo, vt succensere mi

hi definas. Etenim scito, biduo post, aut triduo, quā accepi tuas literas, & illam eruditissimam orationē, quam nihil vnquā delectare potuit magis, me in grauem morbum incidisse: febribusq; vexatum et adductum fuisse, vt aliquando de mea vita desperatum sit. Quo tamen periculo Dei clementia liberatus, in ipsa remissione morbi nondum nec mente nec corpore satis consisto.

Quod si tu humanos casus cōsiderare voluisses, omnia prius cogitare debebas, quā me neglecti officij accusare: etsi gratum id quidem mihi accidit. Video enim et beneuolētiam erga me tuam et desiderium literarū mearum. Ad hominē illum scripsi, bono, vt mihi visus sum, consilio: sancto quidē, et pio certē. Neq; enim aliud quasiui, nisi cōciliare mihi eius voluntatē. Quod si ex sententia mihi successisset, crede mihi, aliquo præclaro munere Christianā Rempub. affecissemus. Cur autē ea litera tantopere reprehendantur, causa certē nō est: nihil enim est in illis, nisi priuata familiaritate præscriptum. Fortasē aliquando humilius, quā nostra dignitas ferat: sed ego inter homines grauitatem meam cōseruo, in causa Dei depono. Siquidem & David ante arcā Dei pietatis memor fuit, nō dignitatis. Nā quidd ego ad Lutheranos desciscam, quis suspicari ex illa epistola potest? cū testificer in ea, me opinionibus ab eo dissentire? Amo ingenium hominis, doctrinam laudo, sententias certē non probo. Ex quo mirum mihi valde accidit, id quod tu scribis: videri me ijs literis & summum virum Symonetam, & totum collegiū nostrum quasi perstringere. Hoc tu, quaeso, quibus ex verbis epistole

*stola mea colligere potuisti? Ego collegis meis omnem ubiq<sup>3</sup> honorem defero, et in Catholica veritate constātiſſimus sum, eroq<sup>3</sup> quoad viuam: potiusq<sup>3</sup> de vita, quā de sententia decedam. Cupiebam plura, sed languor animi corporisq<sup>3</sup> prohibet. Cū valetudinem recuperaro, crebritate literarū tibi satisficiam. Interea quando in imprimenda epistola mea id agere cœpiſti, de quo ago tibi gratias, ſamam & exiſtimationem meam tibi commendo. Vale mi Nauſea. Vale, & perpetuū dilige. Romæ, X. Calend. Decembris, M. D. XXXVII.*

IAC. SADOLETVS CARD. IOAN.

Archiepisc. Vſpalienſi Gotto, S. P. D.

**A**D XV. Calend. Ianuarij cum eſſem in mea eccleſia Carpentoraſti, quod poſt diſceſſum à Nicea ſummi Pontificis me cōtuleram, accepi tuas literas Tertio decimo Calend. Nouembris Venetijs datas. Ex quibus cognoui iuſtiſſimam querelam tuam, et dolorē eum, quē ex publicis incommodis, tuiſq<sup>3</sup> priuatis, nō ſine magna ratione ſuſciperes. Itaq<sup>3</sup> tuis literis ad dolendum tecū vehementer permotus, optaui equidem eſſe Romæ, quo tibi præſtare eadem officia quæ apud ſummum Pontificem antea præſtitiffem. Sed cū id fieri non poſſit, abſum enim ab Vrbe paſſuum ſexcentis amplius milib. nullum habens remedium quo à me poſſes iuuari, cum ſim ego quoq<sup>3</sup> in anguſtijs poſitus: has conſtitui ſcribere ad te literas, quib. de mea erga te voluntate certior fieres: & quoniam operam meam non poſſes, animum ſaltem meum in te propenſum benuolumq<sup>3</sup> recognoſceres. Quod ſcribis pernicioſum fore fidei Catholica, cō-

cilium habitū non esse, nostrosq<sub>3</sub> aduersarios ea de causa iā insolentiores esse factos: nihil sanè mihi significas noui. Ego enim & hoc prouidi ita futurum: & postea quam contigit, vt conciliū habendi spes omnis extingueretur, auctos animos eorum, qui contra Romanā inuehantur ecclesiā, multorum nuncijs literisq<sub>3</sub> cognoui.

Quin quotidie aliqua ad aures meas perueniunt de opinionib. illorum hominū, aduersus Deū impia, ob multitudinē cum illis consentientiū periculosa: neq<sub>3</sub> adhuc video quid nobis iā reliquum ad spē rerum meliorum esse possit. Etsi Pontifex Maximus (quod ego scire tum potui) ad omittendū concilium non sua sponte, sed duorum summorum principum consilio fuit adductus, qui negabant tempus idoneum esse tanta agēda rei, quæ & tranquilliorē Christianæ Reip. statum & otium à Turcis ac fidei hostibus requirebat. Itaq<sub>3</sub> ego eodem consilio vsus quo tu, pariq<sub>3</sub> dolore affectus de Christianæ Reipub. incommodis: optimum factu mihi constitui manere in hoc portu, & in hoc meo exiguo gubernando grege Deo ac fidei meæ satisfacere. Cum præsertim in optimarum et sanctissimarū literarum studijs assiduus sim: Christi q<sub>3</sub> fidē, quam autoritate & opibus non possum, meis quoad licitum est scriptis, meisq<sub>3</sub> vigilijs in veterem dignitatē restituere coner. Alia tua causa est, qui non portum tenes, sed tempestate iactaris, et fluctibus.

Quod mihi quidem dolori est: eoq<sub>3</sub> magis, quod quemadmodum tibi opituler non habeo. Sed si diligentius tecu nipse scripturæ sanctæ documenta recolere volueris, intelliges, talibus potissimum qui propter defensionem veritatis & iustitiæ, hominum impiorum odia in



sectationesq̃ perpetiuntur, regnum calorum et promissum esse & paratū: in q̃ per arumnas & huius vitæ calamitates oportet nos ingredi. Non asseram scripturarum testimonia: quæ tibi nota sunt: illud dicā, Nullum mihi malum in ista tua misera afflictaq̃ fortuna videri inesse, si modò tu is es, quē te mihi Romæ ostendisti. Cum ego & scientiā tuā bonarum literarū artiumq̃ adamare, & constantiā animi in rebus aduersis laude psequerer. Nec verò vllum cuiquā malum dominari potest, cui Deus prorsus, & suū in Deo summū bonum sit repositū. Sed hac hætenus: non enim arbitror te ege re nostris admonitionibus. Ego quoniā Romæ non sum: tibiq̃ in ea vrbe operā nauare nō queo, scribo ad Cōtā renū talem virū, qualem tu nosti, sciētia, religiōe, integritate, omnib. præstantē: vt is causam tuā, & suo & meo nomine apud Pontificē agat. Ad quē si tu quoq̃, deris literas, measq̃, hæc ante tuā profectionē in Germaniam acceperis: non dubito, quin aliquo genere subsidij à summo Pontifice tibi subueniatur. Vale. Carp.

IACOBI SADOLETI S. R. E.

CARD. EPIST. LIBER XII.

IAC. SADOLETVS CARDIN. ALEXANDRO FARNESIO S.R.E. Card. S.P.D.



VENIONE cum essem, adierunt ad me cōsules cum multitudine honestissimorum ciuium: sacerdotum etiam ordine adiūcto: vehementerq̃, à me petierūt, vt cum ipsi scripturi ad te essent, et



cùm vir amplissimus legatus idem esset facturus, ego item scriberem. vt oēs vno consensu te rogaremus, quo velles tam nobilem & tam illustrē ciuitatem ornatam esse abs te Episcopo, qui vicem tuam sacris praeesset, assidueq; in ea commoraretur. quando quem tu huic cura & muneri praefecisti, is & abest multo maximam partem temporis, & raro Auenionem commeat. Accidunt autē ferè quotidie multa in tanta vrbe, quae egeant Episcopo: praterquam quod non mediocre sibi ornamentū deesse ciuitas putat, si Episcopus praesens non adsit. Hac de re cùm ipsi ad te accuratè dant literas, tū ego quoque optime Farnesi summo animi studio terogo, vt satisfacias florentissima ciuitati: praesertim quae in te vno spes suas omnes collocatas habet. Facies enim eis gratissimū: meq; qui pro illis rogo, magno ornamento affeceris, si passus fueris preces meas, illorumq; vnā auctoritatem, quae certè parui non facienda est, apud animum tuum, ad impetrandum quod petimus, valere. Ego cùm te semper optimo ingenio, egregiaq; natura praeditū esse cognoui: tum illud tibi imprimis cura esse debere arbitratus sum, vt istam felicitatem atq; fortunam, quae te complexa est, in ijs praecipuè actionibus adhibeas, atq; exponas, quae ad beneuolentiā hominum virtute ac beneficijs tibi conciliandam sint accommodatae, ne tibi postea vlla rerum temporumq; commutatio nocere possit: tuq; iudicio & prudentia tua magnus semper sis, non casu. Sed ego fortasse ineptus, qui hac ad te scribam: cùm tu domesticis & admonitionibus et exemplis quotidie fias doctior. Verum ignosces mihi,

maio-

maiores amoris mei erga te, quā eius officiū quod mihi conueniat, rationem nūc ducenti. Quem maximè apud se cupiant esse Episcopum. Auenionenſes ipſi ad te ſcribunt. Hortor & oro, vt eorum voluntati morem geras: & tamen præſcribas, quibus eum finibus vti velis poteſtate, quem ſacris rebus tuo nomine tractandis agendisq; præſicies. Quo maximè modo ſine vllō honoris & ſamæ tuæ periculo, tuis per te populis & ciuitati nobiliſſimæ erit conſultum. Sed hac hæcenus: non enim vereor ne iuſtiſſimæ preces locum apud te non habeāt. Summus Pontifex mihi mandarāt, cū me in hac loca ex Nicæa eſſem recepturus, vt curā & vigilantia adhiberē, quod ad hoſce populos in recta religione continendos pertinet: quod audiebat Luteranos in his regionibus valde increbreſcere: quod idem ego quoq; multorum literis cognoueram. Itaq; huc poſtquā veni, quid egerim & Carpentoracti et Auenione, quomodo inſidias omneis eiꝰſmodi rerum, ſuſpicionē q; cōpreſerim, quā nunc omnia compoſita ſint & ſedata, malo eū ex literis aliorum cognoscere quā ex meis. Certè eam & voluntatem, & obedientia, quā illius ſanctitati debeo, perpetuam præſtabo. Et quoniam vt hic maneam vſq; ad proximum ver, & multas & neceſſarias cauſas video me coacturas: rogo te ampliſſime, Farnēſi, mihiq; meritò chariſſime, vt in tuis cum Pontifice Max. ſermonibus, interdum mei mentionē facias, neq; memoriā mei apud eum inter mori totā ſinas, habeāq; tibi & fortunās & dignitatē meā apprimè commendatā, ſi tamen tua officia apud hominē gratum poſiturum te

intelligis. Vale. Carpent. IIII. Calend. Octob. 1538.

IAC. SADOLETUS CARDIN. ALEXANDRO FARNESIO S.R.E. Card. S.P.D.

**G**RATA mihi tua litera tantumne? imò verò & peroptata, & dulces: quæ aliquā mei memoriam resistere apud te mihi indicarunt. Quod ego quanti faciā, non nunc scribo: aliud erit tempus ista commemorādi. Hoc dico, in tuis iucundissimis literis illud tamen offensionis fuisse, quod hæc tardissimè ad me perlata sunt. scripta enim à te VII. Idus Septembris, tertio Idus Octobris mihi sunt redditæ: sexto & trigésimo die videlicet postquam tu eas dederas. Sed quod ad rem pertinet, vtinam Farnesi amplissime vobis vocantibus, quemadmodum quidem cuperem, subito parere possem: neminem profectò promptiorem ad obtemperandum vobis inueniretis. Sed quæ me impediunt causæ quominus statim accedam, scribo ad Pontificem Max. scriboq; non tam sapienter, quā ingenuè & liberè. Quod Pontifex ipse pro sua perpetua præstantiq; humanitate in bonam partem accipiet. Earū ego literarum exemplum ad te misissem, nisi illas cōmunes tecum fore existimassem: quod certè ita futurum est. In ijs ego peto atq; oro, ut tempus meæ absentia mihi prorogetur vsque ad proximum mensem Aprilem: quo tempore in Italiā reverti mihi in animo est. Hac in re Farnesi optime, te mihi advocatū esse cupio, ut facilius impetrem, quod æquissimè à me petitur. Neq; tamen recusato, si vos omnino ita statueritis, quin primo quoq; tempore istac veniam. Sed cum neq; magnum fructum ex me istuc percipere-

cipere possitis, quod in tot sapientissimorum patrū cōsilijs, & prudentia, parum eminere opera mea potest: et ego magni mea interesse sentiam, aliquādiu hic manere: erit humanitatis & liberalitatis vestrae, faciles vos praeberē in eo, quod vobis parum admodum, mihi autem plurimum profuturum sit. Sed de his reijcio me ad eas literas, quas Pontifici scribo, futuras (vt dixi) tibi etiam communes. Te quidem ipsum rogo, vt mei absentis famam atque fortunas in tua fide & patrociniō esse patiāre: talemq; te mihi praestes, qualem ego animum erga te in omni tuo honore dignitateq; tuenda, si res ita ferret, plenum amoris & diligentiae afferrem. Vale. Idibus Octobris, M. D. XXXVIII. Carpenteror.

**IAC. SADOLETVS CARDIN. ALEXANDRO FARNEſIO S. R. E. Card. S. P. D.**

**S**Vperioribus his diebus tuis literis, quibus me Romam euocabas, respondi: reddidiq; rationem mea hic non modō iustae, verū etiā necessaria vsq; ad certum tempus commorationis. Quod item aduersus summum Pontificem feci, cui mea acta atque consilia imprimis capio esse probata. An verō mea excusatio in bonam accepta partem à vobis fuerit, nondum equidem sciebam: nullas enim ea de re acceperam literas. Sed tamen confidebam, vestrae naturae clementiae & bonitate fretus, non frustra vobis oblat.ū fuisse preces & obtestationes meas. Itaq; sedato eram animo, totus ad literas & studia conuersus, nescio quid excudebam, quod in hac perturbatione temporum alicui fortassis vsui esse possit. Postea venerunt ad me ex vrbe literae, omnia de vobis

bis leta nunciantes, quā de nuptijs & affinitate Caesaris: quā de vestrae familiae aucta & amplificata dignitate: quod vtrunq; mihi iucundissimum auditu fuit. Cum enim habeā summū Pontificem auum tuum omnis mei honoris & dignitatis autorē, omnia ego vobis debeam necesse est. Itaque ex hac vestrae amplificatione fortunae tantum latitiae capio ac voluptatis, quātum ex mea aut meorum, si isto ego loco essem, profectò non caperem. Deumq; supplex oro, vt ista vobis rata & perpetua esse statuatur. Et tamen, vt timidus est amor cogitanti mihi rerum vicissitudines, & temporum, atq; in secundis & prosperis varia & dubia semper pertimescenti, videbantur vestra haec, siue fortuna, siue etiam humanae prudentiae praemia, clauo vt dicitur trabali firmiter ad diuturnitatem temporum figi posse, si quam sapientiam hoc tempore in amplificanda generis ac familiae suae dignitate, summus Pontifex adhibuit, eandē ad religionem Dei redintegrandam, sanctosq; mores in sacerdotum ordine reuocandos, quemadmodum quidem initio agere aggressus est, vsq; ad praclarissimi operis affectum adhibuerit. Quod mihi sanè videtur nō diuturnae consultationis, sed magni animi & parati fore negotium. Vt enim naui aduersus vim et metū impediētis tempestatis duabus anchōis religari solet, quarum maior altera dicitur, altera minor: sic vos maiore anchora fortunarum vestrarum in ipso Deo iacta atq; firmata, ab omnibus tempestatibus tuti atque muniti, secundos semper cursus tenebitis. Sed ego ineptus qui ad ista progrediar, quasi verò aut virtus vobis desit,

fit, aut consilium: quod vtrunq; in vobis cernitur abundare. Illud meum est, Farnesi amplissime, vt & vobis gratuler, quod equidem libentissimè facio, et optem vestris secundis rebus perpetuitatem: quod semper animo amicissimo sum facturus. Vale. Carpentoracti, pridie Calend. Decembris, M.D.XXXVIII.

IAC. SADOL. CARD. ALEXAN.

Farnesio S.R.E. Cardinali S. P. D.

**E**T si aliquāto antè idem cognoueram ex literis meorum, quod tu ad amplissimum nostrum collegam Polum de amplificata Bembi summi viri dignitate & præstantissimo erga eum Pontificis Maximi beneficio scripsisti: tamen omnia illa tua literæ mihi vberiora, latioraq; fecerunt, cùm essent abs te ipso scriptæ, qui autor etiam tam præclari operis extitisses. Scito enim nos certiores esse factos, maximè insignem atq; egregiam in illo ornando; operam tuam, auctoritatemq; fuisse. Quod etsi tu liberalitati, nobilitati, virtutiq; tuæ præcipuè tribuisti: quo his initijs, & veluti fundamentis tua in posterum præcellens dignitas in immensum quasi cresceret, tamen quoniam eius beneficii magna quoque pars ad me ipsum peruenit, qui pro homine amicissimo, & fraterna mihi necessitudine coniuncto, amplius etiam quàm pro me ipso egissem, & vehementius laboravi: sic habeto, maximas me tibi pro eo & agere & debere gratias, neq; ex multis officijs, quæ tua mihi insita in animo & in memoria sunt, vllum me habere, cui iustius & libentius me obligatum esse confitear, quàm istud ipsum, per quod, in Bembi mei honore

me

me nō mediocriter à te esse ornatum intelligo. Verum  
in his tua tibi virtus & liberale ingenium, etiam si mi-  
nus gratiam nos referre poterimus, qui animo quidem  
sumus alacres, sed parum valemus opibus, maximu fru-  
ctum & verissima animi voluptatis, & singularis lau-  
dis asferet: nos certè id agemus, quod est gratorum ho-  
minum, vt beneficia vestra memoria & prædicatione  
nostra, pioq; animo semper prosequamur. In quo cū  
ego neque erga te, neq; erga summum Pontificem fa-  
cere satis animo & cupiditati mea possim, rogo te am-  
plissime atq; ornatissime Farnesi, atq; omnibus precib.  
vehementer oro, vt tu meam vicem Pontifici agas gra-  
tias: quantumq; me ille sibi hoc nouo munere deuinxerit,  
quem tot iam vinculis habuerat antè obstrictum,  
explices & exponas facundia tua: quando ad magnitu-  
dinem rei mea vox satis viriū non habet. Quod abs te  
gratissimum mihi, et simile futurum est tuorum omni-  
um. Polus tuus, vir fortissimi animi, virtutisq; non exi-  
mia solum, verū etiam admirabilis, ( quod ipse et a-  
liās saepe, & nunc cū maximè, in hac iniquitate for-  
tuna, acerbisq; suorum euentibus declarauit ) summa  
mea cum voluptate nunc est Carpentora acti. Itaq; ab  
omnibus colitur, & in honore habetur, vt non hominē  
nostri temporis, sed quasi è cælo demissum, aut ab antè-  
quitate nobis redditum, videantur intueri. Tanta est is  
sapiētia, modestia, humanitate, religione: quod quidē  
etiam in gloriam vestri nominis cedit: cū videāt ha-  
nationes, cuiusmodi vos viros ad sedis Apostolica gu-  
bernacula acciendos esse putaueritis. Sed hac notiora  
sunt.



sunt, quàm vt noua commemoratione indigeāt. Tu valebis Farnesi optime, & nos gratia ac praesidio tuo tuebere. Vale. Carpentoraeti, Calen. Maij, M. D. XXXIX.

IAC. SADOLETVS CARD. ALEXANDRO FARNESIO S.R.E. Card. S.P.D.

**T**Vus subitus discessus, & festinatio Romam perueniendi fecit, vt quod maximè cupiebam, atq; optabam videre te et alloqui, id mihi fuerit ereptum: tamē iudico te quicquam nisi bona adductum ratioe fecisse: quodd vel pietas tua erga tuos, vel desiderium rerū vrbicularum, quodd saepe atate iam prouectis, nedum adolescentibus, magnum calcar affert: vel forte Pontificis imperium & voluntas appropere te coegit. Tamen in expectatione maxima tui videndi & complectendi cū essem, quodd mea me spes frustrata est, non possum non colere. Qui si tuo inductus nuntio non fuisset, quomē Carpentoraeti subsistere, & tibi hospitium parare iussisti: obuiam certē tibi Auenionem processissem: & si non omnem, at aliquam tamen partem cepissem sperata voluptatis. Nam & conspectus tuus mihi iucundissimus, & mea tibi obseruantia (vt arbitror) non ingrata extitisset. Nunc cū neq; hic, neq; alibi cōspicere te potuerim, measq; tecum rationes familiariter cōferre, cūq; ciues mei, penē populariter, summa cū alacritate & latitia obuiam tibi prodire, festumq; diem agere aduentus tui constituisset: potes pro tuo ingenio existimare, fuisse nobis molestum, quod tu in alium repētē sensum, & aliud iter te conuerteris. Sed si hoc quod nobis cecidit perincommodē, tibi idem commodum atque  
oppor-

opportunitum accidit : & si iter totum sic ex sententia  
consecisti, vt ad tuos saluus incolumisq<sup>3</sup> redieris ( quod  
ego & spero, & Deum quaeso vt ita sit ) vincat senè v-  
tilitas tua cupiditates nostras: sitq<sup>3</sup> nobis potior tua sa-  
lus & voluntas, quā omnes ea rationes, quibus nos spe-  
rauimus ex congressu tuo gaudium nobis & latitiam  
posse comparari. Nam quæ ego coram tecum erā actu-  
rus, parum sanè interest, vtrum ea voce, an per literas  
exponam. Quod verò summa voluptatis & latitiæ ex  
tuo aduentu ad nos percipere potui, id amissum, sic ani-  
mo a quo fero, si tibi id fuit gratius, atq<sup>3</sup> optatius. Dabi-  
tur enim mihi ( opinor ) aliud tempus, meam tibi obser-  
uantia, & gratam in omnibus tuos voluntatem declarā-  
di. Nunc vt veniam ad id quod egi tecū, cum fuisti Aue-  
nione, de diuturniore mea mansione in his locis: id te o-  
rō atq<sup>3</sup> rogo Farnesi amplissimè, vt in memoria habeas  
excusesq<sup>3</sup> me apud summū Pontificem, totumq<sup>3</sup> me de  
nique & tuendum tibi, & defendendum suscipias. Ego  
nec vllō patrono possum esse munitior, quā te, si mo-  
dō dignus à te fuero iudicatus, qui in fide & clientela  
tua sim: nec tu opinor, dedecus vllū ex tua erga me hu-  
manitate suscipies. Ita enim me geram, & eā operā  
dabo, vt te mihi presidio adiumentoq<sup>3</sup> fuisse ne vnquā  
pœniteat. Cur autem istuc venire nō possim, causa par-  
tim necessaria sunt, partim habent in se honestatem et  
laudē. Necessitas in confitendo nō nihil pudoris affert,  
ingenuis præsertim animis: quam tamen necessitatem  
vos intelligere, etiam tacente me, potestis. Nec tamen  
propterea ambio à vobis quicquam, aut flagito. Sed si  
ego

ego ea natura præditus sum, ut nemini velim sumptui esse, & oneri: decet vos quoque ea esse benignitate, ut me commodum meum sequi, & vestra liberalitatis insignibus ornatum, ubicunq; sim, duplicem vobis habere gratiam patiamini, & maximi honoris ac beneficij, quod in me contulistis, & summa benignitatis, qua me morem mihi gerere, & meo obsequi animo indulgentissimè permittitis. Sed (ut dixi) necessitas verecundiæ quādam habet: honestas est prædicabilior. Dico igitur, me hic manere non inuitum: quod & inter amantissimos mei versor, et multa quotidie ex me commoda atq; ad iumenta his populis proueniunt: quod diurnis nocturnisq; meis cogitationibus hoc consequar, ut & pace atque concordia eos contineam: & propulsem hinc impios, qui veritatem catholica religionis conantur euertere. quorum, nisi ego huc venissem, magna iam copia in his locis existeret. Nunc meis vigilijs atque curis sit, ut illi non modò ad nos, sed ne ad vicinos quidē nostros se audeant conferre. Contingit enim peropportunè, ut cum apud populos etiam alieniores fides mihi non parua sit: tum verò senatoria consilia quæ Gallicanis præsent sunt prouincijs, ut Aquense, ut Tholosanum, ut Gratianopolitanum, meo non minimum testimonio moueantur. Itaq; cum his paucis diebus diploma ad me pontificium esset allatū, quo datur mihi in Luteranos inquirendi atque animaduertendi potestas: accepi equidem illud venerabundus, & gratulans: gratiasq; de eo summo Pontifici egi, qui tantū mihi honoris suo iudicio detulerit: quas etiam à te Farnesi optime meis illi verbis

agi, cupio, idq, vt facias rogo. Sed quod ad vsum istius potestatis pertinet, equidem si necesse erit, vtar: dabo operam tamen ne sit necesse. Nam quibus ego armis libentius vtor, ea vt leniora sunt ad opinionem atq, aspectum, ita ad conuincendos improborum animos longe sunt validiora: cum non terror ab illis neq, supplicium, sed veritas ipsa sedet Christiana imprimis mansuetudo, confessionem erroris, corde magis quam ore prolatam exprimit. Est autem hoc loco quod vobis à me aperte indicandum sit: de quo tecum habui si recordaris, mentionem cum tu in Hispaniam iter haberes: deq, eadem re tecum postea, me absente amplissimus Polus collocutus est: cui tu, & mihi benignissimè es pollicitus de Iudeorum negotio videlicet: quibus aliquando franū aliquod imponi profectò est necesse, si non illorum auaritia infamiam, qua gens illa prater ceteras laborat, transferre ad nos totam volumus. Agam ferè iter, vtarq, libertate, quam tribuit mihi Deus: neq, eum Principem, cui omnia debeo, cuius eximiam laudem virtutis, probitatis, sapientie, vllis hominum sermonibus infringi aut imminui iniquissimo animo patior: falsis assentationibus in errorem inducam. Sed dicam aperte vt serres habet. Qui potest videri amore religionis in suis prouincijs Luteranos persequi, qui in eisdem prouincijs tantopere sustinet Iudeos? Sustinet autem? Imò verò augeat, condecorat, honestat? Nulli enim vnquam vllò à Pontifice Christiani tot gratijs, priuilegijs, concessionibusq, donati sunt, quot per hosce annos Paulo Tertio Pont. honoribus, prerogatiuis, beneficijs, non aucti solum

lum, sed armati sunt Iudæi. Ac cæteris quidem fidelibus  
& optimè meritis, noua iuris beneficia, ad propulsan-  
dam, si qua illata sit, iniuriam conceduntur: Iudæis so-  
lùm ad inferendam. Quanquam non est ista Pontificis  
optimi culpa, sed eorũ qui ad suum ex Iudæis quæstum,  
Pontificis nomine abutuntur. de quib. honestius est vos  
existimare, quàm me scribere. Iudæi quidem opibus re-  
fertur, fautorib. insolentes, inter has plebes, tanquã in-  
ter pecudes lupi grassantur. Oppida iam dudum plera-  
que vastata sunt, familia plurima exturbata larib. suis  
& extorres facta, dispersa inter finitimas nationes,  
quaruntur horum conditionẽ temporũ, & miseras for-  
tunas suas: cùm tamen quotidie Iudæi istinc ex vrbe à  
præfectis ararij noua ad nos priuilegia deferant. Et in  
his nuper duo, quæ maximè valentia sunt ad euerten-  
dos Christianos, scilicet nutu ibi quod volũt consequi  
tur, nec est quicquam iam sanctius, & ad reconcilian-  
dam ecclesiasticam dignitatem, quæ propè omnis iam-  
pridem amissa est, vtilius, quã fouere Iudæos: quib. (q̃  
omnibus seculis inauditum est) licitum sit solis tanta  
frui apud magistratus autoritate et gratia, vt ad impe-  
trandum omnia quæ poscunt, eorum accusatio audiatur  
sine reo, causa cognoscatur sine teste, sententia feratur  
sine iudicio. Et hæc vos tandem quomodo ab his trans  
alpes nationibus accipi existimatis, quarum in oculis  
& in conspectu posita sunt? Quæ rationes carent oēs  
hæc Iudæorum peste, nec abominantur peius quicquã,  
quàm Iudæorum nomen, quos tantopere vident istic in  
delicijs esse. In tantane defectione animorum omnium

iam à nobis gentium (planè enim dico omnium, quod ego ita esse intelligo: vos haud ita sentitis, propterea quod auribus vestris vulgò homines blandiuntur) in tantane inquam defectione omnium, & propè execratione autoritatis ecclesiastica, magno Reip. presidio futurum putatis, si sic alueritis, sic extuleritis Iudaeos? fideles autem, & pauperes populos vestros sic lacera-ri ab illis, & diripi neglexeritis? Porro in hac loca, quod tu transiens nosse potuisti, prouincia maximè concurrunt, Italia, Hispania, Gallia, atque Anglia: è quib. qui hac iter faciunt homines, conscios eos esse huiusmodi quarelarum, easq; domū ad suos referre, sanè existimationi vestrae et cōmuni saluti non expedit. Sed ego hac ad te verè quidem & liberè, forsita aut dolentius, quā necesse erat, scripsi. In quo ignosce mihi optime Farne si. Pastor sum populorū horum, non mercenarius. Moueor, si quisquā alius, in improbos stomacho, ergā pauperes misericordia. Fungor officio meo, & fungar. Si potero opem ferre et consulere meis, habebō Deo omnipotenti, et optimo maximoq; Pontifici gratiam: sin mihi nus, totum hoc onus reijciam in vos, qui principes pastorum estis. Vos et meā vicē et vestram, eidem summo Deo rationē reddetis, quando vestra, nō mea, omnium rerum est potestas. Vnum, quod ad te ipsum propriè pertinet, (dat enim mihi etas meo, nō autoritas quidē, neq; prudentia, apud te loquēdi veniam) vnum inquam, te admonebo: cū tu istis inītijs nobilitatis, fortunae, honoris, ingenij, ad summam omniū hominum cōmendationem, & spem praestantissima virtutis productus sis:



sis: si tales causas & huiusmodi patrocinia susceperis, ostenderisq; tibi curæ esse (id quod tamen facis, in quo nos admodum letamur) æquitatē, iustitiam, pacē populorum, & erga Deum religionem: qua quidem res sanctissima, ac præclarissima, nulla re alia magis quā cupiditate lucri, auaritiāq; fœdantur, quā isti palā præ se ferunt, qui Iudeis tantopere studere se non dissimulant, stabile (mihi crede) & firmum fundamentum in omnem posteritatem tibi subieceris ad dignitatē & gloriā nominis tui quotidie magis augendā, altiusq; exstruendā. Quā nunc et magnā admodū, amplāq; esse vehemēter letor, et maiore indies futurā esse confido.

Vale. Carp. IIII. Calend. Augusti, M. D. XXXIX.

IAC. SADOL. CARD. ALEXAN.

Farnesio S. R. E. Cardinali S. P. D.

**A**cceperam ex Vrbe literas, te à summo Pontifice è Belgis Romam esse reuocatum: futurumq; in via ad medium mēsem Maij. Quod simul atq; cognoui, statim misi Paulum meum obuiā tibi Lugdunū, & simul cum eo ad te literas, vt quoniā præsens ipse nō possem, illo modo te salutarē, et obirem absens meæ in te obseruantia munia, quæ, corā cūm sum, libentissimè tibi præstare soleo. Accidit autem celeritate tua, et studio properandi, vt Paulo non fuerit necesse Lugdunum peruenire. Cū enim abesset ab ea ciuitate diei vnius iter, certior factus est amicorum literis, quibus negotium hoc fuerat datum, te repentē ante omnium expectationem ed venisse, statimq; profectum: nec punctum ferè temporis Lugduni commoratum esse. Quocirca ille meis



Lugdunum missis literis, quæ te, quod fieri posset, consequerentur, ad nos reuersus, hunc mihi nuntiū retulit. Accepi dolorem scilicet, quodd cupiditas mea mei officij atque amoris tibi declarandi, bis iam conandi mihi, irrita cecidisset. Sed tamen me consolatus sum quodd exi-  
stimauī studium tuum perueniendi ad Urbem, meo tui videndi studio anteponendum esse. Nunc rursus cū m ad me scriptum sit, te saluum atque incolumem ad tuos rediisse: magnamq; esse letitiam ex tuo aduentu Romæ concitatam, volui tibi his literis non gratulari solū, q; faustum et fortunatum iter habuisses, multa q; ex sententia & tua & aui tui Principis sapientissimi cū Cæsare confecisses, sicut amantissimo & deditissimo animo tibi gratulor: sed etiam gratias quā maximas posse agere, quodd tua cōmendatio rerum causarumq; nostrarum, hoc est prouinciæ huius, quam ex vrbe discedens apud animum Pontificis reliquisti, vsque eō nobis profuit, vt simus omnia quæ voluimus, quæ ad horum fidelium populorum fortunas ac salutem potius, aduersus Iudeorum improbitatem ac fraudes tuendam, pertinebant, ipsius non solū æquitate & iustitia, sed summa etiam clementia & benignitate consecuti. Qua in re tuus consanguineus Ascanius Sfortia, singulari virtute & supra aetate prudētia præditus adolescens, dignissimus eis honoribus, quibus tecum simul fruitur, nobis amicissimè & constantissimè suffragatus est. Quapropter cū quoquo me verto, habeam vestigia ante oculos vestrorum plurimorum erga me meritorum: nihil iam sit, quod non vobis debeam, vel in honoribus,  
vel

vel in vita vel in fortuna: potestis existimare, si me institutum optimis artib. esse cognoscitis, neminem vos habere, qui maiore studio, beneuolentiore animo, sanctiore obseruantia, vobis, & nomini, honoriq; vestro inservire paratus sit. Sed hac haecenus. Ego cum tecum postremo Auenione locutus sum, visus sum videre imaginem in te quasi florescentem in aetate viridi, egregia grauitatis, eius videlicet, quae maximè solet decere nobilitatem, quae sit cum humanitate comitateq; coniuncta. Itaque tum à te gaudij plenus discessi, nec destitui postea hoc de te & sentire & predicare. Nunc Caesar Triuultius Episcopus Comensis, vir doctus & prudens, reuersus è Gallia, idem ait & sibi & compluribus eorum, qui iudicare sciunt, in aula Regis, cum illà iter fecisses, fuisse visum: magnamq; opinionem & spem de tua futura virtutis amplitudine, in qua vera inest dignitas, in animis multorum conceptam esse. Cuius hac oratio, & de te testimonium, pristinam illam animi mei letitiā renouauit. Quid enim est, quod auribus meis accidere possit iucundius? Tu verò maxime virtute, qui tam diligenter exprimas domestica exempla & prudentiae, & grauitatis. Et nimirum nulla est species vsquam praestabilior, quàm humanitatem cum grauitate ita habere temperatam, vt altera alteri non modò impedimento nulli, sed decori etiam & ornamento potius sit. Difficilis omnino res, sed in quo ea inest, is diuino quodam spectaculo oculos, atq; animos hominum cunctorum commoueat, necesse est. Cuius te ab ingenio, & à natura praclarissimi doni, compotem

iam factum esse, vehementissimè lator. Sed de his etiam satis. Illud amabo te, mi Farnesi, suscipe, & supple quod mihi deest, vt quas ego dignè non possum, tu Pontifici Maximo non meis solùm verbis, sed tuo etiam nomine agas gratias. Nam quæ ad nos ab illo beneficia profecta sunt, ea tibi ab eo primum data, per te verò deinde ad nos transmissa sunt. Quare tu quidem illi? ego ambobus vobis maximā gratiā debeo, quam equidem sanctam et inuiolatam perpetuò sum seruaturus. Vale. et nos dilige. Carp. Pridie Non. Iulij, M. D.XI.

IAC. SADOLET. CARDINAL. PAV-  
lo III. Pont. Max. S. P. D.

**C**Ogit me ratio temporum, & sanctitatis tuæ bonæ existimatio, quæ iam in animis omnium gentiū & nationum insita est, eademq; mihi omni alia re lōgè est charior: vt quoniam colloquendi facultas cōmoda nondum fuit, scribam ad te id quod animum meum stimulat: & quod ad tuam summam laudē, publicamq; utilitatem valde iudico pertinere: satis fidens, te pro tua singulari humanitate et sapientia, libertatē hanc meā in optimam partem esse accepturū. Cū enim Pater sancte appetere iam incipiat agendi cōcilij dies, idq; intelligam ab vniuerso terrarum orbe tantopere expecti, atque omni ratione flagitari, vt nullo pacto differri sine pernicie, aut graui saltē periculo posse videatur: nondum tamē bene parata aspicio ea arma, quibus muniti contra aduersarios esse possimus. Ac video id quoque, multa etiam forsitan impendere quæ hīc nos retineant: sed aduersus ea, difficile illud quide, veruntamen

ali-

aliquod inuenietur remedium: propria enim hac sapientia tua futura est consultatio. Ego tantum nunc de eo, quod ad concilij rationem attinet, munere atq; officio loquor: in quo etsi spe bona sum Deum omnipotentem nobis & vera atque honesta causa non desuturum: idq; ego pro mea parte ut ita fiat contendam & elaborabo, ceterosq; item pro sua spero esse faciuros: tamen angit me, & sollicitum vehementer habet, quod vnum opportunissimum & imprimis utile membrum nostri corporis video languere. Non utar circuitionibus, neq; obscure aut oblique tecum agam: sed aperte, atq; ut veritas ipsa & fides mea fert. Incredible est, Pater sancte, quantum dolorem acceperim, quod summus et doctissimus vir Hieronymus Aleāder Brūduſinus Archiepiſcopus ab eo honore exciderit, ad quem ego vocatus sum: quo adiutore & socio, ambobusq; nobis, ut etiam apud Homerum est, studio locoq; coniunctis, alacris animo eram, planeq; Deo fretus, confidebam, nos nō modo apertos impetus hostium, sed absconditas etiam insidias facile propulsaturos. Multa enim collecta sunt in eo homine magna atq; præstātia, quæ in ceteris singula vix insunt, eaq; omnia maximè et huic tempori, & huic cause necessaria. Linguarum summa cognitio: conciliorum, rerumq; quæ ad eam rationem pertineāt omnium memoria, scientiaq; admirabilis: vsus et consuetudo cum exteris nationibus, ac cum Germanica natione præsertim, in qua diu, & acriter addo etiam feliciter, negotia Catholica fidei tractauit. Quod ergo tantum bonum à nobis reiectū est? Nollem detrahere cui-

quam, non enim id natura, nec consuetudinis est mea: sed tamen sedis apostolica amor, qui mihi penitus insitus est, vincet in hoc loco naturam. Etenim si confidit sanctitas tua res bene processuras horum Theologorum ope, qui in doctoribus istis recentioribus tantum exercitati sunt: credat mihi ipsa, in quo mentiri cupio, acerbioris dissidio, & multiplicatis haresibus nos ex concilio esse discessuros. Quamobrem & quomodo hoc futurum putem, aut alias dicam, aut res ipsa indicabit. Doleo igitur, & vehementer doleo, quod Aleandrum comitem mihi fortuna inuiderit. Nam cum in me aliquid fortasse insit, quanquam exiguum id & tenue, at tamen publica causa non inopportunum, id illo comite & adiutore amplius & valentius certe erat futurum. Omnino semper consilium tuum sapiens, nihilque nisi summa ratione abs te agi solet: mihi tamen & dolere, & timere necesse est, quod vereor, ne sit non levis plaga publica causa iniecta. Atque hic Deum testor inspectorem cordium, me hoc testimonium de illo viro, neque gratia dare, neque ulli cupiditati mea: sed vnam mihi veritatem, vnam utilitatem publicam, vnam rationem honoris eius & nominis quod tibi eximium & memorabile partum est, esse propositam. Neque tamen audeo à sanctitate tua postulare, id quod postulandum est, neque rogare quod rogandum: prohibet enim pudor meus, praesertim ab eo Principe, cui omnia debeo: ne temerarius à sapientissimo existimer, impudens ab optimè de me merito. Hoc solum affirmate non dubito: si sanctitas tua suam prudentissimam at-

que

que optimam mentem ad hunc honestādum hominem deflexerit, præter rei Christianæ commodum & tuam suam laudem, omnes et res & homines tale tuum iudicium atque factum summopere esse comprobaturos.

Romæ, M. D. XXXVII.

IAC. SADOLETVS CARDINALIS

Paulo III. Pont. Max. S. P. D.

**A** Ccepi ab optimo atq; amplissimo Cardinale Farne-  
sio literas, datas VII. Idus Septēbris, mihi autem  
tardius sanè quàm vellem, hoc est tertio Idus Octobris  
redditas: quibus ille me hortatur & admonet, ac sancti-  
tatis tuæ verbis etiam mandat, vt iā exacto serè eo tem-  
pore, quod meæ absentia abs te prælitum fuerat ad  
Vrbem quam primū me recipiam: quò interesse eis con-  
silijs possim, quæ iam dudū à sanctitate tua innita, Chri-  
stianæ religioni commoda & salutaria, promere nunc  
demum atq; exequi tempestiuum ipsa indicat: dignāq;  
molitur virtute et sapientia sua, cū correctionem e-  
mendationemq; præsentium meorum, tum veteris in-  
nocentiæ & integritatis in sacerdotibus, hoc est in  
Christiano populo vniuerso, restitutionem. Ego verò  
his acceptis literis, cum insigni quadam letitia animi  
ac voluptate, tum non minore sollicitudine & molestia  
affectus sum. Nam cū letarer magnopere, & gau-  
derem, quòd intelligebam mecum absentis nomen hæ-  
rere etiam nunc in memoria sanctitatis tuæ, quo nihil  
mihi euenire optatius potest: illud tamen grauiter mo-  
lesteq; ferebam, quòd non videbam hoc tempore, quo  
pacto possem, id quod semper maximè cupio, manda-



tis tuis voluntatiq<sup>3</sup>, parere. Itaque cū pararem ipse  
 me ad scribendū sanctitati tuæ, vt appropinquāte iam  
 exitu mei conmeatus, longiorem mihi à te diem proro  
 gari peterē : allata ad me interim sunt Farnesij literæ,  
 quæ me sanè admonent, vt id quod facere decreueram,  
 faciam etiam accuratius: nè qua aliena à mea erga san  
 ctitatem tuam obedientia et voluntate animum tuum  
 fortè subeat opinio. Ego enim Pater sanctissime, cū  
 semper apud sanctitatem tuam esse cupio, quam habeo  
 autorem meæ omnis dignitatis: tum huic etiam honori  
 & muneri, quod mihi ab eadem commissum est, deesse  
 profectò non debeo. Vt enim solū amore, qui certè meo  
 in animo erga te flagrans & perpetuus est, sed ipso e  
 tiam viri boni officio appetere cogar, tum frui optato  
 & desiderato conspectu tuo: tum senatoria opera mu  
 neraq<sup>3</sup> obire: ea videlicet, quæ ad bonam, et diligētem,  
 & amantem Reipub. Cardinalem pertinent, quemad  
 modum certè mihi agere semper propositum est. Quo  
 circa non ego hīc quidem maneo inuitus, in tanta horū  
 populorum omnium erga me beneuolentia et volunta  
 te, tam salubri cœlo, tot etiam ex me actionibus ad fru  
 ctum meorum populorum, & ad seruandam in his re  
 ctam religionē, quæ oppugnabatur, prodeuntib. Sed  
 tamen sanctitatem tuā, vrbeinq<sup>3</sup> Romanā assidue an  
 te animum mihi propositam habeo: non quod meū pri  
 uatum aliquod commodum, aut maior istuc iucūditas  
 me vocet: sed q<sup>a</sup> ratio officij, quæ apud me semper plu  
 rimum valet, desiderare me cogit, vt eo sim in loco, in  
 quo & fidem ac pietatem meā sanctitati tuæ, et Reip.  
 studium



studium atq; operam nauare cōmodius possim. Verū  
 mea hæc volūtas, aliquōt domesticis difficultatibus im-  
 plicita, valdeq; impedita est. quas quidem cōmemora-  
 re difficultates tenuē est, & in tantis tuis curis occu-  
 pationibusq; ineptum. Tacere autem non licet, si me  
 excusare verē, & is volo esse qui semper cupij, vt veri-  
 tate & recta consciētia fretus, nihil subtriceam eorum,  
 quæ res & causa postulat: quōd ingenuo animo ac libe-  
 raliter instituto dignum semper duxi, vt nec falsas con-  
 fingeret eius rei, quancunq; agere statuisset, causas:  
 nec veras reticeret. Ergo quominus sanctitatis tuæ im-  
 perio, ac mandatis vt ad ipsam me conferam, obtempe-  
 rare statim possim, non iam valetudo prohibet, (satis  
 enim planē mihi videor esse cōfirmatus) sed illa res ma-  
 gis, quod prouidendum mihi vehementer est, ne dum  
 Reip. animo optimo de seruiō, priuatim in aliquod de-  
 decus incidam: quod fidei meæ, quam habeo vita longē  
 chariorem, macula & detrimento esse possit. Hæc mo-  
 res adhuc hic detinet, q̃ facilius hīc videor posse neces-  
 sitatibus meis subuenire, & obuiam ire mea famæ pe-  
 riculis, quā in Vrbe facere possem: tanto tibi sumptu  
 in omneis ferē res necessario, tamq; exiguis meis vecti-  
 galibus: quibus præsertim tertia ferē pars in Veronēsi  
 pensione detracta sit. Quæ tamen si me libente quidem  
 in optimos vsus consumitur: hoc tamen efficit, vt mihi  
 urbem Romam incolere non liceat: hæc præsertim du-  
 rissima cōditione temporum, de qua multorum ad me  
 literis nantijsq; perfertur. Nec verò hæc proferēs, for-  
 tunam meam accuso, quæ mihi si locuples fieri vellem;

maximas saepe temporū opportunitates obtulit: in quibus ego magis officium & abstinentiam, & in omneis homines conuulatē ac liberalitatem, quā studium lucrī aut pecuniae sum secutus. Et sanctitati tuae maximas gratias habeo, atq; ago: quae totiens iā mihi ferre subsidium ex pecunia sua largē ac liberaliter, annua etiā cōstitutā mihi mercede voluit. Quod ego beneficiū tuum erga me, ita amplum atq; magnum, ut ei nunquā à me referri possit gratia, cū animo gratissimē accepissem, re ipsa tamen accipere recusavi. Non ob eam causam quidem ut minus tibi obligatus, sed ut mei magis essem similis: qui ita natus, ita institutus sum, ut neq; pecuniā admodum concupiscam, et parum decorū esse arbitrer animis ingenuis & dignitatis vera notionem aliquam habentibus, eiusmodi mercedibus et pecunijs quasi obstringi, nisi quibus à Principe onus aliquod imponitur, et eiusmodi mandatur administratio, quae maiorem forte sumptū, apparatusq; requirat. Tum enim legitima quaedam sunt constituta praemia, quae accipere non fas solum, sed perquam etiam honestum est. Neq; ego iudicium animi mei exponens, eos reprehendo, si qui fortē sunt, qui annuas et menstruas mercedes ex arario accipiant: fieri enim potest, ut illi multo sapientius hac de re constituent, quāui ego iudicem: sed tantum eam opinionem & sententiā, quae mihi insita penitus & planē innata est, apud sanctitatem tuam fidenter profero. Sola ea cupio vectigalia nancisci, quae cū ecclesiastica sint, posita sunt in medio sacerdotibus dispartienda, habentq; administrationem & procurationem sacerdotio-

dotiorum coniunctam: ad qua meo iure nonnihil aspirare mihi posse videor: non vt cursem huc illuc, eorum adipiscendorum causa: neque vt ab alijs Principibus ea obtinere cōtendam: sed meam spem duntaxat in tua optima aduersus me volūtate, quam mihi saepe benignissimis verbis ostendisti, & quam nulla adhuc occasio cōsecuta est, repositam habeam. Tranquillum equidem semper habens animum, & nulla sollicita expectatione suspensum, quod constantiam animi malo & modestiā retinere, quam plurimos fructus vectigalium ecclesiasticorum acquirere: vt in omnib. pudor meus mihi, nō flagitandi importunitas prosit. Verū hac ego fortasse verbosius: cum sanctitate tamen tua, tanquam cum parente egi. Reliqua nunc agam, vt cum domino meo, vt cum Principe. Si iudicarem, Pater sancte, meā istic aut operam, aut presentiam valde opportunam esse vtilitatibus publicis: nullo expectato tuo imperio, nulla ratione incommodi vllius habita, ad Urbem statim aduolasssem: neque me aut valetudinis mea, aut etiam periculi cogitatio vsquā retinisset. Cū verò in tanto consilio tuo, tantaq. sapientia, adstantibus etiā tibi tot prudentissimis doctissimisq. patribus, quorum tāquam orbis terra luminum abste habitus delectus est, mei consilij autoritas parum, aut nihil elucere inter ceteros possit: sanctitatem tuam summè rogatam à me volo, vt cum bona ipsius venia cōmorari hic vsq. ad ver proximum, quo tempore in Italiam & ad concilium omnino cogito: colligereq. tantisper mearum fortunarum reliquias mihi liceat: in quo magnum in me collatum

tum abs te beneficium sum arbitraturus. Sin aliter sanctitatis tua sententia est, eaq<sub>3</sub> me vult ad Urbem omnino accedere, si leui modò significatione hãc eius voluntatem cognouero, accurram, & appropinquo: neque me causa, neq<sub>3</sub> difficultas vlla detinebit, quo minus & tibi & ceteris ostendam, nihil omnium rerum mihi magis esse cordi, quàm vt presto sim, & paream iussis omnibus, ac mandatis tuis. Quodq<sub>3</sub> hic manere aliquandiu cupiam, totũ necessitatis cuiusdã esse: quodd verò in Urbem et ad sanctitatẽ tuã accedere, ipsa iubente paratus sim, id esse propriæ & perpetuæ meæ voluntatis. Vale. Carpentoracti, Idibus. Octo. M. D. XXXVIII.

IAC. SADO LETVS CARDINALIS

Paulo III. Pont. Max. S. P. D.

**C**Vm huc esset allatus nuntius de creatione Cardinalium, quos sanctitas tua proximè in Amplissimum collegium cooptauit: equidem de ceteris nihil mihi ad iudicandum assumens, quorum vitã moresq<sub>3</sub> ignoro: satisq<sub>3</sub> confidens abs te omnia & sapienter, & optima ratione fuisse acta: de Scoto illo vehementer probaui consilium tuum. Perspexi enim penitus cũ altitudinem animi tui, tum vim singularis prudentiæ, per quam pati non vis, impium Regem vacantem domesticis finitimisq<sub>3</sub> periculorum suspicionibus, impunè ac licenter in depopulanda Dei Ecclesia debacchari, quod consilium simul & factũ sanctitatis tuæ Deum immortalem fortunaturum esse non dubito: idq<sub>3</sub> vti ita eueniat, Deum eundem precor. Quodd verò inter ceteros vnum adhuc Venetum in ordinem legẽdum nostrum tibi reseruasti,

en Pa-

in Pater sancte occasio & locus, quo sanctitas tua potest clarissimo viro, & omni virtute, doctrina, eloquentiaq; ornatissimo, hunc honorem si detulerit, non tam quidem sibi nouam comparare gloriam praeclari sui in hominibus diligendis iudicij, quā veterem & iam partam confirmare: vt non solum ab his, qui abs te honestatur, sed praeerea ab omnib. qui in toto orbe terrarum coniectos habent in te oculos, cum laudibus feratur in caelum tua virtus, animi magnitudo, sapiētia: tum maxima tibi & perennis gratia habeatur. Est enim omnium commune beneficium, quod confertur in hominem, & bene de multis antea meritum, & paratum ad bene merendum. Qualis certē Petrus Bēbus est, qui hoc etiam magis beneficentia tua videtur amplectendus, quod complures annos diligenter atq; honorifice Romana curia inseruiuit. Quam vnā in me ipso rationem sanctitas tua secuta est: cum me non alijs meis meritis, sed sua incredibili benignitate ac liberalitate adsciuit in eum ordinem, vnde mihi celebritas et bona fama magis etiam ex iudicio tuo, quā ex honore ipso acquisita est. Pro quo amplo insigniq; erga me beneficio, si me perpetuo abstrictū tibi, tuoq; cūcto generi & nomini esse sentio: cupio etiā a sanctitate tua intelligi, si Bembū summum virū pari quodammodo eiusdem beneficio collegā fuero natus, non me vno & simplici vinculo, quanq̃ eo firmissimo & arctissimo: sed pluribus, & nunquā extricabilibus laqueis tibi obligatū fore. Deus omnipotēs omnia et coepta & cōsulta sanctitatis tuae ad optatū finē, & eūdem sibi gratū, acceptūq; perducatur. Carp. Non. Ian. 1539.

**P**rimū deprecor sanctitatē tuam vt mihi liberius  
 fortasse quā humilitatem meā deceat, meū apud  
 ipsam desiderium expromenti, ignoscere ne grauetur:  
 deinde vt quod dicturus sum, pro sua sapientia exami-  
 net, & perpendat. In altero enim singularis tua sancti-  
 tatis humanitas, in qua ipsa quoq; vult, quā in hono-  
 ribus fortune esse excelsior, dat mihi fiduciam: alterū,  
 quia cū vtilitate Reip. & cum tua laude coniunctū  
 est, dignum mihi videtur, quod & à me proferri, et abs-  
 te debeat diligenter considerari. Etenim Pater sancte  
 ego mecum saepenumero recordans illa praeclara initia  
 gerendi Pontificatus, tum cū sanctitas tua correctio-  
 ne morum sacerdotibus indicta, multisq; viris clari-  
 ssimis et omni virtutis laude praestantibus, ad summos ho-  
 nores ecclesiasticos vocatis, vniuersum terrarum orbē  
 in spem meliorum rerum erexit (Deum immortalem  
 testor,) cupiui ex eo tempore semper vt illa propria &  
 perennis tua esset gloria: neue eam vnquam in deligen-  
 dis optime meritis hominibus, aliqua adiuncta obscu-  
 rior electio infuscarēt. Memini enim quanta celebri-  
 tate fama, quibus hominum sermonibus, qua admi-  
 ratione virtutis, prudentiae, magnitudinis animi tui, illud  
 egregium & commemorabile facinus fuerit acceptū.  
 Itaq; ego, qui in colenda, amanda, venerandaq; sancti-  
 tate tua, arctiore multo beneficii vinculo, quā cate-  
 ri omnes, astringor: propterea quod alij multum qui-  
 dem



dem habuerunt in se omnes & virtutis & meritorum, quamobrem beneficium tuum illis quodammodo debitum videretur: ego autem nihil: sed omnis meus honos, mea q̃ dignitatis amplificatio, liberum fuit iudicium & propria liberalitas sanctitatis tuæ: sicut plus quàm ceteros tibi debere me intelligebam, ita maiore etiam quàm illi, in tanta tua gloria & prædicatione amplissima laudis, animi latitia & voluptate perfruebar: quæ assiduè quoque in posterum frui cupio. Nec mihi quicquam magis est in optatis, quàm audire, sanctitatē tuam, non cupiditatibus huius, aut illius, sed suæ potissimum sapientia, & Christiani nominis vtilitati inservientem: si supplendus ordo noster sit, quem suppletum iri fama nūtiat, habere hominum dignissimorum, ut solita est, delectum: & optimos ac doctissimos in amplissimum collegium adsciscere. Namq̃ Pater sancte præter communis Reipub. commodum quæ inclinata iam & propemodum corruens, talibus columnis maxime fulcienda est: hi præterea soli omnino sunt, qui fidem præstant suam honoris sui autoribus: quiq̃ eos & in ipsis, & in posteritate eorum, semper saluos, honestos, florentesq̃ esse cupiunt: ceteris (ut sanctitas tua animaduertere sape potuit) qui non ex virtute, sed ex ambitione lecti sint, studia & actiones suas, non officio aut honestatis decore, sed emolumentum compendio ferè dirigentibus. Atque hæc quidem tuæ sanctitatis erit consideratio. Illud meum desiderium, de quo agere eram exorsus, ut in habenda Cardinalium cooptandorum ratione vnum tibi hominem nominare, tua ut dixi, benigni



tate fretus, quem certè dignum omni honore arbitror,  
& in quo ornando iudicium tuæ sanctitatis summam  
consecuturum laudem esse non dubito. Is autè est Gre-  
gorius Cortesius, Abbas, de quo nemo est profectò qui  
nesciat, quacunq; in magno & bono sacerdote postulan-  
du sint, omnia in eo excellenter inesse, ingenium, consi-  
lium, eloquentiam, doctrinam, & quæ his quoq; lauda-  
bilia sunt, quoniam Christianis moribus sunt propio-  
ra, pietatem præterea, continentiam, religionem. Ne-  
que verò aliter de eo sanctitas tua iudicauit, tum cum  
eum vocandum in consilium maximarum rerum puta-  
uit. Hunc igitur ego in supplendo Cardinalium colle-  
gio sanctitati tuæ vehementer cupio esse commenda-  
tum. Et eò magis, quòd Federico Fregosio tãto & tam  
præstante Cardinali nuper amisso, dolorem quem ex il-  
lius morte incredibilem accepimus, huius honore, si tua  
ita voluntas fieret, consolabimur. Atq; ipse quidem ni-  
hil omnino huiusmodi rerum cogitat: ego autem labo-  
ro, qui & illum diligo, virtutis quidem causa, & impi-  
mis tamè decus sanctitatis tuæ habeo mihi ante oculos  
propositum. Ad cuius insignem laudem si hoc factum  
redundaturum est: si consuevit ipsa nihilominus hono-  
res ecclesiasticos talib. viris libenter mandare: ne asper-  
netur quæso preces & obsecrationes meas: meq; dignū  
efficiat, cuius voluntati suam rectissimam & benignissi-  
mam accommodet voluntatem. Equidem Pater sancte  
si hoc me beneficio, & Christianam mecum vnà Remp.  
affectū esse videro, qui sum plurimis iam tuis erga me  
meritis deuinctus, maximo me hoc munere cumulātū  
arbi-

arbitrabor: tibiq<sup>3</sup>, perpetuas & agam, & referam, quo ad licebit, habebo quidem certè & predicabo gratias. deum omnipotentem oro, vt sanctitatem tuam saluam & florentem diu nobis conseruet. Carpentoraçti, VII. Calend. Decembris, M. D. XLI.

IAC. SADOLETVS CARDINALIS

Paulo III. Pontifici Maximo S. P. D.

**F**Acere non possum, vbi virtuti et dignitati, multisq<sup>3</sup>, præterea & magnis erga Sanctam sedem Apostolicam meritis, testimonium mei iudicij tribuendum est, quin id tribuam: partim natura in hanc erga bonos voluntatem adductus, maiore autem ex parte sanctitatis tuæ clementia & benignitate prouocatus. Quæ cum potestate & amplitudine ceteris hominibus omnibus antecellat: maiorem tamen vult suæ humanitatis esse, quàm potestatis gloriam. Ea igitur fretus, non possum tibi non cõmendare homines eos qui mihi tuo digni iudicio, digni etiam honore, qui fructus est iudicij, esse videantur. Cum ergo proximis Cardinaliũ comitijs, quæ instare iam iamq<sup>3</sup>, & propè adesse sermonibus hominũ circumfertur, sit sanctitati tuæ locus, suam, quemadmodum consuevit, liberalitatem et beneficentiam in benemeritos exercendi: putavi ad meam fidem atq<sup>3</sup>, officiũ pertinere, duos tibi commendare, quos tibi ipsi non dubito esse probatissimos. Quod equidem facio, non illorum precibus efflagitatus, absunt enim ambo à me longè gentium, meaq<sup>3</sup>, huius cogitationis penitus ignari sunt: sed hoc officium atque operam, virtuti, & veritati, & amicitie sponte tribuens. Sunt igitur quos e-

go dignissimos omni honore existimo, Hieronymus Capoferreus designatus Nicensium Episcopus, & Thomas Campegius Episcopus. Feltren. Neq; ego hos duos ita laudo, vt ceterorum laudibus, si qui sunt, qui virtutibus ornati, Curiam istam sequantur, esse detractum velim: sed quia in his prater eximia animi, & ingenij ornamenta, quibus vterque eorum preditus est, illa quoque insunt, quæ maximè mouere animū tuum et solēt & debent, vt magnam tibi horum honoris & commodorum habendam esse rationem putes. Alter propè simulatq; natus est, in fidē abs te & clientelam receptus, vbi accessit ætas, qua declarare animum atq; ingenium illius posset, nihil aliud vnquam sibi propositum habuit quā vt suas omneis curas, omneis voluptates, studia omnia in sanctitatis tuæ cultu, atq; obsequijs figeret, & locaret. Multis in vrbe & magnis muneribus ac negotijs abs te prepositus, extra vrbeim etiam maximos ad Principes sepe, maximisq; de rebus missus, nec fidē suā nec consilium, nec diligentiam vsquā passus est desiderari: omniaq; prestitit, quanquā penè etiam adolescēs, quæ à viro prudentissimo, et ætatis vsu eruditissimo requiri atque expectari solita sunt. Quodq; in eo mihi peregregrium & commemorabile imprimis visum est, non ille suos labores, suas vigilias, suæ & corporis & fortunarū dispendia, cum tibi inserviebat, ad spem honoris & commodorum suorū direxit, aut retulit. Sed tantum illud spectauit, vt domino, et Principi suo satisfacere: fidemq; et pietatem, non spem vluam propriā sibi habuit propositam. Quæ si rara sunt, & omnib. propè se-

pè seculis in paucis animaduversa, singularem quoq; ea promerentur à tua benefica voluntate ac natura, et honorem & beneuolentiam. Quid cetera commemorem, quæ in eo præclara insunt? ingenium, literas, humanitatem, comitatem, liberalitatem, illamq; venustatem & elegantiam moris atque sermonis, qua in rebus gerendis ita aptè utitur, ut nō minus gratiosum se reddat ijs Principibus, ad quos missus est, quàm illis à quibus missus? Omnia sunt in hoc homine eiusmodi Pater sancte, ut ipsa per se, sine ullius commendatione & testimonio, vincere animum tamen etiam durioris alieniorisq; Potificis posse videantur. Quid mitissimi facient? quid liberalissimi? quid beneuolentissimi? Nō enim dubito virtutes Capoferrei sanctitati tue non notissimas modò esse, verum etiam charissimas. Quare cum de honore eius certus esse debeam, qui & de gratissima ac beneficentissima tua mente atq; natura certus sum, hoc officio perfunctus, ad alterum conuertar. Atq; hic ego intelligo, obijci mihi posse nimiam quandam imprimis audaciam, vel temeritatem potius, qui tãtis de rebus cum maximo & meo & omniū Principe, tam familiariter & tam liberè agam. Sed in hoc me tamen illa summa & propè incredibilis humanitas tua consolatur. Illud est difficilius, quòd ego quorundam hominum virtutes & merita sanctitati tue demonstrans, videor non satis intelligere, quo cum Principe mihi agendum sit, quàm sapiente, quàm sagaci: cuius acre ingenium, summū acumen, admirabilem perspicaciam, nihil est omnino qd fugiat aut lateat. Verè hic mihi ignoscat quæso san-

Estas tua, & patiatur me meo animo, & illi beneuolentia qua optimos viros prosequor, morē gerere. Si enim de quoquam commendē sentio, si quenquam videor propter eius virtutes, et propter singularia partim erga me ipsum, partim verò maximā erga sedem apostolicam studia atque officia diligere debere, Thomas profectō Feltrēnsis Episcopus, mei & amoris & iudiciij, in his rebus omnibus primas partes obtinet. Quod si ego solus ita sentirem, mea tamen apud te commendatio aliquid habere deberet, si non autoritatis, at certē excusationis. Sed ego mihi sic persuadeo, eadem in talem uirum & mente & opinione, cū reliquos, tū te ipsum imprimis existere. Atque ego mitto in eo splendorem nobilitatēq; familiā, quā summo honore nuper in Laurentio Campegio eius fratre ornata atq; florens, postq; ipso illo honore fortuna & mortis iniuria spoliata est, videtur ea ab aequissimo clementissimoq; Pontifice in pristinum decus restitui debere. Quae tua tamen plena bonitatis & prudentiae consideratio in plurib. iam perspecta est. Mitto etiam literas, Iuris ciuilis Pontificijq; scientiam, bonarum artium cultum, in Theologicis rebus vsum, intelligentiamq; penē singularem. Illud est quod ego sanctitati tuae potissimum in hoc homine cogitandum propono: quod nullus eo in Rom. curia publicisq; negotijs laboriosius, fidelius, diuturnius, iustius, his quam plurimis annis versatus est: cū interea in tanta varietate rerum gerendarum, nemo vnquā illius superbiam, nemo auaritiā, nemo negotiorū quae is suscepisset neglectum, nemo vllam vel minimam suspitionē crimi-

eriminis in eo annotavit. Varijs laboriosisq; munerib.  
diutissimè exercitatus, libellis postulatisq; supplicum  
aut subscribendis, aut referendis: causis litigantium cō  
mittendis, iudicibusq; dandis: regendo quoq; & in offi-  
cio continendo scribarum ordine: in quo horum mune-  
rum non egregiam fidem, prudentiam, abstinentiamq;  
præstitit? Tanta in audiendis hominib. mansuetudine,  
in expediendis negotijs diligentia, in rebus omnibus in-  
tegritate & innocentia, vt præclarum in eo exēplum  
verissimi et optimi magistratus, ac sedis apostolicæ mi-  
nistri, fuerit constitutum. Quod quidem exemplum Pa-  
ter sancte abs te pro tua gratissima mēte, admirabiliq;  
sapientia, merito honore afficiendum est. Etsi enim ca-  
put ipse es totius orbis, tamen propius atq; coniunctius  
urbis Romanæ es caput: in quo tuo præcipuè corpore,  
mēbra quæ præstantiora sunt, beneficijs tuis ornare de-  
bes: vt inde animi voluptas ad nos, ad te bene iudicādi  
laus perueniat. Quanquā non his solū de causis Tho-  
mas Campegius sanctitati tuæ debet esse commēdatus:  
sed ex eis quoque laboribus & operis, quas is peculia-  
res tibi præstitit. Toties abs te in legationes missus  
non solū difficiles & asperas, verū etiam periculo-  
sas: tam multis negotijs, curationibusq; præfectus: quē  
laborem vnquam periculūmve refugit, quo sanctitati  
tuæ tanquam illi addictus toto & corpore & animo  
deseruiret? cuius quidē ad mandata omnia peragenda,  
solitam suam secum ipse semper & diligentiam & in-  
tegritatem: voluntatem autem vnius tuæ sanctitatis,  
non suam, extulit. Sed non omnia cōmemorabo, (nota



enim tibi sunt ) Tantum ego alumnus amatorq<sup>3</sup> Romana curiæ, illius honestatem atq<sup>3</sup> decus cordi habens, orabo atq<sup>3</sup> obtestabor ipsius curiæ Principem, & Principem quidem, non solum potestate, sed magis etiam omni illa quæ isthic plurimum potest, polletq<sup>3</sup>, acie ingenij, electissimāq<sup>3</sup> sapientia, vt in Feltren. Episcopo, doctissimo, iustissimo, laboriosissimo, et nos omnes qui virtutibus fauemus, & ipsas virtutes, et Romanam imprimis curiam, proprium ac præcipuum corpus tuum, quæ illius honore ornari se arbitrabitur, hocq<sup>3</sup> impensè ipsa poscit atque desiderat, tibi habeas commendatam. Dominus Deus sanctitati tuæ omnia semper prospera & felicia largiatur. Ex Feliciano Carpentor. diœc. V I. Idus Augusti, M. D. XLIII.

IAC. SADOLETUS CARDINALIS  
Paulo III Pontifici Max. S. P. D.

**A**ccepi sanctitatis tuæ literas, per quas illa dignum me duxit, quanquā nullius admodum pretij hominem, perinde tamen ac si momenti alicuius futura sit presentia isthic mea, ob hæc Reipub. tempora, ad urbem Romanam accersere. In quo quantum mihi officij onus impositum sit, sanè intelligo. Sed ego paucis ant diebus scripseram Amplissimo Cardinali Farnesio, rogans eum & obsecrās vt si quid tale accideret, vt vocarer: mihi ipse apud sanctitatem tuam testis esset, cupidum me quidē esse parendi, et obtemperandi: sed ob domesticas multas magnasq<sup>3</sup> difficultates, hoc tempore nullo modo venire posse. Quem quidem, quæ diligentia atq<sup>3</sup> humanitate est, officio functum esse non dubito. Et si nō  
videtur



videtur egere hac causa apud sanctitatem tuam testib.  
Sed tamen quoniam saepe hoc iam contigit, ut vocarer:  
egoque maiorem in eo voluntatis tuae quam incommodorum  
et difficultatum mearum rationem habui, ipsisque pro-  
pterea etiam magis nunc oppressus teneor: cogor nunc  
necessario omnem meam causam eidem sanctitati tuae  
breuiter exponere: audacius fortasse, quam aut humi-  
litati meae, aut summae illius amplitudini conveniat. Sed  
opinor illa admirabilis humanitas, quae tuam maxime  
ornat augetque dignitatem, faciet, ut quod audacter age-  
re videor, id nec temere, nec inopportunè agam. Dico  
igitur non latuisse sanctitatem tuam meorum prateri-  
torum cursum omnem temporum. Nemo enim te neque ad  
intelligendum acutior, neque ad iudicandum sapientior  
vnuquam fuit. Non latuit ergo te, cumungerer nego-  
tioso & sat honorifico munere apud duos summos Pon-  
tifices, magnamque ex eo pecuniā magnasque diuitias ho-  
nestè comparare possem: neglexisse tamen multoque ma-  
ximam illius temporis partem gratis me Reipublicae &  
urbanis, adueniūque omnibus seruiuisse, quod in me nullā  
cupiditatem quaestus atque lucrinatura ingenuerat.  
Pronuntiatus sum à Leone Episcopus cum essem absens.  
Hos quoque meminit profecto sanctitas tua recusasse  
me illud onus quoad potuerim, & quietam ac priuatā  
vitam honoribus semper praeferre cupisse. Honores  
enim ego tum, non honores, sed tanquam compedes li-  
berioris vitae esse existimabam. Non multis post annis  
veni ad Ecclesiam meam, cupidissimus in ea perpetuo  
manendi. Factus est Clemens Pontifex, is statim vehe-  
menter

menter à me contēdit, vt me ad eum conferrem. Itaq;  
Romā reuersus sum. Non potui enim Pontifici optimē  
de me merito operam & obsequium meum denegare.  
Anno illius quarto in ecclesiam meam redij. Sic enim  
fueram cum illo pactus, in quo ille mihi egregiē fidem  
suam præsilitit. Vrbis non multo pōst capta & direpta  
est: mea fortuna, & antea naufragio, & tum quoque  
iterum in vrbis calamitate omnes disperierunt. Adhuc  
quis fuit locus, vbi aliquod meum apparuerit studium,  
rem meam familiarem augendi & amplificandi? At e  
go dico, neque tunc me, neq; vnquam antea, neq; aded  
etiam pōst, aut pecunia, aut veste, aut argento, aut lau  
riore aliqua suppellectili ornatum instructumq; fuisse,  
sed nec desiderasse me ista cōfirmo. Stultē fortasse, sed  
tamen solutum animum ab his cupiditatib. habere val  
de me iuuabat. Tantum annis illis decem, quib. in mea  
ecclesia commoratus sum, redditus annuos meos quotan  
nis integros expendebam: ita, vt vertente anno, nec de  
esset mihi quippiam, nec superesset. Non enim vllum  
vnquam omnino coaceruandæ pecuniæ studium me te  
nuit. Interim sanctitate tua ad summū Pontificatus ho  
norem meritiſimū sublata, secundo opinor anno ab ea  
accitus sum: ad quā, vt debui, statim veni, continuoq;  
sum ab ea in ampliſimū ordinē S. R. E. Cardinalium  
cooptatus: cuius sui iudicij rationem ipsa nouit. Equidē  
quod ad me attinet, nec meritis vllis, nec virtutib. meis  
dignum me tam honorifico eius iudicio, & tam eximio  
honore vnquam arbitratus sum. Quo etiam maior tibi  
à me gratia debetur: ac prorsus tanta, vt si vitam pro  
tuo

quo honore dignitateq; profundam, ne minimā quidē partem eius beneficij sim consecuturus. Accessit cū ego egrotarem, cognossetq; sanctitas tua multis rebus me egere, vt suo illo excelso & liberali animo cōmota, magnificentissimum donum mihi mitteret, presentem pecuniam satis grandem, & præterea subsidium centum aureū nummū in menses singulos ex fisco suo constitueret. Qua ego tā singulari et eximia benignitate ac liberalitate penē attonitus permansi. Atq; hic est locus, Pater sancte, in quo ego aliquantū hareo: qui tā duro et agresti animo tū fui, vt potuerim illud honestissimum, mihi quidem certē opportunissimum et necessarium donum recusare. De quo etiā nunc rogo & deprecor sanctitatē tuam mihi vt ignoscat. Non enim profectō aut peruersitate ingenij, aut moris naturae contumacia in id rusticitatis sum lapsus: sed quod diu antē statueram, meorum sacerdotiorū fructib. duntaxat viuere, nihil pecuniae extraordinaria capere, quodcunq;, aut vndecunq; vnquam mihi obuenisset. Itaq; constantiam illius meae sententiae retinere volui. Quod siue rectē egi, siue perperam, certē nihil vnquam postea sum affecutus, quod ad sustinēdam molem huius tanti honoris, mihi auxilio esse posset. In hoc ergo statu meo, consulo ipsam sanctitatē tuā quid me agere par sit. Si habuissem à principio subsidia huic tuendo honori necessaria, nunquam ego ab eius latere discessissem. Nō inficiabor equidem, si meum sit iudicium liberum, me hanc oculosam & literis deditam vitam, omnibus honorib. & diuitijs antelaturum esse: sed amor, officium, ipsaq; cupid-

piditas referenda gratia, affixum me tibi semper tenuisset. Nunc tenuibus fortunis, perexiguas facultatibus, re idonea nulla satis instructus, quomodo isthuc veniā, ne cogitare quidem possum. Quod si tanti ipse me facerem, ut neā isthic operam, praesentemq; autoritatem vel mediocriter vilem fore arbitrarer, venirem utiq; quoquo modo possem: nec indignitatem, si esset perferenda: nec famem, si esset patienda: nec mortem, si esset obeunda, pro sedis apostolica & tua sanctitatis dignitate refugerem. Sed cum in tanto cœtu prudentissimorum, et doctissimorum patrum, mea opera potius superuacanea futura sit, ego autem impotens omnino adueniendum isthuc sim: rogo, oro, obtestorq; sanctitatem tuam, uelit aliquando mearum difficultatū grauiumq; detrimentorū aliquā rationem ducere. Si occasio dederit, ut aliqua eius liberalitate, aliquib. subsidij ecclesiasticis subleuer, non expectabo donec accersar. Ego met enim adero, meq; tuae sanctitati ita adiungam, ut nulla deinde ab eius conspectu & comitatu fortuna me unquam separatura sit. Nunc si nō venero, cum iter mihi in toties per Italiam faciendum sit, inter tot notos et propinquos, & ad eā urbē accedendum, in qua apparatus impense, domestica onera, meis pusillis facultatibus, plūne intolerabilia sunt: spero equissimum animum tuum iustissimam excusationem meam boni consulturū, mihiq; hic manendi veniam daturum. Quod si ad Consiliū, si modō id futurum est, accedere me oporteret, qua de re ad eundem Farnesium scripsi, nulla harū rerū & difficultatum me impediret. Nam & per igno-

tos liberum ac sine rubore iter, & in Consilio frugalitas laudi potius esset. Quod sanctitati tuae puto accurate esse considerandum. Nam si in Germania futurum est Consilium, verumque est id, quod à multis mihi nuntiatur, meum nomen apud illas gentes non omnino esse contemptui, cum suspicer magnos in sanctitatis tuae, & sedis apostolicae dignitatem, seditiosorum hominum fore impetus, possem fortasse illhic esse, Deo iuvante, idoneus ad prohibendum aliquid & moderandum, si ed sponte mea venirem, quod etiam alij Cardinales, Galli praesertim, priuato suo nomine ituri dicuntur. Sed de hoc, ut dixi, sanctitas tua, si videbitur, cogitabit: cuius voluntati omnes meas rationes cogitationesque permitto. Ego quicquid sum, quantulumque possum & valeo, Deo primum omnipotenti, eiusque sanctissima Christiana fidei: deinde sedis apostolicae & tuae sanctitatis nomini, honori, dignitatique, deuoueo totum ac dedico. Quo in eodem officio multos doctiores, grauiores, prudentiores habitura est sanctitas tua: fideliores quidem certe, et officiosiores quam me, neminem. Deus sanctitati tuae omnia sua vota optataque secundet. Carpent. XII. Cal. Februarij, M. D. XLV.

IAC. SADOLET. CARDINAL. PAV.  
lo III. Pont. Max. S. P. D.

Hodie cupienti mihi accedere ad sanctitatem tuam, coramque illi dolorem meum declarare, quae ex eius domestico mœrore & incommodo accepiſsem, qui praesertim etiã ad me ipsum mœror, propter eximias praestantissima illius foeminae virtutes, meamque in illam & eius

eius liberos obseruātiā, beneuolentiāq<sub>3</sub> pertineret: cum hoc ita esset responsum, nolle sanctitatē tuā silentiū & cogitationes suas interpellari: visum tamen non alienum est, hoc quicquid esset mei sensus & animi, ad ipsam scribere, & quod præsens non potui, id per litteras efficere: vt hominis amātissimi, & tuæ sanctitati deditissimi officio aliquo fungerer. Quanquā hoc ipsum imprimis mihi dubitandum esse video: vtrum mæstitiā tuā lenire verbis, an constantia eiusdem, animiq<sub>3</sub> virtuti gratulari debeam. Cum enim amissa tali filia, qualem tot et tam eximijs ornamentis praditam, virtutis, ingenij, humanitatis, prudentia, nostra nos alteram extulisset atas, nos hesterno die sanctitatem tuā maximo dolore affectam, & prope afflictam esse arbitraremur, essetq<sub>3</sub> ei tunc diuina res facienda: nihil ipsa tāto uulnere retardata, in conspectum omnib. sese dedit, obiitq<sub>3</sub> ea, quæ ad religionem et summum Deum pertinebant: neq<sub>3</sub> eorum colloquia, qui ab ea aliquid petebant, deuittauit. Talem deniq<sub>3</sub> se omnibus in rebus præstitit, voce, vultu, sermōis animiq<sub>3</sub> firmitate, vt miraremur cuncti, mutuoq<sub>3</sub> inter nos quæreremus, quonā telum illud abiisset, quod tam valide immisum in tuū pectus à fortuna videbatur. Sed profectō res ita se habet, ut nullum sit munimentū nec animi, nec corporis, sapientia præstantius: quæ sanctitas tua complures iam annos socia, & adiutrice consiliorū actionumq<sub>3</sub> suarū omnium cum sit vsa, nō est quod vereamur, ne huic nouo vulnere & dolori carissima amissa filia cedat illa atq<sub>3</sub> succubat. Quod si tamen, quæ est & natura nostra infirmi-



tas, & humanarū rerum varietas, altius fortasse in animo tuo iste insedit dolor, quā vt facile possit vel ratione cōprimi, vel ea, quā adhibere in omnib. rebus soles, sapientia tolli: putavi mihi esse faciundum, non vt te quidem docerē ea, quæ melius multò ipse nosli, quā quisquam nostrū, nos omnes homines esse: ea conditionenatos, vt nullo habito delectu vel ætatis, vel generis vel fortunæ, in quemuis nostrum liberam habeat mors ipsa potestatem: neq; in re quæ certa sit, de incerti temporis euentu quæri nos oportere: si fortè maturius quā expectaremus, accidit nobis id quod casurum omnino sciebamus. Cū in hoc precipuè vis prudentiæ maxima insit, vt ad ea quæ incerta sunt, muniat se et præparet, in rebus autem certis, natura non prudentia, habeat dominatum. Non, inquam, vt hæc & his similia multa cōmemorem: quæ sanctitati tuæ & longo vsu, & doctrina notissimæ sunt: sed vt tibi redigrem in memoriam, quæ nunc maximè instant, quæ aguntur, quæ premunt, hæc à me opera, coniuncta officio, meaq; in sanctitatem tuam pietati est suscepta: si fortè animus tuus luctu impeditus, minus hæc nūc animaduerneret. Quod tamen in tāta tuā sapiētia, tantaq; animi virtute, minimè est credibile. Sed tamen in hac orbis terræ perturbatione, cū alienatis tot gentibus, insensis multis regibus, dissensione de rebus diuinis & humanis vbiq; ferè gentium excitata, atque commota, spes tota rerum meliorū in vnius sanctitatis tuæ autoritate, prudentia, consilioq; reposita sit: non decet profectò talem animū, quī maximis vulneribus Christianæ Reipub. medentis at-



que sanādis, Dei hominumq<sup>3</sup> consensu idoneus qui prae-  
 ficeretur iudicatus sit, paruis ipsum ictibus fortuna cō-  
 moueri: et in quo Pontifice grauitas, & tēperantia, &  
 rerum omnium moderatio, sedem ac domicilium cōstitu-  
 isse visa est: in eodem vulgares hasce et quotidianas a-  
 nimi imbecillitates, non inesse quidem (nō enim nec ve-  
 ritas, nec mea vnquam opinio huic verbo assensura est)  
 sed tamē tanquā insint, ab ignaris rerum cōmemorari.  
 Quae quidem cōmemoratio mihi sanē quā molesta est,  
 Siue enim magno dolore (vt nonnulli pradicant) affi-  
 ciare, non possum non propemodum aequē atq<sup>3</sup> tu pro  
 mea in te propensissima voluntate, & in illam mortuā  
 beneuolentia dolere. Siue hoc vt cetera, moderatē a-  
 gas, & perferas: molestum tamen mihi est, summi Pon-  
 tificis virtutē singularemq<sup>3</sup> animi magnitudinem in a-  
 liam ac debeat partem ab imperitis accipi. Sed ego, si  
 rectē noui, (vt mihi quidem videor) quae sit mens tua,  
 quae totius vitae ratio, quae cura tuenda seruādaq<sup>3</sup> gra-  
 uitatis: & cū considero te optimē nosse, quid à te ex-  
 pectetur, qui sit in te oculorū animorumq<sup>3</sup> nostrorum  
 coniectus, quā omnia à nutu tuo & arbitrio pendeant:  
 nullo modo dubito, quin posteaquam natura et amor  
 exiguum quid dederis, tantum videlicet, quantū et hu-  
 manitas postulat, & ipsa planē sapientia nequit recu-  
 sare, ad pristinam tuam animi magnitudinem reuersu-  
 rus: & omīssis his omnibus, quae populi sunt et quorum-  
 libet hominum cōmunia, ad id quod in te est singulare  
 & proprium nempe orbis terrae, & Christiani generis  
 tutelam, regimen, procurationem, celeriter rediturus  
 sis.

sis. Cùm praesertim illi, quã lugemus omnes, nihil euen-  
nerit triste nec acerbũ. Sed qua virtute illa inter nos  
versata est, cùm et gratiam qua plurimum valebat, et  
ingenium quo admirabili erat praedita, & opes qui-  
bus egregiè florèbat, ad subsidium impotentium, ad tu-  
telam viduarum & pupillorum, ad gratificationẽ om-  
nium qui ad eius opẽ auxiliumq; confugissent, semper  
omnes cõuerterit atque adhibuerit: eadem virtute sibi  
ad eternã fruendam beatitudinem muniuerit viam: et  
velut de domo in meliorẽ domũ, sic è terris in cœlum,  
Dei illam clementia excipiente, migrauerit: eiusmodi  
sobole filiorum relicta, quã nostrũ omnium spes atq;  
opinio, ipsorum autem nota iam atq; perspecta in ple-  
risq; excellens atq; eximia virtus, tali dignos matre, tibi  
auo suo iucundos, nobis omnibus gratos & venera-  
biles reddit. Quæ omnia Pater sanctetibi debent esse  
solatia doloris, firmamenta animi, monumenta diuinæ  
erga te indulgentiæ & bonitatis, vt cùm hac sanctitas  
tua meminerit, suisq; cogitationibus proposuerit, rese-  
rat se ad suam veterẽ atq; perpetuam firmitatem ani-  
mi atq; cõstantiam, quemadmodum et nos precamur,  
& reipublicæ tempora imprimis requirunt & postu-  
lant. Vale. Romæ, VII. Calend. Iunij, M.D.XLV.

IAC. SADOLETVS S. R. E. CARD.

Paulo III. Pont. Maximo.

S. P. D.

Cum multa sint indicia diuina erga sanctitatẽ tuã  
beneficentiæ, summæq; liberalitatis: tũ nullum est  
præstantius, quàm quòd eodem dono nunc Deus propa-

gationem familiae tuae, & publicā pacem ac tranquillitatem est complexus. Geminis enim pronepotibus ex summi Imperatoris filia, & nepote tuo in lucē nobis editis: addidit ille quidem decus generi, ornamentū familiae, subsidium nomini, cuius recens hic partus perpetuitatem quandam denuntiat: sed in tanto priuato sanctitatis tuae commodo, illa etiam maior in ipsius animo letitia insidet, quod omnibus iam suspicionib. penitus elisis, quae nos sollicitos aliquandiu habuerunt, communi Italiae paci & ocio à Deo est consultum. Duorum enim maximorum principum sanguine in vnum genus, vnamq; prolem deriuato, atq; conflato, animos quoq; eorundem in vnum sensum confluere necesse est. Qui sensus, si tuae sanctitatis cōsilia valebunt, sicut ceriè valitura sunt, ad trāquillitatem publicam, ad quietē Italiae, ad conseruationem pacis, cuius ipsa tutrix semper fuit, sine dubio spectabit. Quare agimus quidē gratias prepotenti Deo, qui te hoc tanto, & tam eximio dono est profecutus. Facit enim mea in sanctitatem tuam obseruantia, vt nihil tibi prosperum & fortunatum accidat, cuius non sim ego particeps. Sed agimus etiam ob eam rem maiores, quod cum tantò in te beneficio, publici quoq; boni beneficium coniunxit. Nec verò dubium nobis est, quin sanctitatis tuae letitia, quae in illius animo ex hoc expectato atque exoptato partu iure meritoq; exorta est, hac re longè sit cumulatior: quod, quo ipsa ingenio, et qua prudentia praedita est, videt planè & prospicit, suum hoc priuatum gaudium cum publicis vtilitatibus esse coniunctum. Etenim habet obsides  
iam

iam Respublica duos duorum præstantissimorum Principum liberos, qui vtrunque nobilitatem in vnum genis iungunt, qui spondent pollicenturq; nobis omnib. immotam pacem, securum otium, animorum concordiam Romæ & in Italia fore: quibus quidem muneribus nullum nobis à Deo, in hoc præsertim tempore, accideret optatius. Quapropter gratulor equidem sanctitati tuæ, quod eius res, rationes, commoda, Deo immortalis curæ esse intelligo. Sed in hac felicitate magis etiam illi gratulor, quod non est ipsius commodum à publica vtilitate seiunctum. Quod si beneficia Dei immortalis erga te tanta iā sunt, vt videatur mens hominis nihil amplius posse desiderare: erit quoque tuæ curæ & providentiæ, ea quæ bene cœpisti, de tollendis hæresibus, de sedandis discordiis, de bonis moribus, castiq; religione in Christianum nomen, ordinesq; præsertim ecclesiasticos reuocanda: ita gubernare, regere, ad exitum deducere: vt quoad homini fas est, par tot diuinis et singularib. donis abs te gratia relata esse videatur. Deus in sanctitate tua suā benignitatē perpetuā conseruet, Romæ, IIII. Calendas Sep. M. D. XLV. IAC. SADOLET. CARDINAL. GVI-  
do Ascanio Sfortiæ Cardinali, S. P. D.

**C**Vm tantum in te habeam fidei, quantū et tua præsens probitas, & ad omnem egregiā ac præstantē magni hominis facultatē expectata virtus habere me hortatur: egoq; pro amore & obseruantia qua te prosequor, non me indignum ducam, cuius tu aliquam habeas & honoris & voluntatis rationem: his de causis

adductus, suscipio onus populo hosce meos tua amplitudini commendandi. Quos ego quidem verè paterna beneuolentia complector: proq<sup>3</sup> eorum salute & commodis laboro, etiam aliquanto acrius, quam pro meis. Sed sine vobis, hoc est, sine auo tuo optimo & sapientissimo Principe, & sine tua apud eum autoritate & gratia, parum ipse per me prodesse illis possum. Ita con- fugiam ad vos necesse est: quos tamen non dubito fore ad omnia quæ æqua postulabuntur paratissimos. Atq<sup>3</sup> hi quidem populi legatos ad Urbem mittunt, qui aduocatis sibi peritis isthic rerum, Pontificem edoceant, qui bus maxime rebus nunc egeat prouincia. Quæ quidem nullum grauius incōmodum patitur, quàm ex Iudæis: qui maximis priuilegijs, concessionibus, beneficijsq<sup>3</sup> muniti, grauius hic vexāt et populantur Christianos. Neq<sup>3</sup> solum cladem & miseriam his populis afferunt, sed apud transalpinas etiam nationes ordini nostro, et nomini infamiam non mediocrem: quod te ipsum ignorare certo scio. Non enim ingenua tua mens, et voluntas bonitate prædita, hanc tantam iniquitatem vlllo pacto ferret. Sed tamen quoniam tuum nomen in diplomatis præscribitur, tuq<sup>3</sup> videris esse indignæ huius rei autor: non putavi alienum à fide mea, eoq<sup>3</sup> officio quod tibi debere me intelligo, facere te de his rebus certiorrem: teq<sup>3</sup> vel monere pro ætate, vel rogare pro summa mea in te obseruantia, vt hæc animaduertes, haberesq<sup>3</sup> existimatiōis, et famæ, ac dignitatis tue rationē: nec tuū nomen in re tā inhonesta interponi sineres. Nā quid est turpius, quā tantopere suffragari Iudæis, idq<sup>3</sup>

contra Christianos: & eorum causa ius, aequitatē, vinculum religionis, pauperum iniurias, calamitatesq; negligere? Cū præsertim pateat omnibus, & perspicuum sit, quid sit, quod Iudæos efficiat tam valde gratiosos. Ego, qui tuæ laudi tantum faueo, ut non plus certè mea, quicq; & spero ipse de te, & ceteris sum auctor eadem sperandi, nos te in nostro collegio, & amplissimo ordine, magnū & grauem virū & omni præstantem autoritate visuros esse: cupio ea abs te iaci iuuenta tuæ fundamenta, super quibus postea ampla dignitatis molem extrui possit. Quapropter hoc animo fretus, & liberius hac ad te scripsi, & tamen non dubito, te in optimam partem omnia accepturū esse. Extremum est, ut te orem, ut horum meorum populorū commodis & salutis tuæ benignitate & gratia faueas, & suffragere: quod mihi à te futurum est rerum omnium grauißimum. Præstantissima omnium fæminarum matris tuæ, quam ego in summo honore habeo, ac mirificè colo, plurimā quæso dic meis verbis salutē. Vale. Carpentoracti, Pridie Non. Octobris. M. D. XXXIX.

# IAC. SADOLETUS CARDINALIS

Guido Ascanio Sfortiæ S. R. E. Cardinali, S. P. D.

**I**N eis literis, quas proximè à te accepi, quib. mihi de re & negotio Iudæorum diligenter respōdes: sic imago tota virtutis, ingenij, & probitatis tuæ expressa est, ut ego, qui te mirabiliter diligo coloq; sæpius in eam intuens, mihiq; de eo quod iam dudum: feci de te iudicio gratulans, tuas etiam atque etiam literas, & in

illis te absentem, animo & beneuolentia sim exosculatus. Video enim atque perspicio, quod mihi maximè in optatis est, id genus, eamq<sup>3</sup> familiam, cui ego omnia mea hōnoris atq<sup>3</sup> vitæ ornamenta refero accepta, non solum florere virtute & prudentia maiorum natu, eorum videlicet, qui res summas administrāt: sed habere etiam in liberis et adoleſcētibus paratam certissimam spem, nihil eos à parentum grauitate & sapientia esse defluxuros. Quod mihi, qui vobis nō minus faueo, quā si ex meo sanguine essetis geniti: quiq<sup>3</sup> omnia mea officia atq<sup>3</sup> studia vobis & laudi ac dignitati vestrae penitus addicta esse volo: non sperare solum de vobis, sed experiri iam, & reipsa nosse, iucundissimum est. Facile enim indicant literæ tuæ, verissimumq<sup>3</sup> dicūt testimonium, cuiusmodi tu ingenio, & qua naturæ bonitate præditus sis. Sed hæc & aliās dicta sunt, & sæpius, vt video, dicentur. Quod ad rem ipsam & ad Iudæos pertinet, noli quæso existimare, humanissime Sfortia, me quicquam illiusmodi rerū abs te ipso vnquam profectum putasse: noui enim integritatem, & ingenuitatem tuam: nec sum tam iniquus, vt cuiquam vitio ver tam id, quod ab illius abesse iudicem culpa. Alios quosdam suspicatus sum, neq<sup>3</sup> nunc secus suspicor, ad suos, et sibi non insolitos quæstus tuo nomine fuisse abusos. Quod cū in aliquam notam recideret tui honoratissimi, et mihi charissimi nominis: pro meo amore erga te, proq<sup>3</sup> ea qua tuam amplitudinem prosequor obseruantia, existimaui liberè tibi à me hanc suspensionē & querelam deferri oportere. Quare quem tu in meis literis  
stoma-



stomachum, aut quam tecum grauiorem dicas expostulationem, non intelligo. Scripsi equidem commotiore animo: verum non iracundia adductus, quæ mihi nec ad modum vsitata aut familiaris est: et in te certè semper existeret non iniusta solum, verum etiam inepta: quo utroq; à vitio plurimū me abesse cupio. Sed mecum animum misericordia mouerat eorum, quibus non in pecunia & bonis, (nam id esset aliquo modo tolerabile) sed in libertate et corpore, ab hoc improbiſſimo hominum genere quotidianas inferri iniurias videbā. Porro quorum salus mihi ab Deo tanquā parenti et paſtori eſt concredita, eorum me incōmodis et calamitatibus per moueri, mirū me cuiquā videri debet? Et quidem ſcio obſoleuiſſe iam magna ex parte hæc Epiſcoporum munera atque officia: plebium enim paſſum & gregis cura negligitur: aliarum rerum maior ratio ducitur. Verum ego clara voce pronuntio atq; testificor, me nunquam fuiſſe, neque aded fore de numero eorum, qui hanc animi labem propè inexpiabilem, in alterā illam vitam ante cōſpectum Dei ſecum deductā velim. Satis multis aliorum generū criminibus & delictis premor: ab hoc equidem crimine cauebo, quantum Deo adiutu te potero cōſequi, ut qui mea tutela et fidei erunt crediti, non eorum ſalutis & cōmodorum maiorem ſuſcipiam curam, quā meorum. Nec vero huius me animi & ſententiæ eſſe pœnitet: tantam experior in bene agendo, & in virtutis, atq; officiij ratione ducenda, in eſſe voluptatem: quam noſſe non poſſunt, (crede mihi optime Sfortia, qui & ætate longè iam prouectus, &

multarum ac magnarum rerū vsu diu edoctus sum) nō inquam nosse possunt hanc animi latitiā, voluptatē, pacem, qui spiritali imperio populis praefecti, omīssa cura & diligentia consulendi commendatitijs suis, ad suas potius priuatas opes, & ad hunc externū splēdorem atque fastū studia omnia conuertunt. Quorum quidem cūctorum exitus atq; casus, si commemorare nunc vellem, id quod & verē, & copiosē possem facere: equidem vererer, ne ex epistola tragœdiam viderer efficere. Quare ab hoc toto genere sermonis abstinēbo: tantū te rogabo atq; hortabor, vt quam spem & expectationem tuā praestantis eximiāq; virtutis, tuāq; futurae summā amplitudinis nobis excitasti: eā tu spem in nobis, & in ceteris omnibus, praeclarē semper agendo, & virtuti ac verā dignitati seruiendo, tueri, augere, confirmareq; nō desinas. Quod tibi futurum est (vt aliās etiam dixi) in omni & fortuna, & varietate tēporum, maximū, tutissimū, iucūdisimūq; perfugiū. Sed vt reuertar ad Iudaos, quōd illi ferri & sustineri apud nos debeant, fateor Christiana hoc esse humanitatis: estq; ita nobis à sacris patrū decretis praescriptū. Quasi priuilegijs etiam muniendi sunt, ne afficiantur ipsi iniuria: muniantur sanē: nihil ego in hac re magno pere repugno. Non enim hominibus insensus sum, sed hominum illorum vitijs. Vt verō ad inferendas vltro iniurias, ad circumueniendos, euertendosq; Christianos, tot quotidie decretis concessionibusq; instruatur, atq; armentur: potēstne hoc vlliū hominis recta, & pretio ac pecunia non contaminata ratio, aequum esse  
arbi-

arbitrari? Liberius tecum loquor, quòd te expertem  
omnis omnino in hoc genere suspicionis esse non dubi-  
tò. Quid enim mihi tua probitate, moderationeq<sub>3</sub> per-  
spectius? Sed habeo quos timeam, quos etiam facilius  
animo designare, quàm exprimere oratione possum.  
At mos hic iam inueteratus est, talibus Iudeos priuile-  
gijs ornandi & fulciendi. Scio, et noui: veruntamen i-  
dem ego & video, & scio, propter huiusmodi morem,  
aliosq<sub>3</sub> multos similes, orbis terræ populos, & prouin-  
cias iā permultas, ab istius sanctæ sedis nomine & fide  
defecisse. quas vtinam ceteræ non sequantur, quod ne  
accidat, paruula modò aliqua mutatione Principū fa-  
cta uehemēter cogor pertimescere. Sed ne plura de his.  
Ego si in meis literis, aut prioribus, aut in his quas nūc  
scribo, aliquid insit dictum inconsideratius, quodq<sub>3</sub> ani-  
mo tuo minus accidat gratum: peto à te, mihi vt igno-  
scas. Non enim animo lædendi quempiam, teq<sub>3</sub> omnium  
minimè, quem incredibili quodam amore et planè opti-  
ma opinione prosequor: sed studio subueniēdi meis, qui-  
bus sum sanctissimæ necessitudinis vinculo obstrictus,  
liberius interdum cogor scribere. Quæ libertas si im-  
prudētia appellanda est, non obstat quin ita appel-  
letur: dum ea cum pietate, & cum pastoris boni officio  
intelligatur esse cōiuncta. Et si tuæ quidem naturæ bo-  
nitas vt confidam facit meas preces & postulationes à  
te in meliorem partem acceptas fuisse: qui mihi libera-  
lissimè rescribis, te & daturum per te operam, et apud  
Pont. Max. curaturū, vt restrixius posthac & cautius  
cum Iudeis agatur, quàm adhuc actum sit. Quam ego  
tuam

tuam promissionem in earum rerum numero repono, quæ mihi charissimæ & iucundissimæ sunt. Nō enim ea solum mihi spem facit, forte tua ope & autoritate populis meis melius consultum: sed eadem id confirmat, quod ego de te et sentire et prædicare libenter soleo, magnū in te nostro ordini ornamentum, magnos ex te fructus aliquando ad Christianam Remp. esse venturos. Quorum vtrunque nobis vt ex sententia eueniat, & tu operam dabis, & ego Deum assidue obsecrabo. Sed hæc hæctenus. Meum erga amplitudinē tuā studium, meaq; grata in omneis tuos volūtas, honosq; præcipuus in letissimā omnium sœminarū matrem tuā, perpetuō vobis cōstabit. Vale. Carp. Pridie Id. Ianuarij, M. D. XL.

IAC. SADOL. CARD. GVIDO ASCANIO Sfortiæ S.R.E. Cardinali S. P. D.

**E**T si acceperam iam pridem à te literas, quibus mihi significabas negotia huius prouinciæ, quæ pertinet ad Iudæos, ita per te confecta, easq; Iudæis esse viuendi leges impositas, vt nihil iā nos posthac, quod hoc nomine possemus iure conqueri, habituri essemus: tamen in maxima mea, quam ex eius literis cepi, letitia, assidueq; cogitatione tuæ virtutis, quæ mihi in animo semper infixa est, ad eas adhuc nihil rescripsi: non negligentia, sed valetudine retardatus. Nam cū tuæ essent eo tempore mihi allatæ literæ, quo cōtiguit vt minus belle me haberem: postea v erò quàm melius mihi esse cœpit, esset iam in expectatiōe legatorum reditus, qui harum rerum agendarum causa Romā missi, de suo iam ex Vrbe discessu literis significarant, commodissimum duxi

eos antè audire, quàm ad te scriberem, Qui vt tandem aduenerunt, ad VII. Cal. Iulij, omnibus rebus expositis quas in Vrbe gesserāt, diplomatisq<sub>3</sub> prolati, quæ ibidē obtinuerant: maximas apud suos ciues gratias egerūt: Primum Pōtifici Maximo, cuius iustitiam, clemētiam, sapientiam, summis in cœlum laudibus extulerunt. De inde tibi, quo vno autore adiutoreq<sub>3</sub> potissimo perfectum esse dixerunt, multis contra nientibus, & pro Iudaorum causa acriter pugnantis, vt aduersus equū atq<sub>3</sub> bonum, contraq<sub>3</sub> cōmoda & salutem Christianorum, nihil Iudaorum astutia, nihil importunitas, nihil pecunia, nihil promissio donorū largitionūq<sub>3</sub> valeret.

Quam ego laudem tuæ innocentia, rarissimæq<sub>3</sub> virtutis, ista præsertim atate tua, hisq<sub>3</sub> hodiernis morib. omnium honoribus atq<sub>3</sub> fortunis longè anteponendam iudico. Itaque mihi credas velim, cum magna voluptate afficerer, legatis talia cōmemorantibus, ex latitia & gratulatione meorum ciuium, quos, verè dicam, patrio animo & Christiana charitate amantissimè complector: tum illud mihi etiam magis ad nouā quandam & singularem animi iucūditatem valuit: quòd te in cuius amore & beneuolentia ardens sum, quem colo atque obseruo, habeoq<sub>3</sub> semper in intimis meis mihi propositum sensibus, iustissimam videbam gloriā consecutū, non solum æquitatis & integritatis, sed singularis etiā constātiæ, eximieq<sub>3</sub> animi virtutis. Etenim quid vel in bona ratione firmitus ea mente & voluntate dici aut cogitari potest, quæ honestate sibi dignitateq<sub>3</sub> proposita nullis hominum artibus & machinis à recto sensu se  
dimo

dimoueri passa est? vel ea iracundia & permotione animi generosius, qua tu iure optimo incensus, eorū interpretationes & additamenta, qui diplomatīs sententiam ad commodum Iudeorum detorqueri valebāt, calamo sumpto obliterasti, omniaq; ad splendidam & veram rationē redigi voluisti: cū tu homo adhuc adolescens, fortunæ quidem muneribus insigniter ornatus, sed naturæ bonitate ingenioq; ornatioꝝ: senum morbos & vitia, tua prudentia corrigeres: nec virtutis tuæ lumen aliorum tenebris commaculari sineres. Ac, vt de ipsa ratione iuris aliquid loquamur, si maiorib. nostris, sanctis illis & diuinis viris, non solum verum pietatis & religionis testimonium, sed etiam doctrina & summa sapientiæ tribuimus: viuatur legibus illis, quas de Iudeis illis constituerunt. Quod si quæ sunt praterea amplius Iudeis data, concessa, permissa, facile ipsa se ostendunt quibus è radicibus nata sint: cū perspicuum sit apud omnes, non fuisse illa æquitate impetrata: sed nescio quopacto, occultis certè artibus, & tanquam cuniculis obtenta. Quid est, quod isti tam diligenter exquirūt mala iura Iudeis, qui in Christianis optima, pradiata, & profligata iacere patiuntur? Neq; tamen is ego sum, qui antiquam illam continentiam, seuerissimamq; rationem redigi omnia contendam oportere, planè enim intelligo hoc contrarium esse temporibus nec facile mores nostros posse pati id quod plus diuini in se quàm humani contineat: ideoq; Dei misericordiae amplior apud nos est locus, quod delicta seculi etiam crebriora existunt. Sed tamē modus omnibus in  
rebus

rebus, et modestia quadam seruanda est. Si sit dandum aliquid Iudæis, semper ita detur, vt ne apertè Christianorum commoda oppugnemus: vt pupillos, vt viduas, vt homines rusticos & simplices, ceterosq; item, quicum labore corporis victum sibi, & liberis, suis manibus querunt, vel egestate vel inscitia paratos decipi, ab eorum insidijs & circumscriptionibus custodiamus. Et si hoc meum quidem optatum serum iam est: sic enim omnia hæc genera hominum oppressa hîc atq; obruta ære Iudæorum sunt, vt nisi subsidio fuerit tua virtus, & Pontificis optimi sapientia, pecuniarum Iudæis debitarum exactio sine maxima clade & vastitate totius prouinciae, fieri nullo modo possit. Quanquam & tu bona ex parte his malis prouidisti: et nos ad eundem Dominum & patrem, non modò nostrum, sed totius nominis Christiani confugiemus, vbi res postularit: cuius tantam benignitatem atque iustitiam in his ipsis curandis de quibus agimus prouincia vulneribus paulò antè experti sumus. Nunc cum res hoc tempore in optimum locum Pontificis Maximi beneficio, & tuo simul adducta sit: populisq; hisce, dignis certè multas ob causas quorum magna habeatur ratio, vel ad remunerandum eorum fidelitatem, vel ad vestra benignitatis exemplum, quo quidem circuniecetas vndique huic regioni maximæ nationes commoueri necesse est, optimè ac liberalissimè à vobis sit consultum: reliquum est amplissime, & mihi omni ratione charissime Sfortia, vt quæ bene acta & constituta sunt, nulla apud vos cuiusquam machinatione labefactarentur. Scio fore nō pau-



cos, qui Iudeorum pecunia cōducti (nulla enim alia potest subesse tam iniquo patrocinio causa) hac ipsa, quæ per vos nobis concessa sunt, conabuntur euertere: non solum obliquis vijs, sed interdum etiā recta, & palam: onera & tributa Iudeorum exponentes, eaq<sub>3</sub> verbis & querimonijs adaugentes, quæ ærario Principis ab illis inferuntur: quæ dependere, nisi habēant ipsi creditarum pecuniarum suo arbitratu exigēdi facultatē, Iudei nequaquam possint: vt animos vestros non splendore honestatis, qui apud vos præcipuē semper debet valere, sed vtilitatis & lucri mentione commoueat.

Quos contra dicendum est, Iudeos in his regionibus abundare non pecunijs solum, sed & agri etiam, & prædiorum, & horum bonorum quæ loco moueri non possunt, esse ditissimos, quæ bona ad publicum principis tributum persoluendum abundē sufficiant. Ad priuata fortasse tributa nonnullorum, necessaria illiusmodi est exactio, quæ vt cum iniquitate & iniuria impune fiat, iccirco illæ clam aliquibus suppeditantur pecuniæ. Sed ne hac impræsentia verbis pluribus disputemus: illud à vobis petimus, quod aquisissimum est, si quid fortè aliquando venerit in controuersiam, resq<sub>3</sub> aliquas rescindi aut commutari petutum fuerit: vt vos meis ciuibus vocatis, locum illis quoque suæ tutanda causæ præbeatis. Quanquam non hæc nunc admodum nobis pertimescenda sunt, te patrono & defensore rectissimi iuris, qui & in præteritis rebus tuæ optimæ mentis dedisti documentum, & de futuris facis vt eadem confidamus. Nam per Deum immortalem, si

nos excellens aliquod consilium, & magnam quandam sapientiam querere studuissemus, quæ his populis rationem suæ expediendæ salutis ostenderet, qui potuimus maiorem, quam in te ipso reperire? Si fidem, virtutem abstinentiam, integritatem tanta ea in te eluxit, tãq̃ illustri in causa declarata est, ut laudis tuæ splendor, non contentus iam Italiæ terminis, ad nationes externas progrediatur. Quorum quidem alterum in tua ista ætate admirabile valde est, alterum in his moribus. Sed ut hæc missa faciamus, aut in aliud tempus ea reseruemus: ego de meo erga te officio pauca tibi exponam. Iam dudum enim est optime Sfortia, cum de indole tua et spe præstantissimæ virtutis præclarum iudicium feci: porro ea mihi de te quotidie magis duplicatur opinio. Non enim iam initia in te virtutis, sed virtutem ipsam intueor, & quidem expressam atque perfectam omnium bonarum artium & partium lineamentis, quæ verum tibi honorem & veram dignitatem semper allatura est. Nam opes hæc, & diuitiæ quæ extra nos sunt, si animus intus à bonis artibus vacuus sit, nihil omnino ad nos pertinent. Vna, & sola est virtutis integritatisque possessio, quæ nos facit beatos. Quam te iam adeptu esse, in eiusq̃ possessione consistere, & gratulor tibi, & pro tantis erga populos meos meritis debitas gratias ago: quas ut aliqua ex parte aliquando referam, iam nunc mihi magnopere videndum & cogitandum est. Nos hic confecta messe consilium totius prouinciæ conuocaturi sumus, vestraq̃ beneficia in medium coram omnibus prolaturi: quo tempore dabitur à me opera, ut quam ad

rem hægentes suapte natura & sponte propensa sunt, meis etiam monitis hortationibusq; excitentur, vt non obscuro videlicet aliquo indicio eorum grata erga vos voluntas, & memoria accepti beneficij appareat. Vale. Carpentor. Pridie Non. Iulij. M. D. XL.

IAC. SADOL. CARD. MARCEL.

Ceruino Episcop. Neocastrensi, S.D.

**S**criptum mihi à meis est, te Pontificis Maxi. beneficio, omnium bonorum consentiente letitia, collegis meis amplissimis patrib. libenter prompteq; sententias dicētib. in eum ordinem cooptatum esse, qui maximè istam virtutem, prudentiam, integritatem, quæ in te est, requirit & postulat. Quo ego nuntio ita gauisus sum, vt si germanum fratrem in eum eodem honore esse affectum cognouissem, nō maius ad me gaudium peruenire potuerit. Faueo enim virtuti: & si quisquā est, qui probos & doctos viros ad honores & publica munera prouehi letetur, eum ego me esse confiteor. habeo enim arctam, & habui semper, cum bonis necessitudinem: nec plus valere apud me sentio sanguinis coniunctionem, quàm virtutis. Quæ cum tu ex mei animi iudicio egregiè sis præditus: cumq; tui mores, pudor, ingenium, grauitas, semper mihi summè placuerint, quæ hoc enim illustriora sunt, quod artium liberalissimarū cognitione & scientia sunt ornata, non potui non magnopere, & episcoporum ordini gratulari, & Pontifici Maximo, Farnesioq; nostro clarissimo & spectatissimo iuueni agere gratias, qui talem virū ad Christianæ religionis gubernacula induxerint: cuius similes quàm multos

multos si haberet nostra aetas, non tam graui infamia atq; odio apud omneis ferè nationes sacerdotum nomē laboraret. Vides ipse profectò (potuisti enim iter faciens multa cognoscere) quanta in inuidia simus apud omnes, quàm malè quisque de nostris moribus sentiat. Cui quidem incōmodo remedium est opportuniissimū, si præficiantur hi ecclesiarum administrationi, qui ad eas gerendas non cupiditatem questus, nec popularem pompam & iactationem: sed fidem, sed iustitiam, sed religionem asserant. Quod quidem Paulus tertius Pontifex maximè omnium, quos ego nouerim, Pontificum effecit. Est enim semper in cœlum tollenda iustissimis laudibus præstantissimi Pontificis virtus & voluntas. Tantum cuperem, vt quod ipse per sese facit, ceteros quoque, qui habent nominandi facultatem, agere idem, atq; obseruare cogeret. Sed ego in hac paulisper digressus sum, vt intelligas Marcelle mihi charissime, quod in negotium, & quam in curam sis vocatus: quàm splendidā, quàm amplam, quā difficilē (hoc quidem tempore) & penè inusitatam: etsi non eges tu quidem cuiusquam admonitione. Veruntamen amor in te meus suscipere me partes beneuoli certe, si minus necessarij monitoris coegit. Sed quod extremum est, ego & tibi tuoque isti honori, quem iampridem meritis nūc demum adeptus es, & ecclesie tuæ Neocastrensi, quæ tam spectatum præsidem sit naëta, valde ex animo gratulor. Deumq; oro, vt ista res vobis bene felicitérque eueniat: tuq; maioribus quotidie honoribus dignus existimere. Quod quidem factū perfacile tibi erit, qui &

probitate, & prudentia instructus es: nosq; qui te amamus, tuæ nunquam laudi dignitatiq; deerimus. Quandoquidem sanctis honestisq; consilijs, cuiusmodi tua confidimus semper futura, Deus, & fortuna, & bonorum amor assidue suffragatur. Vale. Carpentoracti, X. Calend. Octobris, M. D. XXXIX.

IAC. S ADOL. CARD. HIPPOLY-  
to Estensi S. R. E. Cardinali, S. P. D.

POSTEAQUAM nuntiū accepi de amplificatione dignitatis tuæ, teq; in ordinem amplissimum S. R. E. Cardinalium magno omnium consensu cooptatum esse cognoui, tantū cepi ex isto honore tuo voluptatis, quantum & virtus tua, & mea perennis, ac meorum omnium, ab vltimis vsq; maioribus penè nostris in familiam tuam obseruantia, & fratris tui clarissimi Principis aduersus me beneuolentia postulat: cuius ego ita multa signa amoris erga me habeo, vt ei me deuinctum nō me diocriter putem. Maximum porrò illud mea in te obseruantia & voluntatis vinculum, quòd sub ditione familie vestra omnes mei ferè & nati, et educati: neq; solūm hi qui nunc sunt, verū etiam antea qui fuerunt, & suam ipsi fidem constanter atque integrè vobis præstiterunt, & à vobis ciuilibus saepe honoribus & premijs, virtutis causa sunt honestati. Quam ego necessitudinis memoriam & vetustatem sanctissimè mihi cōseruandam esse iudico. Atque huius mei animi cū Alfonso pater tuus optimus esset testis, si viueret, cuius ego temporibus, quantum salua fide mea mihi licuit, omni in varietate rerum nunquam defui: tum fratrē tuum

um arbitror non leuia mea huiusce voluntatis signa in  
diciâq<sub>3</sub> perspexisse. Sed hæcenus præterita. Nunc quod  
huius est temporis, cum tua virtus & nobilitas aditum  
tibi præstantissimo in honore, ad tuam declarandam a  
nimi magnitudinem, eamq<sub>3</sub> volutâtē, quam erga Chri  
stianam Rempub. habes, aperuerit: quæ quidem Resp.  
si alias vnquam, hoc cum maximè tempore talibus &  
viris, & subsidys eget: primùm gaudeo, tibi oblatâ oc  
casionem, omnibus ostendenti, quo è genere, quâq<sub>3</sub> ex  
disciplina, hoc est, quibus ex fontibus honoris, virtutis,  
nobilitatis, ad commendationem hominum, famamq<sub>3</sub>  
proceßeris: deq<sub>3</sub> eo tibi, & generi tuo, nôstraq<sub>3</sub> commu  
ni patriæ vehementer gratulor. Deinde, polliceor tibi  
atq<sub>3</sub> confirmo me in tua colenda amplitudine, ea sem  
per officia tibi præstiturum, vt nunq<sub>3</sub> me non tui cupi  
dissimum atq<sub>3</sub> obseruantissimum sis iudicaturus. Et quo  
niâ diuino quodam consilio in eandem Reip. gerendæ  
societatem ambo vocati sumus, si tu ad capeſcendam  
Remp. senatoriaq<sub>3</sub> munera obeunda dare te volueris,  
quod tamē imprimis à virtute tua expectatur, estq<sub>3</sub> in  
nostri ordinis hominib. ab Deo omnipotente præcipuè  
propositū, vt sententijs in senatu dicendis rectè & for  
titer publicæ salutis consulamus: promitto me tibi in ea  
ratione gerendi honoris ita assiduū comitem futurū,  
vt præeunte semper prudentia & virtute tua, te meæ  
quoq<sub>3</sub> societatis, & optimæ in Remp. voluntatis nun  
quam pœniteat. Vale. Carpent. M.D.XXXIX.

IAC. SADOLETVS CARDINALIS

Petro Bembo Cardinali S. P. D.

**P**Vtò esse iam maturum aliquid me ad te scribere: nō gratulandi quidē causa, nam etsi tuā dignitatis amplificatio mihi aequē grata & iucunda accidit, atq; acciderit tibi, quo etiam nomine optimo Pontifici Paulo tertio me obligatiorem factum esse confiteor: tamen quoniam multa insunt in ea, quæ puram & liquidā lætitiā ad nos peruenire non sinant, ego ex mei animi sentētia de tuo sensu iudicans, statui illo gratulationis munere mihi supersedendū esse. Idq; etiam fuit causa cur nullas adhuc ad te literas dederim, quòd nesciebam quo me potissimum vti argumento conueniret. Nunc dimissa mentione tui honoris atq; status, (quem tamen honorem Deum tibi & diuos omneis fortunare volo) fraterno nostro more atq; instituto hæc pauca ad te exarare constitui. Ex quibus nosse posses, valere me, herereq; mihi in animo perpetuam memoriā tui absentis. Nihilq; mihi magis in optatis esse q̃ vt te florentem beneq; valentē in omneis partes audiam saltem, si minus tam maturē quā ego cupissem congregi, & de rebus nostris coram alloqui contigerit. Nam ego quidem partim caritate et penuria earum rerum omnium, quæ ad victum pertineant, quo incommodo audio Italiam, & ipsam præcipuē Vrbem premi: partim domesticis meis difficultatibus impeditus, (vt ea tantum commemorē impræsētia, quæ necessitatem mihi in his locis consistendi asserunt) in Italiam hoc anno transire non cogitor. Quod hæctenus quidem mihi molestū est, quòd multorum amicissimorum & suauissimorum hominum familiaritate atque conuictu, mihi carendum erit, atque  
impri-



imprimis tuo. Nuntiatum enim mihi est, te primo quoque tempore ad Urbem profecturum esse, atque ibi aliquandiu mansurū. Qui certè si adessem, & tua dulcissima consuetudine ipse fruerer, & tibi quoq; ex me aliquas voluptates darem. Nunc hęc agritudinem animi eis leniam cōmodis, quę mihi hęc multa nec iniucunda suppetunt. præsertim his quę capio ex optimarum artium studijs, quę me sola adhuc detinent: delectationibus ceteris aut consenescentibus omnibus, ut penitus iam extinctis. Quanquam quod ad suauitatem amicitia & familiaritatis attinet, multorū mihi amicorum vicem præstat vir clarissimus Polus, qui apud nos complures iā est menses: quo homine caue mi Bembe quęquam existimes aut dulciorem in congressibus, aut fide liorem in consilijs, aut sanctiorem in omni parte vitę optimisq; morib. existere: prætereā summa ipsum doctrinę, summiq; iudicij. Sed quid ago? tibi ne ego cum Laudo, qui tibi ipsi melius notus est, quàm mihi? illud affirmare possum, hęc illius sermones mihi etiam gratiores esse & iucundiores, quòd in magna copia & varietate rerū, de quibus colloquimur, sæpe nobis de te in loquēdo incidit mētio, in qua diutius cōmorari solemus, Priuulo præsertim tuo materiā & copiā sermonib. sup peditante. Florebellum meum tam humanē à te, tamq; liberaliter tractari, gratissimū mihi est. Ego illum iuue nem non mediocriter diligo: summaq; in spe sum, fore eū huic seculo & suis temporib. ornamento. In quo tua quoq; laus nō minima futura est, quòd ex domo tua at que ex disciplina, tale ingeniū prodeat. Is maximasti-

bi sepe numero apud me per literas agit gratias. Quare eum tibi ne commendo quidem, video enim minimè esse id necesse. Hoc te scire volo: quicquid in eum comitatis & beneuolentia tua contuleris, id me existimaturum in me abs te collatū esse. Vale mi charissime Bembe. Carpent. VI. Idus Septemb. M. D. XXXIX.

IAC. SADOLETVS S. R. E. CARD.

Federico Fregosio Cardinali, S. P. D. -

**P**rimo illo nuntio, quo te, quanquam absentem & totius negotij ignarum, praeclaro tamen Pontificis Maximi de tua virtute & dignitate iudicio, magnoq; consensu bonorum omnium, in amplissimum ordinem S. R. E. Cardinalium cooptatū cognoui, cepi equidem eam voluptatem, quam vetus nostra coniunctio, & in signis ac mutuus inter nos amor postulabat. Sed verè dicam, in ea animi mei letitia et gratulatione, maiore duxi rationem meae cōmoditatis, quàm aut vtilitatis, aut dignitatis etiam tuae. Nam tibi quidem ipsi pro tui nominis fama, et multarum ac magnarum celebritate virtutum, quae in te elucet, non multum mihi afferre atque addere videbatur ista honoris accessio. Ego verò qui talem collegam esse nactus, socium in consilijs, coniunctum olim quidem in vita & in amicitia, nūc etiā in Repu. omni laude virtutis prudentiaeq; praestantem, charissimis mecum constrictum summa beneuolentia vinculis, non potui nō efferri maximo gaudio: reputās identidem ipse mecum, spem fruendae tuae optatissimae consueitudinis, qua mihi quondā neq; dulcius quicquā fuit, neq; honorificentius, aut restitutam mihi denud, aut

aut certè ostentatam esse. Video enim, si ita res tulerit, ut mihi ad Urbem omnino sit redeundum, habiturū me tecum familiaritatem quidem eādem quam prius, vtilitatem autem in eo genere maiorem, quòd te optimorum in Rep. consiliorum non tam comitē, quàm ducem habiturus sum. Quod vtrig<sup>3</sup> nostrum hoc etiam arbitror futurum esse iucundius, quòd habebimus magnos viros, omniq<sup>3</sup> præditos virtutis & religionis studio, integerrimos ornatissimosq<sup>3</sup> Cardinales, Contarenum, Polum, Bæbum, aliosq<sup>3</sup>, satis multos, qui de Republica optimè sentientes, & animorum concordia & suauitate conuictus nobiscum coniuncti erunt. Hac igitur orant, quæ primo illo tui honoris nuntio. ego cum animo meo tacitus agitabam, non tam de te, quàm de me ipso cogitans: quæ quidem cogitatione non mediocriter oblectabar. Tibi autem ipsi ut ne tum subito gratularer, illa res effecit: quòd statuebā mihi prius expectandum & factum esse, & iudicium tuum. Anceps enim animi eram, neq<sup>3</sup> certum habebam, quid esses factururus. Memineram enim superioribus comitijs, quibus nos adlecti in senatum fuimus, te vel recusasse quodammodo honorem eundem istum, qui ad adipiscendum facilis tibi fuisset: vel certè non curasse. Quæ ex re etiam magnam te laudem consecutum intelligebam. Sic enim tum omnes iudicarunt, te magnitudine quadā animi præditū propè singulari, plus in te ipso & virtutibus tuis honoris, quàm in externis istis insignibus repositum putasse. Nūc mutata tota ratio est. Ut enim magni tum animi fuit, negligere honores: sic nunc oblatos vltro repellere

& Pontificis optimi liberalitatem aspernari, superbum  
certè extitisset, Quam te vitasse offensionē, & Dei vo-  
cationi, ac Principis voluntati non resistisse, & mea,  
& tua, & Christiana Reipublica causa vehementer  
gaudeo. At nunc tibi gratulor, idq<sub>3</sub> ago & animo ami-  
cissimo, & incredibili cum lætitia: serò fortasse, si die-  
rum & temporis ratio sola putetur. Sed huius tardita-  
tis culpam infirmitas mea valetudinis sustineat, qua  
me per diu detinuit, vt fungi ipsemet officio scribendi  
non possē. Nec tamen in gratulando ero longior, quan-  
do nec tibi id magis, quàm Reip. est tribuendum: & tu  
etiam me tacēte animum probè nosse & perspicere me  
im potes. Illud, quod ad priuatum meum erga te offi-  
cium pertinet, libentius commemorabo. Ego cum te a  
maui semper, omniq<sub>3</sub> honore & obseruantia dignissi-  
mum duxi: tum tuis plurimis beneficijs affectus atq<sub>3</sub> or-  
natus, cui plus debere me confiterer, quam tibi, habui  
vñquàm neminem. Nō enim oblitus sum perpetua tua  
erga me liberalitatis, & contubernij olim nostri: quo  
tempore domus & familiaritas tua maiori etiam hono-  
ri mihi fuit, quàm commoditati. Quarum ego rerum  
memoriam conseruo, & gratissima mente prosequor.  
Tulit autem posteriorum temporum fortuna, vt diuer-  
sis locis occupationibueq<sub>3</sub> distracti, frui suauitate no-  
stra consuetudinis non possemus: cuius nunc repetendæ  
ac recuperandæ spes mihi est oblata. Quasi mihi, vt  
cupio atq<sub>3</sub> opto, sic ex sententia processerit, perficiam  
profecto, vt mea in te obseruantia, summiq<sub>3</sub>ue amoris,  
tu fructus eos percipias, qui maxmè vestra amicitia  
& tua

& tua amplitudine digni, tibiq; præcipuè à me debiti sunt, Vale. Carpent. IX. Calend. Maij, M. D. XL.

IAC. SADOLETVS CARDINALIS

Gregorio Cortesio Abbati S. P. D.

**F**Ructus nostræ amicitie, qui ex usu & congressu quotidiano, communicationeq; sermonum & cogitationum omnium, percipi vberimus solet, fuit ille quidem nobis multa & rerum varietate & temporum interruptus: quod in simili & voluntate, & natura, dissimilitudine quadam curarum atq; actionum, & longinquitate regionum fuimus ferè disjuncti. Sed tamen & tua eximia virtus, præstansq; optimarum artium scientia, te animo meo præsentem semper constituit: & amicitie fides (sicut ego mihi persuadeo) item me tuo: ut si absumus corporibus, animis tamē proximi, copulatiq; fuerimus. Ac nunc tātō interuallo literarum inter nos factō, quidd propter consuetudinem ad te scribam, ne forsitan mireris, ratio tibi à me mei facili reddenda est.

Ego te, Cortesi optime, & doctissime, cū talem iamdiu virum esse cognovissem, qualem omnes existimāt; omnibus ingenij, humanitatis, doctrinæ ornamentis præditum, amare cœpi ab initio non mediocriter: nec communi illo, quo omneis bonos diligimus: sed præcipuo quodam, & singulari amore. Quā animi mei propensionē erga te, secuta aliquot locis inter nos, brevis quidem illa, sed iucunda congressio, confirmavit. Neq; verò postea memoriam vnquam tui, quanquā absens, intermisi. Sed quod usu venire interdum solet, ut accendant res occasionesq; nonnullæ, quibus ad acriorem

Ami-

amicorum absentium recordationē animis commouetur: id mihi nunc contigit, aduentu ad nos, vel reuersione potius, Anto. Florebelli nostri. Quem & ipsum doctissimum iuuenem, mihiq; carissimum, cū per se libētissimē vidissem: tum accessio ad eā voluptatem, quam ex eius aduentu cœpi, non exigua fuit, quōd is de absentibus amicis ac necessarijs meis, ea quæ scire cupiebam, exposuit mihi omnia: in quib. multus de te nobis sermō, isq; iucundissimus. Faciebat aut et conditio temporum & necessitas rerum communium: quas hodie videmus in graue discrimen adductas, vt in percontandō de te diutius commorarer: partim id mihi sumens ad animi solatium & oblectationem: partim, in eam sollicitudinem atq; curam, quam pro Repub. capio, conuertens & referens. Ac mihi quidem in magno meo ac penē intollerabili dolore, quem ex Federici Fregosij, vtriusq; nostrum, vt tute scis, amicissimi, summi præterea & singularis viri ac Cardinalis, morte acceperam: non mediocris leuatio erat tuarum insignium virtutū, & mutua inter nos beneuolentiæ commemoratio. De Repub. autem ita cogitabam, cū ea tali suo tempore, ex tanti viri interitu grauissimē esset affecta, debere nos omnes, qui eam saluam & incolumem esse cupimus, dare operam, & elaborare pro sua queng; parte, vt ad ipsius gubernacula ij admoueātur, qui ferre illi opem, & subuenire periclitanti possint. Quo quidem ē numero tu cū semper aptus, tum hoc tempore præcipuē præstans eximiusq; iudicaris: cū reliquis tot tam luminibus extinctis, eluceat virtus, & doctrina, & integritas tua.

tas tua. His ego curis & cogitationib. excitatus, prater  
 & meā & tuā expectationem, vt ad te scriberē addu-  
 ctus sum: non memoriā tui & beneuolentiā, tanq̃ obso-  
 letam renouans, qua semper apud animū meū incolu-  
 mis seruata est: sed hoc recens tibi consiliū in eum scri-  
 bens, qui decreui, & statutum habeo, curare atq; eniti  
 quantum in me est, vt ab ijs quos penes est potestas, tui  
 honoris ratio, & vtilitatis simul Reip. habeatur. Hoc si  
 si in vrbe & curia praesens adestē, agerē fortasse accura-  
 tius & vigilantius. Nūc quando absū longē gentiū,  
 sicut ipse perspicis, ita contendā tamen, vt mea mihi te  
 ste animi cōscientia, quā ego omnium rerū facio longē  
 plurimi, nullum à me officiū, quod sit vel amicitia vel  
 Reip. debitum, pratermittatur. Tu interim, vt valetu-  
 dini seruias, saluumq; te nobis conserues, & Isidorum  
 Clariū tuum, hominem doctissimum, virumq; optimū  
 meis vt saluere verbis iubeas, abs te peto. Carp. 1541.

IAC. SADOLETI S. R. E.

CARDINALIS EPIST. LIB. XIII.

IAC. SADOLETVS S. R. E. CARDI-

nalis Gaspari Contareno S. R. E.

Cardinali, S. P. D.



OLVS collega noster, optimus  
 atq; amplissimus vir, dignissimus  
 illa fortuna in qua erat natus, nō  
 hac qua nunc illi obstat, graui-  
 terq; infesta est, iter faciens in  
 Hispaniam, Carpētoracte ad me  
 diuer-



diuertit : suoq<sup>3</sup> mihi aduentu cum non mediocrem dolorem, tum magnam etiā attulit voluptatem. Videre enim & aspicere hominē eum, quē summē diligo, et affari praesentem, quem absentē desiderare sum solitus, insigni quadā laetitia me afficit. Audire autē ex eodem acerbos familiae suae casus, & nobilissimā immanitate terribi Tyranni penē extinctā domū intelligere, sanē vsq<sup>3</sup> eo mihi miserū et crudele visum est, ut nisi eiusdē Poli, cui erat illa calamitas inscripta, virtute & sapiētia lenitus essem, modū meo dolori facturum nō fuero. Verū ille, quia suis in rebus omnib. animi cōstātia et moderatione est, cum Deo semper se subiiciens, atq<sup>3</sup> illius voluntati obtemperare paratus, de suis acerbissimis rebus, tanquā de alienis loqueretur: suum domesticū quidem incommodū fortiter ferebat: de publico verō Christiani nominis incōmodo grauius commouebatur. Cui certē communi Christiano nomini ab impio Rege ( si Rex est appellandus is, qui feritate animi & magnitudine crudelitatis iam ne hominis quidem appellationē retinet ) noua atq<sup>3</sup> inaudita omnibus seculis iniuria allata est. Quod tamen ego diuina prouidentia fretus non diu illi inulium futurū esse cōfido. Sed cum Polo nostro reliqui sermōes habiti, qui sunt partim de Rep. rebusq<sup>3</sup> vrbānis, partim de amicorum et familiarū nostrorum statu, gratia, autoritate, periucūdi nobis fuerūt. In quibus nimirū de te plurima mentio. Nam nec mihi percontandi, neq<sup>3</sup> illi commemorandi de tuis dictis factisq<sup>3</sup> omnibus satietas erat vlla: tanta est vtriusq<sup>3</sup> nostrū virtutis tua opinio, iure illa quidē à nobis suscepta. Quid enim

enim tua prudētia, integritate, sanctitate est illustrius? Sed quod ista in te maiora praestantioraq<sub>3</sub> sunt; hoc no-  
ster amor in eundem te ardentior, disiunctionē à te me-  
am (de me enim praecipuē loquar) molestiorē mihi fa-  
cit videri. Itaq<sub>3</sub> quanquam hīc multa sunt, quae me nō  
inuitū detineant: locorum amoenitas, cœli salubritas,  
earum rerum omnium, & quidem optimarum copia,  
quae ad vitam victumq<sub>3</sub> pertinent: tum autem vel im-  
primis amor horum populorum, qui vt à me diligen-  
tur, ita me vicissim diligūt ipsi, omnesq<sub>3</sub> in meo vultu  
atque in excubijs quodammodo meis acquiescunt. Ta-  
men vt Romam interdum desiderem, vos, vos amici  
mei facitis: & imprimis tu optime Contarene, cui om-  
nes mei sensus ita valde sunt consentiētes, vt nulla no-  
stram non fortuna, sed iudicio contractam familiarita-  
tem, atque amicitiam, labefactura atas sit. Sed nimis  
longē progredior in his rebus, quae nec modum vllum,  
nec finem habent. Quae enim mea erga te beneuolen-  
tia simul & obseruantia par inueniri possit oratio?  
Quare, vt in pauciora conferam, scito, me tui absentis  
memoriam summa cum fide & beneuolentia retinere.  
Heri vesp̄i accepi ab Vrbe literas, in quibus mihi il-  
lud iucundissimum, quod mei certiorē me faciunt, te  
libenter meo rogatu recepisse causas Ducum Bauariae  
summo Pontifici commendandas: quo nil mihi gratius  
efficere potuisti: neque item (vt arbitror) tuae virtuti,  
autoritatiq<sub>3</sub> conuenientius. Illi enim fortissimi ac nobi-  
lissimi Principes, & in causa Dei religionisq<sub>3</sub> firmissi-  
mi, dignissimi profectō sunt, quorum ab omnibus nobis,  
quibus

quibus Christiana Respub. est cura, honoris ac dignitatis ratio vel maxima habeatur. Quapropter abs te peto, vt & pro amicitia nostra, & pro constantissima fide tua, quod iam susceptum abs te est, in eo nauiter persistas: remq; ita geras, vt Duces illi intelligant, me etiam absente sibi non deesse in vrbe Roma optimorum & diligentissimorum Cardinalium patrociniū. Iisdem de rebus scripsi ad Ambrosium Gupembergum, hominem vsu multarum rerum preditū, ad te vti adiret, communicaretq; tecum cogitationes quasdam suas & cōsilia, quibus commodissimè rationibus obuiam iri Luteranis, & consuli eius nationis populis ac principibus possit. Quem tu pro tua singulari humanitate diligenter audies: reliquaq; ages apud Pontificem maximum, quæ tibi Reipu. vtilia esse videbuntur: imprimisq; ipsum Ambrosium in finem tuam vti recipias, & quoad honestè facere poteris, faueas illi tua autoritate & gratia in eis rebus consequendis quas ipse optat, te amplissime Contarene rogo atque oro. Vale. Calend. Februarij M.D.XXXIX. Carpentoraçti.

## IAC. SADOLETVS CARDINALIS

Caspari Contareno Cardinali S.P.D.

**T**E & amici, & optimi atque integerrimi hominis officio apud summum Pontificem, & reliquos nostros collegas functum esse gaudeo. Id certè egisti, quod ab vno te potissimum, & à tua praestantissima virtute potuit expectari: cum idem tu & grauiissimus testis, & verus amicus, & maximè peritus earum rerum, de quibus agebatur, existeres. Quare hoc quoque sit in ma-

gnō numero tuorum erga me meritorum. In epistola  
 mea ad Geneuates, ea quæ notas legi per diligentem, to-  
 tamq̃ rem cum eruditissimo Polo cōmunicavi. Quod  
 in ea scripsi, visum esse Spiritui sancto & mihi, in eo nō  
 hil sum equidē elatum neq̃, arrogans meditatus: quine-  
 tiam me deprivare volui, ne si tantūmodo mihi visum  
 id fuisse dicerem, plus mihi ipse tribuerem, quā ferri  
 posse videretur. Atque illud dictum tamen dupliciter  
 sum interpretatus: nam & scriptura sacra morem lo-  
 quendi imitari me dixi, & re vera ita esse, vt quacun-  
 que recto & pio erga Deum aguntur animo, ex Spiri-  
 tu sancto cuncta sint. De iustificatione & iustitia, pla-  
 cet mihi vehementer tuarum rationum contextus &  
 distinctio ex Aristotele sumpta. Sequitur enim certē  
 charitas cursum illum antecedentem, quo ad iustitiam  
 peruenitur: non tamen sequitur eadem charitas ( meo  
 quidem animo opinioneq̃ ) iustitiam, sed eam ipsa con-  
 stituit: vel potius charitas ipsa est iustitia. Habet enim  
 forma vim charitas: forma autem est id quod ipsa res.  
 Cum ergo acceditur præeunte illa præparatione ad iu-  
 stitiam, acceditur vnā et ad charitatem: ad quam cum  
 est peruentum, tum iustitia per ipsam charitatem con-  
 stituitur. Iustitiam voco, nō vulgari, neq̃, Aristotelico  
 nomine, sed Christiano more & modo, eam quæ om-  
 nis virtutes complexa continet: neque id humanitus,  
 sed instinctu influxuq̃ diuino. Quam ipsam iustitiam  
 quod talis ea & huiusmodi sit, hoc est Christiana atq̃  
 diuina, charitas sola efficit. Hæc orationem fortasse lon-  
 giorē requirerent, nec mihi fuit in alijs scriptis occa-

foiſta explicandi. Sed quod ad rem nunc pertinet, ſci-  
to me ſentire tecum: ita tamen vt charitas non iā par-  
tam iuſtitiam ſubſequantur, ſed formet ipſa & conſtē-  
tuat iuſtitiam. Qua tamē in ſentētia tu quoq; videris  
eſſe. Sed (vt dixi) pluribus hac fortasſe verbis eſſent ex-  
ponenda, nec facile committi epiſtola poſſent: praſer-  
tim his qui iam ſlagrare incipiunt caloribus. In quibus  
mei ſuburbani horti hoc mihi amēniores iucundio-  
resq; ſunt, qudd eos interdum ampliſſimus vir Polus no-  
ſter viſere humaniſimē, & mihi cupientiſſimo ſuauit-  
atis ſuae copiam facere non grauatur. Vtinam, iterum  
dico vtinam, te nobiſcum vnā optime Contarene ha-  
beremus, diſceremus proſectō ſimul viuendo & latan-  
do quibus in rebus beata verē conſiſtat vita. Sed hac a-  
liās. Vale, XIII. Calend. Iunij, M. D. XXXIX.

# IAC. SADOLETVS CARDINALIS

Caspari Contareno Cardinali S.P.D.

**P**OLUS noſter, qui à nobis hinc diſceſſit, ita magnum  
ſui mihi reliquit deſiderium, vt à cogitatione & do-  
lore auocare animum non poſſim. Non ſolū enim be-  
neuolentia erga illum moueor, verū etiam indigniſſi-  
ma illius fortunæ miſericordia: quæ talem virum tam  
acerbē opprimit, vt omnino virtuti inimicam ſe offer-  
re videatur. Sed certē hōs non illius tantū priuatos,  
ſed publicos Chriſtianiæ Reipub. caſus, quos principes  
noſtri tam lentē ſeruant, Deus ſibi ſumet & prouiden-  
dos, et vindicandos: atq; vtinā nō iam cepiſſet vlciſci.  
Ego enim quantū humana ratione aſſequi poſſum, non  
video quem exitum Principum conſilia ſint habitura:  
à quib;

à quibus vtinam aliquando optimus Pontifex nosler  
 se emergat. Pro cuius honore & salute excubo animo,  
 gratiamq; me illi maiorem habere iudico, qui de me o  
 ptimè meritus est, si timeã ea quæ accidere multa pos  
 sunt, quã si presenti illius fortuna sim gratulatus. Sed  
 quoniam de his aliud erit loquendi tempus, id quod mi  
 hi fuit in scribendo propositum, nunc potius exequar:  
 vt tibi optime et mei amãtissime Cõtarene, meos hosce  
 populos omni studio commendem: in quos ego sum tan  
 ta beneuolentia affectus, vt parentum charitati erga  
 filios non cedam. Ipsi legatos mittũt ad vrbem, qui de  
 incommodis prouinciæ summum Pontificem edoceant:  
 petantq; remedia suis rebus necessaria. Pracipue con  
 tra Iudaos, quorum est dominatus in his locis non ferẽ  
 dus. Nam tot priuilegijs istinc muniti sunt, vt planè do  
 mini Christianorum sint effecti, cum maxima quidem  
 pernitie & tanquam strage horum populorum: è qui  
 bus quotidie aliquos cedere bonis, & suis laribus fami  
 liaribus emigrare cogunt. Quod nationibus finitimis  
 omnibus, quæ carent prorsus hac Iudeorum peste, &  
 mirabile videtur in sedis Apostolica imperio, & non  
 sine graui infamia nostra est diuulgatum. Sed ego sin  
 gula non colligam. Statum & salutẽ huius prouinciæ  
 tuæ fidei, integritati, iustitiæq; commendo: vt faueas,  
 vt suffragere, vt te apud summum Pontificem interpo  
 nas, quo ea quæ honestè petierint, facile etiam conse  
 quantur. In quo quàm gratum mihi sis factururus, ne co  
 nabor quidem tibi exponere: cum tu id per te satis co  
 gnosse queas. Tuum equidẽ amorem, studium, diligen



tiam si alia vlla in re, in hac permaximè flagito. Verū pluribus apud te vti verbis, nostra fortassis coniunctissimæ necessitudini non conuenit. Quare hic finem faciā: de te id semper optans atq; sperans, quod mihi ipsi summo quantum possum: vt reposta omni in Deo nostrarum rerum spe, laeto & iucundo animo vitam traducamus. Vale amplissime, & mihi charissime Contarene, etiam atq; etiam vale. Carpentoraēt. Prid. Nonas Octobris, M.D.XXXIX.

IAC. S ADOL. CARD. GASPARO

Contareno Cardinali, S. P. D.

**S**Vperiore anno cōfeceram quidem secundum meum de Aedificatione ecclesiae librum: sed non retractaue-  
ram, quod deinde æstate proximè exacta feci: eumq; de scribendum curavi: quam nunc ad te mitto, tua & prudentia & doctrina totum me permittens: teq; enixius rogās, vt ea qua soles humanitate & beneuolentia, me & corrigere, & admonere ne graueris. Forsitan facio interdum temerè, qui sententias meas aduersus tuas argumentationes defendam. Sed debet hoc esse (vt ego iudico) in nostra familiaritate liberū: ne assentari inter nos, sed amicorum uti officio videamur: præsertim cū editio libri in longum tempus sit conferenda: & quo ad is excuditur ac perpolitur, licitum sit nobis disputare et ambigere: nec refellere solum, verū etiam refelli. Nā cū edendi quidem dies aduenerit, nihil omnino sine tuo consilio faciam. Nec verò habeo in præsentia aut doctiorem quenquam, cuiq; magis confidam, quàm ipsum te: aut amantiorem etiam mei. Atque ego quidem  
obtin



obtundere te non desino, & in tua grauiora studia importunus irrumperere. Sed ignosce mihi, facere aliter nō possum: ea est opinio mea de te, ea spes & expectatio amoris erga me tui, vt quicquid ego agā, quoquōue modo me geram, nihil omnino assequi mihi videar, nisi id & cōmunicatum tecū, & abs te potissimum approbatum fuerit: Facit autē naturæ tuæ bonitas, humanitas, liberalitas, vt nō liberius solum ad te adeam, uerū etiam audacius. Sed vt ne de his plura, ( etenim uereor, ne hæc quæ dicta sunt, in tanta nostra cōiunctione amoris & animorū, etiam nimis multa esse videantur ) habes librum, quē vt perlegas totum, & accuratē excutias rogo. Multa sunt in eo de sacramētis ecclesiæ cōscripta cōtra Lutheranos: in quibus si non doctrina & ingenium, mea tamē voluntas in ueræ pietatis studio egregiē constās apparebit. De quibus rebus, omnibus exquiro iudicium tuum: idq; præterea te precor, vt cum amplissimis collegis nostris, & concordissimis fratribus, Fregosio, Bembo, Polo, meam lucubrationem communices. Neq; urgeas tamen, nisi tantum, quantum eos uideris in legendo oneris atque cura libenter uelle suscipere. Ne fortē dum ego meam utilitatem quero, alijs molestus sim: & præsertim ijs, quorum ipse omnes sollicitudines & molestias meo labore atq; ærumna redimere paratus essem. Ad horum numerū addes Rodulphum Piūm collegam nostrū, dignissimū ( meo iudicio ) qui in summorum & optimorum Cardinalium numero censeatur: eundemq; præterea amantissimum mei. Sed ne tibi præscribam omnia, ages in meorum scriptorum lectio

ne & correctione, quod tibi ex fide tua et amicitia nostra equum rectumq<sub>3</sub> videbitur. Nos hic optimè valeamus: in literis assidui sumus, nec in suauitate huius vitæ quæ mihi in his locis proximè accedere ad cœlestem illam vitā alteram videtur, quicquā habemus quod nos angat atq<sub>3</sub> turbet: nisi interdum Reipub. statum, quam video quotidie in deterius ferri. Quod si priuatim quoque aliquid aliquando sentimus molestiæ, id omne nascitur ex eo desiderio, quo tecum & cum cæteris similibus tui nonnunquam esse, & viuere cuperemus. Sed hæc Deus viderit. Tu vt valeas tibiq<sub>3</sub> vt persuadeas, me ex omni mente, et ex omnibus sensibus penitus esse tuum, à te optime atq<sub>3</sub> amplissime Contarene peto. Carpent. III. Calend. Februarij, M. D. XLI..

IAC. SADOLETVS S. R. E. CARD.

Reginaldo Polo S. R. E. Card. S. P. D.

**Q**Varquam literæ tuæ, quas Idibus Nouembris Verona dedisti, serius ad me allatæ sunt: easq<sub>3</sub> ego incunte Ianua. accepi: tamen quoniam in illis tuum nomen, & tua mihi perspecta, eademq<sub>3</sub> semper dulcis, insignis erga me beneuolentia se ostēdebat: nō illa semel à me, sed sæpius etiam atque etiam perlectæ sunt, cum te mecum quasi loquentem in illis viderer audire: tuamq<sub>3</sub> illam mihi non ignotam virtutem, humanitatē, comitatem, in eisdem recognoscere. Quia dum frui mihi fuit licitum, quādiu videlicet mecum in his locis cōmoratus es, nihil meæ fælicitati deesse existimabā. Nūc absentem ita animo requiro, vt in magno dolore dirempta suauissima consuetudinis nostræ, tui tamen nomi-

nis me-

nis memoria et recordatio mutui nostri amoris, magno pere me sustentet. Atq; ego quidem post discessum tuū cum sollicito diutius animo nuntiū de te expectans, tandem aliquando literis tuorum, quas Paulus acceperat, certior factus essem, te in eū locum, quod maximè optaras, hoc est Veronam, & ad utriusq; nostrum hominē amantissimum, ipsumq; dignissimum qui ab omnib. nobis ametur, Episcopum Veronensem, tutò peruenisse: statim exhilaratus animo, literas ad te dedi, quas tardius suspicor ad te fuisse perlatas: aut ne perlatas quidem. Siquidem habeo Roma sat recentes, in quib. fasciculi nostri mentio nulla fit, cum tamen dierum ratio aperte indicet, literarum reddendarum tempus iam præterisse. Sed quicquid acciderit de literis, nō est in chartis, neque in atramento positus noster amor: sed in cordibus utriusq; nostrum, nō tam inscriptus ille quidem, quàm inustus, ut deleri non possit. Quod quoniam neutri nostrum de altero potest esse dubium, huius sanè rei commemoratione omissa, ad ea quæ sunt huius temporis venimus. Quanquam quod Simoneta nostri mortem in tuis literis desles, nihil facis alienum humanitate tua: planeq; ego agnosco quantū mihi in eo tribuas. Scio enim te mea imprimis causa, illius summi viri casum agrè ferre: quem mihi amicissimum, & tu esse intellexeras, & ego re ipsa quotidie experiebar. Sed etsi rationes affers, quare minus dolendum nobis sit: egoq; & sapientia, & auctoritati tuæ assentior: tamen illud efficere non possum, ut meo arbitrato dolori moderer. Non sum equidem ita institutus, sed ita sum na-

tus, vt quos amare semel coepi, ( quod multis de causis  
saepe accidit: praecipue autem eam ob causam, cum me  
amari intelligo mutuo ) eorum amissionem molestius  
feram, quam videatur hominis in rebus fortuitis mul-  
tum exercitata ratio postulare. Quamobrem facere non  
possum, quin desiderem illum mortuum: multisq; et ma-  
gnis illius officijs virtutibusq; priuatus, non incommo-  
dum meum lugeo ( est enim id degeneris animi ) sed fa-  
miliaritatem hominis, sed integritatem, sed fidem, con-  
stantiamq; amicitiae, quam ille mihi cumulatissime pra-  
estabat, vehementius requiro: quod absque dolore animi  
fieri non potest. Vt enim illi nihil euenerit mali, quod  
quidem ita esse persuasus sum, cum audio eum cum sua  
pietate, tum Dei fretum bonitate & clementia, non so-  
lum alacriter, verum etiam libenter e uita excessisse: ha-  
bet tamen amor aculeos quosdam, quos difficillime vi-  
tare viri boni possunt: qui me pungunt & stimulant,  
& in recordatione faciunt dolorem. Sed opinor his nos  
modum constituemus. Symoneta memoria et nobis ipsi  
seruabimus, & in precationibus eam Deo subiiciemus:  
quod vnicum iam est fidelis nostrae amicitiae officium. De  
te ipso mi Pole, quod Romam saluus perueneris, quod i-  
pso primo in introitu in duo lumina nostri ordinis inci-  
deris, Contarenum & Bembum, q; fueris ab optimis, a-  
micissimis, praestantissimisq; hominibus summa cum le-  
titia & hilaritate acceptus, & gratulor tibi, & mihi  
plurimum gaudeo. Videor enim mihi quasi voti scum vna  
adfuisse. Etenim quid tandem interest, vtrum gaudeas ipse  
an letantibus amicis simul gaudeas? quin maior etiam

( meo

(meo iudicio) voluptas est, gaudere gaudiū amicorū, quā suū. Siquidem vbi plus officiū sit, ibi maior esse animi latitia solet. Vos ergo inter vos congressu complexūq, vestro, ego absens auditu vestrae iucundissimae congressionis latatus sum. Si tamen ego absens, qui & ipse per me suspicor, & ex tuorum literis intelligo, plurimū vobis inter vos sermonē de me fuisse: cū in ore trium optimorum, atq, omnis penē memoriae, honore, ingenio, innocētia, doctrina ornatissimorum hominū, meū nomen versaretur. Quos ego iure iam dudū treis elegi, in quibus mea studia omnia et officia collocarem: quos haberem in amore & in obseruantia omni eximi os. Hic est tibi Pole videndum, ne, quod in literis tuis facis, vt mea erga te officia verbis magis augeas, quā illa merita sunt, facias idem apud alios: ne ea in te, quae ceteris in rebus abundat, in hac re vna duntaxat prudentie requiratur. Quid enim ego egi, quod si vel minima laude dignū, aut quod non tibi multo maius à me officiosusq, deberetur? Si cōmunia quaedam officia, quae in mediocreis etiam homines conferri solita sunt, in vnum omnium praestantissimū virtute, nobilitate, dignitate, contuli: iccircone videbor magnum quid egisse, quodq, tu tam gratis & amantib. verbis prosequaris? Imò ego, qui te certē amo colōq, mirabiliter, rusticitatis tamen me ipsum condemno, q̄nesciui quēadmodum voluissē, et quemadmodum tua excellens dignitas postulabat, benevolentiam in te meā tibi declarare. Quare cū tua commemoratio meorum erga te officiorum ruborem mihi potius incutiat, quā vllam afferat causam.

*Sam, in hoc genere quidem, bene de me ipso existiman-  
 di: quæso obtestorq̃, vt conseruato inter nos necessitu-  
 dinis vinculo, quo ad æternam (vt ego statuo) amicitia  
 & beneuolentiam coniuncti sumus, reliqua alter alte-  
 rius officia, non tam efferamus verbis nos quidem, quã  
 cùm opus erit, mutuo requiramus. In quo tua semper  
 partes ampliores futurae sunt, & gratificandi, & be-  
 neficijs afficiendi: cùm non ego solùm, sed mei hi popu-  
 li omnes, in tua ope, autoritate, patrociniò, magnam  
 spei suae partem repositam habeant. Quicquid porro  
 meis commodatur, mihi certè commodatur, qui illo-  
 rum causa nunc cùm maximè laboro. Etenim vt tu sci-  
 as, dilatio data debitoribus Iudaorum, cuius tu vel im-  
 primis extitisti auctor, ad exitum iam adducta est: ne-  
 que quicquam vltrà iam in expectatione est, nisi vt se-  
 cundum hoc biduum, compleatur carcer hominum mi-  
 serorum, & ad soluendum impotētium, durissimo tem-  
 pore anni, annona carissima, pauperibus pessimè affe-  
 ctis. In quo magnus quamplurimis luctus, mihi animi  
 dolor paratus est: cùm tamen interea actorem Prouin-  
 ciae satis pridem in vrbe habentes, nihil adhuc humani-  
 tatis & misericordiae potuimus consequi. Id credo fit  
 summi Pontificis occupationibus, propter quas fortas-  
 se aditus ad eum non fuit. Nam illud quidem mihi per-  
 suadere non possum, tam sapientē Principem, si cogno-  
 uerit incommoda suorum populorum, nō opem illis &  
 remedium allaturū. Nos interim patiemur acerba, &  
 (ut ego iudico) minimè æqua: sed sunt qui cōtra putēt  
 Verūm suus cuique sensus, suaq̃ existimatio est. Apud*

nos minimū utilitas, plurimū semper valebit officium  
atque fides. Nullaq; erunt bona veritate & virtute no-  
bis potiora. Sed hac haecenus. Habeo à Bembo suavis-  
simè scriptas literas: quibus impraesentia valetudine im-  
peditus, accuratè respondere non possum. Epiphora e-  
nim tentor, eaq; mihi in dentes & gingiuas dolorem  
inijcit: qua etiam molestia coactus sum aliquod hosce  
dies studia intermittere, hasceq; ad te literas negligen-  
tius scribere, quàm voluntas mea ferret. Quin Paulus  
quoq; leniter egrotat: verum id perbreue futurum est,  
omniaq; iā illi sunt ad salutem explorata. Ille verò &  
Paulus alter vnà, uel tota potius nostra domus, qua tua  
eadem est, eiusmodi & tui & tuorum memoriam con-  
seruat, nihil vt fieri possit, neq; in amore, neq; in deside-  
rio vehementius. Tu Contareno, & Bembo, Ludouico  
item, & Priulo tuis, plurimam à nobis omnibus salu-  
tem. Legi sanctissima & prudentissima femina Victo-  
ria Columnae ad te literas, in quib. illa mei mentionem  
facit, videturq; hic nostrā stationem approbare, quod  
ego incredibiliter gaudeo, mea consilia tantæ esse et vir-  
tuti, & sapientiae probata. Te quidem rogo vti operam  
des, quò hac illa ex te, meamq; praterea in se obser-  
uantiam beneuolentiamq; quàm primum intelligat.  
Nos hic audiuius qua comitia habita sunt, ad qua tu  
tempore ipso aduenisti: nūdum tamen earū rerū quas  
cupimus, cognouimus: qua vli singula ad nos certius  
& distinctius fuerint allata, tum constituemus, quid  
nobis etiam agendum sit, & quibus, quatenusq; gratu-  
landum. Tu valebis, & nos diliges, etiam atque etiam  
Vale.



Vale. Carpent. XV I. Calendas Februarij, M. D. XL.

IAC. SADOLETVS CARDINALIS

Reginaldo Polo S.R.E. Card. S. P. D.

**T**Vis literis mense Februario ex Vrbe datis, quòd ad huc nō responderim, iusta mea hac apud te erit excusatio, quòd minus cōmodè valui. Multa enim pituita & alui fluxionib. diu conflictatus, laboraui morbo, non tam periculoso illo quidem, quàm molesto: absuit enim febris. Sed tamē et meae vires debilitatae, et corpus vsq; eo fuit extenuatum, vt non esset certa, neq; explorata mihi ratio salutis. Nūc cū Dei benignitate melius mihi sit, iamq; ad literas & studia mea pristina reuerti cœperim: non putau mihi prættereundum esse, quin ad te primo quoq; tempore literas dārem. Scito igitur tuas mihi fuisse iucūdisimas. Et si enim constituta amicitia, et amore mutuo perfectō, studiū scribendi videtur esse superuacaneū, nisi si quid sit eiusmodi, quod absentium amicorum scire atq; intelligere intersit: tamen omnis semper cōmemoratio beneuolentiae iucunda est, etiam si non sit necessaria. Priulum quidem meū concertasse tecum, causamq; meū tueri & defendere conatū esse, quēadmodum mihi scribis, ita credo. Sed tamē vereor ne magis suum ipse ostentare ingeniū, quàm ius meum tutari voluisse videatur. Solent enim magni isti patroni, qui suae eloquentiae plurimū confidunt, suscipere interdū nō bonas causas, vt cū iudicio vicerint, non iuris veritas illi suffragata, sed ipsi ius sibi fecisse, et veritatē causae appinxisse videantur. Qui si in disputatione quā habuit tecū, me amantiissimū tui esse dixisset, nec sine ali-

ali-

*aliqua solitudine animi fuisse, quoad tuis de rebus certior fierem: verè illa egisset, eaq; dixisset, quæ mihi vsu certè euenerunt. At nò hoc fuit satis ingenioso homini, suamq; dicendi copiam ubiq; ostendenti. Iam enim illa non vera, te culpam admisisse, mea multa & magna erga te officia extitisse. Quorum primum in tuam naturam virtutemq; non cadit, alterum ego non agnosco.*

*Quicquid enim egi tua causa, si quid modò egi, inferius id multò est, quàm tuæ præclaræ virtutes postularint. Nec verò video me egisse quicquam, nisi quod prætermitti sine scelere non potuit. Quin interdum memetipse rusticitatis arguo. Tali enim à me viro, qualis es tu, non animus, neq; domus, quæ communia sunt, sed salus ipsa & vita debuit esse exposita. At tu, quantum, quaeso, honoris mihi habuisti? quantum etiam fidei? quæ te mihi potissimum & meis tectis commisisti? quod tuum testimonium mea integritatis, atq; officij, cùm mihi vehementer honorificum fuerit, si id cogitasset, & sibi proposuisset Priulus, non ille te in me negligentem, sed me in te potius minus gratum differuisset. Sed tamen, quando amore mei adductus, fauere mihi voluit, & quodammodo assentari: diligam hoc nomine etiam hominem necesse est, & amantius cõplectar, quod meas absentis partes defendendas suscepit. Quare tu illi plurimam à me etiam atq; etiam dices salutem.*

*Dialogos de me cū summo Pontifice à te habitos libentissimè legi, tuamq; pristinā erga me beneuolentiā recognoui: cui nunquā parem gratiam referre potero. Hæc enim, ea sunt officia, quæ me vehementissimè obligant.*

gant. Illud mihi accidit optatissimū, quod de merendo-  
cando verbū ab eo nullum. Ad quod, quāso incumbe mi-  
Pole, vt mihi viuere in honesto ocio liceat: quando ista  
negotia placere mihi non possunt. Qui si nesses quae  
nunc sint rumoribus hominum peruulgata, etsi ea for-  
tasse scis, (non enim obscura sunt, sed passim in circulis  
angulisq; omnibus iactatur) dolore animi mecum vnā  
tabesceres. Erumpunt porro omnia in illius caput &  
nomen, quē nos & venerāmur, & diligimus, & cuius  
beneficijs maximē obstricti sumus. Quae ego non com-  
memorabo, ne & augeam dolorem meum, & tibi mo-  
lestiam asseram. Illud certē patet & perspicuum est,  
quicquid eueniat in Repub. Christiana aduersi atq; ma-  
li, de eo statim homines culpam in nos, & crimen con-  
ferre paratos esse, vt occultari dissimulariq; non possit,  
quae sit omnium mortalium de nobis & de moribus no-  
stris planē iā existimatio. Sed abeamus ab his, quae prae-  
ter modum molesta sunt. Contarenus noster valdē hu-  
manē egit mecum, qui me voluit absente nihilominus  
participē esse earum pecuniarū, quae nostro ordini at-  
tributa, distribui solita sunt dūtaxat inter praesentes:  
quod ego profectō nec cogitauī vnquam, nec postulauī:  
quod etiam illius benignitas erga me eminentior. Nam  
quod à Casulano mētio fuerit facta, ille sponte sua hoc  
egit, nullo admonitu meo. Non enim meum est aucupa-  
ri lucra, nec ea quae mihi non debeantur flagitare. Sed  
et Casulanus vir optimus, qui me admodū diligit, meī  
cōmodi curā, me etiam in scio, sibi habendam putauit:  
& apud illam praestantem atque eximiam Contarenē  
nostrē

nostri virtutem, humanitatē, integritatē, video moni-  
tore nihil fuisse opus, per se enim ille propensus ad me iu-  
uandum, & omnibus beneficijs afficiendum assidue est.  
Cui vtinam aliquando referam meritam gratiam: ha-  
bebo quidem semper. Nam etsi mihi nullum emolumentum,  
nullaq; vtilitas ita est cordi, vt vel minimum ve-  
lim de mea dignitate propter eam deperdere: tamen ha-  
bere hac indicia amoris à summis viris, maximam ego  
arbitror esse dignitatem. Quapropter abs te peto, vt il-  
li & meis, & tuis etiam (si tibi videbitur) verbis agas  
gratias. Prouinciales hīc nostri te maximum in modū  
diligunt, atq; colunt: suamq; tibi salutem referunt ac-  
ceptam. De meis studijs nihil possum tibi impraesentia  
polliceri: instat enim aestas, quod ego tempus consumere  
in mansuetioribus literis soleo. Librum tuum magna  
ex parte legi, animumq; in eo tuum magnum atq; præ-  
stantem, copiamq; vnā & eruditionem, imprimis verò  
studium pietatis ac religionis vehementer probaui. Da  
operam vt valeas. Carpent. IX. Cal. Maij, M. D. XL.

IAC. SADOLETUS CARDINALIS

Gulielmo Poieto Cancellario

Galliæ, S. P. D.

**A** Ccepi literas tuas tertio Idus Nouembris Lutetia  
datas, plenissimas amoris, humanitatis, prudentia,  
quæ meum, quod ego diu antè de tua præstanti virtute  
& dignitate feceram iudiciū, nō modò confirmarunt,  
verū etiam auxerūt. Ita enim scriptæ sunt, vt nullum  
omnino in illis officium, quod vel à sapiente homine  
expectandum sit, vel benignitati & amicitia debitum  
esse

esse videatur, abs te sit prætermisum. Quodq; me mirificè imprimis delectauit, omnia in tuis literis sic aptè, ornatè, grauiterq; explicata, tum verbis, tū sententijs, vt mihi videaris, id quod magnorū quidem virorū est, sed tamen non tam valde occupatorum sicut tu, cum rerum gerendarum prudentia, elegantiam quoq; orationis vt coniungeres, non mediocriter laborasse. In quo genere laudis (dicā enim quod verum est) expectationem meam longè superasti. Cognorā me quidem antea excellens ingenium tuum, & in arduis rebus agendis atque administrandis consilium, diligentiam, industriāq; perspexerā. Non enim mihi tuus animi sensus, & ad laudem impetus fuerat ignotus. Sed re vera in tāto cumulo pondereq; negotiorum, quæ tibi maximis curis occupationibusq; districto, quotidie affluant, & superflūat necesse est: quod aliquam quoq; partem cogitationum tuarum & temporis liberalib. studijs impertires, non mihi venerat in mentem de te existimare. Quod quoniā nunc habeo ex tuis literis exploratum & cognitum, si quid ad eam addi beneuolentiā potest, qua ego te iā pridem singulari sum complexus, erit hæc etiam causa vnā cum reliquis & sancta & grauis, quam obrem tu à me plurimi videre esse faciendus. Sed hæc quæ longiorē desiderant orationem, in aliud tempus differenda sunt. Venio nunc ad ipsas literas, in quibus mirari mihi visus es, quod ego in graui meæ dignitatis & libertatis dispendio, tantula de re (ita enim scribis) tanto opere laborarem. In quo si pecuniaria iactura causa id laboris & molestiæ suscepisse me existimes, obsecro te Po-  
iete cha-

*iete charissime vt me hac tam graui infamia definaso  
nerare. Nihil ego turpius esse iudico, quā moueri pecu-  
nia: et quidem moueri in vtranq; partē, vt vel adaucta  
nobis magnam latitiā afferat, vel ablata molestiā. Et  
tamen recordor scripsisse me tibi, pecuniā mihi leuis-  
simā, honestatē aut grauiissimā semper esse. Quare  
desiste, si me amas, hoc tam iniustum de me facere iudi-  
cium; quod alienum certē & mea natura, & nostra ne-  
cessitudine est. Si verò, q̄ meā lasam dignitate apud  
te sum cōquestus, id leuius à me factum arbitraris: quā  
so, quid apud te futurum graue est, si leuis fuerit digni-  
tas? Sed ego hac quæ nunc loquor, non ita accipi vo-  
lo, quasi doleam hac à te mihi fuisse scripta, non enim  
ita est: sed quia cupio doctus & sapientibus viris, cuius-  
modi tu es, meam & cognitā, & probatā naturā  
esse, ac voluntatē, quæ ab hisce vitijis illiberalitatis et  
sordium longē profectō aliena & abhorrens est. Ac ne  
ad ea quidem respondebo, quæ à te scripta sunt de pote-  
state eorum iudicium, quibus vos ecclesiasticas causas  
& iudicia commisistis. Satis enim in literis priori-  
bus sum testatus, existimare me, nihil neque à te,  
neque ab isto prastantissimo Rege, sine magna ratio-  
ne & consilio factum esse. Ad id potius me conuertam,  
quod & huic tempori est aptius, & meæ natura certē  
conuenientius: vt & tibi, & nostro optimo maximoq;  
Regi agam gratias, quod meæ & quietis, & dignita-  
tis, pro vestrā singulari bonitate rationem habueritis.  
Tametsi intelligo, eas nequaquam à me satis digne agi  
posse: vincit enim & Regis beneficentia, et tuum erga*



me officium, facultatem in hoc genere meam. Ago tamēn quantas possum maximas, meq; huius vestri erga me beneficij memoriam perpetuo seruaturū polliceor. Quāquam nec ad meam in summū Regem obseruantiam quicquā videtur posse accedere: nec ad eam quam erga te iam dudum suscepi voluntatem. Sed tamē, siue in hoc portu, in quo me locatū per literas gratularis, & quidem iure, (in eo enim diurnis nocturnisq; cōmentationibus rerum, vt ego arbitror, altissimarum simul & sanctissimarum sum deditus) siue in negotijs & fluctibus actionū, in quos me redire fortasse erit necesse, (non enim ego illam conditionem vitæ asperner, si mihi ea offeratur, quæ in rebus cum virtute & cum prudentia religioneq; tractandis, futura sit occupata) siue ergo hīc, siue illic, ego meam omnem operam, studium, fidem, amorem, diligentiam, auctoritatēq; quacūq; ea in me fuerit, & nostro Christianissimo Regi, et tibi optime Poiete deferō atq; dico. Cui quidem Regi quoddam meum interdum te nomen in memoriam redacturū polliceris, est hæc tua mihi gratissima voluntas: idq; vti facias, te vehemēter rogo. Quid est enim quod malim, quā me illi Regi in memoria esse, cui propter altitudinem, nec tam fortune quidem, quā ipsius virtutis & humanitatis, vel notū duntaxat esse, summus honos censendus est? Et quidem imprimis ac maximē illius erga me beneuolentiam quæro: hac mihi nihil potest euēnire optatius. Cætera quæ ab illius liberalitate possunt proficisci, quæ à me vt fluxa, & caduca negligi scribis, non eo quidē sum animo vt mihi negligenda esse vide



antur: sunt enim bene institutis mētibus egregia instrumēta bonitatis & liberalitatis: non tamen per ambitum & cupiditatem iudico esse petenda. Itaq; ego, quī hac qua obtineo, quantula ea cunq; sunt, aliena sponte omnia, non mea cura & contentione sum consecutus, si quid mihi quandoq; eo modo deferatur, magis iudicio Principis, quā meo cōmodo lator: ob eamq; etiā causam bene de me merentibus maiorem gratiam habeo. Sed de his etiam satis: Tu mi doctissime Poiete me amabis, & totum tuū ducēs: dabisq; operam, ut valeas: hoc mihi facere gratius nihil potes. Vale. Carpentoracti, XV. Calend. Itnuarij. M. D. XL.

IAC. SADOLET. S. R. E. CARD. GV-  
lielmo Poieto S. P. D.

**C**um neminē habeo ad quem libentius scribā, quā ad te: tum verò id libentissimē facio, cum quis & tua dignus beneuolentia et mea meis tibi literis cōmendandus est. Quod si aliās vnquā mihi accidit facere ut deberem, nunc profectò maximē debeo: quodd eum tibi commendo, cui aut neminē, aut paucos certē, in omni laude doctrina & literarum iudico esse pares. Nec tamen dubito, quin tibi Alberti Pighij nomē sit auditum: tanta id & celebritate est omnibus penē in gentibus, & eruditionis fama. Nos quidem qui cōplura eius ingenij monumenta legimus, non solum probamus scientiam hominis, & doctrinam, qua multiplex in eo, & varia, & referta est: sed etiam propositū animi, & insignem Christiane pietatis cultū. Incredibile est enim quantum hic vir de fide Catholica, & Christiana reli-

gione sit meritis. Is ergo istuc veniens, vt saluet ac veneretur nostrum Regem, agatq; cum eo quibusdam de rebus suis tum sponte sua (est enim tui nominis amantissimus) tum suasu etiam meo: magnam spem habet in te suorum negotiorum bene expediendorum positam. Quæ ne eum spes fallat vehemētissimè te rogo. Multa sunt mihi Poiete, quæ præclara et egregia facere potes: dedit enim tibi summū ingenū natura, fortuna etiam facultatem. Sed certè nihil videris facere posse præclarū, quā tales viros in fidem et patrociniū recipere: eisq; adesse vbiq; sit opus, opera, gratia, beneuolentia, autoritate. Quod nisi tua præstans humanitas mihi esset perspecta planè & cognita, vterer verbis pluribus. Nunc tantum dico, quicquid in Piphium contuleris officij & studij, id à bonis omnibus in eam partem acceptum iri, vt si tu id, non in hominem, sed in virtutem ipsam & doctrinam contulisses: tantum nos & ipsius eruditioni tribuimus, & tuæ laudi gloriæq; fauemus. Illud extremū erit, vt te velim id quoq; existimare, si eum amāter, comiterq; mea etiam eausa exceperis; mihi in ea re gratissimum te facturum. Vale. Carpentō-  
racti, Idibus Nouembis. M. D. XLI.

IAC. SADOL. S. R. E. CARD. GV-  
lielmo Poieto S. P. D.

**P**Vtote audisse, nos omneis qui de Cardinalium collegio sumus, summi Pōtificis literis ad Vrbem esse ac-  
citos. Itaque, etsi agrè ab ecclesia mea diuellor, mihiq; cum hoc iter, tum verò in Vrbe mansio in omnem partem incommoda futura est, tamen quando excusa-  
tio,

tio, qua vsus fueram, accepta non est: ea qua huic itineri necessaria sunt, comparo: meq; his viginti circiter diebus, profecturum hinc arbitror. Memor autem nostra mutua insignisq; beneuolentia, statui meum ad officium pertinere, scribere hac ad te, & tibi, si vnquam alias, nunc quidem quàm maximè, meam operam, studiū, beneuolentiāq; deferre. Futurus enim sum in eis locis, in quibus, quo sim in te animo, multo illustrius tibi declaraturus sum, q̃ declarare potuerim in his, in quibus ad hoc tempus fui. Itaq; qua de laude, de honore, de virtutibus tuis mihi agenda, & commemoranda erunt vel in nostro senatu, vel ad Pontificem, vel apud reliquos ordines, agam ipse per me: nec expectabo de ea re literas et admonitiones tuas. Si quid prater ea erit, quod tu meā operam diligētiamq; requiras, si me feceris literis tuis certiorē, dabo operam vt intelligas, te id non frustra fecisse. Vnum est, qd ego multo vsu rerum & obseruatione prateritorū eū tuum edoctus, animaduerti à vobis, & in memoria haberi cupio: id porro est, vt sedis apostolica honorē & auctoritatem, coniunctionemq; cum ea, vobis cordi esse omnibus signis ostendatis: hoc enim si fiet, omnia vobis profectō erunt faciliora. Sed sapiēti pauca, vt dicitur. Illud etiā à te mi humanissimè Poiete postulo, vt omne quicquid ego sum, aut esse possū, regi nostro meis verbis p̃slicere & deferas. Parum latè fortasse & prudentia mea & auctoritas patet. Sed certè qua ab integerrima fide, & summo amore postulanda sunt, ea illi à me non deerunt, si quid vsu venerit, in quo gloria il-

lius et maiestati inferuire possim. Extremū est, ut meas  
absentis, & mea ecclesiae res; negotia, iura, itēq; huius  
patria mihi charissima salutem & tranquillitatē, tua  
humanitati, fidei, virtutiq; cōmendem: abs teq; petā,  
quod tibi p tua praestanti autoritate agere facillimum  
est, ut ne quid aut mihi absenti aut meis hic praesentib.  
oneris, molestiae, iniuriāq; à vestris inferatur. Vale, &  
nos mutuo dilige. Carp. XIII. Cal. Martij, M.D.XLII  
IAC. SADOL. S.R.E. CARD. GVLI  
elmo Poieto S. P. D.

**E**T ijs quae tibi dudum aduersa euenerūt, pro nostra  
amicitia vehementer dolui: et nunc, quod audio te  
tibi esse atque tuis restitutū, pro eadem nostra coniun-  
ctione gratulor: etsi videntur fortuna tua aliquid for-  
taſſe detrimenti accepiſſe. Sed in tanta tempeſtate, &  
maximorum periculorum procella, quam tibi inimici  
& inuidi tui concitarant, cum et caput, & fama, &  
fortuna tua eſſent in diſcrimen adductae, ſaluo capite  
quoquo modo euadere, magnū proſectū fuiſſet viſum:  
niſi illud etiam maius multū eſſet, quod in tantis inimi-  
citijs potentiſſimorum hominum, tot inſidijs, tam mul-  
torum contra te concordi et conſentiente calumnia, ad  
extremum tamē innocentia ipſa tua, exitum ſibi ac vi-  
am ad ſalutem inuenerit. Quam ego tibi maximam eo-  
rum incommodorum, quae cepiſti, conſolationem eſſe  
non dubito. Quid enim nobis eſt interius, magisq; con-  
iunctum, & quo latari magis iure debeamus, quam cō-  
ſciētia cuiq; ſua bene acta vita? quae in quocunq; ineſt,  
is & in aduerſis rebus interitus, & in periculis fidens,

et cōtra omnem calumniam fortissimo animo est: quē-  
admodum quidē te fuisse ipsa res est indicio. Equidem  
nunquā ipse de tua virtute ac fide dubitavi. Sed ut vul-  
gus est hominum, apud quos Principum longē pollens  
& gravis est autoritas, ut quisq; in crimen, & in iudi-  
cium vocatus est, ita statim non Regi, sed reo criminis  
culpa infertur: quasi ipsi Reges errare non possint.

Quam nunc de te hominum suspicionem, si qua fuerat  
suscepta, hac rebus omnib. diligentissimē excussis, post  
longam & gravem disquisitionem, tui liberatio peni-  
tus extinxit. Itaq; qui antea virtutis tue lumen nō be-  
ne perspexerant, postquam illa prodire in publicum,  
& certare palam cum iniuria & cum iniquitate coa-  
cta est, vicitq; tandem ipsa fraudem & improbitatem,  
non solum videant illud, sed laudent etiam, & admirē-  
tur necesse est: ut maior nunc quidem apud omnes vir  
appareas, quā paulō antē fuisti, tum cū in illa occu-  
pata & negotiosa vita, tamen eras maximus. Sed illic  
invidia, & amulatio, & iniquorum fraudes plus po-  
tuerunt, quā integritas tua. In hoc autē ocio ad quod  
es compulsus, felici (ut ego quidem iudico) & optan-  
da calamitate, cū tantū valeas ingenio, quantū mihi  
optimē notum est, sisq; non iuris ciuilis, scientia dunta-  
xat, sed optimis etiam et liberalissimis artium ingenua-  
rum studijs instructus, quae tibi maximē iucunda atque  
grata in tali tuo tempore esse possunt: teq; (ut antē di-  
xi) et casus tui, et ipsorum inimicorū tuorum de te iudi-  
cium, ab omni iā indigna suspicionē vindicet: debes (o  
pinione quidē mea) nō solū pacato ferre animo ea quae

acciderunt : sed gaudere etiam et lætari, quòd ex turbu-  
lento et agitato tot ambitionum ac insidiarum fluctib.  
mari, in tutum et tranquillum portū aliquando sis per-  
uectus. Quòd si ( vt decet virum fortē magnūq; ) &  
senferis ita et egeris, cū meā pristinā de tua virtute  
opinionem confirmaris, tum istius tuæ firmitatis atque  
constantie vberem apud omnes fructum laudis feres.  
Ego, sicut fides mea, et nostra mutua beneuolentia po-  
stulat, cū tibi defero quicquid in me est, aut opis ad le-  
uandum, aut ingenij ad consolandum incommodum tu-  
um, tū tibi imprimis hoc esse persuasum volo, neminē  
te habere fortasse, qui tui amantior, quā ego sim, esse  
possit. Qui verò fidelius aut cōstantius amicitia memo-  
riam tueatur, habere te quidem certē neminem. Vale.  
Romæ, V. Idus Nouembris, M. D. XLVI.

IAC. SADOL. S.R.E. CARD. IOAN.

Petro Carafæ. S.R.E. Cardinali S.P.D.

**M**axima, cū animi mei latitia legissem tuas literas  
(significabant enim humanitatem & beneuolen-  
tiam erga me tuam, quam in alleuando fidei mei onere  
adhibuisses : quod ego tuū imprimis erga me officium  
à tua virtute et prudētia postulaueram) nisi eadem ad  
me literæ detulissent querelam quandam multarū mo-  
lestiarum, quas sustines, & non obscurum iudiciū do-  
loris tui, quem video tibi in animo exortū propter tem-  
porum calamitates, quibus & intus & extra sic præ-  
mimur & vrgemur, vt consolationem vllam vix pos-  
sit quisquam, quamuis sapiens, inuenire. Sed ego qui  
ad dandum tibi consilium aptus non sum, tamen confi-  
do



do te, cūm temetipsum respexeris, nec ex ijs quæ extra te, sed quæ in te ipso sunt, expenderis, multas reperturum ad te consolandum vias. Omnino cuncta & ab impetu hostium infesta, & seditionibus ac sectis, quæ inter nos ipsos ardēt, grauiter vexata sunt: animis præsertim hominum, qui ubiq; sunt his temperibus ac moribus vehementer infensis. Sed tamen in quo culpa nostra non est, id animo a quo omnes ferre debemus. Sed non ingrediar ad disputandum, neq; tibi meam sapientiam ostentabo, quæ prorsus nulla, magisq; ea mihi abs te est mutuāda. Quod partium est mearum et mei muneris, id facere conabor: vt tibi agam pro tuo erga me singulari merito gratias, quas equidē habeo agoq; maximas: teq; obsecro: vt quæ restant ad res illius monachorum ordinis, qui mea fidei crediti sunt, cōstituendas, eodē quo instituiſti consilio prudentiaq; gubernes: quo quidem nihil mihi accidere potest gratius. Vale. Carpent. II. Nonas Septembris, M. D. XXXIX.

IAC. SADOL. S.R.E. CARD. FRAN  
cisco Quignonio Cardinali sanctæ Crucis.  
S. P. D.

**Q**uas postremas accepi à te literas, eis non respondi, quoniam tu ex Vrbe per æstatem in alia loca salubriora seceſſeras: quod mihi idem facere fuit necesse. Et sanè ipsis in caloribus difficilis esse solet scribendi, & quippiam accuratius agendi ratio. Nunc æstate exacta, cūm frigidiora tēpora etiam maturius aliquāto aduenerint, quā soleant, egoq; ad intermissa mea studia reuerti cogitem, nihil mihi prius faciendum pu-



taui, quàm vt ad te darē literas: primumq; gratias age-  
rem de omni significatione tua erga me voluntatis,  
quam ego mihi beneuolam plurib. in rebus iam exper-  
tus sum: quas quidem tibi & habeo & ago maximas.  
Deinde etiā tibi amantiſſimè ſuadenti, vt aliquādo ad  
Vrbem me referrem, eas dicerem cauſas, quæ me hic re-  
tineant: vt neq; tuo prudentiſſimo conſilio, neq; meæ ti-  
bi obtemperandi volūtati ſatisfacere tam citò poſſim.  
Nam cū mea iſtic præſentia aut nullius omnino, aut  
parui certè momēti in rebus publicis ſit: eadem hic hi-  
populis nō ſolū commodā eſt, verum etiam ſalutaris.  
Quod enim vel ad verā religionis normam, vel ad pa-  
cem concordiamq; inter ipſos pertinet, non leue habet  
pondus mea apud eos hortatio & autoritas. Deinde  
multa alia ſunt paſtoris boni officia, quæ hic præſens  
melius quàm abſens exequi poſſum: imprimisq; hac  
caritate annone, cū impendere fames videatur, com-  
pluribus egenis ferre opem potero. quod, Roma ſi eſ-  
ſem, facere certè non poſſem. Vectigalia enim eccleſia  
mea, quæ per ſeſe magna non ſunt, dabunt tamē hic mi-  
hi aliquid ad alijs ſubueniēdum facultatis: quæ ſi in Vr-  
be domicilium habere, ne mea quidē ipſius familia ne-  
ceſſitati ſufficerent. Quod etiam ipſum per ſe conſide-  
randum eſt, quomodo Roma in hoc tanto honore, ſine  
idoneis vita adiumentis, quæ in re familiari & vectiga-  
libus annuis poſita ſunt, retineri dignitas poſſit: præ-  
ſertim cū alienis opibus viuere prorsus indignum du-  
cam. Hæc me Pater ampliſſime, & optime, adhuc hic  
detinent. Nec tamen hæc cū ego narro, ambio, aut fla-  
gito

gito à quopiam quicquam: non enim meus hic mos, nec mea vnquam flagitatrix fuit natura: sed eius fortunis quacungq; ad manum sint, bene & liberaliter vti semper magis proprium viri esse existimaui. Pontificē porrò maximum, cui me totum & debeo et iam dudum tradidi, video ipsum carere hac distribuēdi ecclesiastica vetigalia facultate, principib. omnia ad suum arbitrium trahentibus: quibus me subiicere, & ad eorum accedere fores, consilium non est. Nec tamen ita vrgeor cupiditate habendi, vt nō hoc statu, in quo sum, possim esse contentus. Viuo enim inter hos populos & diligens eos patria charitate: ei (vt videre mihi videor) ab eisdem etiam dilectus. Quæ amoris mutui consensio vitā beatam facit: præsertim cū est ad Deum, & ad summum bonum relata. Quos ego nunc populos tuæ commendem fidei, iustitiæ, integritati, est necesse. Illi enim ad Urbem nuntium mittunt, quod doceant summū Pontificem de incōmodis prouinciæ, quibus illa premitur. Eos igitur tuæ equitati & sapientiæ ita trado atq; cōmendo, vt maiore animi studio cōmendare non possim.

Quicquid certē in illos beneficij, patrociniij auxiliij, cōtuleris: id mihi sic futurum est gratum, vt ex tuis plurimis erga me meritis, hoc vel maximū semp̄ omniū sim iudicaturus. Vale. Carpentō. pridie Nonas Oct. 1539.

IAC. SADOL. S.R.E. CARD. DIONYSIO Cardin. Sancti Marcelli S. P. D.

**A** Deam voluptatem, quā acceperam ex amplificatione tuæ dignitatis, (quod iste honos cū similib. tui, hoc est doctis viris prudētibusq; defertur, gaudere

sem-

*semper soleo) accessit suauitas literarum tuarum, quæ me ita affecit, cùm commemoratione tui prislini erga me animi, tū declaratione presentis voluntatis: vt ego, qui te antea tacito potius quodam de tua virtute iudicio, quàm aperta amoris significatione diligebā, quod nulla admodum inter nos intercesserat consuetudo: nūc ex literis tuis, tam amāter, tamq̃, honorificè de me scriptis, non amem solum, sed tanquā amicissimū, & familiarissimum, omni animi mei studio & beneuolentia te amplectar. Equidem sentiebā optimè de te, nec tã mea sponte, (non enim fuerat notitia inter nos, egoq̃, multis & magnis meis difficultatib. abstractus, diutius in Vrbe esse nō potui) sed eorum testimonio, quos ego vehementer cū probarem, intelligebam ab illis te quoq̃, probari. E quibus vir clarissimus, & mihi quoad vixit amicissimus Symoneta, multa mihi narrare de te solitus erat. Sed iam nullū amplius quero de te testimonium: tuæ. n. virtutis, tui ingenij, tuæ humanitatis, satis mihi graues et certas literas tuas misisti testes. Quæ ita scriptæ sunt, vt neque ornatus in verbis, neq̃, in sententijs prudentia desit. Quanquam in eis mihi tu quidem plus tribuis, quā ego intelligo me posse sustinere. Sed hoc amor in me tuo assignandum est, et illi, de qua modo locutus sum, humanitati. Quod autem ad amicitia fidem pertinet, quæ iam inter nos & pro collegio, & pro similitudine studiorum debet esse instituta, atq̃, cōiuncta, primū de isto honore, qui in te iure ac meritò colatus est, tibi gratulor, deq̃, eodem mihi gaudeo: si quidem omnium rerū inter amicos communicatio esse debet.*

bet. Deinde memetipsum tibi, & mea omnia studia, omnemq; beneuolentiā ita defero atq; trado, vt sim gratissimū habiturus, si tu in eis, à quibus te diligere putas, me Principem locum velle obtinere duxeris. Quem ego animum cū ceteris tuis virtutibus & ornamentis debeo, tum ei præcipuè, quam singulariter præ te fers, beneuolentiæ tuæ erga me, & voluntati. Vale. Carpentoracti, Idibus Februarij. M. D. XL.

IAC. SADOLETVS S. R. E. CARD.

Dionysio Cardin. Sācti Marcelli, S.P.D.

**A**lteram habeo iam à te literas, similes prioribus & humanitate et beneuolentia: quæ mihi fidem prorsus faciunt me abs te diligere. Quod cū ita sentiam, certoq; opiner: debes existimare, si me arbitrare dignum eis studijs, quæ ambobus nobis cōmunia, & ad integritatem morū ingenuitatemq; naturæ animos informant, in quibus ego & etatē meā consumpsi, & tu excellentē, vt video, ingenio versaris: non tibi me concessurum, vt in amore, aut vllis in officijs me vincas. Nam si quoties mihi datur occasio, fauere soleo doctis viris, idq; mea sponte, nulla intercedente nec re, nec familiaritate, quod vno tantum doctrinæ nomine ad eos amādum & complētēdum adducor: quid facere debeo erga te, à quo sum prouocatus? præsertim cū & tua præstans doctrina, compluribus alijs virtutibus, & virtus summo honore præclaroq; omnium hominum, Pontificis imprimis maximi, & totius nostri ordinis de tua dignitate iudicio, non comprobata modò, verū etiam ornata, illustrata, & in altum edita sit? Quæ res etiam effecit,

ut ad ceteras mutui inter nos amoris causas, Collegij  
coniunctio, & sanctissima necessitudinis vinculum ac-  
cederet. Sumus enim uterq; nostrū diuino quodam nu-  
tu, in societate bene gerenda Reipub. non solum eiusdē  
munere officij, sed animorum etiam, & studiorum con-  
sensione copulati. Quæ cum serēs ita habeat: nec iacta  
solum inter nos amicitia fundamēta, sed ipsa superex-  
tructa, & planè iam confirmata amicitia sit: dabimus  
operam uterq;, ut in amore omnibusq; officijs, alter al-  
teri satisfacere contendamus: in quo erimus semper fi-  
de & beneuolentia pares. Cetera ut fors feret, aut e-  
go te factis ipsis atq; officijs vincam, aut æquissimo ani-  
mo à te vincar. Illud quidem prior faciam, in quo tuæ  
partes iam apparebūt superiores, te uti rogem, ut meā  
absentis dignitatem, ubi opus erit, defendas et tuare.  
Vale. Carpent. IX. Cal. Maij. M. D. XL.

IAC. SADOLET. S.R.E. CARD. DIO

nyfio Card. Sancti Marcelli

S. P. D.

**N**ON mihi opus esse arbitror longo tecum proæmio  
viri, & laborare in ipso scribendi principio, quod  
tua mihi beneuolentia cōcilietur. Satis enim ea mihi, nō  
meo quidem merito, sed tua humanitate parata & qua-  
sita est. Cū enim ad me binas literas misisti, obfides tuæ  
erga me beneuolentia & voluntatis: tum tu te ipse mi-  
hi dedidisti: tum te obligasti, quasi ex pacto & conuen-  
to, nihil quod amicitia & officio deinde deberetur, te  
mihi negaturum. Itaq; fidenter accedo ad te, nō minus  
te mihi obligatū ex literis illis, et fide viri boni esse exi-  
sti-

stimans, quàm si te omnibus sponſionum verbis obſtri-  
xiſſes. Sed grauius ne aliquid expectes aut vereare: ſci-  
to id me petere à te, quod & mihi ad petendum hone-  
ſtiſſimum ſit, et tibi ad tribuendum largiendumq<sub>3</sub> facil-  
limū. Id porro huiusmodi eſt. Annus hic agitur tertius,  
ex quo ego, cū me Carpentoraſte retuliſſem, aggreſ-  
ſus ſum opus laborioſū ſanè, atq<sub>3</sub> magnū, vt de adifica-  
tione Catholica Eccleſia conſcriberē: illud mihi praci-  
puè propoſitū habens, vt quoniā hac qua nunc eſt, &  
nominatur Eccleſia, vehemēter labefactata eſt, nec po-  
teſt (vt ego ex omniū gentiū aduerſus nos odijs, et gra-  
ui apud cunctos inuidia nominis noſtri, magnū in timo-  
rem venio) ab extremo ſuo periculo longè abeſſe: ego  
pro loco, et proprietate, qua Deo cōſeruatori meo ſum  
obſtrictus, exemplū eius incolumis atq<sub>3</sub> integræ, quoad  
per me poſſet, abſolutum et perfectū in literis expreſ-  
ſum relinquerem. Quo liceret vti, ſi quis attēdere ani-  
mum vellet vel ad hāc fulciendam reparandamq<sub>3</sub> ec-  
cleſiam, qua iam ad procumbendum vehemēter pronā  
eſt, & inclinata: vel ad nouam & firmiorem aliam, ſu-  
per idem tamen fundamētum, conſtituendam. Hoc ego  
animo erga Chriſtianam Remp. affectus, ſumpſi onus  
huius laboris atq<sub>3</sub> officiij, maximè id conuenire honori  
et profeſſioni meæ reputās: iamq<sub>3</sub> inſtituti operis duos  
libros abſolui, & tunc in tertio lucubrando verſor: ne-  
que laboribus in eo, neq<sub>3</sub> vigilijs parco, Contendo deni-  
que, atq<sub>3</sub> nitor, vt habeat hoc à me Reſp. cū boni &  
amātis ciuis ſacerdotisq<sub>3</sub> officiū, tum teſtimoniū meæ  
perpetuæ ſententiæ & in ſe voluntatis. Sed horum duo



rum qui confecti sunt librorum, prior anno superiore & me ad Urbem missus, in manus tuas (ut opinor) non incidit, neq; habeo impraesentia idoneum eius exemplum quod ad te mittam: idq; cum habebo, certè sum missurus. Nunc cum secundum mitterem ad amplissimos viros, mihiq; et Reip. imprimis amicissimos, Contarenū, Fregosinū, Polum, Bembū: mandavi isthic meis, ut postquam ij legissent, meum ipsi librum continuò ad te deferrent: quem, te oro atq; rogo Dionysi doctissime, ut attento animo perlegas: meq; tibi monendum, & ubicunq; opus sit (erit aut opinor in multis) etiam reprehendendum et corrigendum suscipias. Nā ego quidē hoc corrigendi reprehendendiq; officio, modò id ingennè & beneuolo animo fiat, nullum ab amico homine nec gratius possum expectare, nec optatius. Quid enim est reprehendi, nisi alieno labore fieri meliorem? Et sanè is ego sum, qui in meis scriptis, praesertimq; recentib. minimum mihi cōfidam. Itaq; audio libenter cunctorum opiniones: iactariq; in manibus doctorū hominum mea scripta, atque excuti cupio: quo deinde ex omnium iudicijs atque dictis, quod melius sit, & verius mihi eligatur. Interea quidem (id quod me impetrare acquisitum est, petere & precari ab omnib. soleo) ut ne quis ex meis scriptis, quoad illa sunt sub alienum iudicium subiecta, quicquam decerpāt, in quo se putet quasi consignatam ratamq; habere mea sentētia autoritatem. Etenim qui se submisit aliorum iudicijs, nihil adhuc ipse habet decreti & iudicati. Qui verò non expectato idoneo tempore, res etiam nunc dubias, tanquā certas

accu-



accusant, & in earum autores inuehuntur (quo à genere hominum & mihi est nonnunquam, & multis saepe probis negotium faceſitum) hi proſectò magis maleuolentiam ſuam iudicant, quàm alterius innocentia labem & detrimentum afferunt. Sed hac aduerſus aliquos fortasſe neceſſaria: tecum quidem, mi Dionyſi, neq; oportuna, neq; apta eſt oratio: niſi quatenus querelam et dolorem horum temporum conferre cum amico, & communicare iucundum eſt: quod ego ſanè tecum et amanter, & liberè facio. In quo verò & mei opotati ac poſtulat ratio, & tua virtutis atq; humanitatis vis tota conſiſtit: te obteſtor atq; oro, vt legere accuratè meum librū, meq; admonere & docere audacter omnibus de rebus velis: vt quoniam ego et in doctrina, et in beneuolentia tua maximam ſpem repono, id per tuam fidem ac diligentiam conſequar, vt ex fontibus ſcientia & eruditionis tuae, mei tenues riui vberius irrigentur, tuaq; opera & ope fluant pleniores. Cui ego tuo officio, magnam proſectò gratiam, & eam perpetuam debiturum me confeſſeor. Vale. Capent. XVIII. Cal. Aprilis. M. D. XLI.

IAC. SADOLETVS S. R. E. CARD.  
Dionyſio Cardin. Sancti Marcelli, S. P. D.

Contigit mihi in te, quod haud ſcio an nemini, vtcū te luxiſſem mortuum, repente nec opinato nuncio tua ſalutis & incolumitatis, ex ſummo dolore ad ſummam latitiam traducerer. Sic enim fuerat ad me ſcriptum, te contracto in Hetruria morbo, in oppido Luca opinor, grauiter egrotum, delatum Florentiam, poſt aliquantum temporis diem extremum tuum obſiſſe: qua

res animū meum valde perturbabat. Nam cū propter insignem beneuolentiam, qua te sum complexus, & qua est cum amicitia nostra, tum tuis virtutib. debita: tum verò etiam, quodd breui tempore post meum à vobis digressū, multis ex nostro ordine clarissimis viris, & isdemq; mihi amicissimis, & me & Rēp. fortuna spoliata: mihi tua mors cumulum maximum attulisset doloris, nisi meliora Deus de viroq; nostrum constituens, et tibi salutem, nobis quidem peroptatam, reddidisset: & mihi molestiam, ac mœrorem absterfisset. Cui quidem Deo omnipotenti & immortalī maximas (vti debeo) et meritas gratias ago. Nunc mi Dionysi, quoniā saluus & sospes nobis es restitutus, tua erit posthac virtutis et diligentia, dare operā, eniti, efficere deniq; vt valetudinem bonā tuearis & custodias: nosq;, qui te diligimus, latis de te nūtijs quotidie afficias: quod erit nobis abs te omnium rerum gratissimum. Illud quidem arbitror à me peti non oportere, vt conserues memoriam nostri: nō enim dubito, quin par mihi in officio & in omni fide beneuolentia esse velis. Tantum te rogo, tibi vt persuadeas, me & percupidum & peramantein esse tui. Vale.

IAC. SADOLETVS S. R. E. CARD.

Marcello Ceruino Cardinali S.P.D.

**C**Redo amorem nostram mutuum non egere testib. Etsi enim non admodum magno inter nos vsu & familiaritate coniuncti fuimus, propter occupationes quidem vtriusq; nostrum, qua impedimento fuerūt: tamen neq; ego vnq; de tua erga me beneuolentia dubitari, neq; tu potuisti dubitare de mea. Itaq; & cū de te,  
tu aq;

tuaq<sup>3</sup> virtute, modestissimisq<sup>3</sup> moribus, optimum semp  
 iudicium fecissem, latatus sum maiore in modum incre-  
 mento & amplificatione tue dignitatis: & posteaquā  
 in istum locum atq<sup>3</sup> honorē sublati es, quo esses erga  
 me animo liquidius etiā cognoui: optimo videlicet atq<sup>3</sup>  
 amantissimo: quemadmodū et Ludouici Beccadeli, ho-  
 minis officiosi & prudentis, saepe litera, et tua in meis  
 meorumq<sup>3</sup> negotijs opera ac benignitas aliquoties iam  
 declarauit. Quare cum constitutā habeamus inter nos  
 eam amicitiae necessitudinem, quae ex morum, et studio-  
 rum, & (vt opinor) etiam sententiarum similitudine  
 maximē stabilis et sancta existere solet, mutuaq<sup>3</sup> illanz  
 et pari inter nos volūtate tueamur: equum est, vtrūq<sup>3</sup>  
 nostrum alterius ope atq<sup>3</sup> consilio, in his quae vsu quo-  
 tidie veniūt, ita vti, vt eiusdem amicitiae officia nō ver-  
 bis tantum, sed factis etiam & rebus ipsis vsurpemus.  
 Ac vt breue faciam, quod abs te postulo, id huiusmodi  
 est. Cum esses anno superiore in Gallia, legisi primum  
 meum de Aedificatione catholica ecclesiae librum. Sic  
 enim ad me scripsit Triuultius noster: id fuit mihi non  
 mediocriter gratum, verum gratius etiam fuisset, si i-  
 dem fecisses quod ille, vt me de his, quae tibi visa essent  
 minus commodē in eo libro à me scripta, admonuisses.  
 Soleo enim ego hoc maximē à doctissimis expetere, vt  
 eorum labore & annotationibus lucubrationes meae  
 fiant meliores: neq<sup>3</sup> arbitror alia in re magis elucere  
 officium id, quod amicitiae debeat, quā in hac solici-  
 tudine atq<sup>3</sup> cura, quam quis suscipit, quod alterius fama  
 & existimationi bene sit consultum. Hoc ego à te &

tunc desideravi, & nunc expeto: ut tu ingenuo quidē et beneuolo animo, sed tamen audacter libereq; reprehendas, quicquid tibi videbitur in meis scriptis esse reprehendendū. Ego. n. cū aliorū opiniones & sententias audio, cū mea in manib. iactata scripta, & multorū obiectio- bus veluti excussa sunt: tū colligo memetpise, habeoq; delectū, & q; probabile mihi ac verū visum sit, id sine vlla priuata cupiditate in meas lucubrationes libenter transfero: mutoq; facile sententiā, si rectius esse videatur. Veruntamen anteq; hoc fiat, dūq; mea scripta sub alienū iudiciū subiecta sunt: nō arbitror esse rectum, ex meis dictis, si qui fortē in illis error aut non bona ratio sit deprehensa, de me ipso iudicari: qui. n. aliorū iudiciū expectat, nondum vtitur suo. Quare iniqua est eorū ratio, qui scriptorē accusant de ijs rebus, quae ipsi illi qui scripsit, nondum sunt probata nec rata. Sed tu nō eo denūmero es, qui natura ingenua, & liberali doctrina, & singulari tēperantia ac bonitate es praeditus. Cū igitur mitterē ad urbē secundum mei illius operis librū ad Amplissimos collegas nostros, Contarenū, Polum, Fregosum, Bembū: mandavi meis, ut posteaquam ille ligisset, illum ad te deferrent. In quo oro te atq; rogo mi optime Marcelle, vt hanc eius perlegendi operam, siue etiam molestiam, non grauātē recipias mee vtilitatis causa: tribuasq; hoc cum amicitiae nostrae, tum humanitati etiā tuae: vt tuo labore, cura, diligentia, meus liber efficiatur correctior: primū in his, quae ad integritatē religionis pertinet: quā ego sanctē, atq; piē semper per me esse cultam volo. Deinde, ne mea fortē in scribendo  
liber-

libertas cui piā molesta esse possit: praesertim eorum, qui  
 bus omnia me debere & nunc confiteor, & semper pro  
 fessus sum. Nā q̄ ego Christiano animo cupiā videre e-  
 mendatiorē ecclesiā, q̄ ea nunc sit, nunquā certē inficia-  
 bor. Quòd verò huius praeclari operis gloriā atq; fructū  
 ad eos optare potissimū peruenire, qui à me summo ho-  
 nore & obseruantia coluntur, Deum immortalem te-  
 stor, nihil me vnquam cupisse ardentius. Et fuerat qui-  
 dem ab initio egregium susceptum iter, sed postea ne-  
 scio quo pacto aliquantum de via declinatum est. Nec  
 tamen video, quid ad illam praeclaram & sempiternā  
 laudem, firmamentum non nominis solum atq; fame,  
 sed posteritatis etiam & generis, horum mortalium et  
 terrenorum bonorum possit comparari. Sed de his satis  
 Fac mi Marcelle humanissime vt valeas, nosq; tui a-  
 mantissimos vt diligas. Vale. Carp. 17. Cal. Apr. 1541.

IAC. SADOLETI S. R. E.

CARDINALIS EPIST. LIB. XIII.

IAC. SADOLETVS S. R. E. CARDI-

nalis Ioanni Mariæ Montio S. R. E.

Cardinali, S. P. D.



DVENTVS huic Poli amplis-  
 simi collegæ nostri, & magnum  
 mihi dolorē attulit, vt tu quoq;  
 futurum videras: & non minorē  
 etiam voluptatem. videre enim  
 hominē amicissimum vtriq; no-  
 strum, summa ipsum virtute, summa temperantia, mo-

destia, sanctitate vitæ præditum, sanè iucundissimū mihi fuit. Eundem autem videre tot appetitum iniurijs, atque aliena impietatis & crudelitatis scelere, in tantas, et tam graues coniectum calamitates, certè nō mediocriter mihi molestum accidit: cū præsertim non amici solum in eo incōmoda, sed Christiana etiam Reipub. vulnera, vno & eodem tempore, dolere & miseriari cogerer. Atque ipse quidem, quo animi robore, & qua erga Deum pietate munitus est, ferebat res aduersas fortiter atque constanter. Ego verò qui nequaquā simili virtute præditus sum, cū me afflīctarem in eius acerbis casibus, illo ipso cōsolatore subleuatus sum, cui me asserre solatium magis oportebat. Atque is vnum diem apud me cū fuisset, ita à me discessit, vt præter pristinam meam de illo opinionem, nouam etiam admirationem sua spectatissima virtutis in animo meo relinqueret. Sed quo mea tamen in eius aduentu latitia foret vberior, tua suauissima & mihi iucundissima littera fecerunt: quas cū auidè legerem sic familiariter scriptas, ita mihi Deum propitium esse opto, vt omnes meos sensus intimos incredibilis quædam voluptas per tentabat. Videbar enim mihi tecum tunc esse, & in tuo illo familiari vultu requiescere: cuius si mihi præsentis facultatem fortuna tribuerit, crede mihi eos exigam fructus, qui nescio quo pacto olim à me prætermisi sunt, cū tua ista dulcis amabilisq; natura nō dum se mihi totam patefecisset. Illud nollem, quodd in Epistola tua mihi nimis magnū imponis onus iudicij et testimonij tui. Et si verum audire vis, is mihi visus est

in tua



in tua simplici, & aperta scribendi comitate, quasi quidem nauus interuenire: quod à nostris familiaribus epistolis abesse debet. Nam si de eo, in quo me laudas, respondendū à me tibi sit, nihil ego video esse in me, quod non idem in te multò sit præstātius. Alia præterea multa tibi egregia adsunt, quæ ego commemoraturus impresentia non sum nec commissurus, ut à quo te genere scribendi abstinere cupio, in idipso genus incidā. Quare agamus inter nos, ut cœpimus, cum liberè, tum amāter: ad quod (ut mihi intelligere videor) uterq; nostrū natura propensus est, quanquā aguntur à te omnia venustius. Ego meū in Italiam reditū, nisi Pōtis ex isthuc, aut ad concilium venerit, vsq; in mēsem Septembrem differre cogito. Deq; ea re dedi ad summum Pontificē literas. Hic non desino & legere, & scribere: quid esseturus operis sim, nescio: meditator certè præclara. Sed non ut volumus (inquiunt) verum ut quimus. Quicquid egero, utar tuo quoq; iudicio. Tu ut valeas mi Mōti suauissime atq; amplissime, totumq; me tibi addictū esse persuasum tibi habeas, amoremq; istum tuum erga me mihi perpetuum cōserues, te etiam atq; etiam rogo. X. Cal. April. M. D. XXXIX. Carpent.

**IAC. SADOLETUS CARDINALIS**

Nicolao Rodulpho Cardinali, S. P. D.

**N**oli putare, me, quod ad te adhuc nil scripserim, tui immemorem factum esse: nō sic virtus tua nec mea natura postulat. Nostra autem inter nos vetus necessitudo cum summa mea erga te obseruantia coniuncta, etiam illud exigit, ut colam te cum præsens, tū ab-



sens, precipuo quodam officio & insigni beneuolentia: quod facturum semper sum, abs teq; vicissim peto, ut quem mihi amorem tuum multis in rebus prastitisti, eundem pro tua prastanti humanitate conserues: meq; absentem omnibus rebus, quibus fuerit opus, defendas & tueare. Ego si quid v'su venerit, quo tuum patrocini-um mihi sit expetendum, confugiam ad te, nisi tibi id molestum futurum sit: nō propter naturam quidē, sed propter occupationes tuas. Nam illa semper in te plenissima humanitatis fuit. Occupationes verò efficiunt interdum, ut non sit nouis curis & cogitationibus locus. Sed tamen in tuis assiduīs studijs, procurationeq; Reip. nonnihil mihi loci vacare in tuo animo vehementissimè cupio: quo sit mihi receptus vbi ad tuam fidem confugiendum erit: quod potest in dies singulos contingere. Nō sum oblitus, nec verò vnquam obliuiscar, quibus me officijs & beneuolentiæ significationibus prosecutus fueris, cū proximè Romam veni: quo quidem tempore non prius penè pedem in Vrbe, quam in tuis beneficijs posui. Cura enim potissimum ac diligentia tua domum egregiè instructam atq; ornatam ipso meo in ingressu statim sum nactus. Quæ tua bonitas ac liberalitas alius mihi tum hæsit, quàm ut facile sit verbis explicare. Non enim ego is sum qui meum commodum magis, quàm ipsius commodi autorem arrem. Fontem enim beneficiorum magis specto, quàm ipsa beneficia: qui quidem fons amor est. Eundem igitur in me animū tuum si conseruaueris, Rodulphe humanissime, gratissimo omnium & optatissimo beneficio me affeceris. Sed

ne mul-

ne multis, totum me tibi & tuæ fidei beneuolentiæq; de  
do, atq; cōmendo. Vale Idib. Ianuar. 1539. Carpent.  
IAC. SADOL. S.R.E. CARD. NICO  
lao Rodolpho Cardinali, S. P. D.

**N**on obliuione mutue beneuolentiæ nostræ, rariu  
ad te do literas, quàm forsitan vsus veteris nostræ  
cōiunctionis postulet: sed pudore quodam id sit potius:  
quòd vereor, ne tuis grauioribus curis intempestiuus  
obstrepam. Nam mihi quidem otium est (vt tute sis)  
absenti à negotij publicis: si tamen in tantis calamita-  
tibus Reip. otium cuiquam aliquod esse potest. Sed ta-  
men ex alterius volūtate nō dependent actiones meæ,  
quas ipse mihi ad meū arbitrium comparo. Itaq; mihi  
ad scribendum tempus supeditat, et soleo ego amicos  
libenter salutare literis. Sed ea (vt dixi) ratione deter-  
reor, quod metuo, ne occupationibus illorum molestus  
interueniā: tuisq; præsertim, qui publicis negotijs pri-  
uata etiā tua & domestica addidisti. Nō enim tu, ubi à  
senatu dimissus es, refers te continuò in otium, aut ullam  
partem temporis desidia & cessationi das: sed Reipub.  
curas, illa domi præclara artium optimarum studia ex-  
cipiunt, in quibus ætatem tuam recte collocandam præ-  
tasti. Est autem hoc tempore non modò prudens hoc cō-  
siliu, verum etiam vnicum propemodum et solum sa-  
lutare: parare sibi quæq; domi ad bene beateq; viuen-  
dum copias. Cū enim videamus quantò labamur in de-  
terius quotidie rationes publica, cur non domesticis bo-  
nis nōs ipsos muniamus? quorū bonorum (vt tu optime  
nostis) caput omnium est, cū cæterarum quidem libe-

valium artium, tuū Christiana imprimis Theologia scientia. Quāquam vos quoq; arbitror, sub sapientissimo Pontifice aliquid isthic opis atq; auxiliij cadenti Reip. esse reperturos. Equidem qui latis rebus, & ex sententia fluentib; à strepitu isto Urbis & curiæ ab honorib; & pompis equo animo absū: idē si quid durius increpuit (quod quidem Deus omen in barbaros hostes cōuertat) prōptissimē accurrā: nec tam vt præsens consilio vos iuue, (istud enim in me exigū sanē, et parui admodum momenti est) quā vt pietati meæ erga Rēp. satisfaciā. Sed vt ad id quod primo proposueram reuertar, cupio maiore in modū, doctissime humanissimeq; Rodulphe, vt me, siue loquētem tecum per literas, siue etiam tacentē, manere tamen semper in eodem amore & obseruantia erga te, tibi planē persuasum habeas. Vale. Carpent. VII. Calend. Decemb. M. D. XLI.

IAC. SADOLETUS CARDINALIS

Ioanni Saluiato. Cardin. S. P. D.

**N**E me fortē putes tui oblitum esse, & quoniam de gloria librum, quē tuo nomine scribēdum suscepī, non sum persequutus, in alias me curas & cogitationes remotas à nostra amicitia memoria aduersum esse: accipe argumentum multò grauius; (vt ego arbitror) & vtriusque nostrum personæ accommodatius: q; ego de Extructione catholica ecclesiæ exorsus sum, tuoq; id nomini dicaui, vt quoquo modo possem, tuis erga me meritis gratiam aliquam referrem. Huius ego operis duos iam libros confeci: sed cum prior liber aliquanto videretur esse limatior, non duxi procrastinandum,

dum, quin mittere cum ad te, ut perspicere primo quo  
que tempore posses Saluare amplissime, quam in inti-  
mis meis sensibus fortiter inhereres. Videbantur duo  
adhuc restare libri, quos ut absoluiam atque perficiam, ma-  
xima quidem mihi cura est. Sed omnino magnitudine  
rerum impediatur vis ingenij nostra: etsi animo qui-  
dem sumus alacres, sed copiis haud ita firmi. Est autem  
quod Deo habeatur à nobis gratia, quod hoc otium, &  
oblatum fuit nobis quasi fortuito, ita fuit expectandum,  
ut nobis diuina quaedam sorte donatum fuisse videatur:  
quo in hisce curis, & splendidissimis (ut ego iudico) a-  
nimi mentisque agitationibus, traducere tempus posse-  
mus. Quamquam non desunt in hac quoque, licet exigua  
mea ecclesiastica diocesis procuratione, occasiones ho-  
nestissimae, quae virtutem prudentiamque requirant: quae  
utinam nos prestare sic possemus, ut ea & saepe à no-  
bis, & vehementer exquiratur. Sed tamen cum illam a-  
nimi iucunditatem, quae ex recte factis suauissima per-  
cipitur, praecipue nobis propositam habeamus, Deo bo-  
nis (ut scribitur) mentibus occurrente: nihil est quod  
non illius ope et auxilio freti, in nostro munere obeun-  
do, & suscipere posse, & agere confidamus. Quod ad  
studia bonarum artium pertinet, quando quidem nec  
mihi in otio consenscendi consilium est, & nihil nunc  
praestantius propositum est quod agamus, potes existi-  
mare, Saluare, me & diurnis & nocturnis lucubrati-  
onibus ac vigilijs, assiduam operam daturum esse, quo la-  
boranti Christiana Reip. si non subsidium per me re-  
pugnantibus temporibus, ac subueniendi tamen cuspidi

tas, & boni sacerdotis officium praesto esse videatur. In quo duplicem assequar fructum. Nam & religioni praestabo pietatem quam debeo, & multorum à me insigni um praestantiumq; virorum, quorum mihi & virtus et dignitas est cordi, nomen ac memoria literis mandabitur. Verum hac posterius. Illud te rogo, ut cum liber sis apud te fuisse videbitur, Romam postea illum ad Cōtarenum nostrum remittas: ad quem ego hac de re scribo, ut ibi quoq; tanti viri gravitate & scientia, & eorum quos ille adhibuerit iudicio, diutius perpendi & omni ex parte excuti diligenter possit. Quando quidem quae de religione scripta sunt, non erratis solum, sed etiam omni vel minima errorum suspitione carere debent. In quo nos libenter doctorum hominum iudicia reprehensionesq; subire semper parati sumus. Tu valebis optime Salutate, & nos quod facis diliges. Carpentora Eti, V. Idus Decembris, M. D. XXXIX.

IAC. SADOLETVS CARDINALIS

Alexandro Cæsarino Card. S. P. D.

**N**on sum ausus dare ad te antehac quicquam literarū, quod cum res non esset vlla digna quae scriberetur, inanem sermonem literarum tibi iniucundū fore putaui. Etsi me quidem ad scribendum saepius stimular, cum me insignis erga te obseruantia, simul et beneuolentia: tum illud iudicium quod ego de tuis eximijis virtutib. praeclarum iam pridē feci: posteaquam cognoscere cōpī in senatu tuis audiendis notādisq; sentētijs, quae tua esset in Christiana Rep. mens, quā rectius sensis: ut prudens, & apta consilijs explicandis, ex tuo

ore manaret oratio. Verū, vt dixi, veritus occupationē  
et grauitatem tuam, nihil adhuc ad te scripsi. Nunc cū  
& magna res mea agatur, (siquidem nihil mihi ab his  
populis qui in fide mea sunt, esse disiunctum potest) &  
in tua non solum autoritate & gratia, quam ego per-  
magnifacio, uerū humanitate etiam et bonitate, ma-  
gnam mihi spem habeam propositam, ea consequendi,  
quæ huic prouincia salutaria esse possint: constitui scri-  
bere ad te, et tibi vel imprimis causam populorum meo-  
rum commendare: omni te animi studio deprecans, vt  
quāquā mea erga te merita nulla admodum sint, quæ  
cuperem equidem permulta esse, quo meum erga te stu-  
dium atq; animum cognoscere potuisses: tu tamen nobi-  
litate & liberalitate natura tua adductus, suscipias  
horum patrocinium populorum: atq; in eis rebus obti-  
nendis, quas ipsi iustas honestasq; petierint, fautorem  
illis & patronum apud summum Pontificem prabeas.  
In quo nō mihi solum rem gratissimam feceris: hancq;  
tibi gentem in perpetuum obligaris: sed consules etiam  
officio & dignitati tuæ. Nam & nobilitatis est, pluri-  
mōs homines beneficijs comprehendere: & horum po-  
pulorum in istā sanctam apostolicam sedē ea est fides,  
tam insignis constansq; obedientia, vt non videā qui il-  
lis in hoc genere virtutis & fidelitatis pares habendi  
sint. Itaq; quicquid illis datur, id sedi apostolicæ & ec-  
clesiasticæ autoritati datur. Quapropter eos tua etiā  
atq; etiam fidē, benignitati sapientiāq; commendo.  
Quid postulent, & quas querimonias deferant, ipsi te  
per legatum & suarum rerum actorem edocebūt. Nec  
tamen



tamen grauiore malo premuntur, quàm Iudeorū, qui, incredibile est, quantis & quā varijs hanc totam prouinciam damnis iniurijsq; afficiant. Quos ita ferre, vel ita fouere potius, non solū his plebibus perniciosum est: sed nomini etiā nostro apud transalpinas nationes turpe. Verū tu hęc melius pro tua summa prudentia cōsiderabis. Ego pro officio meo, & quod hos populos vere paterna charitate complector, tantū capio de commodis et rebus eorum omnibus curam, vt maiorem certē de meis capere nō possim. Quo etiā maius tuum erga me hoc beneficium futurum est, quàm si pro meo ipso aliquid laborasses: cū horum hominū susceperis defensionē, quorū mihi salus et tranquillitas in intimo corde penitus infixā est. De hac eadem re dedi ad sacrum collegium nostrum literas: quas tecum iussi antea communicari, vt cū iudicasses reddēdas, tū redderentur. Vale amplissime Cæsarine, et mei absentis tibiq; deditissimi, res (vt præcipuē decet nobilitatem) tibi habe commendatas. Iterum & sapius Vale. Carpentoracti. Pridie Non. Octob. M. D. XXXIX.

IAC. SADOLETVS CARDINALIS

Alexandro Cæsarino Card. S. P. D.

**Q**ua virtute, qua auctoritate & constantia, causam horum populorum in Vrbe tutatus esses, fuerat mihi quidem à meis scriptū, in primisq; à Carolo Guatieruccio, qui & mihi amicissimus est, & tue amplitudinis (vt multis ex rebus cognoui) studiosissimus. Sed nouissime legatus prouincia huc reuersus, apertius omnia & certius explanauit: idemq; demonstrauit Ciuibus



bus suis, quodd vetera iura & beneficia Romanorū Pontificum, quæ huic nationi, pro singulari eius erga istam sanctam sedem fide, & obedientia sæpius concessa, tributaq; sunt, noua Pontificis approbatione firmata fuerint: tua id potissimum autoritate & gratia fuisse effectum. Quam legati orationē commemorationēq; maximi abs te accepti beneficij, summa ab his populis laus & summa beneuolentia consecuta est. Itaq; nomē hic tuum in magna nunc gratia & gloria est. Nos autem cogitabamus, vt primum esset messis facta, conuocare totius prouinciæ consilium, facereq; omnes, earum rerum, quæ in Vrbe essent gesta, participes. Quod cum fiet, si bene ego horum hominū animos perspectos habeo, non commissuros puto, vt in ingratos tantū tuum donum collatum esse videatur. Nec tamen vltra progredientur, quàm vt de fructibus prouinciæ aliquid in istā Vrbem mittant, quò patronis & defensoribus suis optimum suum animum possint declarare. Sed hæc quæ aliena potestatis sunt, parcius à me sunt predicanda. Quod autem propriè ad me ipsum pertinet, cum intellegam, te in hoc patrociniò populis meis prestando, magnam honoris mei habuisse rationem: & ad tuam præstantem beneficamq; naturam aliquid momenti et ponderis addidisse eam beneuolentiā qua me prosequeris: vellem equidem, sed non inuenio apta verba, quib. tibi agam merit. & gratias. Sed tamen quas oratione exponere non possum, vt tibi aliquando rebus ipsis referam, omni amore, fide, studio, diligentiaq; curabo. Quapropter hoc officium in tempus aliud magis cōmodum reij-

ciamus. Ego, quod semper maximo opere optaxi, postea quam sum tua bonitate consecutus, ut in fidem tuam ac clientelamq; recipere: te rogo atq; oro Casarine praestantissime, ut eodem erga me animo esse perseveres. Principia mei absentis tuendi, atq; fouendi, à tua nunc libera voluntate profecta sunt: fuerunt enim tota humanitatis & liberalitatis tua. Nunc legem tibi ipse benignitatis constantiaq; tulisti: qua quidē lege summi viri, & nobiles, et magnitudine animi praecllentes, libenter astringi solent. Quorū tu similis & par, etiam hoc genere virtutis atq; officij nemini futurus es secundus: ut qui se tibi semel addixerunt, eos tu semper tua gratia autoritateq; protegas. Ego quae meae erunt partes, operam assidue dabo, ut neq; de tua erga me beneuolentia, neq; de mea in te obseruantia rubore vnquam vllō afficiare. Vale. Carpentoraeti, Prid. Non. Iulij. 1540.

IAC. SADOL. S.R.E. CARD. IACO  
bo Symonetae Cardinali, S. P. D.

**A**ccepi literas tuas, datas XVIII. Calen. Septemb. cum tu Vincentia id temporis esses: quibus summa cum mea voluptate, non semel, neq; bis, sed saepius lectis, in mentem mihi venit cogitare, quid tu tibi tādē appetens, cū multarum iam sciētiarum gloria laudeq; floreret, nostras etiā artes nobis ereptū veneris: in quibus nos, qui atatem in illis consumpsimus, cedamus iam necesse est tuorum scriptorum vbertati & elegantia. Ita enim scripta litera tua grauitate, ita ornatē, ita copiose sunt: ut non quae in iurisperito, sed quae in summo requiritur oratore copia facultasq; dicendi, ea in te

omnis

omnis infit. Sed profectò verum est quod dicitur, qui e-  
gregio ingenio sit præditus, cū ad omnes artes, omnia  
disciplinarum genera, facilem aditum introitumq<sub>3</sub> ha-  
bere. Quod tibi doctissime Symoneta contigit: qui cū  
inter iureconsultos nostræ ætatis habere omnium iu-  
dicio consultissimus: non contentus vna laude, vt cate-  
ris quoq<sub>3</sub> in literis ingenuis & liberalibus emineres,  
studio tibi omni esse elaborandum putasti. Verū mitta-  
mus hæc quæ satis sibi ipsa perhibent testimonium, meo  
vt testimonio nihil indigeat. Ad illam tuam eximiam  
præstantemq<sub>3</sub> humanitatem conuertor. Tantum ne,  
quæso, amoris tuo erga me indulgere potuisti, vt eis me  
laudibus afficeret, quæ longè iustius conueniunt in te,  
quàm in ipsum me? Etsi ego quidem illa legens, quæ  
tu mihi in tuis literis tribuis, gaudio quodam afficiebar  
penè singulari. Nō ea quidem in me cognoscens, sed de  
tua in me tam insigni beneuolentia mihi ipse gratulās.

Quamquam eo quidem me esse animo non inficior erga  
Remp. quo tu prædicas. Sed multa nimirū me deficiūt,  
vt illi possim & vtilitati esse, & ornamento, quæ ego  
à te petam, cū vsus fuerit: teq<sub>3</sub> ducē mihi et autorem  
rektorū consiliorū tam in ipso senatu, quàm in cate-  
ris rebus propositum habebō. De oratione mea sic vo-  
lo te existimare monita mihi omnia valde tua placuisse  
sed accidit casus sanē mihi molestus: vt in ipso motu re-  
rum, cū Roma migrandum nobis esset, iterq<sub>3</sub> Nicæā  
versus ingrediendum, schedula illa deperierit, in qua  
annotationes tuæ perscriptæ erant, cū saluas tamen  
litteras tuas mecū extulissē. Quare postea orationem

meam relegēs, quantum consequi memoria potui, cor-  
rexī ea omnia quæ tu minus probabas. Si quid fortè à  
me tum obliuione prætermisum est, si quando edenda  
erit oratio, iterum ad te meam lucubratiunculam mit-  
tā, vt de integro abste corrigatur. Eius ego orationis  
vnum tantum exemplum adhuc in Germaniā misi, ad  
Georgium Ducem Saxonie: sapientem & pium Prin-  
cipē: nullo meo inscripto nomine, magno opere rogās,  
vt ea contineatur domi, quoad is de suo ad me omni iu-  
cio præscripserit. Alterum cogitabam Patauium mit-  
tere ad meos familiares doctissimos homines: sine titu-  
lo tamen, & sine inscriptione: vt (qui meus est mos) a-  
micorum iudicijs mea scripta submitterem. Sed de his  
quoq; satis. Te Romam incolumem peruenisse, non-  
dum quidem mihi erat auditum: sed tamen cōfidebam,  
te iam venisse: itineris tui rationem dierum mecū ipse  
supputans, quomodo ea à te in literis tuis scripta est.  
Sum tamē in aliqua animi solitudine, et cura: quoad  
certò cognouero, vbi sis, & num rectè valeas: quod mi-  
hi profectò maximè (vt debet) cura est. Ego in his lo-  
cis hyemem hanc commorabor, cum sponte mea, tum  
tuo etiam amantissimo consilio adductus. Sed cum Far-  
nesius summi Pontificis verbis atq; iussu, me per literas  
euocarit, ad quas ego me excusans respondi: te vehemē-  
ter rogo, vt causam meam apud Pontificē agas, meaq;  
hic mansionem tranquillā & liberam, ad diem vsq; cō-  
ciliij, tua mihi autoritate præstes & tueare. Va-  
le. Carpentoracti, VI. Calend. Nouembr. M. D.  
XXXVIII.

IAC. SADOLET. S.R.E. CARD. IACOB  
cobo Simonetæ Card. S. P. D.

**I**ucundissima mihi litera tua. Iucundissima solum? imò etiam salutare. Quodd enim te saluū mihi et sospitem nuntiarūt, per eas mihi quoque incolumitas est restituta: de qua re, & tibi gratulor, & mihi gaudeo: Deumq̃, supplex oro, vt te in optimo statu diutissime valere iubeat. In ijs quodd tuam mihi opem & beneuolentiam paratam semper ostendis, iamdiu est cū ego ita iudico, neminem me habere neque amicum nec patronum, ad quem sidentius omni meo in negotio, quā ad te ipsum confugere possim. Quanquam facis tu quidem secus, quā ceteri omnes. Alij enim prius pollicentur, quā quicquam præstant: tua beneficia liberalisq̃, natura bene mereri antè incipit, deinde etiā verbis benignitatis officia prosequitur. Sed hæc & mihi aliās dicta sunt, & suis dicentur locis. Cūrā quam adhibes in conualescendo, laudo atq̃, probotēq̃, vehementer horro, vt nullum tibi studium sit salute tua potius: quæ ipsa quoque nobis tui amantiſſimis cōmunis tecum est: & in ea tamen est fons studiorum officiorumq̃, omnium. Signandorum libellorum ius, dandorumq̃, iudiciorum, quodd ultro tibi à Pontifice Maximo delatum sit, non ego miror in hoc factum optimi Pontificis: cui ita facere, si sua sapientia constare voluit, fuit necesse. Quis enim te peritior in eo munere suslinendo? quis iustior? quis iuriconsultior? Nec tuo commodo gaudeo, res enim plena est solitudinis & laboris: sed cōmuni hominum vtilitati & commoditati gratulor. Adeum

enim hominem ea collata est potestas, qui & sciat, & velit ius unicuique suū tribuere. Quare tu quidem eadē & integritate, & prudentia hoc munus tractabis quā cetera solitus es. Sed mihi accidit peropportunē, ut quod facturus fueram omnino, nunc propensius faciā: quando & pro amicitia, & pro aequitatis patrocinio, quod tibi cū semper antea, tum nunc maximē susceptū est, (siquidem factus es magister aequitatis, qui eras antea fautor) confido fore, ut me hi abs te populi facilius & melius, quacunque aqua postularint, cōsequantur. Quos notum tibi esse arbitror, quanta beneuolentia, & quo amoris studio, iam inde ab initio, cū Dei volūtate mea fidei & curā cōcrediti fuerunt, amplexus sim: verē ut parentū liberos charitati mea in illos beneuolentia nō cedat. Hi ergo nonnullis incommodis publicē oppressi, maximeque iniquitate et perfidia vexati Iudaeorum: quos nimium multis istinc honoribus, priuilegiisque insolentes, eorum calida crudelisque auaritia huic hominū generi perniciosos reddit: mittunt legatum ad urbem, à summoque Pontifice, & à sede apostolica remedia suis sanādis vulneribus querunt. Quos ego tibi quibus verbis cōmendē, nescio: cū illud te scire velim, multo plus, in eos si beneficia tua contuleris & si eorum causas ut cognoscas & defendas fueris adductus, quā si in me ipsum eadem contulisses, me tibi deuinctum, obligatumque futurum: quanquam fortasse nō est noua iam in me obligationi locus. Sed tamen sic habeto. Ex omnibus tuis in me meritis, quae plurima sunt, hoc me vel imprimis magnum existimaturum. De rebus suis ipsi te edocebunt,

neq.



neq; ita minēte, tua imprimis ope auxilioq; nitentur. Eos ego tua iustitia fideiq; commendo. Dedi etiam ad sacrum collegium nostrum super hac re literas: quas tu leges & perpendes, & tuo omnia arbitrio sapientiaq; moderabere. Polus amplissimus vir, certe incredibili quadam virtute animi & sanctitate vitæ præstans, totus tibi deditus est, plurimamq; tibi reddit salutem. Is in viam se daturus est hodie, aut cras, ut proficiscatur ad vos: cuius ego abeuntis desiderium non sine magna molestia perferam. Vale, & me, quod facis, dilige. Carpentora acti, V. Calend. Octob. M. D. XXXIX.

IAC. SADOLETVS S. R. E. CARD.

Francisco Turnonio Cardinali, S. P. D.

**P**rimū tibi ago maximas (vti debeo) gratias, quod tua opera & autoritate est factum, ut nos hic qui hybernis militum grauissimè pressi eramus, Regis clementia e. benignitate leuaremur. Quod tuum in meos hosce populos beneficiū hoc mihi accidit gratius, quā si in me ipsum propriè collatum fuisset, quod plus apud me ratio officij valet, quā commodi. Certè enim nihil est homini optandum, quod ego malim meū esse, quā eorum qui mee fidei & custodiæ ab ipso Deo crediti & commendati sunt. Sed grati animi nostri erga te declarandi alius dabitur locus. Nunc instat occasio ut eandem tuam humanitatem requiram, quam erga me propensam saepe iam expertus sum. Albertus Pighius, cuius tibi quoque nomē propter virtutis & doctrinæ excellentiam, auditum esse arbitror, istuc venit, aditurus Regem aliquot de causis. Hunc ego tuæ fidei huma-



nitatiq<sub>3</sub> diligentissimè commendo. Amo enim hominē,  
 idq<sub>3</sub> maiorem in modum. Nec solum amo, verum etiā  
 admiror. Facile enim intelligo, idq<sub>3</sub> audacter non dubi  
 to confirmare, eorum qui ex ceteris nationibus doctri-  
 na & literarum nomine ad cognitionem meam perue-  
 nerint, neminem neq<sub>3</sub> doctiorem, neque varijs scien-  
 tijs instructiorem atque ornatiorem, quā hunc, mihi  
 notum fuisse. Accedit, quōd Theologiae scientiam, qua  
 mirabiliter est praeclitus, ad eos vsus conuertit, qui ma-  
 ximè sancti & salutares populo Christiano sint. Sem-  
 per enim fidem catholicam, et ecclesiam Romanā no-  
 stram acri & inuicta propugnatione, plurib. egregijs  
 voluminibus editis est tutatus: vt hoc quidem nomine  
 noster illi ordo plurimum debeat. Quocirca cū ita se  
 habeat res, tuaq<sub>3</sub> in huiusmodi homines propensa sem-  
 per & benefica extiterit voluntas: oro te amplissime  
 Turnoni, et omnibus precibus rogo, vt hominem in fi-  
 dem & patrocinium tuum receptum, tua apud Regem  
 gratia, quae maxima est, foueas & tueare: atq<sub>3</sub> ad eam  
 benignitatem, quam tua sponte illi esses praestiturus,  
 aliquid quoq<sub>3</sub> praeterea mea causa addas, quo mihi fa-  
 cere nihil gratius potes. Illud tibi cōfirmo, si hominem  
 hunc humanitate tua et liberalitate fueris complexus:  
 maximam gratiam ab omnibus ijs, qui vbiq<sub>3</sub> terrarū  
 optimis artibus dediti sunt, initurum te esse. Vale. Car-  
 pentoraēti, Idib. Nouembr. M. D. XLI.

IAC. SADOLETVS S. R. E. CARD.

**N** Ambrosio Catharino Polito, S. P. D.

On potui perferre diutius desiderium tuū, quin sci  
 scis si-

sciscitarer ex te per literas, quid ageres rerum, quomodoue valeres: quod tamen æquius fuerat me cognoscere ex tuis literis: tuaq; in illis erga me beneuolentia habere testimonium: nec tamen puto me totum tibi ex animo affluxisse. Etsi enim habes patronum eiusmodi, præ cuius ingenio, virtute, elegantia, nos tibi fortè sordere videamur: tamen vt ille præstantia & grauitate dignitatis suæ superbū te aduersum nos reddere potuit: sic humanitate idem et comitate, qua singulari est præditus, docere te debuit, non esse absentium amicorum memoriā deponendam. Sed iam serio, mi Catharine: cupio vehementer audire quid agas. In studijs te esse arbitror: quod enim iam aliud tibi est negotiū? Veruntamen si mihi aliquando indicasses, quæ tibi opera nunc sint in manibus, valde mihi rem gratam mediussimè fecisses. Ego hîc quanquā familiaribus curis grauiter implicatus, quod multa necesse habeo extricare, quæ antea contraxi: tamen scribendi & elucubrandi curam non desero: volumenq; contexo, quod si Deo bene iuuante ex sententia processerit, non nihil certè arbitrabor esse actum. Habeo autē propòsitum argumentum, vt tu scias, de ordinib. & constructione catholica ecclesiæ: reliqua iam tu nosti. Magna res est, meisq; viribus longè superior: sed tamē quoniam semel suscepta est, non est per ignauiam abiicienda. In tantare vtaro pe & concilio tuo cum opus fuerit. Nunc volui te fieri participem consilij mei, vt videres et animaduertes, me ne in otio quidem otiosum esse posse. Otium porro est vbi Roma non est. Sed hæc hæcenus. Tu vt me dili-

gas, quemadmodum quidem soles, valetudinemq<sup>3</sup> tuā diligenter tuare, à te etiam atq<sup>3</sup> etiam peto. Vale.  
Carpent. V. 1 dib. Decembris, M. D. XXXVIII.

IAC. SADO L. S. R. E. CARD. AMBRO  
sio Catharino Polito, S. P. D.

**M**axima mea cum voluptate eum accepi librū, quē ad me de peccato originis misisti: in quo vt inscriptiones tituliq<sup>3</sup> indicant, sunt. & alia præclara multa. Sed huius loci planè cognoscendi summa quidem cupiditate sum affectus. Itaque quanquam solennibus occupatisq<sup>3</sup> diebus (hodie enim dominica mortis memoria recolitur) tamen cum hac pauca scriberē ad te ante lucem, iam bonam partem disputationis tue, nō tam legeram quidem, quāam eram belluatus. Tātam titulus ipse in me legendi cupiditatem excitarat: cū tuam præsertim lucubrationem scriptoris autoritas & doctrina mihi magnopere commendaret: & sanè omnia mirabiliter placebant. Sed ego ad aliam accuratiorem & attentio rem lectionem me reseruo. Quod tamen hæcenus perlectum mihi est, & subtiliter & perdoctè mihi videtur scriptum. Tu quod facis, vt perpetuò facere possis, Deum immortalem quaeso, vt te diu nobis incolumem conseruet: multa enim profectò tuo isto singulari ingenio, quæ in obscuritate diu iacuerunt, poterūt illustrari. Vale. et nos dilige Carp. XXV. Apr. 1541.

IAC. SADO LETVS S. R. E. CARDI.  
Ambrosio Catharino Polito. S. P. D.

**A**ccepi literas tuas plenissimas amoris: quibus à me petis, vt de tuo libro, quem de originali peccato edi-

edidisti, & quem penè totum maxima mea cum voluptate, impeditissimis dieb. illis, me quasi deuorasse ad te scripseram, proferam tandem quid sentiam & sensum meū tibi explicē. Addisq; humanissimè, si quid in sit, quo minus mihi placeat, te mihi aut ratione, aut emendatione satisfacturum. In quo agnosco equidem æquitatem et facilitatem tuā. Sed non est de hoc controversia, quid mihi in tuis scriptis placeat, aut secus: cum omnia mihi tua perplaceāt, siue ingenium in illis, siue in dicendo lepos et copia, siue ipsa rerum, quas tractas, enodatio subtilitasq; pendatur. Illud est, quod tibi à me indicandum esse puto, cum perlegissem librum tuū, visum quidem mihi esse, tuam opinionem, et sententiā refelli, reijciq; nō posse: tāta est vis in argumentis, tantus & tam inter se aptus rationum contextus, tantum acuminis & probabilitatis in dicendo. Sed vt solent qui vincti sunt, habere quidem constrictum corpus, & ad eius nutum necessariò paratum qui eos constrinxerit: quosdam tamen motus inchoatos & imperfectos eiusdem corporis sibi retinere, quibus frustra & inaniter nitantur: sic mihi, cum mea mens & cogitatio tuis argumentis capta & colligata esset, restabat tamē adhuc in animo nescio quid dubitationis & scrupuli. Itaq; cū tuum librum bis iam legissem, ad tertiā eiusdem lectionem me parabam: quò tibi postea liquidius totum animi mei sensum cogitatumq; exponerem. Sed scito hac mutatione rerum, quæ incidit in his locis, Legato superiore vita furcto, nouoq; suffecto, tantum mihi laboris & negotij contractum esse, vt non modò legendi, at t

scribendi, sed ne consistendi quidem villo certo in loco fuerit potestas. Cogor enim homo omnium quietissimus, meorum interdum populorum causa, hoc est, eorum qui mea fidei & cura crediti sunt, non mediocribus arumnas & sollicitudines capere. Quod si aut mihi dabitur otium, aut tu forte aliquando in has regiones te contuleris, aut scriptis inter nos, aut coram communicabimus ea quae de hoc ipso originali peccato, vel dubitanda nobis, vel comprobanda videbuntur. Nunc tibi hoc significo & nuntio: nec tuo mihi libello doctius aut ingeniosius quicquam, nec eo argumento quod tractas difficilius videri posse: & superesse tamen adhuc quiddam, quod mihi à te cupiam diligentius explicari. Nam speculo illo tuo hereticorum (tertium enim librum de vera iustificatione nondum legi, eisdem, de quibus dixi angoribus animi impeditus) possum tibi confirmare, nihil me vnquam nec eruditius legisse, nec quod cum singulari eximiâq; doctrina, plus etiam prudentia & vera religionis coniunctum habeat. Vale, & nos dilige. XIII. Calend. Iunij, M.D.XLI. Carpentoracti.

IAC. SADOL. S.R.E. CARD. AMBROSIO Catharino Polito, S. P. D.

**V**T primum otium et tempus scribendi nactus sum, duxi esse rescribendum eis literis, quas ego abs te superioribus diebus mihi iucundissimas accepi. Atque eo magis duxi, quod cum legissem iterum tuum de perfecta iustificatione librum: atque eodem ferme tempore vna ad me ab Vrbe essent allata scheda, in quibus erant perscripta capita, de quibus in conuentu Ratisponensi

nensi inter Theologos nostros & aduersarios conuenisse dicebatur: facile intellexi tuam sententiam ab illiusmodi concordia discrepare. Quain re mea semper opinio tue rationi, quæ in scriptis tuis sese ostendit, suffragata est. Nunquam enim mihi persuaderi potuit, fidem solam per se sine operibus bonis ad adipiscendum regnum Dei idoneam censi debere. Tu videlicet & doctius et explicatius ista disceptas. Sed mihi tecum eadem rei summa est, ut iudicem, ad veram iustificationem fidem cum operibus coniunctam esse oportere. Et scripseram quidem ipse quoque, ad Urbem quod mihi sentiendum in hac causa esse videbatur: cuius mea pagella misissem ad te exemplum, ne omnia in tuo libro multo diligentius enodata declarataque, reperissem: qui liber mihi mirifice probatus est. Misi autem earum exempla pagellarum, quæ ad me ex Urbe perlata sunt: ut videres, et animaduertes, ecquid ea concordia Christianæ rei utilis & salutæ haberi deberet. Verum tu hæc considerabis diligentius. Ego tuam de providentia & predestinatione lucubrationem summopere expecto: spero enim hausturum me inde nitidissimas aquas, quibus mea diuturna sitis, & illarum rerum aviditas cognoscendi, summa mea cum voluptate aliquando expleatur. Tu, quaeso, da operam, ut illam primo quoque tempore accipiamus: quod facile tibi erit factum, propterea quod inter bibliopolas Lugdunenses et Parisienses frequens est harum rerum commercium. Ego ut scripsi ad te antea, à literis aliquandiu feriatum fui, & nunc æstiuis caloribus impediore, quo minus (quemadmodum vellem) ad earum consuetudi-



itudinem me referam: quod tamen paulò post videor esse factururus. Tu quoddam Lugduni commorari annū hunc statueris, mihi valde gratum: spei enim nonnihil habeo fore ut interdum nos (quod commodò tuo facere possis) inuisas. Illud me perpugit in extrema tua epistola, quoddam optimum & coniunctissimum collegam meū Nicolaum Gaddum, laborare febricula scripsisti: quo nihil mihi potuit accidere molestius. Incredibile est, quāti ego illum, quanti summam illius humanitatem, mitissimos mores, imprimisq; notam mihi et perspectam erga me beneuolentiam faciam. Quapropter si me amas, vise eū quamprimū meo nomine, meisq; verbis amantissimè saluta: et hortare etiā atq; etiā ut omnem curā et diligentiam ad conualescendū adhibeat. Abs te autem peto, quesoq; ut primo quoq; tempore facias certiores. Vale. Ex suburbano nostro Carpentoractensi.

IAC. SADOL. S.R.E. CARD. HERMANNO Archiepisc. Colonienfi, S. P. D.

**C**VM legissem commentarios, quos tu de cōcilio episcoporum prouincia tua, more maiorum per te habito actōq; de corrigendis moribus sacerdotum, deq; ecclesiæ sacramentis eruditissimè scriptos, in lucem edidisti: equidem cōmotus admiratione tui præstantissimi consilij; eiusq; actionis, qua nulla maior hoc tempore, nec Christianæ Reip. utilior suscipi potuit: auxi maiorem in modū beneuolentiā erga te meam, quā aliquot de causis conceptā antea habebā: teq; et magnum virū & optimum antistitē, omniq; honore ab omnibus dignissimum iudicaui. Nō enim solum tu primus aliquot



iam seculorum spatio eam ad ritè & sanctè gerendum sacerdotiū tuum, viam tibi aperuisti, quæ antea ob diu-  
 turnam desuetudinem, tãquam impeditissimis stirpib.  
 penitus erat obsepta: sed etiam ceteris exemplum illu-  
 stre prabuisti, vt te imitarètur, si qui vellent, & si quo-  
 rum in cordibus pietas & religio Christiana locum ali-  
 quem haberet. Nec tamen omnibus hoc liberum for-  
 tasse, nec par atque eadem cunctorū conditio est: Vidi  
 enim ego, cū in Vrbe essem, & cū in senatu nostro  
 hac de comuni omnium Episcoporum concilio haben-  
 do, causa ageretur: multa reuera ostendi impedimēta,  
 quæ Pontificis Maximi studium retardarent. Sed tamē  
 ego & tunc ita sensi, & nunc sentio, aut vna hac ratio-  
 ne concilij ritè congregandi, subueniri posse his tot in-  
 commodis quotidianisq; derimentis, quib. vrgetur &  
 ad interitum agitur Christiana Respu. aut si hoc reme-  
 dium non sit profuturum, nullo alio hominum consilio  
 à peste summi exitij Remp. posse prohiberi. Non enim  
 si concilium castè legitimeq; habitum non prodcrit, alia  
 erit expectanda medicina quæ opē ferat. Sed illud cer-  
 tè ab omnibus nobis existimādum, Deum infensum de-  
 lictis nostris, repositentemq; à nobis scelerum et pecca-  
 torum pœnas, quæ ipse ad summum intelligat esse per-  
 ducta, supremū iam decretū de interitu nostro fecisse.  
 Quapropter occurrere illius iracundia nos oportet;  
 & precibus atque operibus quæ à vera humilitate in  
 nobis, vera religione, vera pœnitentia veterū malefa-  
 ctorum, nouaq; insequentis vitæ integritate et iustitia  
 proficiantur, anteuertere vindictæ seueritatem, cui

ius lenitatem tolerantis cādiu despeximus. Hoc enim si egerimus, & confugerimus ad ipsius misericordiam, gemitusq; eos ediderimus, quos acer peccati dolor à nobis expresserit: flectetur ipse, & vt bonus est infinitè, ac misericors, conuertetur ab ira sua, simulac nos conuersos à peccato senserit. Quo nobis reconciliato atq; placato, cessabunt continuò ista quæ nos domi forisq; perturbant, non solum hostilis arma crudelitatis, sed etiam venena domestice perfidia. Verùm hac reconciliatio nullo alio prorsus pacto vniuersa & integra cōmodè fieri potest, nisi generalis conciliij quodam quasi feriēdo fœdere sanciat. Nam si vniuscuiusq; arbitrio (id quod ferè nūc fit) sua vitæ correctio permittatur: primum, haud ita multi sunt, qui sua spōte moueantur ad piè religiosèq; viuēdum. Deinde, quàm multos esse existimamus, qui iter rectum nesciāt: quā multos, qui in hoc vitiorū regno, quæ nostra hac etate plurimum pollent vigentq;, multa sibi arbitrentur licere, quæ tamen improba & reprehendenda sint. De quibus etsi possunt à sacris literis, & earū gnaris ac peritis doctoribus admoneri, tamen in hoc penè cōmuni generis humani ad vitia consensu, obstreperit bonis & veris admonitionibus mala consuetudo, magisq; pleriq; mōres suos ex prauis eorum qui præsunt moribus, quā ex eorundem proba oratione effingunt: cū præsertim seuera lex nulla sit, quæ homines à delinquendo coerceat. Quanquam non desunt quidē leges seuera, et graues: sed earū fidi custodes profectò desunt, defuerūtq; iam diu: ita vt non prauis solū, & vitia ipsa consultiò sectā

ribus: sed etiā ceteris, quos bona disciplina fortasse, si  
esset adhibita, efficere bonos potuisset, ampla præbita  
sit occasio, vel illecebra potius, corruptè, inquinatèq;  
viuendi. Quibus omnib. dānis & detrimentis, diuināq;  
vnā aduersum nos ira mederetur sine vlla dubitatione.  
concilium, quod & ritè indictum esset, & ex fide bona  
ageretur, si in id non solū à Rom. Pontifice, & à nobis,  
verū etiam à reliquis Christianis principibus conue  
niretur. Quod enim publicæ vtilitatis causa compara  
tum est, omnium debet assensu et comprobatione firma  
ri, præsertimq; eorum, qui opibus & potentia antecel  
lunt, quorum ceteros possit autoritas permouere. Tale  
igitur si haberetur, celebrareturq; concilium, nō dubiū  
est, quin aspirante bene cæptis rebus Deo, hominū stu  
dijs consentiētibz, misera & infelici præsentis nostrī  
status conditione demonstrata, facilis esset & parata  
in Christiano nomine malorum morū emēdatio: quod  
& veteres leges sanctæ & salutares de integro sancī  
rentur, & nouæ promulgarentur: malig. pœnarum &  
ignominiarum metu, ceteri exēplis doctrinaq; sacerdo  
tum ad vera pietatis & religionis erga Deum officia  
redigerentur: totaq; consentiente in laudem Dei, et in  
correctionem Christiani populi catholica ecclesia, ex  
multis personis, vt est ab apostolo Paulo dictum, multi  
plices preces & gratiæ referrentur ad summū Deum.  
Quod si hoc modo coire fortasse consilium non possit.  
(video enim tempora, video difficultates) multum sibi  
omnino de spe nostra detractum. Sed tamen si qua reli  
qua ratio iniri queat, non tam confirmanda nostra qui  
dem

dem nec stabilienda, quàm ad tēpus aliquod sustentan-  
da salutis : ea mihi in isto potissimum concilio videtur  
esse posita, cuius tu initiū in tua prouincia fecisti, remq;  
omnium pulcherrimam et Deo acceptissimam es auspi-  
catus. Sic enim statuo, post Christi Dei nostri aduen-  
tum ad nos, missionemq; ab eo Apostolorū ad exteras  
gentes, nulla magis re creuisse, amplificatāq; esse Chri-  
stianam & religionem & Remp. quàm his prouincia-  
libus Episcoporum conuentibus, qui per nationes &  
prouincias anniuersarij fiebant. Qui mos iam pridem  
vnā cum plurimis alijs optimis & probatissimis, peni-  
tus extinctus, magis desiderare nos cogit vetusta tem-  
por., quàm hodiernis confidere. Hunc igitur sanctissi-  
mum omnium & praeclarissimum morem, quod tu in  
lucem & vsum reuocare conatus es, tuaq; virtutis &  
religionis exēplo, tanquā quodam altè sublato lumine,  
aut ostendisti, aut certè in singulos dies es ostensurus,  
qui sint in Christiano sacerdotio Archiepiscopi aut pri-  
mates illo honore & loco digni, & qui secus: verè tibi  
dicam Hermanne optime, & sapientissime nulla mihi  
laus videtur cum tuo isto facto posse comparari. Et si  
non his quidem rebus & actionibus laus hominum  
queritur, sed ad Deum sunt directā huiusmodi cōsilia:  
qui vnus nostra merces, nostrum praeium est : et cuius  
in sancto nomine qua geruntur, ea sola & recta et glo-  
riosa sunt. Cuius quidem Dei immortalis & omnipotē-  
tis remunerationi atque iudicio quoniam sunt bona ho-  
minum opera reſeruata, equum est, vt nos hīc de illis  
parcius commemoremus. Venio nunc ad sacramento-

rum librum, quod tu Enchiridion appellas, cuius sum letitione incredibiliter delectatus. omnia enim quæ pro Dei causa, & catholice fidei ac religionis propugnatione, aduersus illius inimicos et obrectatores afferri possunt, sunt à te in eo libro accuratissimè collecta: talibusq; explicata cum verbis, tum sententijs, vt cum summa rerum in illis diuinarum cognitione, sedatus planè animus, & in docendo redarguendoq; singularis modestia coniuncta appareat. Quæ scribedi ratio verè Christiana est. Non enim tantum in verbis pietas, sed etiam in moribus multò magis requiritur: in quibus verior quoq; Christi est imitatio: cui cum malediceretur, ipse nemini contrà maledicebat. Proinde sit hæc aliorum propria insolentia clamare, maledicere, conuitia iacere, et inuehi petulanter: atq; utinã ne sit quidem: à cunctisq; potius & animi equitas, & studium amplectenda veritatis adhibeatur. Nos sanè mansuetudinem & Christianam charitatem teneamus, quæ à te mirificè in tuo libro retenta est. Itaq; mihi non solum admirari et laudare doctrinam tuam, sed etiam morem diligere necesse est. Es enim tu, quod hoc tempore rarum est, non solum sciëntia, sed etiam vita Christianus: quã nobis imaginem præstantis & virtutis & eruditionis tuæ, tuæ scripta representant. Atque hæc hæc haclenus. Vnum tantum in tuo libro est, quod ego desiderarim, quodq; mihi percontatione dignum visum sit. Sum enim tacitus mecum nonnihil admiratus, quòd tu capite eo libri tui, in quo de sacramento pœnitentiæ verba facis: vbi ad tertium illius membrum, quod satisfactio est, venit, nul-

lam prorsus in eo mentionem purgatorij facias, cum et hoc maximè locus ille requirere videatur, & nos cum catholica ecclesia vnà teneamus, illa satisfactionis opera non tam ad desinendas temporarias pœnas, quas in hac vita à nobis pro peccatis nostris Dei seueritas reposcit, quàm ad leuandas illas & mitigandas, quæ in altera vita nobis purgandis proponuntur, vim habere. Nisi hoc fortasse tu eodem modo intelligis, in pœnasq; temporarias etiam eas includis, quæ subeuntur in purgatorio igne. Est enim temporarium, quicquid non est æternum. Veruntamen (vt mihi videtur) oportuit in eo loco aliquam purgatorij fieri mentionem: ne aduersarijs in hac re fidem catholicæ ecclesiæ impugnâtilibus, quasi quodam silentio victoria traderetur: qui iniuste coriè & sine ratione insimulant Ecclesiam. Nam si remissa nobis culpa à misericorde Deo, pœna tamen aliqua restat, quæ soluenda sit, vt tu quoque piè religiosèq; confirmas: non potest huiusmodi pœna ex his tantum huius vitæ temporalibus incommodis censerì. Primum quia hac incommoda Christianis hominib. non semper mala sunt, sed habent plerunque virtutis in se & patientiæ exercitationem: vt sape à Paulo repetitum legimus, sapientiq; bonis inferuntur à Deo, quàm malis. Siquidem oportet Christi sectatores multa in hoc pati seculo, vt confirmet erga se promissiones Dei, quæ admodum scriptura sacra multis in locis testatur. Deinde multi, qui grauias & improbas multas ad miserunt, postquam redierunt ad cor, & ex pœnitentiâ in gratiam sunt restituti, pœnas tamen hæc in hac vita effugerunt: in quo esset quæ-



quædam quasi iniustitia summi iudicis, si nullas usquã  
hi soluerent peccatorum pœnas, et nimirum nisi pœna  
in purgatorio abeuntibus his ex hac vita, quanquam à  
culpa absolutis, sint proposita (si tamen pœna appel-  
landa sunt, quæ non puniunt, sed purgāt) videatur va-  
cillare Dei seueritas, & iustitia: cuius ratio reddi ido-  
nea nulla potest, quamobrem ex eodem scelere hic in  
hac vita à Deo puniatur, ille impunitus euadat: nisi, q̃  
& impium est ita de Deo cogitare, & in purgatorio  
aqua sit omnium compensatio. Deinde, cuius esset er-  
roris accersere sibi quempiam præsentia corporis in-  
commoda, ut futura in hac eadem vita deuitaret: ieiunare,  
algere, sudare, bona sua elargiri: ut paupertatem  
in posterum effugeret, ut ærumnam, ut vigiliam, ut fa-  
mem, præsertim quæ forsitan nō essent euentura, sicut  
non omnibus qui peccarunt eueniunt? Non cohererēt  
istæ, si effugiendarum huius tantum vitæ temporalium  
pœnarum causa pœnas quasdam nobis in satisfactione,  
voluntarias adscisceremus. Sed hæc opera satisfactio-  
nis suscipiuntur omnia, primū obedientiæ & humi-  
lilitatis causa: Deo enim & sacerdoti sic præcipiēti ob-  
temperamus: deinde, ut aliquo nostri hic corporis in-  
commodo aut tollamus omnino, si fortè datum sit, aut  
certè minuamus alterius vitæ purgatorias pœnas: ea-  
rumq; aut magnitudinē, aut longinquitatē contra-  
hamus. Quæ potior mihi ratio ex sententia ecclesiæ  
semper visa est, quare nobis sacerdos confessis peccata  
nostra, opera illa satisfactoria post absolutionem im-  
peret: quæ etsi valent, aptaq; sunt ad nos in bono mo-



re recte q<sub>2</sub> pie q<sub>3</sub> agendi, magis confirmandos, quod et cōfiteor, et tecum vnā, cum q<sub>3</sub> ecclesiasticis ceteris doctōribus sentio: tamen id potissimum in illis spectatum est, vt quo ad possumus, post extremum diem, semper abundate erga nos Dei misericordia, aut nulla aut leuia purgatorij ignis cruciamenta perferamus, cum eorum iam nonnullam in hac vita eiusmodi operibus subierimus partem. Hac habui Antisles optime et praestantissime, quae tibi à me putarem literis esse declaranda: qui & eximjs tuis virtutibus mirabiliter faueo, omni q<sub>3</sub> tibi cultu & beneuolentia sum deditus, & in qua re aliquid à te praetermissum putem, ingenuè de eo tecum & liberè loquendum arbitror. Tu si mecum erga dignitatem tuam studium amorem q<sub>3</sub> singularem paritua in me voluntate exceperis: efficiam profectò, occasione oblata, vt neminem tui amantiorem quàm me facile reperiās. Vale. Carpentoraçti, III. Calend. Decembr. M.D.XLI.

IAC. SADOLETVS CARDINALIS  
Ioanni Hurtado Mendozæ  
S. P. D.

Acobus, & Martinus monachi Hispani, duo (quantū lego ex breui cum illis sermone perspicere potui) religiosi homines, & egregiè prudentes, cū à superiore vsq<sub>3</sub> India in has nostras regiones, adeūdi cōuentus causa, qui ipsorum ordini in Italia indictus est, se conferrent: mandatum sibi abs te esse dixerunt, vt hac haberent iter, mihi q<sub>3</sub> salutem tuis verbis dicerent, et de tua erga me insigni beneuolentia narrarent: quam quidē

non solū ex eorū sermonibus testimonioq; cognoui, sed ex tuo erudito & pereleganti carmine, quod ad me misisti, aliquanto etiam luculentius. Vidi enim & perspexi ex ipso poemate tuo, & quā ingenio valeas, quāq; sis liberalibus artibus instructus, & quātum me, quamquam tibi de facie minimè cognitum, diligas. Quorum alterum facit, vt tu & mea, & omnium beneuolentia dignissimus meritò iudicare: de altero ago tibi atq; habeo magnas gratias. Non enim mediocrem animi voluptatem capio, cū sentio, me à tali viro, qualis es tu et probari, & diligi. Quòd si me non indignum his studijs, quibus vterque nostrum deditus est, existimas: debes hoc tibi persuasissimum habere, me non concessurum tibi esse, vt in amando sis superior: sed quod & communis humanitas, & mea natura imprimis postulat, omnia me facturum, si oblata fuerit occasio, quamobrem tu de mea erga te voluntate nō minora indicia habere possis, quā ego habeo de tua. Quare, quod ijdem monachi mihi exposuerunt, cupere te quādam tuam lucubrationem à me perlegi, & meum de ea iudiciū tibi indicari: vtinam quidem aptus sim ad id præstandū quod tu requiris. Sed certè quicquid in me est vel ingenij, vel facultatis: et si est exiguum, tamen ita tibi totum promptum & paratum est, vt eius ad tuum omne arbitrium renocandi, & quocunq; libuerit tibi, conuertendi, summam habeas potestatem. Hunc ego animum cū nobilitati debeo & præstanti virtuti tuæ, tum ipsi præcipuè amori, quo iam tibi in perpetuum sum deuinctus. Vale.

Car pentoraacti, XV II. Calend. Aprilis, 1541.

## IAC. SADOLETI S. R. E.

CARDINALIS, EPISTOLARVM  
LIBER XV.

IAC. SADOLET. S. R. E. CARDIN.

Herculi Gonzagæ S.R.E.Cardin. S.P.D.



Vm esset nūtius ad nos allatus de morte præstantissimi viri, atque omnibus nobis charissimi, Federici fratris tui, equidem cum cepi animo dolorem, quem & meus perpetuus erga vos amor, & ratio ipsa temporum, conditioq; afflicta Italia postulabat: quæ alijs compluribus incommodis detrimētisq; affecta, hoc quoque nunc amisit præsidium, quo videretur in aduersis rebus nonnihil posse subleuari. Itaque luxi non propriam tantum familia vestra, sed communem Italia calamitatem, à qua si noster hic dolor disiunctus esset, cætera sanè ferēda nobis modicè essent. Non enim mihi conueniret, neque tibi, qui spes in Deo nostras collocatas habemus, quiq; optimè nouimus, non esse hanc nobis valde expetendam vitam, quæ mortalitate fragilis, & semper infesta est: sed illā alterā potius optandam beatā & immortalē, ad quam nos pietas et Christianæ religio deducit, vnius hominis morte tantopere commoueri: de quo præsertim spe bona nixi essemus, aditū illi in cælum, atq; iter diuina clementia esse patefactum. Non igitur, inquam, id me maxime permouit: qd esset fratris tui, non extincta illa quidem, sed translata in melius cōmutata vita. Cogitabā enim

enim primum, nihil illi ipsi omnino mali accidisse. Deinde videbam, domui vestra paratum in tua virtute, sapientia, amplitudineq; subsidium: populosq; eos, qui vestra ditione imperioq; reguntur, sine ullo penè rerum commutatatarum sensu, in eadem erga vos fide officioq; mansuros. Atq; in omnibus, his rationibus & argumentis apposis ad consolandum, amor tamè ipse tanquàm stimulos quosdam doloris admouebat: quot tibi tecum statuo fuisse cōmunes, quanquàm tu vnus hominis morte mœres: ego & eadem morte, & tuo insuper dolore non mediocriter moueor. Non enim mea erga te vulgaris est beneuolentia: sed & magna, et multis de causis, iustissimisq; suscepta. Etenim patiēre nunc tu quidem me meum de te liberè proferre iudiciū: non enim blandiēdi causa loquar, sed verè de te dicā quod sentio. Ego paucos homines mihi vidisse videor: quanquam quid dixi paucos? vtinam alter mihi facile veniret in mentem, qui tecum videretur esse comparandus. Sed tamè paucissimos esse iudico, qui tanta in nobilitate, tantam mansuetudinem: in tam amplis domesticis copijs, tam modestum earum vsum: in tam corruptis horum temporum moribus, tantam aequitatem, temperatiam, moderationem animi præsent atq; exhibeant: quanta in te mihi cognita iam pridem, atq; perspecta est. Sūt alij insignes viri, atq; in Collegio præcipuè nostro, omnium virtutum laudibus excellentes, quibus suus honor, & sua debita laus tribuenda est. Sed tua ista præstans eximiaq; nobilitas, cōsociata pari adiunctaq; virtuti, omnia in facit maiora atq; illustriora. Accedit id, quod

maximū est, & quod ego pluris facio quā reliqua om-  
 nia, quodd timorē illum Domini, quē initium sapientia  
 vocant sacra litera, qui aut eas literas subtiliter et piē  
 interpretati sunt, ex illo non inchoari modō, verum eti-  
 am perfici sapientiam differauerunt; (non enim eum ex  
 eo genere timorem esse, quem eijciat foras atq; expel-  
 lat, sed quem augeat magis et cōfirmet ipsa charitas)  
 hunc timorem inquam, qui est robur animi nostri, &  
 fortitudo, per quem Deum nobis ante oculos ponimus,  
 arbitrumq; eum, & iudicem omnium nostrarum actio-  
 nū constituimus: in tuo versari animo atq; herere sem-  
 per sensi. Quo non maius mihi, neq; certius argumētū  
 confirmata in te ipso virtutis, egregiaq; in Christianā  
 Rempub. volūtatis, vllum offerri potest. Sed quorsum  
 hac? Non enim sine causa hac suscepta est impraesentia  
 tuarum à me virtutum commemoratio. Dabit porrō  
 mihi vel atas mea, vel tua potius humanitas, fiduciā &  
 libertatem, quae visa fuerint, loquendi. Non enim aut  
 nō vera, aut nō cum maxima tui charitate loquar. Ista  
 in te peregregia quae dixi, faciunt vt veniam in rerum  
 pulcherrimarum spem: abs teq; requirere & postula-  
 re audeam: vt omnium oculos hoc tempore in te puter  
 esse coniectos. Certē enim impositum tibi est regere  
 Mantuae ciuitatem, illosq; vnā populos, qui familiae vo-  
 stra fidei, curae, vigilantiaq; commisi sunt. Sic enim fra-  
 terna necessitudo, & tutoris nomen tuaq; imprimis di-  
 gnitas postulat. In quo uidendum tibi est, Hercules o-  
 ptime & praestantissime, in quem et rerum statum, &  
 temporum, tuum hoc munus incurrat. Habemus patriā

omnes Italiam, quā vt charissimam parentē diligere debemus. Ea porro hac etate quemadmodum perdita afflictaq<sub>3</sub> sit, nec solum domesticis malis, sed externis etiam periculis terroribusq<sub>3</sub> concutiatur, obscurum ne mini est. Patet enim, neq<sub>3</sub> oculos solum ea res nostros, sed intimos etiam sensus, et cor ipsum vulnerat. Quid ergo est? omnes qui illius sumus alumni, officio surgere ac pietate debemus: & tanquam parenti optimē merita opem pro se quisq<sub>3</sub> & auxilium afferre. Nec tamen imminentibus aliunde & extrinsecus malis obuiā verē vnquam ibitur, nisi prius domestica fuerint emendata, atque correctā. Quibus Vtinam mederi viriusque nostrum esset, vigeret summa inter nos profectō salutis & dignitatis publicae constituenda concordia. Quod etiam non leuiter tentatum quādoq<sub>3</sub> est, vt videremus quid proficere possemus. Nunc quando ego penitus exclusus sum, tuq<sub>3</sub> in eum locum adductus, vt si non re tota, neq<sub>3</sub> vniuersa potestate, at praclaro tamen rectē imperandi beneq<sub>3</sub> regendi exemplo, plurimum opis ferre laboranti patriae possis: ego tibi exponā breuiter, quae in hac re dicenda meo animo occurrunt, & tu plura etiam, & meliora pro tua sapientia cogitabis. Omnium malorum, exitiorum, calamitatum, quib. per hosce annos vexata Italia est, et nunc cū maximē ad interitū prolabitur, fons & origo (mea quidem sententia) ex praua ratione gubernandi populos manauit: quibus ad eum modum principes imperant (de ijs loquor qui in culpa sunt) vt illos non in numero hominū, sed in gregibus videantur habere mancipiorum. Ad semetipsos

enim in gubernando omnia referunt: non (quæ vera est principatus ratio & via) salutem suorum & commodum spectant populorum. Ita fit, ut nec ipsi iam qui imperant, dignos imperio vlla ex parte gerant animos: et quibus imperatur, hi a seditate onerum & acerbitate exactionum exhausti, oppressi, lacerati, tanquam omnia iam desperantes, lucem quodammodo fugiant, omneque virilem animi motum atque sensum abijcere cogantur. Nam dum omnibus rebus, & fructibus, & operis, & advectionibus, atque euectionibus, ipsis etiam itineribus, & vijs, passim vectigalia imponitur, nominaque, cõquiruntur tributorum indicendorum, nihilque tam tenue, neque tam vulgare, neque tam sordida est, quod suo onere portorij permittatur vacare: fitque ita quotidie, nec in cogendis quacumque ratione pecunijs tempora discernuntur: seruitque ista exactio delicijs, non necessitati: primum illi qui sic imperant, mergunt ipsi sese in curas ignobiles & contemptas: fractumque minutis illis & quotidianis sollicitudinibus animum, nullam ad rem splendidam, & principibus dignam viris queunt attollere. Non enim idem laudis & sordium domiciliũ esse potest: neque in qua mente pecuniarum summinula, subductiones, ratiunculae, omnibus penè versantur horis, in ea mente licitum est consilijs præstantibus, non modo sedem suam, sed ne vestigium quidem ponere. Nemo igitur, huiusmodi iam populorum rectores amplum aliquid de Republ. & de sua dignitate cogitare existimat: & unde lumen aliquod possit misera Italia, atque extrema metuenti, melioris spei salutisque illucescere. Quid? qui serviunt his,



• & subiecti sunt, sic tractati, exinaniti, et vexati, afferrentne vnquam animos ad laudis spem & ad cupiditatem gloria erectos? vt eorum aut in pace consilijs, aut fortitudini in bello possit acquiesci? Minimè istud quidem. Itaq; quod accidere te sequi talia in gubernando consilia necesse est, omnia & in moribus hominum nostrorum, & in voluntatibus, hac quidem aetate, vsque eo sunt inquinata, peruersa, corrupta, conturbata, nullo vt antiqua illius virtutis & praestantis disciplinae, in genere hominũ suapte natura nobilissimo eodemq; fortissimo, vestigiũ appareat, quod totũ ex praua & imperandi consuetudine, & parendi vsu, cuenire cernitur. Et sunt qui mirentur, cur generosos illos spiritus, & magnificos animos, quorum apud maiores nostros tanta redundauit copia, iãdiu parere & procreare Italia desliterit? Quasi verò nō videamus, etiam si indoles & natura seminis bona sit, praua tamẽ cultura, & praepostera educatione eam corrumpi. Effet eadem nimirũ Italia, quae iam fuit, si eadem qua quondam, disciplina, eisdem item consilijs institutisq; regeretur. Cuius inenda rectè gubernandi rationis & via, cùm Principum virorum sit potestas: iccirco paulò antè dixi, licere nunc tibi diuo quodam (vt arbitror) cõsilio, praclarum imperij & populorum gubernationis exemplum, tua ipsius virtute atque prudentia, ante oculos omnium ponere & constituere, quod imitentur, si qui fortè erunt, qui semetipsi, et ancipitem ac dubium suarum fortunarum statum, exitiumq; impēdens parenti nostrae Italiae respicere velint. Quae tibi profectò facilis (si be-

ne vim ingenij & altitudinem animi tui habeo cognitam) imperandi, & moderandi populos ratio futura est. Nā & laxare eos angustis tot illis & concisis exactionibus oportebit, locumq; illis & spatium respirandi concedere: eaq; tantum vectigalia retinere, qua non ad domesticas delicias, superuacaneosq; apparatus, sed ad continendam & vinciendam communem utilitatē pertineant. Homines autem eos qui tibi sunt subiecti, pro cuiusque genere, institutis, & vita, appellare liberaliter, excipere, adhibere: à plebe propulsare famem, atq; iniurias: lautioribus ciuibus communem te affabilemq; præbere: aduocare tibi interdum in consiliū eos, qui ingenio & rerum vsu politiores ceteris esse videantur: castigare verbis errantes: honestis studijs & actionibus deditos laudare, atque extollere: & si incidat ut commodè fieri possit, beneficijs etiam eos tuis muneri: quod his maximè modis & rationibus in hominum animis inseritur, & quasi ingeneratur, amor ille virtutis, & cupiditas acrior quadam comparanda sibi laudis & gloria. Quæ quorum insedit in mentibus, et accensa est: hos illa fortes, & fideles, & ad omnia adeunda pro suo Principe pericula paratos facit. Quo maximè hominum genere & nostra ætas, & communis patria Italia indiget. Atq; hi qui sic reguntur & instituntur, qui temporibus tranquillitatis & otij liberè agerere vrbanas suas, et soluto animo rusticari possunt: neq; illis semper exactor, semper tributū, semper crux aliqua ante oculos est proposita: idem vbi tempestas & periculi terror intonuit, non opibus solum, sed studijs

dijs etiam suis, & animis, ad propulsandum tanq̃ commune incendium alacres concurrunt. Sed ego longius labor, praesertimq̃ tecum, qui abundas ipse per te consilio: nec mea aut cuiusquã admonitiõe indiges. Quod mi ignoscas sanè velim, non enim te docendi, sed et beneuolentia mea erga te declaranda, & mei sensus atq̃ animi, quem in Rempublicam habeo testificãdi causa, vltèrius fortasse quàm decuit, aliquantum sum prouectus. Et tamen arbitror omni hac mea scriptione esse patefactum, quid de tua eximia excellenteq̃ natura ego sentiam: et quàm ea abs te expectẽ, quã nisi à viro fortissimo, & ab homine sapientissimo non queunt expectari. An ego, cùm viderim (quod sanè sum non leuiter admiratus) honorem hunc quo vterq̃ nostrum sacra collegij necessitudine coniunctus est, maximum illum quidem, et in Ecclesia Dei amplissimum (quem cæteri ferè omnes tanto sibi ambitu expetere consueverunt, non spiritualium ornamentorum, ad quã institutus est, sed terrena, & mundana dignitatis consequenda causa: atq̃ vt oculos hominum fulgore purpuræ, nō animos religione & continentia vite perinoueant) cū inquam, viderim, hunc honorem ipsum, in quo tibi præcipuè tanta in familia nato, concedi posse videbatur, vt altior ex eo atq̃ honoratior inter homines incederes: tamẽ à te intra suos fines ita esse reuocatum, vt is tibi, quemadmodum quidem debet, pietatis erga Deū monumentum assiduū sit, non instrumentū ambitionis: idẽ ego verèbor expectare à te, aut petere, vt errorem alterum seculi nostri, in re quidem dispari, ex ipsa tamen igno-

ignorantia cecitate parem: quo terrena ista dignitas, non exercitatione prudentia, nec consilijs consequenda laudis, sed voluptatib. & delicijs, & exquisito corporis ac cubiculornm cultu, imprimisq<sub>3</sub> bene plenis ac refertis nummarijs thecis penditur, corrigas, atq<sub>3</sub> tollas? cum rei huius aut perficienda, aut certè tentanda, & ad imitandum ceteris proponenda, magna tibi facultas oblata sit: tuq<sub>3</sub> in ea opinione apud nos omnes sis, vt omnia amplius atq<sub>3</sub> egregia à tua virtute regri debe re videantur? Certè si te hanc curam, Hercules Gonzaga, actionemq<sub>3</sub> contuleris: tum tu praeclaras, perpetuoq<sub>3</sub> cōmemorabiles in Dei hominumq<sub>3</sub> cōspectu, exequias fratri tuo duces: nosq<sub>3</sub> tui amantiſsimos maximo gaudio cōmulabis: ipse verò vberriimū tuarū virtutum fructū, scripterno beatitudinis in cœlo: in terris, et fama, & celebritatis premio diuinitus cōsequere. Vale.

Carpentora cti, VIII. Calendas Octob. M. D. XL.

IAC. SADO LETVS S. R. E. CARD.

Tho. Campegio Episc. Peltrensi, S. P. D.

**V**ellē posse ad te hilariore animo scribere, cuius mihi amor haſit in intimis sensibus: longo ille quidem tempore antè iam conceptus, sed ex eo amplificatus & auctus, cum tu mihi à summo Pontifice Romam accersito, disciplinae publicae corrigendae, & meorum imprimis vrbanoꝝ causa, amiciſſimo ac fidelisſimo animo preſto fuiſti: & qui in vrbe aſiduus fuiſſes, me poſt annos decem tanquam poſtliminio in eam redeuntē, diligenter & ſtudioſe, pro tua in Chriſtianam Remp. voluntate, docuiſti: quae tibi vel ſoluta à vetere diſcipli

na, vel à bonis moribus detorta, vel mala consuetudine deprauata, contaminata, corrupta, egere nouis remedijs, aut restitutis antiquis legibus videbantur. Quae ego tua tum admonitione factus sum ad dicendas illis de rebus sententias paratior. Noli enim existimare, mi optime Campegi, tuum id studium atque officium non mihi in animo harere: cuius quidem officij, quoad ego viuam, nulla vnquam obliuio me capiet. Sed quominus ad te familiariter & iucundè (vt cuperem) scribam, mors Laurentij fratris tui viri clarissimi facit. Quae me quidem ita conturbauit, vt vobis, qui illi sanguine eratis coniuncti, in deplorando tanto communi incommodo non cedam. Et si nulla quidem maior potuit esse coniunctio, quàm ea, quae inter me atque illum fuit: qui amicitia primùm, pòst collegio, deinde consensione animorum et voluntatem, in capiendis de Republica consilijs, sic copulati eramus, vt videremur ad salutem & vtilitatem Reipub. vno propè sensu & eodem spiritu duci. Quare pro me quidem ego tristis illo nuntio ita sum affectus, vt consolari ipse me non quèa. Quos etiam minus sum ad vos consolādum accommodatus. Difficile enim est, eum qui sibi mæreat, aliorum opitulari mæroribus: & qui animo ipse perturbato sit, ex aliorum animis turbidos motus eijcere. Sed cùm meo ipso in dolore, amor item ille meus emineret, quate, quo Alexandrum Episcopum Bononiensem, quo reliquam omnem Campegiorum familiam semper complexus sum: nō duxi alienum necessitudine nostra, pauca ad vos verba facere: quae si non solatiū vobis, at mihi certe

pentora æte redij, vt hîc domicilium non solum corpo-  
 ris et fortunarum, sed omnium rationum cōsiliorumq;  
 meorum: totius deniq; mea vitæ perpetuum collocare.  
 Itaq; & literis ijs quæ huius maximè loci sunt & mu-  
 neris, tum me penitus dedidi: & quod solent hi qui fru-  
 galitate et rebus exiguis delectantur, nec veste, nec ar-  
 gento, nec supellectili lauta, domum meâ ornare atq;  
 instruere vnquam curavi: tantum meos redditus annuos  
 in eos sumptus qui obtingebant integros erogabam,  
 vt vertente anno nec deesset mihi quicquam, nec supe-  
 raret. In hac mihi iucundissima & verè beatissima con-  
 ditione vitæ, cùm decem annos ferè exegissem: repente  
 ab hoc summo Pontifice Româ accersitus, in sacrum ve-  
 strum istud Collegiū, nihil tale suspicās, cooptatus sum.  
 Cuius quidem tanti beneficij gratia à me huic Pontifici  
 maximo debetur sempiterna. Sed magnus honor, et me  
 is longè superior viribus, infirmis admodum & imbecil-  
 lis ad sustinendum humeris meis impositus est. Ego enim  
 qui nec pecuniam vnquam numeratam possederam, et  
 instrumento omni honestiore carebam, meosq; fructus  
 annuos, qui mille ferme & sexcentos aureos efficiunt,  
 (tot enim ad me omnibus deductis possunt peruenire)  
 vniuersos expendere eram solitus: nouis subitò & ma-  
 gnis oneribus sumptibusq; oppressus, magnum es alie-  
 num cōflare necesse habui: nec mihi postea rem fami-  
 liarem meam explicare licitum vnquā fuit. Acceperū  
 tot itinera, tum multa et crebra vltro citroq; prater-  
 nectiones, ex Vrbe in Galliam, & ex Gallia rur-  
 sus ad Vrbem: vt nunc planè omnibus consumptis atq;

detritis, non solum equis, mulis, veste, instrumento ad hoc iter idoneo nullo munitus sim: sed ne spem quidem videam aut rationem vllam reliquā instruendi mei, cū nihil omnino sub cælo habeā quod meum propriumq; sit, quodq; si sumenda mutua pecunie sint, (quod tamē ipsum in hac iam ætate est miserum) creditorib. pignori & fiducie esse possit, præter vnā tantummodo vineam, quæ mihi in Vrbe est, quæ ne ipsa quidem à creditorib. est libera. Has meas difficultates ipse summus Pontifex non ignorat: qui mihi etiam sæpe ostendit, se meis commodis consulturum, idq; aliquo ecclesiastico redditu: nam alio genere subsidij non delector. Quod cū ille adhuc non fecerit: non voluntate quidem, quæ optima certè illius erga me est: sed difficultate temporum impeditus: æquum erit mihi ignosci, si necessitate cogente, cui diuina etiam cedere veteres Philosophi dixerūt, ad Urbem me conferre non potero. Etenim voluntas quæ mihi mea prompta ad parendum est, sed facultas penitus mihi erepta. Quamobrem peto à te, precorq; locum amplissime, vt pro tua autoritate, quæ merito maxima apud omnes est, tueare, vbi opus esse videris, & causam et sanam clientis tui: neq; meum factum in aliam partem, quàm vt à me tibi res est exposita, accipi, impetrariue patiare: si tamen iure & rectè te id facere posse existimas. Namq; ego qui mearum rerum satis mihi conscius sum, eum, qui magis etiam est conscius, Deum omnipotentem testor, & inuoco, me non videre, quemadmodum possim ita in Vrbe domicilium constituere, vt illas impensas urbanas suslineam: præfer-



sertim qui nec petitor vnquā, nec flagitator, nec sacer  
 dotiorum auceps esse animū induxi. Sed semper his fui  
 contentus, quæ aliena sponte, non meo flagitatu delata  
 mihi fuerunt. Sūma hæc est: cū omnes meæ facultates  
 & fortuna, tenues ipsæ per sese, æri etiam alieno mul-  
 tisq; alijs onerib. hoc quidem tempore impedita sint:  
 egoq; præterea & à pecunia, & ab omni itineris in-  
 strumento imparatus sim, atq; nudus: nullo modo hone-  
 stè me posse de meo aduentu ad Urbem cogitare. Quòd  
 si aliqua in hoc motu rerum, & expectatione propin-  
 qui (vt homines fuerunt) concilij, opera mea requiri-  
 tur, (quanquam ego in tanto coetu sapientissimorū &  
 doctissimorum patrum insinus sum omnium) tamē et  
 per amplissimum Cardinalem Farnesium antea Ponti-  
 fici maximo, et denuo per meas literas paratum me es-  
 se ostendi, ad concilium ipsum (si ei videatur) ire: etiā  
 priuato meo nomine, si ita magis placuerit. Ea q; ibi,  
 quantum mea infirma & tenuis autoritas patietur, of-  
 ficia & studia sanctæ apostolicæ sedi, & summo ipsi  
 Pontifici præstiturum: vt mea & integra & grata in  
 eius sanctitatem maximè extet voluntas. Etenim pote-  
 ro cōmodius illò, quàm ad urbem accedere. Propterea  
 quòd quæ in vrbe Roma ordini nostro indecora sunt, il-  
 lic arbitror fore honorifica: tenuitatem, frugalitatem,  
 comitum paucitatem, & omnium rerū humilem sum-  
 missamq; modestiā. Habes causam meam, quā totam  
 tuæ fidei, virtuti, humanitatiq; cōmendo. Tu quicquid  
 in me studij, officij, beneuolentiæq; contuleris: persua-  
 deas tibi velim, te in hominem gratissimū, & tui obser-

uantissimum esse collaturum. Vale. Carpentoracti,  
XIIII. Calend. Februarij, M. D. XLV.

IAC. SADOLETVS CARD. RA-  
nutio Farnesio Card. S. P. D.

**Q**Uæ in hanc Urbem de tui ingenij, summiq; ad o-  
nem liberalem percipiendam doctrinam studij,  
fama & laude perlata sunt, eademq; vno & constanti  
omnium sermone cõfirmata: tantũ mihi ea voluptatis  
attulerunt, vt id literis satis explicare non possim. Fue-  
runt enim & eximia, & noua, atque eiusmodi, vt non  
modò letitiam omnibus qui te diligunt, verũ etiã igno-  
tis & alienis, amorem erga te, & admirationẽ potue-  
rint excitare. Sic enim dictum, et percelebratum est, te  
ista ætate, quæ nec dum matura ad cognoscendam per-  
cipiendamq; vim scientiæ & virtutis esse solet: et ista  
fortuna, quæ cum amplior atque opulentior facta est,  
præsertim in pueris & adolescentibus, sapius ad opti-  
mas artes capeffendas est impedimẽto: tãtos tamẽ fecis-  
se in virtute doctrinaq; progressus, vt nihil eruditius,  
nihil à quoquã viro ingeniosius, ne in moribus quidẽ to-  
tiusq; vitæ modestia, cõpositiq; possit expectari. Quod  
magno in cõuentu amplissimorũ hominum, magnis de  
omni literarũ genere disputationib; cũ omniũ admira-  
tionẽ declaratũ in te aiunt esse atq; perspectũ. Quam  
ego tuã non iã spem, neq; indolem, sed præsentem lau-  
dem vberemq; fructũ eximia virtutis, cũ te pro mea  
in vniuersam domũ & familiam tuam perpetua singu-  
lariq; & voluntate & obseruantia in filij loco diligã,  
ad magnũ quoq; animi mei fructũ duco pertinere. Si-  
qui-

quidem non minus fruimur aliorum bonis, cum ex ea re gaudemus : quā illi fruantur ipsi, qui ea bona obtinent.

Quod hoc etiā mihi in te cumulatiū cōtigit : q̄ nō vulgaribus tuis, neq; communibus bonis : sed summis & singularibus gaudeo atq; letor. Atq; in ista tua admirabili progressionē ad virtutē, in qua lōgē aetatem tuā ipsa industria superat, agnosco quidem vim generis, virtutis sanguinis, fortunā familiæ tuæ, quæ semper istiusmodi viris atq; ingenijs fuit referta. Etenim quis hominū vnquam tuo auctore sapientior, quem ad summum in orbe terrarum sanctissimi honoris principatū, ipsa sapientia prouexit? Quis fratre tuo Alexandro probior, liberalior, moderatior : qui cum & fortuna, & dignitate, summis antecellat : humanitate tamen omnibus vult esse par? Non cōmemorabo ceteros : sunt enim omnes ex eadem stirpe & sanguine procreati. Ad te ipsum reuertar, in quo virtus & nobilitas generis tota relaxata planē, & præclarē expressa est : teq; quod me iam in te amoris est propemodum paterni, hortabor & rogabo, vt hoc cursu quo cœpisti, ad summam laudem sic contendas & enitare, vt statuas, tibi hominū expectationem, quæ magna & incredibilis de te excitata est, non modō explendam, sed omnibus partibus & numeris absolutissimæ virtutis etiam superandam esse.

Quod etsi perquam difficile videtur esse, tuis tamen ingenij neruis, & tuæ naturæ præstantia dignum est : optimeq; id & commodissimē fiet, si bonorum morū velut firmo fundamento substrato, studia deinde & genera doctrinarum ita super extrues, vt in eligendis, quæ

opportuniſſimæ ſint, & in addiſcendis quatenus poſſunt eſſe vtilēs, non ſolū cura atque conſilio, ſed diuina etiam ſorte quadam adiuuere, Qua de re dabitur aliquando nobis tempus inter nos colloquendi. Nunc quod à me breuiter ſignificatum eſt, non id docendi tui cauſa à me eſt ſuſceptum (nō enim tu ingenio neque optimis monitoribus indiges) ſed volui mei etiam bencuolentia erga te, & voluntatis, aliquod ad te teſtimoniū peruenire. Vale. Roma, V. Cal. Octobris, M. D. XLV.

IAC. SADOLETVS CARDINALIS

Ranutio Farnefio Card. S. P. D.

**C**Apio non mediocrem curam debitam illam quidē egregia indoli tuæ, & ei opinioni quam ego de te iam dudum maximam concepi: vt quæ commota eſt hominum expectatio (cū fere omnes in te & oculis, & mentibus cōuerſi ſint) ea cū ingenij tui laudo, tū virutis & probitatis gloria expleatur. Quod etſi difficile videtur eſſe, quod nihil à te expectatur aut uſitātū aut mediocre, tamen proprium eſt generis & præſtantis animi tui, eò velle conſeſſi, quod nemo alius non modò peruenire, ſed nec aſpirare quidem poſſe videatur. Mihi quidem pro mea ſumma erga te bencuolentia, ſæpe deſideranti congreſſum atq; conſpectum tuum, et ob hāc cauſam te in Vrbe videre cupienti, illa leuatio deſiderij ſemper propoſita eſt, quod intelligo, te dum abes à nobis, id agere tamen, & ei rei operam dare, vt cum Romam tibi fuerit reuertēdum, maior multò ad nos atq; ornatioꝝ redeas. Sic enim nobis de te pollicentur eximia illa artes & præclara ſtudia, in quibus tu, conſueti-

te omnium fama, noctes & dies assidue versaris. Et si (quod mihi magna fuit admirationi) nouus quidā hominum sermo percrebruit, animum tuum, & dignitate et sapientia omnium principem, tibi iam autorem esse, magnopereq; suadere, vt omīsis his liberalioribus studijs, ad ius ciuile perdiscendum te dedas. Noua res, & mihi inexpectata: sed tamen, si ille ita vult, & si hoc illi statutum est ac deliberatum, nil contradico: parēdum est summae auctoritati, summaq; potestati: praesertim cum nihil illē sine maximo consilio, maximaq; ratione facere existimandus sit. Sin autē, quod magis puto, magisq; credibile est, non ille imperantis modo, sed veluti tentantis, & quasi communicantis, hac de re tecum locutus est: videlicet, vt eliceret sensum animi tui: existimaui mei officij esse, quid in hac re mei sit iudicij, breuiter ad te perscribere. Nā si tu natus in fortunā tenui, exiguus ad magnā dignitatem assequēdam praesidijs munitus esses, laudarem ipse etiā huiusmodi consiliū, tibiq; vt ad ius ciuile te cōferres, autor existerē. Est enim apta & omnib. patens via, ijs qui humilitate generis, et rei familiaris angustijs laborant, ab studio iuris ciuilis atq; scientia ad magnos saepe honores opesq; perueniendi: neq; aliā ob causam ius ciuile discitur, nisi vt p illud ad aliquam cognitionem hominū, et meliorem fortunae conditionē veniatur. Tu verò qui illustriore multò ratione nepe Dei immortalis beneficio, & virtute maiorum tuorū, in excelso et fortunae et honoris gradu iam constitutus es: eaq; adeptus sine vllō labore, ad quae iurisci consulti tantis contētionib. aspirant: quē tibi nunc

re qui versantur, vel iudicando, vel causas agendo, cū vident tantum hominum pecuniæ vel quarendæ, vel retinendæ studium, ipsi quoq; vehementiore aliqua pecuniæ cupiditate sæpenumero tanguntur. Quod vnum ad adipiscendam animi virtutem maximè homini infestū atque aduersum est. Et sunt tamen ex numero iuriscōsultorum clari aliqui et præstantes viri, quales in senatu nostro non paucos cernimus, aptos ad populos ciuitatesq; regendas: verū illi bonitate ingenij, & naturæ præstantia, non iuris ciuilibus studio tales effecti sunt: præsertim si ad legum scientiā, id quod plerique eorum fecerunt, optimarum quoq; artium cognitionē addidere. Illud quidem certè nō est inficiandum: probè iuriscōsulti munus humano generi esse perutile: quodd legum imperio et prouidentia, cohibita vi fraudeq; hominem inter ipsos societas conseruatur. Sed tamen legum tot vis in re familiari sua cuiq; conseruanda, non in homine ipso ornando magnificandoq; cōsumitur. At philosophia relictis eis solitudinibus atq; curis, quæ ad compendium & quæstum pertinent, atq; illis prorsus p̄ nihilo habitis: ipsummet suscipit hominē formandum sibi atq; expoliciendum: vt ex hac extractum cōmuni infirmitate, quoad eius fieri possit, similem Deo constituat, nihil sibi quod externum et fragile sit, auide appetentem: consulentem libenter ceteris, omnia sua bona in virtute posita ducētem. Quæ quidem virtus gratuita sit, nihilq; foris quærat, quodq; omnium summū et præstantissimum est, omnibus in rebus, quid deceat, intelligentem: quæ est vna omnium difficillima generi

humano scientia. Ille enim decori splendor, quò ad Deum proximè imitationem accedimus, vsque adeò hoc tempore oppressus & perturbatus est, auaritia, ambitione, cupiditatibus ceteris, quæ tenebris & caligine animos hominum infuscant, ut ne minimam quidem partem luminis sui videatur obtinere: qui tamen à philosophia bonis ingenijs inferendus atq; insinuandus est: si qui videlicet sunt, qui verè magni viri, & in seipsis perfecti homines cupiant euadere. Nam quod ad regendos & moderandos alios pertinet, nulla est scientia, nulla ars omnino, ad hanc docendam prudentiam, quam philosophia, præstantior. Illa enim cum in consilijs præcipientis Dei vestigandis atq; indagandis quotidie versetur, quibus ille hunc mundi complexum, tamq; immensam molem, et constituit ab initio diuina quadam sapientia & assidue continet, vegetat, moderatur: verèdum erit credo, ne nos parùm doceat, quæ sit ratio optima gubernandi: & quemadmodum hominum cætus, quas ciuitates appellamus, regendi à nobis sint: cum præsertim in eo genere nil melius agere possimus, quam ut omne nostrum consilium ad illa præclara & sempiterna Dei consilia referamus: qui ex illis bonis, quæ nobis suppeditat, nullum sibi ipse appetit: sed suis quibusdam maioribus multò, longeq; eximijs contentus est. Quam præclarissimam rationem nostre virtutis, ac prudentie in gubernatione populorum exercenda, sola philosophia tradere nobis & docere potest. Quemadmodum est de Pericle Atheniensi scriptum: qui cum illà Remp. quadraginta annos continuos rexisset, mirarèturq; homi-



nes qui potuisset populum illum, suapte natura admodum insolentem, et fastidientem crebro rectores suos, tam longo tempore gubernare: intellectum est, ea id ratione accidisse, quod Pericles Anaxagoræ in Physicis auditer, & in illa rerum naturalium scientia, percipiendis naturæ consilijs exercitatus & doctus, animum quem summis rationibus erudierat, prudentiamq, quam maximam inde compararat, ab illis altissimis rebus, ad hæc inferiora tractanda agendaq, transulisset. Sed quid ago? epistolam institueram scribere, ea autem crevit in volumen. Finem igitur faciam: teq, & orabo et hortabor, ut (quod aui voluntate fiat) ita ad philosophiæ animū tuū applies, ut statuas, ex illa, nec aliunde usquā, verā tibi laudē, verāq, dignitatē acquiri oportere. Vale. Romæ, XII. Calēd. Octob. M. D. XLVI.

IAC. SADO L. S. R. E. CARD. CHRI

stop. Madrucio Episc. Tridentino S. R. E.

Card. S. P. D.

**A** Deum amorem, quē antea erga te susceperam, & ad eā observantiā quæ tuis plurimis magnisq, virtutibus à me tribuebatur, incredibile est, quantum accesserit ex eis literis. quibus proximè ad meas respondi: plenissimis amoris, officij, humanitatis, elegantia: deniq, talibus, quales à doctissimo, & liberalissimo, omnig, dignitate & prudentia ornatissimo homine debuerant proficisci. Quibus ego certè ita sum delectatus, ut nulla re vnquā magis. Nā si diligī et probarī à summis viris, hominī nō inhumano solet esse iucundissimū, quid est in tuis literis, hoc quidē in genere, quod abs te  
mihi

mihi tributum non sit? Potuitne aut amantius scribi, &  
 scriptum est, aut honorificentius sentiri de me, quàm  
 abs te est factum? Quàquam ego de iudicio ipso, quod  
 tu de me facis, multum tibi remitto: de amore quidem  
 nihil. Nā amari à te cupio, et volo: idq̃, quàm maximè:  
 nec est quicquam quod mihi euenire possit optatius. In  
 quo etiam enixurus sum, vt merito id meo à te fiat. Nō  
 enim neq̃, in amore, neq̃, vllō in officio tibi sum concess-  
 surus. Tanti verò fieri à te, quantum tuæ literæ decla-  
 rant, neq̃, postulo, neq̃, me admodum esse dignum arbi-  
 tror. Sunt in me fortasse vmbra aliqua virtutū magis,  
 quàm virtutes. Sed hætenues, & subobscuræ, nec illu-  
 stribus satis ductæ lineamentis: quas cū tātō opere ipse  
 auges atq̃, ornas, facis tu quidē quod natura tua, et cā-  
 dor animi eximius postulat. Sed in eo bonitatem, & li-  
 beralitatem, et virtutem tuam magis ostendis, quā illu-  
 stras meam. Quod enim me cū Polo meo, tua opinione  
 sent ētiaq̃, cōiungis, homine summa eruditioe, summa  
 pietate, summa prudentia prædito: optasq̃, denos vtri-  
 usq̃, nostrum similes, si fieri possit, existere: quorū fide,  
 vigilantia, consilijs afflictæ Christianæ Reip. subuenia-  
 tur: est quidem hoc & tuæ probitatis, ac religionis ar-  
 gumentum maximū: & eius opinionis, quàm de me ha-  
 bes conceptam, indicium insigne. Veruntamen scito, cū  
 iam diu sit, quod ego virum illum & colo, & admiror,  
 nunquam me optare esse ausum, vt cum eo cōpararer:  
 tantum sat mihi duxiss, si illius modò persequi velli-  
 gia, vel procul obseruando atq̃, imitando posseni. Itaq̃,  
 habeo eum & in vita, & in disciplina, & in omnibus

forēſibus, ſenatorijsq; aētionibus, ducē ac magiſtrum.

Quem quōd tu quoque tam ſtudioſē laudas & probas, periucundum id mihi eſt: propriumq; eiſdem praſtantis animi tui, de quo iamdudum loquor. Pares enim cū parib. (vt eſt in prouerbio) facile cōiunguntur. Sed mihi ſape in mētē venit optare, qualem vos ambo Chriſtianam Rempub. eſſe cupitis, talis vt ea, ſi non hominum opera, at diuino tandem aliquando beneficio conſtituatur. In quo tua autoritas, & erga Deum religio, aliaq; complures animi ingenijq; virtutes, plurimum eidem Reip. profutura ſunt. Sed de his ſatis. Ego quod mei iam priuati erga te officiij eſt, et maximas tibi gratias ago, habeoq; quōd tantam, & tam beneuolam voluntatem erga me ſuſceperis: & tibi viciffim ſpondeo atque polliceor, qui maiore cum fide, ardētiore ſtudio, fideliore obſeruantia colat te & diligat, te non alium facile eſſe reperturum, quōd ſi venerit vſus vt reipſa declarandum ſit, me tui cupidiffimū ſemper eſſe cognoſces. Vale. Romæ, XIII. Calend. Febr. M. D. XLVI.

IAC. SADOLET. S.R.E. CARDINAL.

Chriſtoph. Madrucio S.R.E. Card. S.P.D.

**C**VM huc allatum eſſet, fratrem tuum Aliprandum, virum clariſſimum, diem ſuum obiſſe: et ſi ego quoque hoc nuntio grauiter eram perturbatus, quōd & illius mortui virtus, & mea in te beneuolentia communem mihi eam calamitatē faciebat: tamen non alienū duxi amicitia eſſe & coniunctiōe noſtra, quæ mihi venirent in mentem ad tuum dolorem leuandū, aliqua ad te perſcribere. Non quōd dubitarem, quin à te ipſo cōmode

modè & sapienter id fieri posset: sed quia forsitan dolore impraesentia impeditus, minus illa perspiceres. Atque ego, cum te ipsum absens intueor animo & còtemplo, cumq; de virtute tua, de usu rerum maximarū, de optimis artibus, quibus es egregiè et liberaliter instructus, cogito: vix videor posse credere, te cedentem fortune oppugnationib. de statu discedere gravitatis tue. Rursus, cum mecū reputo quem virum amiseris, cuiusmodi tibi frater sit ereptus, quod & quàm insigni lumine atque ornamento orbat a sit domus & familia tua: cogor ignoscere humanitati, & veniam dare, si mollius fortasse aliquanto fers, quàm constans & firma ratio magni hominis postulet. Sed tamen si quid tibi rei novae accidisset, quod apud ceteros esset inusitatū et insolens, posses iure tu quidem propriam aduersus te fortunæ iniuriam accusare. Sed si hoc omnibus planè est propositū, ut moriendum sit: neq; vllum in eo inter claros & obscuros, senes & adolescentes, bonos & malos, omnino discrimen est: cur mœremus illius obitu, qui explevit suæ ætatis cursum, si non annorū numero, at certe rebus gestis, & magnitudine honorum, quos summa cum laude est adeptus? An non vides & cogitas, nō modo in longa, sed mediocri etiam in ætate, omnibus propè mortalibus usu hoc venire, ut circumfusi strage amicorum & beneuolorum, quos varijs casibus amiserint, desertam propè à priorib. necessitudinibus, quæ maxime solent esse iucunda, reliquam vitam degant? Quod mihi quidem hoc tempore præcipuè & præter ceteros accidit: qui et multis antea partim cognatis, partim ho-

mini-

minibus amicissimis & iucundissimis, & proximè duobus propè animi mei pignoribus, Bembo meo, & Victoria Columna, sanctissima, atq; omni tū animi, tum ingenij laude præstantissima fœmina, priuatus sum. Sed quis finis lugendi sit, si cūctos quos amamus, velimus amissos mœrore diutius & lacrymis prosequi? Nos verò tollamus potius animos ad immortalitatis spem: & illud cœleste regnū quod nobis Deum in CHRISTO ritè colentibus, ab eodem Deo oblatū propositumq; est omnibus nostris viribus studeamus adipisci: intelligamusq; nos ad agendum res præclaras, non ad plorandū esse natos. Sicut & ipse frater tuus optimè intellexit: qui in omnibus vitæ suæ censilijs & actionibus, non ut diutissimè viuere posset, sed ut fortem & illustrem vitam ageret, semper est meditatus. Quem nūc ablatum nobis, & in eam vitam qua multò melior est multoq; præstantior, cum suarum virtutum merito, tum diuina imprimis benignitate translatus, laude quidem debemus & pia commemoratione, non autem lamentis & complorationibus prosequi. Qui si vixisset, teq; quod potuit accidere, ante se vitam suam lugere necesse habuisset: nōne vides, qua ille in te fuit pietate & beneuolentia, quā duram et asperam fieri conditionem subuisset? qui nunc ab omni eiusmodi cura periculoq; solutus, in summa gloria fœlicitateq; versatur. At qui si illū amabas, ut profectò amasti, patere quæso meliorem hūc esse illius conditionē, quā tuam, quod ille in vera perpetuaq; letitia, tu inani nunc in dolore positus. Quē tamen dolorem dies tibi ablatura est, etiam si ratio &

vir-

virtus tua cessauerit. Quapropter vide quid tibi sit ne-  
cesse: omnes de te ita opinamur, & sentimus, vt de for-  
tissimo & constantissimo homine sentiendum est. Qui  
si tuis tot alijs egregijs ornamentis, hanc vnā deesse  
virtutem senserimus, patientiam in rebus aduersis, &  
in retinenda animi firmitate constantiam: non nos qui-  
dem mirabimur, humanum enim hoc, & commune est  
peccatum: veruntamen non magni illius est viri, quem  
& tu prestare te debes, & nos optare vt talis ab o-  
mnibus esse cognoscaris. Ego beneuolentia erga te  
inductus, hac ad te pauca scribenda mihi duxi: quibus  
multo plura & meliora, & ingenium tuum, & quibus  
semper operam dedisti, doctrinae studia tui suppedita-  
bunt. Quid si aliquid erit à me his literis effectū, quod  
valeat vel ad mitigandum dolorem tuum, vel ad virtu-  
tem animi excitandam: habebo amicitiae nostrae ma-  
gnam gratiam, quae me hoc vt facerem non solum sua  
sit, sed etiā impulsit. Sin autem tua prudentia ista nō re-  
quirēte, ego minus necessario officio fuero functus: tu  
tamen pro tua humanitate & bonitate, hac nostrā  
ab optimo animo & propensissima erga te voluntate  
profecta accipies. Reliquum est, vt tibi redigam in me-  
mōriam, me ab eo tempore quo te amare coepi, tuis hu-  
manissimis literis prouocatus, mansisse semper in amo-  
re, & mansurum esse: atque ita, vt dies potius allatura  
semper aliquid incrementi sit, quā quicquam de mea  
in te singulari beneuolentia detractura. Vale. Roma.  
III. Idus Martij. M. D. XLVII.

in eas cœli regiones, quæ pijs & probis mentibus proposita sunt, fruitur præmijs pietatis & integritatis suæ, quibus, per Dei præcipuè clementiam & benignitatem, dignus effectus est. Ego verò, qui hoc animo sum erga collegas meos, ut quoniam in eadem tempora incidimus, & in eodem orbe Christiana Reipu. versando, & moderando, sub optimo et prudentissimo Pontifice unà exercemur, arcto me omnibus illis vinculo amoris atq; observantiæ esse obstrictum sentiā: nō possum non affici dolore & desiderio, quodd talem atq; tantum, non collegam solum, verum etiam amicum, & defensorem veterem amiserim. Cuius interitu, nō orbus quidem senatus, multis summus viris ordinem eū ornātibus: sed res certè publica non mediocre detrimentum passa est. At nobis priuata forsitan res vestra nunc quidem curæ est: quod ego non reprehendo: est enim humanitatis domesticis suis incommodis angi. Sed tamen ex eo consolari vos potestis, quodd tibi in fratre, cæteris qui ex familia vestra sunt, in suo cuiusq; aut patre, aut patre humano rebus exēpto, quicquid contigit damni, id cōmune omnibus etiam alienioribus cōtingit: tanti autem viri famæ laudisq; perpetuitas, propria ad pereñnis vestra futura est. Sed ego longius prouehor, amore videlicet impulsus: nec satis animaduerto, me ad viros fortes, & artibus optimis, disciplinisq; instructos, nec consolationis à quopiam egentes, orationem habere. Quare finem faciam. Tantū te admonebo mi Thoma, id quod meæ erga te beneuolentiæ est proprium, amisisse te quidem in fratre tuo, quod maximum in eo fuit, & quod



nos aspirare non possumus, summam virtutem nimirum summamq; auctoritatem, quæ in illo vtraque peregrina fuerunt. Amorem autem & charitatem erga te nequaquam amisisse, quandoquidem ego illi in te amando par, & in reliquos omnes tuos, qui genere ex eodem sunt, simili animo atque erat ille, & eadem voluntate affectus sum. Quod tu illis & denunciabis à me omnibus, & mea fide pollicebere. Studium tuum, & cura quam suscepisti, quo pars illa adium Vaticanorum, quam frater obtinebat tuus, mihi assignaretur, gratissima mihi fuit: sicuti cetera omnia, quæ pro me facis, aut dicis. Sed ego habita ratione temporum, non duxi esse tentandum, quod non confidebam posse obtinere. Quem tamen morem omnibus in rebus teneo. Si enim mihi mea dignitas, & pudor meus non prodest, extorquere & eripere Principis beneficia non posulo. Quæ si minus crebra ad me perueniunt, idq; mihi à nō nullis tribuitur inertie, quam mitiore vocabulo, nimiam illi molestiam appellant: scio ego quid agam. Nam & extra competitorum certamina, atq; cōtentiones, quæ molestiarum plene, & grauium offensionum sunt: extrag; periculum repulse, quæ ingenuis et liberis animis nihil accidere potest acerbius: placatus interim, atque tranquillius vitam ago. Quiq; mea fidei & gubernationi populi commisi sunt, & quarum mihi rerum administratio est tradita, in ea ita me gero: studijsq; prætereà in talibus artium optimarum & præstantissimarum versor, vt alia quadam via, & quidem certiore ea multo, ac magnificentiore, in hominum beneuolentiam

& bonam existimationē me vindicem. Vale. IIII. Calend. Septemb. M. D. XXXIX. Carpentoraēti.

IAC. SADOLET. S. R. E. CARDIN.

Ioan. Morono Card. Legato Bononię S. P. D.

**T**E honorifico Pōtificis maximi, totiusq; apostolici senatus consensu atq; decreto electum esse, qui Bononiensi ciuitati praeesses, partem Italiae vel florentissimam regeres, & legatione illa nobili fungerere, summopere et tibi gratulor, et mihi ipsi gaudeo. Quod enim video honorem esse habitum virtuti atq; prudentia, quam ego in te semper eximiā esse iudicaui, lator duplici de causa: & quod homini amicissimo premium meritum persolutum est, & quod ego memet in illo simili pene honore affectum arbitror. Etsi enim impari laude, neq; eodem fructu, ego easdem arteis semper secutus sum, in quibus tu excellis: tamen quicquid virtuti datur, quoniam ego eius perquam studiosus sum, id mihi quoq; ipsi dari et tribui puto. Sed meus quidem à me iam penè atatis cursus confectus est: tu viridi etiā nūc etate, cū tam maturē in tantas laudes ingressus sis, quod te sperare debemus esse peruenturum, & existimationis, et amplitudinis? Equidem pro mea summa erga te beneuolentia hunc legationis honorem, & hanc summam hominum de tuis clarissimis virtutibus opinionē, Deum tibi fortunare, et quotidie magis augere cupio. Hoc doleo, me tibi non potuisse praesentem gratulari: cognosces enim apertius quo in te animo affectus sim. Atq; vtinam suauissimam tuā consuetudinē diu antea mihi expetitam, deinde breuiter, et quasi in transitu

ostentatam, tum cum ego Roma in Galliā legatus proficiscerer, continuare diu inter nos potuissemus. Neq<sub>3</sub> ego humanitatem tuam, nec tu meam erga te obseruatiam desiderasses: tum autem de nostris inter nos rebus ambo familiariter & liberè collocuti fuissetmus. Sed posteaquam id non contigit, sumusq<sub>3</sub> non regionibus locisq<sub>3</sub> solū, sed dissimilitudine etiam actionum consiliorumq<sub>3</sub> distracti: erit tua integritatis & fidei, idem facere erga me, quod ego me tibi praestaturum esse polliceor: ut nunquam nomen tuum, neq<sub>3</sub> ea beneuolentia qua te iamdudum sum complexus; ex animo & ex sensibus egrediatur meis. Atq<sub>3</sub> hac haftenus. Nunc aptum atq<sub>3</sub> opportunum mihi visum est, patefacere fores benignitatis tuae, ut per eas homini omni virtute doctrinaq<sub>3</sub> oruatissimo mihi charissimo, ad tuam ipsius amicitiam & beneuolentiam sit aditus. Is est Hieronymus Gratus ex ista ipsa ciuitate cui tu praefectus es, & ex nobili in ea genere familiaq<sub>3</sub> procreatus: qui primo aetatis suae tempore, cum adiuris ciuilibus disciplinā se contulisset, media fermè in adolescentia, omnium cōsensu promeruit, ut ad id docendum, quod licet praematurè, tamen praclarè videbatur didicisse, se dederet. Itaque conductus honestissima mercede, ius ciuile aliquot annos in patria sua docuit. Pòst quarendum sibi nomen atq<sub>3</sub> famā in externis nationibus existimans, sanè forti animo patriam suam domesticosq<sub>3</sub> penates liquit, & huc in transalpinam Galliam peruectus est: vbi celeriter cognitus, habitusq<sub>3</sub> in honore & admiratione, Valentiae diu magno stipendio, & maiore sui nominis fama,

ma, iuri ciuili docendo, & consulentibus respondendo qui vndiq<sub>3</sub> ad eum penè certatim confluebant, insignē operam dedit. Itaq<sub>3</sub> clarus his gētibus, egregieq<sub>3</sub> probatus, cū de eius augendis commodis mercedeq<sub>3</sub> amplificanda quotidie ab eis cogitaretur: repente decreto ciuium snōrum & seuerō & vehementi in patriam reuocatus, istuc parat proficisci, reuisens quidem patrios lares libenter, sed tamen magnum desiderium sui his nationibus relinquens, quo ipsius quoque animus non potest non commoueri. Eum ego aduenientem, vt tu humanissime Morone omni tua comitate et beneuolentia amplectare, quanto animi possum studio te vehementer etiam atque etiam rogo. Quāquam de isto quidem fortasse non es rogandus. Quid enim tibi familiarius, quā tales complecti viros, & amore & beneficijs tuis? praesertim qui sint ex eo genere hominū, qui tuae fidei & curae commisi sunt. Sed ego ad illam tuam solitam erga bonos humanitatem, liberalitatemq<sub>3</sub>, accedere aliquid abs te insignius mea causa opto: vt Hieronymus ipse cognoscat re ipsa & experiatur, valde sibi profuisse commendationem apud te meam: seq<sub>3</sub> propterea amplius quiddā et maius affecutū q̄ communis tua bonitas et natura ceteris largiatur. Hoc ego à te ita expecto, vt nihil sit q̄ possim expectare gratius, aut optatius. Vale. Carpent. IX. Calend. Iulij, M. D. XLIIII.

IAC. SADOLETVS S. R. E. CARD.

Greg. Cortesio Cardin. S. P. D.

**M**V tua nostra vetusq<sub>3</sub> beneuolentia, quam sanctè et fideliter ab utroq<sub>3</sub> nostrum cultam esse intelligo,

R r 3 facit,

facit, vt in meis maximis rebus, quæ nunc quidem in sacrarum literarum studio omnes mihi cōstitutæ sunt, tuum imprimis amorem, tuamq; eximiam excellentemq; doctrinam, mihi requirendam esse putem. Cū enim (vt tute scis) cōmentarium quendam de peccato originis iam pridem confecissem, hacq; maximè re & ratione, facultatem in has regiones reuertendi à summo Pontifice essem cōsecutus: quod me (quoad posse) otium & tranquillitatem nactum, literis & scriptis sanctam fidem Catholicam, decusq; & auctoritatem apostolica ecclesiæ defensurum pollicitus essem: statui mihi, vt primū huc me retuli eundem esse librū accuratius retractandum. Quod cū diligentissimè fecissem addidissimq; non pauca, quæ mihi ad rē vberius explicandam idonea visa sunt: illum tanquā meæ diligentie testem, Pontifici ipsi maximo auctori mei otij mittendū putavi: scripsiq; ad amplissimū Cardinalem Farnesim vt eum quibusdam ex collegio nostro, tibiq; imprimis legendum, & considerandum traderet. Quod factū fuisse, etsi certi nihil dum scio, vt confidam tamen adducor. Nunc alterum ὑπόμνημα iam elucubrātū, in manibus habeo: nondum illud quidem expolitum, quemadmodum & res ipsa, & meæ diligentia postulat: sed tamen eiusmodi, vt ex eo, quanquam imperfecto, intelligi possit, quid ego habeam de purgatorio persuasi atq; certi: quæ res vna omnium maximè, hoc perturbatissimo tempore, ab ecclesiæ (vt scis) hostib. oppugnatur. In quo ego catholica suffragor ecclesiæ: quod sanè mihi in omnibus meis & curis & actionibus semper est

propositum. Eum ego librum statui mittendum ad te esse, vt tu mi optime doctissimeq<sub>3</sub> Cortesi, pro tua in me benenolentia, proq<sub>3</sub> ea fide quā ego tibi habeo summam, laborum meorum multarumq<sub>3</sub> vigiliarū partē aliquam mecum subeas: meq<sub>3</sub> adiutum velis opera et sapientia tua. Primum, vt quæ scribuntur à me, ea sanctè, & rectè, & ex integra veraq<sub>3</sub> religione scripta sint: deinde, quæ pertinent ad politiores literas, quando vtriusq<sub>3</sub> facultatis summum tuū est iudicium, de his etiam me admoneas: neq<sub>3</sub> patiaris quæ aptè et ornatè imprimis oportet scribi, ea me barbarè & inconditè scribere. Quanquam hoc leuius fortasse est. Illud grauissimum, vt ne quid prorsus à nobis effluat, quod cuiquam bene intelligenti, queat vel minimum aliquem spiritū peruersæ religionis afflare. Et si enim ego in hoc quidē affirmantissimo sum animo, ita vt corpus & vitam potius, quàm studiū veræ pietatis amittere paratus sim: idemq<sub>3</sub> cum Catholica Ecclesia arctissimè sum coniunctus: propter tamen imbecillitatem ingenij mei, tepuitatemq<sub>3</sub> doctrinæ, dissidere mihi cogor, & doctiorum, ac sapientiorum quàm ego sim, hominumq<sub>3</sub> præsertim nostri ordinis iudicia implorare. Quo è numero cum mihi præcipuè occurras qui cōsulendus sis: mihiq<sub>3</sub> iamdiu persuasum sit, te & velle mea causa, & pro singulari doctrina, quæ es præditus, posse plurimum mihi opis et subsidij afferre: omni animi studio te obtestor, vt quicquid futurum est negotij & laboris in legendis duabus hisce nostris lucubrationibus, eisq<sub>3</sub> acriter expendendis, id ne te pigeat summo tuo in me beneficio

suscipere ac perferre, cum honoris mei, tum aliorum etiam utilitatis causa: cum omnes qui in hoc gradu tanti honoris locati sumus, hæc aut agere ipsi, aut agentibus adesse fauereque debeamus. Vides tempora, vides hominum mores: ut quisque nostrum aliquid edit in publicum, quod aut contra falsas religiones, aut pro veris scriptum sit: non modò qui palam aduersantur nobis et repugnant, (nam hi fortasse minus pertimescendi sunt) verum etiam qui nostrarum ipsarum sunt partium, quasi ex insidijs repente egressi, circumsistunt, accusant, inuehuntur: veluti proditoris insimulant: nec quicquam hoc tempore periculosius est, quam de rebus bonis sanctisque differere. A quo genere scribendi si abstinere velimus, cautiore forsitan sapientioresque iudicabimur: iustiores certe, et meliores non erimus. Non enim qui talentum condidit sub terra, sed qui id exercuit, fructumque ex eo quaesuit, is à Domino in Euangelio laudatus est. Quem quidem ego negotiatorem bonum studeo imitari: ita animo paratus, ut omnibus ijs qui me redarguant, mea que mihi errata indicant, modò ut ipsi sine contumelia id agant, non solum non succenseam, sed magnarum etiam illis gratiarum debitorem me confitear. neque enim quicquam facere erga me possunt, quod mihi accidere queat vel utilius, vel gratius. Quamobrem mihi optime Cortesi, cum ego et iudicio tuo plurimum, et voluntati erga me omnia tribuam: si mihi ipse (ut tute nosti) semper fuerim tui cupidissimus et amantissimus: da mihi hæc operam quaeso, et in hac re officio verae amicitiae inserui: ut meae lucubratiunculae tua sint doctrina et lima emendatio-



*datiores. Vale, & nos dilige. Ex Feliciano Carpentorac̃tensis diœcesis, V. Idus Iunij. M. D. XLIII.*

**GEOR. CORTESIUS CARD. IACOB**o Saboleto Card. S. P. D.

**E**T si ratio officij postulabat, vt post tuum à nobis discessum crebras ad te literas darem, quibus & de rebus publicis, & de priuato rerum mearum statu fieres certior: (hoc enim & constituta inter nos amicitia, & maximis beneficijs in me tuis fuisset consentaneum) nescio tamen quopacto factum esse dicam, vt cum dies nullus esset, quo non id facere cogitarem, omnes tamen re (vt ita dicam) infecta elaberentur. Cum verò tandem me diuturni silentij suppunderet, constitui sem̃q; omnino in posterum eiusmodi negligentia maculam epistolarum frequentia delere: repente redditus est mihi à te fasciculus, in quò non solum ad me, & ad complures amicos litera fuerunt: sed elegans etiam de Purgatorio loco libellus: cuius (vt facillè intellexi) maxima apud omnes expectatio iam antea concitata erat: quod dum tu Bononia esses, nescio quid de ea re & doctis, & tui amantissimis fuisses pollicitus: visum est nobis nihil opportunius accidere potuisse. Quod enim prius, cum nihil haberem quod scriptione magnopere dignum esset, facere cogitarã, vt ad te scriberem: nunc tali proposito argumento longè facilius mihi videor esse facturus: etsi adhuc quidem accidit incommodissimè: tanta enim fuit flagitatorum molestia, vt vix semel libelli legēdi, & id ipsum cursim, facultas nobis data fuerit. Qui enim literas tuas reddidit, nescio qua ra

tione intellexerat, librum in eundem fasciculum fuisse coniectum: cumq; id ex eo cognitū fuisset: non potuit à me, amicis postulantibus, diutius denegari. Ex eo tamē quod primis, vt aiunt, labris gustare licuit, intellexi maximē obscurum locum, & à nullo antea satis diligenter tractatum, & nescio an omnium qui nunc præcipuē in controuersiam venēre, longē difficillimum, à te & tractari commodē, & luculentissimē explicari. Quæ de re tamen, non solum quid ego sentiam, cum ex amicorū manibus librum recuperauero, sed & quid ipsi iudicauerint, summa fide & diligentia te faciam certiozem. Nunc ea tantum de causa ad te scripsi, ne fortasse, vt nunc sunt tempora, suspicareris, literas tuas ad nos non peruenisse. Quod ad publicas res attinet, scito, omnium animos de rerum euentu hīc magnopere esse sollicitos: nec quieturos prius quā ad huius miserrimi belli exitum peruentum fuerit. Et si enim non magnopere adhuc Romæ tumultuatum est, summi Pontificis consilio singulari et prouidentia: cum tamē omnia armis vndique circunsonent, vix fieri potest, vt ex aliorum calamitatibus, nō cogamur de proprijs periculis cogitare. Tu, quando honestissimum otium nactus es, et in eo potissimum oppido, in quo & tui sacerdotij munera præsens obire potes: & quod cœli clementia, & amœnitate locorum, maxima te potest afficere iucunditate: partem velim credas magnam felicitatis te esse affecutum, præsertim cum propē omne tempus insumas in opprimenda extinguendaq; perditorum hominū impietate: qui non iam, vt antea, occultis cuniculis: sed apertē ar-

cem ipsam caputq<sup>3</sup> totius religionis inuasere. Vale. Et recuperato ab amicis libello, longiores à me literas expecta, Romæ, Calend. Iulij.

IAC. SADOLET. S.R.E. CARDINAL

Iacobo Sabello Cardin. S. P. D.

**A**Ntonius Florebellus, maximus laudator & obseruator tui, ex Italia reuersus ad nos, cū multis alijs de rebus me docuit, quæ in istis locis publicè gerantur: tum ea de meis priuatis amicitijs ac necessitudinib. mihi nuntiauit, quæ ego maximè audire expetebā. In quibus id mihi fuit gratissimum, quodd eorū quos ego diuturno iam amore & fideli beneuolentia prosequor, animum mutuū erga me, & parem voluntatem esse declarauit. Quo equidem nuntio mihi vnquam possum audire optatius. Nam cū natura mea eiusmodi semper fuerit, vt omnem propemodum meam delectationē vitæ in bonorum et doctorum amicitijs habuerim constitutam: nūc cū vna hæc mihi, ceteris aut iam planè amissis, aut certè extenuatis exolescentibusq<sup>3</sup> voluptatibus, remaneat iucunditas, quòd in amicorum cogitatione & memoria suauiter acquiesco: cū de eorū officio ad me persertur, nihil est ex quo letitia affici maiore possim. Ac ille mihi de alijs quidem multa: de te verò Sabelle optime atque humanissime ea mecū locutus est, quæ ego cū in te etiam tum adolescente multis primo mihi nuntiantibus, deinde breui illa consuetudine nostra, tanquam florecentia perspicere cœpissem, gaudeo ferre illa nunc eos maturitatis fructus, vt iam nō sperare, sed admirari tuas eximias et singulares virtutes

tutes debeamus. Amabam equidem nobilitatem & animi & generis tui, elegantiam morum, in congressibus humanitatē, in dictis factisq<sub>3</sub> constantiam. Sed illa mereres præter ceteras delectabat, quod videbam, quæ voluntate in publicam rem Christianam esses, quo studio erga optimas artes, quæ mente ad cupiendum ut rectè omnia fierent mouerere. Quæ tibi egregia et summa animi bona, primū à natura insita, deinde educatione disciplinaq<sub>3</sub> firmata, Dei primū omnipotentis, deinde etiam bonarum artium literarumq<sub>3</sub> auxilio, ad eam nunc frugem perducta sunt, ut habeamus in viridi etiā nunc tua etate, quam cum grauissimis & probatissimis ordinis nostri patribus conferamus. Atq<sub>3</sub> hæc ornamenta animi ingenijq<sub>3</sub> tui, etiamsi mihi tecum nihil vnquā fuisset, si non te amore eo prosequerer, quo iam pridē mirifico sum complexus: tamen me ad te amandum nō inuitarent solum, verū etiam inflāmarent. Cū verò de homine mihi & virtutibus suis, et amicitia nomine charissimo, tales ad me nuntij perferantur, statuere ipse potes, quanta ex eo letitia et animi iucunditate afficiar. Sed me cogitantem de te, et penè ante oculos imaginem tuam habentē, etsi ut persistam diutius quasi in colloquendo tecum, beneuolentia hortatur: retinet tamen modestia. aptius enim & liberius de tuis laudibus cum alijs (ut soleo) loquar, quàm cum teipso. Quare finem faciam, si duo hæc prius precatus fuero: vnū, ut tibi ea fortuna sit, quā ista virtus probitasq<sub>3</sub> meretur. Alterum, ut in nostra amicitia coniunctioneq<sub>3</sub> tuenda, quo ego in te animo sum, tu similem mihi in me diligendo

do voluntatē praestes. Quo quidem munere nullū à te  
 praestātius accidere mihi potest. Patri tuō clarissimo vi  
 ro, quem ego omnibus de causis iure facio plurimi, cu  
 pio salutem per te plurimam meis verbis nuntiari. Va  
 le Carpent. V. Idus Iunij, M. D. XLIII.

IAC. SADOL. S.R.E. CARD. ANTO  
 nio Perrenoto Episc. Atrebatensi,  
 S. P. D.

**C**Vm scriberem ad patrem tuum clarissimum virū,  
 non putaui mihi praterēdum esse, quin ad te quo  
 que aliquid literarum darem: cum & te non mediocri  
 ter diligam, multis quidem de causis, ingenij, doctrinae,  
 humanitatis tuae adductus, & de tua in me vicissim be  
 neuolentia persuasus sim. Scribendi autem causa haec  
 fuit. Ego post pacem factam, qua nullum maius neque  
 praestantius hoc tempore beneficium à summo Impera  
 tore Carolo in Christianā Rempub. potuit proficisci,  
 secutus maiorum exempla, qui testimonium laudis &  
 iudicij sui, optimè meritis principibus libenter dabāt:  
 exaravi oratiunculam, qua gratias Caesari cōmuni Chrī  
 stianorum populorum nomine agens, illum praterea  
 ad eas res gerendas suscipiendasq; adhortor, quas maxi  
 mē illius amplitudo & dignitas, rei q; publica salus vi  
 detur ab eo postulare. Quo genere scribendi veteres  
 summi & doctissimi viri egregios Principes decorare  
 soliti sunt: sicut multorum declarant orationes, ad Phi  
 lippum, ad Alexādrum, ad C. Caesarem, ad Traianū, ad  
 Cōstantinum, ad plures alios scriptae. Item igitur ego,  
 his quidem omnibus ingenio & facultate impar, sed di  
 gnita-

gnitate cause aliquanto superior, instituo suadere Cæsari, ut in eas se conferat curas & cogitationes, quæ illi  
us admirabili prudentia & maxima auctoritate præcipuè sunt dignæ. Quod tute nosse ex mea oratione, si eâ  
modò duxeris legendam, faciliè poteris. Cùm ergo hanc  
ipsam orationem ad fortissimum virû Ferrandum Gō  
Zagam per eum tradendâ Imperatori misserim, amici  
tiam secutus, quæ mihi cum illius omni nobilissima  
familia permagna est: rogavi patrem tuum per literas,  
ut addesse in tradendo, aut si Ferradum fortè aliqua res  
impedierit, ipse eam per se reddere Imperatori velit.  
In quo mi charissime Perenote, tuam quoq; operam et  
benevolentiam mihi aduoco. Si erit non indigna lucu  
bratione mea quæ agatur, maximum me existimabo labo  
ris mei fructum esse adeptû: quod laudem optimi Prin  
cipis, coniunctam cum ea spe, quam de illius virtute, a  
nimiq; magnitudine, Christianæ Reip. futura salutarî,  
iam concepimus, meis literis ornatam illustratamq; vi  
debo. Sin ea sordebit, ego tamen hoc assequar, ut meo  
exemplo, doctiores alij in eandem curam & studium  
scribendi se dedant. Sed de his rebus madaui tabellario  
huic meo, ut meis verbis tecum accuratius loqueretur.  
Ego quod ad me attinet, amorem eum conseruo, quem  
iam ab eo congressu quo ad Nicæâ primû vnâ fuimus,  
erga te suscepi: in quo mea in te amando constantia  
plurimum tuarum virtutû recordatio suffragatur. Tu  
si pari erga me voluntate fueris, non solum mea expe  
ctationi satisfacies, sed humanitatem etiam constabis  
tue. Vale. Carpent. V. Idus Nouemb. M. D. XLV.

IAC. SADOLETVS S. R. E. CARD.

Ioan. Toletano Episc. Burgenfi S. R. E.

Cârdinali, S. P. D.

**L**ongum interuallum est, cùm literas ad te dedi-  
las. Quod accidit, non remissione obseruantia in te  
mea, nec obliuione virtutis, & humanitatis, & bene-  
uolentiæ erga me tuæ: sed quia multis & molestissimis  
occupationibus impeditus, fratris etiam mei mihi cha-  
rissimi morte, qua grauius affectus sum, omneis meas  
curas ad luctum mœroremq; reuocante, alia quoq; offi-  
cia permulta deferere coactus sum. Nunc cùm tempus  
venerit, quo tempore, si aliàs vnquam, tua mihi & be-  
neuolentia & autoritate maximè sit opus: fretus tua  
virtute & bonitate, causam omnē meam tibi imprimis  
exponendam commendandamq; putauī. Pontifex Ma-  
ximus me per te literas ad Urbē vocat: quod ego factu-  
rus sim libenter, vocantiq; obtemperaturus, si mihi id  
per meas rei familiaris angustias, & maximas difficul-  
tates facere liceat: eaq; habeam facultatū subsidia, quī-  
bus et itineris sumptum, & urbanas illas impensas su-  
stinere possim. Video enim quid mei officij sit: quid po-  
stulent sedis apostolica tempora: cui si non ingenium at-  
que prudentiam, quæ in me aut nulla, aut sanè quā exi-  
gua est: at animum certè bonum, & fidelem operā præ-  
stare debeo. Sedita omnium ad iter sumptumq; necessa-  
riarum rerū inops atq; egens sum, vt ab omni istuc ve-  
niendi & voluntate, et conatu, desistere cogar. Et quo-  
niam te æquum iudicem et sapientem nactus sum, si hoc  
non alienum tua grauitate existimas, audi quæso breuē  
mea-



IAC. SADOL. S.R.E. CARD. ADAM-  
mo ab epistolis Ferdinando Regi Rom.

S. -P. D.

**I**Oānes Marsupinus, homo ea comitate, eoq<sub>3</sub> ingenio,  
quod tibi quoque video esse notum, atq<sub>3</sub> idem in reb.  
gerendis summa fide, diligētia, assiduitate praeclitus, sa-  
pius olim ad me cū Roma abessem, de tuis virtutibus  
permulta scripserat: taleq<sub>3</sub> tibi testimoniū apud me de-  
derat, ut ego te cū virum doctum atq<sub>3</sub> grauem, tum  
verò etiam imprimis prudentem, et iure istī clarissimo  
Regi gratum atq<sub>3</sub> probatum esse iudicarem. Posteaquā  
autem & idem ascripsit, & ego ad Urbem paulò antè  
reuersus, ex eis quas ad eum dedisti literis ipse perspe-  
xi, te non solum mei amantissimum, sed scriptorū etiā  
meorum perstudiosum esse, quā abs te vndiq<sub>3</sub> conquire-  
rentur, ut quā plurimum mecum quasi colloqui pos-  
ses. Dicam id quod res est, in tantum tui studium & a-  
morem adductus sum, ut continere me non potuerim,  
quin has statim ad te exararem literas: tibiq<sub>3</sub> et animū  
meum totum, et sensum patefacerem. Nam si quisquā  
est, optime & suauissime Adame, qui aliqua significa-  
tione alterius erga se beneuolentiā capiatur, ego me e-  
um esse confiteor: cui nil accidere possit optatius, quā  
à bonis viris, & tui similibus diligi. Nec verò fructum  
vllum in agenda vita maiorem aut vberiore percipi  
posse arbitror, quā primū quidem mereri: deinde e-  
tiam si non ita planè mereamur: tamen adipisci aliquo  
casu, ut chara sit prudentibus viris atque bonis, nō mo-  
dò salus nostra, sed etiā memoria. Quod quando non

634 IAC. SADOL. S.R.E. EPIST.  
tam meo quidem villo merito, quàm tua præstati huma-  
nitate consecutus sum, vt abs te tantopere diligar, tan-  
tiq<sup>3</sup>, fiam: nisi par tibi in omnibus officijs beneuolentiæ  
exitero, hominem ipse me non putabo. Quamobrem  
velim sic tibi persuadeas: babeasq<sup>3</sup>, certissimū, neminem  
esse qui tui amatiōr, quàm ego sum, esse possit hac possit:  
omniaq<sup>3</sup>, & studia & officia amicitiae, in quibus ego ser-  
uandis ac retinendis admodū sum diligēs, tibi ita à me  
prompta esse et parata, vt gratissimum sim habiturus,  
si mihi occasionem aliquam obtuleris, per quam mea er-  
ga te voluntas, & animus amicissimus perspicere liquidū  
possit. De meis scriptis nihil sanè erat quod tibi pollice-  
rer. Habebam equidem incheata nonnulla, sed nihil e-  
rat perfecti: nisi fortè orationem libenter lecturus es,  
qua ego Casari pro pace Christiano nomini concessa  
superioribus mensibus gratias egi. Eius ego orationis  
describenda, si id voluerit, faciam Marsupino nostro  
potestatem. Atque ipsum Ioannem Marsupinum pror-  
sus amantissimum & studiosissimum tui, et si minimè o-  
pus esse arbitror, tamen ita tibi commendo, vt maiore  
studio, magisue ex animo, neminem cuiquam commen-  
dare possim. Amo enim iuuenem hunc mirabiliter: cū  
ingenio ipsius, & singulari probitate, tum plurimis er-  
ga me eiusdem officijs adductus. Quare sic existimes  
volo, quicquid in illum studij & beneuolentiæ tuæ con-  
tuleris, totum id abs te in me collatum me esse iudicatu-  
rum. Vale. Roma, V. Idus Iulij, M.D. XLV.

IAC. SADOL. S.R.E. CARD. DIDAC. MENDOZÆ S. P. D.

**A** B eo tempore, quo tu me primū Carpētorācī vidisti, & cū illac iter in Italiā haberes, apud me inuitatus familiarissimē diuersatus es: ego iā tum cognita et virtute et humanitate tua suscepī eu amorē erga te, quem etiam nunc summa cū fide tueor: neq; mihi lōginitas tēporis quod postea intercessit, neq; locorum distantia, quibus seiūcti fuimus, de meo iudicio quicq; beneuolentiāq; imminuit. In qua te eadē puto et amoris constantia erga me mansisse, & voluntate. Secuta sunt tempora quibus vterq; nostrum ad varias deinde & curas, & actiones vitæ distractus est. Ego in hanc urbem bis, tēruē accersitus, quanquam agerrimē à studijs artium optimarum diuellerer, vitamq; illam pristīnam plenam suauitatis & otij commutare nollem: tamen Pontificis maximi imperio subire senatorij huius muneris onus, & publicis negotijs me dedere compulsus sum. Tu Imperatorem Caesarē secutus, cuius magnitudo plurimas orbis terræ & Christianæ Reip. partes complexa est: probata illi fide, industria, & vigilantia tua, magnis ab eo sæpe rebus & negotijs prepositus es. Itaq; ego vt proximē redij in hanc urbem, à qua aliquot abfueram annos, cū cognouissem te legatū esse apud Venetos Caesaris, munusq; illud egregia quadam cum dignitate & gratia sustinere: cogitavi illico scribere aliquid ad te, & renouare illius primæ cōgressionis nostræ per literas memoriā: vt sit tu vinculū illudinitæ tunc inter nos amicitia firmū retineres, ipse quoq; tibi ostenderē, me non esse tui neq; nostræ cōiunctionis oblitū. Sin te fortē graues alia occupationes atq; cura

ab hac de me cogitatione abduxissent, vt insinuatē rur-  
sus me tibi, antequam totus planē ex animo tuo efflue-  
rem: Scito igitur me nūc Romæ esse, implicitū quidem  
his sollicitudinibus atq; curis, quas & rerum omnium per-  
turbatio, & durissima tempora Reip. ferunt. Quamq̃  
in hac occupatione animi, atq; molestia nitor eum tene-  
re cursum, vt nō in sermonibus solum communib. que  
quotidie incidunt: sed etiam sententijs in senatu dicen-  
dis meus in Repub. sensus, meumq; iudicium appareat.  
Non enim desino hortari & monere, rectē iam agi ne-  
cesse esse omnia, si saluam Christianam Rempublicam  
sistere velimus, et veterem illam sanctitatē Christianæ  
religiōis in mores et studia hominū reuocari oportere:  
in qua imprimis sententia Pontifex ipse Maximus est.  
Itaque datum ab eo est & legatis qui præsident, & cō-  
cilio patrum qui conuenerunt, negotium, vt consulant  
ipsi & considerent, quæ videantur esse corrigenda, q̃  
eorum monitus atque consilijs ipsius diligentia & au-  
toritas minimē defutura est. Quamobre venio magnā  
in spem, bene est actum iri cum rationibus publicis, si &  
Cæsar tuus vnā cum Pontifice in hoc incubuerit studi-  
um, vt in reparanda religione Christiana & Republ.  
communis quoq; pacis, & omnium dignitatis ratio ha-  
beat: quod sublati odijs dissidijsq; illaq; æquitate a-  
nimi moderationeq; suscepta, quæ Christianis princi-  
pibus maximē digna est, ipso iuuante imprimis & opē  
ferente Deo, si eum nos piē deprecati fuerimus, nō dif-  
ficiliter poterit obtineri. Verū hac ad eiusdem Dei  
præpotentis arbitrium summumq; concilium reijcien-  
da

da sunt. Quod autem ad priuatum nostrum officium  
 pertinet, ego te mi Didace, nō solum diligo, quod iam-  
 pridem facere institui, sed etiam in oculis fero, quod  
 meis optatis de te tua virtus atq; industria mirifice re-  
 spondit. Petoq; à te, ut quoniam iam propiores iam sumus,  
 quā nō scimus, facilisq; est inter nos missioliterarum,  
 ne me tuarum rerum inscium atq; expertem esse sinas:  
 scribasq; interdum ad me, fructumq; hunc vel amoris,  
 vel humanitatis tuæ mihi tribuas, ut ex literis tuis in-  
 telligam me tibi esse cordi. Quāquam (quod mihi fuit  
 molestissimum) audiui te laborare quartana febris. Sed  
 fretus prudentia tua, & verni temporis auxilio, quod  
 iam appetit, confido tibi celcriter futurum quemadmo-  
 dum cupimus: nepe ut valeas, firmusq; sis. Quod ex sen-  
 tentia tibi & tua & nostra ut contingat, Deum rogo  
 supplex atq; oro. Vale mi Didace. Roma, M. D. XLVI.  
 IAC. SADOLET. S.R.E. CARD. HEN-  
 rico Lusitano S.R.E. Cardinali, S. P. D.

**A**ccepi literas tuas, plenas humanitatis atq; officij:  
 in quibus quod mihi gratias agis, quod te mea sen-  
 tentia in sacrum collegium nostrum cooptandum duxe-  
 rim, eiusmodiq; cooptationē non dēferendam in aliud  
 tempus: quæ antequam locus mihi dicendi datus est, in  
 senatu sententia valere videbatur: sed statim et in præ-  
 sentia declarandam censuerim: facis tu quidem grato  
 animo, agnoscoq; in eo humanitatem tuam. Sed ego in  
 ea opinione sum, quæ claris & præstantibus viris offi-  
 cia tribuantur, ea non tam gratia ab ijs qui tributa  
 sunt, quā gratulatione ab omnibus celebrari conueni-

re. Ego cum de tuis plurimis magnisq<sup>3</sup> virtutibus, quæ & ad doctrinam, & ad religionem pertinent, multa sæpe audissem, quæ mihi penitus infederant in animo: essesq<sup>3</sup> tu præterea eius regis frater, quem nos penè vnum verè Christianum Regem hac nostra ætate possumus appellare: purum atque integrum ab omni Christiani sanguinis macula, fidem Christi sanctissimam longe lateq<sup>3</sup> propagantem: quid mirum, si omneis meas curas, omneis contentiones, omnia studia ad augendū honorem & amplitudinem tuam contuli? præsertim cū is sim, qui erga tales animos incredibili quodam studio benevolentiaq<sup>3</sup> afficiar. Quamobrem quod ego feci, id summo vestro merito à me factum est. Quod tu autem agis, ut mihi ex eo gratiam te debere agnoscas, magis id bonitati tuæ, quàm ulli meo merito æquum est assignare. Sed de his satis. Illud quod est in literis tuis scriptū, quodq<sup>3</sup> ego plurimi facio, imprimisq<sup>3</sup> expecto à te uti præstes. Scribis enim te & fidei Catholicæ, et sedis Apostolicæ autoritati, quarū utraq<sup>3</sup> magnis in hoc tempore procellis tempestatibusq<sup>3</sup> iactatur, paratum esse vel tuo sanguine subuenire, si ita res ferat: conaturuq<sup>3</sup> id facere omnibus tuis opibus, hoc maiore animo, quod iste honos, atq<sup>3</sup> istius amplissimi sacerdotij dignitas maiorem tibi facultatem eius rei agendæ videtur allatura. Ille animus tuus, Henrice optime, tuaq<sup>3</sup> præstans atq<sup>3</sup> eximia in Christianam Remp. voluntas, ea est profecto, quæ te superiorem omni honore facit. Tu verò subueniet, (mihi crede) tuaq<sup>3</sup> opera plurimum et autoritate Remp. adiuuabis. Quid enim est quod tanta virtus nō queat

queat efficere, præsertim tot ornamētis fortune et nobilitatis adiuta? Sed initium tam præclari operis, nisi ego fallor, tibi inde ducendum est, vt frater tuus, clarissimus Rex, veterem suam & suorum maiorū omnium in hanc sanctam apostolicam sedem obseruantia: quæ vestræ regie familie et nomini vestro maximā semper laudem attulit, nullis hominum insidijs, nullisq; machinatiōibus patiatur interrumpi. Quod nō scriberem, nisi mihi quædam intuenti, nōnulla extimescenti, tu opportunissimo tempore visus esses vocatus ad eum honorem diuino propè consilio, in quo tuæ partes præcipuè future essent pacis & amicitie stabilis retinendæ. Quod quidem à tua virtute atq; prudentia maximè expectatum est. Sed de his quoq; plus etiam satis. Extremū est, vt tibi omnia tua studia mihi pollicēti, non solum agā, vti debeo, gratias: sed pari voluntate & beneuolentia ita respondeam, vt amicitie fides, et bonorum virorū mos & natura ipsa postulat. Quare sic habetō, me & permagni facere amorem erga me tuum, & in omnib. reb. quæ ad dignitatē tuā pertinebunt, ea semper acturum esse, eaq; sensurum, ex quib. meus vicissim amor in te summus, & singularis obseruantia appareat. Vale.  
 Romæ, XII. Calend. Septemb. M. D. XLVI.

IAC. SADOLET. SRE. CARD. GE

orgio Cælio Lusitano

S. P. D.

**L**itera tuæ quas mense Septēbri Vlixipone datas, ego ad tertium Idus Aprilis accepi, summā quam a

T t

4

mibi



mihi atque incredibilem voluptatem attulerunt. Vidi  
 enim in illis & perspexi, non solum qui tu vir esses, quo  
 ingenio, qua doctrina, qua etiam eloquentia prae-  
 ditus: sed etiam quantopere me diligeres: quo munere atque  
 honore, à tali viro praesertim, nihil habeo quod vel  
 optare possim praestantius: quanquam tu in me lau-  
 dando aliquanto es effusior. Sed ut ego eas in me lau-  
 des non agnosco, sic benevolentiam tuam erga me a-  
 micissimè compector, parq; in me amoris & volunta-  
 tis studium refero tibi, atq; reddo. Poema tuum (quod  
 patere omnibus necesse est) omni ex parte elaboratum  
 & elegans, magnopere me delectauit: nihil enim vi-  
 deo te subterfugisse in eo, quod ad mundiciem Latina  
 lingua, omnesq; in ea lepores & venustates pertineat,  
 quas apud nos propè iam intermissas, & quasi obsoles-  
 centes, tu homo non in Latio natus, tam diligenter  
 consecretaris & exprimis, ut aut mutata hominum lo-  
 corumq; conditio, aut Latium hinc ad vos videatur esse  
 translatum. Sed ut cetera in tuo carmine digna  
 approbatione, sic illud maximè laudandum extollen-  
 dumq; est, quod vera atque incorrupta religionis  
 patrocinium praestas: quae religio in hoc tempore ca-  
 lamitoso, oppugnata vndiq;, atque vexata, quod pau-  
 ciores habet à quibus & legitimè & fortiter defendatur:  
 hoc magis ipsa suorum defensorum & nomen &  
 memoriā tueri debet: & cum illis praemia apud Deum  
 immortalia parata sint, humanos quoque honores im-  
 partire. Quorum quidem in numero te egregias tene-  
 re partes, praecleara illa Christiana patientia, quam car-

mine tuo tam accuratè illustras, vel in primis ostendit.  
*Sed hac hætenus. Ego & beneuolentiam erga me tu-  
 am magni facio, & meam tibi non minorem pol-  
 liceor: tibiq; hoc sic persuasum esse volo,  
 me in omnibus officijs, quæ fidelis ami-  
 citia requirat, nec studio, nec vo-  
 luntate tibi vnquam defutu-  
 rû. Vale. Carpentoraët.*

V. Nonas Maij.

M. D. XL.

IAC. SADOLETI S. R. E.  
 CARDINALIS, EPISTOLARVM  
 LIBER XVI.

IAC. SADOLES. S. R. E. CARD. AL-  
 BERTO PIGHIO CAM  
 penfi, S. P. D.



**V**O S libros de Hierarchia ec-  
 clesiastica principatu cum lege-  
 rem, plurimaq; in illis inueni-  
 rem, quæ tua cura & diligentia  
 in lucem è tenebris, quasi vetu-  
 statis prolata sunt: scatereq; ibi-  
 dem omnia optimis & sententijs  
 & autoritatibus cernerem: equidem ingenium, & do-  
 ctrinam, & notitiam tuam rerum antiquarum sum

Tt 5 admi-

admiratus. Probitatem autem & religionem illa mihi  
 res etiam in te ostendit, quod vidi & cognoui,  
 te opimo animo & consilio adductum, quod Christiana  
 Reipublica tot malis detrimentisq<sub>3</sub> affecta, opem pro  
 tua parte ferres, tantum negotij & laboris suscepisse.  
 Quae res, & mea simul propensa in doctos probosq<sub>3</sub> ho-  
 mines voluntas, effecit, vt has ad te instituere in de-  
 reliteras, quibus tibi indicarem, cum mihi vehemen-  
 ter tua scripta probentur, pietatem tamen, & vo-  
 luntatem tuam, multo etiam magis probari. Itaq<sub>3</sub> q<sup>d</sup>  
 solet sequi necessario, vt cum de quopiam bene existi-  
 mamus, illum etiam diligamus: scito, me tantum susce-  
 pisse beneuolentia erga te, vt si quid extiterit, quod ti-  
 bi ex me commodum aut honorificum possit accidere,  
 neminem qui me vincat in amore & studio tibi grati-  
 ficando sis habiturus. Ego Roma non eram cum has scri-  
 bebam literas: sed in ecclesia mea Carpentoraeti, quod  
 Nicæa veneram, vt ex longo & difficili morbo perdi-  
 tam propè valetudinem recrearem: quibus in locis hy-  
 ems me oppressit. Nunc in Italiam & ad Urbem cogi-  
 tabam: quod cum his paucis mensibus, vt spero, peruene-  
 ro, (si mihi id Dei benignitate saluo facere licuerit) i-  
 ta memoriam tui, & meritum tuorum apud summū  
 Pontificē Collegasq<sub>3</sub> meos sanctæ Rom. Ecclesiæ Car-  
 dinales excitabo, & calefaciam: vt & ipsi, & ceteri  
 omnes intelligant, doctis & excellentibus viris, quan-  
 quam alienigenis & absentibus, magnos tamen fauto-  
 res in vrbe Roma non deesse. Nec tamen pratermittā,  
 quin inter eadem ad Pontificem Max. literas, debitū m-

que impertiam tibi & virtuti tuæ apud illum testimo-  
nium: quod hoc triduo omnino sum facturûs. Sed quod  
ad priuatas meas cogitationes attinet: scito Alberte do-  
ctissimè, me ex tuis libris in maximas angustias & soli-  
tudines animi coniectum esse. Versabar enim in eis-  
dem planè studijs, & in eodem argumento elaborabā:  
iamq; confeceram bonam partem lucubrationis meæ,  
cùm tui ecce libri mihi inopinanti aduenerûnt. Nûc quo-  
me vertam nescio: si pergo atq; insisto, videbor omnia  
abs te esse mutuatus. quid enim tu cuiquam reliquisti,  
quod is tanquam nouum aut inexpectatum possit dice-  
re? Si desino, durû erit frustra à me susceptos fuisse tot  
labores. Quid igitur agam? quid? opinor id, quod vete-  
res etiam philosophi & iureconsulti faciebant, eisdem  
de rebus, alio modo. In quo hauriam de fontibus quoq;  
tuis: nec me tantum scriptorum tuorum excellentia de-  
terrebit (quanquā deterret illa quidē, & vt quiescam  
suadet) quātum adiuuabit copia: quæ facit, vt maiore  
etiam animo quàm antea, & minore meo cum labore,  
confidam, spatium me curriculi mei, in quod ingressus  
sum, bene & celeriter esse confecturum. Vale, & nos  
tui amantissimos dilige. Carpentoraçti, III. Calend.  
Martij, M. D. XXXIX.

IAC. SADOLET. S.R.E. CARDINAL

Lazaro Bonamico.

S. P. D.

**A**Duentus ad nos Florebelli nostri, cùm mihi per se  
magna voluptati fuit: tum eò etiam gravior, & in-  
cun-

cundior, quod & tuas is nō iatti: lit. literas, & percontationibus meis quas habui de te, peruisi me respondendo, omnia tua diligenter est persecutus. Quo quidem sermonis genere, in quo videlicet Lazarus meus, is & amicus, & vir, quem ego & iudicio animi, & studio, & beneuolentia complector propè singulari, vltro citroq; versatur, nulli facile possum reperire se auius. Illud cupissem, ut te tua occupationes nō detinuissent, quo minus ad me longiorem epistolam mitteres. Non enim dici potest, quālibenter tuas epistolas legam, & quidem longissimam quanque libentissimè: ut illas legens, tecum mihi videar loqui. Quod si olim in colloctionibus nostris, illud inerat & vsitatum, & dulce, quod liberè, & sine cura vlla, sine cautione inter nos effutiebamus quacumq; in buccam venerant, quam nobis licentiam familiaritas dabat. qui nunc conuenit restrictos esse in scribendo, cum liceat eadem fiducia & libertate loquendi literas conficere, qua sermones conferebamus? Sed tu vereris fortasse, ne tibi in epistolis tuas facundia opes explicanti, postea cum è suggestu iuuentutem doces, contra caustidicos desit oratio: quorum tu, quanquam optimus dialecticus es, captiones tamen vitare nequiuisti. Quid vis fieri? sua cuiq; hominum generi sophismata sunt, quibus captent aduersarios, & in laqueum inducant. quanquam capitaliora fortasse quæ aurum, quàm ea quæ mentem ex suis educant locis. Sed quid ago? cum ad iocandum minimè idoneum tempus sit: & ego id non cogitans, ad veterem inter nos consuetudinem sic garriendi relapsus sim. Nā  
si ve-

si verū scire vis, mi Lazare, ego cūm has scriberem literas, & in maxima eram solitudine de Repub. quā vides ipse profectō quo in statu, vel potius quo in motu posita sit: omnia quidem vt aduersa in ea, & aspera horrere debeamus. Et tantum doloris acceperam ex morte summi viri, mihi collega, omnibus & amoris, et officij vinculis coniunctissimi, Federici Fregosij, vt ad huc animus illo vulnere ager, ex mœrore & tristitia recreari non posset: cui tamē vulnere paulūm quid me dicamēti lenioris induxit tui absentis recordatio. Nūc reuiuisceret dolor, nisi eum ego ab huius argumento epistolæ penitus exclusum vellem: præsertim cūm alia quadam mea lucubratiūcula tanti viri obitū satis similamentis prosecutus Eam schedam ad te perferet Paulus Sacratius meus, quem ego cupientē iamdiu vestrum istud gymnasium Patauinum inuisere, & in eo dare operam non studiij solūm artium optimarum, sed studiorum etiam in disputando & cum aequalibus differendo exercitationibus, libenter ad vos dimisi: tua si etus imprimis humanitate, & in nos beneuolentia: non enim dubito, quin eum tu sis eodem loco habiturus, quo ego habere soleo. Itaq; illum ne commendo quidem: satis enim tibi nostræ amicitia commēdat. Tuam ad Donatū Rullum epistolā legi perlibenter, non solū quia disertē et eruditē scripta est, ita vt accedat ad antiquitatis laudem: sed etiam, quia ad hominē eum missa est, quem ego mirabiliter diligo, tum virtutibus eius, tum etiā officijs erga me, vel beneficijs potius prouocatus: cui ipsi, quaeso meis verbis dicito, si nos dignos statuerit, quos  
ali-

aliquando in hac loca veniens inquisit, permaguum me  
ex aduentu eius, et ex conspectu letitiam esse capturum.  
Vale mi Lazare. XII. Calend. Octob. Carpentoracti.

IAC. SADOLETVS S.R.E. CARDI.

Romulo Amasæo.

S. P. D.

Venienti isthuc Iacobo Bordingo, qui Scholæ Car-  
pentoractensi triennium præsuit, optimo viro, &  
Græcis Latinisq; literis eruditissimo, non potui nihil  
ad te literarum dare: tum ut commendarem tibi hominem,  
quem medijsfidius ego singulari beneuolentia comple-  
ctor: tum etiā, tu ut agnosceres, memoriam me tui cum  
summa item beneuolentia retinere. Is ea de causa Bono-  
niam proficiscitur, ut quoniam dedit aliquot annos me-  
dicinæ operam, id studij & laboris in ista vrbe perfici-  
at, doctorumq; iudicio statuatur dignus, qui ipse quoq;  
possit eam ciuibus suis artem & scientiam profiteri: quod  
illud magna cum ingenij & doctrinæ laude adepturum  
esse confido. Nunc, etsi non dubito mi Romule, quin quæ  
à me, & diligi et probari intelligis, eum sis tuis studiis  
atq; officiis omnibus prosecuturus: tan en sic volo te  
existimare, vix quenquam inueniri posse, in quo tua  
mibi officia accidere possint gratiora, quam in Bordin-  
go, cui omnibus de causis meritò amicissimus sum: cu-  
pioq; eum quàm maximè et celebrari et ornari. Quod  
in præter ceteros egregiè mihi præstare potes, quod  
præes Bononiensi iuuentuti, & elegantibus ingenij  
domi-



dominari, in ea vrbe natis, è qua eruditio, & optimarum artium disciplina, in has transalpinas nationes dimanasse creditur. Porro autem hac sunt quæ ego te posco: Primum vt diligas hominem ipse, & charum habear: deinde, vt eidem doctos isthic viros concilies, reddasq; eum, & meo, & tuo testimonio omnibus notum. Postremò, vt cum publicè iudiciũ de dignitate Bordingi per doctorum collegium fiet: tu cum tuis omnibus vestro eum comitatu frequentiaq; honestetis. Quamq; summa postulorum meorum hac est: te vt ita geras aduersus Bordingum, amore studio, diligentia: vt intellegat ipse, meam hanc sibi commendationẽ apud te plurimũ profuisse: egoq; in hoc homine experiar, id quod tamen iam pridem scio, me abs te non solum diligi, sed etiam vehementer amari. Valemi Romula. Carpent.  
 IIII. Calend. Octobr. M. D. XL.

IAC. SADOLET. S. R. E. CARD.

Scipioni Blanchino,

S. P. D.

Bordingus meus suis literis, quæ tamẽ ad me tardissimè sunt perlata, de eĩs rebus scribens, quæ isthic ipsi honoris sui comitia obeunt, valde feliciter & exsententia processẽre: cum multa multorum erga se officia commemorat plena amicissimi in me, qui illum absens meis literis commendaram, studiũ & beneuolam voluntatis: tum tibi dat precipuè, summa erga se humanitatis, & prastantis cuiusdam liberalitatis testimoniũ; coactũq; tuo diuersatum se esse apud te, & domo tua,

tan-

tanquam sua comiter ac iucundè vsum esse perscribit.  
Quod ego mi Blanchine in eam partē accipio, vt quan-  
quam tu omnium doctorum virorum & sanctor, & ob-  
seruator sis: tamen hoc mihi in ipso Bordingo honoris  
abs te atq<sup>3</sup> officij tributum esse non dubitem. Nō enim  
sum oblitus, cum ego olim isthac iter facerem, Bononi-  
amq<sup>3</sup> venissem: te mihi ad hospitium publicum prae-  
fuisse: inuitasseq<sup>3</sup> domum tuā studiosè, & omnia signa  
egregij cuiusdam amoris mihi ostendisse. Qua ego tua  
humanitate cum non essem vsus, quidd mihi iter in-  
stabat praeproperum ac necessarium: recordor tamen,  
perinde me habuisse, ac si & tecto, & opibus tuis ex  
labore via planè recreatus fuisset. Neq<sup>3</sup> verò postea  
(vt sum natura factus) ex animo vnquā excessit meo,  
illius tui facti officijq<sup>3</sup> memoria, nunc in Bordingo ipso  
renouatum per te, factumq<sup>3</sup> est excitatius: quod nō ob-  
soleuerat quidem in mente mea, sed se ad occasionem a-  
liquam tempusq<sup>3</sup> reseruabat, studium meae quoque tibi  
vicissim beneuolentiae aliquibus tibi signis indicijsq<sup>3</sup> de-  
claranda. Quod quoniam propter diuturnam absenti-  
am meam re ipsa efficere difficilius videtur esse, et spif-  
sus: iccirco has ad te interim dare institui literas, qui-  
bus tibi significarem, animum tuum istum erga me, &  
mihi perspectum iam pridem, & nuper in Bordingo a-  
pertiore etiam factum fuisse: quē tu honoris mei gra-  
tia tam honorificè amanterq<sup>3</sup> tractaris. Quod si locum  
mihi fortuna praeberit, vt possim, quanti te faciam, et  
quid tua causa velim, quē admodum quidē cupio atq<sup>3</sup>  
opto declarare: perficiam vt intelligas, te homini gra-  
tissi-

riſſimo, & ſimilium tui amantiſſimo, praſtitiffe ea offi-  
cia, qua non idco ſolum perſnagni eſtimāda ſunt, quodd  
à beneuolentia & amore proficiſcuntur: ſed etiā quodd  
gignunt ipſa & procreant ſummam beneuolentiā: quā  
iam inter nos mutuam conflatam eſſe, & à mea par-  
te cōſcius mihi ſum, & è tua confido. Tu mi Blanchine  
da operā vt valeas: noſq<sub>3</sub> fac abſenteis vt diligas. Mat-  
thæum Curtium medicum apud nos inſignē, & doctiſſi-  
mum hominē, Romulum, totamq<sub>3</sub> ſimul Campegiorū  
domum, qui omnes in Bordingo ſuum mihi animum et  
amorē patefecerunt, meis diligentiffimē vt ſalutes ver-  
bis, gratiasq<sub>3</sub> cunctis hoc nomine agas, etiam atq<sub>3</sub> eti-  
am à te peto. Carpentoraſti.

IAC. SADOLETVS.S.R.E.CARDINA

Proſpero Sanctacrucio

S. P. D.

**M**agna me voluptate affecerunt litera tua: ex qui-  
bus perſpexi, vigere apud te & memoriam amici-  
tiæ noſtræ, & ſtudio propenſa erga me voluntatis:  
quam ego habui ſemper cariſſimā, ab eo tempore vſq<sub>3</sub>,  
quo tu Patauij optimis artibus operā impendens, non-  
nulla iam illhinc ad me tui amoris indicia miſiſti. Quo  
quidem tēpore memoria teneo, me dupliciter ex te læ-  
tari eſſe ſolitum: cū ab eiſdem teſtibus cognoſcerem,  
& quantum tu mihi tribueres, & quantum ceteris i-  
pſe aequalib. tuis, qui tunc in eodem verſarentur curſu,  
induſtria & omni laude ingenij antecelleres. Secutum  
eſt tēpus, cū fuimus Romæ: omniaq<sub>3</sub> ea qua inter nos  
interceſſerant tanquam elementa & ſemina futura ſa-

V u

milia-

miliaritatis, cōgressu nostro mutuūq<sub>3</sub> sermonibus alta,  
educta, confirmataq<sub>3</sub> sunt: nostraq<sub>3</sub> coniunctio in eum  
statum adducta, vt et tua mihi obseruātia, et meus tibi  
animus amorq<sub>3</sub> patuerit. Sed quorsum hæc? Vt intelli-  
gas, mi carissime Prosper, ea quæ tu scribis in literis tu-  
is, de tuo studio & beneuolentia erga me, deq<sub>3</sub> ea fide  
ac diligentia quam in causis meorum sis præstaturus,  
et si iucundissima mihi fuerint legenti literas, tamen e-  
tiā sine literis, animo mihi præcepta, ac minimè dubia  
fuisse. Carolū quidem meum optimo iudicio vsum esse  
video, qui te & Aragonium nostrum patronos populis  
meis asciuerit. Quid enim mihi vtriusq<sub>3</sub> vestrum fide,  
doctrina, beneuolētiaq<sub>3</sub> exploratius? Equidem laboro  
meorum ciuium causa: idq<sub>3</sub> me & iuste & piè facere iu-  
dico. Agitur enim illorum res: meum autem officium:  
quod ego ita sanctè diligeretq<sub>3</sub> tueor, vt nihil sit om-  
nino quod habeā antiquius. Quod si in humanis actio-  
nibus & negotijs, valuit semper apud me ratio officij  
plurimum, quid facere debeo in diuinis? Ex Deo enim  
est hæc, non ex hominibus, quæ mihi cum his populis  
necessitudo contracta est: quā ego dum integrè casteq<sub>3</sub>  
custodio, si minus seruiio commodis & vtilitatib. meis:  
illos tamen fructus multò vberiores consequor, quod  
pacatus intus, & totus mihi concors, optima cum spe  
vivo. Cū igitur mei huius laboris atq<sub>3</sub> officij bona pars  
ad vos delata vel potius mihi cōmunicata sit vobiscū:  
peto ambobus à vobis, vt eiusdem etiam mecum & stu-  
dij & curæ participes: esse velitis. Quanquam non  
tam hoc petere, quàm me vobis gratias agere oportet:

tanta

tanta mihi satisfaciendi voluntas in literis est declarata. Cuius ego certè memoriam perpetuò conseruabo. Vale mi Prosper, & tibi ita persuade, me si facultas & occasio affuerit, fautorem semper fore & amplificatorem tuæ dignitatis. Aragonio plurimam dic meis verbis salutem. Carpentoraçti, Pridie Idus Ianuarij, M.D.XL.

IAC. SADOLET. S.R.E. CARD.

Ioan. Baptistæ Speciano

S. P. D.

**S**icuti mea & natura et consuetudo erga amicos postulat, facio hoc & saepe & libèter, vt absente te absentem meis cogitationib. proponam: gratamq; recollectionem vsurpem, cum virtutis tuæ, tum mutuae beneuolentiae nostrae. Quin illum quoq; diem, quo postremò fuimus vnà, sermonemq; totum, quem cõtulimus inter nos, in memoria semper habeo: cum tu mihi Carpentoraçte redeunti ad portam Mediolani in diuersorio praesto fuisti: mecumq; primo amicissimè conquestus, quod non introissem in urbem: quodd nec tuo, nec summi viri fortissimiq; ducis Alfonsi Dauali hospitio essem vsus: cum tibi mei facti atque consilij rationem attulissem, consuluisti boni: ad eaq; officia mihi tribuenda conuersus, quæ maxime tempus illud meum, & itineris ac periculorū quæ impendebant, ratio requirebat: nihil praetermisisti, quod vel in me adiuuando, studium tuum atque amorem vel in docendo & commonesfaciendo, prudentiam desideraret. Quo quidem tempore illud mihi fuit incūdisimum, quod vidi, tibi quoq; quem ego alie

niorem ab huiusmodi sententia fore arbitrabar, meum relinquendi res propemodum perditas, & in solitudinem abeundi consilium, probari. Habebat autem nonnihil controuersia & disceptationis res: vtrum liceret homini hoc honore prädito, partesq; eas in Republica obtinenti & autoritatis & scientia, quas longa iam aetas, & vsus rerum plurimarum mihi attribuerat, discedere à consilijs publicis, & ad priuatas cogitationes se referre. Quanquam, hoc quidem modo re' proposita, nulla videretur esse excusatio, quæ me vindicare à culpa et peccato posset. Quo quid homini, ea quæ gerat, rectè atq; ordine gerere cupienti, posset accidere grauius? Exponamus igitur causam alio modo, & ita queramus: vtrum licitū sit homini in aliquo munere publico & honore posito, cū aduersis omnium voluntatibus videat nihil se proficere posse, quod ad Reip. pertineat salutem: habeat autem idem domi & priuatim præclaras genere actiones, in quibus versari & se exercere commodo eiusdem Reipub. queat: dimittere curas publicas, et ad priuata studia se conferre quæ præsertim nihilominus in publicam vtilitatē reditura esse videantur. Sic enim proposito statu causa, faciliior erit explicatio veræ rationis, & mei facti defensio. Nam si ego operam meam vtilem esse Reipub. existimans, subtraherem me à negotijs publicis, & otij fruendi ac desidia causa Vrbem curiamq; relinquerem, ne me ipso quidem iudice, à maximi criminis culpa esse absolendus. Etenim quid cogitari potest iniustius, quàm si quæ habeas animi aut ingenij bona, quæ in communi homi-

num utilitate elucere possint, ad eaq<sub>3</sub> exhibēda, tui honoris munere atq<sub>3</sub> officiosis obstrictus nō illa ad publica emolumenta conuertere, sed querere tibi ipsi priuatim otium, cū tuus labor proficere ad plurimorum hominum fructum & commoditatem possit? Vera hæc est ratio, neq<sub>3</sub> excusationem habet huiusmodi volūtas. Sed si, quod res collapsa in suum ordinem et locum restituerentur, veraq<sub>3</sub> regendi & gubernandi ratio à principibus nostris iniretur: neq<sub>3</sub> temeritati, & fortunæ, cupiditatibusq<sub>3</sub> incōsultis permitterētur omnia, multa sæpe à me & dicta & tentata sunt: nihilq<sub>3</sub> prætermisum, quod vel ad docendum, vel ad cohortandū vel ad rogandum etiam valeret: porro autem nullæ meæ sint in Republica præterquam sententiæ dicendæ, & consilij explicandi partes: quid facere debui, postquam omnia conatus, niti me frustra, et laborare intellexi? An cōtra fluctum flatumq<sub>3</sub> (quod aiunt) nauigio tenui, remis velisq<sub>3</sub> contendere? Quod si spes aliqua tamē extisset melius fore aliquando: & si isti, quorū imperium summum est & potestas, non præcipitanter prorsus & præruptè, sed cū timiditate tamen et cautione aliqua in ea consilia se conijcerent, quæ sunt & ipsis perniciofa, & Reipublicæ potuissem aliquandiu forsitan dolorem pati, potuissem occasionem expectās dissimulare, quoad veniret tempus, in quo ex meī animi sententiā, quæ certè in hoc genere rectissima & sanctissima est, possem opem ferre auxiliumq<sub>3</sub> Reip. cū conatus meos, & labores omneis, quos pro illa suscipere, fore illi subsidio, nec casuros irritos existimarē. Cū verò nostri prin-



cipes, qui maximè tueri et regere Christianam Remp. deberent, nihil videantur sibi habere propositum, nisi exitium & euersionem earum ipsarum nationum, quarum præcipuè salus à præpotente Deo illorum est fidei commendata, & credita: cumq; ea illi sola consilia exquirant, et appetant, quæ sibiipsis, ommissa consideratione Reip. arbitrâtur vtilia: (in quo falluntur quidē sed doctorem monitoremq; nō recipiunt) seseq; ita gerât, vt quasi mercede à Barbaris hostibus Christiani nominis conducti, operam illis ipsis in profliganda re Christiana strenuam studeât nauare: quid me tādē agere consulerēue oportuit? Spectatorē me me communiū miseriarum constituere? Et essent tam ferreo animo præditus, vt atrocitatem illius spectaculi perferre possem? Qui enim mæror meus in calamitate tot populorum, qui animi dolor esset? qui non mihi corporis vel asperimus cruciatus, leuior tamen illa acerbitate accideret? An cū in hoc communi tāquam nominis et generis nostri incendio, omnes ferè non ad auxilium, sed ad direptionem conueniant, ego quoque particeps aliqua ex parte illius prædæ esse debui? At mihi prius milites mors acerba eueniat, quàm vt illiusmodi culpā labēmue vllam suscipiam: de qua ne cogitari quidem posse sine scelere & parricidio ab homine vllō puto. Ergo id, quod fuit reliquum, atque solum, sumpsi mihi, & constitui: concedendum mihi esse in ea loca, quod nec Pelopidarum nomen, neque facta meas ad aures perlaberentur. Quod etsi non omnino assequor, multas habeo tamen & iucundas à molestissimis hisce curis et  
soli-

*solicitudinibus animi auersiones, quas mihi potissimū  
 praeclara artium optimarum studia suppeditant. Et si  
 verum scire vis: ego cū viderem multis & varijs mo-  
 dis ac impugnationibus labefactari rem religionemq;  
 Christianam: habereq; eam hostes & externos & do-  
 mesticos, qui hoc etiā deteriores perniciosioresq; exi-  
 stunt, quod illi externi, bona haec terrena sua sponte ca-  
 duca per seq; interitura, nobis eripiunt: hi cœlū, & pa-  
 triam illam beatam atq; sempiternā conantur eripere:  
 quae ad vim hostilem reprimēdam idonea sunt arma at  
 que consilia, ea principibus terrenis à Deo permissa  
 sunt, si illi nutum & voluntatem summi Dei uoluerint  
 attendere. quibus verò praua huiusmodi opiniones,  
 quae in C H R I S T I fidem veramq; et puram Dei  
 religionem, magno cum omnium salutis beatq; vitae a-  
 mittendae periculo, non diu antè irruerunt, coercean-  
 tur, & retundantur: illa ego mihi sumo, et ad hoc opus  
 saluberrimum atque sanctissimum studium, operā, la-  
 borem, curam, diligentiamq; meam omnem polliceor  
 atq; profiteor. Itaq; si meis optatis Dei benignitas af-  
 fuerit, opera ea sum effecturus, quae si non magnitudi-  
 ne & numero, at perspicuitate & intelligentia, certè  
 multa fidei in C H R I S T V M nostrae misteria ita a-  
 pertam in lucem proferent, vt velut magno illato lumi-  
 ne, facile sit futurum vnicuiq;, qui animū modò equū  
 attulerit, ad cognoscendum, inter verum atque falsum  
 discernere & iudicare. Quod meum consilium cū ma-  
 ximè ad commodum & summam Christiana Reipub.  
 spectet vtilitatem, eiusq; ad partem illam tuendam fo-*

uendamq<sub>3</sub> pertineat, quæ præcipuè agra, eademq<sub>3</sub> nomini Christiano maximè salutaris sit: ego qui ex illis fluctibus in hunc portum me recepi, & in eis commoror nunc locis, vbi plurimum illi opitulari & prodesse queam, non deseruisse curam cogitationemq<sub>3</sub> de Repu. sed illam nunc demū verè & vtiliter suscepisse sum existimandus. Sed, vt ad prima redeam: cū antea te dilexisssem, & virtutibus tuis multis, & etiam officijs erga me prouocatus: tum verò extremus iste congressus noster, prudentiam maximè mihi tuam et aquitatem animi probitatemq<sub>3</sub> aperuit. Vidi enim, vidi, te & lugere eosdem Reip. casus, quib. ego afflictor: et eodem animo appetere honestum otium, quo ego id sum consecutus. Quod etsi fœlicius mihi obuēnit, quàm adhuc fortasse tibi: magnum tamen præ se fert probi & sapientis animi indicium, illa eiusmodi mens, quæ radio malè rerum contractarum, & exitum sibi, & facultatem fruendæ libertatis quærit. Quod solet accidere fermè ijs, qui optimo ingenio & natura ingenua in lucē editi, postq̃ diu versati in principum negotijs, aliquando perspexerunt, quàm illa aliena à trāquilidade animorū, vel potius inimica beata & iucunda vita sit viuendi ratio: quippe quæ tota angoribus assiduis, maximisq<sub>3</sub> sollicitudinibus, tanquam sentibus & spinis, intestinos sensus nostros lacerat atque cruētat: aut è vestigio si possunt, aut saltem pedetentim & cautè, illis sese laqueis & cōpelibus conantur exoluere. Quæ cū in viroq<sub>3</sub> nostrū similis voluntas sit, eodemq<sub>3</sub> ambo studio, optimis et artibus et literis dediti simus, ad multas & graues nostra

con-

coniunctionis mutuaq<sup>3</sup> beneuolentie causas, hac quoq<sup>3</sup> similis sensus & communium studiorum ratio, tam magni momenti pondus affert: vt ego amorem quem erga te suscepi, quoad vixero perpetuum sibi seruatorus. Quod vt de me tibi polliceor, sic mihi vicissim de te persuadeo. Tu, si eiusdem tibi erga me animi conscius es, id mihi literis tuis si declaraueris, facies rē mihi vehementer optatam atq<sup>3</sup> gratam. Alfonso Daualum, cuius ego virtutem, nobilitatem, magnitudinem animi, mirifice & cultu & beneuolentia mea prosequor, vt saluere iubeas meis verbis, summeq<sup>3</sup> me ab eo cupere diligi illi vt confirmes, magnopere à te peto. Vale. Carpentoracli, Idib. Septembr. M. D. XLIII.

IAC. SADOLETVS SRE. CARD.

Ioan. Bernardo Feliciano

S. P. D.

ET si in summa expectatione eram, post Rulli mei literas, quibus ad me de Appiano Alexadrino scripserat, illius libri habendi, mea<sup>q<sup>3</sup></sup> in eo legendo explenda cupiditatis, qua diu fueram huius egregij (vt ego sentio) scriptoris ipsius lingua cognoscendi, non mediocriter accensus: tamen non exiguum fructum eius mora, quæ mihi afferebatur, tuas accepi literas: quæ, et qui tu vir esses, & quam beneuolentiam erga me suscepisses, planè mihi indicarunt. Sunt enim amanter prorsus, & perdisertè scriptæ. In his quoddam tarditatem negotij tantopere excusas, tua quidē diligentia mihi vehementer grata: sed excusatio nō ita necessaria fuit. Facile enim intelligo, ea quæ aliena fide opera<sup>q<sup>3</sup></sup> gerantur, non ad-

modum saepe respondere votis eorum, qui suum in his rebus officium agi putant. Quod tamen officium magis à te ex humanitate tua susceptum est, quàm quòd ego de te vlla in re bene sim meritus. Sed tamen quicquid est, quod abs te actum est mei honoris causa, id mihi prorsus non modò accidit gratissimum: sed magnā etiam curā attulit, vt si fuerit occasio, coner te cōpensare non impari mūnere, praesertim cū videam quanta cum diligētia & literarum elegantia scriptus liber, idemq; à glutinatoribus quàm aptè & cōpositè concinnatus sit: in quo amoris & liberalitatis primas Rullo partes, tibi secundis sine dubitatione defero. Agoq; propterea ambobus vobis magnas graias. Tibi autem, qui me in tuis literis eis laudibus exornas, quas ego non agnosco: totumq; id refero amorem ad eundem, qui tuus erga me mihi iam perspectus est: his meis Feliciane literis hoc respondeo: te, etsi nequaquam antea mihi fueris notus, tamen hoc recēte officio ita animo insedissee meo, vt quidem te posthac in meorum amicissimorum numero habiturus sim. Neque id solum, verum etiam optaturas, locum & tempus aliquod mihi dari, quo tu me itē tui amantissimum esse intelligas. Vale. Carpentora acti, Idibus Iunij, M. D. XLI.

IAC. SADOLETVS. S.R.E. CARDI-  
nalis Donato Rullo

S. P. D.

**S**At longum interuallum factum est, ex quo ego tuas literas accepi, XII. Cal. Aprilis Venetijs datas: Quae etsi summam significationem tui erga me amoris habebant,

bant, erantq<sup>3</sup> ita scripta, vt nihil illis suauius, nihil ingenui animi liberalisq<sup>3</sup> naturæ significantius fieri posse videretur: tamē quoniam habebant Appiani Alexādrini mentionem, teq<sup>3</sup> adhibuisse diligētiam, vt is liber Gracē describeretur, mihiq<sup>3</sup> mitteretur, indicabant: non putaui mihi quicquam rescribendum, quod certum scirem, quod allatus ille liber, & cuius fidei ac diligentia mihi reddendus commendatus fuisset. Nihil enim erat de hac re in tuis literis scriptum: neque valēbam coniectura assequi, vnde illum mihi, aut quo pacto accersendum putarem. Quod cū longius duceretur, egoq<sup>3</sup> in maxima expectatōe tui mihi optatissimi munus essem: recordor scripsisse ad Priulum, talem virū, qualem tu quoque existimas: hoc est, omnibus ingenij, officij, virtutisq<sup>3</sup> ornamentis praditum: vt is re explorata, quamprimum hac me expectatiōe liberaret. Qui cū ad me ipse scripsit, tū misit eiā Ioānis Bernardi Feliciani (hominis docti, & vt perspexisse videor, mei quoque studiosi & amantis) literas: ex quibus dupliciter letatus sum, quod in eis luculentum inerat testimonium & tuæ singularis beneuolentia erga me, & item suā. Neque tamen statim liber tunc vnā cum literis, sed post aliquot dies, mihi tādē redditus est. Quē ego, mi suauissime Rulle, ea cum animi letitia accepi, qua solent, qui magnum honorem, aliquem aut regnū concupiuerūt, ad sui desiderij exitum peruenire. Nam mihi quidem regnum atq<sup>3</sup> honos litera sunt: in quibus ita versor, vt non ex illis lucem aut gloriam, sed moderationē animi, & regulam quandam vitæ pacatius traham.

ducen-

ducenda, mihi sumendam putem. Porro autem hūc au-  
torem semper imprimis admiratus sum, prudentiamq;  
in eo penè singularem cognoui: et si cū Latinum lege-  
rem, neq; verba satis in eo, neque sentētiæ constabant:  
perspiciebam tamen in eius scriptis nescio quid, quod  
se mihi extollere super communem vsum, ceterorū scri-  
ptorum, præsertimq; Græcorum videretur: quod hunc  
tuo insigni mi Rulla beneficio melius & liquidius diju-  
dicare poterō. Totum enim scriptorem hunc, planè pe-  
nitusq; comprehendam, & perscrutabor: ad quod me  
adiuvabit, quod ita & scriptus, et glutinatus liber est,  
ijsq; & literarum intus, et extra pēgnatis illustratus:  
vt non solum vtilitas, verū etiam voluptas me ad le-  
gendum vehemēter sit allectura. In quo video tuā sum-  
mam diligentiam, cū summo amore, quē in me habes,  
certasse. Quare gratias tibi equidem ago pro tua erga  
me liberalitate, & habeo maximas. Sed in quo etiam  
gratius mihi es facturus, si me diligis, & si hominem  
esse me existimas non indignum eis studijs, in quib. am-  
bo educati sumus, persuasissimum tibi habebis, nunquā  
tui huius officij elapsuram mihi memoriam ex animo:  
nec modò me adductum beneficio, verū etiam impri-  
mis benevolentia erga me tua, curaturum omni studio,  
vt aliquod aliquādo mei in te amoris et gratissimæ vo-  
luntatis indicium appareat. Vale. Ex Feliciano Car-  
pentoraetensis diœceseos, Idib. Iuniij, M. D. XLI.

IAC. SADOLETVS. S. R. E. CARDI-  
nalis Donato Rullo  
S. P. D.

Quin-



**Q** Vintus hic agitur mensis, ex quo tempore ego in hanc urbem me retuli: non mea sponte quidem neque voluntate huc adductus, sed inuitus, ac dolens Pontificis Max. imperio literisque compulsus, cum mihi in otio studiisque meis honestissimè simul ac libentissimè commoranti, hoc sanè iter per incommodum, & valde contra animi sententiam accidisset. Sed ut primùm Romam attingi, fuitque cum quo de meis rebus loqui familiariter, et liberè possem: id quod & tua erga me officia meritaque postulabant, & mei animi grata fidelisque memoria mihi suggererat: statim de te & de tuo omni statu percontatus sum. Noli enim putare mihi Rulle non mihi insidere in animo perpetuam memoriam illius liberalitatis tue, cum misso ad me transalpis usque optatissimo libro, non solum consului studiis meis: sed quo tu esses erga me animo, qua benivolentia ostendiisti. Neque hoc tantum: verum illud etiam perspicuè declarasti, singulare quoddam tibi esse ingenium, summumque iudicium in perspicuè sciendis hominum voluntatibus & desideriis: tuaque liberalitate ad illorum usum tempusque accommodanda. Cum id mihi, homini etiam tum tibi ignoto, muneris destinaisti, quo nullum nec tibi in dando convenientius, nec mihi in capiendo honestius esse potuit. Quae res fuit ea quidem mutuae initium benivolentiae nostrae. Sed ego longius, pro mea natura, progressus sum. Ex eo enim tempore ita te amare coepi, ut nullum unquam studiū erga te amicissimi hominis intermiserim. Itaque Romae ut primum mihi consistere datum est, tu mihi ferè occurristi primus, de cuius statu & incolumitate amicos

scisci-

sciscitarer. A quib. cū id quod maximè optabam mī  
hi esset responsum, te scilicet valere in omnem partem,  
pauloq; ante visenda rei pulcherrima, hoc est publici  
Christianorum conuentus spectandi causa Tridentum  
accessisse: laudaui equidem & animum et ingenium tu  
um, qui nunquam ab ingenuitate tua, et solita tibi pro  
bitate, discedas. Etenim videre mihi videor, quā tu sis  
cupidus rerum bene restituēdarum: quā in eiusmodi  
studio & voluntate flagrans: vt te angat & sollicitum  
habeant ea, quæ quotidie afferūtur impedimenta. Sed  
de rebus illis Deus viderit. Nos quidem optamus, &  
assiduè vota facimus, vt quā rectissimè omnia agan  
tur: veruntamen quid sperare debeamus, incertum est.  
De te ipso autē, id quod ad me nunc pertinet, estq; mei  
in te summi amoris proprium, nonnulla mihi, Donate,  
incidit suspicio, & metus quidem, ne ex animo tuo pe  
nititus elapsus sim. Quid enim est? quinque ne iam men  
ses sunt, fluxitq; tantum temporis, neq; dum mihi abs  
te quicquam, ne salus quidem, aliorum saltem literis,  
tuis verbis nunciata? tantōne tibi labor scribendi aut  
monendi molestior, quā mei absentis fuit appellatio  
iucunda? Quomodo ergo hoc lues? opinor si & lite  
ras mihi mīseris, & doctissimorum hominum contuber  
narium tuorum, Aloisij, Priuli, & M. Antonij Flami  
nij acta aliqua ad me perscribes. Nisi fortè omnē tuam  
mentē, cogitationemq; rerū cæterarum, illa propè im  
mēsa suauissimi huius tui comitatus voluptas sic obrui  
it, vt dispicere in partē aliam non queas: præsertim, o  
mniū hominum longè & virtute, & comitate, & pru  
dentia

dentia præstātissimo, Polo, tuos oculos animumq; com-  
plente. Quod si est ita, ignosco tibi equidem, neque te  
amplius vllō crimine accerso. Sed in magno meo desi-  
derio retinendi tui, illa me restamen plurimum conso-  
latur, quòd intelligo, plus semper apud me officij ac di-  
ligentia in tuenda amicitia memoria residere. Quare  
si me amabis, & ipse ad me scribes, & hac præterea  
efficies, vt te internuntio, sodales tui & me sui aman-  
tissimum esse cognoscant: & ego illos memores intelli-  
gam mei. Quod probè eueniet, si illi mihi salutē ex tuis  
litteris dixerint. Quam ego vt illis plurimam à me nun-  
ties, vehementer abs te etiam atq; etiam peto. Vale.  
Romæ, IX. Cal. Octobr. M. D. XLV.

IAC. SADOLETVS S.R.E. CAR.

Isidoro Clario Abbati

S. P. D.

Commodum emerferam ex tertiana febris, cūm tuæ  
mihi allatæ sunt literæ, datæ XVI. Calend. Augusti  
Tridenti: aliquanto autem serius, quàm dierum & ite-  
nerum ratio postulabat, tabellariorum negligentia no-  
bis reddita: quibus in literis facilè et amorem tuū erga  
me, & memoriā veteris nostræ consuetudinis recogno-  
ui. Sed quominus ad eas tum celeriter respōderim, par-  
tim imbecillitas corporis, partim etiā publica hæc ne-  
gotia, quæ nos hīc anxios & sollicitos admodū habent,  
aliquandiu retardarūt. Video enim Isidore, id quod tu  
quoque in literis tuis significas, rem cōmunem nostrā,  
hoc est, causam Christianæ religionis (quid enim est ip-  
magi

magis nostrum esse possit: ) ed deductam esse, vt grauis  
 finorum concursus periculorum metuere debeamus?  
 spe praesertim concordiae penitus sublata, qua antea su-  
 stentabamur. Nam qui antea, cum à nobis & ab Eccle-  
 sia Catholica grauitè dissentirent, omnia sua tamè cō-  
 cilio se esse permissuros pollicebantur: nunc posteaquā  
 indictum conuocatumq<sub>3</sub> concilium est, cum retractent  
 promissionē suam, plurimaq<sub>3</sub> dent indicia, non solū nō  
 cōmutati pristini animi sui, verū etiam in prauis opi-  
 nionibus vehementius pertinacis: qua spe possumus ni-  
 ti, vt turba haec, quae omnia diuina humanaq<sub>3</sub> permiscue-  
 runt, aliquando pace consensioneq<sub>3</sub> tollantur? Atq<sub>3</sub> vti  
 nam, quod tu videris considerare, mea opera atque indu-  
 stria aliquid prodesse posset Christianae Reip. nos hoc  
 damnum violatae perturbataeq<sub>3</sub> religionis, vel nostro i-  
 psoꝝ sanguine libenter redimeremus. Sed cū neq<sub>3</sub>  
 ingenio multum, & autoritate nihil possim: quod tan-  
 tum mihi tu tribuis, id ego amoris tuo erga me, non illi  
 quo ceteris in rebus plurimum vales, iudicio esse assi-  
 gnandum puto. Verū quoquo se modo habeant Chri-  
 stianae res, illa est spes nobis in Deum coniicienda fir-  
 mior, quod is p̄ sua summa perpetuaq<sub>3</sub> benignitate &  
 clementia populos suos seruabit ab interitu: neq<sub>3</sub> gen-  
 tem delectam ab sese nonnullorum scelere atq<sub>3</sub> perfidia  
 dari in exitium volet. Quam ego vnā consolationē,  
 nec aliam praeterea vllam, his tot malis reperio. Sed de  
 his satis. Quod scribis, iucunda isthic multorum cōsue-  
 tudine, imprimisq<sub>3</sub> eorum qui legationis munere apud  
 vos funguntur, amplissimorum, sapiētissimorumq<sub>3</sub> ho-  
 minum,

minum, comitate erga te, summaq; liberalitate leuari molestias tuas: facile adducor in eam sententiā, vt tibi ista peregrinatio non defugienda fuisse videatur. Nihil enim potest esse dulcius, quā cum doctis, cum probis, cum tui amantibus versari. Quibus quidē legatis, quos ego omneis summo cum honore colo obseruoq; plurimam vt salutem verbis meis nunties, non rogo te solū, verū etiam flagito. Lucianum, sodalem & contubernalem tuū, vidi Ferrariæ, sumq; cum eo bis collocutus, et quantum illo breui tempore iudicare potui, eius excellens ingenium, singularemq; doctrinam summo opere probaui. Eum tu, & item contubernalem tuū Chrysostomum quem testimonio tuo, & amare cœpi, & virum egregium esse arbitror, meis verbis saluere iubeas velim. Fac valeas, nosq; mutuo diligas. Romæ, Calend Septembris, M. D. XLV.

IAC. SADOLET. S. R. E. CARDINAL.  
Isidoro Clario Abbati, S. P. D.

**A**cceperam tuas vnā & Luciani nostri literas, gratus mihi vt rasq;: sed cū illi tū aliqua rescripsisset, distuli scribere ad te, quoad haberem absolutum meum de peccato originis librum. Quem nunc tibi mitto, correctum aliquot in locis: non quæ mihi viderentur ab integra in Deū fide esse aliena: sed vt contentiones fugerem quas studio omni semper deuoto si tamē id mihi aliqua ratione cōcedatur: est enim seculum hoc, si quod vnquam aliud, vt tu quoq; scribis, ita paratum ad insidias omnium scriptis lucubrationibusq; tendendas, vt transiri nusquam sine periculo possit. Sed si virilis ani-

mi non est, deterreri metu ab actionib. honestis: ne meū quidem erit, si quid sit in quo prodesse possim fidei Catholicae, quam ego sanctissimè & constantissimè colo, desistere à conādo hominum contentiosorū causa. Ego pro mei captu ingenij (quod sanè quā exiguum est, sed cupiditate incensum indagāda ueritatis) conatus sum, quoad potui, aperire rem obscurissimā: & hoc originis peccatum, quod semper adhuc mihi latuisse visum est, in conspectū hominū lucemq; proferre: si id tamen sum assecutus. Quod iā nō meum, sed aliorū erit iudicium: & imprimis tuum, Isidore charissime, comitumq; tuorū vnā Luciani & Chrysostomi: quos ego scio non certandi stadio, sed animo cognoscendi, amicè & ingenuè mea scripta lecturos. Habes igitur librum, in quo legēdo quadam à te peto: primū, vt attento animo cum perlegas, deq; tota materia non antè quicquā statuas, quā illa tibi bene percepta & cognita fuerit: habet enim (vt opinor) subtiliores nōnullas considerationes. Deinde, vt cū legeris, remq; cum familiaribus tuis communicaueris, si qua offendes in eo, qua apertè videantur à Catholica fide discrepare, mihi antenunties, quā cuiq; notum facias: vt possim, id quod maximè opto, non solum probus esse ecclesiae filius: sed etiam videri. Equidem laboravi, & adnexus sum: omniaq; circumspexi, ne imprudens inciderem in sententias reprehensione dignas. Nā de industria in eas incurrere perquam impium est: neq; id vnquam sinat me Deus. Inscium autem & oscitantem labi aliquando, & errare, est humanum. Sed tamen, vt admonitu beneuolorum

error statim tollatur: quo ego mediusfidius sum animo, ut & auditurus sim libenter errores meos, & illos studiose emendaturus ac correcturus. In quo mi Isidore tuam imprimis operam benevolentiamque requiro. Si ergo erit quippiam eiusmodi, me quam primum certiores facies: reliquos celabis, donec tibi à me fuerit responsum. Cum reliquos dico, tuos comites excipio: quorum ego permultum, & confido probitati, & tribuo doctrinae. Sin autem nihil fuerit quod Christiana pietati sit aduersarium: erunt autem aliqua, quae disputationibus trahi in diuersam partem posse videantur: ijs post habitis atque neglectis, librum communicabis quibus cum voles. Nam certe res ipsa et veritas se ipsam tutabitur. Aut si quid erit fortasse, quod nequeat defendi: tarditas mei ingenij accusabitur, non in Deum fides: quorum primum tolerabilius est, alterum ferri nullo modo potest. In conferendo autem & communicando, rogo te uti habeas potissimum Ambrosium Catharinum: omniaque ita agas & tractes, ut tua in me benevolentia, & mea erga te mutua postulat. Quanti momenti sit, & quantopere conducat hominibus. Christianis, cognoscere hoc originis peccatum, quae in re consistat, et ad fidei nostrae mysteria intelligenda quam habeat vim, differere pluribus, nisi te optime id nosse scirem: quamobrem supersedebo hac parte orationis. Tantum te orabo atque obsecro, ut suscipias hunc laborem non inuitus, mei honoris causa: tuamque solitam humanitatem et benevolentiam saepe mihi perspectam, in hac re potissimum exhibeas mihi & praestes: quod ego summum à te officium,



& indicium animi amicitissimi sum habiturus. De prædestinatione quid statuam, & quàm cum Luciano mea mens consentiat, ex hoc meo quoq; libro poteris habere cõpertũ. Vale. Romæ, 13 Calend. Febr. M. D. XLVI.

IAC. SADO LETVS S. R. E. CARD.

Nicolao Peitellio, S. P. D.

**P**Aulus ad me scribit, in eo obeundo munere, quod rogatu meo suscepisti: te & Carpentora cõsensibus ciuib; vsq; eo satisfacere, vt in sacris illis concionib; quas ad populum habes, nec religionis studiũ ardentius, nec rerum copia vberior, nec orationis subtilitas maior de siderari posse videatur. Itaq; admirabilem ad te audiẽdum hominũ cuiusq; generis, ætatis, ordinis, concursum fieri, vt prorsus nunquam istic quisquam maiore hominum vel frequentia, vel admiratione, eius generis conciones habuerit. Quod mihi quidem, qui præstantissimum ingenium tuum, pari vitæ integritate ac pietate coniunctum, istic cùm essem facile perspexi, minimè mirum visum est. Non possum tamẽ facile verbis cõsequi, quàm id gratum mihi & iucundum acciderit. Nihil enim vehementius studeo atq; opto, quã illos homines, quos fidei mea commissos, paterno planè amore prosequor, his tam turbulentis tẽporibus, quibus multi quotidie à vera religione abducuntur, in recta erga Deum fide atq; officio manere. Itaque cùm tu ad eos continendos, tam fidelem, tamq; egregiam operam mihi absenti naues, incredibili quãdã voluptate afficiar necesse est. Tibi verò eo nomine tantum debere me intelligo, quantum equidem vix posse vnquam videor persolvere. Sed

tamen

tamen, & is primum, qui pias hominum actiones cœlestibus præmijs remuneratur Deus, cui tu in primis deseruis, tam præclari officij tui amplissimam tibi mercedem reddet: & ipse non desistam, quin tibi pro tantis tuis in me, meosq; ciues meritis, aliquam aliquādo gratiam referam. Tu vt ciuitati isti pergas rectam, quemadmodum facis, salutis & immortalitatis viam ostendere: meq; apud Deum precationibus tuis iuues, vt mihi ad ecclesiam meam regendam redire illius benignitate contingat, abs te vehementer peto. Vale mi Peitelli Romæ, M. D. XLVI.

## IAC. SADOLETVS CARDINALIS

Florentio Voluseno Scoto, S. P. D.

**E**Vm, qui superioribus diebus tuas ad me attulit literas, testimonio tuo adductus, libenter vidi: opemq; illi & studium meum detuli, vt multum apud me valuisse cōmendationem tuam facile intelligere pōtuerit. Nec te tua sanè, quam de me habes, opinio fefellit. Summus enim, semperq; fuimus, ad bene de doctis & probis hominibus merendum, si minus opibus & facultatibus instructi, at certè natura studioq; propensi ac parati. Te quidem, quem & optimis artibus eruditum, & in his de religione dissensionibus optimè sentientem semper iudicauimus, eo quo debemus studio & amore prosequimur. Itaq; quod sententiam exquiris nostrā, quā viam cum in patria tua constiteris, in qua maximas de religione contentiones esse scribis, insistere debeas: nos id tibi consilij dabimus, quod & amore nostro erga te, & virtute ac pietate tua dignum sit: quod tamen à te

iam pridem captum esse minimè dubitamus. Nam cum  
& sacra nos litera, & rerū euentus ipse docuerit, ec-  
clesiam Dei turbulentis hominum seditiosorum cōsilijs  
perpetuò infestam esse, & obnoxia nimirū id permit-  
tente Deo, quò hic bonorum exploretur fides atq; con-  
stantia: profectò dubiū esse non potest, quin quod san-  
ctissimi viri huiusmodi disidijs et cōtentionib. exortis,  
semper fecerūt: vt ecclesia partes sequerentur, eiq; tā  
quam firmamento veritatis inniterentur. id hoc quoq;  
tēpore optimus & grauiissimus quisque facere debeat,  
& sanctissimam parentem omni pietate & studio con-  
stantissimè tueri atq; defendere. Etenim summa sit nō  
dicam imprudentia, sed amentia, Catholica relictā ac  
deserta Ecclesia, eiusq; perpetuo consensu, & tot san-  
ctissimorum patrum auctoritate contempta, eorum se-  
ctam sequi, qui impulsī odio, & furore quodam rapti,  
tam temerè ac nefariè ab Ecclesia desciscere, eamq; ve-  
xare atq; oppugnare ausi sunt. Quos vt corrupti sacer-  
dotum mores grauiissimè offenderint, nequaquam ea  
tamen, aut alia omnino vlla, turbanda pacis & commo-  
uēda seditionis causa iusta esse potuit. Quamobrem te  
quidem nec consilio, nec cohortatione mea egere arbi-  
tror. Sed tamen, quando me, quomodo gerere te in pa-  
tria tua debeas, consulendum putasti, credo quo autori-  
tate mea consilium tuum confirmaretur: suadeo, hor-  
tor, & moneo, vt maiorum nostrorū vestigijs insistas,  
atq; ea quae statuit, decreuit, & tot iam seculis obserua-  
uit Ecclesia: tanquam spiritus sancti, qui illi custos et ve-  
ritatis omnis doctor perpetuò adest, decreta & insti-

tuta sanctissimè seruāda esse censeas: vtq; hac qua tibi à Deo data sunt, ingenij, doctrinaq; munera, ad eos qui buscum viues, in fide & vera religione (quantum in te erit) continēdos, sedulo vt Christiano homine dignum est conferas. Hac profectò vna rectissima ad aeternam salutē via est: hanc qui insistant, Deiq; et Ecclesia præceptis ac legibus obtemperant, ad illam qua Christianis hominibus proposita est felicitatem sine vllò errore perueniunt. Sed hac vt voluntati tuæ obsequer, non quò te putarem de his rebus non optimè & sentire, & tecum statuisse, iam attingi. Tu velim beneuolentiam erga me tuam cōserues: tantumq; de animo et voluntate mea tibi pollicere ac spondeas, quantum virtus & probitas, & verus tuum erga me studium postulat. Vale. Romæ, M. D. XLVI.

IAC. SADOLO S.R.E. CARD. GABRI  
eli Paleoto Bononiensi, S.P.D.

**A**ccepi literas tuas, testes cum eius ingenij quod ego in te summum esse audio: tum etiam officij atq; amoris, quem erga optimum & clarissimum virū mortuum, quemq; in me ipsum habere te ostendis: quorum vtrumq; nequaquam mihi quidein præter opinionē accidit. Cognoui enim semper vestram familiam cum ingenij & literarum laudibus, tum probitate & in amicos obseruantia, in ista ciuitate facile excellere. Quæ penè propria & domestica ornamenta cui generis in te ipso non relatum solum, sed etiam cumulatū iri cōfido atq; opto. Quod autem scribis in literis tuis, te arbitrari, collega mei, vel fratris charissimi potius Petri

Bembi Cardinalis, importuna morte me grauius affli-  
ctum, & prostratum iacere: non fallit in eo te opinio  
tua. Nihil enim mihi potuit euenire acerbius, quàm di-  
uelli ab eo, cuius ego amicitiam fraternamq; coniunctio-  
nem quatuor & quinquaginta annos inuolatā tenu-  
ram: quē propter ipsius præstantissimas virtutes, sum-  
mamq; humanitatem, probitatem, suauitatem, singu-  
lari quodam et penē inaudito amore prosequabar: quo-  
cum eram omnibus & studiorum eorundem, & volun-  
tatum, tam in familiaritate & consuetudine nostra,  
quàm in ipsa Repub. vinculis & necessitudinibus astri-  
ctus: vt eo mihi nunc erepto, solus planē, & ab omnibus  
mihi desertus esse videar. Ex quo non possum non dole-  
re casum meum. Nam illum quidē lugere non esset fas.  
Caue enim putes quenquam vnquam vlla in gente, vl-  
lo tempore, vixisset tam beatē, quàm Petrus Bembi  
est mortuus, siue diuina in eum beneuolentiæ indicia  
spectentur, siue humana. Quæ magra quidem mihi est  
consolatio: sed nequaquam adhuc mœrori meo par. Ve-  
rùm dabimus operam, quoad Deo adiutore poterimus,  
vt dolorem minuamus, qui est imbecillitatis: mœrori-  
am autem talis viri, id quod ad fidem amicitia, & ad  
illius virtutum gratiam commemoratiōnem pertinet,  
assiduam retineamus. Tu mi Paleote perge, vt cœpisti,  
atq; ita te confirma, vt ei expectatiōi, quæ magna de  
te concitata est, speiq; tuorum cumulātē satisfacias.  
Fratribus tuis humanissimis ac suauissimis, Galeatio,  
Cumillo, & Astori, plurimam à me dic salutem. Vale.  
Roma, V. Nonas Februarij, M. D. XLV II.

IAC. SADOLETVS S. R. E. CARD.

Francisco Mario Mollæ suo

S. P. D.

**C**ogitanti mihi ad te rescribere, commodum allatae sunt ex Vrbe litera, quibus certior factus sum, summum Pontificem in Urbem ingressum esse, teq; cum Farnesio tuo optimo ac liberalissimo inuene esse aspidum: eos quoque, de quibus nonnullam ad me deuileras querelam, quasi illis absens, quibus minimè debebas, esses contemptui, tecum nunc adesse, teq; illos planè habere in potestate. Quare res breuiorem me in scribendo facit: res enim tuas in tuto positas, teq; iam mea nec consolatione egere, nec consilio, nec cuiusquam ope amplius arbitror: cum sitiens, ab ipsis fontibus reslinguere sitim tuam nunc facile possis. Ego sanè cum essemus etiā tū Nicea, de tuis difficultatibus exponens, commoram Pontificis animum: optimumq; principem sua sponte fauentem tui similibus, hoc est, doctis, & bonis viris, etiam magis ut tibi consuleret atque opitularetur, mihi ut visum fuit, accenderam. Secuta est postea (ut tu te sis) distractio omnium nostrum: cum me huc ut conferrem, valetudinis ratio non modò me hortata est, verum etiā coegit. Nec tamen dubito, quin mea illa opera, aut tibi attulerit iā fructum, aut certè allatura sit: cum praferim tua virtus, excellensq; ingenium, omnibus sit amabile. Id si factū est, aut certè ca fiet, ut mihi literis tuis significes, planè tibi mado. Epistolas omnes tuas, quas & ad me, & ad Paulum misisti, legi summa cū voluptate, vehementerq; probaui. Nec unquā sane

dubium mihi fuit, quin quascunq; tu ad res ingenium tuum applicuisses, dummodò in vna ratione vnoq; genere scribendi commorare, futurus fueris omnium longè primus. Sed hæc tu melius. Nos hîc conualescere iam cœpinus: omnino sumus adhuc imbecilli, sed spernitur bona. Nostrium ad Urbem reditum aliquot menses necessariò differemus. Vale mi Molsa, et cum erit otium, nos tuis literis sapiculè appella. Carpentoraçti, VIII. Calend. Septemb. M. D. XXXVIII.

FRANCISCVS MARIVS MOLSA,

Iacobo Sadoletto S. R. E. Card. S. P. D.

**Q** Vibus me absentem officijs complexus sis, Pater amplissime, ex Pauli Sadoleti tui epistola, accuratè admodum ac peramãter scripta, certior factus sum. In quibus cum iucunda multa acciderunt: tum illud iucundissimũ fuit, quod à nemine nec leuiter quidem admonitus, me tamen Pontifici Max. his verbis commendaueris, vt mihi singularis cuiusdam beneuolentia indicium, ac iudicij testimonium, quo nihil grauius esse potuit, imperieris. Quanquam subuereri venit mihi in mētem interdum, ne maiorem tua predicatione de me expectationem (qua tua scilicet in amicis tuendis est diligentia) excitaris, quàm ego sustinere possim. Vtrunque certè eo studio es persecutus, vt amoris erga me tui, rationibus meis consulendo: iudicij verò de ingério bene sentiēdo, egregiam significationem dederis. Amori certè quoad eius fieri poterit respondebo, tuorumq; erga me meritorum memoriam studiosissimè diligentissimeq; seruabo. Iudicij verò si minus satis fecero, mihi



hi ignoscēs, imò etiam tibi, qui me ad eam laudē vocaueris, eaq; de me fortasse receperis, ad quæ consequenda, cū vires omnes animiq; cogitationes, operā, diligentiam, ceteraq; omnia quæ in mea sunt potestate attulero, si minus fidem tuam liberabo, omni tamē culpa prorsus sim vacaturus. Quod ad Pont. pertinet, vix dici potest, in eius liberalitate quā nihil propemodum spei mihi ponendum iudicem: qui eo ingenio est, vt si etiam velit, ita tamē frigide ac cunctāter velit, vt ei qui illius arcæ confidat, prius sit conturbandum, quā sub sidio aliquo subleuetur, necessitatiue eius subueniatur. Itaque statuo ipsius liberalitatem asserendo ari alieno multò aptiorem esse, quā dissoluendo. Quicquid tamen inde cōmodi ad nos peruenerit, id totum à te perfectum iudicabo. Meas interim angustias (quod nunquam futurum putassem) amare incipiā: quæ mihi causam harum literarum dederūt. Optabam siquidē iam pridem Sadolete vir omnium sanctissime, atq; doctissime, te meis literis compellare: idq; ob eam vnā causam vt tuas elicerem literas. Cur enim ego cupiditate non ardeam, vt aliquo in loco scriptorum tuorum nomē in texti possit meum? cū ea eloquentia præditus sis, vt si in veteres illos Crassos, Antonios, addo etiā Cicerones ætas tua incidisset, cū multis tamen nunq̃ numeratus fuisses. Ea verò doctrina, vt nemo illorum temporū neque vberiorib. floruerit artibus, neq; eloquentiam grauiorum disciplinarū instrumento ditauerit. Huius ego rei cū nullum exitum reperirem, propterea quoddā isla dignitate, grauitate, doctrina, interpellare me posse

se non videbam sine maximo scelere: praesto tandem fu-  
 it, adiunxitq; hūc animi mei ardorem, egregia tua ac sin-  
 gularis erga me pietas: qua factum est, vt eam iuuandī  
 mei atq; ornādī actionem cogitationemq; susceperis,  
 quae silentio prateriri non possint. Itaque sum consecu-  
 tus, vt non modò omnes nihil mihi tam paratum esse in-  
 telligāt, quā operam et auctoritatem tuam. Sed etiā  
 scribendi ad te occasionē (quod maxime cupiebam) na-  
 ctus sum: quam mihi oblatam nullo pacto dimittendā  
 censui. Huc accessit, quod is qui me in scribendo impe-  
 diebat, tui interpellandi metus, eò minus nos commo-  
 uit, quod te laboribus senatorijs muneribus liberatum,  
 Carpentoraēti vestro illo familiari in loco oblectari  
 iam puto. Quod etsi nobis perincommodè cecidit, qui  
 aduentum tuum avidissime expectabamus: non tām mor-  
 rendum tamen nostra causa, quā latandum tua arbi-  
 tratus sum: quod te in domesticam illam sedem recepe-  
 ris, vbi & valetudini tuae commodè inseruias, & hone-  
 sto otio ac optata perfruare. Dum id sic tibi sumas, vt  
 tantisper ibidem manendum putes, dum efferuescat ca-  
 lor, tuq; cū meliusculè tibi erit, id est cū planè con-  
 firmatus fueris, dare te via velis, ac Romam redire, quae  
 virtutis tuae semper aptissimum domicilium fuit. Hae  
 scripsi paulò verbosius, timens, ne ad eum vitam cursum  
 relatus, à quo Reipub. causa inuitus aliquantum defle-  
 xisti: veterem viuendī libertatem tibi sequendam sta-  
 tuas: qua te ad eò delectari solere nō sum nescius, vt ab  
 ea vix digredi posse mihi persuadeam. Neque verò est.  
 quod me in his literis facilitate tua ab usum existimes.

Non

Non enim eius generis sunt officia tua, quæ gratiarum actionem non desiderent: neque ego is sum, qui nisi aliquem mihi splendorem aliunde arcessam, eo non sim penitus cariturus. Vale. Romæ, Pridie Non. Iulij, 1538.

FRANCISCVS MOLSA, PAVLO

Sadoletto, S. P. D.

**P**Utabam ego post tuum et Sadoleti patrui tui ab Urbe discessum, maximam mihi Quirinales vestros hortos obeundi facultatem datum iri: quorum amœnitate cum tui desiderium, loco ipso admonente, lenirem: tum me ipsum maximis sollicitudinibus penè confectum colligerem, ac interdum aliquid etiam commeterer, quod tibi cum redieris, otij mei fructus extaret aliquis: cuius rationem diligentius, cum discederes, exacturum cōfirmasse te memini. Atquàm me frustra spes ea consolata sit, accipe. Non modo ego ad illos nullus accessi, sed P. Paulus etiam vester, quasi edicto pratoris prohibeatur ne vidit quidem. Obsecro te, quid est hoc? Tantane illum, quem vos prefecistis, parsimonia in rebus alienis uti, ut eos etiam quos vobis sciat esse charissimos, non admittat? Vinitorem, nauum ac industrium hominem quem à vobis sibi commēdatum in finem receperit, vexet? nam quod eius superbiam ferre non possit, illum discessisse mihi videor exaudisse. At fructuosas res sibi habeat: Gallina abundet, abundet olea, malo, fama, rerum rusticarum gloria se duci præ se ferat: horum nihil impedio. Nobis qui animi, vitandiq; calor causa, illuc conuenire cōsueuimus, umbram, apricationem, ac ne me delicijs omnibus bellū indixisse putes, rosam non inuide-

inuideat. Liceat Curtio, liceat Bino, Sauoiāq<sup>3</sup> etiam nostro, mihiq<sup>3</sup> ex condicto olusculis cœnare, ac tui nominis memoriam nostris colloctionibus tueri, donec tu cū adueneris, nos apparatioribus (vt soles) epulis accipias: draconemq<sup>3</sup> istum, qui tuos hortos circumplacatus, nobis omnibus aditum obstruit, exturbes, expellas, extermines. Extra iocum mi Sadolete, P. Paulum gallica illa simplicitate ac libertate imbutum, valde cōmotum vidi, quod eius puer: hortorum aditu esset prohibitus: cū nihil tamen aliud petatum iret, quāμ λευκοία, quibus herilem mensam ac puluinum inspergeret. Verū custodes illi diligentes sanē ac fideles, λευκοὶ καὶ ὄντα timuerunt de quo illi cū recepissem, me per literas te facturum certiore paulisper requiescere est visus. De meo negotio, nihil est quod ad te scribam amplius, in quo Deos omnes mihi iratos planē video. Nam quid minus ferendum, quāμ me Mottam etiam ipsum deseruisse, hominem mihi cū multis officijs, tum amicitiae vetustate cōiūctissimum? Quod etiam eo indignius videri debet, quod literis Calen. Maijs datis, nos in spē summā adduxerat, biduo aut summum triduo, se per facturum, vt tādē hac solitudine liberaremur. Hoc non modō nō effecit, sed neq<sup>3</sup> vllam literam ad me: cū Romam quotidie epistolas mittat, easq<sup>3</sup> etiam inanes, ac nugarum plenas. At qua tandem in re tantopere laboramus? num vt principem locum, aut honorem aliquem publicum tuear? num vt abacos complures auro argentoq<sup>3</sup> celato exornem? num vt exquisitoribus epulis mihi cotidie mensa extruantur? nihil nobis alienius.

Tan-

Tantū illud laboro, vt ea quæ vñ sunt ad vitam, nō omnino incommodè agendam suppetant: nèue his qui me malè oderunt, despiciatui sim, ac ludibrio. Nolo commemorare quibus angustijs premar: hoc tantum affirmo, nullum genus incommodi reperiri posse, quo ego non vrgear. Quod si in eam me expectationem Motta literis suis non vocasset, aliquid certè noui consilij capere potui. Nunc eo res est deducta, vt nec Roma exeundi, nec (quod peius est) remanendi ratio vlla iam proponatur. Adestes tu saltem, minus multum profecto laboraremus. Hac non eo scribo, quod te his meis angustijs aliquo pacto mederi posse confidā: (nam si id per te fieri potuisset, esset iam planè factum) sed ne hoc quoque ad summum mœrorem addatur, mihi deesse, qui cum libere omnia communicem, ac quasi mecum colloquar. In quo tuam aliquot iā dierum cessationem agrè ferrem, ni Sadoleti patrui tui valetudo, cui tamen melius esse intelleximus, eius omnem causam sustineret. Nam literas nostras ad te non perferri quā putē, cum eas semper in fasciculum eum conijciam, qui à tuis Cardinali ipsi inscriptus, tabellarijs ad vos perferendus datur? Quod si olim rescribendi aliqua tibi sese occasio obtulerit: sci to, te nobis satis non esse facturum, ni tuas epistolas quodam quasi cumulo addito, ponderosiores effeceris: quod nos scilicet de Regum congressu, deq; pacis conditionibus (modò inter eos conueniat) certiores facias, idq; τυπωδῶς, ne nos omnino abfuisse videamur. Hac ego scribā nono Calend. Iunij maximo imbri, ac loue tonante: vtinam etiam approbante. quo quidem tēpo-

re si

re si rectè itineris illorum tempora disposuimus, rē satis calere arbitrabamur. Non nihil tamen de vobis adhuc suspensio animo eramus: nec dum satis constituere poteramus, vitrum vós profectos pro certo haberemus, an potius alicubi istorum locorum cōcedisse, ob patris imbecillitatem arbitraremur, Quapropter cum primum poteris, hic quoque scrupulus nobis tuis literis eximendus erit. Vale, & me ama. Romæ.

IAC. S ADOL. S.R.E. CARD. ANTONIO Florebello suo, S. P. D.

ET prius epistolam tuam libenter legeram, & post oratione tua huc ad nos allata mirificè eius sum lectione delectatus. Est enim ornatè atq; amplè scripta, teq; ipsum mihi ante oculos constituit: cuius ego ingenium & copiā admodum semper probavi. Pauca sanè quædā adnotavi in ea, quæ haud magni momēti sunt. De quibus mandaui Paulo, vt certiorē te faceret. Nūc mi Antoni, quando eos cursus cepisti, qui ad summam laudē deducere te possūt: perge porrò atq; enitere, vt spes nostrā de te indies fiat erectior, magnumq; ex te accedat nostræ communi patriæ ornamentum. Non eges tu quidē hortatione: sed tamen amor meus non patitur à me pratermitti ne hoc officium quidē: vt te horter & admoneā, vt instare atq; vrgere tantā gloriā necesses. Ego ita faueo tibi, vt filio: ita in tuis laudibus acquiesco, vt illis me quoq; existimē ornari. Quare si hoc animo fueris, vt & meā et tuam vicem tibi conandum atq; elaborandum esse putes: nō dubito quin ad summū honorem huius facultatis sis peruenturus. Vale. Ex hortis



hortis nostris, IIII. Non. Iunij, M. D. XXXVI.

IAC. SADOLET. S.R.E. CARDINAL.

Antonio Florebello suo, S. P. D.

Vpterioribus proximis diebus dedi ad optimū virum  
**S**Ioannem Nicolaū patrem tuū mea manu scriptas li-  
 teras, quibus cupiditatem illi meam tui reditus ad nos,  
 non mediocrē significabam: magnopereq; eū hortabar,  
 vt is quamprimū de te nostra huiusmodi voluntate fa-  
 ceret certiore. Quæ litera satisne fideliter perlata  
 sint, ignoro: nullum enim à te ad eas adhuc accepi respō-  
 sum. Cū autem res ipsa, et tempus meum postularet,  
 vt instarem & urgerem, quod tua, aut alicuius tui simi-  
 lis (si tamen alij similes) opera, fide, industriaq; vehe-  
 menter ego: statui mihi ipsi scribendum esse ad te. cū  
 neq; haberem quenquam, quem pro meo iure fidentius  
 atq; amantius, quā te ipsum possem accersere: & si  
 multi essent ad nutum nobis parati, quem praeferremus  
 tibi neminem tamen inueniremus. Ac ne mirere, vnde  
 hac nostra tui euocatio tam incitata & vehemēs nata  
 sit: scito Paulum tuum, qui mihi in meis omnibus curis,  
 studijs, actionibus, vigilijs, summa cum fidelitate & di-  
 ligentia præsto semper fuit: suoq; labore, & in omni ge-  
 nere excellenti virtute operaq; effecit, vt te tantisper  
 abesse à nobis æquiore animo ferremus: nouo nunc ma-  
 gistratu impeditum, (huius enim Prouincia rector con-  
 stitutus est) non ita multum esse iam nobiscum: neq; eā,  
 quam solitus est, operam posthac nauare nobis posse.  
 Cuius ego etsi honore laudeq; virtutis vehementer la-  
 tor, & quodd in eo munere tractando, ad quod est voca-



tus, ita se gerit, ut cum maxima laude omnium summamque  
& prudentia & aequitatis fama, & suam & nostram fami-  
liam dignitatem reddat illustriorem: tamen non quod  
mearum rerum priuatarum non sentire incommodum  
et pristinam illius consuetudinem utilitatemque non desi-  
derare. Quapropter cogor alium quempiam sufficere  
in eius locum: qui et mearum cogitationum particeps,  
& fortunarum socius existat. Eum ego te esse opto, mi  
Antoni, & praeter ceteros expeto. Tu enim solus, aut  
certe optime omnium, & desiderium nostrum hoc leni-  
re, & sarcire incommodum tua praesentia potes. Nam  
cum de tuo ingenio, doctrina, probitate, singulare iudi-  
cium semper feci: tum te habui proximum, quem aequè  
penè atque illum ipsum diligerem. Praeterea te mihi ob-  
strictum fide et promisso esse arbitror: Discessisti enim  
à nobis me concedente & permittente, cum Patauium  
es profectus, ea lege & conditione, ut simul atque incla-  
massem, opusque esse duxissem, reuolaturum te reciperes.  
Quare cum tui accersendi tempus venerit: egoque te non  
vocem solum, verum flagitem etiam, atque expetam: tua  
rum nunc partium est, tuique etiam pudoris, & eius inge-  
nii, quod optimum in te cognitum et perspectum mihi est:  
non solum operam dare, ut restituas te nobis: sed ut con-  
festim, & sine ulla mora restituas. In quo ipse volo tibi  
persuadeas, te à me non modò in consuetudinis et fami-  
liaritatis, consortium, sed in omnis fortuna, tum dubia,  
tum secunda, societatem vocari. Has ego cum scriberem  
litteras, cupiebam vehementer tibi eas cito reddi: ut tu  
primo quoque tempore, quid de hac re statutum habe-  
res, fa-

res, facere me posses certiozem. Si enim tua consilia (id quod opto & spero) cum expectatione mea consenserint, ad iter statim te parabis. Sin autē fortē (quod vix fas esse arbitror) aliēo fueris à nostra volūtate animo, nosse aueo tamen, idq; quam primum, consilium omne tuum: vt si mihi precisa spes tui aduētus fuerit, alium alicubi queram, qui mihi & ad manū & ad curarum communicationem pręsto sit: quem tamen neq; alium, quā te esse velim: & potissimum omnium te fore confido atq; auguror. Vale, & rescribe. Ex Feliciano nostra diocęseos, XVI. Calend. Septemb. M. D. XLI.

## FINIS LIBRI DECIMISEXTI.

IAC. SADOLETI EPIST.  
AD PAVLVM SADOLETVM LIBER.  
IAC. SADOLETVS EPISC. CARP.  
PAVLO SADOLETO S. P. D.



L T E R A S has ad te scribo literas, prouocatus tuis, quas Viglania proficiscens dedisti. Nam cū primas meas scriptas II. cal. Octo. ad 8. item Cal. Auenione misissem, vt celerius illinc ad te perferrētur: postridie vesperi redditę mihi sunt tuę: in quib. mihi illud periucundū, qđ te asperiorē itineris tui partē sine detrimēto vllō emēsum esse cognoui. Et quidem cū hęc scriberē, in illā opinionē cōiectura ducebar, vt te putārē iā venisse Mutinā: erat. n. sextus hic dies & decimus tui discessus: vt etiam si diē vnū Mediolani; alterū Parmę ponere instituisset, cōmodū tibi tamē fuerit eđ per-

venire. Ego verò non solum prosperum & fortunatum tibi iter, sed facile etiam & expeditum imprimis cupio: si rediturus es ad nos, mea etiam causa: sin id minus, utique tua, quod tamen ipsum mea maximè interest. Nihil enim est tuum, quod pro paterna mea erga te indulgentia, mihi non meis omnib. aliquāto coniunctius sit. Sed quoniam Mutinē iam mentio facta est, tamen si ego in accuratione diligentiaq; tua magnam spem habeo rectè à te omnia & circumspectè gestū iri: nihilq; te prætermisurum eius officij, quod ad nos pertineat tamen vellem tibi *ἐμφοτικώτερον* mandasse, quod ad Ferrariensium ducem attinet. Quem cum tantum & colamus & diligamus, quantum illius dignitas, & erga nos benivolentia postulat: tum etiam nō mediocrem illi profectò debemus gratiam, quòd is amorē suum erga nos, signis & rebus iam multis patefecit. Quem ego ipsum nunc abs te, nec conveniri tuo commodo, nec præteriri salvo officio posse video. Quare etsi hæc in me non iam suo tempore incidit cogitatio, me tamen illa sollicitum vehementer habet. Quòd nisi (ut dixi) in tua prudentia huic quoq; rectè obcundi muneris spem maximam ponerem, penderem animi multò magis: sed me ipse consolor, quòd tibi consuesse hæc venire in mentē certò scio. Negotia Mutinensia quòd tibi cæteris difficiliora ob animum versari scribis, non video causam cur ita esse debeat. Facilis enim est negotiorum gerendorum ratio, ijs qui fideliter illa atq; integrè tractant. Quòd si aliqui sunt aliquando, qui rationi bonæ recusent assentiri, in ipsis culpa resideat: *τὸ δὲ καλὸν μετὰ σὺ* cuius tibi potissima semper sit cogitatio. De rebus nostris hic nihil est sane novi quod cupias scire: res in eodem statu sunt, quo reliquisti. Nos victus totam rationem domi commutavimus: compulsi enim grauib. periculosisq; distillationibus, cœnā abstinemus, cui solebamus libentius indulgere: ad prædia sumus conuersi: idq; facimus palàm, tricliniumque sterni in maiore aula iubemus. Quod senti.

sentimus familię mirę esse gratum: celebratur enim do-  
mus, & simul absentię tuę mœror hac ratione etiam  
magis lenitur. Conuiuę assidui Verotus, & Augustinus,  
alijq; præterea quos interdum fors obtulit. Quin habe-  
mus materiem sat bellam hilarius nos habēdi. Medicus  
est quidam subrufus, breuis statura, oculis di sicētis, quę  
tu nosse fortassis potes, haud enim ita diu est quod se  
contulit in hanc urbem: de eo mihi cūm esset dictum,  
acutum hominem esse, & Philosophum, iussi ad pran-  
dium vocari. Aderat Stephanus Ruffus, & cum eo cæte-  
ri ordinis illius nostri (vt tute scis) in disputationib. con-  
re rtatores: Isnardus nobiscum vnā. Lacesiui hominē,  
cūm se excitasset: Ruffus noster suscipit negotium. Di-  
utius ducta contentio est. Ego spectator attentus: quid e-  
nim dicam auditor, cūm omnis non audiendi, sed spe-  
ctandi fuerit voluptas? Quanquam ille quidem in disse-  
rendo & argumentando non imperitē se habuit: sed  
corporis vultus, oculorum eiusmodi agitatio, vt nihil  
videatur ridiculosius posse reperiri. Itaq; hominem sæ-  
pius vocaturus sum. Nam quod ad valetudinem atti-  
net, videor iam non nihil hoc nouo more, mihiq; in so-  
lito, esse consecutus. Urgeor enim minus, & caput non  
tam infestum habeo quā antea. Verū de his dies ipsa  
exploratus iudicatura est. Nunc ades ad parendum. Re-  
cōrdor enim in mandatis hoc tibi à me vel præcipuum  
fuisse datum, vt magistrum huic Iuuentuti erudiendę  
quærerēs. In qua te obtestor Paule, vt laboris & diligen-  
tię reliquum mihi facias, quo nostri optati compotes  
nos efficiamur. Nihil est hac curatione neque honesti-  
us nobis, nec ciuib. nostris vtilius. Quorum quidem  
causa cūm cupiamus omnia, cur nō in hoc potissimum  
officij honestissimo genere, omnibus neruis contenda-  
mus, vt & illis, & nobis ipsis satisfiat? Antea castigare il-  
los solebamus, quod ad suum tantum bonum minus ef-  
sent attentī: nunc vicissim illi me appellant, atque vr-  
gent: neq; dies ferē ullus est, quin ad me accedant corū.

aliqui rogatum. Quibus respondeo, tibi susceptam esse hanc prouinciam: neq; te quieturum, quoad idoncū repereris: cum hac spe dimitto illos. Et si quæris, maximo eos studio in hac re ferri video. Proinde enitere atque elabora, vt talem aliquem inuenias, qualem nos cupere nosti: hoc mihi gratius facere nil pōtes. Plana hodie à legato reuersus, multam mihi salutem illius verbis nuntiauit: eaq; mihi de eo retulit, quæ certè mihi iucunda sunt: perbelle illum valere, gratissimumq; habuisse, quod ego illi iussissem nuntiari: si qua in re tua in Vrbe opera vti vellent, te ei & studio omni & beneuolentia præsto futurum. Egit gratias: nil se de nostro animo dubitare dixit: vsurum cum resposceret, affirmauit, & quod intelligere facile queas, habuit certè gratū. Atq; ego hoc egeram: dedita opera, vt suspicionib. nōnullis occurrerem, de quibus ad te scripsi Crucianum mecum locutum fuisse, & tamen simplici animo ac sincero omnia à me geruntur. Quid enim minus homine ingenuo dignū, quàm aliud in corde gerere, aliud habere promptum in lingua? Sequamur igitur vera rectaq; consilia, à quibus deflectere nullam in partem possumus. De rebus vrbis (vt antè ad te scripsi) tunc & quærendum mihi abs te, & ibi præcipiendum putabo, cum te Romā peruenisse cognoro. Nūc, vt se res habet, illa cogitatione supersedendum est. Mutinensia acta expectabo in terris, quæ in manibus sunt: cætera vt dies afferet, & fortuna dispensabit, sic mihi deinceps literis facias nota. Nos hic fructibus annuis condendis, nō parum laboris molestiæq; suscipimus, è quib. decumæ vini vsq; eò fuere vberes, vt eas nullæ neq; cellæ neque apothecæ capere potuerint. Itaq; necesse est, lacus eos ipsos, in quibus musta ferbuerunt, doliorum instar adhibere: quibus à summo munitis compactis asseribus, & ad omnem introitū externi aeris probè obstructis, confidunt ista qui norunt, vinū incolume nos seruatueros. Ego hæc non tā quidem intelligo, quàm quæ peculiaris mea curatio est.

Hortos

Hortos suburbanos ita pulchrè habeo instructos omni huiusmodi copia, vt optimè prospectum in æstatē proximam sit: ad quod tempus te expectabimus: & nisi erit maior istic manendi causa, etiam accersemus. Vale mi Paule, & si nos diligis, valetudinem tuam cura diligenter. Florebello nostro & ceteris salutem. VI. Calen. Octobris, M.D.XXXV. Carpentoraacti.

## ALIA AD EVNDEM.

**L**atinus Iuuenalis, homo & ingenio & rerū vsu præstans, mihi iam inde ab adolescentiā notus, hæc iter faciens Auenionem versus, rerū illarū quæ ad ecclesiam Auenionensem spectant constituendarū gratia legatus à Pontifice: mecum erat pluribus de rebus collocutus, de quibus alijs literis scriptum est à me tibi perdiligenter Verū cū is tum à me discessisset, tanquam alio itinere rediturus ad urbē, neq; me amplius visurus: nihilominus mutata sententia, heri vesperi huc se retulit, amanterq; est à me hospitio acceptus. Sumus enim per diu iam familiares. Cogitabat autem ipse hodie cum prima luce proficisci, ( nā hæc ego scribebam ante lucem ) & cum eo aderat Raimundus Vitalis noster. Has ei literas daturus sum ad te perferendas, quas cū acceperis, fac vt cōuenias hominem, cumq; tibi in amicitia adiungas: probum enim virum, & integrum, & magni animi, & bonorum amanti, fautoremq; cognosces. Plura ad te scribam cū tuas aliquando accepero quas auidè expecto: neq; enim citiores ijs habebam, quas ad Tarum dedisti. Vale.

## ALIA AD EVNDEM.

**L**iteras tuas pridie Nonas Nouembris, vesperi, & ipsis Nonis postridie manē, cū in prædio iam discubuissem, essentq; mecum vnà Cæsariſta, Cusanus, Oppeda, Vellareus, multijuges accepi, & Florentie, & Viterbij, & in ipsa vrbe iam bis datas: quarū sum mirifica cura & copia delectatus. Ac primū illud gaudeo, te itinere toto acto ex sententia, incolumem ipsum atq;



cæteros Romam peruenisse: ibiq; fuisse acceptū vt maximè volebamus. Sed quoniam mihi ad omnia rescribendum est, seruabo ordinem, vt priorib. prius respondeā. Quod ergo ad negotia Mutinensia pertinet, matrem & fratres mihi cōmodè valere, proptatum mihi est: teq; ab illis amanter fuisse acceptum. De ære alieno matris fratrisq; demortui, habeo iam rationem atq; consilium quo illos expedire ab omni difficultate possim: quare audacter promitto, eam rem vt rectè agatur fore tibi curæ. annuo enim ab vtroq; nostrum spatio sumpto, quod in tempus facultas soluendi cadere nobis possit, aureos trecētos numerabimus. Puerum q dem ipsum penes me habere cupio, si est talis, vt spes de eo nobis esse possit, in eum virum euasurū, quem querimus, & q de fratre tuo iam confidere cœpimus, facili nobis ductu futurum, vt fingamus in eo formā illam, q sit maximè ad decus & ad dignitatē idonea. Doctorem huic iuuentuti & magistrū ab te queri non puto fore amplius opus. Narrabo enim tibi, simulq; tu agnosces, quanto plus sepe fortuna polleat, q hominis consilium. Receptā me forte in bibliothecam nudius quartus, cū esset iam nox: ibiq; attentius libros quōsdam voluebam: cū cubicularius nuntiāt, esse qui me conuentum velit. Rogo quis homo? Togatius inquit. Iubeo intermitti. Accedit. Interrogo quid sibi velit, qui illa hora adeat ad me. (cupiebam enim ab soluere ocysus hominem, & ad studia me referre. Tū ille repetito altius principio, ita aptè mecum, ita accurate & modestè locutus est, vt mihi curā iniecerit cognoscendi interius, & percunctandi. Itaq; clauso libro, ad eum totus conuersus, sciscitari incipio, cuius sit, q disciplinā profiteatur, quid sibi quærens in has regiones venerit. Ac ille: Scotus sum, inquit. Ex vltimāne, inquā, orbis terrę natione? Etiam. Vbi ergo disciplinis liberalibus operā dedisti? (q ideo interrogauī, quia eius sermo & Latinitatem, & ingenium redolebat) In patria primum inquit, complureis annos philosophiæ operā dedi: de-



di: deinde Lutetię sum eruditus, ibiq; Eboracęsis Card.  
fratris filium in disciplina mea habui. Pōst cū patrui  
mors à puero illo nos distraxisset, ad Bellaium Parisien  
sem Episc. me contuli, eramq; cum illo Romam profe  
cturus, nisi morbus me grauis in itinere ab eo disiunxis  
set. Quid ergo tibi hīc expetis? inquā. Cupiditas, inquit  
prīmū tui visendi, quod maximē optabam, huc me  
compulit. Deinde cū Auenione esset mihi dictum, te  
alicuius hominis indigere, q̄ iuuentutem tuā hanc eru  
diret, si fortē ego essem isti negotio aptus, offerendum  
tibi ego me duxi: non tā onus illud appetens quidem, q̄  
tibi gratum facere studens: & simul intelligens, fore mi  
hi laudi quodcunq; munus apud te, & tuo iussu, horta  
tuq; suscepissē. Quid queris: vsq; eō mihi placuit, vt pri  
mo manē Gloceriū consulem, atq; Heliam accersierim:  
exposui de homine quid sperarem, & quę mihi in eo e  
gregiē complacita essent, omnia narraui. Certē enim e  
iusmodi modestiā, prudentiam, compositionē oris at  
que vultus, vix in Italo homine talem expectare potue  
ramus. Neq; hoc contentus, ad prandium inuito, cum  
Florentium ipsum, (hoc enim illi est nomen) tū medi  
cum nostrum, de quo scripserā ad te antea: itemq; Heli  
am vnā cum consulibus. Post prandium, statim dispu  
tationes me cohortante inductę sunt: argumenta physi  
ces assumpta: certatū à medico nostro acriter, obtorto  
vultu, magnisq; anhelitibus. Ille alter, modestus, placi  
dus, nihil non ad rem, nihil nō accuratē & sobriē, sanē  
quā peritē omnia, & intelligenter. Quin cū ego con  
clusissem argumentum quoddam aduersus medicū tor  
tuosum ac difficile, in quo erat enodādo magnus illi la  
bor: iste petita venia, solutionem protulit quā maxi  
mē fieri potuit doctē, atque accommodatē. Quid quæ  
ris? accensi omnes desiderio sunt retinendi hominis, cō  
sulesq; eum seuocauerunt. Res pācta est aureis nummis  
centenis: tanta cum voluptate ciuium, sicuti ego audiō,  
vt oēs nouam quandam felicitatem huic vrbi esse exor

tã putent. Quin circumferuntur sermones, quos cū con-  
 sulibus habuit, ita liberales atque ingenui, vt nil possit  
 supra. Quamobrem spero huic negotio & muneri opti-  
 mē prouisum fore: & spero adhuc, tamen nondū cōper-  
 rum habeo. Sed videbimus reliqua. Habet autē iste, q̃ mi-  
 hi maximē voluptati est, Græcarum etiam literarum q̃  
 pueris imbuendis sit satis. Quocirca tu de eo sine cura  
 esse potes. Mutinēses ciues nostros rectē habere se, tibiq̃;  
 officia præstitisse quæ in vtrunq; nostrum beneuolen-  
 tiā significarent, maximē lætor. Quæ ad Quirinales hor-  
 tos pertinent, à me tibi missa, hæc me scribente tibi iam  
 accepta esse cōfido. Erat enim hic vndecimus dies, quo  
 tabellarius qui attulit, discesserat. Respondi literis Flo-  
 rentinis, nunc venio Ad Romanos: in quibus hoc pri-  
 mum lætor, binas iam te ibidem meas accepisse. De Ca-  
 pisucco gratissimum mihi est, & Romæ cum cōmora-  
 ri, & habere locum quem virtus eius meretur, quanquā  
 non vt meretur quidem, est enim vir summis honori-  
 bus dignus: qui quod tui amantissimum se ostenderit,  
 non est aliena illius naturæ & humanitati, hæc comita-  
 tis exercitatio. Eum ego maiorem in modum diligo, &  
 diligam semper: summasq; eius virtutes, atq; imprimis  
 humanitatē illam qua singulari est præditus, omnibus  
 meis officijs complectar. Eum tu meis verbis & salutes  
 centies, & amplexere etiam velim. Quòd Iudæorū men-  
 tionem intulisti: in causa illa omnes nunc laboramus:  
 itaq; rogatus sum à Delectis huius præfecturæ, quorum  
 de numero sunt qui hēri mecum in prædio fuerunt, vt  
 cum ijs vnā ad legatum accedam: quod libenter annui.  
 Dies dictus est accedendi ab hoc die tertius, quò etiam  
 propero magis, vt ad te antea scribam: ne negotio illo  
 hæc opera distrahatur. Propter quam causam etiam ha-  
 biturus es literas inaccuratas, atq; illepidē scriptas: nō e-  
 nim est otium describendi. Sed vt de re: cū essent con-  
 ditiones Iudæis latæ à Delectis, quib. noua illorum iura  
 restringebantur: easq; illi recusassent: interuenit Lati-

nus Iuuenalis, ad quē est aditum à nostris, idq; meo consilio: petitumq; vt æquitatē cōcessionum Iudaicarum inspiceret, ad Pontificemq; referret. Non recusauit laborem, vocauit Auenionem Iudæos: parteis ambas audiuit. Correxerit ipse nonnulla, quæ nos heri proposuimus Iudæis, interrogauimusq;, num illis stare animum inducturi essent. Tēpus postularunt ad respondendum. Biduum datum est, vt perendie, qui dies erat futurus VI. Idus, mane responderent: decretumq; inter nos, vt responso quocunq; habito, ad legatū statim proficisceremur. Atq; hoc à nobis de industria factum est, vt si repudiassent illas conditiones, Latinū inimicum sibi redderēt, cuius auctoritatem tam parui fecissent: quanquā intēpestiuum nunc quidem est de Iudæis scribere. Amicum illum nostrum nōdum inuenisse exitum reb. suis magnō opere miror: eiusq; actiones minimē probo, in quo tu quoq; potes animaduertere Paule, quā popularis hęc quę videtur sapientia, à vera viuendi ratione, verisq; prudentiæ consilijs aliena sit. Sed hæc missa. Ego versor in studijs languidius, & de gloria quidem aliquantum processi: sed nescio quo pacto piger magis etiam sum ad scribendum, quā solebam: legēdi voluptate ducor: sumq; reuersus ad Aristotelis scripta, quæ quotidie mihi maiora, præclarioraq; videntur. Proœmium de gloria miseram tibi, quod postea mutaui aliquot locis, neq; nunc vellem Saluiato lectum. Sed ego hoc confecto de gloria libro, optimum illum principē omnino osum explicaturus, si impedimento nullo fuero tardatus: Cū huc à me peruentum esset, sustinui scripturam, si quid forte mihi in mentem venire posset, q̄ præterea esset scribendum. Interim conuertam animū ad litteras Contareno scribendas, si & tempus & ingenium mihi suppeditaturum sit: quod sanē diffido. Ad Contarenum non succedit quod scribo. quare in aliud tempus differamus: & sanē sum aliquantū *μῆτις*, scriptio autem ad talem virum ab animo vacuo & soluto

luto petenda est. Tandem confeci ad Contarenum literas, quas quoniā examinare, vt soleo, non possum, neq; ingeniū ad iudicandū attēdere, tibi Florebelloq; pmitto, vt nisi duxeritis idoneas, ne reddatis. Vale, & saluem mi Paule: imprimisq; animaduerte, neq; frequens tua ad primores accessio aliquā indignā nobis ambitionis suspicionē excitet. Gallicis sanē quidē illa moribus, q̃ Romanis est congruētior. Quocirca tēperato tibi ab ea, & lōgiora spatia intermittito. Iterū vale. 8. & 7. id. Nou.

#### ALIA AD EVNDEM.

Vm venissem Auenionem ad XV. Calen. Decemb. **C**ob causam publicam aduersus Iudæos illuc euocatus, protinus mihi ex equo descendenti, literas tuas Vitalis obtulit, 3. Non. Nouemb. scriptas: quas non me diocri cum voluptate legi. Delectabat autem me in illis cum summi Pontificis de te opinio, tot iam signis iudicijsq; declarata, quam tibi & honori & ornamento fore confido: tum veterem amicorum nostrorum, summorum hominum, erga me voluntas non solum non extincta diuturnitate nostræ disunctionis, vt mihi ex literis tuis cōspexisse videor: verū etiam beneuolentior facta, postquam tu tuis officijs, tuaq; diligentia aciores quodā modo faces illorū animis adhibuisti. Sed præter omnia maximè mihi iucūditati fuit Contarenus: cuius ex epistola dici non potest quale de eo iudicium fecerim. Et re vera exemplum mihi illa attulit humanitatis eius, probitatis, benignitatis, prudētiae. Primū, quod ad me prior ipse scripsit. Obsecro, hoc quanti? Deinde, quod illo modo, quod tam ingenuè, tam fraternè, tā amanter scripsit: & cū p me omnia summa fecisset, non tacuit etiā in literis: in quo me sibi visum ieiuniorē arbitrarētur. Crede mihi, amo hominē, & tanq̃ alterum me esse iudico, quādo ita sumus cōsentientib. sensibus, vt simplicitatē illam, q̃ ego tantopere amplector, & q̃ tibi amplectendā semp magnopere prædico, ambo eodē quasi inductis spiritu, tenemus. Ac de magistro quidē  
lātor,

lætor, & eum illum non esse quem fueramus suspicati,  
& de omnib. cōtrouersijs inter nos conuentū esse: quem  
iā diligere incipio, tuo imprimis testimonio adductus.  
Proinde, etsi stigmata adhuc in fronte gerimus eius de-  
decoris, q̄ mihi ab illo vel per illum iniustum est: facile  
tamen & libenter obliuiscimur pristini doloris, atq; ad  
fraternam beneuolentiam animū nostrū conuertimus  
Ad Contarenū rescribo, cui cū reddas meas literas, de  
meo in ipsum animo, deq; maximis obligationib. qui-  
bus illi sum obstrictus, tu quoq; ea loquere, quæ ex mea  
fide & natura esse scis. Bellaio etiā ages meis verbis gra-  
tias: ipsiusq; erga nos voluntatē neq; vnq̄ mihi incogni-  
tā, & sem̄ optatā atq; gratam ostendes esse. Nā q̄ hor-  
tatur vt in Epist. ad Galat. commentar, satis tibi expone-  
re non possum, quā à scribendo nunc abhorreat ani-  
mus. etsi hoc fortasse breuis desidiæ sit. Verū si scribē-  
dum maximè sit, num tu ad sacrarum rerum commen-  
tationes me hortare, quarum scriptio tot infidijs & ca-  
lumnijs est infesta? Illud me morder. Pontifici te esse  
pollicitum: quanquam hoc fuerit bonitatis. Te autem  
existimare, breuī à me tempore elucubrari quicquam  
posse, quod lectione dignum sit, id sanè in te vehemen-  
ter sum admiratus: qui nosse tarditatem, & cunctatio-  
nem meam maximè omnium debeas: qui crebro me de-  
speratione suscepta opera penè abijcientem videris. Ti-  
bi ne venisse in mentem, menstruo spatio posse aliquid  
à me confici? Ne tu in hanc opinionem de me discesse-  
ris vnquam: neue tibi persuaseris, cum esse me semper,  
quem tu interdum expertus es, hoc est in potestate & ar-  
bitrio: vel (vt nōnulli dicere solent) in numerato sem̄ p-  
orationis copiam habentem. Sed quoniam promisso sa-  
tisfaciendum est, tuāq; fides exoluenda, quam Pontifi-  
ci adstrinxisti: magnopere velim te expiscari & indaga-  
re, quo ille argumento potissimum letaturus sit: atq; v-  
tinam ipsemet mihi præscriberet: fierem enim attētor  
illo mihi ad moto velutistimulo. Quid autē quicq; dū-  
modo

modo ne de cōcilijs: quòd in eo genere & permulta sc̃pta sunt: & volo fidei meæ testimonio derogari, si forte in cōcilio quid sentirē de his rebus, esset mihi expromendū. Poteris igitur, si cū eo familiarius loquendi tibi potestas fuerit, sciscitari de comet, quid sibi maximè placeat. Ad Farnesiū cōposui gratulatorias literas: scrius fortasse, q̃ expectarit: sed ita accuratè, vt nihil mihi in ea re videatur potuisse scribi graui⁹. Florellū sum moperè diligō, & quanq̃ mihi illius absentia incōmodo est, atq; vt prisco vtar verbo, diuidiæ: tamen florere cum in celebritate magis opto, q̃ mecum in silentio, & quasi in solitudine viuere: idq; adeo illius causa, quem ego dignum omni honore statuo. Gratum ergo crit mihi intelligere, esse cum eo loci positum, vbi spem magnam capere suæ liberaliter fortunæ constituendę possit. Nos hic sat belle habemus: asperiorē aliquanto sentimus hyemem, q̃ in his regionibus solita sit: annona & reliquis fructib; abundamus. Frater tuus quotidie magis & moribus honestis, quod videmus: & literis, q̃ speramus, proficit. Sacrat⁹ in officio est, cōmodamq; mihi præbet operam. Amici & familiares valent. Reliqua si qua sunt, à domesticis ad te scribi copiosè puto. Carpentoracti, VI. Calen. Decemb. M. D. XXXXV.

Nigrum meum saluere plurimum iubeas velim: quē ego amo medi⁹ fidi⁹, & in medullis habeo: eius literis nō rescripsi, satis spatij non habens: & tamē nullam ei epistolam arbitror te internuncio futuram gratiorē.

#### ALIA AD EVNDEM.

Crispi literas ad te speciosas, quas Pontifici ostendere posses: in quib; de tua istic mansione, reditū ue ad nos, consilium illud do, quod vnū in huiusmodi re visum mihi est dari tibi oportere. Nūc scribo has familiariores alteras, vt etiam hoc addam, quod mihi maxime curæ est. Nam cū ego prius quietiore animo essem, in reditum tuū expectans ad eam diem, quæ fuerat dicta: hoc est, circiter mensem Aprilem, postquam tu nō  
semel,



semel, sed bis iam scripsisti ad me, cupere te anticipare illam diem, et primo quoque tempore ad nos reuerti, magna sum incensus cupiditate videndi tui. Sed tamen, quod est mei paterni animi erga te proprium, semper commodum & vtilitatem tuam meę voluntati preuerti volo: ut si habiturus sis splendidam occasionem istic commorandi, agas quod animo tuo lubuerit, quemadmodum tamen in alteris literis, quę ad speciem factę sunt, consilium meum tibi de hac tota re explicatum est. Illud tantum te admoneo familiarius & propius, ut ita statuas, idque habeas exploratum, si semel in illam nassam te inieceris, liberum tibi posthac inde exitum non futurum. Nos enim ipsi, id quod tu scis, nisi diuino potius quam humano certe consilio, emissi ex illis vinculis, tanquam ę custodia fuisset, adhuc impediti & constricti hęreremus. Neque ego te impedio, nec deterrire te volo, quominus istic mancas, si commodum tibi sit. Sed utrunque putauimus esse, & quod faceres approbare, & quod sentirem id verę expromere. Confeci etiam ad Pontificem epistolam, quam omnino conueniet reddi: est enim scite (opinor) satis & grauius scripta. Quam quid ę ut conscriberem, illa me res precipue impulit: quod nosci ab eo, & a cęteris omnibus volo, firmiter animi mei propositum, huius quę nunc fruor, retinendę tranquillitatis, & libertatis meę, usque ad extremum spiritum conseruandę. Amicos nostros quidem omnes, sed imprimis, ac precipue Blossium meum omnia me salute & charitate complectere. Vale.

## ALIA AD EVNDEM.

**B**inas a te acceperamus literas, datas mense Nouembri: nunc accepimus trinas ipso natali Dei & domini nostri die. Respondebo igitur ad omnes. De tua cupiditate, ut sis mecum, & mihi audire gratum est, & te video postremis tuis cognouisse iam de eo sententiam meam: nempe te non minus auidę expectari a me, quam desiderari me tibi: quamobrem ages quod quandoque tibi videbitur. Illud tantum te admonitum volo, ut cau-

tę iter



tè iter facias. cùm pròpter anni tēpus, est enim hyemis: tū quòd cū non maximè comitatus sis, sisq; per ea loca, eosq; homines transiturus, quorū mos & natura mihi valde est suspecta: nō sine animi solitudine esse possū: neq; soluto animo de te cogitare. Quare fac vt omnem adhibeas cautionem & diligentiam, quò te nobis saluū atq; incolumē sistas: fidosq; habeas & comites, & viarum duces: in quo neq; operæ, neq; pecuniæ parci à te volo. Et quoniam vno aliquo egemus qui à pedibus sit, Fabritium eram desideraturus. Sed is retinetur à Florebello, cuius commodū facilè antepono meo, alium adduces quemlibet, quem tu idoneum & fidelem esse iudicaris. Cæsum Cardinalem & amaui, coluiq; semper, (quemadmodum tute scis) & valde bene de eius ingenio, prudētiaq; iudicaui: meq; ab eo diligi etiam sensi: quod est caput meæ in eum obseruantie, eximijq; amoris. Qui quòd tibi se comiter amiceq; dedat, habeatq; non nunquam de me mentionem: gratissimū mihi est: teq; illi meis verbis & agere gratias, & mea in illum perpetua officia polliceri, planè volo. Lapidem autem illum quin ferat causa nulla est: quare nisi iam fecisti, facias illi primo quoq; tempore eius auferendi, & sibi habendi potestatem. Marium nostrum aueo scire quid agat, & quo animo procæmium nostrum acceperit: tu si ab eo aliquid, continuò facies me certiolem, Gambarrum conuentum à te, & meis saluere verbis iussum, admodum letor: illudq; magis, quòd tibi visum scribis fuisset, me ab eo diligi. Quod ego non parui facio: eius enim de ingenio, & de nobilitate animi, summaq; humanitate, semper existimaui bene: quapropter itē meis verbis agēs illi de hac eius volūtate erga me gratias. Petrū Lambertū meum, optimū sanctissimumq; virū, eundēq; omni virtute atq; humanitate præditum, sic nō amo solūm, verū etiā colo ac veneror, vt nullius hominis amplitudini & dignitati plus tribuam, quàm eius vnus integritati ac virtuti. Qui quòd me, teq; diligit,

suam

suamq; omnibus in rebus ostendit aduersus nos beneuolentiam, tam gratè accipio, vt nihil supra. Sed quando tot eius erga nos meritis referetur à nobis gratia? vtinā veniret mihi in mentē, qua re possem me illi exhibere, agereq; aliquid, q̃ tali viro accideret optatum, testimonium meæ ardentis erga illum voluntatis. Sed, si omnia ad gratiam ostendendam nobis reliqua sunt clausa, testimonium certè tantæ virtutis ac benignitatis, p̃ virili nostra in posteritatē ppagauimus: est, n. mihi ille sem̃ p̃ in intimis medullis infixus. Tu ei à me millies salutem, vel centies millies potius: nemo est cui me magis charū & commendatū esse cupiam. Quòd aut̃ ille tibi suadet, vt munus consecrationis, vel facultatē potius eius muneris accipias, idē ego & p̃bo, & te hortor. Moroni episcopi Mutinensis nostri virtute & dignitate plurimum lētor: teq; inisse cum eo amicitiam valde laudo. Caluū habeo in memoria, fuit. n. sem̃ p̃ mei amicissimus: ipse certè (q̃ nosse de illo potui) ingenio animoq; erectior, q̃ videretur illius fortuna postulare: quem salutes velim à me: ei q; dicas, gratum illum mihi facere, quòd memoriam mei non intermittit: petereq; ab eo me, vt hoc assidue faciat. Capi succum meum, talem tibi beneuolentiam ostendere, tantūq; impartire amoris, quantum scribis, in credibile est quantopere gaudeam, & certè nihil fieri potest illius virtute præstantius, humanitate lenius, familiaritate dulcius. Et tamen hæc in eo antea etiā cognoram: nunc verò, quod tantā fidem præster amicitiae, q̃ ira memor sit eorū à quib. ipse mirificè diligitur, quanq̃ longè absentium, hoc prope singulare est & summum in hac ætate optimi viri indiciū: cui ego toto corde & animo penitus sum addictus. Illud doleo, quod cū ipse facultatem amplam habeat crebro nobis amorem suum ostendēdi, nos nihil simile aduersus eū agere possumus. Sed aliquando poterimus: aut ipse eadē virtute, animiq; ingenuitate, qua nos officijs omnib. prosequitur, nostram voluntatem erga se pro relata gratia acci-

piet. Quòd eius omnibus in rebus ope & consilio vteris, facis rectissimè, idq; vt semper facias tibi potissimū mādo. Ad Gonzagam amplissimum virū suades vt scribā. Enimuerò quid: presertim cū ascribas occupatissimum illum esse. Videtur tibi rectum, vt obtundamus cum inanibus epistolis: Ac delectatur stylo & genere meo dicēdi. Primum, nō video cur delectari debeat, quid enim est in meis scriptis egregium, quodq; non imprimis humile & serpens humi sit? Deinde, si maximè delectetur, iuuenile est summos viros literis laceffere, quæ nil afferant aliud, præter animi delectationem. Immò verò habeat ille hoc pignus nostræ summæ erga eum obseruantia, maximiq; quo illum psequimur honoris, q̃ vacuas reb⁹ & negotijs literas ad eum dare erubescimus. Quē q̃ scribis omnia summa officia Accolto nostro in illius grauissimis incōmodis præstitisse, letor virtute & laude amplissimi ac nobilissimi hominis: multumq; ego quoque hoc nomine illi debere me intelligo. Gratum & id mihi, q̃ de Vbaldis nuntias, esse cum cum Accolto in amore & gratia, hominemq; sese in illius aduersis rebus præstitisse. Laudo virtutē, officiumq; diligo. Sed de eo ipso est q̃ expostulam. Tandūne, cū in Vrbe assiduus fuerit, nihil ad me literarum, ac ne p̃ alios salutem quidem: at tu illi à me plurimā. Cui indicabis, etiam si ipse me minus diligat, summè tamen eum à me & amari & semper amatum iri. Hortos nostros Quirinales scripsi vt redimeres: nunc si tibi videtur cōmodius sinere eos vti sunt, ea ratione, ne si ab vno auellantur in aliquem potentio rem incidant, à quò nō tā facile postea possint auelli: facies q̃ iudicaris rectum, totum .n. hoc negotiū tibi praitto. Latinum Iuvenalem amo maiorem in modum, meq; ab eo amari opto: tu me illi & mea omnia, et res prouinciæ huius cōmendabis. Ac mihi quod à me petit, neque facile id factu est, & certè alienissimum nostræ integritatis. Nos officia amicitia illi præstitimus, quoad licitum fuit: sinat nos nunc officij nostri habere ratio.

rationem. Nam vt nos cogitationibus vrgendis, & aduersarij persona suscipienda, lites prosequamur, neque honestum, neque decorum nobis est: longeq; remotum à more & professione nostra. Libellum hic retinebim⁹, quoad ipse inueniat qui rem exequendam curet: quem ex prouincia ipsa esse oportet: et tamen magnus numerus eorum hominum solet in Vrbe esse: vt futura sit ei alicuius copia, qui id agat sedulò & diligenter: quando quidem ad talia genus illud hominum est aptissimum. Si qua re honesta **A**emylius meam beneuolentiam erga se expectet, experietur semper me amantissimum sui. **A**in tu Romæ esse **H**ieronymū **A**leandrum: quem ego abesse longè putabam: audieram autem esse cum **V**enetijs: gaudeo medijsfidius, datam tibi facultatem, hominis omnium doctissimi & noscendi, & visendi: quem quòd scribis mei esse peramātem, moriar ni cō nuntio mirabiliter sum delectatus. **H**ic de illis **P**aule est, quos ego imprimis mirari soleo. **I**ncredibile propè est, quæ sit hominis sciētia, memoria, cognitio rerum plurimarum, de quò sepe equidem tecum locutus sum. Sed nūc cū nactus occasionem es, complectere hominem omnibus officijs, & te illi insinua: abibis enim semper ab illius latere & colloquio doctior: quē salutarī à te meis verbis studiosissimè volo. **T**antum vtrunq; nostrum ab amplissimo viro **C**ontareno amari, quātum tu scribis, summē mihi voluptati est: vtinam ille modò habeat iustas causas id agendi. **I**pse quidem illi omni obseruātia iure optimo sum adductus: cuius legi adnotationes, & tamen est quiddam, in quo leuiter dissentimus: in quo tamē meis rationib. allatis illius sententia potissimum staturus sum. Sed oporteret nos colloqui: quod aut faciemus coacti concilio, si modò vnquam cogetur: nam ego quoque **C**hristiano illi negotio pro mea parte non deero. **A**ut si facultas ea non dabitur, & desperaro posse nos congregari, per literas accuratius & sciscitabor sententiam eius, & explicabo meam: quam obrem tota ista

res in id tempus differatur. Mēdum illud in libro meo, quod ipse quoq; corrigi debere dicat: probetq; in co-  
pinionem meam, quæ tamē eadē semper fuit, neq; quo  
pacto in verbis illis fuerit immutata scio, nec miror, &  
tantò magis dari à te operam volo, vt in omnib. libris,  
quotquot fieri poterit, error ille tollatur. Ad postremas  
venio literas: Saluiatum & Campegium, & Symionetā,  
quantum colam tu optimus testis es: qua aut illi in reb.  
nostris beneuolentia vtantur, cognoui ego ex tuis lite-  
ris. Agito igitur illis maximas à me gratias, omnemq;  
meam obseruantia, officium, amorē, eisdem deferō: q̃  
cōmodissimē facies, cūm com meatum petes ad nos re-  
uertendi gratia. Hortensium lētor bonis ingenijs proba-  
ri. Octauio Pantagatho optimo atq; eruditissimo viro,  
cuius officium gratissimum habui, meam item gratam  
esse & memoriam eius officij, & erga ipsum voluntatē  
gaudeo. A Steuco accepi literas humanissime scriptas,  
quæ me maiorem in modum delectarunt. Quod ad Fre-  
gosium scripsisti, laudo. De pensione illa tua petere à re-  
ge vt eam autoritate sua comprobet, indignum est. No-  
stra erga illum officia eiusmodi sunt, vt si fortunam se-  
queremur, maiora ab illo expectare deberemus. Nunc  
cū ē fortuna nō pendeamus, infringere in re parua ma-  
gnitudinem animi nostri, ne cadere quidem in cogita-  
tionem nostrā debet. Si pensio per Pontificē potest ro-  
borari, honesta est actio, & petere non indecorū. Si ad  
Regē confugiendum est, non est tanti pensio, cur hanc  
demissionem animi alienam à morib. & natura nostra  
subeamus. Nihil est quod te pigeat reddidisse primò Far-  
nesio literas, & eius opem & gratiam implorasse: non  
enim dubito, quin negotiū suscepturus ex animo, idq;  
q̃ volumus à Pontifice impetraturus sit. Quod si etiam  
fiat serius, semper tamē futurum est his populis gratū.  
Non te oblitum arbitror, quod tibi discedēti de Alfon-  
so fratre in mandatis dederim. Id tamen, quoniam (vt  
debet) magnæ mihi curę est, repetendū his literis duxi,

vt inſtes contendasq; apud Pontificē Maximum, quò magiſtratus ei aliquis illius virtute dignus mandetur, in quo poſſit & doctrinam ſuam, & integritatem exercere. Non enim diffido optimum Principem, pro ſua clementia & erga nos voluntate, habiturum rationē rogationis noſtræ: nobisq; ea præbiturum, quæ cōmunia ferè ſunt: cū nos, qui nihil magnum neq; in ſigne quærimus, ac ne optamus quidē, neq; ob eas res aurēs Principis noſtri obtundimus, hōc ſimus qui parua & vulgaria impetremus digniores. Ages igitur cum illo noſtris verbis, & diligenter, & audaciter: vt habere velit fratris mei rationem, & docti, & prudentis viri: cuius iam probitas, iuſtitia, & integritas, in alijs magiſtratibus, quos aliàs perhonorificos geſſit, magna cum ipſius laude ſpectata eſt. Cauſas celerioris reditus tui, vel q̄ iuſtę ſunt, vel quia ego rei ipſi faueo, habeo ſanè quā probatas. Tātūm te moneo iterum atq; iterum, vt cauertiſſimè iter facias. Iulium puerum hoc tempore viæ committi non placet: primo vere curabitur vt tutò & commodè veniat. quod etiā eius deducendi onus Nicolaus Capellus ſibi ait impoſitum à mulierib. fuiſſe: qui cū illhuc cupiat redire, comitum penuria etiā nunc detinetur. Iteras meas ad Pontificem maximum, quas poſcebas, cū hæc ſcribā ad te, perlatas eſſe arbitrabar, teq; illis iam vſum eò quò vtendum putaffes. Accoltum doleo excedere ex ea vrbe, in qua ego maximè eum morari vellē: vt enim nobis eſt amiciffimus, ſic pluribus rebus nauare nobis poſſet beneuolentiam ſuam. Sed ferēda humana. Quas quidem ad eum ſcripſi literas, nō minore motu animi à me ſcriptæ ſunt, quàm ab illo fuerint lectę. Claudium opto mecum eſſe, tametſi ego in ſcribendo & lucubrando factus ſum ſegnior: itaque ſcito, nihil à me hac hyeme compoſitum fuiſſe, quod momenti alii cuius ſit. De gloria inchoaueram, ſed citò intermiſi: habeo tamen in animo opus illud perſequi, in quo Saluato, cui tantum debemus, referatur aliqua ex parte à

me gratia : quæ etiam per te illi volo exponi, & declarari. Tu semper de Blossij Palladij nostri humanitate, comitate, beneuolentia erga nos aliquid ad me scribis : tibi autem quid ego rescribam? nisi illud, quod solenne & fixum est, cum à me scilicet incredibiliter amari. Quod cum sum me faciam, non tamen tantum mihi videor posse facere, quantum illius erga nos officia postulant. Vellem scripsisses ad me, ecquid habeat gratum, quod ego illum in meo Hortensio intexui: & certè habere debet: non tam, quod magnum aliquid propterea sit affecutus, quam quod ego illi in conspectu propemodum pono vniuersam imaginem illorum temporum, in quibus nostræ vtriusque iuuentutis desideria illa ardentia ferbuerunt, quorum est recordatio vtrique nostrum iucunda. Eum tu meo nomine amplectere, & salutem illi plurimam dices. Florentium magistrum huius iuuentutis quotidie magis probo: nisi quod videtur mihi factus taciturnior, & solitudinis amantior: in quo mihi est admonendus, (quod facere cogito) ut caueat, ne hoc sit *μελαγχολία* vitium non animi iudicium: omnique modo ad hilaritatem est prouocandus. Ei stipendium publicè constitutum est satis amplum. Cuius tertia pars illi à nobis soluetur, quæ admodum cum tu etiam adesses, eramus ciuibus polliciti. Frater tuus mihi admodum satisfacit, sequiturque exhibet & facilem & cupidum obtemperandi mihi: & certè (ut ætas illa est) nihil, aut admodum rarò delinquit. Spero de eo optimè. Sacratò in suis studiis est assiduus: cæteri familiares bene habent. Nos hic in suauissimo otio viuimus: copia rerum abundamus (præterquam pecuniæ) penè omnium. Multum mihi tuæ ad Bëbum placuerunt literæ: ut, si homo es, magno animo dedere te debeas ad hoc Latine scribendarum epistolarum genus. Ad postremas tuas literas nihil est quod rescribam amplius. Satis enim ad omnia arbitror esse responsurum. Tantum Iacobaccio humanissimo viro ut gratias agas meis verbis mando, atque ut eidem omnia nostra commendes: meque confirmes memorem semper & ipsi



us officiorum erga nos, & patruorū eius futurum, quos ego vehementer amavi dum viuerent, neq; desisto diligere etiā mortuos. Adscribam hoc quoq; nisi ex tuis literis fecero cōiecturā, diutius te isthic, q̄ nunc facturum te ostendis, commoraturum esse, nullas amplius literas me ad te scripturum: sed tempus & curam omnem positurum in sacrarum literarum studijs: quę narrare tibi ne queo quantopere me delectent. Tu vt eo animo ad nos venias, tanq̄ te in eadē studia totum immeriturus sis, omnino facito. Vale etiam atq; etiam. Durando cubiculario summi Pontificis multum intelligo me debere: suis enim in te officijs egregiē promeruit, vt ego quoq; illi deuinctus essem: quamobrem ages meis etiam verbis ei gratias: meq; totum suum vt existimet, admonebis. Iterum vale. V. Cal. Ianuarij, M. D. XXXV. Carpent.

## PAVL. SADO. PETRO BEMBO.

**E**Xcis literis, quas ad Lazarum nostrum Papia proficiscens dedi, me in Italiam venisse, Romamq; iter habere, & quę profectiois nostrę causę, quę ue consilia essent, cognouisse te arbitror. Illud quidem certē cognosse te nō dubito, quod ei nominatim vt te edoceret mandaucram, deferre mecum me patrui mei de laudibus philosophiæ librum, quem is paulō ante absoluerat: atq; ab illo mandatum habere, vt simul ac constitissem, statim eum describendum, & fideliter ad te perferendum curarē: mirificē enim eum cupere, vt tu illum primo quoq; tempore, atq; omnium princeps haberes: cū eius amicitia, quę inter vos intercedit, causa, (præsertim cū tu illum ab eo librum tantopere es flagitasses) tum verō vt lucubrationem suam ad iudiciū tuū deferret, tuaq; imprimis opera, cura, diligentia, fide, in illa expolienda vteretur. quod ipsum etiam, postea quam ad Vrbem veni, diligentius mihi per literas mandare, meq; vt approperarem vrgeri nunquam destitit: facile vt appareat, quanquam magna quædam in eo libro se esse conatū existimet, nō tamen eum illi librum

antè probatum iri, quā is grauiſſimo atq; acutiſſimo iudicio tuo fuerit cōprobatuſ. Quamobrē Mattheo Dādu lo ciui tuo, eidemq; tui nominis (vt mihi pſpicere viſuſ) ſtudioſiſſimo, mihi ex Contareni Card. familiari tate cognito, & propter eius virtutē atq; humanitatem vehementer p̄bato: cū in iſthęc loca p̄ficiſceretur, ipſum deſcriptum ad te librū dedi, eiq; q̄ maximē potui cōmendauī: quē effecturum nō dubito, vt is ſideſſimē ad te celerrimēq; p̄feratur. Nunc te Bēbe optime ac p̄ſtantiſſime, patriui mei verbis etiam atq; etiam rogo, ſidemq; à te amicitiaē, q̄ nobis omnib. in rebus diligentiſſimē p̄ſtare conſueuiſti, in hac re potiſſimum implo-ro, vt ad eum legendū eo animo accedas, non vt ſi quid laudandum in illo, ſed vt quidquid reprehentione dignū ſit, tibi id notandum atq; animaduertendum putes: vtq; ita ſtatuas, nos à te non tam voluptatem vllam ex laudatione tua, quā maximam ex correptione vtilitātē expectare. Id porrō optimē fiet, ſi in legendo iudicis partes ſuſceperis, amici depoſueris. Subuereor. n. interdū, ne te nimius amor noſtri in fraudē inducat, tibiq; omnia quaecunq; à nobis proficiſcantur, arridere faciat. Quare cum tu Bēbe amorē in iudiciū ne adhibueris, ſanctiuſq; apud te ſit religionis atq; officij nomen, q̄ vl la amoris ac familiaritatis ratio. Quanquam quod certuſ ac propriuſ magis eſſe cenſendum eſt amici munuſ, aut quiſ ex amicitia capi vberior fructuſ poteſt? quā vt quiſq; doctrina, ingenio, magnarum rerum vſu quā maximē excellit, ita ea illum omnia ad amici voluntatem atq; arbitriuſ ſummo eius tempore, quā libentiſſimē conferre? iſ p̄ſertim de rebus, quā & iā in manus hominum venturæ ſint, & ad poſteritatem etiā ipſam forſitan peruenturæ? vt opera ac fides tua à te nobis ita debeat, vt eadem etiam pertineat ad vnuerſoſ. Illud te admonitum volo, poſſe legi librum, itemq; ab amicis noſtris doctiſſimis viris deſcribi, Polo, Lazaro, Lampridio. quorū item quod de eo iudiciuſ ſit, valde

aue.

auemus scire, imprimi verò atq; edi nequaquam posse:  
vult enim patruus ampliore temporis spatio facultatē  
sibi esse, mutandi & corrigēdi, si quid ex tuo præsertim  
iudicio, emendatione dignum videbitur. Verū eadem  
hæc patruū per literas tecum egisse confido. is enim ad  
me proximis literis scripsit, se literas à te, Iulio (vt arbi-  
tror) mense datas, tunc demū accepisse, atq; vt ad eas re-  
sponderet, se parare. Tu cū scribere ad nos voles, cen-  
seo huc ad Nigrum, qui vtriusq; nostrum amantissim⁹  
est, ipsas literas mittas, qui eas mihi, quandiu hīq; ero, e-  
uestigio reddet: postq̃ aut discessero, Carpentora cti-  
am nobis eas curabit reddēdas: sic enim optatissimē tuę  
literæ, quanquam paulò longiore erratione, certius ta-  
men, ac plerunq; etiam celerius ad nos puenient. Quod  
aut ad me ipsum attinet, ego cū in Italiā venire con-  
stituissem, ita peregrinationis meę partes distribuērā,  
vt statuerem, te isthic in reditu meo inuisere, quem ad  
mensē Aprilem coniciebam fore. Te autem iccirco  
videre omnibus votis cupiebam: primū, vt summum  
meum erga te studium, singularemq; obseruantiā qua  
te iam pridem sum complexus, corā tibi declarare co-  
narer: fruererq; exoptata voluptate videndi atq; allo-  
quēdi eius viri, cuius virtute ac monumētis nostra hæc  
ætas illustrior, & ad posteritatem commendatior futu-  
ra est. Deinde, vt etiam ex tua aliquorum dierum con-  
suetudine, aliquid ipse ad vsum meū transferrē, quod  
ad optimum atq; honestissimum vitę cursum mihi con-  
stituendū valeret. Nam cū hæc sola ferè causa sit,  
quam obrem hanc à me urbem, quæ semper domiciliū  
virtutis atq; prudentiæ optimo iure habita est, visendā  
atq; inspiciendam putarim, vt scilicet in meis vitæ rati-  
onibus prudentior ex eo, atq; moderatior fierē: meq; ad  
præstantium virorum, qui in ea sunt, exemplum atque  
imitationem conformarem, quantopere mihi tuus Bē-  
be aspectus exoptandus est, qui mihi vnus totius vrbis ef-  
se instar potes? Quare statuebā (vt dico) te videre anteq̃

In Galliam me referrem : maneoq; etiam nunc in sententia: modò stet illud q; diximus, de tēpore, ad q; cogitabamus reuerti. Nā si expectabim⁹ Aprilem mensem, te omnino videbim⁹. At si quis interuenerit casus, quo hyeme cogar reuerti, id q; potius formido, aliud erit mihi cōmodius atq; expeditius iter suscipiendū : atq; ita, ad molestū sanè itineris, atq; hyemis laborē, illud etiā mihi grauius accedet incōmodum, quòd tuo mihi optatissimo congressu carendum erit. Quicquid autem ceperimus consilij, te de eo certiore faciemus. Vale.  
decimo Calend. Decembris M. D. XXXV. Roma.

**PAVLVS SADOLETVS RODVLPHO**

Pio S. R. E. Cardinali, S. P. D.

**D**Ecimus circiter mensis agitur, cū ego & F. Molsa noster, Io. Fr. Fallopiū ciuem nostrum iuuenem honesto loco natum, ac liberaliter institutū, amplitudini tuę diligēter cōmendaui⁹: à teq; omni studio ac precib. cōtendimus, vt cum mirificè cupidū ac sitientē familiaritatis tuę, velles in fidē ac familiā tuā recipere: multaq; addidimus, quamobrem & ille tantopere id cuperet, & tu nolle non deberes. Atq; hoc à nobis (q; te meminisse non dubito) quodā die factum est, cū ad prādiū apud te, certo cōsilio, ego atq; Molsa venissemus: cumq; à te lautē ac peramāter accepti, loquendo (vt fit) ac deambulando, in angustā quandā ac penitissimā bibliothecę tuę partē soli tecum vnā peruenissemus, opportunū sanè locū, vt nō inde tu facilē, nisi ea q; à te petebamus, venia nobis data elabi posse viderere. In quo illud mihi sanè gratum atq; imprimis iucundum accidit, q; præclarum eo die specimē vidi eximie cuiusdā liberalitatis atq; humanitatis tuę. Nā cū à nobis vehemētī⁹ p̄merere: ac tibi quominus cupiditati nostrę, quē admodum voluisses obsequi statim posses, rei familiaris tuę non pauce (vt tute affirmabas, idq; nos etiā agnoscebam⁹ ipsi) difficultates obstarent: vidi te tamen mē te sepius hēsitantē, vtrum maior tibi cōmodi tui ratio haben-

habenda esset, an studij ac voluntatis nostrę: quasi tibi  
durius esset, nobis quippiã abs te petentib. nō satisfacere,  
q̃ contra rei familiaris tuę rationes atq; cōmoda facere.  
Itaque ea tunc ab amplitudine tua inita est ratio,  
quę & reb. tuis cōmodior, & equę nobis futura esset grata.  
Petijsti. n. à nobis, vt certos aliquot, 4. opinor mēses)  
Fallopium ipsum sustinere se, ac cōmodum tuum expectare  
iuberemus: quo tēpore domesticas tuas difficultates  
explicari posse sperabas, auctis p̃ eos dies ex Gallico  
sacerdotio vctigalibus tuis. Tū enim demum te illi, nobisq;  
tantopere p̃ eo laborantib. morem esse gesturum.  
Quod cū Fallopiō renuntiavissēmus, magnum se quiddam  
p̃ nos adeptum esse arbitratus est: ac cum magnas nobis,  
tum amplitudini tuę maximas apud nos gratias egit:  
Sibi enim faciliē aiebat fore, quādiu tu velles expectare:  
vt q̃ nulla necessitate, nullāue inopia ad tuam exoptandam  
familiaritatē adduceretur: sed sola ea fama ac hominum  
prēdicatione, quę de tua virtute, & animi magnitudine,  
summaq; humanitate incredibilis pene est, studio atq;  
amore tui accēsus & inflammatus, cuperet ei viro cultum  
atq; operā suam dicare, cuius ipse ex nomine & familiaritate  
fieret ornatio. Accidit, vt tu breui interiecto tēpore, à summo Pont.  
ad Galliar. Regē legatus de pace mitterere. Et paulō pōst  
secuta est ipsius Ponti. nostraq; cum ea vnā ab Vrbe profectio:  
tantæq; deinceps res, te imprimis interprete ac ministro, inter  
maximos principes actæ tractatęq; fuerunt, vt nihil de  
cuiusmodi priuatis rebus, ne cogitandi quidem daretur  
loci. Nunc autē cū sedatis illis vrbānarum rerum agitationibus,  
& publica re bene constituta, vnumquēque ad priuatas  
suas rationes, atq; ad instituta vitę consilia reuerti liceat:  
admonet nos perpetui sui optati Fallopius, sibiq;  
nunc demū post decimum mensem, patere aditum ad  
familiaritatem tuam petit: meq; & Molsam sponsores  
suos appellat. Nos verò, pręstantissime Rodulphe,  
fidem illi nostram pręstare non possumus,  
nisi

nisi benignitate ac liberalitate tua adiuuemur. Itaque Molsa quidē qui isthic adest, cōmunem hāc causam nostrā apud te aget plurib. Quem etsi sciebā, propter ipsius suauitatem excellentemq; doctrinā, apud te apprimē gratiosum esse, nec verò minus eum valere eloquentia grauitateq; verborum, q̃ gratia: vt vbi ille presens esset, mea vox ac commendatio non magnopere desideranda esse videretur, tamē vt ego quoq; meam fidem ac diligentiam homini amiciissimo probarem, has ad amplitudinē tuā dedi literas: te etiam atq; etiam rogans & obsecrans, vt equum te ac facilem postularis nostris prebere, hominemq; imprimis honestum & probum, nec non singulari quadam industria atq; artificio præditū, quade re tecum aliās sum locutus, benignitate tua amplecti atq; in tuis esse velis: præsertim cū ille non casu, vt pleriq; faciunt, ad familiaritatem tuam appetēdā delatus sit: sed vnum te ex vniuerso amplissimorum isthic virorum numero, sibi iudicio certo delegerit, quem patrum totius fortunæ constitueret suæ. Hunc si ad te admiseris, atq; in familiam tuam receperis: equidem tibi audeo polliceri, magnā te ex illius fide ac solertia voluptatem esse capturum. Mihi sanē cū illud gratissimū erit, ppter amici mei cōmodum, cuius ego causa vehementer cupio: tum etiam intelligo, q̃ honorificum apud municipes meos Mutinenses mihi futurum sit ac gratiosum, tanti videri esse apud summos viros cōmendationē meā, vt illorum beneuolentiam ac gratiam cuius meis conciliare, eosq; opera ac diligētia mea iuuare possum. Quod si vides mihi amplū esse, ac penē gloriosum: existimare debes, me tibi, cuius bonitate ac beneficētiā apud meos fuero laudem assecutus, quā maximā ac perpetuam gratiam pro tali tuo beneficio habiturum: & ad multas eas & graues, quas cum Patruo meo communes habeo, tui amandi ac omnibus studiis colendi causas, maximam etiam ex hoc tuo in me priuatim ac propriē collato beneficio cumulum accellurum esse.

sc. Vale. VIII Cal. Nouemb M. D. XXXVIII. Carpent.

IAC. SADOL. PAVLO SADOL. S.D.

**D**Ecimo octauo die postquam à te discesseram, Mutinam veni, Idib<sup>9</sup> ipsis Maijs: ibi Alfonsum fratrem offendi valentem, & salua cetera quæ quidē domesticas ad res p<sup>er</sup>tinent. Sed illi penē inopinatus fuit aduentus meus. Etsi enim imperiū nouerat, quo ego accerserbar, de mea tamen voluntate fuerat dubius: itaq; affui quasi improviso. Nostri quidē ciues officiosē atq; amāter visum ad me & salutatum frequētes adierunt. Ego illo triduo Floreb<sup>9</sup> bellum Bononiam misi, & ad Farnesiū literas, nihil dissimulans de mœstitia mea, & simul exponens q̄ mihi graue extitisset venire in Italiā, & alienissimo meo tēpore iter illud suscipere. Petebam autē vt transacto cum Cæsare colloquio, liceret mihi Carpentora cte reuerti, quod iam vnum atq; solum à summo Pōtifice expeterem beneficium. Erat & illa excusatio in literis, me non continuò Bononiā profectum esse, q̄ de via fessus, aliquot dierum quiete, reficiendi mei causa indigerem: me tamen quod ipsi imperassent esse facturum. Responderunt, posse me Mutinæ ipsorum voluntate residere, donec vocandi abesset opportunitas. Quo ego nuntio accepto, in Corlianum nostrum me cōtuli. vbi sextum diem iam ago, nitēs quoad possum, reficere animum: cumq; reuocare ab ijs solitudinibus, quæ me præter consuetudinē vehementer agitauerunt, quod literarum imprimis beneficio bona ex parte cōsecuturū me arbitror: tametsi libris careo, neq; habeo præter duos aut treis. Sed tamen & perfeci librū illum de peccato originis, vt is iā exire in manus hominum me cōcedente possit: & alia commentor, quæ si res mihi facultatem dederit, in lucē editurus sum. Illud quidē mihi sentio vsu venire, vt nunquam ex studijs literarum tantum voluptatis ceperim, quantum hoc tempore: vel quòd nullam aliam habeo suauitatē, in qua acquiescā: vel quòd maior in morbo medicinæ vis apparet. Hic rumor erat

ortus



ortus (vt dicebat) Bononię, mihi legationem illam à Pō-  
 tifice esse decretā. Sed sine capite hic rumor: nihil enim  
 habebat certi nec constituti: tantū modo sermonib. ho-  
 minum res iactabatur. Quod quoniā mea neutram in  
 partē interest, vtrum magis velim planē nescio. Ego, si  
 mihi detur optio quid expectā, domum cupio, & reuer-  
 ti ad vos, & agere vitam cum meis amantissimis. Quōd  
 si procul à meis tāquam in exilio vitam ducere necesse  
 est, reliqua est deliberatio, mihi nē expediat habere le-  
 gationem: Sed de his satis. Aduentus Cæsaris adhuc in  
 expectatione est, nihilq; de eo certi ad nos allatum. Di-  
 cebatur tempestatib. retentus conficere cursum non po-  
 tuisse: & tamen sunt qui nuntient, peruectū cum ad in-  
 sulas quę supra Massiliam sunt. Quod si est ita, citē Ge-  
 nuę illum habituri sumus. Nostrum quidē illud inuē-  
 tum ad concordiam pertinens, quod tu quoq; tanto pe-  
 reprobabas, scito nō suppressum modō fuisse, sed sicu-  
 bi fuit illius enuntiandi necessitas, alio atq; erat modo  
 interpretatum: verū ista viderit Deus. Ego post disces-  
 sum isthinc meum, nec literas à te nec nuntium vllum  
 accepi, quod mihi molestum est: nihil enim vehemētius  
 opto, quā de te audire ea, quę mihi iucundissimasint,  
 vt rectē valeas: vt in magistratu te geras: quid ciues  
 mei, quid reliqui omnes agant, quorum nobis & salus  
 & memoria est iucunda. Tectū Felicianū absolui volo.  
 Viaticum huius itineris, p ratione dierum qui in itine-  
 re consumpti sunt, nisi ad Carolum nostrū Gualteruc-  
 cium vti peteret: res equa & legitima nihil habuit diffi-  
 cultatis: trecenti statim numerati sunt, in quo opera Ar-  
 dinghelli eximia & amor erga me singularis. Illud ex  
 hac mea postulatione mihi accidisse gaudeo, q̄ desie-  
 runt mirari ac reprehendere, q̄ ducentos illos reddidis-  
 sem, posteaq̄ viderunt me trecentos poscere. Non enim  
 iā illa morositas mea, sed religio iudicatur. Adhuc hæc  
 erant q̄ tibi ex me nota esse vellem. Si quid amplius eue-  
 nerit, curabo vti scias: & vel ipse ad te mea manu scri-  
 bam,

bam, vel delegabo Florebello. Catherinum, Gloceriū.  
Verotum, & reliquos familiares nostros saluere iubebis  
meis verbis. Curabisq; præ ceteris rebus omnibus, vt mi  
hi à te literę crebrò longissimæq; reddantur. Vale mi  
Paule, & Deum precare vt redeamus. Iterum & sæpius  
vale. Ex Corliano, VI. Calend. Iunias, M. D. XLIII.

IAC. SADO. PAVLO SADO. S. P. D.

Atis ad te literis illis, quas in Corliano scripseram,  
**D**hęc secuta postea sunt. Ego cū angerer animo, dī  
rēptum me ab eis optimarū artium studijs, in qui-  
bus beata mihi vita erat reposita: & reliquisse tamen cū  
illis vnā, cū eos homines, qui mihi essent charissimi,  
tum eas regiones in quibus mihi summa cum libertate  
animiq; iucunditate, meo arbitratu, viuere erat con-  
cessum: tentandū & conandū esse duxi, si quo pacto possē  
me hinc explicare, & ad vos, quib. cum esse maximē cu-  
pio, primo quoq; tēpore me referre. Itaq; cepi cōsiliū  
opinionē mea solers plenumq; summę rationis, si tamē  
ratio omnib. in rebus locum haberet. Scripsi enim lite-  
ras, quarū exemplum tibi misi: & ad eum scripsi, q. ma-  
ximē mihi suffragari meæ voluntati posse videbatur:  
idq; ipse nō nolle, quādo eodē his studio mecū, eodēq;  
erga literas animo est coniunctus. Qui mihi post triduū  
rescripsit, omnia se summa egisse: longum habuisse cū  
Pont. sermonem, visumq; sibi illum animo erga me p-  
pēso & beneuolo: certū tamē responsum meis postulatis  
in p-  
pinquum colloquium reseruatum esse. Et simul e-  
isdem literis me admonuit, vt cū primum commodo  
meo possem, Bononiam me conferrem. Erectus eram  
in spē, vt non diffiderem aliquid posse fieri eorum quę  
cupiebam: nec tamen planē confidebam. Res ipsa & po-  
stulatorum equitas me vt sperarem hortabatur. Cur e-  
nim difficilis deberet esse Pontifex in ea re mihi conce-  
denda, quę sine vllō onere ipsius proprio, & laudem il-  
li & genus quoddam honestissimę vtilitatis esset allatu-  
ra? Rursus conditio temporum, & impendentes quoti-  
dian

diani penè vndiq; metus, ab ea spe me abducebant: nō. nihil enim in persona mea ad subueniendū tantis præsentibus Reip. fluctibus hominum iudicio videbatur esse positū. Anceps igitur animi, & dubius, quid casurum esset, Bononiā perrexi. Nonis ipsis Iunijs, diuerti ad Paleotos, quorum vetus hospitium nobiscum, hac noua familiaritate renouatum est. Postridie mane Pontificē summū conueni. Acceptus sum ab eo per benignē: laudauit operas nostras legationis Gallicę, aduentū nostrū ad sese sibi imprimis gratum esse affirmauit: ostendit si bi curæ fore cōmoda nostra, idq; breui nos re ipsa intellecturos pollicitus est. Egi gratias, cōmemoratisq; causis, quib. ad veniendū effectus fueram difficilior, institi repetere eadē q̄ in literis scripseram: nihil me malle in hac iā mea præcipitante ætate, q̄ in ocio viuere, & quib. me donis Deus ornare (si tamē vllis ornauit) voluisset, ea ipsa dona ad illius laudē gloriāq; conuertere: esse mihi in animo laboranti fidei Catholicę ferre opem, si quā possem: præsertim q̄ tam multis oppugnationib. labefactata atq; vexata, paucos qui se defenderent, iam haberet. Hoc autē dicebam, quòd de duorum doctissimorū hominum morte, Alberti Pighij, & Ioan. Ecchij nuntij huc peruenerant. Proinde rogauit vt mihi redditum concederet in ea loca, in quibus hoc optimè fieri à me & cōmodissimè posset. Respōdit in præsentia nihil se de hac re constituere posse: videre me statū periclitantis Christianę Reip. in ea regenda egere se ope multorū atq; conlio: in eoq; nonnihil mihi sublanditus est. Hoc sermone habito, dabatur enim eo die senatus Episc. Genuati nuper in Card. collegiū allecto, tū primū ad Pontificē venienti, sessum oēs cōcessimus. Postridie, qui fuit dies 6. Id. Iunij, senatus iterū vocatus est: causa conueniendi fuit, q̄ cū superiorib. diebus fuisset de cōsilijs sentētia decretū, si Cęsar Bononiā venire recusaret (pperare enim dicebatur, nec spatiū habere tā longē ab itinere declinādi) vt ne vltius præcederet Pōtifex, sed vel illū Bononię

exciperet, vel si id non contingeret, inappellatum ab-  
 repateretur: cū tamen si quid in congressu agendum  
 esset, id mittendis nuntijs facile posset sarciri. Ratio au-  
 tem ita decernēdi fuerat, quōd videbatur hoc dīgnitati  
 & grauitati sedis Apostolicę maximē cōuenire: simulq;  
 ætatem Pontificis pergrandem tot itinerum laboribus  
 obijci non placebat. Ergo hæc eadem res iterum addu-  
 cta erat in disceptationem: placerētne vltius obuiam  
 procedi necne. Nā Cæsar quidem Parmę se ostenderat  
 Pontificem libenter conuenturum: hic quinq; ante me  
 rogati, in sententia pristina manserunt: cū exceptione  
 tamen, nisi certa spes aliqua de pace esset oblata, quæ  
 iter suaderet: tum enim iri oportere cōsuerunt. Ego ro-  
 gatus, contrariam sententiam dixi de valetudine & in-  
 columitate corporis ad Pontificis iudicium reieci. Di-  
 gnitatem in eo dixi positam, si quæ vtilia & commoda  
 Reip. Christianę essent, agerētur: hanc vnam me agno-  
 scere, neq; aliam præterea vllam in ecclesiasticis homi-  
 nibus dignitatem. Inquirere certam spem in eis rerum  
 euentibus, quos suæ potestati Deus reseruasset, non esse  
 nostrum: velle & conari bona, quod in nobis esset, ad  
 nos id pertinere: me tamen sperare, cū Cæsar & tem-  
 pus anni, & Pontificis ætatem laboresq; conspexisset,  
 habiturum illum officij rationem, & ad pacis consilia  
 si non promptē (quod tamen ipsum à tanto Principe  
 expectandum non esset) attamen, inductum pudoris sti-  
 mulis, facilius de se daturum. in hac quidem re suaden-  
 da plus effecturum esse præsentem Pontificem, quàm  
 si absens per nuntios hæc eadem ageret. Postremo vel  
 hac vna ratione necessariò dixi proficiscendum, vt ru-  
 mores hominum comprimerentur. Erat enim sermo  
 latè dissipatus, ortas esse Pontifici cum Cæsare simulta-  
 tes: quarū, si fuisset colloquium deuotum, non sine pe-  
 riculi alicuius suspicione altius hominum mentib. opi-  
 nio insedisset. Hac à me sententia dicta, ab omnib. deinceps  
 in eandem est discessum. Itaq; Parmā venimus, he-

riq; Pontifex ingressus urbem est: cras verò aut peren-  
 die Cæsarem expectamus. Is porro si venerit, poteritq;  
 à nobis conueniri, quod dabimus operam vt fiat, & spò  
 tiū cū eo habuerimtis colloquendi, non deero officio  
 & pietati in Rempublicam meæ: animo equidē sum o-  
 ptimo, sed diuina imprimis benignitate est opus. Illud  
 mihi admodū molestū est, quòd non potest persuaderi  
 hominibus, ex hoc congressu aliud quippiā quæri, nisi  
 priuatū aliquorum cōmodum. Itaq; mira iactantur in  
 vulgus, quæ vobis quoq; audita esse arbitror. Ego quo-  
 quo animo fuerint alij, integrū me quidem à labe om-  
 ni seruabo. Hæc scribebam, 16. Cal. Iulij, cogitans cras  
 conuenire Farnesium, agereq; cū eo de ijs rebus, de qui-  
 bus tu ad me scripseras, ut commendem illi causas popu-  
 lorum suorum, qui non voluntate, sed propè necessariò  
 magi: stratibus imperio minus audientes fuissent. Nec  
 diffido iuuenem illum, vt est clementia insigni & boni-  
 tate præditus, ad omnia equa descensurum. Iam sum cum  
 Farnesio locutus, gratum habuit consilium nostrum: om-  
 nia vti fierent, quæ ego suadebā, præcepit: negotium  
 datum AndringhELLO est, homini prudenti (vt tute scis)  
 & erga nos imprimis officioso. Tu rem totā quomodo  
 se habeat ex Florebello cognosces. Ego in hac molestia  
 & dolore animi, quæ ex publicis reb. capio, hoc tamen  
 me consolor, quòd careo ipse omni culpa, & quæ mihi  
 aut monenda aut accusanda videntur esse, libera vòcē  
 pronuntio: sumq; hanc libertatē perpetuò seruaturus.  
 Omnibus quidem ex locis terra mariq; aduersæ res au-  
 diuntur, itaq; mihi impendere videtur iam extremum.  
 De Cæsare adhuc incertum, sit ne, necne Parmā ventu-  
 rus. Incidūt enim quotidie nodosiora quēdā, quæ expli-  
 catu perdifficilia sunt. cū enim hodie aut cras expe-  
 ctaretur à nobis, in X. Calend. reiecti repentē sumus.  
 Vtinam mihi liceat aliquando redire ad vos: cui meo o-  
 ptato si fortuna, vel Deus ipse potius fauerit, nunquā  
 istinc viuus amplius exiturus sum. mea me suauissima  
 studia

Audia, & studiorū amœna diuersoria, imprimisq; liber  
 satis trāquillitatīsq; cupiditas, & vigilantem & in som  
 nis semper ad vos rapit: vnumq; iam meum est desideri  
 um, cum hominibus istius prouinciæ mei amantissimis,  
 vicissimq; mihi carissimis, & habitandi, & viuēdi, quos  
 tu omnes quidem, præcipueq; Carpentoraetenses me  
 os, & priuatim & publicè meis salutabis verbis: eximi  
 eq; eos quos scis à me valde diligi, quanquam in amore  
 quidem pares habeo cunctos, in familiaritate non ita.  
 Ioanni Francisco & cæteris nostris contubernalibus sa  
 lutē dic: ipsumq; imprimis hortare, vt ad me & crebrò  
 & copiosè scribat. Si res meas constitutas habereim, sta  
 tuerem quid agendum mihi esset, quod pertinet ad eū  
 & ad cæteros. Adhuc nihil habeo nisi verba, quibus in  
 Septimum vsq; annum iā sum productus. Sed hæc Deus  
 viderit. Tu mi Paule vale, & nos amanter expecta. Par  
 mæ, XV. Calend. Iulij, M.D. XLIII.

IAC. SADOLETVS S. R. E. CARD.

Paulo Sadoletto, S. P. D.

**A**Ccepi nudiუს quartus tuas, & Ioannis Francisci lite  
 ras, ex quibus illam lēgitimā primò aspectu cepi, q  
 de vtriusq; vestrum valetudine quæ maximè opta  
 bam, ea mihi attulerunt. Quin etiam cumulus additus  
 est, quòd in suis sacris literis Ioan. Frānciscus de tua qua  
 dā egregia in se fouendo & subleuando cura si studio  
 sè loquitur, vt salutem suam prorsus tibi acceptam vi  
 deatur referre. Reliqua quæ scribis de Nicolao Peitel  
 lio nostro, q is mirificè tibi & in concionibus & in vita  
 moribusq; satisfaciat, ea mihi iucundissima fuerūt: nec  
 cum tamē tantopere abs te laudari miror: summā enim  
 ego quoq; cum isthic essem, in eo probitatē, summā  
 modestiam, excellentem cū linguarū, tum optimarum  
 artium scientiam eruditionemq; cognoui. Eius verò cō  
 cionandi genere nihil arbitror fieri posse, nec sentētia  
 rum pietate sanctius, nec rerum ordine distinctius, nec  
 oratione elegantius atq; subtilius. Qui quòd tam egrē

giam nobis, ac tam fidelem operam apud ciues nostros nauauerit, eis in recta & à maioribus nostris tradita religione ac fide continendis, & dolis insidijsq; hereticorū hominum aperiendis, ac tanq̃ sub aspectum ponendis: dici non potest quantopere illi me in perpetuū hoc nomine obstrictum esse intelligā. Ei te maximas volo me is verbis agere gratias: quas vti etiam referam maximè mihi curæ est: etsi hanc eius remunerandi rationem propter summam hominis abstinentiam, de qua tu sepe ad me scripsisti, difficilem fore video: cū is nullum huiusmodi spectari vnquam à se laborum suorum premium præseferat. Sed quo ille moderatior, hoc omninè nobis honore & remuneratione est dignior. De tuo aduentu ad nos, quòd te paratum adueniendum ostendis, mihi valde gratum. Farnesius mihi certè confirmauit, se tibi successorem hoc Septembri mense omnino missurum esse: quapropter Octobri in viam dare te poteris. Equidem auidè te expecto, cū propter alia multa, tū vt de committenda tibi Ecclesia summum consilium capiamus. Ego enim Paule iam nec honores, nec diuitias, nec vllum statum vitæ in quo splendor sit aut dignitas, sed tantum quietem, & silentium, & otium his meis extremis annis peto. Quod non possum quidem adipisci impræsentia, ob ea impedimenta quæ tu nosti. Veruntamen non absum longè ab hac spe, consultum aliquando fore rationib. meis, quæ ad hoc genus vitæ cunctæ respiciunt: qua de re tota, cū veneris, deliberabimus. Etsi id quoq; mihi est cōcedendum, vt frui aliquādo tuo optato aspectu, & mei animi sensus mihi conferre tecū liceat. Quam cōmunicationem nostram sermonum & voluntatum, tibi quoq; olim solitam videri suauissimā recordor. Quòd quæris, vtrum malim per Fortiam an per Olgiatum accipere hic ex permutatione pecunias: iam te puto intellexisse ex literis Florebelli nostri, conditionem Olgiati multò esse potiorē, quòd neque interrummētum vllum cum eo sit, & nummos anti-

cipa-



cipare aliquantum antè est potestas: cuius nunc commo-  
 ditatis non prætermittendè longè opportunissimū tem-  
 pus est, cū annum penū totum simul est congeren-  
 dum. Itaq; tenendus quid ē est Fortia, sed tamen quoad  
 licebit hac liberalitate Olgiati utemur. Hactenus heri  
 scripseram. Hodie ad me fuit Olgiatus, dixit se habere  
 literas à socijs suis Pantiaticis Lugduno, V. Calen. Iunij  
 datas, quib. Illi cum faciunt certiozem, se nummum ad  
 huc nullū de quadringentis accepisse. Porro biduo post  
 Colybum futurum esse Lugduni, hoc est ad tertiū Ca-  
 lendas Iunij: ad quē diem si nihil esset solutum, socios  
 non parum detrimenti esse facturos. Sanè dolui, nō tā-  
 rem meam quā fidem in discrimen vocari. Nā quod  
 iacturæ hi facient, si modò quicquam faciēt, æquum id  
 quidem est refarciri per nos. Quod verò conductor ve-  
 ctigalium nostrorum fidem meis literis non habuerit:  
 fueritq; veritus, ne fortè ego bis eandem pecuniam acci-  
 perem, & hīc, & istic, visusq; sit integritati meæ diffide-  
 re, id sanè mirum mihi accidit: quod is me, quem opti-  
 mē nosse debeat, non ex proprio quodam meo genere,  
 sed ex cōmuni & quotidiana horum hominū, qui ho-  
 die sunt, cōditione existimet. At ego tibi dico etiā atq;  
 etiam me nō cum Fortia, sed cū Olgiato pecunias sem-  
 per permutaturum, quoad scilicet licitum erit. Quam-  
 obrem si ad diem dictam pecunia non soluta est, saltem  
 curato ut sciamus quid factum sit iacturæ, ut satisfacere  
 socijs possimus: quando fides mihi quidem quā vita,  
 nedum quā pecunia longè est carior. De locis sacris vio-  
 latis, quod perperam fuerit huc scriptum, gaudeo rem  
 ut scribis ita esse: fugiō enim contentiones. Sed eo tamē  
 animo sum, ut temeritati eorum, qui ad hęc audēda fa-  
 cilè adducuntur, nihil sim vllō pacto cōcessurus. Factos  
 Coss. optimos & iustissimos viros, quorum sub tutela  
 & custodia florebit ciuitas, summæ mihi & voluptati:  
 & amo equidem omneis, sed cum duobus Helia & Pa-  
 pio, scis magnum mihi ysum magnamq; familiaritatē

semper fuisse. Iis igitur tu plurimam meis verbis salutem. Nam quod de facto teo diui Siffredi templo praestando decreuerint, tu continuo ad me scribes. Honorati E. bredunensis hospitii nostri valetudinem magnam tibi curae fuisse, vehementer mihi gratum est, gaudeoq; homini sanitatem esse restitutam. Eum ego bonum semper virum cognoui, & amantem nostri, & dignum cuius causa laborem libenter suscipiamus. Omnino haec humanitas, qua utimur erga omnes, cum laudanda per sese est, tum cum in bene meritos de nobis confertur, non solum laudem habet, sed mirificam etiam quadam animi voluptatem. Nec verò, cum multa sint mea, quae tu expressa in tuis moribus refers, quicquam mihi accidere in te potest optabilius & gratius, quam ista benefica & liberalis erga notos ignotosq;, quam adhibes, uoluntas. Pro legatum arbitror in hortis nostris abs te bene fuisse acceptum: eius ego nuntium comiter hic excepi, multaq; dixi, quae ad meam in illum declarandam beneuolentiam pertinebant. De te quidem ipso ita cum eo actum est à me, & antea etiam à Florebello, ut ille in hanc totus opinione discesserit, & à te non mediocriter diligi, Annibalem quaesisse nouas nuptias non reprehendo, affinitatem probo. Dolco de Nicolao. Eorum utrunq; saluere meis verbis iubebis. Nunc, ut de me ipso aliquid tibi scribam. Ego inuitus quidem in hac urbe maneo, longe à meo loco à meis agenda vitae consilijs. Sed tamen firmo animum ad perpetiendum & ferendum, quoad offeratur mihi occasio honestè hinc discedendi, quam praetermissurus non sum. Neq; eò dico, quod me quanti fiam ab hoc populo, & ab hac curia poeniteat, Sed nihil mihi iam dulce est, praeter solitudinem & silentium. Itaque nec Carpentoraete, nec Felicianum, neque hortos iam quosuis tam mihi propono, quam locum aliquem solum ubi uis gentium, in quo mihi deponere omnes harum rerum & temporum curas & sollicitudines liceat. Quae etiam de causa cupidius te requiro, quod mihi non

videor

videor quicquam agere rectè sine assensu tuo , & sine  
communicatiõe tecum omnium rerum posse. Ego hoc  
ipso tempore , quo hæc scribebam , habitabam in ædi-  
bus quæ adiunctæ sunt templo Diui Petri cognomine  
ad vincula. Eæ enim mihi cum titulo vnâ obuenerūt:  
& est earum tamen prospectus , quàm opportunitas ,  
commodior: vnum enim tantum ordinem cubiculorū  
habent, inter se peruium totum , tanquam longam li-  
neam omni latitudine carentem: sed hoc inest commo-  
di, quòd in contignationibus quatuor , quibus domus  
in excelsum sublata est, in medio duo sunt ordines cubi-  
culorum, alter alteri superpositus: in finis locus culinæ  
cellisq; deseruit: summa omnium est ambulatio longè  
lateq; prospiciens: frons ipsa ædium ad Septentriones  
conuersa: itaq; salubris locus existimatur , & matutinis  
deambulationibus accõmodus: habetq; hoc præterea bo-  
ni, quod vineæ nostræ Quirinali propinquus est. Quæ quidẽ  
vineæ etsi à me satis accuratè excõlitur, te tamen, longè  
studiosorem, quàm me, & meliorem sui cultorẽ expectat.  
Hæc scripsi dans operã purgationibus, nõ enim satis bel-  
le me habebam, & hoc ipso die manna portionẽ acceperã.  
Hoc autem scribendi genere vsurus tecum sum sæpius,  
si per calores & valetudinem licuerit. Nostri omnes  
in officio sunt. Camillus noster pudore, modestia, &  
pietate erga me, egregiè mihi satisfacit. Is te eximiè di-  
ligit , actuum aduentum auidè expectat. Sperat ado-  
lescentem magnæ nobis voluptati fore. Tu fac vt vale-  
as, omnibusq; amicis salutem nuncies, præcipueq; Ca-  
tharino nostro, quem ego hominem facie quotidie  
pluris, magisq; & magis diligo , quemadmo-  
dum mihi videntur ipsius optimi mores  
& virtutes eximiæ mereri. Iterum  
vale. Romæ, VI. Idus Iunij,  
M. D. XLVI.

F I N I S.



JACOBUS SADOLETUS

S. R. E. CARDINALIS

PHILIPPO MELANCHTHONI

Suo P.

Carpentor acti cum esset, quo in loco  
statutum habere me credens domici-  
lium perpetuum videri fortunarumque  
mearum omnium; repente tamen in-  
de discedere et Romam redire, jussu  
Pontificis Maximi, sum coactus. Sed  
cum ibi esset, excidebat mihi ferre  
quotidie, ut aliquid nancisceris de  
scriptis tuis; quod ego, et propter  
excellens ingenium tuum, et propter  
elegantiam styli atque orationis,  
libentissime legere solebam. Quod cum  
sapienter facerem, magisque in le-  
cendo delectatione afficerer, sensi paula-  
tim mihi incendi animum ad geran-  
dam benevolentiam hominis tui, usque  
ad quidem ut mihi quodam studio te  
cum in eunda amicitia teneres. Illi enim  
nonnulla erat inter nos opinionum di-  
scordia, ea tamen animorum dissidi-  
um, apud ingenue eruditos, minime  
faciebat. Jamque mihi erat delibera-  
tum scribere ad te, primasque aperire  
amicitia foret; cum subito, ut dicere  
coeperam, ad usum necessitas et  
per

per causam appropinquantis Concilii,  
earumque rerum tractandarum & con-  
siderandarum, quas mox in Concilio  
agere oporteret, e mea Ecclesia ubi  
Decennio manseram evocatus, Pon-  
tifice & hujus optimi & prudentissimi  
inter non facile, intus atque immu-  
tatis in amplissimum ordinem S. R. E.  
Cardinalium cooptatus sum. De-  
ret esset ut mea voluntati in-  
candit ad te iterum obsequeretur to-  
tus. Non enim diu notest, ut ex  
illa pristina parata, atque felice  
vita in hanc tumultuosam & plenam  
strepitus transductus sum, quæ soli-  
tudines, quàm multa gravet cura,  
eandemque permolesta me exceperint.  
quæ quidem mihi necesse fuit acci-  
dere. Hanc enim ego vitam & prius  
judicio fugeram, & alteram illam  
item judicio fueram persequutus. Qua-  
rum nunc utraque, cum mihi contra  
animi sententiam ceciderit, nec la-  
tari possum habere me quod voluis-  
sem, & necessario doleo me amisisse  
quod diligebam. sed quoniam Deo  
parendum est, & nobis sic statuenti,  
dabimus nos operum, quantum per  
eius auxilium opemque, licebit, ut  
ho -

honorem hunc rectè integrèque admittēremus. Quod autem nostra est instituta scriptio, non est passus me, ut, mi Philippe, in te animus diutius hoc à me officium differri, quin ut primum è turba & molestiis animus emergeret cooperat, litteras ad te dārem & pignus meae propendae in te voluntatis, & invitamentum in me tuae; si id quod ego in te amando meae exultationi de tuis eximīs virtutibus tribuo: tu humanitati tuae, ut me pari benevolentia complectari esse dandum duxerit. Quod quidem te rogo ut facias, neque me sitientem familiaritatis tuae deleas. Non enim ego il sum, qui ut quisque à nobis opinione dissentit, statim eum odio habeam. Arrogantis est hoc & elati animi, non mansueti & comis, quae me potius ad partes natura mea vocet. Sed faveo ingeniis, virtutes hominum colo, studia litterarum diligo; in quibus tu ut doctrinae & ingenii: sic amoris mei non mediocres partes possides. Nec dubito quin tu eadem mente & voluntate sis praeditus; etenim animo qui tam liberaliter artibus ~~ambulat~~ ingenuis exultus sit, nihil agreste, neque asperum



asperum inesse potest. Quo etiam ma-  
jorem mihi spes virtus tua facit  
meas hoc apud te ponderis litteras  
habituarias, ut qui locorum spatii di-  
juncti sumus, animis tamen & bene-  
volentia conjungamur. Quod ego ma-  
ximè aveo, expectoque, tibi quoque pro-  
sus persuasum cupio, in numero eo-  
rum qui te diligunt & florentem cu-  
riant; quorum magna est profectò,  
pro tui nominis celebritate, multi-  
tudo, me principem locum appetere,  
nichilque vehementius cupere, quam  
dari mihi locum probandi tibi ipsa  
& declarandi amoris erga te mei. In  
quo tu, si antea mihi aliquam, oc-  
casionemve mea explenda hujus-  
ce cupiditatis praeberis, magno  
me ab te beneficio affectum ar-  
bitrabor. Omnia quidem, quae tibi gra-  
ta esse sentio, tanto studio ac  
diligentia exsequar, ut nec fide-  
quisquam exsequi majore, nec bene-  
volentia possit; sicut & mea na-  
tura officii in primis colent, & sus-  
ceptus jam in te amor & perpetu-  
um meum, erga viros doctos, studi-  
um postulat. Vale, mi doctissime  
Melanchthon, & res tui amantissimi  
dilige. Roma XV. Cal. Julii MDXXXVII.  
Amantissimus tui Jac. Padoletus  
Cardin. Carpentoracensis.



















